

[2000/10/22 v3.01 Landscape Pages (DPC)]

[2016/05/21 v2.44 Cross-referencing by name of section]

तैत्तिरीय
ब्राह्मणम्

Colophon

This document was typeset using X_YTeX, and uses the Siddhanta font extensively. It also uses several L^AT_EX macros designed by H.~L.~Prasād. Practically all the encoding was done with the help of Ajit Krishnan's mudgala IME (<http://www.aupasana.com/>).

Acknowledgements

The initial ITRANS encodings of some of these texts were obtained from <http://sanskritdocuments.org/> and <https://sa.wikisource.org/>. Thanks are also due to Ulrich Stiehl~ (<http://sanskritweb.de/>) ~for hosting a wonderful resource for Yajur Veda, and also generously sharing the original Kathaka texts edited by Subramania Sarma.

See also <http://stotrasamhita.github.io/about/>

FOR PERSONAL USE ONLY
NOT FOR COMMERCIAL
PRINTING/DISTRIBUTION

Contents

अष्टकम् 1	1
प्रथमः प्रश्नः	2
द्वितीयः प्रश्नः	14
तृतीयः प्रश्नः	23
चतुर्थः प्रश्नः	34
पञ्चमः प्रश्नः	46
षष्ठमः प्रश्नः	57
सप्तमः प्रश्नः	70
अष्टमः प्रश्नः	82
 अष्टकम् 2	 89
प्रथमः प्रश्नः	90
द्वितीयः प्रश्नः	100
तृतीयः प्रश्नः	113
चतुर्थः प्रश्नः	123
पञ्चमः प्रश्नः	137
षष्ठमः प्रश्नः	146
सप्तमः प्रश्नः	164
अष्टमः प्रश्नः	176
 अष्टकम् 3	 191
प्रथमः प्रश्नः	192
द्वितीयः प्रश्नः	204
तृतीयः प्रश्नः	219
चतुर्थः प्रश्नः	233
पञ्चमः प्रश्नः	236
षष्ठमः प्रश्नः	242

सप्तमः प्रश्नः	251
अष्टमः प्रश्नः	273
नवमः प्रश्नः	291

॥अष्टकम् १॥

॥प्रथमः प्रश्नः॥

॥तैत्तिरीयब्राह्मणे प्रथमाष्टके प्रथमः प्रपाठकः॥

ब्रह्म सन्धत्तं तन्मै जिन्वतम्। क्षत्रं सन्धत्तं तन्मै जिन्वतम्। इषं सन्धत्तं तां मै जिन्वतम्। ऊर्जं सन्धत्तं तां मै जिन्वतम्। रयिं सन्धत्तं तां मै जिन्वतम्। पुष्टिं सन्धत्तं तां मै जिन्वतम्। प्रजां सन्धत्तं तां मै जिन्वतम्। पशून्सन्धत्तं तान्मै जिन्वतम्। स्तुतोऽसि जनन्धाः। देवास्त्वां शुक्रपाः प्रणयन्तु॥₁॥

सुवीराः प्रजाः प्रजनयन्परीहि। शुक्रः शुक्रशोचिषा। स्तुतोऽसि जनन्धाः। देवास्त्वां मन्थिपाः प्रणयन्तु। सुप्रजाः प्रजाः प्रजनयन्परीहि। मन्थी मन्थिशोचिषा। सञ्जग्मानो दिव आपृथिव्यायुः। सन्धत्तं तन्मै जिन्वतम्। प्राणं सन्धत्तं तं मै जिन्वतम्। अपानं सन्धत्तं तं मै जिन्वतम्॥₂॥

व्यानं सन्धत्तं तं मै जिन्वतम्। चक्षुः सन्धत्तं तन्मै जिन्वतम्। श्रोत्रं सन्धत्तं तन्मै जिन्वतम्। मनः सन्धत्तं तन्मै जिन्वतम्। वाचं सन्धत्तं तां मै जिन्वतम्। आयुः स्थ आयुर्मे धत्तम्। आयुर्यज्ञाय धत्तम्। आयुर्यज्ञपतये धत्तम्। प्राणः स्थः प्राणं मे धत्तम्। प्राणं यज्ञाय धत्तम्॥₃॥

प्राणं यज्ञपतये धत्तम्। चक्षुः स्थश्चक्षुर्मे धत्तम्। चक्षुर्यज्ञाय धत्तम्। चक्षुर्यज्ञपतये धत्तम्। श्रोत्रं स्थः श्रोत्रं मे धत्तम्। श्रोत्रं यज्ञाय धत्तम्। श्रोत्रं यज्ञपतये धत्तम्। तौ देवौ शुक्रामन्थिनौ। कल्पयन्तं दैवीर्विशः। कल्पयन्तं मानुषीः॥₄॥

इषमूर्जमस्मासु धत्तम्। प्राणान्यशुषु। प्रजां मयि च यजमाने च। निरस्तः शण्डः। निरस्तो मर्कः। अपनुत्तौ शण्डामर्कौ सहामुना। शुक्रस्य समिदसि। मन्थिनः समिदसि। स प्रथमः सङ्कृतिर्विश्वकर्मा। स प्रथमो मित्रो वरुणो अग्निः। स प्रथमो बृहस्पतिश्चिकिबान्। तस्मा इन्द्राय सुतमा जुहोमि॥₅॥

नयन्चपानं सन्धत्तं तं मै जिन्वतं प्राणं यज्ञाय धत्तं मानुषीरग्निर्देवं च॥ (ब्रह्म क्षत्रं तदिषमूर्जं रयिं पुष्टिं प्रजां तां पशून्तान्सन्धत्तं तत्प्राणमपानं व्यानं तं चक्षुः श्रोत्रं मनस्तद्वाचं ताम्।

इषादिपथके वाचं तां मै पशून्सन्धत्तं तान्मै प्राणादित्रितये तं मेऽन्यत्र तन्मै॥ [1]

कृत्तिकास्त्रग्निमादधीत। एतद्वा अग्नेर्नक्षत्रम्। यत्कृत्तिकाः। स्वायामैवैनं देवतायामाधाय। ब्रह्मवर्चसी भवति। मुखं वा एतन्नक्षत्राणाम्। यत्कृत्तिकाः। यः कृत्तिकास्त्रग्निमाधत्ते। मुख्यं

ए॒व भ॑वति। अथो॒ खलु॑॥६॥

अ॒ग्नि॒क्ष॒त्रमि॒त्यप॑चायन्ति। गृ॒हान् ह॒ दाहु॑को भवति। प्र॒जाप॑ती रोहि॒ण्याम॒ग्निम॑सृजत। तं दे॒वा रो॑हि॒ण्यामा॑दधत। ततो॒ वै ते सर्वा॑न्त्रो॒हान॑रोहन्। तद्रो॑हि॒ण्यै रो॑हि॒णिब॑म्। यो रो॑हि॒ण्याम॒ग्निमा॑धत्ते। ऋ॒ध्नोत्ये॒व। सर्वा॑न्त्रो॒हान्रो॑हति। दे॒वा वै भ॒द्राः सन्तो॑ऽग्नि॒माधि॑त्सन्त॥७॥

तेषा॒मना॑हि॒तोऽग्नि॑रासीत्। अथै॒भ्यो वा॒मं व॒स्वपा॑क्रामत्। ते पुन॑र्व॒स्वोरा॑दधत। ततो॒ वै तान् वा॒मं व॒सूपा॑वर्तत। यः पु॒राऽभ॒द्रः स॒न्यापी॑यान्त्स्यात्। स पुन॑र्व॒स्वोर॒ग्निमा॑दधीत। पुन॑रे॒वेन॑ वा॒मं व॒सूपा॑वर्तते। भ॒द्रो भ॑वति। यः का॒मये॑त॒ दान॑का॒मा मे प्र॒जाः स्यु॑रिति। स पू॒र्वयोः॒ फल्गु॑न्यो॒रग्नि॑मा॑दधीत॥८॥

अ॒र्य॒म्णो वा ए॒तन्न॑क्ष॒त्रम्। यत्पूर्वे॑ फल्गु॑नी। अ॒र्यमे॒ति तमा॑हु॒र्यो ददा॑ति। दान॑का॒मा अस्मै प्र॒जा भ॑वन्ति। यः का॒मये॑त॒ भगी॒ स्यामि॑ति। स उ॒त्तर॑योः॒ फल्गु॑न्यो॒रग्नि॑मा॑दधीत। भग॑स्य॒ वा ए॒तन्न॑क्ष॒त्रम्। यदु॒त्तरे॑ फल्गु॑नी। भ॒ग्येव॑ भ॑वति। का॒ल॒क॒ञ्जा वै ना॒मासु॑रा आसन्॥९॥

ते सु॒वर्गा॑य॒ लोका॑या॒ग्निम॑चिन्वत। पुरु॑ष॒ इष्ट॑का॒मुपा॑दधात्पुरु॑ष॒ इष्ट॑काम्। स इन्द्रो॑ ब्राह्म॒णो ब्रुवा॑ण॒ इष्ट॑का॒मुपा॑धत्त। ए॒षा मे॑ चि॒त्रा ना॑मेति। ते सु॒वर्गं॑ लो॒कमा॑ प्रा॒रोह॑न्। स इन्द्र॒ इष्ट॑का॒मावृ॑हत्। तेऽवा॑कीर्यन्त। येऽवा॑कीर्यन्त। त ऊ॒र्णाव॑भयोऽभवन्। द्वावु॑द॒पत॑ताम्॥१०॥

तौ दि॒व्यौ श्वा॒नाव॑भवताम्। यो भ्रातृ॑व्यवा॒न्त्स्यात्। स चि॒त्राया॑म॒ग्निमा॑दधीत। अ॒वकी॑र्ये॒व भ्रातृ॑व्यान्। ओजो॒ बल॑मिन्द्रि॒यं वी॒र्य॑मा॒त्मन्ध॑त्ते। वस॑न्ता॒ ब्राह्म॑णोऽग्नि॒माद॑धीत। व॒सन्तो॒ वै ब्रा॑ह्म॒णस्य॑र्तुः। स्व॒ ए॒वेन॑मृ॒तावा॑धाय। ब्र॒ह्मव॑र्च॒सी भ॑वति। मुखं॒ वा ए॒तद॑तूनाम्॥११॥

यद्व॑सन्तः। यो व॒सन्ता॑ऽग्नि॒माध॑त्ते। मुख्यं॒ ए॒व भ॑वति। अथो॒ योनि॑मन्तमे॒वेन॑ प्र॒जात॑माधत्ते। ग्री॒ष्मे रा॑ज॒न्यं आ॑दधीत। ग्री॒ष्मो वै रा॑ज॒न्यस्य॑र्तुः। स्व॒ ए॒वेन॑मृ॒तावा॑धाय। इन्द्रि॒यावी॑ भ॑वति। श॒रदि॒ वैश्य॑ आ॑दधीत। श॒रद्वै वैश्य॑स्य॒र्तुः॥१२॥

स्व॒ ए॒वेन॑मृ॒तावा॑धाय। प॒शुमा॑न्भवति। न पू॒र्वयोः॒ फल्गु॑न्यो॒रग्नि॑मा॑दधीत। ए॒षा वै ज॑घ॒न्या रा॒त्रिः सं॑वत्स॒रस्य॑। यत्पूर्वे॑ फल्गु॑नी। पृ॒ष्ठित॑ ए॒व सं॑वत्स॒रस्या॑ग्नि॒माधा॑य। पा॒पीया॑न्भवति। उ॒त्तर॑यो॒रा द॑धीत। ए॒षा वै प्र॑थ॒मा रा॒त्रिः सं॑वत्स॒रस्य॑। यदु॒त्तरे॑ फल्गु॑नी। मुख॑त॒ ए॒व सं॑वत्स॒रस्या॑ग्नि॒माधा॑य। व॒सीया॑न्भवति। अथो॒ खलु॑। यदै॒वेन॑ य॒ज्ञ उ॑प॒नमे॑त्। अथा॑दधीत। सै॒वास्य॑र्द्धिः॥१३॥

उद्धन्ति। यदेवास्यां अमेध्यम्। तदपहन्ति। अपोऽवोक्षति शान्त्यै। सिकता निवपति। एतद्वा
अग्नेवैश्वानरस्य रूपम्। रूपेणैव वैश्वानरमवरुन्धे। ऊषां निवपति। पुष्टिर्वा एषा प्रजननम्।
यदूषाः॥¹⁴॥

पुष्ट्यामेव प्रजननेऽग्निमाधत्ते। अथो संज्ञानं एव। संज्ञानं ह्येतत्पशूनाम्। यदूषाः।
द्यावापृथिवी सहास्ताम्। ते वियती अब्रूताम्। अस्त्रेव नो सह यज्ञियमिति। यदमुष्या
यज्ञियमासीत्। तदस्यामदधात्। त ऊषां अभवन्॥¹⁵॥

यदस्या यज्ञियमासीत्। तदमुष्यामदधात्। तददश्चन्द्रमसि कृष्णम्। ऊषान्निवपन्नदो ध्यायेत्।
द्यावापृथिव्योरेव यज्ञियेऽग्निमाधत्ते। अग्निर्देवेभ्यो निलायत। आखू रूपं कृत्वा। स पृथिवीं
प्राविशत्। स ऊतीः कुर्वाणः पृथिवीमनु समचरत्। तदाखुकरीषमभवत्॥¹⁶॥

यदाखुकरीषः सम्भारो भवति। यदेवास्य तत्र न्यक्तम्। तदेवावरुन्धे। ऊर्जं वा एतं रसं
पृथिव्या उपदीका उद्दिहन्ति। यद्वल्मीकम्। यद्वल्मीकवपा सम्भारो भवति। ऊर्जमेव रसं
पृथिव्या अवरुन्धे। अथो श्रोत्रमेव। श्रोत्रं ह्येतत्पृथिव्याः। यद्वल्मीकः॥¹⁷॥

अबधिरो भवति। य एवं वेद। प्रजापतिः प्रजा असृजत। तासामन्नमुपाक्षीयत। ताभ्यः
सूदमुपप्राभिनत्। ततो वै तासामन्नं नाक्षीयत। यस्य सूदः सम्भारो भवति। नास्यं गृहेऽन्नं
क्षीयते। आपो वा इदमग्रे सलिलमासीत्। तेन प्रजापतिरश्राम्यत्॥¹⁸॥

कथमिदं स्यादिति। सोऽपश्यत्पुष्करपर्णं तिष्ठत्। सोऽमन्यत। अस्ति वै तत्।
यस्मिन्निदमधि तिष्ठतीति। स वराहो रूपं कृत्वोप न्यमञ्जत्। स पृथिवीमध आर्च्छत्। तस्यां
उपहत्योदमञ्जत्। तत्पुष्करपर्णेऽप्रथयत्। यदप्रथयत्॥¹⁹॥

तत्पृथिव्यै पृथिविबम्। अभूद्वा इदमिति। तद्भूम्यै भूमिबम्। तां दिशोऽनु वातः समवहत्।
तां शर्कराभिरदृहत्। शं वै नोऽभूदिति। तच्छर्कराणां शर्करबम्। यद्वराहविहतः
सम्भारो भवति। अस्यामेवाच्छम्बद्वारमग्निमाधत्ते। शर्करा भवन्ति धृत्यै॥²⁰॥

अथो शन्वायं। सरिता अग्निराधेय इत्याहुः। आपो वरुणस्य पत्न्य आसन्। ता
अग्निरभ्यध्यायत्। ताः समभवत्। तस्य रेतः पराऽपतत्। तद्विरण्यमभवत्।
यद्विरण्यमुपास्यति। सरितसमेवाग्निमाधत्ते। पुरुष इन्ध्रै स्वाद्रेतसो बीभत्सत् इत्याहुः॥²¹॥

उत्तरत उपास्यत्यबीभत्सायै। अति प्रयच्छति। आर्तिमेवाति प्रयच्छति। अग्निर्देवेभ्यो
निलायत। अश्वो रूपं कृत्वा। सोऽश्वत्थे संवत्सरमतिष्ठत्। तदश्वत्थस्याश्वत्थबम्। यदाश्वत्थः

सम्भारो भवति। यदेवास्य तत्र न्यक्तम्। तदेवावरुन्धे॥²²॥

देवा वा ऊर्जं व्यभजन्त। तत उदुम्बर उदतिष्ठत्। ऊर्वा उदुम्बरः। यदौदुम्बरः सम्भारो भवति। ऊर्जमेवावरुन्धे। तृतीयस्यामितो दिवि सोमं आसीत्। तं गायत्र्याऽहरत्। तस्य पूर्णमच्छिद्यत्। तत्पर्णोऽभवत्। तत्पर्णस्य पर्णत्वम्॥²³॥

यस्य पर्णमयः सम्भारो भवति। सोमपीथमेवावरुन्धे। देवा वै ब्रह्मन्नवदन्त। तत्पर्ण उपाशृणोत्। सुश्रवा वै नाम। यत्पर्णमयः सम्भारो भवति। ब्रह्मवर्चसमेवावरुन्धे। प्रजापतिरग्निमसृजत्। सोऽबिभेत्प्र मां धक्ष्यतीति। तश्च शम्याऽशमयत्॥²⁴॥

तच्छम्यै शमित्वम्। यच्छमीमयः सम्भारो भवति। शान्त्या अप्रदाहाय। अग्नेः सृष्टस्य यतः। विकङ्कतं भा आर्च्छत्। यद्विकङ्कतः सम्भारो भवति। भा एवावरुन्धे। सहृदयोऽग्निराधेय इत्याहुः। मरुतोऽद्विरग्निमतमयन्। तस्य तान्तस्य हृदयमाच्छिन्दन्। साऽशनिर्भवत्। यदशनिहतस्य वृक्षस्य सम्भारो भवति। सहृदयमेवाग्निमा धत्ते॥²⁵॥

ऊपां अभवन्नभवद्ब्रह्मिकोऽश्नाम्यदप्रथयद्धृत्यै बीभत्सत् इत्याहु रुन्धे पर्णत्वमशमयदच्छिन्दस्त्रीणि च॥ [3]

द्वादशसु विक्रामेष्वग्निमा दधीत। द्वादश मासाः संवत्सरः। संवत्सरादेवेनमवरुद्धा धत्ते। यद्द्वादशसु विक्रामेष्वग्निमा दधीत। परिमितमव रुन्धीत। चक्षुर्निमित्त आदधीत। इयद्द्वादश विक्रामा(3) इति। परिमितं चैवापरिमितं चाव रुन्धे। अनृतं वै वाचा वदति। अनृतं मनसा ध्यायति॥²⁶॥

चक्षुर्वै सत्यम्। अद्रा(3)गित्याहु। अदर्शमिति। तत्सत्यम्। यश्चक्षुर्निमित्तेऽग्निमाधत्ते। सत्य एवेनमा धत्ते। तस्मादाहिताग्निर्नानृतं वदेत्। नास्य ब्राह्मणोऽनाश्चानृहे वसेत्। सत्ये ह्यस्याग्निराहितः। आग्नेयी वै रात्रिः॥²⁷॥

आग्नेयाः पशवः। ऐन्द्रमहः। नक्तं गार्हपत्यमा दधाति। पशूनेवावरुन्धे। दिवाऽऽहवनीयम्। इन्द्रियमेवावरुन्धे। अर्धोदिते सूर्य आहवनीयमा दधाति। एतस्मिन्वै लोके प्रजापतिः प्रजा असृजत्। प्रजा एव तद्वजमानः सृजते। अथो भूतं चैव भविष्यच्चाव रुन्धे॥²⁸॥

इडा वै मानवी यज्ञानूकाशिन्यासीत्। साऽशृणोत्। असुरा अग्निमादधत् इति। तदगच्छत्। त आहवनीयमग्र आदधत्। अथ गार्हपत्यम्। अथान्वाहार्यपचनम्। साऽब्रवीत्। प्रतीच्येषां श्रीरंगात्। भद्रा भूत्वा परा भविष्यन्तीति॥²⁹॥

यस्यैवमग्निराधीयते। प्रतीच्यस्य श्रीरेति। भद्रो भूत्वा पराभवति। साऽशृणोत्। देवा

अग्निमादधत् इति। तदगच्छत्। तैऽन्वाहार्यपचनमग्र आदधत्। अथ गार्हपत्यम्।
अथाऽऽहवनीयम्। साऽब्रवीत्॥³⁰॥

प्राच्येषां॑ श्रीरंगात्। भद्रा भूत्वा सुवर्गं लोकमैष्यन्ति। प्रजां तु न वैत्स्यन्त इति।
यस्यैवमग्निराधीयते। प्राच्यस्य श्रीरेति। भद्रो भूत्वा सुवर्गं लोकमैति। प्रजां तु न विन्दते।
साऽब्रवीदिडा मनुम्। तथा वा अहं तवाग्निमाधास्यामि। यथा प्र प्रजयां
पशुभिर्मिथुनैर्जनिष्यसे॥³¹॥

प्रत्यस्मिँल्लोके स्थास्यसि। अभि सुवर्गं लोकं जेष्यसीति। गार्हपत्यमग्र आदधात्।
गार्हपत्यं वा अनु प्रजाः पशवः प्रजायन्ते। गार्हपत्येनैवास्मै प्रजां पशून्प्राज्जनयत्।
अथान्वाहार्यपचनम्। तिर्यङ्मिव वा अयं लोकः। अस्मिन्नेव तेन लोके प्रत्यतिष्ठत्।
अथाऽऽहवनीयम्। तेनैव सुवर्गं लोकमभ्यजयत्॥³²॥

यस्यैवमग्निराधीयते। प्र प्रजयां पशुभिर्मिथुनैर्जायते। प्रत्यस्मिँल्लोके तिष्ठति। अभि सुवर्गं
लोकं जयति। यस्य वा अयथादेवतमग्निराधीयते। आ देवताभ्यो वृश्चते। पापीयान्भवति।
यस्य यथादेवतम्। न देवताभ्य आवृश्चते। वसीयान्भवति॥³³॥

भृगूणां वाऽङ्गिरसां व्रतपते व्रतेनादधामीति भृग्वङ्गिरसामादध्यात्। आदित्यानां वा देवानां
व्रतपते व्रतेनादधामीत्यन्यासां ब्राह्मणीनां प्रजानाम्। वरुणस्य वा राज्ञो व्रतपते
व्रतेनादधामीति राज्ञः। इन्द्रस्य वेन्द्रियेण व्रतपते व्रतेनादधामीति राजन्यस्य। मनोस्त्वा
ग्रामण्यो व्रतपते व्रतेनादधामीति वैश्यस्य। ऋभूणां वा देवानां व्रतपते व्रतेनादधामीति
रथकारस्य। यथादेवतमग्निराधीयते। न देवताभ्य आवृश्चते। वसीयान्भवति॥³⁴॥

ध्यायति वै रात्रिश्चावरुन्धे भविष्यन्तीत्यब्रवीज्जनिष्यसेऽजयद्वसीयान्भवति नव च॥ [4]

प्रजापतिर्वाचः सत्यमपश्यत्। तेनाग्निमाधत्त। तेन वै स आर्धोत्। भूर्भुवः सुवरित्याह। एतद्वै
वाचः सत्यम्। य एतेनाग्निमाधत्ते। ऋध्नोत्येव। अथो सत्यप्रांशूरेव भवति। अथो य एवं
विद्वानभिचरति। स्तृणुत एवैनम्॥³⁵॥

भूरित्याह। प्रजा एव तद्यजमानः सृजते। भुव इत्याह। अस्मिन्नेव लोके प्रतितिष्ठति।
सुवरित्याह। सुवर्ग एव लोके प्रतितिष्ठति। त्रिभिरक्षरैर्गार्हपत्यमा दधाति। त्रय इमे
लोकाः। एष्वेवैनं लोकेषु प्रतिष्ठितमाधत्ते। सर्वैः पशुभिराहवनीयम्॥³⁶॥

सुवर्गाय वा एष लोकायाधीयते। यदाहवनीयः। सुवर्ग एवास्मै लोके वाचः सत्यः

सर्वमाप्नोति। त्रिभिर्गार्हपत्यमा दधाति। पञ्चभिर्गाहवनीयम्। अष्टौ सम्पद्यन्ते। अष्टाक्षरा
गायत्री। गायत्रौऽग्निः। यावानेवाग्निः। तमाधत्ते॥³⁷॥

प्रजापतिः प्रजा असृजत। ता अस्मात्सृष्टाः पराचीरायन्। ताभ्यो ज्योतिरुदगृह्णात्। तं
ज्योतिः पश्यन्तीः प्रजा अभि समावर्तन्त। उपरीवाग्निमुद्गृहीयादुद्धरन्। ज्योतिरेव पश्यन्तीः
प्रजा यजमानमभि समावर्तन्ते। प्रजापतेरक्ष्यश्चयत्। तत्पराऽपतत्। तदश्वोऽभवत्।
तदश्वस्याश्वत्थम्॥³⁸॥

एष वै प्रजापतिः। यदग्निः। प्राजापत्योऽश्वः। यदश्वं पुरस्तान्नयति। स्वमेव चक्षुः
पश्यन्प्रजापतिरनूदेति। वज्री वा एषः। यदश्वः। यदश्वं पुरस्तान्नयति। जातानेव
भ्रातृव्यान्प्रणुदते। पुनरा वर्तयति॥³⁹॥

जनिष्यमाणानेव प्रतिनुदते। न्याहवनीयो गार्हपत्यमकामयत। निगार्हपत्य आहवनीयम्।
तौ विभाजं नाशक्रोत्। सोऽश्वः पूर्ववाङ्मुखा। प्राश्वं पूर्वमुदवहत्। तत्पूर्ववाहः पूर्ववाद्वम्।
यदश्वं पुरस्तान्नयति। विभक्तिरेवैनयोः सा। अथो नानावीर्यावैवैनौ कुरुते॥⁴⁰॥

यदुपर्युपरि शिरो हरेत्। प्राणान् विच्छिन्द्यात्। अधोऽधः शिरो हरति। प्राणानां गोपीथाय।
इयत्यग्रे हरति। अथेयत्यथेयति। त्रयं इमे लोकाः। एष्वेवैनं लोकेषु प्रतिष्ठितमाधत्ते।
प्रजापतिरग्निमसृजत। सोऽबिभेत्प्र मां धक्ष्यतीति॥⁴¹॥

तस्य त्रेधा महिमानं व्यौहत्। शान्त्या अप्रदाहाय। यत्त्रेधाऽग्निराधीयते। महिमानमेवास्य
तद्व्यूहति। शान्त्या अप्रदाहाय। पुनरा वर्तयति। महिमानमेवास्य सन्दधाति। पशुर्वा एषः।
यदश्वः। एष रुद्रः॥⁴²॥

यदग्निः। यदश्वस्य पदैऽग्निमादध्यात्। रुद्राय पशूनपिदध्यात्। अपशुर्यजमानः स्यात्।
यन्नाक्रमयेत्। अनवरुद्धा अस्य पशवः स्युः। पार्श्वत आक्रमयेत्। यथाऽऽहितस्याग्नेरङ्गारा
अभ्यववर्तेरन्। अवरुद्धा अस्य पशवो भवन्ति। न रुद्रायापिदधाति॥⁴³॥

त्रीणि हवींषि निर्वपति। विराजं एव विक्रान्तं यजमानोऽनु विक्रमते। अग्नये पवमानाय।
अग्नये पावकाय। अग्नये शुचये। यदग्नये पवमानाय निर्वपति। पुनात्येवैनम्। यदग्नये
पावकाय। पूत एवास्मिन्नन्नाद्यं दधाति। यदग्नये शुचये। ब्रह्मवर्चसमेवास्मिन्नुपरिष्ठादधाति॥⁴⁴॥

एनमाहवनीयं धत्तेऽश्वत्थं वर्तयति कुरुत इति रुद्रो दधाति यदग्नये शुचये एकं च॥

[5]

देवासुराः संयत्ता आसन्। ते देवा विजयमुपयन्तः। अग्नौ वामं वसु सं न्यदधत्। इदमु

नो भविष्यति। यदि नो जेष्यन्तीति। तदग्निर्नोत्सहंमशक्रोत्। तत् त्रेधा विन्यदधात्। पशुषु तृतीयम्। अप्सु तृतीयम्। आदित्ये तृतीयम्॥⁴⁵॥

तद्देवा विजित्य। पुनरवारुरुत्सन्त। तैऽग्नये पवमानाय पुरोडाशमष्टाकंपालं निरवपन्। पशवो वा अग्निः पवमानः। यदेव पशुष्वर्सीत्। तत्तेनावारुन्धत। तैऽग्नये पावकाय। आपो वा अग्निः पावकः। यदेवाप्स्वर्सीत्। तत्तेनावारुन्धत॥⁴⁶॥

तैऽग्नये शुचये। असौ वा आदित्योऽग्निः शुचिः। यदेवादित्य आसीत्। तत्तेनावारुन्धत। ब्रह्मवादिनो वदन्ति। तनुवो वावैता अग्न्याधेयस्य। आग्नेयो वा अष्टाकंपालोऽग्न्याधेयमिति। यत्तं निर्वपेत्। नैतानि। यथाऽऽत्मा स्यात्॥⁴⁷॥

नाङ्गानि। तादृगेव तत्। यदेतानि निर्वपेत्। न तम्। यथाऽङ्गानि स्युः। नात्मा। तादृगेव तत्। उभयानि सह निरुप्याणि। यज्ञस्य सात्मत्वाय। उभयं वा एतस्यैन्द्रियं वीर्यमाप्यते॥⁴⁸॥

योऽग्निमाधत्ते। ऐन्द्राग्नमेकादशकपालमनु निर्वपेत्। आदित्यं चरुम्। इन्द्राग्नी वै देवानामयातयामानौ। ये एव देवते अयातयाम्नी। ताभ्यामेवास्मां इन्द्रियं वीर्यमव रुन्धे। आदित्यो भवति। इयं वा अदितिः। अस्यामेव प्रतितिष्ठति। धेनै वा एतद्रेतः॥⁴⁹॥

यदाज्यम्। अनुडुहस्तण्डुलाः। मिथुनमेवावरुन्धे। घृते भवति। यज्ञस्यालूक्षान्तत्वाय। चत्वारं आर्षेयाः प्राञ्चन्ति। दिशामेव ज्योतिषि जुहोति। पशवो वा एतानि हवींषि। एष रुद्रः। यदग्निः॥⁵⁰॥

यत्सद्य एतानि हवींषि निर्वपेत्। रुद्राय पशूनपि दध्यात्। अपशुर्यजमानः स्यात्। यन्नानुनिर्वपेत्। अनवरुद्धा अस्य पशवः स्युः। द्वादशसु रात्रीष्वनु निर्वपेत्। संवत्सरप्रतिमा वै द्वादश रात्रयः। संवत्सरेणैवास्मै रुद्रः शमयित्वा। पशूनवरुन्धे। यदेकमेकमेतानि हवींषि निर्वपेत्॥⁵¹॥

यथा त्रीण्यावपनानि पूरयेत्। तादृक्तत्। न प्रजननमुच्छिषेत्। एकं निरुप्य। उत्तरे समस्येत्। तृतीयमेवास्मै लोकमुच्छिषति प्रजननाय। तं प्रजया पशुभिरनु प्रजायते। अथो यज्ञस्यैवेषाऽभिक्रान्तिः। रथचक्रं प्रवर्तयति। मनुष्यरथेनैव देवरथं प्रत्यवरोहति॥⁵²॥

ब्रह्मवादिनो वदन्ति। होतव्यमग्निहोत्रां(3) न होतव्या(3) मिति। यद्यजुषा जुहुयात्। अयथापूर्वमाहुती जुहुयात्। यन्न जुहुयात्। अग्निः परा भवेत्। तूष्णीमेव होतव्यम्। यथापूर्वमाहुती जुहोति। नाग्निः पराभवति। अग्नीधे ददाति॥⁵³॥

अग्निमु॒खाने॑वर्तून्प्रीणाति। उप॒बर्ह॑णं ददाति। रूपा॒णाम॑वरुद्धौ। अश्वं॑ ब्रह्म॒णै।
इन्द्रि॒यमे॒वावरु॑न्धे। धे॒नुः हो॒त्रै। आ॒शिष॑ ए॒वावरु॑न्धे। अ॒न॒ङ्गाह॑मध्व॒र्यवै। वह्नि॒र्वा अ॒न॒ङ्गान्।
वह्नि॒रध्व॑र्युः॥ 54॥

वह्नि॒नैव वह्नि॑ य॒ज्ञस्या॑वरुन्धे। मि॒थुनो॑ गावो॑ ददाति। मि॒थुन॑स्यावरुद्धौ। वा॒सो ददाति।
सर्व॑दे॒वत्य॑ वै वा॒सः। सर्वा॑ ए॒व दे॒वताः॑ प्रीणाति। आ द्वा॑द॒शभ्यो॑ ददाति। द्वा॑द॒श मा॒साः
संव॑त्सरः। सं॒वत्सर॑ ए॒व प्र॒ति॒तिष्ठ॑ति। का॒ममू॑र्ध्वं दे॒यम्। अ॒परि॑मित॒स्यावरु॑द्धौ॥ 55॥

आदित्ये तृतीयमपञ्चासीत्तत्तेनावारुन्धत स्यादाप्यते रेतोऽग्निरेकमेकमेतानि हवीःषि निर्वपैत्यवरोहति ददात्यध्वर्युर्देयमेकं च॥ [6]

घ॒र्मः शि॒रस्त॑द॒यम॒ग्निः। स॒म्प्रि॒यः प॒शुभि॑र्भुवत्। छ॒र्दिस्तो॒काय॑ तन॒याय॑ यच्छ। वा॒तः
प्रा॒णस्त॑द॒यम॒ग्निः। स॒म्प्रि॒यः प॒शुभि॑र्भुवत्। स्व॒दितं॑ तो॒काय॑ तन॒याय॑ पि॒तुं प॑च। प्रा॒चीम॒नु
प्र॒दिशं॑ प्रेहि॑ वि॒द्वान्। अ॒ग्नेर॑ग्ने पु॒रो अ॑ग्नि॒र्भवे॑ह। वि॒श्वा आ॒शा दी॒द्यानो॑ वि॒भाहि॑। ऊ॒र्जं नो
धेहि॑ द्वि॒पदे॑ चतु॒ष्पदे॑॥ 56॥

अ॒र्कश्चक्षु॑स्तद॒सौ सूर्य॑स्तद॒यम॒ग्निः। स॒म्प्रि॒यः प॒शुभि॑र्भुवत्। यत्ते॑ शु॒क्र शु॒क्रं वर्चः॑ शु॒क्रा त॒नूः।
शु॒क्रं ज्योति॑रज॒स्रम्। तेन॑ मे दी॒दिहि॑ तेन॒ त्वाऽऽद॑धे। अ॒ग्निना॑ऽग्ने ब्रह्म॒णा। आ॒न॒शे व्या॒न॒शे
सर्व॑मायुर्व्या॒न॒शे। ये ते॑ अ॒ग्ने शि॒वे त॒नुवौ॑। वि॒राद्व॑ स्व॒राद्व॑। ते मा॒वि॒शतां॑ ते मा॒
जि॒न्वता॑म्॥ 57॥

ये ते॑ अ॒ग्ने शि॒वे त॒नुवौ॑। स॒म्रा॒द्धाभि॑भूश्च। ते मा॒वि॒शतां॑ ते मा॒ जि॒न्वता॑म्। ये ते॑ अ॒ग्ने शि॒वे
त॒नुवौ॑। वि॒भूश्च॑ परि॒भूश्च॑। ते मा॒ वि॒शतां॑ ते मा॒ जि॒न्वता॑म्। ये ते॑ अ॒ग्ने शि॒वे त॒नुवौ॑। प्र॒भ्वी
च प्र॒भूति॑श्च। ते मा॒ वि॒शतां॑ ते मा॒ जि॒न्वता॑म्। यास्ते॑ अ॒ग्ने शि॒वास्त॒नुवः॑। ताभि॑स्त्वाऽऽद॑धे।
यास्ते॑ अ॒ग्ने घो॒रास्त॒नुवः॑। ताभि॑र॒मुं ग॑च्छ॥ 58॥

चतुष्पदे जिन्वतां तनुवस्त्रीणि च॥ [7]

इ॒मे वा ए॒ते लो॒का अ॒ग्नयः॑। ते यद॒व्यावृ॑त्ता आ॒धीये॑रन्। शो॒चये॑र्यु॒र्यज॑मानम्। घ॒र्मः शि॒र
इति॑ गा॒र्हप॑त्यमा द॒धाति॑। वा॒तः प्रा॒ण इत्य॑न्वाहा॒र्यप॑च॒नम्। अ॒र्कश्चक्षु॑रित्या॒हव॑नीयम्।
तेनै॒वैना॒न्याव॑र्तयति। तथा॒ न शो॑चयन्ति॒ यज॑मानम्। र॒थन्त॑रम॒भिगा॑यते गा॒र्हप॑त्य
आ॒धीय॑माने। रा॒थन्त॑रो वा अ॒यं लो॒कः॥ 59॥

अ॒स्मिन्ने॒वैनं॑ लो॒के प्र॒ति॒ष्ठि॒तमा॑ ध॒त्ते। वा॒म॒दे॒व्यम॒भिगा॑यत उ॒द्भिय॑माणे। अ॒न्तरि॑क्षं वै
वा॒म॒दे॒व्यम्। अ॒न्तरि॑क्ष ए॒वैनं॑ प्र॒ति॒ष्ठि॒तमा॑ ध॒त्ते। अथो॑ शान्ति॒र्वै वा॒म॒दे॒व्यम्। शान्त॑मे॒वैनं॑
प॒शव्य॑मुद्ध॑रते। बृ॒हद॒भिगा॑यत आ॒हव॑नीय आ॒धीय॑माने। बा॒र्हतो॑ वा अ॒सौ लो॒कः।

अमुष्मिन्नेवैनं लोके प्रतिष्ठितमाधत्ते। प्रजापतिरग्निमसृजत॥⁶⁰॥

सोऽश्वोऽवारो भूत्वा पराडैत्। तं वारवन्तीयेनावारयत्। तद्वारवन्तीयस्य वारवन्तीयत्वम्।
श्येतेन श्येती अकुरुत्। तच्छ्येतस्य श्येतत्वम्। यद्वारवन्तीयमभि गायते। वारयित्वैवैनं
प्रतिष्ठितमा धत्ते। श्येतेन श्येती कुरुते। घर्मः शिर इति गार्हपत्यमादधाति।
सशीर्षाणमेवैनमा धत्ते॥⁶¹॥

उपैनमुत्तरो यज्ञो नमति। रुद्रो वा एषः। यदग्निः। स आधीयमान ईश्वरो यजमानस्य
पशून् हिंसितोः। सम्प्रियः पशुभिर्भुवदित्याह। पशुभिरेवैनं सम्प्रियं करोति।
पशूनामहिंसायै। छर्दिस्तोकाय तनयाय यच्छेत्याह। आशिषमेवैतामा शास्ते। वातः प्राण
इत्यन्वाहार्यपचनम्॥⁶²॥

सप्राणमेवैनमा धत्ते। स्वदितं तोकाय तनयाय पितुं पचेत्याह। अन्नमेवास्मै स्वदयति।
प्राचीमनु प्रदिशं प्रेहि विद्वानित्याह। विभक्तिरेवैनयोः सा। अथो नानावीर्याविवैनौ कुरुते।
ऊर्जं नो धेहि द्विपदे चतुष्पद इत्याह। आशिषमेवैतामा शास्ते। अर्कश्चक्षुरित्याहवनीयम्।
अर्को वै देवानामन्नम्॥⁶³॥

अन्नमेवाव रुन्धे। तेन मे दीदिहीत्याह। समिन्ध एवैनम्। आनशे व्यानश इति
त्रिरुदिङ्गयति। त्रयं इमे लोकाः। एष्वेवैनं लोकेषु प्रतिष्ठितमा धत्ते। तत्तथा न कार्यम्।
वीङ्गितमप्रतिष्ठितमा दधीत्। उद्धृत्येवाधायाभिमन्त्रियः। अवीङ्गितमेवैनं प्रतिष्ठितमाधत्ते।
विराट् स्वराट् यास्ते अग्ने शिवास्तनुवस्ताभिस्त्वाऽऽदध इत्याह। एता वा अग्नेः
शिवास्तनुवः। ताभिरेवैनं समर्थयति। यास्ते अग्ने घोरास्तनुवस्ताभिर्मुं गच्छेति ब्रूयाद्यं
द्विष्यात्। ताभिरेवैनं पराभावयति॥⁶⁴॥

लोकोऽसृजतेनमाधत्तेऽन्वाहार्यपचनं देवानामन्नमेनं प्रतिष्ठितमाधत्ते पञ्च च॥ [8]

शमीगर्भादग्निं मन्थति। एषा वा अग्निर्यज्ञिया तनूः। तामेवास्मै जनयति। अदितिः पुत्रकांमा।
साध्येभ्यो देवेभ्यो ब्रह्मोदनमपचत्। तस्या उच्छेषणमददुः। तत्प्राश्नात्। सा रेतोऽधत्त। तस्यै
धाता चार्यमा चाजायेताम्। सा द्वितीयमपचत्॥⁶⁵॥

तस्या उच्छेषणमददुः। तत्प्राश्नात्। सा रेतोऽधत्त। तस्यै मित्रश्च वरुणश्चाजायेताम्। सा
तृतीयमपचत्। तस्या उच्छेषणमददुः। तत्प्राश्नात्। सा रेतोऽधत्त। तस्या अश्वश्च
भगश्चाजायेताम्। सा चतुर्थमपचत्॥⁶⁶॥

तस्या उच्छेषणमददुः। तत्प्राश्नात्। सा रेतोऽधत्त। तस्या इन्द्रश्च विवस्वाश्चाजायेताम्।

ब्रह्मोदनं पंचति। रेत एव तदधाति। प्राश्नन्ति ब्राह्मणा ओदनम्। यदाज्यमुच्छिष्यते। तेन समिधोऽभ्यज्या दधाति। उच्छेषणाद्वा अदिती रेतोऽधत्त॥⁶⁷॥

उच्छेषणादेव तद्रेतो धत्ते। अस्थि वा एतत्। यत्समिधः। एतद्रेतः। यदाज्यम्। यदाज्येन समिधोऽभ्यज्यादधाति। अस्थ्येव तद्रेतसि दधाति। तिस्र आदधाति मिथुनत्वाय। इयंतीर्भवन्ति। प्रजापतिना यज्ञमुखेन सम्मिताः॥⁶⁸॥

इयंतीर्भवन्ति। यज्ञपरुषा सम्मिताः। इयंतीर्भवन्ति। एतावद्वे पुरुषे वीर्यम्। वीर्यसम्मिताः। आर्द्रा भवन्ति। आर्द्रमिव हि रेतः सिच्यते। चित्रियस्याश्चत्थस्यादधाति। चित्रमेव भवति। घृतवतीभिरा दधाति॥⁶⁹॥

एतद्वा अग्नेः प्रियं धाम। यद्धृतम्। प्रियेणैवेन धाम्ना समर्धयति। अथो तेजसा। गायत्रीभिर्ब्राह्मणस्यादध्यात्। गायत्रछन्दा वै ब्राह्मणः। स्वस्य छन्दसः प्रत्ययनस्त्वाय। त्रिष्टुग्भी राजन्यस्य। त्रिष्टुच्छन्दा वै राजन्यः। स्वस्य छन्दसः प्रत्ययनस्त्वाय॥⁷⁰॥

जगतीभिर्वैश्यस्य। जगतीछन्दा वै वैश्यः। स्वस्य छन्दसः प्रत्ययनस्त्वाय। तस्संवत्सरं गोपायेत्। संवत्सरः हि रेतो हितं वर्धते। यदेनः संवत्सरे नोपनमेत्। समिधः पुनरादध्यात्। रेत एव तद्धितं वर्धमानमेति। न माः समंश्चीयात्। न स्त्रियमुपेयात्॥⁷¹॥

यन्माः समंश्चीयात्। यत्स्त्रियमुपेयात्। निर्वीर्यः स्यात्। नैनमग्निरुपनमेत्। श्व आधास्यमानो ब्रह्मोदनं पंचति। आदित्या वा इत उत्तमाः सुवर्गं लोकमायन्। ते वा इतो यन्तं प्रतिनुदन्ते। एते खलु वावादित्याः। यद्वाह्मणाः। तैरेव सन्तं गच्छति॥⁷²॥

नैनं प्रतिनुदन्ते। ब्रह्मवादिनो वदन्ति। क्वां सः। अग्निः कार्यः। योऽस्मै प्रजां पशून्प्रजनयतीति। शल्कैस्ताः रात्रिमग्निमिन्धीत। तस्मिन्नुपव्युषमरणी निष्टपेत्। यथर्षभाय वाशिता न्याविच्छायति। तादृगेव तत्। अपोदूह्य भस्माग्निं मन्थति॥⁷³॥

सैव साऽग्नेः सन्ततिः। तं मथित्वा प्राश्नुमुद्धरति। संवत्सरमेव तद्रेतो हितं प्रजनयति। अनाहितस्तस्याग्निरित्याहुः। यः समिधोऽनाधायाग्निमाधत्त इति। ताः संवत्सरे पुरस्तादादध्यात्। संवत्सरादेवेनमवरुध्याधत्ते। यदि संवत्सरेऽनादध्यात्। द्वादश्यां पुरस्तादादध्यात्। संवत्सरप्रतिमा वै द्वादश रात्रयः। संवत्सरमेवास्याहिता भवन्ति। यदि द्वादश्यां नादध्यात्। त्र्यहे पुरस्तादादध्यात्। आहिता एवास्य भवन्ति॥⁷⁴॥

द्वितीयमपचतुर्थमपचददिती रेतोऽधत्त सम्मिता घृतवतीभिरादधाति राजन्यः स्वस्य छन्दसः प्रत्ययनस्त्वायेयाद्रच्छति मन्थति रात्रयश्चत्वारि च॥ [9]

प्रजापतिः प्रजा असृजत। स रिरिचानोऽमन्यत। स तपोऽतप्यत। स आत्मन्वीर्यमपश्यत्।
तदेवर्धत। तदस्मात्सहसोर्ध्वमसृज्यत। सा विराडभवत्। तां देवासुरा व्यगृह्णत।
सौऽब्रवीत्प्रजापतिः। मम वा एषा॥⁷⁵॥

दोहा एव युष्माकमिति। सा ततः प्राच्युदक्रामत्। तत्प्रजापतिः पर्यगृह्णात्। अथर्व पितुं मे
गोपायेति। सा द्वितीयमुदक्रामत्। तत्प्रजापतिः पर्यगृह्णात्। नर्यं प्रजां मे गोपायेति। सा
तृतीयमुदक्रामत्। तत्प्रजापतिः पर्यगृह्णात्। शःस्यं पशून्मे गोपायेति॥⁷⁶॥

सा चतुर्थमुदक्रामत्। तत्प्रजापतिः पर्यगृह्णात्। सप्रथं सभां मे गोपायेति। सा
पञ्चममुदक्रामत्। तत्प्रजापतिः पर्यगृह्णात्। अहे बुध्निय मन्त्रं मे गोपायेति। अग्नीन् वाव सा
तान्व्यक्रमत। तान्प्रजापतिः पर्यगृह्णात्। अथो पङ्क्तिमेव। पङ्क्तिर्वा एषा ब्राह्मणे प्रविष्टा॥⁷⁷॥

तामात्मनोऽधि निर्मिमीते। यदग्निराधीयते। तस्मादेतावन्तोऽग्नय आधीयन्ते। पाङ्क्तुं वा इदं
सर्वम्। पाङ्क्तैर्नैव पाङ्क्तुः स्पृणोति। अथर्व पितुं मे गोपायेत्याह। अन्नमेवैतेन स्पृणोति। नर्यं
प्रजां मे गोपायेत्याह। प्रजामेवैतेन स्पृणोति। शःस्यं पशून्मे गोपायेत्याह॥⁷⁸॥

पशून्मेवैतेन स्पृणोति। सप्रथं सभां मे गोपायेत्याह। सभामेवैतेनैन्द्रियं स्पृणोति। अहे
बुध्निय मन्त्रं मे गोपायेत्याह। मन्त्रमेवैतेन श्रियं स्पृणोति। यदान्वाहार्यपचनेऽन्वाहार्यं
पचन्ति। तेन सौऽस्याभीष्टः प्रीतः। यद्वार्हपत्य आज्यमधिश्चरन्ति सम्पत्नीर्याजयन्ति। तेन
सौऽस्याभीष्टः प्रीतः। यदाहवनीये जुह्वति॥⁷⁹॥

तेन सौऽस्याभीष्टः प्रीतः। यत्सभायां विजयन्ते। तेन सौऽस्याभीष्टः प्रीतः। यदावसथेऽन्नं
हरन्ति। तेन सौऽस्याभीष्टः प्रीतः। तथाऽस्य सर्वे प्रीता अभीष्टा आधीयन्ते।
प्रवसथमेष्यन्नेवमुपतिष्ठेत्तैकमेकम्। यथा ब्राह्मणाय गृहेवासिने परिदायं गृहानेति। तादृगेव
तत्। पुनरागत्योपतिष्ठते। सा भागेयमेवेषां तत्। सा तत ऊर्ध्वारोहत्। सा रोहिण्यभवत्।
तद्रोहिण्यै रोहिणिब्रम्। रोहिण्यामग्निमादधीत। स्व एवेनं योनौ प्रतिष्ठितमाधत्ते।
ऋध्नोत्येनेन॥⁸⁰॥

एषा पशून्मे गोपायेति प्रविष्टा पशून्मे गोपायेत्याह जुह्वति तिष्ठते सप्त च॥^[10]

ब्रह्म सन्धत्तं कृत्तिकासूदन्ति द्वादशसु प्रजापतिर्वाचो देवासुरास्तदग्निर्नोद्धर्मः शिर इमे वै शमीगर्भात्प्रजापतिः स रिरिचानः स तपः
स आत्मन्वीर्यं दश॥¹⁰॥

ब्रह्म सन्धत्तं तौ दिव्यावथौ शन्वाय प्राच्येषां यदुपर्युपरि यत्सदः सोऽश्वोऽवारो भूत्वा जगतीभिरशीतिः॥⁸⁰॥

ब्रह्म सन्धत्तमृध्नोत्येनेन॥

हरिः॑ ॐ॥

॥इति श्रीकृष्णयजुर्वेदीयतैत्तिरीयब्राह्मणे प्रथमाष्टके प्रथमः प्रपाठकः समाप्तः॥

॥द्वितीयः प्रश्नः॥

॥तैत्तिरीयब्राह्मणे प्रथमाष्टके द्वितीयः प्रपाठकः॥

उद्धन्यमानमस्या अमेध्यम्। अप पाप्मानं यजमानस्य हन्तु। शिवा नः सन्तु
प्रदिशश्चतस्रः। शं नो माता पृथिवी लोकसाता। शं नो देवीरभिष्टये। आपो भवन्तु
पीतयै। शं योरभि स्रवन्तु नः। वैश्वानरस्य रूपम्। पृथिव्यां परिस्रसा। स्योनमा
विशन्तु नः॥₁॥

यदिदं दिवो यददः पृथिव्याः। सञ्जज्ञाने रोदसी सम्बभूवतु। ऊषान्कृष्णमवतु
कृष्णमूषाः। इहोभयोर्यज्ञियमार्गमिष्टाः। ऊतीः कुर्वाणो यत्पृथिवीमचरः।
गुहाकारमाखुरूपं प्रतीत्य। तत्ते न्यक्तमिह सम्भरन्तः। शतं जीवेम शरदः सर्वाः।
ऊर्जं पृथिव्या रसमाभरन्तः। शतं जीवेम शरदः पुरूचीः॥₂॥

वमीभिरनुवित्तं गुहासु। श्रोत्रं त उर्व्यबधिरा भवामः। प्रजापतिसृष्टानां प्रजानाम्।
क्षुधोऽपहत्यै सुवितं नो अस्तु। उप प्रभिन्नमिषमूर्जं प्रजाभ्यः। सूदं गृहेभ्यो
रसमाभरामि। यस्य रूपं बिभ्रदिमामविन्दत्। गुहा प्रविष्टाः सरिरस्य मध्ये।
तस्येदं विहतमाभरन्तः। अछम्बद्वारमस्यां विधेम॥₃॥

यत्पर्यपश्यत्सरिरस्य मध्ये। उर्वीमपश्यञ्जगतः प्रतिष्ठाम्। तत्पुष्करस्यायतनाद्धि
जातम्। पर्णं पृथिव्याः प्रथनं हरामि। याभिरदहञ्जगतः प्रतिष्ठाम्। उर्वीमिमां
विश्वजनस्य भर्त्रीम्। ता नः शिवाः शर्कराः सन्तु सर्वाः। अग्ने रेतश्चन्द्रं हिरण्यम्।
अद्भ्यः सम्भूतममृतं प्रजासु। तत्सम्भरन्नुत्तरतो निधाय॥₄॥

अतिप्रयच्छं दुरितिं तरेयम्। अश्वो रूपं कृत्वा यदश्वत्येऽतिष्ठः। संवत्सरं देवेभ्यो
निलाय। तत्ते न्यक्तमिह सम्भरन्तः। शतं जीवेम शरदः सर्वाः। ऊर्जः पृथिव्या
अध्युत्थितोऽसि। वनस्पते शतवल्शो विरोह। त्वया वयमिषमूर्जं मदन्तः।
रायस्पोषेण समिषा मदेम। गायत्रिया ह्रियमाणस्य यत्तै॥₅॥

पर्णमपतत्तृतीयस्यै दिवोऽधि। सोऽयं पर्णः सोमपर्णाद्धि जातः। ततो हरामि

सोमपीथस्यावरुद्धौ। देवानां ब्रह्मवादं वदतां यत्। उपाशृणोः सुश्रवा वै श्रुतोऽसि।
ततो मामाविशतु ब्रह्मवर्चसम्। तत्सम्भरुस्तदवरुन्धीय साक्षात्। यया ते
सृष्टस्याग्नेः। हेतिमशमयत्प्रजापतिः। तामिमामप्रदाहाय॥६॥

शमीः शान्त्यै हराम्यहम्। यत्ते सृष्टस्य यतः। विकङ्कतं भा और्च्छजातवेदः। तया
भासा सम्मिताः। उरुं नो लोकमनु प्रभाहि। यत्ते तान्तस्य हृदयमाच्छिन्दजातवेदः।
मरुतोऽद्भिस्तमयिबा। एतत्ते तदशनेः सम्भरामि। सात्मा अग्ने सहृदयो भवेह।
चित्रियादश्वत्थात्सम्भृता बृहत्यः॥७॥

शरीरमभि सङ्स्कृताः स्थ। प्रजापतिना यज्ञमुखेन सम्मिताः। तिस्रस्त्रिवृद्धिर्मिथुनाः
प्रजात्यै। अश्वत्थाद्व्यवाहाद्वि जाताम्। अग्नेस्तनूं यज्ञियाः सम्भरामि।
शान्तयोनिः शमीगर्भम्। अग्नये प्रजनयितवै। यो अश्वत्थः शमीगर्भः। आरुरोह त्वे
सचा। तं ते हरामि ब्रह्मणा॥८॥

यज्ञियैः केतुभिः सह। यं त्वां समभरजातवेदः। यथाशरीरं भूतेषु न्यक्तम्। स
सम्भृतः सीद शिवः प्रजाभ्यः। उरुं नो लोकमनुनेषि विद्वान्। प्रवेधसे कवये
मेध्याय। वचो वन्दारु वृषभाय वृष्णै। यतो भयमभयं तन्नो अस्तु। अव देवान्
यजे हेड्वान्। समिधाऽग्निं दुवस्यत॥९॥

घृतैर्बोधयतातिथिम्। आऽस्मिन् हव्या जुहोतन। उप त्वाऽग्ने हविष्मतीः।
घृताचीर्यन्तु हर्यत। जुषस्व समिधो मम। तं त्वां समिद्भिरङ्गिरः। घृतेन वर्धयामसि।
बृहच्छोचा यविष्ठ। समिध्यमानः प्रथमो नु धर्मः। समक्तुभिरज्यते विश्ववारः॥१०॥

शोचिष्केशो घृतनिर्णिक्पावकः। सुयज्ञो अग्निर्यजथाय देवान्। घृतप्रतीको
घृतयोनिरग्निः। घृतैः समिद्धो घृतमस्यान्नम्। घृतप्रुषस्त्वा सरितो वहन्ति। घृतं
पिबन्त्सुयजां यक्षि देवान्। आयुर्दा अग्ने हविषो जुषाणः। घृतप्रतीको घृतयोनिरेधि।
घृतं पीत्वा मधु चारु गव्यम्। पितेवं पुत्रमभिरक्षतादिमम्॥११॥

त्वामग्ने समिधानं यविष्ठ। देवा दूतं चक्रिरे हव्यवाहम्। उरुज्रयसं
घृतयोनिमाहुतम्। त्वेषं चक्षुर्दधिरे चोदयन्वति। त्वामग्ने प्रदिव आहुतं घृतेन।

सु॒म्ना॒यवः॑ सु॒ष॒मि॒धा॒ समी॑धिरे। स वा॒वृ॒धान॑ ओष॑धीभि॒रुक्षि॑तः। उ॒रु ज॒या॒सि॒
पा॒रि॒वा॒ वि॒ति॑ष्ठसे। घृ॒तप्र॑तीकं व ऋ॒तस्य॑ धू॒रुष॑दम्। अ॒ग्निं मि॒त्रं न॑ संमि॒धान॑
ऋ॒जते॑॥¹²॥

इ॒न्धा॒नो अ॒क्रो वि॒दथे॑षु दी॒द्यत्। शु॒क्रव॑र्णामु॒दु नो॑ य॒सते॑ धि॒यम्। प्र॒जा अ॑ग्रे
संवा॑सय। आशा॑श्च प॒शुभिः॑ स॒ह। रा॒ष्ट्राण्य॑स्मा॒ आधे॑हि। या॒न्यास॑न्त्सवि॒तुः स॒वे।
म॒ही वि॒श्व॒नी स॒दने॑ ऋ॒तस्य॑। अ॒र्वाची॑ ए॒तं ध॑रुणे रयी॒णाम्। अ॒न्तर्व॑न्नी ज॒न्यं
जा॒तवे॑दसम्। अ॒ध्व॒राणां॑ ज॒नय॑थः पु॒रो॒गाम्॥¹³॥

आ॒रो॒हतं॑ द॒शत॑श्च श॒क्व॒री॒र्मम॑। ऋ॒तेना॑ग्न आयु॑षा वर्च॒सा स॒ह। ज्यो॒ती॒वन्त॑
उ॒त्तरा॑मु॒त्तरा॑श्च॒ समा॑म्। द॒र्श॑म॒हं पू॒र्णमा॑सं य॒ज्ञं यथा॑ य॒ज्ञै। ऋ॒त्वि॒यव॑ती स्थो
अ॒ग्निरे॑तसौ। गर्भं॑ दधा॒थां ते॒ वा॒म॒हं द॑दे। तत्स॒त्यं य॒द्वीरं॑ बि॒भृथः॑। वी॒रं
ज॒नयि॑ष्यथः। ते म॒त्प्रा॒तः प्र॒ज॒निष्ये॑थे। ते मा॒ प्रजा॑ते प्र॒ज॒नयि॑ष्यथः॥¹⁴॥

प्र॒जया॑ प॒शुभिर्ब्र॑ह्मवर्च॒सेन॑ सुव॒र्गे लो॒के। अ॒नृ॒तात्स॒त्यमु॑पैमि। मा॒नु॒षाद्दे॒व्यमु॑पैमि।
दै॒वीं वाचं॑ यच्छामि। श॒त्वैर॑ग्निमि॒न्धा॒नः। उ॒भौ लो॒कौ सं॑नेम॒हम्। उ॒भयो॑र्लो॒कयोर्
ऋ॒ध्वा। अ॒ति मृ॒त्युं त॑राम्य॒हम्। जा॒तवे॑दो भुव॑नस्य॒ रेतः॑। इ॒ह सि॑ञ्च॒ तप॑सो
य॒ज्ञ॒निष्य॑ते॥¹⁵॥

अ॒ग्निम॑श्च॒त्वा॒दधि॑ ह॒व्यवा॑हम्। श॒मी॒ग॒र्भाञ्ज॒नय॑न् यो म॑योभूः। अ॒यं ते
यो॒निर्ऋ॒त्वि॒यः। यतो॑ जा॒तो अ॒रोच॑थाः। तं जा॒नन्न॑ग्न आ॒रो॒ह। अ॒था नो॑ वर्ध॒या
र॒यिम्। अ॒पेत॑ वी॒त वि॒च॑ सर्प॒तातः॑। येऽत्र॒ स्थ पु॑रा॒णा ये च॒ नूत॑नाः। अ॒दादि॑दं
य॒मोऽव॑सानं पृथि॒व्याः। अ॒क्र॒न्नि॒मं पि॒तरो॑ लो॒कम॑स्मै॥¹⁶॥

अ॒ग्नेर्भ॑स्मा॒स्य॒ग्नेः पु॒री॒षम॑सि। सं॒ज्ञान॑म॒सि का॑मध॒रणम्। म॒यि ते॑ का॒मध॑रणं भूयात्।
सं॒वः सृ॑जामि हृद॒यानि॑। स॒सृष्टं॑ मनो॑ अस्तु वः। स॒सृष्टः॑ प्रा॒णो अ॑स्तु वः। सं
या वः॑ प्रि॒यास्त॑नुवः। सं प्रि॒या हृद॑यानि वः। आ॒त्मा वो॑ अस्तु स॒म्प्रि॒यः।
स॒म्प्रि॒यास्त॑नुवो म॒म॥¹⁷॥

क॒ल्पे॑तां द्यावा॑पृथि॒वी। क॒ल्प॑न्ता॒माप॑ ओष॑धीः। क॒ल्प॑न्ता॒म॒ग्नयः॑ पृथ॑क्। म॒म॒

ज्यैष्ठ्याय॑ स॒व्रताः॑। यैऽग्नयः॑ स॒मनसः॑। अ॒न्तरा॑ द्यावा॑पृथि॒वी। वास॑न्तिकावृ॒तू अ॒भि
कल्प॑मानाः। इन्द्र॑मिव दे॒वा अ॒भि सं वि॑शन्तु। दि॒वस्त्वा वी॒र्येण॑। पृथि॒व्यै
महि॑म्ना॥ १८ ॥

अ॒न्तरिक्ष॑स्य पोषे॑ण। स॒र्वप॑शुमाद॑धे। अजी॑जनन्नमृ॒तं म॒र्त्यासः॑। अ॒स्त्रेमा॑णं त॒रणिं
वी॒डुज॑म्भम्। द॒श स्व॑सारो अ॒ग्नवः॑ स॒मीचीः॑। पु॒मांसं॑ जा॒तम॒भि स॑र॒भन्ता॑म्।
प्र॒जाप॑तेस्त्वा प्रा॒णेना॒भि प्राणि॑मि। पू॒ष्णः पोषे॑ण॒ मह्य॑म्। दी॒र्घायु॑त्वाय॑ श॒तशार॑दाय।
श॒तं श॒रद्भ्य॑ आ॒युषे॑ वर्च॑से॥ १९ ॥

जी॒वात्वे पु॑ण्याय। अ॒हं त्वद॑स्मि म॒दसि॑ त्वमे॒तत्। ममा॑सि योनि॒स्तव॑ योनि॒रस्मि॑।
ममै॒व सन्व॑हं ह॒व्यान्य॑ग्ने। पु॒त्रः पि॒त्रे लो॑क॒कृञ्जा॑तवेदः। प्रा॒णे त्वाऽमृ॑त॒माद॑धामि।
अ॒न्नाद॑मन्नाद्याय। गो॒प्तारं॑ गु॒प्त्यै। सु॒गार्ह॒पत्यो वि॒दह॑न्नरा॒तीः। उ॒षसः॑ श्रेय॑सीः
श्रेय॑सीर्द॒धत्॥ २० ॥

अ॒ग्ने स॒पत्न्य॑ अप॒ बाध॑मानः। रा॒यस्पोष॑मिषमूर्ज॑म॒स्मासु॑ धेहि। इ॒मा उ॒
मामु॑प॒तिष्ठ॑न्तु रा॒यः। आ॒भिः प्र॒जाभि॑रि॒ह संव॑सेय। इ॒हो इ॒डां तिष्ठ॑तु वि॒श्वरू॑पी।
म॒ध्ये वसो॑र्दी॒दिहि॑ जा॒तवेदः॑। ओज॑से ब॒लाय॑ त्वोद॑च्छे। वृष॑णे शु॒ष्माया॒युषे॑ वर्च॑से।
स॒पत्न॑तूर॒सि वृ॒त्रतूः॑। यस्त॑ दे॒वेषु॑ महि॒मा सु॑व॒र्गः॥ २१ ॥

यस्त॑ आ॒त्मा प॒शुषु॑ प्रवि॑ष्टः। पु॒ष्टिर्या॑ ते म॒नुष्ये॑षु पप्रथे। तया॑ नो अ॒ग्ने जुष॑माण॒
एहि॑। दि॒वः पृ॑थि॒व्याः पर्य॑न्तरिक्षात्। वा॒तात्प॒शुभ्यो॑ अ॒ध्योष॑धी॒भ्यः। यत्र॑ यत्र जा॒तवेदः॑
सम्ब॑भूथे। ततो॑ नो अ॒ग्ने जुष॑माण॒ एहि॑। प्रा॒चीम॑नु॒ प्रदि॑शं प्रेहि॑ वि॒द्वान्। अ॒ग्नेर॑ग्ने
पु॒रो अ॑ग्नि॒र्भवे॒ह। वि॒श्वा आ॒शा दी॒द्यानो॑ वि भा॑हि॥ २२ ॥

ऊ॒र्जं नो॑ धेहि द्वि॒पदे॑ चतु॑ष्पदे। अ॒न्व॒ग्निरु॒षसा॒मग्र॑मख्यत्। अ॒न्वहा॑नि प्रथ॒मो
जा॒तवे॑दाः। अनु॑ सूर्य॑स्य पु॒रुत्रा॑ च र॒श्मीन्। अनु॑ द्यावा॑पृथि॒वी आ॑त॒तान्।
वि॒क्रम॑स्व म॒हाः अ॑सि। वे॒दिष॑न्मानु॒षेभ्यः॑। त्रि॒षु लो॒केषु॑ जा॒गृहि॑। यद्वि॒दं दि॒वो
यद्व॑दः पृथि॒व्याः। संवि॒दाने॑ रोद॑सी सं बभू॒वतुः॥ २३ ॥

तयोः॑ पृ॒ष्ठे सी॑दतु जा॒तवे॑दाः। श॒म्भूः प्र॒जाभ्य॑स्त॒नुवै॑ स्यो॒नः। प्रा॒णं त्वाऽमृ॑त॒ आ

दधामि। अन्नादमन्नाद्याय। गोप्तां गुप्त्यै। यत्ते शुक्र शुक्रं वर्चः शुक्रा तनूः। शुक्रं
ज्योतिरजस्रम्। तेन मे दीदिहि तेन त्वाऽऽदधे। अग्निनाऽग्ने ब्रह्मणा। आनशे
व्यानशे सर्वमायुर्व्यानशे॥ 24 ॥

नर्यं प्रजां मे गोपाय। अमृतत्वाय जीवसे। जातां जनिष्यमाणां च। अमृते सत्ये
प्रतिष्ठिताम्। अथर्वं पितुं मे गोपाय। रसमन्नमिहायुषे। अदब्धायोऽशीततनो।
अविषन्नः पितुं कृणु। शङ्स्यं पशून्मे गोपाय। द्विपादो ये चतुष्पदः॥ 25 ॥

अष्टाशफाश्च य इहाग्ने। ये चैकशफा आशुगाः। सप्रथं सभां मे गोपाय। ये च
सभ्याः सभासदः। तानिन्द्रियावतः कुरु। सर्वमायुरुपासताम्। अहे बुध्निय मन्त्रं मे
गोपाय। यमृषयस्त्रैविदा विदुः। ऋचः सामानि यजूंषि। सा हि श्रीरमृता
सताम्॥ 26 ॥

चतुः शिखण्डा युवतिः सुपेशाः। घृतप्रतीका भुवनस्य मध्ये। मर्मज्यमाना महते
सौभगाय। मह्यं धुक्स्व यजमानाय कामान्। इहैव सन्तत्रं सतो वो अग्नयः।
प्राणेन वाचा मनसा बिभर्मि। तिरो मा सन्तमायुर्मा प्रहासीत्। ज्योतिषा वो
वैश्वानरेणोपतिष्ठे। पञ्चधाऽग्नीन्व्यक्रामत्। विराट्पृष्टा प्रजापतेः। ऊर्ध्वाऽऽरोहद्रोहिणी।
योनिर्ऽग्नेः प्रतिष्ठितिः॥ 27 ॥

विशन्तु नः पुरूचीर्विधेम निधाय यत्तेऽप्रदाहाय बृहत्यां ब्रह्मणा दुवस्यत विश्ववारं इममृजते पुरोगां प्रजनयिष्यथो जनिष्यतेऽस्मै मम महिम्ना वर्चसे
दधत्सुवर्गो भाहि सम्बभूवतुरायुर्व्यानशे चतुष्पदः सतां प्रजापतेर्द्वे च॥

[1]

नवैतान्यहानि भवन्ति। नव वै सुवर्गा लोकाः। यदेतान्यहान्युपयन्ति। नवस्त्रेव
तत्सुवर्गेषु लोकेषु सत्रिणः प्रतितिष्ठन्तो यन्ति। अग्निष्टोमाः परः सामानः कार्या
इत्याहुः। अग्निष्टोमसंमितः सुवर्गो लोक इति। द्वादशाग्निष्टोमस्य स्तोत्राणि। द्वादश
मासाः संवत्सरः। तत्तन्न सूक्ष्मम्। उक्थ्या एव सप्तदशाः परः सामानः कार्याः॥ 28 ॥

पशवो वा उक्थानि। पशूनामवरुद्धौ। विश्वजिदभिजितावग्निष्टोमौ। उक्थ्याः
सप्तदशाः परः सामानः। ते सङ्स्तुता विराजमभि सम्पद्यन्ते। द्वे चर्चावतिरिच्येते।
एकया गौरतिरिक्तः। एकयाऽऽयुरूनः। सुवर्गो वै लोको ज्योतिः। ऊर्ग्विराट्॥ 29 ॥

सुवर्गमेव तेन लोकमभि जयन्ति। यत्परं राथन्तरम्। तत्प्रथमेऽहंकार्यम्।
बृहद्वितीयै। वैरूपं तृतीयै। वैराजं चतुर्थै। शाकुरं पञ्चमे। रैवतं षष्ठै। तदु पृष्ठेभ्यो
नयन्ति। सन्तनय एते ग्रहा गृह्यन्ते॥³⁰॥

अतिग्राह्याः परः सामसु। इमानेवैतैर्लोकान्सन्तन्वन्ति। मिथुना एते ग्रहा गृह्यन्ते।
अतिग्राह्याः परः सामसु। मिथुनमेव तैर्यजमाना अवरुन्धते। बृहत्पृष्ठं भवति।
बृहद्वै सुवर्गो लोकः। बृहतैव सुवर्गं लोकं यन्ति। त्रयस्त्रिंशि नाम सामं। माध्यं
दिने पवमाने भवति॥³¹॥

त्रयस्त्रिंशद्वै देवताः। देवता एवावरुन्धते। ये वा इतः परांश्च संवत्सरमुपयन्ति।
न हैनं ते स्वस्ति समंश्नुवते। अथ येऽमुतोऽर्वाक्षमुपयन्ति। ते हैनं स्वस्ति
समंश्नुवते। एतद्वा अमुतोऽर्वाक्षमुपयन्ति। यदेवम्। यो ह खलु वाव प्रजापतिः। स
उवेवेन्द्रः। तदु देवेभ्यो नयन्ति॥³²॥

कार्या विराङ्गह्यन्ते पवमाने भवतीन्द्र एकं च॥

[2]

सन्ततिर्वा एते ग्रहाः। यत्परः सामानः। विषूवान्दिवाकीर्त्यम्। यथा शालायै
पक्षसी। एव संवत्सरस्य पक्षसी। यदेतेन गृह्येरन्। विषूची संवत्सरस्य पक्षसी
व्यवस्रसेयाताम्। आर्तिमार्च्छयुः। यदेते गृह्यन्ते। यथा शालायै पक्षसी मध्यमं
वंशमभि समायच्छति॥³³॥

एव संवत्सरस्य पक्षसी दिवाकीर्त्यमभि सं तन्वन्ति। नार्तिमार्च्छन्ति।
एकविंशमहर्भवति। शुक्राग्रा ग्रहा गृह्यन्ते। प्रत्युत्तब्ध्यै सयत्वाय। सौर्य एतदहः
पशुरालभ्यते। सौर्योऽतिग्राह्यो गृह्यते। अहरेव रूपेण समर्धयन्ति। अथो अहं
एवेष बलिर्हियते। सप्तैतदहरतिग्राह्या गृह्यन्ते॥³⁴॥

सप्त वै शीर्षण्याः प्राणाः। असावादित्यः शिरः प्रजानाम्। शीर्षन्नेव प्रजानां
प्राणान्दधाति। तस्मात्सप्त शीर्षन्प्राणाः। इन्द्रो वृत्रं हत्वा। असुरान्पराभाव्य। स
इमाँल्लोकानभ्यजयत्। तस्यासौ लोकोऽनभिजित आसीत्। तं विश्वकर्म
भूत्वाऽभ्यजयत्। यद्वैश्वकर्मणो गृह्यते॥³⁵॥

सुवर्गस्य लोकस्याभिजित्यै। प्र वा एतेऽस्माल्लोकाध्यवन्ते। ये वैश्वकर्मणं गृह्णते।
 आदित्यः श्वो गृह्यते। इयं वा अदितिः। अस्यामेव प्रति तिष्ठन्ति। अन्योन्यो गृह्यते।
 विश्वान्येवान्येन कर्माणि कुर्वाणा यन्ति। अस्यामन्येन प्रति तिष्ठन्ति।
 तावाऽपरार्धात्संवत्सरस्यान्योन्यो गृह्यते। तावुभौ सह महाव्रते गृह्यते। यज्ञस्यैवान्तं
 गत्वा। उभयोर्लोकयोः प्रति तिष्ठन्ति। अर्कमुक्थं भवति। अन्नाद्यस्यावरुद्धौ॥³⁶॥

समायच्छत्यतिग्राह्यां गृह्यन्ते गृह्यन्ते संवत्सरस्यान्योन्यो गृह्यते पञ्च च॥ [3]

एकविंश एष भवति। एतेन वै देवा एकविंशेन। आदित्यमित उत्तमं सुवर्गं
 लोकमारोहयन्। स वा एष इत एकविंशः। तस्य दशावस्तादहानि। दश
 परस्तात्। स वा एष विराज्युभयतः प्रतिष्ठितः। विराजि हि वा एष उभयतः
 प्रतिष्ठितः। तस्मादन्तरेमौ लोकौ यन्। सर्वेषु सुवर्गेषु लोकेष्वभितपन्नेति॥³⁷॥

देवा वा आदित्यस्य सुवर्गस्य लोकस्य। पराचोऽतिपादादबिभयुः। तं
 छन्दोभिरदृहन्धृत्यै। देवा वा आदित्यस्य सुवर्गस्य लोकस्य।
 अवाचोऽवपादादबिभयुः। तं पञ्चभी रश्मिभिरुदवयन्। तस्मादेकविंशेऽहन्पञ्च
 दिवाकीर्त्यानि क्रियन्ते। रश्मयो वै दिवाकीर्त्यानि। ये गायत्रे। ते गायत्रीषूत्तरयोः
 पवमानयोः॥³⁸॥

महादिवाकीर्त्यं होतुः पृष्ठम्। विकर्णं ब्रह्मसामम्। भासोऽग्निष्टोमः। अथैतानि
 पराणि। परैर्वै देवा आदित्यं सुवर्गं लोकमपारयन्। यदपारयन्। तत्पराणां
 परत्वं। पारयन्त्येनं पराणि। य एवं वेद। अथैतानि स्पराणि। स्परेर्वै देवा
 आदित्यं सुवर्गं लोकमस्परयन्। यदस्परयन्। तत्स्पराणां स्परत्वं।
 स्परयन्त्येनं स्पराणि। य एवं वेद॥³⁹॥

एति पवमानयोः स्पराणि पञ्च च॥ [4]

अप्रतिष्ठां वा एते गच्छन्ति। येषां संवत्सरेऽनाप्तेऽथ। एकादशिन्याप्यतै। वैष्णवं
 वामनमालभन्ते। यज्ञो वै विष्णुः। यज्ञमेवालभन्ते प्रतिष्ठित्यै। ऐन्द्राग्रमालभन्ते।
 इन्द्राग्नी वै देवानामयातयामानौ। ये एव देवते अयातयाम्नी। ते एवालभन्ते॥⁴⁰॥
 वैश्वदेवमालभन्ते। देवता एवावरुन्धते। द्यावापृथिव्या धेनुमालभन्ते। द्यावापृथिव्योरेव

प्रति तिष्ठन्ति। वायव्यं वत्समालभन्ते। वायुरेवैभ्यो यथाऽऽयतनाद्देवता अवरुन्धे।
आदित्यामविं वशामालभन्ते। इयं वा अदितिः। अस्यामेव प्रति तिष्ठन्ति।
मैत्रावरुणीमालभन्ते॥⁴¹॥

मित्रेणैव यज्ञस्य स्विष्टं शमयन्ति। वरुणेन दुरिष्टम्। प्राजापत्यं तूपरं महाव्रत
आलभन्ते। प्राजापत्योऽतिग्राह्यो गृह्यते। अहरेव रूपेण समर्धयन्ति। अथो अहं
एवैष बलिर्हियते। आग्नेयमा लभन्ते प्रति प्रज्ञात्यै। अजपेबान् वा एते पूर्वैर्मासैरव
रुन्धते। यदेते गव्याः पशवं आलभ्यन्ते। उभयेषां पशूनामवरुद्धौ॥⁴²॥

यदतिरिक्तमेकादशिनीमालभेरन्। अप्रियं भ्रातृव्यमभ्यतिरिच्येत। यद्वो द्वौ पशू
समस्येयुः। कनीय आयुः कुर्वीरन्। यदेते ब्राह्मणवन्तः पशवं आलभ्यन्ते। नाप्रियं
भ्रातृव्यमभ्यतिरिच्येते। न कनीय आयुः कुर्वते॥⁴³॥

ते एवालभन्ते मैत्रावरुणीमालभन्तेऽवरुद्धौ सप्त च॥

[5]

प्रजापतिः प्रजाः सृष्ट्वा वृत्तोऽशयत्। तं देवा भूतानां रसं तेजः सम्भृत्य।
तेनैनमभिषज्यन्। महानववर्तीति। तन्महाव्रतस्य महाव्रतत्वम्। महद्भूतमिति।
तन्महाव्रतस्य महाव्रतत्वम्। महतो व्रतमिति। तन्महाव्रतस्य महाव्रतत्वम्।
पञ्चविंशः स्तोमो भवति॥⁴⁴॥

चतुर्विंशत्यर्धमासः संवत्सरः। यद्वा एतस्मिन्संवत्सरेऽधि प्राजायत। तदन्नं
पञ्चविंशमभवत्। मध्यतः क्रियते। मध्यतो ह्यन्नमशितं धिनोति। अथो मध्यत एव
प्रजानामूर्ध्नीयते। अथ यद्वा इदमन्ततः क्रियते। तस्मादुदन्ते प्रजाः समैधन्ते।
अन्ततः क्रियते प्रजननायैव। त्रिवृच्छिरो भवति॥⁴⁵॥

त्रेधाविहितं हि शिरः। लोमं छवीरस्थि। परांचा स्तुवन्ति। तस्मात्तत्सदृगेव। न
मेदतोऽनु मेदति। न कृश्यतोऽनु कृश्यति। पञ्चदशोऽन्यः पक्षो भवति।
सप्तदशोऽन्यः। तस्माद्वयाऽस्यन्यतरमर्धमभि पर्यावर्तन्ते। अन्यतरतो हि तद्गरीयः
क्रियते॥⁴⁶॥

पञ्चविंश आत्मा भवति। तस्मान्मध्यतः पशवो वरिष्ठाः। एकविंशं पुच्छम्।

द्विपदांसु स्तुवन्ति प्रतिष्ठित्यै। सर्वेण सह स्तुवन्ति। सर्वेण ह्यात्मनाऽऽत्मन्वी।
सहोत्पतन्ति। एकैकामुच्छिषन्ति। आत्मन् ह्यङ्गानि बद्धानि। न वा एतेन सर्वः
पुरुषः॥⁴⁷॥

यदित इतो लोमानि दतो नखान्। परिमादः क्रियन्ते। तान्येव तेन प्रत्युप्यन्ते।
औदुम्बरस्तल्पो भवति। ऊर्ग्व अन्नमुदुम्बरः। ऊर्ज एवान्नाद्यस्यावरुद्धौ। यस्य
तल्पसद्यमनभिजितः स्यात्। स देवानां साम्यक्षे। तल्पसद्यमभिजयानीति
तल्पमारुह्योद्गायेत्। तल्पसद्यमेवाभि जयति॥⁴⁸॥

यस्य तल्पसद्यमभिजितः स्यात्। स देवानां साम्यक्षे। तल्पसद्य मा पराजेषीति
तल्पमारुह्योद्गायेत्। न तल्पसद्य पराजयते। प्लेङ्खे शंसति। महो वै प्लेङ्खः। महस
एवान्नाद्यस्यावरुद्धौ। देवासुराः संयत्ता आसन्। त आदित्ये व्यायच्छन्त। तं देवाः
समजयन्॥⁴⁹॥

ब्राह्मणश्च शूद्रश्च चर्मकर्ते व्यायच्छेते। दैव्यो वै वर्णो ब्राह्मणः। असुर्यः शूद्रः।
इमेऽरात्सुरिमे सुभूतमक्रन्नित्यन्यतरो ब्रूयात्। इम उद्गासीकारिण इमे
दुर्भूतमक्रन्नित्यन्यतरः। यदेवैषां सुकृतं या राद्धिः। तदन्यतरोऽभि श्रीणाति।
यदेवैषां दुष्कृतं याऽराद्धिः। तदन्यतरोऽप हन्ति। ब्राह्मणः सं जयति। अमुमेवादित्यं
भ्रातृव्यस्य संविन्दन्ते॥⁵⁰॥

भवति भवति क्रियते पुरुषो जयत्यजयञ्जयत्येकं च॥

[6]

उद्धन्यमानं नवेतानि सन्ततिरेकविंश एषोऽप्रतिष्ठां प्रजापतिर्वृत्तपट्॥⁶॥

उद्धन्यमानं शोचिष्केशोऽग्ने सपत्नानतिग्राह्या वैश्वदेवमालभन्ते पञ्चाशत्॥⁵⁰॥

उद्धन्यमानं संविन्दन्ते॥

हरिः ॐ॥

॥ इति श्रीकृष्णयजुर्वेदीयतैत्तिरीयब्राह्मणे प्रथमाष्टके द्वितीयः प्रपाठकः समाप्तः॥

॥तृतीयः प्रश्नः॥

॥तैत्तिरीयब्राह्मणे प्रथमाष्टके तृतीयः प्रपाठकः॥

दे॒वा॒सु॒राः सं॒य॑त्ता आ॒सन्। ते दे॒वा वि॒ज॒य॒मु॒प॒य॑न्तः। अ॒ग्नी॒षो॒म॒यो॒स्ते॒ज॒स्वि॒नी॑स्त॒नूः
स॒न्त्य॑द॒ध॒त। इ॒द॒मु॒ नो भ॑विष्यति। य॒दि नो जे॒ष्य॒न्ती॑ति। तेना॒ग्नी॒षो॒मा॒व॒पा॑क्रामताम्।
ते दे॒वा वि॒जि॒त्य। अ॒ग्नी॒षो॒मा॒व॒न्वै॑च्छन्। तेऽ॒ग्नि॒म॒न्वि॒न्द॒न्वृ॒तु॒षू॒त्स॒न्न॒म्। तस्य
वि॒भ॒क्ती॑भि॒स्ते॒ज॒स्वि॒नी॑स्त॒नू॒र॒वा॒रु॒न्ध॒त॥₁॥

ते सो॒म॒म॒न्वि॒न्द॒न्। तम॑घ्नन्। तस्य॑ यथाऽभि॒ज्ञाय॑ त॒नू॒र्व्य॑गृह्णत। ते ग्र॒हा॑ अ॒भव॒न्।
तद्ग्रा॑णां ग्र॒ह॒त्व॒म्। यस्यै॒वं वि॒दु॒षो॒ ग्र॒हा॑ गृह्यन्ते। तस्य॑ त्वे॒व गृ॑ही॒ताः। ना॒नाऽऽ॒ग्ने॒यं
पुन॑रा॒धे॒ये कुर्या॑त्। यद॒ना॒ग्ने॒यं पुन॑रा॒धे॒ये कुर्या॑त्। व्यृ॒द्धमे॒व तत्॥₂॥

अ॒ना॒ग्ने॒यं वा ए॒तत्क्रि॑यते। यत्स॒मि॒ध॒स्त॒नू॒न॒पा॒त॒मि॒डो ब॒र्हि॒र्य॑जति।
उ॒भा॒वा॒ग्ने॒या॒वा॒ज्य॑भा॒गौ स्या॑ताम्। अ॒ना॒ज्य॑भा॒गौ भ॑वत॒ इत्या॑हुः।
यदु॒भा॒वा॒ग्ने॒या॒व॒न्व॒श्चा॒वि॒ति। अ॒ग्ने॒ये प॒व॒मा॒ना॒यो॒त्तरः॑ स्यात्। यत्प॒व॒मा॒ना॒य।
तेना॒ज्य॑भा॒गः। तेन॑ सौ॒म्यः। बु॒ध॒न्व॒त्या॒ग्ने॒य॒स्या॒ज्य॑भा॒गस्य॑ पु॒रोऽनु॑वा॒क्या॑ भ॒व॒ति॥₃॥
यथा॑ सु॒प्तं बो॒ध॒य॑ति। ता॒दृ॒गे॒व तत्। अ॒ग्नि॒न्य॑क्ताः प॒त्नी॒सं॒या॒जा॒ना॒मृ॒चः स्युः। तेना॒ग्ने॒य॑
सर्वं॑ भ॒व॒ति। ए॒क॒धा ते॒ज॒स्वि॒नी॑ दे॒व॒ता॒मु॒पै॒ती॒त्या॑हुः। सैन॑मी॒श्व॒रा प्र॑द॒ह॒ इति॑। नेति॑
ब्रू॒यात्। प्र॒ज॒न॒नं वा अ॒ग्निः। प्र॒ज॒न॒नमे॒वो॒पै॒ती॒ति। कृ॒त॒य॒जुः स॒म्भृ॑तस॒म्भा॒र
इत्या॑हुः॥₄॥

न स॒म्भृ॒त्याः स॒म्भा॒राः। न य॒जुः का॒र्य॑मि॒ति। अथो॑ खलु। स॒म्भृ॒त्या ए॒व स॒म्भा॒राः।
का॒र्यं य॒जुः। पुन॑रा॒धे॒यस्य॑ स॒मृ॒द्धौ। तेनो॑पा॒शु प्र॑चरति। ए॒ष्य इ॒व वा ए॒षः।
यत्पु॑न॒रा॒धे॒यः। यथो॑पा॒शु न॒ष्टमि॑च्छति॥₅॥

ता॒दृ॒गे॒व तत्। उ॒च्चैः स्वि॑ष्ट॒कृ॒त॒मु॒त्सृ॑जति। यथा॑ न॒ष्टं वि॒त्त्वा प्रा॒हा॒य॒मि॒ति। ता॒दृ॒गे॒व
तत्। ए॒क॒धा ते॒ज॒स्वि॒नी॑ दे॒व॒ता॒मु॒पै॒ती॒त्या॑हुः। सैन॑मी॒श्व॒रा प्र॑द॒ह॒ इति॑। तत्तथा॑
नो॒पै॒ति। प्र॒या॒जा॒नू॒या॒जे॒ष्वे॒व वि॒भ॒क्तीः कुर्या॑त्। यथा॑पू॒र्व॒मा॒ज्य॑भा॒गौ स्या॑ताम्। ए॒वं

पत्नीसंयाजाः॥६॥

तद्वैश्वानरवत्प्रजननवत्तरमुपैतीति। तदाहुः। व्यृद्धं वा एतत्। अनाग्नेयं वा
एतत्क्रियत इति। नेति ब्रूयात्। अग्निं प्रथमं विभक्तीनां यजति। अग्निमुत्तमं
पत्नीसंयाजानाम्। तेनाग्नेयम्। तेन समृद्धं क्रियत इति॥७॥

अरुन्धतेव तद्भवति सम्भृतसम्भार इत्याहुश्छतिं पत्नीसंयाजा नवं च॥

[1]

देवा वै यथादर्शं यज्ञानाहरन्त। योऽग्निष्टोमम्। य उक्थ्यम्। योऽतिरात्रम्। ते
सहैव सर्वे वाजपेयमपश्यन्। ते। अन्योऽन्यस्मै नातिष्ठन्त। अहमनेन यजा इति।
तेऽब्रुवन्। आजिमस्य धावामेति॥८॥

तस्मिन्नाजिमधावन्। तं बृहस्पतिरुदजयत्। तेनायजत। स स्वाराज्यमगच्छत्।
तमिन्द्रोऽब्रवीत्। मामनेन याजयेति। तेनेन्द्रमयाजयत्। सोऽग्रं देवतानां पर्यैत्।
अगच्छत्स्वाराज्यम्। अतिष्ठन्तास्मै ज्यैष्ठ्याय॥९॥

य एवं विद्वान् वाजपेयेन यजते। गच्छति स्वाराज्यम्। अग्रं समानानां पर्यैति।
तिष्ठन्तेऽस्मै ज्यैष्ठ्याय। स वा एष ब्राह्मणस्य चैव राजन्यस्य च यज्ञः। तं वा एतं
वाजपेय इत्याहुः। वाजाप्यो वा एषः। वाजुः ह्येतेन देवा ऐप्सन्। सोमो वै
वाजपेयः। यो वै सोमं वाजपेयं वेद॥१०॥

वाज्यैवेन पीत्वा भवति। आऽस्य वाजी जायते। अन्नं वै वाजपेयः। य एवं वेद।
अत्यन्नम्। आऽस्यान्नादो जायते। ब्रह्म वै वाजपेयः। य एवं वेद। अत्ति
ब्रह्मणाऽन्नम्। आऽस्य ब्रह्मा जायते॥११॥

वाग्वै वाजस्य प्रसवः। य एवं वेद। करोति वाचा वीर्यम्। ऐनं वाचा गच्छति।
अपिवती वाचं वदति। प्रजापतिर्देवेभ्यो यज्ञान्व्यादिशत्। स आत्मन्वाजपेयमधत्त।
तं देवा अब्रुवन्। एष वाव यज्ञः। यद्वाजपेयः॥१२॥

अप्येव नोऽत्रास्त्विति। तेभ्य एता उज्जितीः प्रायच्छत्। ता वा एता उज्जितयो
व्याख्यायन्ते। यज्ञस्य सर्वत्वाय। देवतानामनिर्भागाय। देवा वै ब्राह्मणश्चान्नस्य च
शमलमपाघ्नन्। यद्ब्रह्मणः शमलमासीत्। सा गाथा नाराशस्यभवत्। यदन्नस्य।

सा सुरा॥¹³॥

तस्माद्वायं तश्च मत्तस्य च न प्रतिगृह्यम्। यत्प्रतिगृहीयात्। शमलं प्रतिगृहीयात्।
सर्वा वा एतस्य वाचोऽवरुद्धाः। यो वाजपेययाजी। या पृथिव्यां याऽग्नौ या
रथन्तरे। याऽन्तरिक्षे या वायौ या वामदेव्ये। या दिवि याऽऽदित्ये या बृहति।
याऽप्सु यौषधीषु या वनस्पतिषु। तस्माद्वाजपेययाज्यार्बिजीनः। सर्वा ह्यस्य
वाचोऽवरुद्धाः॥¹⁴॥

धावामेति ज्यैष्ठ्याय वेदं ब्रह्मा जायते वाजपेयः सुराऽऽर्बिजीन एकं च॥

[2]

देवा वै यदन्यैर्ग्रहैर्यज्ञस्य नावारुन्धत। तदतिग्राह्यैरतिगृह्यावारुन्धत।
तदतिग्राह्याणामतिग्राह्यत्वम्। यदतिग्राह्या गृह्यन्ते। यदेवान्यैर्ग्रहैर्यज्ञस्य नावरुन्धे।
तदेव तैरतिगृह्यावरुन्धे। पञ्च गृह्यन्ते। पाङ्क्तो यज्ञः। यावानेव यज्ञः।
तमाप्त्वाऽवरुन्धे॥¹⁵॥

सर्वे ऐन्द्रा भवन्ति। एकधैव यजमान इन्द्रियं दधति। सप्तदश प्राजापत्या ग्रहा
गृह्यन्ते। सप्तदशः प्रजापतिः। प्रजापतेराप्त्यै। एकं यर्चा गृह्णाति। एकधैव यजमाने
वीर्यं दधाति। सोमग्रहाश्च सुराग्रहाश्च गृह्णाति। एतद्वै देवानां परममन्नम्।
यत्सोमः॥¹⁶॥

एतन्मनुष्याणाम्। यत्सुरा। परमेणैवास्मा अन्नादेनावरमन्नाद्यमवरुन्धे।
सोमग्रहान्गृह्णाति। ब्रह्मणो वा एतत्तेजः। यत्सोमः। ब्रह्मण एव तेजसा तेजो
यजमाने दधाति। सुराग्रहान्गृह्णाति। अन्नस्य वा एतच्छमलम्। यत्सुरा॥¹⁷॥

अन्नस्यैव शमलेन शमलं यजमानादपहन्ति। सोमग्रहाश्च सुराग्रहाश्च गृह्णाति।
पुमान् वै सोमः। स्त्री सुरा। तन्मिथुनम्। मिथुनमेवास्य तद्वज्ञे करोति
प्रजननाय। आत्मानमेव सोमग्रहैः स्पृणोति। जायाः सुराग्रहैः।
तस्माद्वाजपेययाज्यमुष्मिल्लोके स्त्रियः सम्भवति। वाजपेयाभिजितः ह्यस्य॥¹⁸॥

पूर्वं सोमग्रहा गृह्यन्ते। अपरे सुराग्रहाः। पुरोऽक्षः सोमग्रहान्त्सादयति। पश्चादक्षः
सुराग्रहान्। पापवस्यस्य विधृत्यै। एष वै यजमानः। यत्सोमः। अन्नः सुरा॥

सोमग्रहाश्च सुराग्रहाश्च व्यतिषजति। अन्नाद्येनैवेनं व्यतिषजति॥¹⁹॥

सम्पृचः स्थ सं मा भद्रेण पृङ्केत्याह। अन्नं वै भद्रम्। अन्नाद्येनैवेनं सः सृजति।
अन्नस्य वा एतच्छमलम्। यत्सुरा। पाप्मेव खलु वै शमलम्। पाप्मना वा
एनमेतच्छमलेन व्यतिषजति। यत्सोमग्रहाश्च सुराग्रहाश्च व्यतिषजति। विपृचः
स्थ वि मा पाप्मना पृङ्केत्याह। पाप्मनैवेनं शमलेन व्यावर्तयति॥²⁰॥

तस्माद्वाजपेययाजी पूतो मेध्यो दक्षिण्यः। प्राडुद्ववति सोमग्रहैः। अमुमेव
तैर्लोकमभिजयति। प्रत्यङ्मुखसुराग्रहैः। इममेव तैर्लोकमभिजयति। प्रतिष्ठन्ति
सोमग्रहैः। यावदेव सत्यम्। तेन सूयते। वाजसृद्धः सुराग्रहान् हरन्ति। अनृतेनैव
विशः सः सृजति। हिरण्यपात्रं मधोः पूर्णं ददाति। मधव्योऽसानीति। एकधा
ब्रह्मण उप हरति। एकधैव यजमान आयुस्तेजो दधाति॥²¹॥

आत्वाऽवरुन्धे सोमः शमलं यत्सुरा हंस्येनं व्यतिषजति व्यावर्तयति सृजति चत्वारि च॥ [3]

ब्रह्मवादिनो वदन्ति। नाग्निष्टोमो नोक्थ्यः। न षोडशी नातिरात्रः। अथ
कस्माद्वाजपेये सर्वे यज्ञक्रतवोऽवरुध्यन्त इति। पशुभिरिति ब्रूयात्। आग्नेयं
पशुमालभते। अग्निष्टोममेव तेनावरुन्धे। ऐन्द्राग्नेनोक्थ्यम्। ऐन्द्रेण षोडशिनः
स्तोत्रम्। सारस्वत्याऽतिरात्रम्॥²²॥

मारुत्या बृहतः स्तोत्रम्। एतावन्तो वै यज्ञक्रतवः। तान्पशुभिरेवावरुन्धे। आत्मानमेव
स्पृणोत्यग्निष्टोमेन। प्राणापानावुक्थ्येन। वीर्यं षोडशिनः स्तोत्रेण। वाचमतिरात्रेण।
प्रजां बृहतः स्तोत्रेण। इममेव लोकमभिजयत्यग्निष्टोमेन। अन्तरिक्षमुक्थ्येन॥²³॥

सुवर्गं लोकं षोडशिनः स्तोत्रेण। देवयानानेव पथ आरोहत्यतिरात्रेण। नाकं
रोहति बृहतः स्तोत्रेण। तेज एवात्मन्धत्त आग्नेयेन पशुना। ओजो बलमैन्द्राग्नेन।
इन्द्रियमैन्द्रेण। वाचं सारस्वत्या। उभावेव देवलोकं च मनुष्यलोकं चाभिजयति
मारुत्या वशया। सप्तदश प्राजापत्यान्पशूनालभते। सप्तदशः प्रजापतिः॥²⁴॥

प्रजापतेराप्त्यै। श्यामा एकरूपा भवन्ति। एवमिव हि प्रजापतिः समृद्धौ।
तान्पर्यग्निकृतानुत्सृजति। मरुतो यज्ञमजिघांसन्प्रजापतेः। तेभ्य एतां मारुतीं

व॒शामा॑ल॒भत। तयै॒वैनान॑शमयत्। मा॒रु॒त्या प्र॒चर्य। ए॒तान्त्सं॑ज्ञपयेत्। म॒रुत॑ ए॒व
श॒मयि॒त्वा॥²⁵॥

ए॒तैः प्र॑चरति। य॒ज्ञस्या॑घा॒ताय। ए॒क॒धा व॒पा जु॑होति। ए॒क॒दे॒व॒त्यां हि। ए॒ते। अथो॑
ए॒क॒धैव॑ यज॒माने॑ वी॒र्यं॑ दधाति। नै॒वा॒रेण॑ स॒प्तद॑श॒शरा॑वेणै॒तर॑हि प्रचरति।
ए॒तत्पु॑रोडा॒शा ह्ये॑ते। अथो॑ प॒शूना॑मे॒व छि॒द्रम॑पि॒दधा॑ति। सा॒र॒स्व॒त्योत्त॑मया प्रचरति।
वा॒ग्वै सर॑स्वती। तस्मा॑त्प्रा॒णानां॑ वा॒गुत्त॑मा। अथो॑ प्र॒जाप॑तावे॒व य॒ज्ञं प्र॑ति॒ष्ठाप॑यति।
प्र॒जाप॑ति॒रहि॒ वाक्। अ॒प॒न्न॒दती॑ भवति। तस्मा॑न्मनु॒ष्याः सर्वा॑ वाचं॑ वदन्ति॥²⁶॥

अतिरात्रमन्तरिक्षमुक्थ्येन प्रजापतिः शमयित्वोत्तमया प्रचरति षट् च॥

[4]

सा॒वि॒त्रं जु॑होति॒ कर्म॑णः॒ कर्म॑णः॒ पुर॑स्तात्। कस्त॑द्वे॒देत्या॑हुः। यद्वा॑ज॒पेय॑स्य॒ पूर्वं
यद॑प॒रमि॑ति। स॒वि॒तृप्र॑सूत ए॒व य॑था॒पूर्वं कर्मा॑णि करोति। स॒व॒नेस॑वने जुहोति।
आ॒क्रम॑णमे॒व तत्से॑तुं यज॒मानः॑ कुरुते। सु॒व॒र्गस्य॑ लो॒कस्य॑ स॒म॒ष्टौ।
वा॒चस्प॑ति॒र्वाच॑म॒द्य स्व॑दाति न॒ इत्या॑ह। वा॒ग्वै दे॒वानां॑ पु॒राऽन्न॑मासीत्। वाच॑मे॒वास्मा॑
अ॒न्नं स्व॑दयति॥²⁷॥

इन्द्र॑स्य॒ वज्रो॑ऽसि॒ वार्त्र॑घ्न॒ इति॑ रथ॑मुपाव॑हरति॒ विजि॑त्यै। वा॒ज॒स्य नु॑ प्र॒स॒वे मा॒तरं॑
म॒हीमि॑त्याह। यच्चै॒वेय॑म्। यच्चा॒स्याम॑धि। तदे॒वाव॑रुन्धे। अथो॑
तस्मि॑न्ने॒वोभ॑येऽभिषि॑च्यते। अ॒प्स्वन्तर॑मृ॒तम॑प्सु भे॒षज॑मित्यश्वा॑न्य॒ल्पू॒लय॑ति। अ॒प्सु वा
अ॒श्वस्य॑ तृती॒यं प्र॑वि॒ष्टम्। तदे॒नुवे॑न॒न्वव॑ल्लवते। यद॒प्सु प॑ल्पू॒लय॑ति॥²⁸॥

यदे॒वास्या॑प्सु प्रवि॑ष्टम्। तदे॒वाव॑रुन्धे। ब॒हु वा॑ अ॒श्वोऽमे॒ध्यमु॑प॒गच्छ॑ति। यद॒प्सु
प॑ल्पू॒लय॑ति। मे॒ध्या॒ने॒वैनान्क॑रोति। वा॒युर्वा॑ ब्वा॒ मनु॑र्वा॒ ब्वेत्या॑ह। ए॒ता वा॑ ए॒तं दे॒वता॑
अ॒ग्रे अ॒श्वम॑युञ्जन्। ताभि॑रे॒वैनान्॑ यु॒नक्ति॑। स॒व॒स्योञ्जि॑त्यै। यजु॑षा॒ यु॒नक्ति॑
व्यावृ॑त्यै॥²⁹॥

अपा॑न्नपा॒दाशु॑हेम॒न्निति॑ स॒म्मा॑र्ष्टि। मे॒ध्या॒ने॒वैनान्क॑रोति। अथो॑ स्तौत्ये॒वैनाना॑जि॒ः
स॑रिष्यतः। वि॒ष्णु॒क्र॒मान्क्र॑मते। वि॒ष्णुरे॒व भू॒त्वैमाँल्लो॒कान॑भिज॑यति। वै॒श्वदे॒वो वै रथः॑।
अ॒ङ्गौ न्य॒ङ्काव॑भितो॒ रथं॑ यावित्या॑ह। या ए॒व दे॒वता॑ रथे॒ प्रवि॑ष्टाः। ताभ्य॑ ए॒व

नमस्करोति। आत्मनोऽनात्त्यै। अशमरथं भावुकोऽस्य रथो भवति। य एवं वेद॥³⁰॥

स्वदयति पल्पूलयति व्यावृत्त्या अनात्त्यै द्वे च॥

[5]

देवस्याहः सवितुः प्रसवे बृहस्पतिना वाजजिता वाजं जेषमित्याह। सवितृप्रसूत एव ब्रह्मणा वाजमुञ्जयति। देवस्याहः सवितुः प्रसवे बृहस्पतिना वाजजिता वर्षिष्ठं नाकः रुहेयमित्याह। सवितृप्रसूत एव ब्रह्मणा वर्षिष्ठं नाकः रोहति। चात्वाले रथचक्रं निमित्तं रोहति। अतो वा अङ्गिरस उत्तमाः सुवर्गं लोकमायन्। साक्षादेव यजमानः सुवर्गं लोकमेति। आवैष्टयति। वज्रो वै रथः। वज्रेणैव दिशोऽभिजयति॥³¹॥

वाजिनाः सामं गायते। अन्नं वै वाजः। अन्नमेवावरुन्धे। वाचो वर्ष्म देवेभ्योऽपाक्रामत्। तद्वनस्पतीन्प्राविशत्। सैषा वाग्वनस्पतिषु वदति। या दुन्दुभौ। तस्मादुन्दुभिः सर्वा वाचोऽतिवदति। दुन्दुभीन्समाघ्नन्ति। परमा वा एषा वाक्॥³²॥

या दुन्दुभौ। परमयैव वाचाऽवरां वाचमवरुन्धे। अथो वाच एव वर्ष्म यजमानोऽवरुन्धे। इन्द्राय वाचं वदतेन्द्रं वाजं जापयतेन्द्रो वाजमजयित्वाह। एष वा एतर्हीन्द्रः। यो यजते। यजमान एव वाजमुञ्जयति। सप्तदश प्रव्याधानाजिं धावन्ति। सप्तदशः स्तोत्रं भवति। सप्तदशसप्तदश दीयन्ते॥³³॥

सप्तदशः प्रजापतिः। प्रजापतेराप्त्यै। अर्वाऽसि सप्तिरसि वाज्यंसीत्याह। अग्निर्वा अर्वा। वायुः सप्तिः। आदित्यो वाजी। एताभिरेवास्मै देवताभिर्देवरथं युनक्ति। प्रष्टिवाहिनं युनक्ति। प्रष्टिवाही वै देवरथः। देवरथमेवास्मै युनक्ति॥³⁴॥

वाजिनो वाजं धावत काष्ठां गच्छतेत्याह। सुवर्गो वै लोकः काष्ठा। सुवर्गमेव लोकं यन्ति। सुवर्गं वा एते लोकं यन्ति। य आजिं धावन्ति। प्राश्नो धावन्ति। प्राड्वि हि सुवर्गो लोकः। चतसृभिरनु मन्त्रयते। चत्वारि छन्दांसि। छन्दाभिरेवैनान्सुवर्गं लोकं गमयति॥³⁵॥

प्र वा एतैऽस्माल्लोकाश्च्यवन्ते। य आजिं धावन्ति। उदं च आवर्तन्ते। अस्मादेव तेनं

लोकान्नयन्ति। रथविमोचनीयं जुहोति प्रतिष्ठित्यै। आ मा वाजस्य प्रसवो
जगम्यादित्याह। अन्नं वै वाजः। अन्नेमेवावरुन्धे। यथालोकं वा एत उञ्जयन्ति। य
आजिं धावन्ति॥³⁶॥

कृष्णलं कृष्णलं वाजसृद्धः प्रयच्छति। यमेव ते वाजं लोकमुञ्जयन्ति। तं
परिक्रीयावरुन्धे। एकधा ब्रह्मण उपहरति। एकधैव यजमाने वीर्यं दधाति। देवा
वा ओषधीष्वजिमयुः। ता बृहस्पतिरुदजयत्। स नीवारान्निरवृणीत। तन्नीवारानां
नीवारत्वम्। नैवारश्चरुर्भवति॥³⁷॥

एतद्वै देवानां परममन्नम्। यन्नीवाराः। परमेणैवास्मां अन्नाद्येनावरमन्नाद्यमवरुन्धे।
सप्तदशशरावो भवति। सप्तदशः प्रजापतिः। प्रजापतेरात्यै। क्षीरे भवति।
रुचमेवास्मिन्दधाति। सर्पिष्वान्भवति मेध्यत्वाय। बारुहस्पत्यो वा एष देवतया॥³⁸॥

यो वाजपेयेन यजते। बारुहस्पत्य एष चरुः। अश्वान्त्सरिष्यतः सस्रुषश्चाव
घ्रापयति। यमेव ते वाजं लोकमुञ्जयन्ति। तमेवावरुन्धे। अजीजिपत वनस्पतय
इन्द्रं वाजं विमुच्यध्वमिति दुन्दुभीन् विमुञ्चति। यमेव ते वाजं लोकमिन्द्रियं
दुन्दुभयं उञ्जयन्ति। तमेवावरुन्धे॥³⁹॥

अभिजयति वा एषा वाग्दीयन्तेऽस्मै युनक्ति गमयति य आजिं धावन्ति भवति देवतयाऽष्टौ च॥ [6]

तार्प्यं यजमानं परिधापयति। यज्ञो वै तार्प्यम्। यज्ञेनैवैनं समर्धयति। दर्भमयं
परिधापयति। पवित्रं वै दर्भाः। पुनात्येवैनम्। वाजं वा एषोऽवरुरुत्सते। यो
वाजपेयेन यजते। ओषधयः खलु वै वाजः। यद्दर्भमयं परिधापयति॥⁴⁰॥

वाजस्यावरुद्धौ। जाय एहि सुवो रोहावेत्याह। पत्निया एवैष
यज्ञस्यान्वारम्भोऽनवच्छित्यै। सप्तदशारत्निरूपो भवति। सप्तदशः प्रजापतिः।
प्रजापतेरात्यै। तूपरश्चतुरश्रिर्भवति। गौधूमं चषालम्। न वा एते व्रीहयो न यवाः।
यद्गोधूमाः॥⁴¹॥

एवमिव हि प्रजापतिः समृद्धौ। अथो अमुमेवास्मै लोकमन्नवन्तं करोति।
वासोभिर्वेष्टयति। एष वै यजमानः। यदूपः। सर्वदेवत्यं वासः। सर्वाभिरेवैनं

दे॒वता॑भिः॒ सम॑र्धयति। अथो॑ आ॒क्रम॑णमे॒व तत्से॑तुं यज॑मानः कुरु॒ते। सु॒वर्ग॑स्य॒ लोक॑स्य॒ सम॑ष्ट्यै। द्वा॒द॒श वा॒ज॒प्र॒स॒वी॒या॒नि जु॒होति॥⁴²॥

द्वा॒द॒श मा॒साः॑ सं॒वत्स॑रः। सं॒वत्स॑रमे॒व प्री॑णाति। अथो॑ सं॒वत्स॑रमे॒वास्मा॑
उप॑दधाति। सु॒वर्ग॑स्य॒ लोक॑स्य॒ सम॑ष्ट्यै। द॒शभिः॒ कल्पे॑ रो॒हति॑। न॒व वै पु॑रुषे
प्रा॒णाः। नाभि॑र्द॒शमी॑। प्रा॒णाने॒व यथा॑स्थानं क॑ल्पयि॒त्वा। सु॒वर्गं लो॒कमे॑ति। ए॒ताव॑द्वै
पु॒रुष॑स्य॒ स्वम्॥⁴³॥

याव॑त्प्रा॒णाः। याव॑दे॒वास्या॑स्ति। तेन॑ स॒ह सु॒वर्गं लो॒कमे॑ति। सु॒वर्दे॒वाः अ॑ग॒न्मेत्या॑ह।
सु॒वर्गमे॒व लो॒कमे॑ति। अ॒मृता॑ अ॒भूमेत्या॑ह। अ॒मृत॑मि॒व हि सु॒वर्गो लो॒कः। प्र॒जाप॑तेः
प्र॒जा अ॒भूमेत्या॑ह। प्रा॒जाप॒त्यो वा अ॒यं लो॒कः। अ॒स्मादे॒व तेन॑ लो॒कात्रै॑ति॥⁴⁴॥

सम॑हं प्र॒जया॒ सं मया॑ प्र॒जेत्या॑ह। आ॒शिष॑मे॒वैता॑मा शा॒स्ते। आ॒स॒पु॒टैर्घ॑न्ति। अन्नं
वा इ॒यम्। अ॒न्नादे॑नै॒वैन॑ः सम॑र्धयन्ति। ऊ॒षैर्घ॑न्ति। ए॒ते हि सा॒क्षाद॑न्नम्। यदू॒षाः।
सा॒क्षादे॒वैन॑म॒न्नादे॑न॒ सम॑र्धयन्ति। पु॒रस्ता॑त्प्र॒त्यश्च॑ घ॒न्ति॥⁴⁵॥

पु॒रस्ता॑द्धि प्र॒तीची॑न॒मन्न॑म॒द्यतै॑। शी॒र्षतो॑ घ॒न्ति। शी॒र्षतो॑ ह्यन्न॑म॒द्यतै॑। दि॒ग्भ्यो घ॑न्ति।
दि॒ग्भ्य ए॒वास्मा॑ अ॒न्नाद्य॑म॒वरु॑न्धते। ई॒श्वरो॑ वा ए॒ष परा॑ङ्मु॒दघः॑। यो यू॒पः रो॒हति॑।
हि॒र॒ण्यम॑ध्य॒वरो॒हति॑। अ॒मृतं॑ वै हि॒र॒ण्यम्। अ॒मृत॑ः सु॒वर्गो लो॒कः॥⁴⁶॥

अ॒मृतं॑ ए॒व सु॒वर्गे लो॒के प्र॑ति॒तिष्ठ॑ति। श॒तमा॑नं भ॒वति॑। श॒तायुः॑ पु॒रुषः॑ श॒तेन्द्रि॑यः।
आयु॑ष्ये॒वेन्द्रि॑ये प्र॑ति॒ तिष्ठ॑ति। पु॒ष्ट्यै वा ए॒तद्रूप॑म्। यद॒जा। त्रिः
सं॒वत्स॑रस्या॒न्यान्प॒शून्परि॑ प्र॒जाय॑ते। ब॒स्ताजि॑नम॒ध्यव॑ रो॒हति॑। पु॒ष्ट्यामे॒व प्र॒जन॑ने
प्र॑ति॒तिष्ठ॑ति॥⁴⁷॥

परि॒धाप॑र्यति गो॒धूमां जु॒होति॒ स्त्रं नैति॑ प्र॒त्यश्च॑ घ॒न्ति लो॒को न॒व च॥

[7]

स॒प्तान्न॑हो॒माञ्जु॑होति। स॒प्त वा अ॒न्नानि॑। याव॑न्त्ये॒वान्नानि॑। ता॒न्येवा॒वरु॑न्धे। स॒प्त ग्रा॒म्या
ओष॑धयः। स॒प्तार॑ण्याः। उ॒भयी॑षाम॒वरु॑द्धौ। अ॒न्नस्यान्न॑स्य जु॒होति॑।
अ॒न्नस्यान्न॑स्या॒वरु॑द्धौ। यद्वा॑जपे॒यया॒ज्यन॑वरु॒द्धस्या॑श्री॒यात्॥⁴⁸॥

अ॒वरु॑द्धेन॒ व्यु॑द्धेत। सर्व॑स्य॒ सम॑व॒दाय॑ जु॒होति॑। अ॒न॒वरु॑द्धस्या॒वरु॑द्धौ। औ॒दु॒म्बरे॑ण

सुवेण जुहोति। ऊर्वा अन्नमुदुम्बरः। ऊर्ज एवान्नाद्यस्यावरुद्धौ। देवस्य वा सवितुः प्रसव इत्याह। सवितृप्रसूत एवेनं ब्रह्मणा देवताभिरभिषिञ्चति। अन्नस्यान्नस्याभिषिञ्चति। अन्नस्यान्नस्यावरुद्धौ॥⁴⁹॥

पुरस्तात्प्रत्यञ्चमभिषिञ्चति। पुरस्ताद्धि प्रतीचीनमन्नमद्यते। शीर्षतोऽभिषिञ्चति। शीर्षतो ह्यन्नमद्यते। आ मुखादन्ववस्त्रावयति। मुखत एवास्मा अन्नाद्यं दधाति। अग्नेस्त्वा साम्राज्येनाभिषिञ्चामीत्याह। एष वा अग्नेः सवः। तेनैवेनमभिषिञ्चति। इन्द्रस्य वा साम्राज्येनाभिषिञ्चामीत्याह॥⁵⁰॥

इन्द्रियमेवास्मिन्नेतेन दधाति। बृहस्पतेस्त्वा साम्राज्येनाभिषिञ्चामीत्याह। ब्रह्म वै देवानां बृहस्पतिः। ब्रह्मणैवेनमभिषिञ्चति। सोमग्रहाश्चावदानीयानि चर्त्विग्न्य उपहरन्ति। अमुमेव तैर्लोकमन्नवन्तं करोति। सुराग्रहाश्चानवदानीयानि च वाजसृद्धः। इममेव तैर्लोकमन्नवन्तं करोति। अथो उभर्याष्वेवाभिषिच्यते। विमाथं कुर्वते वाजसृतः॥⁵¹॥

इन्द्रियस्यावरुद्धौ। अनिरुक्ताभिः प्रातः सवने स्तुवते। अनिरुक्तः प्रजापतिः। प्रजापतेरात्यै। वाजवतीभिर्मार्ध्यं दिने। अन्नं वै वाजः। अन्नमेवावरुन्धे। शिपिविष्टवतीभिस्तृतीयसवने। यज्ञो वै विष्णुः। पशवः शिपिः। यज्ञ एव पशुषु प्रति तिष्ठति। बृहदन्त्यं भवति। अन्तमेवेनः श्रिये गमयति॥⁵²॥

अश्वीयादन्नस्यान्नस्यावरुद्धौ इन्द्रस्य वा साम्राज्येनाभिषिञ्चामीत्याह वाजसृतः शिपिस्त्रीणि च॥ [8]

नृषदं ब्रेत्याह। प्रजा वै नृन्। प्रजानामेवैतेन सूयते। द्रुषदमित्याह। वनस्पतयो वै द्रु। वनस्पतीनामेवैतेन सूयते। भुवनसदमित्याह। यदा वै वसीयान्भवति। भुवनमगन्निति वै तमाहुः। भुवनमेवैतेन गच्छति॥⁵³॥

अप्सुषदं वा घृतसदमित्याह। अपामेवैतेन घृतस्य सूयते। व्योमसदमित्याह। यदा वै वसीयान्भवति। व्योमागन्निति वै तमाहुः। व्योमेवैतेन गच्छति। पृथिविषदं वाऽन्तरिक्षसदमित्याह। एषामेवैतेन लोकानां सूयते। तस्माद्वाजपेययाजी न कश्चन प्रत्यवरोहति। अपीव हि देवतानां सूयते॥⁵⁴॥

नाकसदमित्याह। यदा वै वसीयान्भवति। नाकमगन्निति वै तमाहुः। नाकमेवैतेन गच्छति। ये ग्रहाः पञ्चजनीना इत्याह। पञ्चजनानामेवैतेन सूयते। अपाः रसमुद्वयसमित्याह। अपामेवैतेन रसस्य सूयते। सूर्यरश्मिः समाभृतमित्याह सशुक्रत्वाय॥ 55 ॥

गच्छति सूयते नव च॥ [9]

इन्द्रो वृत्रं हृत्वा। असुरान्पराभाव्य। सोऽमावास्यां प्रत्यागच्छत्। ते पितरः पूर्वदुरागच्छन्। पितृन् यज्ञोऽगच्छत्। तं देवाः पुनरयाचन्त। तमेभ्यो न पुनरददुः। तैऽब्रुवन्वरं वृणामहे। अथ वः पुनर्दास्यामः। अस्मभ्यमेव पूर्वदुः क्रियाता इति॥ 56 ॥

तमेभ्यः पुनरददुः। तस्मात्पितृभ्यः पूर्वदुः क्रियते। यत्पितृभ्यः पूर्वदुः करोति। पितृभ्य एव तद्यज्ञं निष्क्रीय यजमानः प्रतनुते। सोमाय पितृपीताय स्वधा नम इत्याह। पितुरेवार्धिं सोमपीथमवरुन्धे। न हि पिता प्रमीयमाण आहैष सोमपीथ इति। इन्द्रियं वै सोमपीथः। इन्द्रियमेव सोमपीथमव रुन्धे। तेनैन्द्रियेण द्वितीयां जायामभ्यश्नुते॥ 57 ॥

एतद्वै ब्राह्मणं पुरा वाजवश्रवसा विदामक्रन्। तस्मात्ते द्वे द्वे जाये अभ्याक्षत। य एवं वेद। अभि द्वितीयां जायामश्रुते। अग्नये कव्यवाहनाय स्वधा नम इत्याह। य एव पितृणामग्निः। तं प्रीणाति। तिस्र आहुतीर्जुहोति। त्रिर्निदधाति। षट्सम्पदन्ते॥ 58 ॥

षड्वा ऋतवः। ऋतूनेव प्रीणाति। तूष्णीं मेक्षणमादधाति। अस्ति वा हि षष्ठ ऋतुर्न वा। देवान् वै पितृन्प्रीतान्। मनुष्याः पितरोऽनु प्रपिपते। तिस्र आहुतीर्जुहोति। त्रिर्निदधाति। षट्सम्पदन्ते। षड्वा ऋतवः॥ 59 ॥

ऋतवः खलु वै देवाः पितरः। ऋतूनेव देवान्पितृन्प्रीणाति। तान्प्रीतान्। मनुष्याः पितरोऽनु प्रपिपते। सकृदाच्छिन्नं बर्हिर्भवति। सकृदिव हि पितरः। त्रिर्निदधाति। तृतीये वा इतो लोके पितरः। तानेव प्रीणाति। पराडावर्तते॥ 60 ॥

ह्रीका हि पितरः। ओष्मणो व्यावृत उपास्ते। ऊष्मभागा हि पितरः। ब्रह्मवादिनो वदन्ति। प्राश्या (3) न प्राश्या (3) मिति। यत्प्राश्नीयात्। जन्यमन्नमद्यात्।

प्र॒मायु॑कः स्यात्। यन्न प्रा॑श्नीयात्। अ॒हविः॑ स्यात्॥⁶¹॥

पि॒तृभ्य॑ आ॒वृश्चे॑त। अ॒व॒घ्रेय॑मे॒व। तन्ने॒व प्रा॑शितं ने॒वाप्रा॑शितम्। वी॒रं वा॑ वै पि॒तरः॑
प्र॒यन्तो॑ हर॑न्ति। वी॒रं वा॑ द॒दति॑। द॒शां छि॑नन्ति। हर॑णभा॒गा हि पि॒तरः॑। पि॒तृने॒व
नि॒रव॑दयते। उत्त॑र आ॒युषि॑ लो॒मं छि॑न्दीत। पि॒तृणां॑ ह्ये॒तर॑हि ने॒दीयः॑॥⁶²॥

नम॑स्करोति। नम॑स्का॒रो हि पि॑तृ॒णाम्। नमो॑ वः पि॒तरो॑ रसा॒य। नमो॑ वः पि॒तरः॑
शुष्मा॑य। नमो॑ वः पि॒तरो॑ जी॒वाय॑। नमो॑ वः पि॒तरः॑ स्व॒धायै॑। नमो॑ वः पि॒तरो॑
म॒न्यवै॑। नमो॑ वः पि॒तरो॑ घो॒राय॑। पि॒तरो॑ नमो॑ वः। य ए॒तस्मिँ॑लो॒के स्थ॑॥⁶³॥

युष्मा॑स्तेऽनु॑। यै॑ऽस्मिँ॑लो॒के। मां तेऽनु॑। य ए॒तस्मिँ॑लो॒के स्थ॑। यू॒यं तेषां॑ वसि॑ष्ठा
भूया॑स्त। यै॑ऽस्मिँ॑लो॒के। अ॒हं तेषां॑ वसि॑ष्ठो भूया॑समि॒त्याह॑। वसि॑ष्ठः स॒मा॒नाना॑
भव॑ति। य ए॒वं वि॒द्वान्पि॒तृभ्यः॑ क॒रोति॑। ए॒ष वै म॑नु॒ष्याणां॑ य॒ज्ञः॥⁶⁴॥

दे॒वानां॑ वा इ॒तरे॑ य॒ज्ञाः। तेन॑ वा ए॒तत्पि॑तृलो॒के च॑रति। यत्पि॑तृभ्यः क॒रोति॑। स ई॑
श्वरः प्र॒मेतोः॑। प्रा॒जाप॒त्यय॑र्चा पु॒नरै॑ति। य॒ज्ञो वै प्र॒जाप॑तिः। य॒ज्ञेनै॒व स॒ह पु॒नरै॑ति।
न प्र॒मायु॑को भव॑ति। पि॒तृलो॒के वा ए॒तद्य॑ज॒मानश्च॑रति। यत्पि॑तृभ्यः क॒रोति॑। स ई॑
श्वर आ॒र्तिमा॑र्तोः। प्र॒जाप॑तिस्त्वा॒वेन॑ त॒त उ॒न्नैतु॑म॒र्हती॑त्याहुः। यत्प्रा॑जाप॒त्यय॑र्चा
पु॒नरै॑ति। प्र॒जाप॑तिरे॒वेन॑ त॒त उ॒न्नय॑ति। ना॒र्तिमा॑र्च्छति यज॑मानः॥⁶⁵॥

इत्यंश्रुते पद्यन्ते पद्यन्ते षड्वा ऋतवो वर्ततेऽहविः स्यान्नेदीयः स्थ यज्ञो यजमानश्चरति यत्पितृभ्यः करोति पञ्च च॥ [10]

दे॒वा॒सुरा॑ अ॒ग्नीषो॑म॒योदे॒वा वै यथा॑दर्शं दे॒वा वै यद॑न्ये॒र्ग्रहै॑र्ब्रह्म॒वादि॑नो ना॒ग्नि॒ष्टोमो॑ न सा॒वि॒त्रं दे॒वस्या॑हं ता॒र्प्यं स॒प्तान्न॑हो॒मानृष॑दं वे॒न्द्रो
वृ॒त्रं ह॒त्वा द॑श॥¹⁰॥

दे॒वा॒सुरा॑ वा॒ज्यैवे॑न॒ तस्मा॑द्वाज॒पेय॑याजी दे॒वस्या॑हं वाज॒स्याव॑रु॒द्धा इन्द्रि॑यमे॒वास्मि॑न् ह्री॒का हि पि॒तरः॑ पञ्च॑षष्टिः॥⁶⁵॥

दे॒वा॒सुरा॑ यज॑मानः॥

हरिः॑ ॐ॥

॥ इति श्रीकृष्णयजुर्वेदीयतैत्तिरीयब्राह्मणे प्रथमाष्टके तृतीयः प्रपाठकः समाप्तः॥

॥चतुर्थः प्रश्नः॥

॥तैत्तिरीयब्राह्मणे प्रथमाष्टके चतुर्थः प्रपाठकः॥

उ॒भये॒ वा ए॒ते प्र॒जाप॑ते॒रध्य॑सृ॒ज्यन्त॑ । दे॒वाश्चा॑सृ॒राश्च॑ । तान्न॑ व्य॒जाना॑त् । इ॒मेऽन्य॑
इ॒मेऽन्य॑ इति॑ । स दे॒वान् शू॒नं करो॑त् । तान्भ्य॑षु॒णोत् । तान्प॒वित्रे॑णा॒पुना॑त् ।
तान्प॒रस्ता॑त्प॒वित्र॑स्य॒ व्य॑गृ॒ह्णात् । ते ग्र॒हा अभ॑वन् । तद्ग्र॒हाणां॑ ग्र॒हत्व॑म् ॥₁॥

दे॒वता॒ वा ए॒ता यज॑मानस्य गृ॒हे गृ॑ह्यन्ते । यद्ग्र॒हाः । वि॒दुरे॑नं दे॒वाः । यस्यै॒वं वि॒दुष॑ ए॒ते
ग्र॒हा गृ॑ह्यन्ते । ए॒षा वै सोम॑स्याहु॒तिः । यदु॑पा॒शुः । सोमे॑न दे॒वाः स्त॑र्पया॒णीति॑ खलु॒ वै
सोमे॑न यज॒ते । यदु॑पा॒शुं जु॒होति॑ । सोमे॑नै॒व तद्दे॒वाः स्त॑र्पयति । यद्ग्र॒हा जु॒होति॑ ॥₂॥

दे॒वा ए॒व तद्दे॒वान् गच्छ॑न्ति । यच्च॑मसां जु॒होति॑ । तेनै॒वानु॑रूपेण यज॑मानः सु॒वर्गं
लो॒कमे॑ति । किं नै॒तदग्र॑ आसी॒दित्या॑हुः । यत्पा॒त्राणी॑ति॒ । इ॒यं वा ए॒तदग्र॑ आसीत् ।
मृ॒न्मया॑नि॒ वा ए॒तान्या॑सन् । तैर्दे॒वा न व्या॒वृत॑मगच्छन् । त ए॒तानि॑ दा॒रुमया॑णि
पा॒त्राण्य॑पश्यन् । तान्य॑कुर्व॒त ॥₃॥

तैर्वै ते व्या॒वृत॑मगच्छन् । यद्दा॑रुमया॑णि पा॒त्राणि॑ भव॑न्ति । व्या॒वृत॑मे॒व तैर्यज॑मानो
गच्छ॑ति । यानि॑ दा॒रुमया॑णि पा॒त्राणि॑ भव॑न्ति । अ॒मुमे॒व तैर्लो॒कम॑भिज॑यति । यानि॑
मृ॒न्मया॑नि । इ॒ममे॒व तैर्लो॒कम॑भिज॑यति । ब्र॒ह्मवा॑दिनो॒ वद॑न्ति । काश्च॑त॒स्रः
स्था॒लीर्वाय॑व्याः॒ सोम॑ग्र॒हणी॑रिति॒ । दे॒वा वै पृ॒श्निम॑दुहन् ॥₄॥

तस्या॑ ए॒ते स्तना॑ आसन् । इ॒यं वै पृ॒श्निः । तामा॑दि॒त्या आ॑दि॒त्यस्था॒ल्या चतु॑ष्पदः
प॒शून् दु॑हन् । यदा॑दि॒त्यस्था॒ली भव॑ति । चतु॑ष्पद ए॒व तया॑ प॒शून् यज॑मान इ॒मां दु॑हे ।
तामिन्द्र॑ उक्थ्य॒स्था॒ल्येन्द्रि॒यम॑दुहत् । यदु॑क्थ्य॒स्था॒ली भव॑ति । इन्द्रि॒यमे॒व तया॑
यज॑मान इ॒मां दु॑हे । तां वि॒श्वे दे॒वा आ॑ग्रयण॒स्था॒ल्योर्ज॑मदुहन् । यदा॑ग्रयण॒स्था॒ली
भव॑ति ॥₅॥

ऊ॒र्जमे॒व तया॑ यज॑मान इ॒मां दु॑हे । तां म॑नु॒ष्या ध्रु॒वस्था॒ल्याऽऽयु॑रदुहन् ।
यद्भु॑व॒स्था॒ली भव॑ति । आ॒यु॒रे॒व तया॑ यज॑मान इ॒मां दु॑हे । स्था॒ल्या गृ॑ह्णाति॒ ।

वा॒य॒व्येन जु॒होति॑। तस्मा॑दन्येन॒ पात्रे॑ण प॒शून् दुह॑न्ति। अ॒न्येन॒ प्रति॑गृह्णन्ति। अथौ॑
व्यावृ॑तमे॒व तद्यज॑मानो गच्छति॥६॥

ग्रहं ग्रहां जुहोत्यकुर्वतादुहन्नाग्रयणस्थाली भवति नवं च॥

[1]

युव॑ सु॒राम॑म॒श्विना॑। नमु॑चा॒वासुरे॑ सचा॑। वि॒पिपा॑ना शु॒भस्प॑ती। इन्द्रं॑ कर्म
स्वाव॑तम्। पु॒त्रमि॑व पि॒तरा॑व॒श्विनो॑भा। इन्द्रा॑व॒तं कर्म॑णा द॒सना॑भिः। यत्सु॑रामं
व्य॒पिबः॑ श॒चीभिः॑। सर॑स्वती॒ त्वा म॑घवन्नभीष्णात्। अहा॑व्य॒ग्रे ह॒विरा॒स्येते॑। सु॒चीव॑
घृ॒तं च॒मू इ॒व सोमः॑॥७॥

वा॒ज॒सनि॑र॒यिम॑स्मे सु॒वीर॑म्। प्र॒शस्तं॑ धै॒हि य॒शसं॑ बृ॒हन्त॑म्। यस्मि॑न्नश्वा॑स
ऋष॑भासं उ॒क्षणा॑। व॒शा मेषा॑ अ॒वसृ॑ष्टास आहु॑ताः। की॒लाल॑पे सोम॑पृ॒ष्ठाय॑ वे॒धसै॑।
हृ॒दा म॒तिं ज॑नय॒ चारु॑म॒ग्नयै॑। नाना॑ हि वा॑ दे॒वहि॑त॒सदो॑ मि॒तम्। मा स॑सृ॒क्षाथां॑
पर॑मे व्यो॒मन्। सुरा॑ त्वम॒सि शु॒ष्मिणी॑ सोमं॑ ए॒षः। मा मां हि॑सीः स्वां
योनि॑मावि॒शन्॥८॥

यदत्र॑ शिष्ट॑र॒सिनः॑ सु॒तस्य॑। यदिन्द्रो॑ अपि॒बच्छ॑ची॒भिः। अहं॑ तद॒स्य मन॑सा
शि॒वेन॑। सोम॑र॒ाजा॑नमि॒ह भ॑क्षयामि। द्वे सु॒ती अ॑श्रुण॒वं पि॒तृणा॑म्। अहं॑
दे॒वाना॑मु॒त म॒र्त्याना॑म्। ताभ्या॑मि॒दं वि॒श्वं भु॑वं॒नस॑मै॒ति। अ॒न्तरा॑ पूर्॒वम॑प॒रं च॑
के॒तुम्। यस्ते॑ दे॒व वरु॑ण गाय॒त्रच्छ॑न्दाः पा॒शः। तं तं॑ ए॒तेना॑व॒ यजे॑॥९॥

यस्ते॑ दे॒व वरु॑ण त्रिष्टु॒च्छन्दाः॑ पा॒शः। तं तं॑ ए॒तेना॑व॒ यजे॑। यस्ते॑ दे॒व वरु॑ण
जग॑तीछन्दाः पा॒शः। तं तं॑ ए॒तेना॑व॒ यजे॑। सोमो॑ वा ए॒तस्य॑ रा॒ज्यमा॑द॒त्ते। यो राजा॑
स॒त्राज्यो॑ वा सोमे॑न॒ यज॑ते। दे॒वसु॑वा॒मेता॑नि॒ हवी॑र॒षि भ॑वन्ति। ए॒ताव॑न्तो॒ वै
दे॒वाना॑सु॒वाः। त ए॒वास्मै॑ स॒वान्प्रय॑च्छन्ति। त ए॒नं पु॑नः सु॒वन्ते॑ रा॒ज्याय॑। दे॒वसू॑
राजा॑ भवति॥१०॥

सोमं आविशन् यजे राज्यायैकं च॥

[2]

उद॑स्थाद्दे॒व्यदि॑तिर्वि॒श्वरू॑पी। आ॒युर्य॒ज्ञप॑ताव॒धात्। इन्द्रा॑य कृ॒ण्वती॑ भा॒गम्। मि॒त्राय॑
वरु॑णाय॒ च। इ॒यं वा अ॑ग्नि॒होत्री॑। इ॒यं वा ए॒तस्य॑ नि॒षीद॑ति। यस्या॑ग्नि॒होत्री॑

निषीदति। तामुत्थापयेत्। उदस्थाद्देव्यदितिरिति। इयं वै देव्यदितिः॥¹¹॥

इमामेवास्मा उत्थापयति। आयुर्यज्ञपतावधादित्याह। आयुरेवास्मिन्दधाति। इन्द्राय कृण्वती भागं मित्राय वरुणाय चेत्याह। यथायजुरेवैतत्। अवर्ति वा एषैतस्य पाप्मानं प्रतिख्याय निषीदति। यस्याग्निहोत्र्युपसृष्टा निषीदति। तां दुग्ध्वा ब्राह्मणाय दद्यात्। यस्यान्नं नाद्यात्। अवर्तिमेवास्मिन्पाप्मानं प्रतिमुञ्चति॥¹²॥

दुग्ध्वा ददाति। न ह्यदृष्टा दक्षिणा दीयते। पृथिवीं वा एतस्य पयः प्रविशति। यस्याग्निहोत्रं दुह्यमानं॑ स्कन्दति। यदद्य दुग्धं पृथिवीमसक्तं। यदोषधीरप्यसरददापः। पयो गृहेषु पयो अग्नियासु। पयो वत्सेषु पयो अस्तु तन्मयीत्याह। पय एवात्मनृहेषु पशुषु धत्ते। अप उपसृजति॥¹³॥

अद्भिरेवैनदाप्नोति। यो वै यज्ञस्यार्ते नानार्तं॑ स॑ सृजति। उभे वै ते तर्ह्यार्च्छतः। आर्च्छति खलु वा एतदग्निहोत्रम्। यदुह्यमानं॑ स्कन्दति। यदभिदुह्यात्। आर्ते नानार्तं यज्ञस्य स॑सृजेत्। तदेव यादृक्कीदृक्॑ होतव्यम्। अथान्यां दुग्ध्वा पुनर्होतव्यम्। अनार्तेनैवार्तं यज्ञस्य निष्करोति॥¹⁴॥

यद्युद्धृतस्य स्कन्देत्। यत्ततोऽहुत्वा पुनरेयात्। यज्ञं विच्छिन्द्यात्। यत्र स्कन्देत्। तन्निषद्य पुनर्गृहीयात्। यत्रैव स्कन्दति। तत् एवैनत्पुनर्गृह्णाति। तदेव यादृक्कीदृक्॑ होतव्यम्। अथान्यां दुग्ध्वा पुनर्होतव्यम्। अनार्तेनैवार्तं यज्ञस्य निष्करोति॥¹⁵॥

वि वा एतस्य यज्ञश्छिद्यते। यस्याग्निहोत्रेऽधिश्चिते॑ श्वाऽन्तरा धावति। रुद्रः खलु वा एषः। यदग्निः। यद्गामन्वत्या वर्तयेत्। रुद्राय पशूनपि दध्यात्। अपशुर्यजमानः स्यात्। यदपोऽन्वतिषिञ्चेत्। अनाद्यमग्नेरापः। अनाद्यमाभ्यामपि दध्यात्। गार्हपत्याद्भस्मादायं। इदं विष्णुर्विचक्रम इति वैष्णव्यर्चाऽऽहवनीयाद्ध॑सयन्नुद्रवेत्। यज्ञो वै विष्णुः। यज्ञेनैव यज्ञः सन्तनोति। भस्मना पदमपि वपति शान्त्यै॥¹⁶॥

वै देव्यदितिर्मुञ्चति सृजति करोति करोत्याभ्यामपि दध्यात् पञ्च च॥

[3]

नि वा एतस्याहवनीयो गार्हपत्यं कामयते। निगार्हपत्य आहवनीयम्। यस्याग्निमनुद्धृतं॑ सूर्योऽभि निम्रोचति। दर्भेण हिरण्यं प्रबद्धं पुरस्ताद्धरेत्।

अथा॒ग्निम्। अथा॒ग्निहो॒त्रम्। यद्वि॑र॒ण्यं पु॒रस्ता॒द्धर॑ति। ज्योति॑र्वै हि॒र॒ण्यम्। ज्योति॑रे॒वैनं॑
पश्य॑न्नुद्ध॑रति। यद॒ग्निं पूर्॒व॑ ह॒रत्य॑था॒ग्निहो॒त्रम्॥¹⁷॥

भा॒ग॒धेये॑नै॒वैनं॑ प्रण॑यति। ब्रा॒ह्म॒ण आ॑र्षे॒य उ॒द्धरे॑त्। ब्रा॒ह्म॒णो वै सर्वा॑ दे॒वताः॑।
सर्वा॑भिरे॒वैनं॑ दे॒वता॑भि॒रुद्ध॑रति। अ॒ग्निहो॒त्रमु॑प॒साद्या॑तमि॒तोरा॑सीत। व्र॒तमे॒व ह॒तम॑नु॒
म्रिय॑ते। अ॒न्तं वा ए॒ष आ॒त्मनो॑ गच्छति। यस्ता॑म्यति। अ॒न्तमे॒ष य॒ज्ञस्य॑ गच्छति।
यस्या॒ग्निम॑नु॒द्धृत॑ सूर्यो॒ऽभि नि॒म्रोच॑ति॥¹⁸॥

पुनः॑ स॒मन्य॑ जुहोति। अ॒न्तेनै॒वान्तं॑ य॒ज्ञस्य॑ निष्क॑रोति। वरु॑णो वा ए॒तस्य॑ य॒ज्ञं
गृ॒ह्णाति॑। यस्या॒ग्निम॑नु॒द्धृत॑ सूर्यो॒ऽभि नि॒म्रोच॑ति। वारु॑णं च॒रुं निर्व॑पेत्। तेनै॒व य॒ज्ञं
निष्क्री॑णीते। नि वा ए॒तस्या॑ह॒वनी॒यो गा॑र्ह॒पत्यं॑ का॒मय॑ते। नि गा॑र्ह॒पत्य
आ॑ह॒वनी॒यम्। यस्या॒ग्निम॑नु॒द्धृत॑ सूर्यो॒ऽभ्यु॑देति। च॒तुर्गृ॑ही॒तमा॑ज्यं पु॒रस्ता॒द्धरे॑त्॥¹⁹॥

अथा॒ग्निम्। अथा॒ग्निहो॒त्रम्। यदा॑ज्यं पु॒रस्ता॒द्धर॑ति। ए॒तद्वा अ॒ग्नेः प्रि॒यं धा॑मं।
यदा॑ज्यम्। प्रि॒येणे॒वैनं॑ धा॒म्ना स॑म॒र्धय॑ति। यद॒ग्निं पूर्॒व॑ ह॒रत्य॑था॒ग्निहो॒त्रम्।
भा॒ग॒धेये॑नै॒वैनं॑ प्रण॑यति। ब्रा॒ह्म॒ण आ॑र्षे॒य उ॒द्धरे॑त्। ब्रा॒ह्म॒णो वै सर्वा॑ दे॒वताः॑॥²⁰॥

सर्वा॑भिरे॒वैनं॑ दे॒वता॑भि॒रुद्ध॑रति। परा॑ची वा ए॒तस्मै॑ व्युच्छ॑न्ती व्युच्छति।
यस्या॒ग्निम॑नु॒द्धृत॑ सूर्यो॒ऽभ्यु॑देति। उ॒षाः के॒तुना॑ जुषताम्। य॒ज्ञं दे॒वेभि॑रि॒न्वित॑म्।
दे॒वेभ्यो॑ मधु॑म॒त्तम॑ स्वा॒हेति॑ प्र॒त्यङ्घ्रि॑षदा॒ज्येन॑ जुहुयात्। प्र॒तीची॑मे॒वास्मै॑
विवा॑सयति। अ॒ग्निहो॒त्रमु॑प॒साद्या॑तमि॒तोरा॑सीत। व्र॒तमे॒व ह॒तम॑नु॒ म्रिय॑ते। अ॒न्तं वा
ए॒ष आ॒त्मनो॑ गच्छति॥²¹॥

यस्ता॑म्यति। अ॒न्तमे॒ष य॒ज्ञस्य॑ गच्छति। यस्या॒ग्निम॑नु॒द्धृत॑ सूर्यो॒ऽभ्यु॑देति। पुनः॑
स॒मन्य॑ जुहोति। अ॒न्तेनै॒वान्तं॑ य॒ज्ञस्य॑ निष्क॑रोति। मि॒त्रो वा ए॒तस्य॑ य॒ज्ञं गृ॒ह्णाति॑।
यस्या॒ग्निम॑नु॒द्धृत॑ सूर्यो॒ऽभ्यु॑देति। मै॒त्रं च॒रुं निर्व॑पेत्। तेनै॒व य॒ज्ञं निष्क्री॑णीते।
यस्या॑ह॒वनी॒येऽनु॑द्वा॒ते गा॑र्ह॒पत्यं॑ उ॒द्वाये॑त्॥²²॥

यदा॑ह॒वनी॒यम॑नु॒द्वाप्य॑ गा॑र्ह॒पत्यं॑ म॒न्येत्। विच्छि॑न्द्यात्। भ्रातृ॑व्यम॒स्मै ज॑नयेत्। यद्वै

यज्ञस्य वास्तव्यं क्रियते। तदनु रुद्रोऽवचरति। यत्पूर्वमन्ववस्येत्।
वास्तव्यमग्निमुपासीत। रुद्रोऽस्य पशून्धातुकः स्यात्। आहवनीयमुद्वाप्य। गार्हपत्यं
मन्थेत्॥²³॥

इतः प्रथमं जज्ञे अग्निः। स्वाद्योनेरधि जातवेदाः। स गायत्रिया त्रिष्टुभा जगत्या।
देवेभ्यो हव्यं वहतु प्रजानन्निति। छन्दोभिरेवैनं स्वाद्योनेः प्रजनयति। गार्हपत्यं
मन्थति। गार्हपत्यं वा अन्वाहिताग्नेः पशव उप तिष्ठन्ते। स यदुद्वायति। तदनु
पशवोऽप क्रामन्ति। इषे रय्यै रमस्व॥²⁴॥

सहसे द्युम्नाय। ऊर्जेऽपत्यायेत्याह। पशवो वै रयिः। पशूनेवास्मै रमयति।
सारस्वतौ ब्रौत्सौ समिन्धातामित्याह। ऋक्सामे वै सारस्वतावुत्सौ।
ऋक्सामाभ्यामेवैनं समिन्धे। सम्राडसि विराडसीत्याह। रथन्तरं वै सम्राट्।
बृहद्विराट्॥²⁵॥

ताभ्यामेवैनं समिन्धे। वज्रो वै चक्रम्। वज्रो वा एतस्य यज्ञं विच्छिनत्ति।
यस्यानो वा रथो वाऽन्तराऽग्नी याति। आहवनीयमुद्वाप्य। गार्हपत्यादुद्धरेत्।
यदग्ने पूर्व प्रभृतं पदं हि तै। सूर्यस्य रश्मीनन्वाततानं। तत्र रयिष्ठामनु सं
भरैतम्। सं नः सृज सुमत्या वाजवत्येति॥²⁶॥

पूर्वेणैवास्य यज्ञेन यज्ञमनु सन्तनोति। त्वमग्ने सप्रथा असीत्याह। अग्निः सर्वा
देवताः। देवताभिरेव यज्ञं सन्तनोति। अग्नये पथिकृते पुरोडाशमष्टाकपालं
निर्वपेत्। अग्निमेव पथिकृतं स्वेन भागधेयेनोपधावति। स एवैनं यज्ञियं पन्थामपि
नयति। अनङ्गान्दक्षिणा। वही ह्येष समृद्धौ॥²⁷॥

हरत्यथाग्निहोत्रं निमोचति हरेदेवतां गच्छत्युद्वायैन्मन्थेद्रमस्व बृहद्विराडिति नवं च (नि वै पूर्वं त्रीणि निमोचति दर्भेण यद्विरण्यमग्निहोत्रं पुनर्वरुणो वारुणं नि
वा एतस्याभ्युदेति चतुर्गृहीतमाज्यं यदाज्यं पराच्युषाः पुनर्मित्रो मैत्रं यस्याहवनीयेऽनुद्वाते गार्हपत्यो यद्वे मन्थेदुद्धरेत्॥)॥^[4]

यस्य प्रातः सवने सोमोऽतिरिच्यते। माध्यं दिनं सवनं कामयमानोऽभ्यतिरिच्यते।
गौर्धयति मरुतामिति धयद्वतीषु कुर्वन्ति। हिनस्ति वै सन्ध्यधीतम्। सन्धीव खलु
वा एतत्। यत्सवनस्यातिरिच्यते। यद्वयद्वतीषु कुर्वन्ति। सन्धेः शान्त्यै। गायत्रं
सामं भवति पञ्चदशः स्तोमः। तेनैव प्रातः सवनान्नयन्ति॥²⁸॥

मरुबंतीषु कुर्वन्ति। तेनैव माध्यं दिनात्सर्वनान्नयन्ति। होतुश्चमसमनून्नयन्ते।
होताऽनु शंसति। मध्यत एव यज्ञः समादधाति। यस्य माध्यं दिने सर्वने
सोमोऽतिरिच्यते। आदित्यं तृतीयसर्वनं कामयमानोऽभ्यतिरिच्यते। गौरिवीतः
सामं भवति। अतिरिक्तं वै गौरिवीतम्। अतिरिक्तं यत्सर्वनस्यातिरिच्यते॥²⁹॥

अतिरिक्तस्य शान्त्यै। बण्महाः असि सूर्येति कुर्वन्ति। यस्यैवादित्यस्य सर्वनस्य
कामेनातिरिच्यते। तेनैवेनं कामेन समर्थयन्ति। गौरिवीतः सामं भवति। तेनैव
माध्यं दिनात्सर्वनान्नयन्ति। सप्तदशः स्तोमः। तेनैव तृतीयसर्वनान्नयन्ति।
होतुश्चमसमनून्नयन्ते। होताऽनु शंसति॥³⁰॥

मध्यत एव यज्ञः समादधाति। यस्य तृतीयसर्वने सोमोऽतिरिच्येत। उक्थ्यं
कुर्वीत। यस्योक्थ्येऽतिरिच्येत। अतिरात्रं कुर्वीत। यस्यातिरात्रेऽतिरिच्येत। तच्चै
दुष्प्रज्ञानम्। यजमानं वा एतत्पशव आसाहयन्ति। बृहत्सामं भवति। बृहद्वा
इमाँल्लोकान्दाधार। बार्हताः पशवः। बृहतैवास्मै पशून्दाधार। शिपिविष्टवतीषु
कुर्वन्ति। शिपिविष्टो वै देवानां पुष्टम्। पुष्ट्यैवेनः समर्थयन्ति। होतुश्चमसमनून्नयन्ते।
होताऽनु शंसति। मध्यत एव यज्ञः समादधाति॥³¹॥

यन्ति सर्वनस्यातिरिच्यते शंसति दाधाराद्यौ च॥

[5]

एकैको वै जनतायामिन्द्रः। एकं वा एताविन्द्रमभि सःसुनुतः। यौ द्वौ सः
सुनुतः। प्रजापतिर्वा एष वितायते। यद्यज्ञः। तस्य ग्रावाणो दन्ताः। अन्यतरं वा एते
सःसुन्वतोर्निर्बप्सति। पूर्वणोपसृत्या देवता इत्याहुः। पूर्वोपसृतस्य वै श्रेयान्भवति।
एतिवन्त्याज्यानि भवन्त्यभिजित्यै॥³²॥

मरुबंतीः प्रतिपदः। मरुतो वै देवानामपराजितमायतनम्। देवानामेवापराजित
आयतने यतते। उभे बृहद्रथन्तरे भवतः। इयं वाव रथन्तरम्। असौ बृहत्।
आभ्यामेवेनमन्तरैति। वाचश्च मनसश्च। प्राणाच्चापानाच्च। दिवश्च पृथिव्याश्च॥³³॥

सर्वस्माद्वित्ताद्वेद्यात्। अभिवर्तो ब्रह्मसामं भवति। सुवर्गस्य लोकस्याभिवृत्त्यै।
अभिजिद्भवति। सुवर्गस्य लोकस्याभिजित्यै। विश्वजिद्भवति। विश्वस्य जित्यै। यस्य

भूयांसो यज्ञक्रतव इत्याहुः। स देवता वृङ्क्ते इति। यदग्निष्टोमः सोमः
परस्तात्स्यात्॥³⁴॥

उक्थ्यं कुर्वीत। यदुक्थः स्यात्। अतिरात्रं कुर्वीत। यज्ञक्रतुभिरेवास्य देवता वृङ्क्ते।
यो वै छन्दोभिरभिभवति। स ससुन्वतोभिरभिभवति। संवेशाय तपोवेशाय त्वेत्याह।
छन्दांसि वै संवेश उपवेशः। छन्दोभिरेवास्य छन्दांस्यभिभवति। इष्टर्गो वा
ऋबिजामध्वर्युः॥³⁵॥

इष्टर्गः खलु वै पूर्वोऽर्घुः क्षीयते। प्राणापानौ मृत्योर्मा पातमित्याह। प्राणापानयोरेव
श्रयते। प्राणापानौ मा माहासिष्टमित्याह। नैनं पुराऽऽयुषः प्राणापानौ जहितः।
आर्तिं वा एते नियन्ति। येषां दीक्षितानां प्रमीयते। तं यदववर्जयुः। क्रूरकृतामिवेषां
लोकः स्यात्। आहर दहेति ब्रूयात्॥³⁶॥

तं दक्षिणतो वेदै निधाय। सर्पराज्ञियां ऋग्भिः स्तुयुः। इयं वै सर्पतो राज्ञी। अस्या
एवैनं परिददति। व्यृद्धं तदित्याहुः। यत्स्तुतमननुशस्तमिति। होता प्रथमः
प्राचीनावीती मार्जालीयं परीयात्। यामीरनुब्रुवन्। सर्पराज्ञीनां कीर्तयेत्।
उभयोरेवैनं लोकयोः परिददति॥³⁷॥

अथो ध्रुवन्त्येवैनम्। अथो न्येवासमै ह्रुवते। त्रिः परियन्ति। त्रयं इमे लोकाः। एभ्य
एवैनं लोकेभ्यो ध्रुवते। त्रिः पुनः परियन्ति। षट्सम्पद्यन्ते। षड्वा ऋतवः। ऋतुभिरेवैनं
ध्रुवते। अग्न आयूषि पवस इति प्रतिपदं कुर्वीरन्। रथन्तरसामैषां सोमः
स्यात्। आयुरेवात्मन्दधते। अथो पाप्मानमेव विजहंतो यन्ति॥³⁸॥

अभिजित्यै पृथिव्याश्च स्यादध्वर्युर्ब्रूयाल्लोकयोः परिददति कुर्वीरः स्त्रीणि च॥ _____[6]

असुर्यं वा एतस्माद्वर्णं कृत्वा। पशवो वीर्यमपं क्रामन्ति। यस्य यूपो विरोहति।
त्वाष्ट्रं बहुरूपमालभेत। त्वष्टा वै रूपाणामीशे। य एव रूपाणामीशे। सोऽस्मिन्पशून्
वीर्यं यच्छति। नास्मात्पशवो वीर्यमपं क्रामन्ति। आर्तिं वा एते नियन्ति। येषां
दीक्षितानामग्निरुद्वायति॥³⁹॥

यदाहवनीयं उद्वायैत्। यत्तं मन्थैत्। विच्छिन्द्यात्। भ्रातृव्यमस्मै जनयेत्।

यदाहवनीयं उद्वायेत्। आग्नीद्वादुद्धरेत्। यदाग्नीद्घ उद्वायेत्। गार्हपत्यादुद्धरेत्।
यद्गार्हपत्य उद्वायेत्। अत एव पुनर्मन्थेत्॥⁴⁰॥

अत्र वाव स निलयते। यत्र खलु वै निलीनमुत्तमं पश्यन्ति। तदेनमिच्छन्ति।
यस्माद्दारोरुद्वायेत्। तस्यारणीं कुर्यात्। क्रुमुकमपि कुर्यात्। एषा वा अग्नेः प्रिया
तनूः। यत्क्रुमुकः। प्रिययैवेनं तनुवा समर्धयति। गार्हपत्यं मन्थति॥⁴¹॥

गार्हपत्यो वा अग्नैर्योनिः। स्वादेवेनं योनेर्जनयति। नास्मै भ्रातृव्यं जनयति। यस्य
सोमं उपदस्येत्। सुवर्णं हिरण्यं द्वेधा विच्छिद्य। ऋजीषेऽन्यदाधूनुयात्।
जुहुयादन्यत्। सोममेवाभिषुणोति। सोमं जुहोति। सोमस्य वा अभिषूयमाणस्य
प्रिया तनूरुदक्रामत्॥⁴²॥

तत्सुवर्णं हिरण्यमभवत्। यत्सुवर्णं हिरण्यं कुर्वन्ति। प्रिययैवेनं तनुवा
समर्धयन्ति। यस्याक्रीतं सोममपहरेयुः। क्रीणीयादेव। सैव ततः प्रायश्चित्तिः। यस्य
क्रीतमपहरेयुः। आदाराश्च फाल्गुनानि चाभिषुणुयात्। गायत्री यं सोममाहरत्।
तस्य योऽंशुः पराऽपतत्॥⁴³॥

त आदारा अभवन्। इन्द्रो वृत्रमहन्। तस्य वल्कः पराऽपतत्। तानि
फाल्गुनान्यभवन्। पशवो वै फाल्गुनानि। पशवः सोमो राजा। यदादाराश्च
फाल्गुनानि चाभिषुणोति। सोममेव राजानमभिषुणोति। श्रुतेन प्रातः सवने
श्रीणीयात्। दध्ना मध्यं दिने॥⁴⁴॥

नीतमिश्रेण तृतीयसवने। अग्निष्टोमः सोमः स्याद्रथन्तरसामा। य एवर्बिजो वृताः
स्युः। त एनं याजयेयुः। एकां गां दक्षिणां दद्यात्तेभ्य एव। पुनः सोमं क्रीणीयात्।
यज्ञेनैव तद्यज्ञमिच्छति। सैव ततः प्रायश्चित्तिः। सर्वाभ्यो वा एष देवताभ्यः सर्वेभ्यः
पृष्ठेभ्य आत्मानमागुरते। यः सत्रायागुरते। एतावान्खलु वै पुरुषः। यावदस्य
वित्तम्। सर्ववेदसेनं यजेत। सर्वपृष्ठोऽस्य सोमः स्यात्। सर्वाभ्य एव देवताभ्यः
सर्वेभ्यः पृष्ठेभ्य आत्मानं निष्क्रीणीते॥⁴⁵॥

पवमानः सुवर्जनः। पवित्रेण विचर्षणिः। यः पोता स पुनातु मा। पुनन्तु मा
देवजनाः। पुनन्तु मनवो धिया। पुनन्तु विश्वं आयवः। जातवेदः पवित्रवत्। पवित्रेण
पुनाहि मा। शुक्रेण देव दीदत्। अग्ने ऋत्वा ऋतूँ रनु॥⁴⁶॥

यत्ते पवित्रमर्चिषि। अग्ने विततमन्तरा। ब्रह्म तेन पुनीमहे। उभाभ्यां देव सवितः।
पवित्रेण सवेन च। इदं ब्रह्म पुनीमहे। वैश्वदेवी पुनती देव्यागात्। यस्यै
बहीस्तनुवो वीतपृष्ठाः। तया मदन्तः सधमादेषु। वयं स्याम पतयो रयीणाम्॥⁴⁷॥

वैश्वानरो रश्मिभिर्मा पुनातु। वातः प्राणेनेषिरो मयोभूः। द्यावापृथिवी पयसा
पयोभिः। ऋतावरी यज्ञिये मा पुनीताम्। बृहद्भिः सवितस्तृभिः। वर्षिष्ठैर्देव
मन्मभिः। अग्ने दक्षैः पुनाहि मा। येन देवा अपुनत। येनाऽऽपो दिव्यं कशः। तेन
दिव्येन ब्रह्मणा॥⁴⁸॥

इदं ब्रह्म पुनीमहे। यः पावमानीरध्येति। ऋषिभिः सम्भृतं रसम्। सर्वं स
पूतमश्नाति। स्वदितं मातरिश्चन। पावमानीर्यो अध्येति। ऋषिभिः सम्भृतं रसम्।
तस्मै सरस्वती दुहे। क्षीरं सर्पिर्मधूदकम्। पावमानीः स्वस्त्ययनीः॥⁴⁹॥

सुदुघा हि पयस्वतीः। ऋषिभिः सम्भृतो रसः। ब्राह्मणेष्वमृतं हितम्।
पावमानीर्दिशन्तु नः। इमं लोकमथो अमुम्। कामान्त्समर्धयन्तु नः। देवीर्देवैः
समाभृताः। पावमानीः स्वस्त्ययनीः। सुदुघा हि घृतश्चुतः। ऋषिभिः सम्भृतो
रसः॥⁵⁰॥

ब्राह्मणेष्वमृतं हितम्। येन देवाः पवित्रेण। आत्मानं पुनते सदा। तेन
सहस्रधारेण। पावमान्यः पुनन्तु मा। प्राजापत्यं पवित्रम्। शतोद्यामं हिरण्यम्।
तेन ब्रह्मविदो वयम्। पूतं ब्रह्म पुनीमहे। इन्द्रः सुनीती सह मा पुनातु। सोमः
स्वस्त्या वरुणः समीच्या। यमो राजा प्रमृणाभिः पुनातु मा। जातवेदा मोर्जयन्त्या
पुनातु॥⁵¹॥

अनु रयीणां ब्रह्मणा स्वस्त्ययनीः सुदुघा हि घृतश्चुतः ऋषिभिः सम्भृतो रसः पुनातु त्रीणि च॥ [8]

प्रजा वै सत्रमासत तपस्तप्यमाना अजुह्वतीः। देवा अपश्यध्वमसं घृतस्य पूर्णं
स्वधाम्। तमुपोदतिष्ठन्तमजुहवुः। तेनार्धमास ऊर्जमवारुन्धत। तस्मादर्धमासे देवा

द्विज्यन्ते। पितरोऽपश्यञ्चमसं घृतस्य पूर्णं स्वधाम्। तमुपोदतिष्ठन्तमजुहवुः। तेन मास्यूर्जमवारुन्धत। तस्मान्मासि पितृभ्यः क्रियते। मनुष्या अपश्यञ्चमसं घृतस्य पूर्णं स्वधाम्॥⁵²॥

तमुपोदतिष्ठन्तमजुहवुः। तेन द्वयीमूर्जमवारुन्धत। तस्माद्विरहो मनुष्येभ्य उपह्रियते। प्रातश्च सायं च। पशवोऽपश्यञ्चमसं घृतस्य पूर्णं स्वधाम्। तमुपोदतिष्ठन्तमजुहवुः। तेन त्रयीमूर्जमवारुन्धत। तस्मात्त्रिरहः पशवः प्रेरते। प्रातः सङ्गवे सायम्। असुरा अपश्यञ्चमसं घृतस्य पूर्णं स्वधाम्॥⁵³॥

तमुपोदतिष्ठन्तमजुहवुः। तेन संवत्सर ऊर्जमवारुन्धत। ते देवा अमन्यन्त। अमी वा इदमभवन्। यद्वयं स्म इति। त एतानि चातुर्मास्यान्यपश्यन्। तानि निरवपन्। तैरेवैषान्तामूर्जमवृञ्जत। ततो देवा अभवन्। पराऽसुराः॥⁵⁴॥

यद्यजते। यामेव देवा ऊर्जमवारुन्धत। तान्तेनावरुन्धे। यत्पितृभ्यः करोति। यामेव पितर ऊर्जमवारुन्धत। तान्तेनावरुन्धे। यदावसथेऽन्नं हरन्ति। यामेव मनुष्या ऊर्जमवारुन्धत। तान्तेनावरुन्धे। यद्वक्षिणां ददाति॥⁵⁵॥

यामेव पशव ऊर्जमवारुन्धत। तान्तेनावरुन्धे। यच्चातुर्मास्यैर्यजते। यामेवासुरा ऊर्जमवारुन्धत। तान्तेनावरुन्धे। भवत्यात्मना। परास्य भ्रातृव्यो भवति। विराजो वा एषा विक्रान्तिः। यच्चातुर्मास्यानि। वैश्वदेवेनास्मिँल्लोके प्रत्यतिष्ठत्। वरुणप्रघासैरन्तरिक्षे। साकमेधैरमुष्मिँल्लोके। एष ह ब्रह्मैतत्सर्वं भवति। य एवं विद्वांश्चातुर्मास्यैर्यजते॥⁵⁶॥

मनुष्या अपश्यञ्चमसं घृतस्य पूर्णं स्वधामसुरा अपश्यञ्चमसं घृतस्य पूर्णं स्वधामसुरा ददात्यतिष्ठच्चारि च॥ [9]

अग्निर्वाव संवत्सरः। आदित्यः परिवत्सरः। चन्द्रमा इदावत्सरः। वायुरनुवत्सरः। यद्वैश्वदेवेन यजते। अग्निमेव तत्संवत्सरमाप्नोति। तस्माद्वैश्वदेवेन यजमानः। संवत्सरीणां स्वस्तिमाशास्त इत्याशासीत। यद्वरुणप्रघासैर्यजते। आदित्यमेव तत्परिवत्सरमाप्नोति॥⁵⁷॥

तस्माद्वरुणप्रघासैर्यजमानः। परिवत्सरीणां स्वस्तिमाशास्त इत्याशासीत।

यत्साकमेधैर्यजते। चन्द्रमसमेव तदिदावत्सरमाप्नोति। तस्मात्साकमेधैर्यजमानः।
इदावत्सरीणां स्वस्तिमाशास्त इत्याशासीत। यत्पितृयज्ञेन यजते। देवानेव
तदन्ववस्यति। अथवा अस्य वायुश्चानुवत्सरश्चाप्रीतावुच्छिष्येते। यच्छुनासीरीयेण
यजते॥⁵⁸॥

वायुमेव तदनुवत्सरमाप्नोति। तस्माच्छुनासीरीयेण यजमानः। अनुवत्सरीणां
स्वस्तिमाशास्त इत्याशासीत। संवत्सरं वा एष ईप्सतीत्याहुः। यश्चातुर्मास्यैर्यजत
इति। एष ह वै संवत्सरमाप्नोति। य एवं विद्वाश्चातुर्मास्यैर्यजते। विश्वे देवाः
समयजन्त। तैऽग्निमेवायजन्त। त एतं लोकमजयन्॥⁵⁹॥

यस्मिन्नग्निः। यद्वैश्वदेवेन यजते। एतमेव लोकं जयति। यस्मिन्नग्निः। अग्नेरेव
सायुज्यमुपैति। यदा वैश्वदेवेन यजते। अथ संवत्सरस्य गृहपतिमाप्नोति। यदा
संवत्सरस्य गृहपतिमाप्नोति। अथ सहस्रयाजिनमाप्नोति। यदा
सहस्रयाजिनमाप्नोति॥⁶⁰॥

अथ गृहमेधिनमाप्नोति। यदा गृहमेधिनमाप्नोति। अथाग्निर्भवति। यदाग्निर्भवति।
अथ गौर्भवति। एषा वै वैश्वदेवस्य मात्रा। एतद्वा एतेषामवमम्। अतोतो वा
उत्तराणि श्रेयांसि भवन्ति। यद्विश्वे देवाः समयजन्त। तद्वैश्वदेवस्य वैश्वदेवत्वम्॥⁶¹॥

अथादित्यो वरुणः राजानं वरुणप्रघासैर्यजत। स एतं लोकमजयत्।
यस्मिन्नादित्यः। यद्वरुणप्रघासैर्यजते। एतमेव लोकं जयति। यस्मिन्नादित्यः।
आदित्यस्यैव सायुज्यमुपैति। यदादित्यो वरुणः राजानं वरुणप्रघासैर्यजत।
तद्वरुणप्रघासानां वरुणप्रघासत्वम्। अथ सोमो राजा छन्दांसि
साकमेधैर्यजत॥⁶²॥

स एतं लोकमजयत्। यस्मिंश्चन्द्रमा विभाति। यत्साकमेधैर्यजते। एतमेव लोकं
जयति। यस्मिंश्चन्द्रमा विभाति। चन्द्रमस एव सायुज्यमुपैति। सोमो वै चन्द्रमा।
एष ह वै साक्षात्सोमं भक्षयति। य एवं विद्वान्साकमेधैर्यजते। यत्सोमश्च राजा
छन्दांसि च समैधन्त॥⁶³॥

तत्साकमेधानां साकमेधबम्। अथर्तवः पितरः प्रजापतिं पितरं पितृयज्ञेनायजन्त।
त एतं लोकमजयन्। यस्मिन्नृतवः। यत्पितृयज्ञेन यजते। एतमेव लोकं जयति।
यस्मिन्नृतवः। ऋतूनामेव सायुज्यमुपैति। यदृतवः पितरः प्रजापतिं पितरं
पितृयज्ञेनायजन्त। तत्पितृयज्ञस्य पितृयज्ञबम्॥⁶⁴॥

अथौषधय इमं देवं त्र्यम्बकैरयजन्त प्रथेमहीति। ततो वै ता अप्रथन्त। य एवं
विद्वांस्त्यम्बकैर्यजते। प्रथते प्रजयां पशुभिः। अथ वायुः परमेष्ठिनं
शुनासीरीयेणायजत। स एतं लोकमजयत्। यस्मिन्वायुः। यच्छुनासीरीयेण यजते।
एतमेव लोकं जयति। यस्मिन्वायुः॥⁶⁵॥

वायोरेव सायुज्यमुपैति। ब्रह्मवादिनो वदन्ति। प्र चातुर्मास्ययाजी मीयता (3) न
प्रमीयता (3) इति। जीवन्वा एष ऋतूनप्येति। यदि वसन्ता प्रमीयते। वसन्तो
भवति। यदि ग्रीष्मे ग्रीष्मः। यदि वर्षासु वर्षाः। यदि शरदि शरत्। यदि हेमन्
हेमन्तः। ऋतुर्भूत्वा संवत्सरमप्येति। संवत्सरः प्रजापतिः। प्रजापतिर्वैषः॥⁶⁶॥

परिवत्सरमाप्नोति शुनासीरीयेण यजतेऽजयन्तसहस्रयाजिनमाप्नोति वैश्वदेवबं साकमेधैरयजत समैधन्त पितृयज्ञबं जयति यस्मिन्वायुरहेमन्तस्तीर्णं च॥ [10]

उभये युवः सुराममुदस्थान्नि वै यस्य प्रातः सवन एकैकोऽसुर्यं पवमानः प्रजा वै सत्रमांसताग्निर्वाव संवत्सरो दश॥¹⁰॥

उभये वा उदस्थात्सर्वाभिर्मध्यतोऽत्र वाव ब्राह्मणेज्वथं गृहमेधिनः षट्षष्टिः॥⁶⁶॥

उभये वा वैषः॥

हरिः ॐ॥

॥इति श्रीकृष्णयजुर्वेदीयतैत्तिरीयब्राह्मणे प्रथमाष्टके चतुर्थः प्रपाठकः समाप्तः॥

॥पञ्चमः प्रश्नः॥

॥तैत्तिरीयब्राह्मणे प्रथमाष्टके पञ्चमः प्रपाठकः॥

अ॒ग्नेः कृ॒त्तिकाः। शु॒क्रं पर॒स्ता॒ऽज्योति॑र॒वस्ता॑त्। प्र॒जाप॑ते रोहि॒णी। आपः॑
पर॒स्तादोष॑धयोऽवस्ता॑त्। सोम॑स्ये॒न्वका॑ वि॒त॒तानि॑। पर॒स्ताद्वय॑न्तोऽवस्ता॑त्। रु॒द्रस्य॑
बा॒हू। मृ॒गय॑वः पर॒स्ताद्वि॒क्षारो॑ऽवस्ता॑त्। अ॒दित्यै॑ पुन॑र्वसू। वा॒तः
पर॒स्तादा॑र्द्रम॒वस्ता॑त्॥₁॥

बृ॒हस्प॑ते॒स्तिष्यः॑। जु॒ह॒तः पर॒स्ताद्य॑ज॒माना॑ अ॒वस्ता॑त्। सर्पा॑णा॒माश्रे॑षाः।
अ॒भ्याग॑च्छन्तः पर॒स्तादभ्या॑नृत्यन्तोऽवस्ता॑त्। पि॒तृणां॑ म॒घाः। रु॒दन्तः॑
पर॒स्तादप॑भ्र॒शोऽवस्ता॑त्। अ॒र्य॒म॒णः पूर्वे॑ फल्गु॒नी। जा॒या पर॒स्तादृष॑भोऽवस्ता॑त्।
भ॒गस्यो॑त्तरे। व॒ह॒तवः॑ पर॒स्ताद्वह॑माना अ॒वस्ता॑त्॥₂॥

दे॒वस्य॑ सवि॒तुर्हस्तः॑। प्र॒स॒वः पर॒स्तात्स॑नि॒रवस्ता॑त्। इन्द्र॑स्य चि॒त्रा। ऋ॒तं
पर॒स्तात्स॑त्यम॒वस्ता॑त्। वा॒योर्नि॒ष्ट्या॑ व्र॒ततिः॑। पर॒स्तादसि॑द्धि॒रवस्ता॑त्।
इन्द्रा॑ग्नि॒योर्वि॒शाखे॑। यु॒गानि॑ पर॒स्तात्कृ॑षमा॒णा अ॒वस्ता॑त्। मि॒त्रस्या॑नू॒राधाः॑।
अ॒भ्या॒रोह॑त्पर॒स्तादभ्या॑रूढम॒वस्ता॑त्॥₃॥

इन्द्र॑स्य रोहि॒णी। शृ॒णत्पर॒स्तात्प्र॑तिशृ॒णद॑वस्ता॑त्। निर्ऋ॑त्ये मूल॒वर्ह॑णी। प्र॒तिभ॑ञ्जन्तः
पर॒स्तात्प्र॑तिशृ॒णन्तोऽवस्ता॑त्। अ॒पां पूर्वा॑ अषा॒ढाः। वर्चः॑ पर॒स्तात्स॑मि॒तिर॑वस्ता॑त्।
वि॒श्वेषां॑ दे॒वाना॑मु॒त्तराः॑। अ॒भिज॑य॒त्पर॒स्ताद॑भि॒जित॑म॒वस्ता॑त्। वि॒ष्णोः॑ श्रो॒णा
पृ॒च्छ॑मा॒नाः। पर॒स्तात्प॒न्था॑ अ॒वस्ता॑त्॥₄॥

व॒सूना॑ः श्रवि॒ष्ठाः। भू॒तं पर॒स्ताद्भू॑ति॒रवस्ता॑त्। इन्द्र॑स्य श॒तभि॑षक्। वि॒श्वव्य॑चाः
पर॒स्ताद्वि॒श्वक्षि॑ति॒रवस्ता॑त्। अ॒जस्यै॑क॒पदः॑ पूर्वे॑ प्रो॒ष्ठप॑दाः। वै॒श्वान॑रं
पर॒स्ताद्वै॒शवा॑व॒सव॑म॒वस्ता॑त्। अ॒हेर्बु॑ध्निय॒स्योत्तरे॑। अ॒भिषि॑ञ्चन्तः
पर॒स्ताद॑भिषु॒ण्वन्तोऽवस्ता॑त्। पू॒ष्णो रे॒वती॑। गा॒वः पर॒स्ताद्वत्सा॑ अ॒वस्ता॑त्।
अ॒श्विनो॑र॒श्वयु॑जौ। ग्रामः॑ पर॒स्तात्से॒नाऽवस्ता॑त्। य॒मस्या॑प॒भर॑णीः। अ॒पकर्ष॑न्तः

परस्तादपवहन्तोऽवस्तात्। पूर्णा पश्चाद्यत्ते देवा अदधुः॥⁵॥

आर्द्रमवस्ताद्ब्रह्मना अवस्तादभ्यारूढमवस्तात्पन्था अवस्ताद्वत्सा अवस्तात्पञ्च च॥ [1]

यत्पुण्यं नक्षत्रम्। तद्बहुर्वीतोपव्युषम्। यदा वै सूर्य उदेति। अथ नक्षत्रं नैति।
यावति तत्र सूर्यो गच्छेत्। यत्र जघन्यं पश्येत्। तावति कुर्वीत यत्कारी स्यात्।
पुण्याह एव कुरुते। एवम् ह वै यज्ञेषु च शतद्युम्नं च मात्स्यो निरवसाययां
चकार॥⁶॥

यो वै नक्षत्रियं प्रजापतिं वेद। उभयोरेनं लोकयोर्विदुः। हस्त एवास्य हस्तः। चित्रा
शिरः। निष्ठा हृदयम्। ऊरू विशाखे। प्रतिष्ठाऽनूराधाः। एष वै नक्षत्रियः
प्रजापतिः। य एवं वेद। उभयोरेनं लोकयोर्विदुः॥⁷॥

अस्मिञ्श्चामुष्मिञ्श्च। यां कामयेत दुहितरं प्रिया स्यादिति। तां निष्ठायां दद्यात्।
प्रियैव भवति। नेव तु पुनरागच्छति। अभिजिन्नाम् नक्षत्रम्। उपरिष्ठादषाढानाम्।
अवस्ताच्छ्रोणायै। देवासुराः संयत्ता आसन्। ते देवास्तस्मिन्नक्षत्रेऽभ्यजयन्॥⁸॥

यदभ्यजयन्। तदभिजितोऽभिजिच्चम्। यं कामयेतानपज्यं जयेदिति।
तमेतस्मिन्नक्षत्रे यातयेत्। अनपज्यमेव जयति। पापपराजितमिव तु। प्रजापतिः
पशूनंसृजत। ते नक्षत्रं नक्षत्रमुपातिष्ठन्त। ते समावन्त एवाभवन्। ते
रेवतीमुपातिष्ठन्त॥⁹॥

ते रेवत्यां प्राभवन्। तस्माद्रेवत्यां पशूनां कुर्वीत। यत्किं चावाचीनः सोमात्। प्रैव
भवन्ति। सलिलं वा इदमन्तरासीत्। यदतरन्। तत्तारकाणां तारकत्वम्। यो वा
इह यजते। अमुं स लोकं नक्षते। तन्नक्षत्राणां नक्षत्रत्वम्॥¹⁰॥

देवगृहा वै नक्षत्राणि। य एवं वेद। गृह्यैव भवति। यानि वा इमानि
पृथिव्याश्चित्राणि। तानि नक्षत्राणि। तस्मादश्लीलनामश्चित्रे। नावस्येन्न यजेत। यथा
पापाहे कुरुते। तादृगेव तत्। देवनक्षत्राणि वा अन्यानि॥¹¹॥

यमनक्षत्राण्यन्यानि। कृत्तिकाः प्रथमम्। विशाखे उत्तमम्। तानि देवनक्षत्राणि।
अनूराधाः प्रथमम्। अपभरणीरुत्तमम्। तानि यमनक्षत्राणि। यानि देवनक्षत्राणि।

तानि दक्षिणेन परियन्ति। यानि यमनक्षत्राणि॥¹²॥

तान्युत्तरेण। अन्वेषामरात्स्मेति। तदनूराधाः। ज्येष्ठमेषामवधिष्मेति। तज्येष्ठघ्नी।
मूलमेषामवृक्षामेति। तन्मूलवर्हणी। यन्नासंहन्त। तदषाढाः। यदश्लोणत्॥¹³॥

तच्छ्रोणा। यदशृणोत्। तच्छ्रविष्ठाः। यच्छतमभिषज्यन्। तच्छतभिषक्।
प्रोष्ठपदेषूदयच्छन्त। रेवत्यामरवन्त। अश्वयुजोरयुञ्जत। अपभरणीष्वपावहन्। तानि
वा एतानि यमनक्षत्राणि। यान्येव देवनक्षत्राणि। तेषु कुर्वीत यत्कारी स्यात्।
पुण्याह एव कुरुते॥¹⁴॥

चकारैव वेदोभयोरैनं लोकर्यौर्विदुरजयन्नेवतीमुपातिष्ठन्त नक्षत्रद्वयानि यानि यमनक्षत्राण्यश्लोणद्वयमनक्षत्राणि त्रीणि च॥ [2]

देवस्य सवितुः प्रातः प्रसवः प्राणः। वरुणस्य सायमासवोऽपानः। यत्प्रतीचीनं
प्रातस्तनात्। प्राचीनं सङ्गवात्। ततो देवा अग्निष्टोमं निरमिमत। तत्तदात्तवीर्यं
निर्मर्गः। मित्रस्य सङ्गवः। तत्पुण्यं तेजस्वहः। तस्मात्तर्हि पशवः समायन्ति।
यत्प्रतीचीनं सङ्गवात्॥¹⁵॥

प्राचीनं मध्यं दिनात्। ततो देवा उक्थ्यं निरमिमत। तत्तदात्तवीर्यं निर्मर्गः।
बृहस्पतैर्मध्यं दिनः। तत्पुण्यं तेजस्वहः। तस्मात्तर्हि तेक्षिष्ठं तपति। यत्प्रतीचीनं
मध्यं दिनात्। प्राचीनमपराह्णात्। ततो देवाः षोडशिनं निरमिमत। तत्तदात्तवीर्यं
निर्मर्गः॥¹⁶॥

भगस्यापराह्णः। तत्पुण्यं तेजस्वहः। तस्मादपराह्णे कुमार्यो भगमिच्छमानाश्चरन्ति।
यत्प्रतीचीनमपराह्णात्। प्राचीनं सायात्। ततो देवा अतिरात्रं निरमिमत।
तत्तदात्तवीर्यं निर्मर्गः। वरुणस्य सायम्। तत्पुण्यं तेजस्वहः। तस्मात्तर्हि नानृतं
वदेत्॥¹⁷॥

ब्राह्मणो वा अष्टाविंशो नक्षत्राणाम्। समानस्याहः पञ्च पुण्यानि नक्षत्राणि।
चत्वार्यश्लीलानि। तानि नव। यच्च परस्तान्नक्षत्राणां यच्चावस्तात्। तान्येकादश।
ब्राह्मणो द्वादशः। य एवं विद्वान्संवत्सरं व्रतं चरति। संवत्सरेणैवास्य व्रतं गुप्तं
भवति। समानस्याहः पञ्च पुण्यानि नक्षत्राणि। चत्वार्यश्लीलानि। तानि नव। आग्नेयी

रात्रिः। ऐन्द्रमहः। तान्येकादश। आदित्यो द्वादशः। य एवं विद्वान्संवत्सरं व्रतं चरति। संवत्सरेणैवास्य व्रतं गुप्तं भवति॥¹⁸॥

सङ्गवाष्पोऽग्निं निरमिमत् तत्तदात्तवीर्यं निर्माणं वदेद्भवति समानस्याहः पञ्च पुण्यानि नक्षत्राण्यष्टौ च॥ [3]

ब्रह्मवादिनो वदन्ति। कति पात्राणि यज्ञं वहन्तीति। त्रयोदशेति ब्रूयात्। स यद्ब्रूयात्। कस्तानि निरमिमितीति। प्रजापतिरिति ब्रूयात्। स यद्ब्रूयात्। कुतस्तानि निरमिमितीति। आत्मन इति। प्राणापानाभ्यामेवोपाऽश्वन्तर्यामौ निरमिमितीति॥¹⁹॥

व्यानादुपाऽशुसवनम्। वाच ऐन्द्रवायवम्। दक्षक्रतुभ्यां मैत्रावरुणम्। श्रोत्रादाश्विनम्। चक्षुषः शुक्रामश्विनौ। आत्मन आग्रयणम्। अङ्गेभ्य उक्थ्यम्। आयुषो ध्रुवम्। प्रतिष्ठायां ऋतुपात्रे। यज्ञं वाव तं प्रजापतिर्निरमिमितीति। स निर्मितो नाद्ध्यत समं ह्येत। स एतान्प्रजापतिरपिवापानपश्यत्। तां निरवपत्। तैर्वै स यज्ञमप्यवपत्। यदपिवापा भवन्ति। यज्ञस्य धृत्या असंख्याय॥²⁰॥

उपाऽश्वन्तर्यामौ निरमिमितामिमितीति पदम्॥ [4]

ऋतमेव परमेष्ठि। ऋतं नात्येति किञ्चन। ऋते समुद्र आहितः। ऋते भूमिरियऽश्रिता। अग्निस्तिग्मेन शोचिषा। तप आक्रान्तमुष्णिहा। शिरस्तपस्याहितम्। वैश्वानरस्य तेजसा। ऋतेनास्य नि वर्तये। सत्येन परि वर्तये। तपसाऽस्यानु वर्तये। शिवेनास्योप वर्तये। शग्मेनास्याभि वर्तये। तदृतं तत्सत्यम्। तदृतं तच्छकेयम्। तेन शकेयं तेन राध्यासम्॥²¹॥

यद्धर्मः पर्यवर्तयत्। अन्तान्पृथिव्या दिवः। अग्निरीशान ओजसा। वरुणो धीतिभिः सह। इन्द्रो मरुद्भिः सखिभिः सह। अग्निस्तिग्मेन शोचिषा। तप आक्रान्तमुष्णिहा। शिरस्तपस्याहितम्। वैश्वानरस्य तेजसा। ऋतेनास्य नि वर्तये। सत्येन परि वर्तये। तपसाऽस्यानु वर्तये। शिवेनास्योप वर्तये। शग्मेनास्याभि वर्तये। तदृतं तत्सत्यम्। तदृतं तच्छकेयम्। तेन शकेयं तेन राध्यासम्॥²²॥

यो अस्याः पृथिव्यास्त्वचि। निवर्तयत्योषधीः। अग्निरीशान ओजसा। वरुणो धीतिभिः सह। इन्द्रो मरुद्भिः सखिभिः सह। अग्निस्तिग्मेन शोचिषा। तप आक्रान्तमुष्णिहा। शिरस्तपस्याहितम्। वैश्वानरस्य तेजसा। ऋतेनास्य नि वर्तये। सत्येन परि वर्तये।

तपसाऽस्यानुं वर्तये। शिवेनास्योपं वर्तये। शग्मेनास्याभि वर्तये। तदृतं तत्सत्यम्।
तदृतं तच्छकेयम्। तेन शकेयं तेन राध्यासम्॥²³॥

एकं मासमुदसृजत्। परमेष्ठी प्रजाभ्यः। तेनाभ्यो मह आवहत्। अमृतं मर्त्याभ्यः।
प्रजामनु प्र जायसे। तदु ते मर्त्यामृतम्। येन मासा अर्धमासाः। ऋतवः
परिवत्सराः। येन ते ते प्रजापते। ईजानस्य न्यवर्तयन्। तेनाहमस्य ब्रह्मणा।
निवर्तयामि जीवसै। अग्निस्तिग्मेन शोचिषा। तप आक्रान्तमुष्णिहा।
शिरस्तपस्याहितम्। वैश्वानरस्य तेजसा। ऋतेनास्य नि वर्तये। सत्येन परि वर्तये।
तपसाऽस्यानुं वर्तये। शिवेनास्योपं वर्तये। शग्मेनास्याभि वर्तये। तदृतं तत्सत्यम्।
तदृतं तच्छकेयम्। तेन शकेयं तेन राध्यासम्॥²⁴॥

परिवर्तये सहाभिवर्तय उष्णिहा राध्यासं न्यवर्तयन्नुपवर्तये चत्वारि च। (ऋतमेव षोडश। यद्धर्मो यो अस्याः सप्तदशसप्तदश। एकं मासं चतुर्विंशतिः)॥ [5]

देवा वै यद्यज्ञेऽकुर्वत। तदसुरा अकुर्वत। तेऽसुरा ऊर्ध्वं पृष्ठेभ्यो नापश्यन्। ते
केशानग्रेऽवपन्त। अथ श्मश्रूणि। अथोपपक्षौ। ततस्तेऽवाञ्च आयन्। पराऽभवन्।
यस्यैवं वपन्ति। अवाडेति॥²⁵॥

अथो परैव भवति। अथ देवा ऊर्ध्वं पृष्ठेभ्योऽपश्यन्। त उपपक्षावग्रेऽवपन्त। अथ
श्मश्रूणि। अथ केशान्। ततस्तेऽभवन्। सुवर्गं लोकमायन्। यस्यैवं वपन्ति।
भवत्यात्मना। अथो सुवर्गं लोकमेति॥²⁶॥

अथैतन्मनुर्वन्ने मिथुनमपश्यत्। स श्मश्रूण्यग्रेऽवपत्। अथोपपक्षौ। अथ केशान्।
ततो वै स प्राजायत प्रजया पशुभिः। यस्यैवं वपन्ति। प्र प्रजया
पशुभिर्मिथुनैर्जायते। देवासुराः संयत्ता आसन्। ते संवत्सरे व्यायच्छन्त।
तान्देवाश्चातुर्मास्यैरेवाभि प्रायुञ्जत॥²⁷॥

वैश्वदेवेन चतुरो मासोऽवृञ्जतेन्द्रराजानः। ताञ्छीरुषं नि चावर्तयन्त परि च।
वरुणप्रघासैश्चतुरो मासोऽवृञ्जत वरुणराजानः। ताञ्छीरुषं नि चावर्तयन्त परि च।
साकमेधैश्चतुरो मासोऽवृञ्जत सोमराजानः। ताञ्छीरुषं नि चावर्तयन्त परि च। या
संवत्सर उपजीवाऽऽसीत्। तामेषामवृञ्जत। ततो देवा अभवन्। पराऽसुराः॥²⁸॥

य ए॒वं वि॒द्वाऽश्वा॑तु॒र्मास्यै॑र्यज॒ते। भ्रातृ॑व्यस्यै॒व मा॒सो वृ॒क्त्वा। शी॒र्षं नि च॑ वर्तय॒ते
परि॑ च। यैषा सं॒वत्सर॑ उ॒पजी॒वा। वृ॒द्धे तां भ्रातृ॑व्यस्य। क्षु॒धाऽस्य॑ भ्रातृ॑व्यः॒ परा॑
भवति। लो॒हिता॒यसे॒न नि वर्त॑यते। यद्वा इ॒माम॒ग्निर्ऋ॒तावा॑गते निवर्तय॒ति।
ए॒तदे॒वैना॑रूपं कृ॒त्वा निव॑र्तयति। सा ततः॒ श्वश्वो॑ भूय॒सी भव॑न्त्येति॥²⁹॥

प्र जा॑यते। य ए॒वं वि॒द्वाँलो॒हिता॒यसे॒न निव॑र्तयते। ए॒तदे॒व रूपं॑ कृ॒त्वा नि वर्त॑यते।
स ततः॒ श्वश्वो॑ भूया॒न्भव॑न्नेति। प्रै॒व जा॑यते। त्रे॒ण्या श॑ल॒ल्या नि वर्त॑येत। त्री॒णि त्री॒णि
वै दे॒वाना॑मृ॒द्धानि॑। त्री॒णि छ॒न्दाऽसि॑। त्री॒णि स॑व॒नानि॑। त्रय॑ इ॒मे लो॒काः॥³⁰॥

ऋ॒ध्यामे॒व तद्वी॑र्य ए॒षु लो॒केषु॑ प्रति॑ तिष्ठति। यच्चा॑तु॒र्मास्य॑याज्या॑त्मनो नाव॒द्येत्।
दे॒वेभ्य॑ आवृ॑श्चेत। च॒तृषु च॑तृषु मा॒सेषु॑ नि वर्तयेत। प॒रोक्ष॑मे॒व तद्दे॒वेभ्य॑
आ॒त्मनो॑ऽव॒द्यत्य॑ना॒व्रस्का॑य। दे॒वानां॑ वा ए॒ष आ॒नीतः॑। यश्चा॑तु॒र्मास्य॑याजी। य ए॒वं
वि॒द्वान्नि च॑ वर्तय॒ते परि॑ च। दे॒वता॑ ए॒वाप्ये॑ति। नास्य॑ रु॒द्रः प्र॒जां प॒शून्भि॑
म॒न्यते॥³¹॥

ए॒त्येत्य॑यु॒ञ्जता॑सु॒रा ए॒ति लो॒का म॑न्यते॥ [6]

आ॒युषः॑ प्रा॒णः स॑न्त॒नु। प्रा॒णाद॑पा॒नः स॑न्त॒नु। अ॒पा॒नाद्वा॒नः स॑न्त॒नु। व्या॒नाच्चक्षुः॑
स॑न्त॒नु। चक्षु॑षः॒ श्रोत्र॑ः स॑न्त॒नु। श्रो॒त्रान्म॒नः स॑न्त॒नु। म॒नसो॑ वा॒चः स॑न्त॒नु। वा॒च
आ॒त्मानः॑ स॑न्त॒नु। आ॒त्मनः॑ पृ॒थि॒वीः स॑न्त॒नु। पृ॒थि॒व्या अ॒न्तरि॑क्षः स॑न्त॒नु।
अ॒न्तरि॑क्षा॒दिवः॑ स॑न्त॒नु। दि॒वः सु॒वः स॑न्त॒नु॥³²॥

अ॒न्तरि॑क्षः स॑न्त॒नु द्वे च॑॥ [7]

इन्द्रो॑ दधी॒चो अ॒स्थभिः॑। वृ॒त्राण्य॑प्रतिष्कुतः। ज॒घान॑ नव॒तीर्न॑व। इ॒च्छन्न॑श्चस्य
यच्छि॑रः। पर्व॑तेष्वप॑श्चितम्। तद्वि॑दच्छर्य॒णाव॑ति। अत्रा॒ह गोर॑म॒न्वत। नाम्
ब॒ष्टुर॑पी॒च्यम्। इ॒त्था च॒न्द्रम॑सो गृ॒हे। इन्द्र॑मि॒न्द्रा॒थिनो॑ बृ॒हत्॥³³॥

इन्द्र॑म॒र्केभि॑र॒र्किणः॑। इन्द्रं॑ वाणी॒रनू॑षत। इन्द्र॑ इ॒द्वर्योः स॑चा॑। स॒मि॒श्लु आव॑चो
यु॒जा॑। इन्द्रो॑ व॒ज्री हि॑र॒ण्ययः॑। इन्द्रो॑ दी॒र्घाय॑ चक्ष॒से। आ सूर्य॑ः रो॒हय॑द्वि॒वि। वि
गो॒भि॒रद्वि॑मैरयत्। इन्द्र॑ वा॒जेषु॑ नो अ॒व। स॒हस्र॑प्र॒धनेषु॑ च॥³⁴॥

उग्र उ॒ग्राभि॑रु॒तिभिः॑। तमिन्द्रं वाजयामसि। महे वृत्राय हन्त॑वे। स वृषां वृष॑भो
भुवत्। इन्द्रः स दाम॑ने कृतः। ओजिष्ठः स बल॑े हितः। दु॒ग्भी श्लो॒की स सौ॒म्यः।
गिरा वज्रो न सम्भृतः। सबलो अन॑पच्युतः। ववक्षुरु॒गो अस्तु॑तः॥³⁵॥

बृहद्यास्तुतः॥

[8]

दे॒वा॒सुराः संय॑त्ता आसन्। स प्र॒जाप॑तिरिन्द्रं ज्येष्ठं पुत्रमप॒ न्य॑धत्त। नेदे॑नमसुरा
बली॑याः सोऽहन॑न्निति। प्र॒ह्लादो॑ ह॒ वै का॑याध॒वः। वि॒रोच॑नं॒ सु॒ पु॒त्रम॑प॒ न्य॑धत्त।
नेदे॑नं दे॒वा अ॑हन॑न्निति। ते दे॒वाः प्र॒जाप॑तिमुपस॒मेत्यो॑चुः। ना॒रा॒ज॒क॑स्य युद्धमस्ति।
इन्द्र॑मन्विच्छा॒मेति॑। तं य॑ज्ञक्र॒तुभि॑रन्वैच्छन्॥³⁶॥

तं य॑ज्ञक्र॒तुभि॑र्नान्विन्दन्। तमिष्टि॑भिरन्वैच्छन्। तमिष्टि॑भिरन्विन्दन्।
तदिष्टी॑नामिष्टि॒बम्। ए॒ष्टयो॑ ह॒ वै ना॑म। ता इ॒ष्टय॑ इत्याचक्षते परोक्षेण। प॒रोक्ष॑प्रिया
इव॑ हि दे॒वाः। तस्मा॑ ए॒तमा॑ग्नावैष्ण॒वमेका॑दशकपालं दीक्षणीयं निर॑वपन्।
तद॑प॒द्रुत्या॑तन्वत। तान्प॒त्नीसं॑याजान्त॒ उपा॑नयन्॥³⁷॥

ते तद॑न्तमे॒व कृ॒त्वोद॑द्रवन्। ते प्रा॑यणीय॒मभि॑ स॒मारो॑हन्। तद॑प॒द्रुत्या॑तन्वत।
ताञ्छ॒य्वन्त॑ उपा॑नयन्। ते तद॑न्तमे॒व कृ॒त्वोद॑द्रवन्। त आ॑तिथ्यम॒भि स॒मारो॑हन्।
तद॑प॒द्रुत्या॑तन्वत। तानिडा॑न्त॒ उपा॑नयन्। ते तद॑न्तमे॒व कृ॒त्वोद॑द्रवन्। तस्मा॑दे॒ता
ए॒तदे॑न्ता इ॒ष्टयः॑ सन्ति॑ष्ठन्ते॥³⁸॥

ए॒व॒ हि दे॒वा अ॑कुर्वत। इति॑ दे॒वा अ॑कुर्वत। इत्यु॒ वै म॑नुष्याः कुर्वते। ते दे॒वा
ऊ॒चुः। यद्वा इ॒दमु॑च्चैर्यज्ञेन चरा॑म। तन्नोऽसुराः पा॒प्माऽनु॑विन्दन्ति। उपा॑ः शू॒पस॑दा
चरा॑म। तथा॒ नोऽसुराः पा॒प्मा ना॑नुवेत्स्यन्तीति। त उपा॑ः शू॒पस॑दमतन्वत। तिस्र
ए॒व सा॑मिधेनीर॒नूच्य॑॥³⁹॥

स्रु॒वेणा॑घारमा॒घार्य॑। तिस्रः परा॑चीराहु॒तीरु॒ह्वा। स्रु॒वेणो॑पसदं जुह॒वां च॑क्रुः। उग्रं वचो॑
अपा॑वधीन्त्वे॒षं वचो॑ अपा॑वधीः॒ स्वाहे॑ति। अ॒श॒न॒यापि॒पा॒से ह॒ वा उ॒ग्रं वचः॑। ए॒नश्च॑
वैर॑हत्यं च त्वे॒षं वचः॑। ए॒त॒ ह॒ वाव॑ तच्चतुर्धाविहितं पा॒प्मानं॑ दे॒वा अप॑जघ्निरे।
तथो॑ ए॒वैतदे॑वंविद्यज॑मानः। तिस्र ए॒व सा॑मिधेनीर॒नूच्य॑। स्रु॒वेणा॑घारमा॒घार्य॑॥⁴⁰॥

ति॒स्रः परा॑ची॒राहु॑ती॒रुह॑त्वा। सु॒वेणो॑प॒सदं॑ जुहोति। उ॒ग्रं वचो॑ अ॒पाव॑धी॒न्त्वेषं॑ वचो॑
अ॒पाव॑धीः॒ स्वाहे॑ति। अ॒श॒न॒या॒पि॒पा॒से ह॒ वा उ॒ग्रं वचः॑। ए॒नश्च॑ वैर॒हत्यं॑ च त्वे॒षं
वचः॑। ए॒तमे॒व तच्च॑तु॒र्धावि॑हितं पा॒प्मानं॑ यज॒मानोऽप॑ हते। तेऽभि॒नीये॒वाहः॑
प॒शुमाऽल॑भन्त। अहं॑ ए॒व तद्दे॒वा अ॒वर्ति॑ पा॒प्मानं॑ मृ॒त्युमप॑जघ्निरे। तेना॑भि॒नीये॒व
रात्रेः॑ प्राच॑रन्। रात्रि॒या ए॒व तद्दे॒वा अ॒वर्ति॑ पा॒प्मानं॑ मृ॒त्युमप॑जघ्निरे॥⁴¹॥

तस्मा॑दभि॒नीये॒वाहः॑ प॒शुमा ल॑भेत। अहं॑ ए॒व तद्यज॑मानोऽवर्ति॑ पा॒प्मानं॑ भ्रातृ॒व्यानप॑
नुदते। तेना॑भि॒नीये॒व रात्रेः॑ प्रच॑रेत्। रात्रि॒या ए॒व तद्यज॑मानोऽवर्ति॑ पा॒प्मानं॑
भ्रातृ॒व्यानप॑ नुदते। स ए॒ष उ॑पवस॒थीयेऽह॑न्दि॒देव॑त्यः प॒शुरा ल॑भ्यते। द्वयं॑ वा
अ॒स्मिँल्लो॒के यज॑मानः। अ॒स्थिं च॑ मा॒सं च॑। अ॒स्थिं चै॒व तेन॑ मा॒सं च॑ यज॑मानः
सः॒ स्कु॑रुते। ता वा ए॒ताः पञ्च॑ दे॒वताः॑। अ॒ग्नीषो॑मा॒वग्नि॑र्मि॒त्रावरु॑णौ॥⁴²॥

प॒ञ्चप॒थी वै यज॑मानः। त्व॒ङ्मा॒सः॒ स्ना॒वाऽस्थि॑ म॒ज्जा। ए॒तमे॒व
तत्प॑ञ्चधावि॒हितमा॑त्मानं वरु॒णपा॒शान्मु॑ञ्चति। भेष॑जता॒यै निर्व॑रुण॒त्वाय॑। तः
सप्त॑भि॒श्छन्द्ो॒भिः प्रा॒तर॑ह्वयन्। तस्मा॑त्सप्त च॒तुरु॑त्तराणि छन्दा॑सि
प्रा॒तरनु॒वाकेऽनू॑च्यन्ते। तमे॒तयो॑प॒समे॒त्योपा॑सीदन्। उ॒पा॒स्मै गा॒यता न॒र इति॑।
तस्मा॑दे॒तयो॑ बहि॒ष्पव॑मान उ॒प॒सद्यः॑॥⁴³॥

ऐच्छन्ननयः॒स्तिष्ठ॑न्तेऽनू॒च्यानू॒च्यं सु॒वेणां॑घा॒रमा॑घार्य रात्रि॒या ए॒व तद्दे॒वा अ॒वर्ति॑ पा॒प्मानं॑ मृ॒त्युमप॑जघ्निरे मि॒त्रावरु॑णौ नवं च (दे॒वा यज॑मानो दे॒वा दे॒वा यज॑मानो
यज॑मानः प्राच॑रं प्रच॑रेदाल॒भन्ताल॑भेत मृ॒त्युमप॑जघ्निरे भ्रातृ॒व्यान्॥)॥

[9]

स सं॒मुद्र उ॑त्तरतः प्राज्व॑लद्भूम्यन्तेन। ए॒ष वाव॑ स सं॒मुद्रः। यच्चा॒त्वालः॑। ए॒ष उ॑वे॒व
स भू॑म्यन्तः। यद्वे॒द्यन्तः॑। तदे॒तत्त्रि॑शलं त्रि॒पूरू॑षम्। तस्मा॑त्तं त्रि॒वित॑स्तं ख॒नन्ति॑। स
सु॒वर्ण॑रज॒ताभ्यां॑ कु॒शीभ्यां॑ परि॒गृही॑त आसीत्। तं यद॒स्या अ॒ध्य॒जन॑यन्।
तस्मा॑दादित्यः॥⁴⁴॥

अथ॑ यत्सु॒वर्ण॑रज॒ताभ्यां॑ कु॒शीभ्यां॑ परि॒गृही॑त आसीत्। साऽस्य॑ कौ॒शिक॑ता। तं
त्रि॒वृताऽभि॑ प्रास्तु॒वत। तं त्रि॒वृताऽद॑दत। तं त्रि॒वृताऽह॑रन्। याव॑ती त्रि॒वृतो॑ मा॒त्रा।
तं प॑ञ्चद॒शेना॒भि प्रास्तु॑वत। तं प॑ञ्चद॒शेना॑द॒दत। तं प॑ञ्चद॒शेना॑ह॒रन्। याव॑ती
प॑ञ्चद॒शस्य॑ मा॒त्रा॥⁴⁵॥

तॄ सप्तदशेनाभि प्रास्तुवत। तॄ सप्तदशेनाददत। तॄ सप्तदशेनाहरन्। यावती सप्तदशस्य मात्रा। तस्य सप्तदशेन द्वियमाणस्य तेजो हरोऽपतत्। तमेकविंशेनाभि प्रास्तुवत। तमेकविंशेनाददत। तमेकविंशेनाहरन्। यावत्येकविंशस्य मात्रा। ते यत्त्रिवृता स्तुवते॥⁴⁶॥

त्रिवृतैव तद्यजमानमाददते। तं त्रिवृतैव हरन्ति। यावती त्रिवृतो मात्रा। अग्निर्वै त्रिवृत्। यावद्वा अग्नेर्दहतो धूम उदेत्यानु व्येति। तावती त्रिवृतो मात्रा। अग्नेरेवैनं तत्। मात्राॄ सायुज्यॄ सलोकता गमयन्ति। अथ यत्पञ्चदशेन स्तुवते। पञ्चदशेनैव तद्यजमानमाददते॥⁴⁷॥

तं पञ्चदशेनैव हरन्ति। यावती पञ्चदशस्य मात्रा। चन्द्रमा वै पञ्चदशः। एष हि पञ्चदश्यामपक्षीयते। पञ्चदश्यामापूर्यते। चन्द्रमस एवैनं तत्। मात्राॄ सायुज्यॄ सलोकता गमयन्ति। अथ यत्सप्तदशेन स्तुवते। सप्तदशेनैव तद्यजमानमाददते। तॄ सप्तदशेनैव हरन्ति॥⁴⁸॥

यावती सप्तदशस्य मात्रा। प्रजापतिर्वै सप्तदशः। प्रजापतेरेवैनं तत्। मात्राॄ सायुज्यॄ सलोकता गमयन्ति। अथ यदेकविंशेन स्तुवते। एकविंशेनैव तद्यजमानमाददते। तमेकविंशेनैव हरन्ति। यावत्येकविंशस्य मात्रा। असौ वा आदित्य एकविंशः। आदित्यस्यैवैनं तत्॥⁴⁹॥

मात्राॄ सायुज्यॄ सलोकता गमयन्ति। ते कुश्वौ। व्यघ्नन्। ते अहोरात्रे अभवताम्। अहरेव सुवर्णाऽभवत्। रज्जता रात्रिः। स यदादित्य उदेति। एतामेव तत्सुवर्णा कुशीमनु समेति। अथ यदस्तमेति। एतामेव तद्रजता कुशीमनुसंविशति। प्रह्लादो ह वै कायाधवः। विरोचनं स्वं पुत्रमुदास्यत्। स प्रदरोऽभवत्। तस्मात्प्रदरादुदकं नाचामेत्॥⁵⁰॥

आदित्यः पञ्चदशस्य मात्रा स्तुवते पञ्चदशेनैव तद्यजमानमाददते सप्तदशेनैव हरन्त्यादित्यस्यैवैनं तद्विशति चत्वारि च॥^[10]

ये वै चत्वारः स्तोमाः। कृतं तत्। अथ ये पञ्च। कलिः सः। तस्माच्चतुष्टोमः। तच्चतुष्टोमस्य चतुष्टोमब्रम्। तदाहुः। कृतमानि तानि ज्योतींषि। य एतस्य स्तोमा इति। त्रिवृत्पञ्चदशः सप्तदश एकविंशः॥⁵¹॥

ए॒तानि॒ वाव॒ तानि॒ ज्योती॑षि। य ए॒तस्य॒ स्तोमाः॑। सौ॑ऽब्रवीत्। स॒प्तद॒शेन॑
ह्रिय॑माणो व्य॒लेशि॑षि। भिष॑ज्य॒त मेति॑। तम॑श्चिनौ॒ धाना॑भि॒रभिष॑ज्यताम्। पू॒षा
क॑र॒म्भेण॑। भा॒रती॑ परिवा॒पेण॑। मि॒त्रावरु॑णौ पय॒स्यया॑। तदा॑हुः॥⁵²॥

यद॑श्चि॒भ्यां॑ धा॒नाः। पू॒ष्णः क॑र॒म्भः। भा॒रत्यै॑ परिवा॒पः। मि॒त्रावरु॑णयोः पय॒स्याऽथ॑।
क॒स्मादे॒तेषां॑ ह॒विषा॒मिन्द्र॑मे॒व य॑ज॒न्तीति॑। ए॒ता ह्ये॒नं दे॒वता॒ इति॑ ब्रूयात्।
ए॒तैर्ह॒विर्भि॒रभिष॑ज्य॒स्तस्मा॑दि॒ति। तं वस॑वो॒ऽष्टाक॑पालेन प्रातः स॒वने॑ऽभिष॑ज्यन्।
रु॒द्रा एका॑दशकपालेन॒ माध्यं॑ दि॒ने स॒वने॑। वि॒श्वे दे॒वा द्वा॑दशकपालेन
तृ॒तीयस॒वने॑॥⁵³॥

स यद॑ष्टाक॑पालान्प्रातः स॒वने॑ कुर्यात्। एका॑दशकपालान्माध्यं दि॒ने स॒वने॑।
द्वा॑दशकपालां॒स्तृतीयस॒वने॑। विलो॑म॒ तद्य॒ज्ञस्य॑ क्रियेत। एका॑दशकपालाने॒व प्रातः॑
स॒वने॑ कुर्यात्। एका॑दशकपालान्माध्यं दि॒ने स॒वने॑। एका॑दशकपालां॒स्तृतीयस॒वने॑।
य॒ज्ञस्य॑ सलो॒मत्वाय॑। तदा॑हुः। यद्व॒सूनां॑ प्रातः स॒वनम्। रु॒द्राणां॑ माध्यं दि॒नं
स॒वनम्। वि॒श्वेषां॑ दे॒वानां॑ तृ॒तीयस॒वनम्। अथ॑ क॒स्मादे॒तेषां॑ ह॒विषा॒मिन्द्र॑मे॒व
य॑ज॒न्तीति॑। ए॒ता ह्ये॒नं दे॒वता॒ इति॑ ब्रूयात्। ए॒तैर्ह॒विर्भि॒रभिष॑ज्य॒स्तस्मा॑दि॒ति॥⁵⁴॥

एक॒विंश॑ आहु॒स्तृतीयस॒वने॑ प्रातः स॒वनं पञ्च॑ च॥

[11]

तस्या॑वा॒चोऽव॒पादा॑द॒बिभ॑युः। तमे॒तेषु॑ स॒प्तसु॑ छन्दः॒ स्वश्र॑यन्। यद॑श्रयन्।
तच्छ्रा॑य॒न्तीय॑स्य श्राय॒न्तीय॑त्वम्। यद॑वा॒रय॑न्। तद्वा॒रव॑न्तीय॒स्य वा॒रव॑न्तीयत्वम्।
तस्या॑वा॒च ए॒वाव॑पा॒दाद॑बिभ॑युः। तस्मा॑ ए॒तानि॑ स॒प्त च॑तु॒रुत्तरा॑णि छन्दा॒स्युपा॑दधुः।
तेषा॑म॒ति त्री॑ण्य॒रिच्य॑न्त। न त्री॑ण्युद॒भवन्॥⁵⁵॥

स बृ॒हती॑मे॒वास्पृ॑शत्। द्वा॒भ्याम॒क्षरा॑भ्याम्। अ॒होरा॒त्राभ्या॑मे॒व। तदा॑हुः। क॒त॒मा सा॑
दे॒वाक्ष॑रा बृ॒हती॑। यस्या॒न्तत्प्र॒त्यति॑ष्ठत्। द्वा॑दश पौ॒र्णमा॒स्यः। द्वा॑द॒शाष्ट॑काः।
द्वा॑द॒शमा॒वास्याः॑। ए॒षा वाव॑ सा दे॒वाक्ष॑रा बृ॒हती॑॥⁵⁶॥

यस्या॒न्तत्प्र॒त्यति॑ष्ठदि॒ति। यानि॑ च॒ छन्दा॑स्य॒त्यरि॑च्यन्त। यानि॑ च॒ नोद॑भवन्। तानि॑
निर्वी॑र्याणि ही॒नान्य॑मन्यन्त। साऽब्र॑वीद्बृ॒हती॑। मा॒मे॒व भू॒त्वा। मा॒मुप॑ स॒श्रय॑तेति॑।

च॒तुर्भि॑र॒क्षरै॑रनुष्टु॒ग्बृ॒हतीं॑ नोद॑भवत्। च॒तुर्भि॑र॒क्षरैः॑ प॒ङ्क्तिर्बृ॒हती॑मत्य॑रिच्यत। तस्या॑मे॒तानि॑
च॒त्वार्य॑क्षरा॑ण्यप॒च्छिदा॑दधात्॥⁵⁷॥

ते बृ॒हती॑ ए॒व भू॒त्वा। बृ॒हती॑मु॒प॒ सम॑श्रयताम्। अ॒ष्टाभि॑र॒क्षरै॑रु॒ष्णिग्बृ॒हतीं॑ नोद॑भवत्।
अ॒ष्टाभि॑र॒क्षरै॑स्त्रिष्टु॒ग्बृ॒हती॑मत्य॑रिच्यत। तस्या॑मे॒तान्य॑ष्टा॒वक्षरा॑ण्यप॒च्छिदा॑दधात्। ते
बृ॒हती॑ ए॒व भू॒त्वा। बृ॒हती॑मु॒प॒ सम॑श्रयताम्। द्वा॒दश॑भि॒रक्षरै॑र्गा॒यत्री बृ॒हतीं॑ नोद॑भवत्।
द्वा॒दश॑भि॒रक्षरै॑र्ज॒गती॑ बृ॒हती॑मत्य॑रिच्यत। तस्या॑मे॒तानि॑
द्वा॒दश॑क्षरा॑ण्यप॒च्छिदा॑दधात्॥⁵⁸॥

ते बृ॒हती॑ ए॒व भू॒त्वा। बृ॒हती॑मु॒प॒ सम॑श्रयताम्। सौ॑ऽब्रवीत्प्र॒जाप॑तिः। छ॒न्दा॑ंसि रथो
मे भवत। युष्माभि॑र॒हमे॑तमध्वा॒नम॑नु सञ्च॑राणीति। तस्य॑ गा॒यत्री च॑ ज॒गती॑ च
प॒क्षाव॑भवताम्। उ॒ष्णिक् त्रि॒ष्टुप् प्र॒ष्ट्यौ। अ॒नुष्टु॒प् प॒ङ्क्तिश्च॑ धु॒यौ। बृ॒हत्ये॑वो॒द्धिर॑भवत्।
स ए॒तं छ॑न्दो॒रथ॑मा॒स्थाय॑। ए॒तमध्वा॑न॒मनु॑ सम॑चरत्। ए॒तं ह॒ वै छ॑न्दो॒रथ॑मा॒स्थाय॑।
ए॒तमध्वा॑न॒मनु॑ सञ्च॑रति। येनै॒ष ए॒तत्सञ्च॑रति। य ए॒वं वि॒द्वान्त्सोमे॑न॒ यज॑ते। य उ॑
चैनमे॒वं वेद॑॥⁵⁹॥

अ॒भ॒व॒न्वा॒व सा॒ दे॒वाक्ष॑रा बृ॒हत्य॑दधाद्वा॒दश॑क्षरा॑ण्यप॒च्छिदा॑दधादा॒स्थाय॑ प॒द्व॥

[12]

अ॒ग्नेः कृ॒त्तिका॑ यत्पु॒ण्यं दे॒वस्य॑ सवि॒तुर्ब्र॑ह्मवा॒दिनः॑ क॒त्यु॒तमे॒व दे॒वा वा आ॑रु॒पः प्रा॒णमि॑न्द्रो॒ दधी॑चो दे॒वासुराः॑ स प्र॒जाप॑तिः स सं॒मुद्रो॑
ये वै च॒त्वार॑स्तस्यावा॒चो द्वा॒दश॑॥¹²॥

अ॒ग्नेः कृ॒त्तिका॑ दे॒वगृ॑हा ऋ॒तमे॒वर्ध्या॑मे॒व ति॒स्रः परा॑ची॒र्ये वै च॒त्वारो॑ न॒वप॑ञ्चा॒शत्॥⁵⁹॥

अ॒ग्नेः कृ॒त्तिका॑ य उ॑ चैनमे॒वं वेद॑॥

हरिः ॐ ॥

॥ इति श्रीकृष्णयजुर्वेदीयतैत्तिरीयब्राह्मणे प्रथमाष्टके पञ्चमः प्रपाठकः समाप्तः ॥

॥षष्ठमः प्रश्नः॥

॥तैत्तिरीयब्राह्मणे प्रथमाष्टके षष्ठः प्रपाठकः॥

अनु॑म॒त्यै पु॒रोडा॑श॒म॒ष्टाक॑पालं॒ निर्व॑पति। ये प्र॒त्यञ्चः॒ श॒म्या॑या अव॒शीय॑न्ते।
तन्नैर्ऋ॑तमेक॑कपालम्। इ॒यं वा अनु॑मतिः। इ॒यं निर्ऋ॑तिः। नैर्ऋ॑तेन॒ पूर्वेण॑
प्रच॑रति। पा॒प्मान॑मेव निर्ऋ॑तिं पूर्वा॑ निरव॑दयते। एक॑कपालो भवति। ए॒क॒धैव॑
निर्ऋ॑तिं निरव॑दयते। यदह॑त्वा गार्ह॑पत्य ई॒युः॥_१॥

रु॒द्रो भू॒त्वाऽग्नि॑रनु॒त्थाय॑। अध्व॒र्यु च॒ यज॑मानं च ह॒न्यात्। वी॒हि स्वा॒हाऽऽहु॑तिं
जुषा॑ण इत्या॑ह। आहु॑त्यैवैन॑ श॒मय॑ति। ना॒र्तिमा॑र्च्छत्यध्व॒र्युर्न यज॑मानः।
ए॒को॒त्मु॒केन॑ यन्ति। तद्धि निर्ऋ॑त्यै भा॒गधे॑यम्। इ॒मान्दि॑शं यन्ति। ए॒षा वै
निर्ऋ॑त्यै दिक्। स्वा॒या॑मेव दि॒शि निर्ऋ॑तिं निरव॑दयते॥_२॥

स्व॑कृतं इ॒रि॒णे जु॒होति॑ प्रद॒रे वा॑। ए॒तद्वै निर्ऋ॑त्या आ॒यत॑नम्। स्व ए॒वाय॑त॒ने
निर्ऋ॑तिं निरव॑दयते। ए॒ष ते॑ निर्ऋ॑ते भा॒ग इत्या॑ह। निर्दि॑शत्यैवैना॑म्। भू॒ते
ह॒विष्म॑त्यसीत्या॑ह। भू॒तिमे॒वोपा॑वर्तते। मु॒धेम॑म॒हंस॑ इत्या॑ह। अ॒हंस॑ ए॒वेन॑
मु॒धति॑। अ॒ङ्गु॒ष्ठाभ्या॑ जु॒होति॑॥_३॥

अ॒न्त॒त ए॒व निर्ऋ॑तिं निरव॑दयते। कृ॒ष्णं वा॑सः कृ॒ष्णातू॑षं दक्षि॑णा। ए॒तद्वै निर्ऋ॑त्यै
रू॒पम्। रू॒पेणै॒व निर्ऋ॑तिं निरव॑दयते। अ॒प्र॒तीक्ष॑मायन्ति। निर्ऋ॑त्या अ॒न्तर्हि॑त्यै।
स्वा॒हा नमो॑ य इ॒दं च॒कारे॑ति पु॒नरे॑त्य गार्ह॑पत्ये जु॒होति॑। आहु॑त्यैव न॑म॒स्यन्तो॒
गार्ह॑पत्यमुपावर्तन्ते। आ॒नु॒म॒तेन॑ प्रच॑रति। इ॒यं वा अनु॑मतिः॥_४॥

इ॒यमे॒वास्मै॑ रा॒ज्यम॑नु॒ मन्य॑ते। धे॒नुर्दक्षि॑णा। इ॒मामे॒व धे॒नुं कु॑रुते। आ॒दि॒त्यं च॒रुं
निर्व॑पति। उ॒भयी॑ष्वे॒व प्र॒जास्व॒भिषि॑च्यते। दै॒वीषु॑ च॒ मानु॑षीषु च। व॒रो दक्षि॑णा। व॒रो
हि रा॒ज्यं॑ स॒मृद्धे॑। आ॒ग्नावै॒ष्णव॑मेका॑दशकपालं॒ निर्व॑पति। अ॒ग्निः सर्वा॑ दे॒वताः॥_५॥
विष्णु॑र्य॒ज्ञः। दे॒वता॑श्चै॒व य॒ज्ञं चाव॑ रुन्धे। वा॒म॒नो व॒ही दक्षि॑णा। यद्व॒ही। तेना॑ग्रेयः।

यद्वा॑म॒नः। तेन॑ वैष्ण॒वः समृ॑द्धौ। अ॒ग्नी॒षोमी॒यमेका॑द॒शक॒पालं॑ निर्व॑पति।
 अ॒ग्नी॒षोमा॑भ्यां वा इन्द्रो॑ वृ॒त्रम॑ह॒न्ति॒ति॑। यद॑ग्नी॒षोमी॒यमेका॑द॒शक॒पालं॑ निर्व॑पति॥६॥
 वा॒त्रघ्न॑मे॒व विजि॑त्यै। हि॒र॒ण्यं दक्षि॑णा॒ समृ॑द्धौ। इन्द्रो॑ वृ॒त्रं ह॒त्वा। दे॒वता॑भिश्चेन्द्रि॒येण॑
 च व्य॑र्ध्यत। स ए॒तमै॑न्द्रा॒ग्नमेका॑द॒शक॒पालम॑पश्यत्। तन्निर॑वपत्। तेन॑ वै स
 दे॒वता॑श्चेन्द्रि॒यं चावा॑रुन्ध। यदै॑न्द्रा॒ग्नमेका॑द॒शक॒पालं॑ निर्व॑पति। दे॒वता॑श्चै॒व तेनै॑न्द्रि॒यं च
 यज॑मानोऽव॑रुन्धे। ऋ॒षभो॑ व॒ही दक्षि॑णा॥७॥

यद्व॒ही। तेना॑ग्ने॒यः। यदृ॑षभः। तेनै॒न्द्रः समृ॑द्धौ। आ॒ग्ने॒यम॒ष्टाक॑पालं॑ निर्व॑पति। ऐ॒न्द्रं
 दधि॑। यदा॑ग्ने॒यो भव॑ति। अ॒ग्निर्वै य॑ज्ञमु॒खम्। य॒ज्ञमु॒खमे॒वर्द्धि॑ पुर॒स्ताद्ध॑त्ते। यदै॒न्द्रं
 दधि॑॥८॥

इन्द्रि॒यमे॒वाव॑रुन्धे। ऋ॒षभो॑ व॒ही दक्षि॑णा। यद्व॒ही। तेना॑ग्ने॒यः। यदृ॑षभः। तेनै॒न्द्रः
 समृ॑द्धौ। याव॑तीर्वै प्र॒जा ओष॑धीनाम॒हुताना॑माश्च॒न्। ताः परा॑ऽभवन्। आ॒ग्नय॑णं
 भव॑ति हु॒ताद्या॑य। यज॑मान॒स्याप॑राभा॒वाय॥९॥

दे॒वा वा ओष॑धीष्वाजि॒मयुः॑। ता इन्द्रा॑ग्नी उद॑जयताम्। तावे॒तमै॑न्द्रा॒ग्नं द्वाद॑शक॒पालं॑
 नि॒रवृ॑णाताम्। यदै॑न्द्रा॒ग्नो भव॑त्यु॒ज्जित्यै॑। द्वाद॑शक॒पालो भव॑ति। द्वाद॑श॒ मासाः॑
 सं॒वत्स॒रः। सं॒वत्स॒रेणै॒वास्मा॑ अन्न॒मव॑रुन्धे। वै॒श्वदे॒वश्च॒रुर्भव॑ति। वै॒श्वदे॒वं वा अन्न॑म्।
 अन्न॑मे॒वास्मै॑ स्व॒दय॑ति॥१०॥

प्र॒थम॒जो व॒त्सो दक्षि॑णा॒ समृ॑द्धौ। सौ॒म्यः श्या॑माकं च॒रुं निर्व॑पति। सोमो॒ वा
 अ॒कृष्ट॑प॒च्यस्य॑ रा॒जा। अ॒कृष्ट॑प॒च्यमे॒वास्मै॑ स्व॒दय॑ति। वा॒सो दक्षि॑णा। सौ॒म्यः हि
 दे॒वता॑या॒ वासः॑ समृ॑द्धौ। सर॑स्वत्यै च॒रुं निर्व॑पति। सर॑स्वते च॒रुम्। मि॒थुन॑मे॒वाव॑
 रुन्धे। मि॒थुनो॑ गा॒वो दक्षि॑णा॒ समृ॑द्धौ। ए॒ति वा ए॒ष य॑ज्ञमु॒खाद॑ध्याः। योऽग्ने॑र्दे॒वता॑या
 ए॒ति। अ॒ष्टावे॑तानि॒ हवी॑र्षि॒ भव॑न्ति। अ॒ष्टाक्ष॑रा गाय॒त्री। गाय॑त्रोऽग्निः। तेनै॒व
 य॑ज्ञमु॒खाद॑ध्या॒ अग्ने॑र्दे॒वता॑यै नैति॥११॥

ईयुर्निरवदयतेऽङ्गुष्ठाभ्यां जुहोत्यनुमतिर्देवतां निर्वपति वही दक्षिणा यदैन्द्रं दध्यपराभावाय स्वदयति गावो दक्षिणा समृद्धौ पदं॥ [1]

वैश्वदेवेन वै प्रजापतिः प्रजा असृजत। ताः सृष्टा न प्राजायन्त। सोऽग्निरकामयत।

अ॒हमि॒माः प्र॒जं न॒येय॒मिति॑। स प्र॒जाप॑तये शुचं॑मदधात्। सोऽशोच॑त्प्रजामिच्छ॒मानः।
तस्मा॒द्यं च॑ प्र॒जा भु॒नक्ति॒ यं च॑ न। तावु॒भौ शो॑चतः प्र॒जामिच्छ॒मानौ।
तास्व॒ग्निम॑प्यसृजत्। ता अ॒ग्निर॑ध्यैत्॥¹²॥

सोमो॒ रेतो॑ऽदधात्। स॒विता॒ प्राज॑नयत्। सर॑स्वती वाचं॑मदधात्। पू॒षाऽपो॑षयत्। ते
वा ए॒ते त्रिः सं॑वत्स॒रस्य॒ प्रयु॑ज्यन्ते। ये दे॒वाः पु॑ष्टिपतयः। सं॒वत्स॒रो वै प्र॒जाप॑तिः।
सं॒वत्स॒रेणै॒वास्मै॑ प्र॒जाः प्राज॑नयत्। ताः प्र॒जा जा॒ता म॒रुतो॑ऽघ्नन्। अ॒स्मानपि॒ न
प्रायु॑क्ष॒तेति॑॥¹³॥

स ए॒तं प्र॒जाप॑तिर्मा॒रुतः॑ स॒प्तक॑पालमपश्यत्। तन्निर॑वपत्। ततो॒ वै
प्र॒जाभ्यो॑ऽकल्पत। यन्मा॑रुतो नि॒रुप्य॑तै। य॒ज्ञस्य॒ क्लृ॒प्त्यै। प्र॒जाना॑मघा॒ताय।
स॒प्तक॑पालो भवति। स॒प्तग॑णा॒ वै म॒रुतः॑। ग॒णश्च॑ ए॒वास्मै॑ वि॒शं क॑ल्पयति। स
प्र॒जाप॑तिरशोचत्॥¹⁴॥

याः पूर्वाः॑ प्र॒जा असृ॑क्षि। म॒रुत॒स्ता अ॑वधिषुः। क॒थमप॑राः सृजे॒येति॑। तस्य॒ शुष्मं॑
आ॒ण्डं भू॑तं निर॑वर्तत। तद्बु॒द्धं ह॑रत्। तद॑पोषयत्। तत्प्राजा॑यत। आ॒ण्डस्य॒ वा
ए॒तद्रूप॑म्। यदामि॒क्षा। यद्बु॒द्धं र॑ति॥¹⁵॥

प्र॒जा ए॒व तद्य॑जमानः पोषयति। वैश्व॑दे॒व्यामि॒क्षा भ॑वति। वैश्व॑दे॒व्यो वै प्र॒जाः। प्र॒जा
ए॒वास्मै॑ प्रज॑नयति। वाजि॑न॒मान॑यति। प्र॒जास्त्रे॒व प्रजा॑तासु रेतो॑ दधाति।
द्या॒वापृ॑थि॒व्यं ए॒कं क॑पालो भवति। प्र॒जा ए॒व प्रजा॑ता द्या॒वापृ॑थि॒वीभ्या॑मु॒भयतः॑ परि॒
गृ॒ह्णाति॑। दे॒वा॒सुराः॑ संय॑त्ता आसन्। सोऽग्निर॑ब्रवीत्॥¹⁶॥

माम॑ग्रे यजत। मया॒ मुखे॑नासुरा॒ञ्जये॑ति। मां द्वि॒तीयमि॑ति सोमो॑ऽब्रवीत्। मया॒
रा॒ज्ञां जे॑ष्यथेति। मां तृ॒तीयमि॑ति स॒विता। मया॒ प्र॒सूता॑ जे॑ष्यथेति। मां च॒तुर्थी॑मिति॒
सर॑स्वती। इ॒न्द्रि॒यं वोऽहं॑ धा॒स्यामी॑ति। मां प॑ञ्चममिति॒ पू॒षा। मया॑ प्रति॒ष्ठया॑
जे॑ष्यथेति॥¹⁷॥

तैऽग्नि॑ना॒ मुखे॑नासुरानजयन्। सोमे॑न॒ राज्ञा॑। स॒वित्रा॑ प्र॒सूताः।
सर॑स्वतीन्द्रि॒यम॑दधात्। पू॒षा प्र॑ति॒ष्ठाऽऽसी॑त्। ततो॒ वै दे॒वा व्य॑जयन्त। यदे॒तानि॑

हवी॑ऽषि॑ निरु॒प्यन्ते विजि॑त्यै। नोत्तर॑वेदिमुप॑वपति। प॒शवो॑ वा उत्तर॑वेदिः। अजा॑ता
इव॑ हो॒तर्हि॑ प॒शवः॑॥¹⁸॥

ऐदित्य॑शोचद्बुद्धर॑त्यब्रवीत्प्रति॑ष्ठयां जेष्य॑धेत्येतर्हि॑ प॒शवः॑॥

[2]

त्रिवृ॑द्धर॒हिर्भव॑ति। मा॒ता पि॒ता पु॒त्रः। तदे॒व तन्मि॑थुनम्। उ॒त्तं गर्भो॑ ज॒रायुः। तदे॒व
तन्मि॑थुनम्। त्रे॒धा ब॒रुहिः॑ सन्न॑द्धं भवति। त्रय॑ इ॒मे लो॒काः। ए॒ष्वेव॑ लो॒केषु॑ प्रति॑
तिष्ठति। ए॒क॒धा पुनः॑ सन्न॑द्धं भवति। ए॒कं इ॒व ह्य॑यं लो॒कः॥¹⁹॥

अ॒स्मिन्ने॒व तेन॑ लो॒के प्रति॑तिष्ठति। प्र॒सुवो॑ भवन्ति। प्र॒थम॑जामे॒व पुष्टि॑मवरु॒न्धे।
प्र॒थम॑जो व॒त्सो दक्षि॑णा॒ समृ॑द्धौ। पृ॒षदा॑ज्यं गृ॒ह्णाति॑। प॒शवो॑ वै पृ॒षदा॑ज्यम्।
प॒शूने॒वाव॑ रु॒न्धे। प॒ञ्चगृ॑हीतं भवति। पा॒ङ्क्ता हि प॒शवः॑। ब॒हुरू॒पं भ॑वति॥²⁰॥

ब॒हुरू॒पा हि प॒शवः॑ समृ॑द्धौ। अ॒ग्निं म॑न्थन्ति। अ॒ग्निमु॑खा॒ वै प्र॒जाप॑तिः प्र॒जा
अ॑सृजत। यद॒ग्निं म॑न्थन्ति। अ॒ग्निमु॑खा ए॒व तत्प्र॒जा यज॑मानः सृजते। न॒वं प्र॒याजा
इ॒ज्यन्ते॑। न॒वानू॒याजाः। अ॒ष्टौ ह॒वीऽषि॑। द्वा॒वाघा॑रौ। द्वा॒वाज्य॑भागौ॥²¹॥

त्रि॒ंशत्स॑म्पद्यन्ते। त्रि॒ंशद॑क्षरा वि॒राट्। अ॒न्नं वि॒राट्। वि॒राजै॒वान्नाद्य॑मवरु॒न्धे।
यज॑मानो वा ए॒कं क॑पालः। तेज॑ आ॒ज्यम्। यदे॒कं क॑पाल आ॒ज्यमा॑नयति।
यज॑मानमे॒व तेज॑सा॒ सम॑र्धयति। यज॑मानो वा ए॒कं क॑पालः। प॒शव॑ आ॒ज्यम्॥²²॥

यदे॒कं क॑पाल आ॒ज्यमा॑नयति। यज॑मानमे॒व प॒शुभिः॑ सम॑र्धयति। यद॒ल्पमा॑नयैत्।
अ॒ल्पा ए॒नं प॒शवो॑ भु॒ञ्जन्त॑ उप॑तिष्ठेरन्। यद्व॒ह्नीय॑यैत्। ब॒हव॑ ए॒नं प॒शवो॑ऽभु॒ञ्जन्त॑
उप॑तिष्ठेरन्। ब॒ह्नीया॑विः पृ॒ष्ठं कुर्या॑त्। ब॒हव॑ ए॒वैनं॑ प॒शवो॑ भु॒ञ्जन्त॑ उप॑तिष्ठन्ते।
यज॑मानो वा ए॒कं क॑पालः। यदे॒कं क॑पालस्याव॑देत्॥²³॥

यज॑मानस्याव॑देत्। उ॒द्वा मा॑द्येद्यज॑मानः। प्र॒ वा मी॑येत। स॒कृदे॒व हो॑तव्यः। स॒कृदि॒व
हि सु॑व॒र्गो लो॒कः। हु॒त्वाऽभि॑ जु॒होति॑। यज॑मानमे॒व सु॑व॒र्गं लो॒कं ग॑मयि॒त्वा।
तेज॑सा॒ सम॑र्धयति। यज॑मानो वा ए॒कं क॑पालः। सु॑व॒र्गो लो॒क आ॑ह॒वनी॑यः॥²⁴॥

यदे॒कं क॑पालमा॑ह॒वनी॑ये जु॒होति॑। यज॑मानमे॒व सु॑व॒र्गं लो॒कं ग॑मयति। यद्व॒स्तेन॑
जु॒हुया॑त्। सु॑व॒र्गलो॒काद्य॑ज॑मानम॒ववि॑ध्येत्। सु॒चा जु॒होति॑। सु॑व॒र्गस्य॑ लो॒कस्य॑

समंष्टौ। यत्प्राङ्द्वेत्। देवलोकमभिजयेत्। यदक्षिणा पितृलोकम्। यत्प्रत्यक्॥²⁵॥

रक्षांसि यज्ञं हन्युः। यदुदङ्। मनुष्यलोकमभिजयेत्। प्रतिष्ठितो होतव्यः।

एकंकपालं वै प्रतितिष्ठन्तं द्वावापृथिवी अनु प्रतितिष्ठतः। द्वावापृथिवी ऋतवः।

ऋतून् यज्ञः। यज्ञं यजमानः। यजमानं प्रजाः। तस्मात्प्रतिष्ठितो होतव्यः॥²⁶॥

वाजिनो यजति। अग्निर्वायुः सूर्यः। ते वै वाजिनः। तानेव तदयजति। अथो

खत्वाहुः। छन्दांसि वै वाजिन इति। तान्येव तदयजति। ऋक्सामे वा इन्द्रस्य

हरी सोमपानौ। तयोः परिधय आधानम्। वाजिनं भागधेयम्॥²⁷॥

यदप्रहृत्य परिधीं जुहुयात्। अन्तराधानाभ्यां घासं प्रयच्छेत्। प्रहृत्य परिधीं

जुहोति। निराधानाभ्यामेव घासं प्रयच्छति। बर्हिषि विषिधन्वाजिनमा नयति।

प्रजा वै बर्हिः। रेतो वाजिनम्। प्रजास्त्रेव रेतो दधाति। समुपहृत्य भक्षयन्ति।

एतत्सोमपीथा ह्येते। अथो आत्मन्नेव रेतो दधते। यजमान उत्तमो भक्षयति।

पशवो वै वाजिनम्। यजमान एव पशून्प्रतिष्ठापयन्ति॥²⁸॥

लोको बहुरूपं भवत्याज्यभागौ पशव आज्यमवबेदाहवनीयः प्रत्यक्तस्मात्प्रतिष्ठितो होतव्यो भागधेयमेते चत्वारि च॥^[3]

प्रजापतिः सविता भूत्वा प्रजा असृजत। ता एनमत्यमन्यन्त। ता

अस्मादपाक्रामन्। ता वरुणो भूत्वा प्रजा वरुणेनाग्राहयत्। ताः प्रजा वरुणगृहीताः।

प्रजापतिं पुनरुपाधावन्नाथमिच्छमानाः। स एतान्प्रजापतिर्वरुणप्रघासानपश्यत्। तां

निरवपत्। तैर्वै स प्रजा वरुणपाशादमुञ्चत्। यद्वरुणप्रघासा निरुप्यन्ते॥²⁹॥

प्रजानामवरुणग्राहाय। तासां दक्षिणो बाहुर्यक्र आसीत्। सव्यः प्रसृतः। स एतां

द्वितीयान्दक्षिणतो वेदिमुदहन्। ततो वै स प्रजानां दक्षिणं बाहुं प्रासारयत्।

यद्वितीयान्दक्षिणतो वेदिमुद्धन्ति। प्रजानामेव तदयजमानो दक्षिणं बाहुं प्रसारयति।

तस्माच्चातुर्मास्ययाज्यमुष्मिल्लोक उभयाबाहुः। यज्ञाभिजितः ह्यस्य। पृथमात्राद्वेदी

असम्भिन्ने भवतः॥³⁰॥

तस्मात्पृथमात्रं व्यसौ। उत्तरस्यां वेद्यामुत्तरवेदिमुप वपति। पशवो वा उत्तरवेदिः।

पशून्नेवावरुन्धे। अथो यज्ञपरुषोऽनन्तरित्यै। एतद्वाह्मणान्येव पञ्च हवींषि। अथैष

ऐन्द्राग्नो भवति। प्राणापानौ वा एतौ देवानाम्। यदिन्द्राग्नी। यदैन्द्राग्नो भवति॥³¹॥

प्राणापानावेवाव रुन्धे। ओजो बलं वा एतौ देवानाम्। यदिन्द्राग्नी। यदैन्द्राग्नौ भवति। ओजो बलमेवाव रुन्धे। मारुत्यामिक्षा भवति। वारुण्यामिक्षा। मेषी च मेषश्च भवतः। मिथुना एव प्रजा वरुणपाशान्मुञ्चति। लोमशौ भवतो मेध्यत्वाय॥³²॥

शमीपर्णान्युप वपति। घासमेवाभ्यामपि यच्छति। प्रजापतिमन्नाद्यं नोपानमत्। स एतेन शतेध्मेन हविषाऽन्नाद्यमवारुन्धे। यत्परः शतानि शमीपर्णानि भवन्ति। अन्नाद्यस्यावरुद्धौ। सौम्यानि वै करीराणि। सौम्या खलु वा आहुतिर्दिवो वृष्टिं च्यावयति। यत्करीराणि भवन्ति। सौम्यैवाहुत्या दिवो वृष्टिमवरुन्धे। काय एकंकपालो भवति। प्रजानां कन्वाय। प्रतिपूरुषं कर्मपात्राणि भवन्ति। जाता एव प्रजा वरुणपाशान्मुञ्चति। एकमतिरिक्तम्। जनिष्यमाणा एव प्रजा वरुणपाशान्मुञ्चति॥³³॥

निरूप्यन्ते भवतो भवति मेध्यत्वाय रुन्धे पदम्॥

[4]

उत्तरस्यां वेद्यामन्यानि हवींषि सादयति। दक्षिणायां मारुतीम्। अपधुरमेवैनां युनक्ति। अथो ओजं एवासांमव हरति। तस्माद्ब्रह्मणश्च क्षत्राच्च विशोऽन्यतोऽपक्रमिणीः। मारुत्या पूर्वया प्रचरति। अनृतमेवाव यजते। वारुण्योत्तरया। अन्तत एव वरुणमव यजते। यदेवाध्वर्युः करोति॥³⁴॥

तत्प्रतिप्रस्थाता करोति। तस्माद्यच्छेयान्करोति। तत्प्रापीयान्करोति। पत्नीं वाचयति। मेध्यामेवैनां करोति। अथो तप एवैनामुप नयति। यज्जारं सन्तन्न प्रब्रूयात्। प्रियं ज्ञातिं रुन्ध्यात्। असौ मे जार इति निर्दिशेत्। निर्दिश्येवैनं वरुणपाशेन ग्राहयति॥³⁵॥

प्रघास्यान् हवामह इति पत्नीमुदानयति। अहृतैवैनाम्। यत्पत्नीं पुरोनुवाक्यामनुब्रूयात्। निर्वीर्यो यजमानः स्यात्। यजमानोऽन्वाह। आत्मन्नेव वीर्यं धत्ते। उभौ याज्यां सवीर्यत्वाय। यद्गामे यदरण्य इत्याह। यथोदितमेव वरुणमव यजते। यजमानदेवत्यो वा आहवनीयः॥³⁶॥

भ्रातृव्यदेवत्यो दक्षिणः। यदाहवनीये जुहुयात्। यजमानं वरुणपाशेन ग्राहयेत्।

दक्षिणेऽग्नौ जुहोति। भ्रातृव्यमेव वरुणपाशेन ग्राहयति। शूर्पेण जुहोति। अन्यमेव वरुणमव यजते। शीर्षन्नधि निधाय जुहोति। शीर्षत एव वरुणमव यजते। प्रत्यङ्गिष्ठं जुहोति॥³⁷॥

प्रत्यङ्गुव वरुणपाशान्निर्मुच्यते। अक्रन्कर्म कर्मकृत इत्याह। देवाऽनृणं निरवदाय। अनृणा गृहानुप प्रेतेति वावैतदाह। वरुणगृहीतं वा एतदज्ञस्य। यदज्ञुषा गृहीतस्यातिरिच्यते। तुषाश्च निष्कासश्च। तुषैश्च निष्कासेन चावभृथमवैति। वरुणगृहीतेनैव वरुणमवयजते। अपोऽवभृथमवैति॥³⁸॥

अप्सु वै वरुणः। साक्षादेव वरुणमवयजते। प्रतियुतो वरुणस्य पाश इत्याह। वरुणपाशादेव निर्मुच्यते। अप्रतीक्षमा यन्ति। वरुणस्यान्तर्हित्यै। एधोऽस्येधिषीमहीत्याह। समिधेवाग्निन्नमस्यन्त उपायन्ति। तेजोऽसि तेजो मयि धेहीत्याह। तेज एवात्मन्धत्ते॥³⁹॥

करोति ग्राहयत्याहवनीयस्तिष्ठं जुहोत्यपोऽवभृथमवैति धत्ते॥ [5]

देवासुराः संयत्ता आसन्। सोऽग्निरब्रवीत्। ममेयमनीकवती तनूः। तां प्रीणीत। अथासुरानभि भविष्यथेति। ते देवा अग्नयेऽनीकवते पुरोडाशमष्टाकपालं निरवपन्। सोऽग्निरनीकवान्स्त्वेन भागधेयेन प्रीतः। चतुर्धाऽनीकान्यजनयत। ततो देवा अभवन्। पराऽसुराः॥⁴⁰॥

यदग्नयेऽनीकवते पुरोडाशमष्टाकपालं निर्वपति। अग्निमेवानीकवन्तः स्त्वेन भागधेयेन प्रीणाति। सोऽग्निरनीकवान्स्त्वेन भागधेयेन प्रीतः। चतुर्धाऽनीकानि जनयते। असौ वा आदित्योऽग्निरनीकवान्। तस्य रश्मयोऽनीकानि। साकः सूर्येणोद्यता निर्वपति। साक्षादेवास्मा अनीकानि जनयति। तेऽसुराः पराजिता यन्तः। द्यावापृथिवी उपाश्रयन्॥⁴¹॥

ते देवा मरुद्भ्यः सान्तपनेभ्यश्चरुं निरवपन्। यन्मरुद्भ्यः सान्तपनेभ्यश्चरुं निर्वपति। द्यावापृथिवीभ्यामेव तदुभयतो यजमानो भ्रातृव्यान्त्सन्तपति। मध्यन्दिने निर्वपति। तर्हि हि तेक्षिणं तपति। चरुर्भवति। सर्वत एवैनान्त्सन्तपति। ते देवाः

श्रौविजयिनः सन्तः। सर्वासान्दुग्धे गृहमेधीयं चरुं निरवपन्॥⁴²॥

आशिता एवाद्योपवसाम। कस्य वाऽहेदम्। कस्य वा श्वो भवितेति। स
श्रुतोऽभवत्। तस्याहुतस्य नाश्नन्। न हि देवा अहुतस्याश्नन्ति। तैऽब्रुवन्। कस्मा
इमं हौष्याम इति। मरुद्भ्यो गृहमेधिभ्य इत्यब्रुवन्। तं मरुद्भ्यो
गृहमेधिभ्योऽजुहवुः॥⁴³॥

ततो देवा अभवन्। पराऽसुराः। यस्यैवं विदुषो मरुद्भ्यो गृहमेधिभ्यो गृहे जुह्वति।
भवत्यात्मना। पराऽस्य भ्रातृव्यो भवति। यद्वै यज्ञस्य पाकत्रा क्रियते। पशव्यं तत्।
पाकत्रा वा एतत्क्रियते। यन्नेध्माबर्हिर्भवति। न सामिधेनीरन्वाह॥⁴⁴॥

न प्रयाजा इज्यन्ते। नानूयाजाः। य एवं वेद। पशुमान्भवति। आज्यभागौ यजति।
यज्ञस्यैव चक्षुषी नान्तरेति। मरुतो गृहमेधिनी यजति। भागधेयेनैवैनान्तसमर्धयति।
अग्निस्त्रिष्टुक्कृतं यजति प्रतिष्ठित्यै। इडांतो भवति। पशवो वा इडां।
पशुष्वेवोपरिष्ठात्प्रतिष्ठति॥⁴⁵॥

असुरा अश्रयन्गृहमेधीयं चरुं निरवपन्नजुहवुरन्वाहेडांतो भवति द्वे च॥ [6]

यत्पत्नी गृहमेधीयस्याश्नीयात्। गृहमेध्येव स्यात्। वि त्वस्य यज्ञ ऋध्येत।
यन्नाश्नीयात्। अगृहमेधी स्यात्। नास्य यज्ञो व्यृद्धेत। प्रतिवेशं पचेयुः।
तस्याश्नीयात्। गृहमेध्येव भवति। नास्य यज्ञो व्यृद्धेत॥⁴⁶॥

ते देवा गृहमेधीयेनेष्ट्वा। आशिता अभवन्। आजताभ्यञ्जत। अनु वत्सानवासायन्।
तेभ्योऽसुराः क्षुधं प्राहिण्वन्। सा देवेषु लोकमविबा। असुरान्पुनरगच्छत्।
गृहमेधीयेनेष्ट्वा। आशिता भवन्ति। आजतेऽभ्यञ्जते॥⁴⁷॥

अनु वत्सान् वासायन्ति। भ्रातृव्यायैव तद्यजमानः क्षुधं प्राहिणोति। ते देवा
गृहमेधीयेनेष्ट्वा। इन्द्राय निष्कासं न्यदधुः। अस्मानेव श्व इन्द्रो निहितभाग
उपावर्तितेति। तानिन्द्रो निहितभाग उपावर्तते। गृहमेधीयेनेष्ट्वा। इन्द्राय निष्कासं
निदध्यात्। इन्द्र एवेनं निहितभाग उपावर्तते। गार्हपत्ये जुहोति॥⁴⁸॥

भागधेयेनैवैनं समर्धयति। ऋषभमाह्वयति। वषट्कार एवास्य सः। अथो इन्द्रियमेव

तद्वीर्यं यजमानो भ्रातृव्यस्य वृद्धे। इन्द्रो वृत्रं हृत्वा। परां परावतमगच्छत्।
अपाराधमिति मन्यमानः। सोऽब्रवीत्। क इदं वेदिष्यतीति। तेऽब्रुवन्मरुतो वरं
वृणामहे॥⁴⁹॥

अथ वयं वेदाम। अस्मभ्यमेव प्रथमं हविर्निरूप्याता इति। त एनमध्यक्रीडन्।
तत्क्रीडिनां क्रीडित्वम्। यन्मरुद्भ्यः क्रीडिभ्यः प्रथमं हविर्निरूप्यते विजित्यै।
साकं सूर्येणोद्यता निर्वपति। एतस्मिन्वै लोक इन्द्रो वृत्रमहन्त्समृद्धौ।
एतद्वाह्मणान्येव पञ्च हवींषि। एतद्वाह्मण ऐन्द्राग्रः। अथैष ऐन्द्रश्चरुर्भवति॥⁵⁰॥

उद्धारं वा एतमिन्द्र उदहरत। वृत्रं हृत्वा। अन्यासु देवतास्वधि। यदेष
ऐन्द्रश्चरुर्भवति। उद्धारमेव तं यजमान उद्धरते। अन्यासु प्रजास्वधि। वैश्वकर्मण
एकंकपालो भवति। विश्वान्येव तेन कर्माणि यजमानोऽवरुन्धे॥⁵¹॥

ऋद्धतेऽभ्यञ्जते जुहोति वृणामहे भवत्यष्टौ च॥

[7]

वैश्वदेवेन वै प्रजापतिः प्रजा असृजत। ता वरुणप्रघासैर्वरुणपाशादमुञ्चत्।
साकमेधैः प्रत्यस्थापयत्। त्र्यम्बकै रुद्रं निरवादयत्। पितृयज्ञेन सुवर्गं
लोकमगमयत्। यद्वैश्वदेवेन यजते। प्रजा एव तद्यजमानः सृजते। ता
वरुणप्रघासैर्वरुणपाशान्मुञ्चति। साकमेधैः प्रतिष्ठापयति। त्र्यम्बकै रुद्रं
निरवादयते॥⁵²॥

पितृयज्ञेन सुवर्गं लोकं गमयति। दक्षिणतः प्राचीनावीती निर्वपति। दक्षिणावृद्धि
पितृणाम्। अनादृत्य तत्। उत्तरत एवोपवीय निर्वपेत्। उभये हि देवाश्च
पितरश्चेज्यन्ते। अथो यदेव दक्षिणार्धेऽधि श्रयति। तेन दक्षिणावृत्। सोमाय पितृमते
पुरोडाशं षट्कपालं निर्वपति। संवत्सरो वै सोमः पितृमान्॥⁵³॥

संवत्सरमेव प्रीणाति। पितृभ्यो बर्हिषद्भ्यो धानाः। मासा वै पितरो बर्हिषदः।
मासानेव प्रीणाति। यस्मिन्वा ऋतौ पुरुषः प्रमीयते। सोऽस्यामुष्मिल्लोके भवति।
बहुरूपा धाना भवन्ति। अहोरात्राणामभिजित्यै। पितृभ्योऽग्निष्वात्तेभ्यो मन्थम्।

अ॒र्ध॒मा॒सा वै पि॒तरौऽग्नि॒ष्वा॒त्ताः॥⁵⁴॥

अ॒र्ध॒मा॒साने॒व प्री॑णाति। अ॒भि॒वा॒न्या॒यै दु॒ग्धे भ॑वति। सा हि पि॒तृदे॒वत्यं॑ दु॒हे।
यत्पू॒र्णम्। तन्म॑नु॒ष्या॑णाम्। उ॒पर्य॑र्धो दे॒वाना॑म्। अ॒र्धः पि॒तृणा॑म्। अ॒र्ध उप॑मन्थति।
अ॒र्धो हि पि॑तृणा॒म्। ए॒क॒योप॑मन्थति॥⁵⁵॥

एका॒ हि पि॑तृणा॒म्। द॒क्षि॒णोप॑मन्थति। द॒क्षि॒णावृ॑द्धि पि॑तृणा॒म्। अ॒ना॒र॒भ्योप॑मन्थति।
तद्धि पि॒तृन्गच्छ॑ति। इ॒मा॒न्दि॒शं वेदि॑मु॒द्धन्ति॑। उ॒भये॒ हि दे॒वाश्च॑ पि॒तर॑श्चे॒ज्यन्तै॑। चतुः॑
स्र॒क्तिर्भ॑वति। सर्वा॒ ह्यनु॑ दि॒शः पि॒तरः॑। अ॒खा॒ता भ॑वति॥⁵⁶॥

खा॒ता हि दे॒वाना॑म्। म॒ध्यतो॑ऽग्नि॒राधी॑यते। अ॒न्ततो॑ हि दे॒वाना॑माधीयते।
व॒र्षी॒यानि॒ध्म इ॒ध्माद्भव॑ति॒ व्यावृ॑त्यै। परि॑श्रयति। अ॒न्तर्हि॑तो हि पि॑तृलो॒को
म॑नु॒ष्यलो॒कात्। यत्प॑रुषि दि॒नम्। तद्दे॒वाना॑म्। यद॑न्तरा। तन्म॑नु॒ष्या॑णाम्॥⁵⁷॥

यत्स॑मूलम्। तत्पि॑तृणा॒म्। स॑मूलं ब॒र्हिर्भ॑वति॒ व्यावृ॑त्यै। द॒क्षि॒णा स्तृ॑णाति।
द॒क्षि॒णावृ॑द्धि पि॑तृणा॒म्। त्रिः प॑र्येति। तृ॒तीये॒ वा इ॒तो लो॒के पि॒तरः॑। ता॒ने॒व प्री॑णाति।
त्रिः पुनः॑ प॑र्येति। ष॒ट्प॒द॒न्ते॥⁵⁸॥

ष॒ड्वा ऋ॒तवः॑। ऋ॒तूने॒व प्री॑णाति। यत्प्र॑स्तरं यजु॑षा गृ॒हीया॑त्। प्र॒मायु॑को यज॑मानः
स्यात्। यन्न गृ॒हीया॑त्। अ॒ना॒य॒तनः॑ स्यात्। तू॒ष्णीमे॒व न्य॑स्येत्। न प्र॒मायु॑को भ॑वति।
ना॒ना॒य॒तनः॑। यत्त॑नीन्प॒रिधी॑न्प॒रिद॑ध्यात्॥⁵⁹॥

मृ॒त्युना॒ यज॑मानं प॒रिगृ॑हीयात्। यन्न प॒रिद॑ध्यात्। र॒क्षांसि॑ य॒ज्ञं ह॑न्युः। द्वौ प॒रिधी॑
प॒रिद॑धाति। र॒क्ष॑सा॒मप॑हत्यै। अथो॑ मृ॒त्योरे॒व यज॑मान॒मुत्सृ॑जति। यत्त॑नीणि॒ त्रीणि॑
ह॒वीं॒ष्युदा॑हरैर्युः। त्रय॑स्त्रय ए॒षां सा॑कं प्र॒मीये॑रन्। ए॒कैक॑म॒नूची॑ना॒न्युदा॑हरन्ति।
ए॒कैक॑ ए॒वैषा॑म॒न्वञ्चः॑ प्र॒मीय॑ते। क॒शिपु॑ क॒शिप॒व्याय॑। उ॒पब॑र्हणमु॒पब॑र्हण्याय।
आ॒ञ्जन॑मा॒ञ्ज्याय॑। अ॒भ्यञ्जन॑म॒भ्यञ्ज्याय॑। य॒थाभा॑गमे॒वैना॑न्प्रीणाति॥⁶⁰॥

निरवदयते पितृमानंऽग्निष्वात्ता एकयोपं मन्थत्यखाता भवति मनुष्याणां पदन्ते परिदध्यान्मीयते पञ्च च॥ [8]

अ॒ग्नये॑ दे॒वेभ्यः॑ पि॒तृभ्यः॑ स॒मि॒ध्यमा॑ना॒यानु॑ ब्रूहीत्या॒ह। उ॒भये॒ हि दे॒वाश्च॑
पि॒तर॑श्चे॒ज्यन्तै॑। ए॒का॒म॒न्वा॒ह। ए॒का॒ हि पि॑तृणा॒म्। त्रि॒र॒न्वा॒ह। त्रि॒र्हि दे॒वाना॑म्।

आ॒धा॒रा॒वा॒धा॒र॒य॒ति॒। य॒ज्ञ॒प॒रु॒षो॒र॒न॒न्त॒रि॒त्यै॒। ना॒र्षे॒यं वृ॒णी॒ते। न हो॒ता॒र॒म्॥⁶¹॥

यदा॑र्षे॒यं वृ॒णी॒त। यद्धो॑ता॒र॒म्। प्र॒मा॒यु॒को य॒ज॒मा॒नः स्या॑त्। प्र॒मा॒यु॒को हो॒ता॑।
तस्मा॑न्न वृ॒णी॒ते। य॒ज॒मा॒नस्य॑ हो॒तु॒र्गो॒पी॒था॒य॑। अ॒पं ब॒र्हि॒षः प्र॒या॒जा॒न् य॒ज॒ति॒। प्र॒जा
वै ब॒र्हिः। प्र॒जा ए॒व मृ॒त्यो॒रु॒त्सृ॑जति। आ॒ज्य॒भा॒गौ य॒ज॒ति॥⁶²॥

य॒ज्ञ॒स्यै॒व चक्षु॑षी॒ नान्ते॑रेति। प्रा॒ची॒ना॒वी॒ती सोमं॑ य॒ज॒ति॒। पि॒तृ॒दे॒व॒त्यां हि॒।
ए॒षाऽऽहु॑तिः। प॒ञ्च॒कृ॒त्वोऽव॑ दति। प॒ञ्च हो॑ता दे॒वताः॑। द्वे पु॒रोऽनु॒वा॒क्यै॑। या॒ज्या
दे॒वता॑ वष॒ट्कारः॑। ता ए॒व प्री॑णाति। स॒न्त॒त॒म॒व॑ दति॥⁶³॥

ऋ॒तूना॑ः स॒न्त॒त्यै। प्रै॒वैभ्यः॑ पूर्॒वया॑ पु॒रोऽनु॒वा॒क्य॒याऽऽह॑। प्र॒ण॒य॒ति॒ द्वि॒ती॒य॒या।
ग॒म॒य॒ति॒ या॒ज्य॒या। तृ॒ती॒ये वा इ॒तो लो॒के पि॒तरः॑। अ॒हं ए॒वैना॒न्पूर्॒वया॑
पु॒रोऽनु॒वा॒क्य॒याऽत्या॑नयति। रा॒त्रि॒यै द्वि॒ती॒य॒या। ऐ॒वैना॒न् या॒ज्य॒या ग॒म॒य॒ति॒।
दक्षि॑ण॒तोऽव॑दाय॑। उ॒द॒ङ्घ्रि॑ति॒ क्राम॑ति॒ व्यावृ॑त्यै॥⁶⁴॥

आ॒ स्व॒धेत्या॑श्चाव॒य॒ति॒। अस्तु॑ स्व॒धेति॑ प्र॒त्याश्चा॑व॒य॒ति॒। स्व॒धा नम॑ इति॒ वष॑ट्करोति।
स्व॒धा॒का॒रो हि पि॑तृ॒णाम्। सोम॑म॒ग्रे य॒ज॒ति॒। सोम॑प्र॒या॒जा हि पि॑तरः। सोमं॑
पि॒तृम॑न्तं य॒ज॒ति॒। सं॒व॒त्स॒रो वै सोमः॑ पि॒तृमा॑न्। सं॒व॒त्स॒रमे॒व तद॑जति।
पि॒तृ॒न्ब॒र्हि॒षदो॑ य॒ज॒ति॥⁶⁵॥

ये वै य॒ज्वा॑नः। ते पि॒तरो॑ ब॒र्हि॒षदः॑। ता॒ने॒व तद॑जति। पि॒तृ॒न॒ग्नि॒ष्वा॒त्ता॒न् य॒ज॒ति॒।
ये वा अ॒य॒ज्वा॑नो गृ॒हमे॒धिनः॑। ते पि॒तरो॑ऽग्नि॒ष्वा॒त्ताः। ता॒ने॒व तद॑जति। अ॒ग्निं
क॒व्य॒वा॒ह॒नं य॒ज॒ति॒। य ए॒व पि॑तृ॒णाम॒ग्निः। तमे॒व तद॑जति॥⁶⁶॥

अथो॒ यथा॑ऽग्नि॒ः स्वि॑ष्ट॒कृतं॑ य॒ज॒ति॒। ता॒दृ॒गे॒व तत्। ए॒तत्ते॑ तत् ये च॒ त्वाम॑न्विति॒
ति॒सृ॒षुं स॒क्ती॒षु नि॑दधाति। तस्मा॑दा तृ॒ती॒या॒त्पु॒रु॒षा॒न्ना॒म॒ न गृ॑ह्णन्ति। ए॒ता॒व॒न्तो
ही॒ज्य॑न्तै॑। अत्र॑ पि॒तरो॑ यथा॒भागं॑ म॒न्द॒ध्व॒मित्या॑ह। ह्री॒का हि पि॑तरः। उ॒द॒शो
नि॒ष्क्रा॑मन्ति। ए॒षा वै म॑नु॒ष्या॒णां दिक्। स्वा॒मे॒व तदि॑श॒मनु॑ नि॒ष्क्रा॑मन्ति॥⁶⁷॥

आ॒ह॒व॒नी॒यमु॑पतिष्ठन्ते। न्ये॒वा॒स्मै तद्धु॑वते। यत्स॒त्या॑ह॒वनी॒यै॑। अथा॒न्यत्र॑ चरन्ति।
आ॒त॒मि॒तो॒रुप॑तिष्ठन्ते। अ॒ग्निमे॒वोप॑द्र॒ष्टारं॑ कृ॒त्वा। पि॒तृ॒न्नि॒र॒व॒द॒य॒न्ते। अ॒न्तं वा ए॒ते

प्राणानां गच्छन्ति। य आतमितोरुप तिष्ठन्ते। सुसन्दशं वा वयमित्याह॥⁶⁸॥

प्राणो वै सुसन्दक्। प्राणमेवात्मन्दधते। योजा न्विन्द्र ते हरी इत्याह। प्राणमेव पुनरयुक्त। अक्षन्नमीमदन्त हीति गार्हपत्यमुपतिष्ठन्ते। अक्षन्नमीमदन्ताथ त्वोपतिष्ठामह इति वावैतदाह। अमीमदन्त पितरः सोम्या इत्यभि प्रपद्यन्ते। अमीमदन्त पितरोऽथ त्वाऽभि प्रपद्यामह इति वावैतदाह। अपः परिषिञ्चति। मार्जयत्येवैनान्॥⁶⁹॥

अथो तर्पयत्येव। तृप्यति प्रजयां पशुभिः। य एवं वेद। अपं बर्हिषावनूयाजौ यजति। प्रजा वै बर्हिः। प्रजा एव मृत्योरुत्सृजति। चतुरः प्रयाजान् यजति। द्वावनूयाजौ। षट्सम्पद्यन्ते। षड्वा ऋतवः। ऋतूनेव प्रीणाति। न पत्यन्वास्ते। न संयाजयन्ति। यत्पत्यन्वासीत। यत्संयाजयेयुः। प्रमायुका स्यात्। तस्मान्नान्वास्ते। न संयाजयन्ति। पत्नियै गोपीथाय॥⁷⁰॥

होतारमाज्यभागो यजति सन्ततमवदति व्यावृत्त्यै बर्हिषदो यजति तमेव तद्वजत्यनु निष्क्रामन्त्याहेनानृतवो नवं च॥ [9]

प्रतिपूरुषमेकंकपालां निर्वपति। जाता एव प्रजा रुद्रान्निरवदयते। एकमतिरिक्तम्। जनिष्यमाणा एव प्रजा रुद्रान्निरवदयते। एकंकपाला भवन्ति। एकधैव रुद्रं निरवदयते। नाभिधारयति। यदभिधारयेत्। अन्तरवचारिणं रुद्रं कुर्यात्। एकोत्सुकेन यन्ति॥⁷¹॥

तद्धि रुद्रस्य भागधेयम्। इमान्दिशं यन्ति। एषा वै रुद्रस्य दिक्। स्वायामेव दिशि रुद्रं निरवदयते। रुद्रो वा अपशुकाया आहुत्यै नातिष्ठत। असौ ते पशुरिति निर्दिशेद्यं द्विष्यात्। यमेव द्वेष्टि। तमस्मै पशुं निर्दिशति। यदि न द्विष्यात्। आखुस्ते पशुरिति ब्रूयात्॥⁷²॥

न ग्राम्यान्पशून् हिनस्ति। नारण्यान्। चतुष्पथे जुहोति। एष वा अग्नीनां पङ्क्तिशो नाम। अग्निवत्येव जुहोति। मध्यमेन पर्णेन जुहोति। सुगध्येषा। अथो खलु। अन्तमेनैव होतव्यम्। अन्तत एव रुद्रं निरवदयते॥⁷³॥

एष ते रुद्र भागः सह स्वस्त्राऽम्बिकयेत्याह। शरद्वा अस्याम्बिका स्वसा। तया वा

ए॒ष हि॑न॒स्ति। य॑ हिन॒स्ति। तयै॒वेन॑ सह श॒मय॑ति। भे॒षज॑ङ्ग॒व इ॒त्याह॑। याव॑न्त
 ए॒व ग्रा॒म्याः प॒शवः॑। तेभ्यो॑ भे॒षजं॑ क॒रोति॑। अवा॑म्ब रु॒द्रमे॑दिम॒हीत्या॑ह।
 आ॒शिष॑मे॒वैता॑मा शा॒स्ते॥⁷⁴॥

त्र्य॑म्बकं यजाम॒ह इ॒त्याह॑। मृ॒त्योर्मु॑क्षीय॒ माऽमृ॑ता॒दिति॑ वा॒वैत॑दा॒ह। उ॒त्कि॑रन्ति।
 भग॑स्य लीप्सन्ते। मू॒तेकृ॑त्वाऽऽस॑जन्ति। यथा॒ जनं॑ य॒तेऽव॑सं क॒रोति॑। तादृ॑गे॒व
 तत्। ए॒ष ते॑ रु॒द्र भा॒ग इ॒त्याह॑ नि॒रव॑त्यै। अ॒प्रती॑क्ष॒मा य॑न्ति। अ॒पः परि॑षिञ्चति।
 रु॒द्रस्या॒न्तर्हि॑त्यै। प्र॒ वा ए॒तेऽस्मा॑ल्लो॒काच्च॑वन्ते। ये त्र्य॑म्बकै॒श्चर॑न्ति। आ॒दि॒त्यं च॒रुं
 पुन॑रेत्य॒ निर्व॑पति। इ॒यं वा अ॑दि॒तिः। अ॒स्यामे॒व प्र॑ति॒ तिष्ठ॑न्ति॥⁷⁵॥

यन्ति ब्रूयान्निरवन्दयते शास्ते सिञ्चति पदं॥ [10]

अ॒नु॒म॒त्ये वै॒श्वदे॒वेन॒ ताः सृ॒ष्टास्त्रि॒वृत्प्र॒जाप॑तिः सवि॒तोत्त॑र॒स्यान्दे॒वासुराः सौ॑ऽग्निर्य॒त्पत्नी॑ वै॒श्वदे॒वेन॒ ता व॑रुणप्र॒घासै॒रग्नये॑ दे॒वेभ्यः॑
 प्र॒तिपू॑रुषं द॒श॥¹⁰॥
 अ॒नु॒म॒त्ये प्र॑थम॒जो व॒त्सो ब॑हुरू॒पा हि प॒शव॑स्तस्मा॒त्पृथ॑मा॒त्रं यद॑ग्नयेऽनी॒कव॑त उ॒द्धारं॑ वा अ॒ग्नये॑ दे॒वेभ्यः॑ प्र॒तिपू॑रुषं प॒ञ्चस॑सतिः॥⁷⁵॥
 अ॒नु॒म॒त्ये प्र॑ति॒तिष्ठ॑न्ति॥

हरिः ॐ॥

॥इति श्रीकृष्णयजुर्वेदीयतैत्तिरीयब्राह्मणे प्रथमाष्टके षष्ठः प्रपाठकः समाप्तः॥

॥सप्तमः प्रश्नः॥

॥तैत्तिरीयब्राह्मणे प्रथमाष्टके सप्तमः प्रपाठकः॥

ए॒तद्वा॑ह्म॒णान्ये॒व प॑ञ्च ह॒वीःषि॑। अ॒थेन्द्रा॑य॒ शुना॒सीरा॑य॒ पुरो॒डाशं॑ द्वा॒दश॑क॒पालं॑
निर्व॑पति। स॒वत्स॒रो वा॑ इन्द्रा॒शुना॒सीरः॑। स॒वत्स॒रेणै॒वास्मा॑ अ॒न्नम॑व॒ रुन्धे॑। वा॒यव्यं॑
पयो॑ भवति। वा॒युर्वै वृ॒ष्ट्यै प्र॑दापयि॒ता। स ए॒वास्मै॑ वृ॒ष्टिं प्र॑दापयति। सौ॒र्यं
एकं॑क॒पालो भ॑वति। सूर्ये॑ण॒ वा अ॒मुष्मि॑ल्लो॒के वृ॒ष्टिर्धृ॑ता। स ए॒वास्मै॑ वृ॒ष्टिं
निय॑च्छति॥₁॥

द्वा॒दश॑ग॒वः सी॒रं दक्षि॑णा॒ समृ॑द्ध्यै। दे॒वा॒सुराः॑ संय॑त्ता आसन्। ते दे॒वा अ॒ग्निम॑ब्रुवन्।
त्वया॑ वी॒रेणा॑सुरा॒नभि॑भ॒वामे॒ति। सौ॑ऽब्रवीत्। त्रे॒धाऽह॑मा॒त्मानं॑ वि॒करि॑ष्य॒ इति॑। स
त्रे॒धाऽऽत्मानं॑ व्य॑कुरु॒त। अ॒ग्निं तृ॑तीयम्। रु॒द्रं तृ॑तीयम्। वरु॑णं तृ॑तीयम्॥₂॥

सौ॑ऽब्रवीत्। क इ॒दं तुरी॑यमि॒ति। अ॒हमि॑तीन्द्रो॑ऽब्रवीत्। सन्तु सृ॑जावहा॒ इति॑। तौ
सम॑सृजेताम्। स इन्द्र॑स्तुरी॒यम॑भवत्। य॒दिन्द्र॑स्तुरी॒यम॑भवत्।
तदिन्द्र॑तुरी॒यस्यैन्द्र॑तुरी॒यत्व॑म्। ततो॒ वै दे॒वा व्य॑जयन्त। य॒दिन्द्र॑तुरी॒यं नि॑रुप्य॒ते
विजि॑त्यै॥₃॥

व॒हिनी॑ धे॒नुर्दक्षि॑णा। यद्व॒हिनी॑। तेना॑ग्नेयी। यद्वोः। तेन॑ रौ॒द्री। यद्वे॒नुः। तेनै॒न्द्री।
यत्स्त्री॑ स॒ती दा॒न्ता। तेन॑ वारु॒णी समृ॑द्ध्यै। प्र॒जाप॑तिर्य॒ज्ञम॑सृजत॥₄॥

त॑ः सृष्ट॑ रक्षा॑स्यजिघा॑सन्। स ए॒ताः प्र॑जाप॑तिरा॒त्मनो॑ दे॒वता॑ निर॑मिमीत।
ताभि॑र्वै स दि॒ग्भ्यो रक्षा॑सि प्राणु॑दत। यत्प॑ञ्चाव॒त्तीयं॑ जुहोति। दि॒ग्भ्य ए॒व
तद्य॑ज॒मानो॒ रक्षा॑सि प्रणु॑दते। समू॑ढः रक्षः स॒न्दग्धः॑ रक्ष॒ इत्या॑ह। रक्षा॑स्ये॒व
सन्द॑हति। अ॒ग्नये॑ रक्षो॒घ्ने स्वा॑हेत्या॒ह। दे॒वता॑भ्य ए॒व वि॑जि॒ग्याना॒भ्यो भा॒गधे॑यं
करोति। प्र॒ष्टिवा॒ही रथो॑ दक्षि॑णा॒ समृ॑द्ध्यै॥₅॥

इन्द्रो॑ वृ॒त्रं ह॒त्वा। अ॒सुरा॑न्यरा॒भाव्यं॑। नमु॑चिमासुरं नाल॑भत। त॑ः श॒च्याऽगृ॑ह्णात्।
तौ सम॑लभेताम्। सौ॑ऽस्माद॒भि॒शुन॑तरोऽभवत्। सौ॑ऽब्रवीत्। स॒न्धाः स॒न्द॑धावहै।

अथ त्वाऽव स्रक्ष्यामि। न मा शुष्केण नार्द्रेण हनः॥६॥

न दिवा न नक्तमिति। स एतमपां फेनमसिञ्चत्। न वा एष शुष्को नार्द्रो व्युष्टाऽऽसीत्। अनुदितः सूर्यः। न वा एतद्विवा न नक्तम्। तस्यैतस्मिँल्लोके। अपां फेनेन शिर उदवर्तयत्। तदेनमन्ववर्तत। मित्रद्रुगिति॥७॥

स एतानपामार्गानजनयत्। तानजुहोत्। तैर्वै स रक्षास्यपाहत। यदपामार्गहोमो भवति। रक्षसामपहत्यै। एकोल्मुकेन यन्ति। तद्धि रक्षसां भागधेयम्। इमान्दिशं यन्ति। एषा वै रक्षसां दिक्। स्वायामेव दिशि रक्षांसि हन्ति॥८॥

स्वकृत इरिणे जुहोति प्रदरे वा। एतद्वै रक्षसामायतनम्। स्व एवायतने रक्षांसि हन्ति। पर्णमयेन स्रुवेण जुहोति। ब्रह्म वै पर्णः। ब्रह्मणैव रक्षांसि हन्ति। देवस्य त्वा सवितुः प्रसव इत्याह। सवितृप्रसूत एव रक्षांसि हन्ति। हत रक्षोऽवधिष्म रक्ष इत्याह। रक्षसाऽस्तृत्यै। यद्वस्ते तदक्षिणा निरवत्यै। अप्रतीक्षमायन्ति। रक्षसामन्तर्हित्यै॥९॥

यच्छति वरुणं तृतीयं विजित्या असृजत समृद्धौ हनो मित्रद्रुगिति हन्ति सृत्यै त्रीणि च॥ [1]

धात्रे पुरोडाशं द्वादशकपालं निर्वपति। संवत्सरो वै धाता। संवत्सरेणैवास्मै प्रजाः प्रजनयति। अन्वेवास्मा अनुमतिर्मन्यते। राते राका। प्र सिनीवाली जनयति। प्रजास्त्रेव प्रजातासु कुह्वा वाचं दधाति। मिथुनौ गावौ दक्षिणा समृद्धौ।

आग्नावैष्णवमेकादशकपालं निर्वपति। ऐन्द्रावैष्णवमेकादशकपालम्॥१०॥

वैष्णवं त्रिकपालम्। वीर्यं वा अग्निः। वीर्यमिन्द्रः। वीर्यं विष्णुः। प्रजा एव प्रजाता वीर्यं प्रतिष्ठापयति। तस्मात्प्रजा वीर्यावतीः। वामन ऋषभो वही दक्षिणा। यद्वही। तेनाग्नेयः। यदृषभः॥११॥

तेनैन्द्रः। यद्वामनः। तेन वैष्णवः समृद्धौ। अग्नीषोमीयमेकादशकपालं निर्वपति। इन्द्रासोमीयमेकादशकपालम्। सौम्यं चरुम्। सोमो वै रेतोधाः। अग्निः प्रजानां प्रजनयिता। वृद्धानामिन्द्रः प्रदापयिता। सोम एवास्मै रेतो दधाति॥१२॥

अग्निः प्रजां प्रजनयति। वृद्धामिन्द्रः प्रयच्छति। बभ्रुर्दक्षिणा समृद्धौ। सोमापौष्णं

चरुं निर्वपति। ऐन्द्रापोष्णं चरुम्। सोमो वै रेतोधाः। पूषा पशूनां प्रजनयिता।
वृद्धानामिन्द्रः प्रदापयिता। सोम एवास्मै रेतो दधाति। पूषा पशून्प्रजनयति॥¹³॥

वृद्धानिन्द्रः प्रयच्छति। पौष्णश्चरुर्भवति। इयं वै पूषा। अस्यामेव प्रतितिष्ठति। श्यामो
दक्षिणा समृद्धौ। बहु वै पुरुषो मेध्यमुपगच्छति। वैश्वानरं द्वादशकपालं निर्वपति।
संवत्सरो वा अग्निवैश्वानरः। संवत्सरेणैवैनं स्वदयति। हिरण्यं दक्षिणा॥¹⁴॥

पवित्रं वै हिरण्यम्। पुनात्येवैनम्। बहु वै राजन्योऽनृतं करोति। उपं जाम्यै
हरते। जिनाति ब्राह्मणम्। वदत्यनृतम्। अनृते खलु वै क्रियमाणे वरुणो गृह्णाति।
वारुणं यवमयं चरुं निर्वपति। वरुणपाशादेवैनं मुञ्चति। अश्वो दक्षिणा। वारुणो हि
देवतयाऽश्वः समृद्धौ॥¹⁵॥

ऐन्द्रावैष्णवमेकादशकपालं यदृषभो दधाति पूषा पशून्प्रजनयति हिरण्यं दक्षिणा दक्षिणेकं च॥ [2]

रत्विनामेतानि हवींषि भवन्ति। एते वै राष्ट्रस्य प्रदातारः। एतेऽपादातारः। य एव
राष्ट्रस्य प्रदातारः। येऽपादातारः। त एवास्मै राष्ट्रं प्रयच्छन्ति। राष्ट्रमेव भवति।
यत्समाहृत्य निर्वपेत्। अरत्विनः स्युः। यथायथं निर्वपति रत्वित्राय॥¹⁶॥

यत्सद्यो निर्वपेत्। यावतीमेकेन हविषाऽऽशिषमव रुन्धे। तावतीमवरुन्धीत।
अन्वहन्निर्वपति। भूयसीमेवाशिषमव रुन्धे। भूयसो यज्ञक्रतूनुपैति। बारुहस्पत्यं चरुं
निर्वपति ब्रह्मणो गृहे। मुखत एवास्मै ब्रह्म सञ्श्यति। अथो ब्रह्मन्नेव
क्षत्रमन्वारम्भयति। शितिपृष्ठो दक्षिणा समृद्धौ॥¹⁷॥

ऐन्द्रमेकादशकपालं राजन्यस्य गृहे। इन्द्रियमेवाव रुन्धे। ऋषभो दक्षिणा
समृद्धौ। आदित्यं चरुं महिष्यै गृहे। इयं वा अदितिः। अस्यामेव प्रतितिष्ठति।
धेनुर्दक्षिणा समृद्धौ। भगाय चरुं वावातायै गृहे। भगमेवास्मिन्दधाति। विचित्तगर्भा
पष्ठौही दक्षिणा समृद्धौ॥¹⁸॥

नैर्ऋतं चरुं परिवृक्त्यै गृहे कृष्णानां व्रीहीणां नखनिर्भिन्नम्। पाप्मानमेव निर्ऋतिं
निरवदयते। कृष्णा कूटा दक्षिणा समृद्धौ। आग्नेयमष्टाकपालं सेनान्यो गृहे।
सेनामेवास्य सञ्श्यति। हिरण्यं दक्षिणा समृद्धौ। वारुणं दशकपालं सूतस्य गृहे।

वरुणसवमेवाव रुन्धे। महानिरष्टो दक्षिणा समृद्धौ। मारुतः सप्तकपालं ग्रामण्यो गृहे॥¹⁹॥

अन्नं वै मरुतः। अन्नमेवाव रुन्धे। पृश्निर्दक्षिणा समृद्धौ। सावित्रं द्वादशकपालं क्षत्तुर्गृहे प्रसूत्यै। उपध्वस्तो दक्षिणा समृद्धौ। आश्विनं द्विकपालः सङ्गृहीतुर्गृहे। अश्विनो वै देवानां भिषजौ। ताभ्यामेवास्मै भेषजं करोति। सवात्यौ दक्षिणा समृद्धौ। पौष्णं चरुं भागदुघस्य गृहे॥²⁰॥

अन्नं वै पूषा। अन्नमेवाव रुन्धे। श्यामो दक्षिणा समृद्धौ। रौद्रं गावीधुकं चरुमक्षावापस्य गृहे। अन्तत एव रुद्रं निरवदयते। शबल उद्गारो दक्षिणा समृद्धौ। द्वादशैतानि हवींषि भवन्ति। द्वादश मासाः संवत्सरः। संवत्सरेणैवास्मै राष्ट्रमवरुन्धे। राष्ट्रमेव भवति॥²¹॥

यन्न प्रति निर्वपेत्। रत्नं आशिषोऽवरुन्धीरन्। प्रतिनिर्वपति। इन्द्राय सुत्राम्णे पुरोडाशमेकादशकपालम्। इन्द्रायाः होमुचै। आशिषे एवावरुन्धे। अयं नो राजा वृत्रहा राजा भूत्वा वृत्रं वध्यादित्याह। आशिषमेवैतामा शास्ते। मैत्राबारुहस्पत्यं भवति। श्वेतायै श्वेतवत्सायै दुग्धे॥²²॥

बारुहस्पत्ये मैत्रमपि दधाति। ब्रह्म चैवास्मै क्षत्रं च समीचीं दधाति। अथो ब्रह्मन्नेव क्षत्रं प्रतिष्ठापयति। बारुहस्पत्येन पूर्वेण प्रचरति। मुखत एवास्मै ब्रह्म सङ्स्थिति। अथो ब्रह्मन्नेव क्षत्रमन्वारम्भयति। स्वयं कृता वेदिर्भवति। स्वयं दिनं बर्हिः। स्वयं कृत इध्मः। अनभिजितस्याभिजित्यै। तस्माद्राज्ञामरण्यमभिजितम्। सैव श्वेता श्वेतवत्सा दक्षिणा समृद्धौ॥²³॥

रत्निबाय समृद्धौ पठौही दक्षिणा समृद्धौ ग्रामण्यो गृहे भागदुघस्य गृहे भवति दुग्धेऽभिजित्यै द्वे च॥ [3]

देवसुवामेतानि हवींषि भवन्ति। एतावन्तो वै देवानाः सवाः। त एवास्मै सवान्प्रयच्छन्ति। त एनः सुवन्ते। अग्निरेवेन गृहपतीनाः सुवते। सोमो वनस्पतीनाम्। रुद्रः पशूनाम्। बृहस्पतिर्वाचाम्। इन्द्रो ज्येष्ठानाम्। मित्रः सत्यानाम्॥²⁴॥

वरुणो धर्मपतीनाम्। एतदेव सर्वं भवति। सविता ब्रौ प्रसवानां सुवतामिति हस्तं
गृह्णाति प्रसूत्यै। ये देवा देवः सुवः स्थेत्याह। यथायजुरेवैतत्। महते क्षत्राय महत
आधिपत्याय महते जानराज्यायेत्याह। आशिषमेवैतामा शास्ते। एष वो भरता
राजा सोमोऽस्माकं ब्राह्मणानां राजेत्याह। तस्मात्सोमराजानो ब्राह्मणाः। प्रति
त्यन्नाम राज्यमधायीत्याह॥²⁵॥

राज्यमेवास्मिन्प्रतिदधाति। स्वां तनुवं वरुणो अशिश्नेदित्याह। वरुणसवमेवावरुन्धे।
शुचैर्मित्रस्य व्रत्या अभूमेत्याह। शुचिमेवैनं व्रत्यं करोति। अमन्महि महत ऋतस्य
नामेत्याह। मनुत एवेनम्। सर्वे व्राता वरुणस्याभूवन्नित्याह। सर्वव्रातमेवैनं
करोति। वि मित्र एवैररातिमतारीदित्याह॥²⁶॥

अरातिमेवैनं तारयति। असूषुदन्त यज्ञियां ऋतेनेत्याह। स्वदयत्येवेनम्। व्यु त्रितो
जरिमाणं न आनडित्याह। आयुरेवास्मिन्दधाति। द्वाभ्यां विमृष्टे। द्विपाद्यजमानः
प्रतिष्ठित्यै। अग्नीषोमीयस्य चैकादशकपालस्य देवसुवां च हविषामग्नयै स्विष्टकृते
समवदति। देवताभिरेवैनमुभयतः परिगृह्णाति। विष्णुक्रमान्क्रमते। विष्णुरेव
भूत्वेमाँल्लोकानभिजयति॥²⁷॥

सत्यानांमधायीत्यांहातारीदित्याह क्रमत एकं च॥

[4]

अर्थतः स्थेति जुहोति। आहुत्यैवेना निष्क्रीय गृह्णाति। अथो
हविष्कृतानामेवाभिघृतानां गृह्णाति। वहन्तीनां गृह्णाति। एता वा अपां राष्ट्रम्।
राष्ट्रमेवास्मै गृह्णाति। अथो श्रियमेवैनमभिवहन्ति। अपां पतिरसीत्याह।
मिथुनमेवाकः। वृषाँऽस्यूर्मिरित्याह॥²⁸॥

ऊर्मिमन्तमेवैनं करोति। वृषसेनोऽसीत्याह। सेनामेवास्य सङ्स्थिति। व्रजक्षितः
स्थेत्याह। एता वा अपां विशः। विशमेवास्मै पर्यूहति। मरुतामोजः स्थेत्याह। अन्नं
वै मरुतः। अन्नमेवावरुन्धे। सूर्यवर्चसः स्थेत्याह॥²⁹॥

राष्ट्रमेव वर्चस्वकः। सूर्यवचसः स्थेत्याह। सत्यं वा एतत्। यद्वर्षति। अनृतं
यदातपति वर्षति। सत्यानृते एवावरुन्धे। नैनं सत्यानृते उदिते हिंस्तः। य एवं

वेदः। मान्दाः स्थेत्याह। राष्ट्रमेव ब्रह्मवर्चस्यकः॥³⁰॥

वाशाः स्थेत्याह। राष्ट्रमेव वश्यकः। शक्वरीः स्थेत्याह। पशवो वै शक्वरीः।
पशूनेवावरुन्धे। विश्वभृतः स्थेत्याह। राष्ट्रमेव पयस्व्यकः। जनभृतः स्थेत्याह।
राष्ट्रमेवेन्द्रियाव्यकः। अग्नेस्तेजस्याः स्थेत्याह॥³¹॥

राष्ट्रमेव तेजस्व्यकः। अपामोषधीनां रसः स्थेत्याह। राष्ट्रमेव मध्व्यमकः।
सारस्वतं ग्रहं गृह्णाति। एषा वा अपां पृष्ठम्। यत्सरस्वती। पृष्ठमेवेनं समानानां
करोति। षोडशभिर्गृह्णाति। षोडशकलो वै पुरुषः। यावानेव पुरुषः। तस्मिन्वीर्यं
दधाति। षोडशभिर्जुहोति षोडशभिर्गृह्णाति। द्वात्रिंशत्सम्पद्यन्ते।
द्वात्रिंशदक्षराऽनुष्टुप्। वागनुष्टुप्सर्वाणि छन्दांसि। वाचैवेनं
सर्वेभिश्छन्दोभिरभिषिञ्चति॥³²॥

ऊर्मिरित्याह सूर्यवर्चसः स्थेत्याह ब्रह्मवर्चस्यकस्तेजस्याः स्थेत्याहैव पुरुषः पदं च॥ [5]

देवीरापः सं मधुमतीर्मधुमतीभिः सृज्यध्वमित्याह। ब्रह्मणैवेनाः सः सृजति।
अनाधृष्टाः सीदतेत्याह। ब्रह्मणैवेनाः सादयति। अन्तरा होतुश्च धिष्णियं
ब्राह्मणाच्छंसिनश्च सादयति। आग्नेयो वै होता। ऐन्द्रो ब्राह्मणाच्छंसी। तेजसा
चैवेन्द्रियेण चोभयतो राष्ट्रं परिगृह्णाति। हिरण्येनोत्पुनाति। आहुत्यै हि
पवित्राभ्यामुत्पुनन्ति व्यावृत्त्यै॥³³॥

शतमानं भवति। शतायुः पुरुषः शतेन्द्रियः। आयुष्येवेन्द्रिये प्रतितिष्ठति।
अनिभृष्टमसीत्याह। अनिभृष्टं होतत्। वाचो बन्धुरित्याह। वाचो ह्येष बन्धुः।
तपोजा इत्याह। तपोजा होतत्। सोमस्य दात्रमसीत्याह॥³⁴॥

सोमस्य होतद्दात्रम्। शुक्रा वः शुक्रेणोत्पुनामीत्याह। शुक्रा ह्यापः। शुक्रं
हिरण्यम्। चन्द्राश्चन्द्रेणेत्याह। चन्द्रा ह्यापः। चन्द्रं हिरण्यम्। अमृता
अमृतेनेत्याह। अमृता ह्यापः। अमृतं हिरण्यम्॥³⁵॥

स्वाहा राजसूयायेत्याह। राजसूयाय होना उत्पुनाति। सधमादौ दुग्निनीरूर्ज एता
इति वारुण्यर्चा गृह्णाति। वरुणसवमेवावरुन्धे। एकया गृह्णाति। एकधैव यजमाने

वीर्यं दधाति। क्षत्रस्योत्तमसि क्षत्रस्य योनिरसीति तार्प्यं चोष्णीषं च प्रयच्छति
सयोनिबाय। एकंशतेन दर्भपुञ्जीलैः पवयति। शतायुर्वै पुरुषः शतवीर्यः।
आत्मैकशतः॥³⁶॥

यावानेव पुरुषः। तस्मिन्वीर्यं दधाति। दध्याशयति। इन्द्रियमेवाव रुन्धे।
उदुम्बरमाशयति। अन्नाद्यस्यावरुद्धौ। शष्पाण्याशयति। सुराबलिमेवैनं करोति।
आविदं एता भवन्ति। आविदमेवैनं गमयन्ति॥³⁷॥

अग्निरेवैनं गार्हपत्येनावति। इन्द्र इन्द्रियेण। पूषा पशुभिः। मित्रावरुणौ
प्राणापानाभ्याम्। इन्द्रो वृत्राय वज्रमुदयच्छत्। स दिवमलिखत्। सौऽर्यम्णः पन्था
अभवत्। स आविन्ने द्यावापृथिवी धृतव्रते इति द्यावापृथिवी उपाधावत्। स
आभ्यामेव प्रसूत इन्द्रो वृत्राय वज्रं प्राहरत्। आविन्ने द्यावापृथिवी धृतव्रते इति
यदाह॥³⁸॥

आभ्यामेव प्रसूतो यजमानो वज्रं भ्रातृव्याय प्रहरति। आविन्ना
देव्यदितिर्विश्वरूपीत्याह। इयं वै देव्यदितिर्विश्वरूपी। अस्यामेव प्रति तिष्ठति।
आविन्नोऽयमसावामुष्यायणोऽस्यां विश्वस्मिन्नाष्ट इत्याह। विश्वेवैनं राष्ट्रेण
समर्धयति। महते क्षत्राय महत आधिपत्याय महते जानराज्यायेत्याह।
आशिषमेवैतामा शास्ते। एष वो भरता राजा सोमोऽस्माकं ब्राह्मणानां
राजेत्याह। तस्मात्सोमराजानो ब्राह्मणाः॥³⁹॥

इन्द्रस्य वज्रोऽसि वार्त्रघ्न इति धनुः प्रयच्छति विजित्यै। शत्रुबाधनाः स्थेतीषून्।
शत्रून्नेवास्य बाधन्ते। पात मां प्रत्यञ्च पात मां तिर्यञ्चमन्वञ्च मा पातेत्याह। तिस्रो
वै शरव्याः। प्रतीचीं तिरश्चनूचीं। ताभ्य एवैनं पान्ति। दिग्भ्यो मां पातेत्याह।
दिग्भ्य एवैनं पान्ति। विश्वाभ्यो मा नाष्ट्राभ्यः पातेत्याह। अपरिमितादेवैनं पान्ति।
हिरण्यवर्णावुषसां विरोक इति त्रिष्टुभा बाहू उद्धृहति। इन्द्रियं वै वीर्यं त्रिष्टुक्।
इन्द्रियमेव वीर्यमुपरिष्ठादात्मन्धत्ते॥⁴⁰॥

दि॒शो व्या॒स्थाप॑यति। दि॒शाम॒भिजि॑त्यै। यद॑नु प्र॒क्रामे॑त्। अ॒भि दि॒शो ज॑येत्। उ॒त्तु मा॑देत्। म॒न॒साऽनु॑ प्र॒क्राम॑ति। अ॒भि दि॒शो ज॑यति। नो॒न्मा॑दति। स॒मिध॒मा ति॑ष्ठेत्या॒ह। तेज॑ ए॒वाव॑रुन्धे॥⁴¹॥

उ॒ग्रामा ति॑ष्ठेत्या॒ह। इ॒न्द्रि॒यमे॒वाव॑रुन्धे। वि॒राज॒माति॑ष्ठेत्या॒ह। अ॒न्नाद्य॑मे॒वाव॑रुन्धे। उ॒दीची॑मा ति॑ष्ठेत्या॒ह। प॒शूने॒वाव॑रुन्धे। ऊ॒र्ध्वा॒माति॑ष्ठेत्या॒ह। सु॒वर्ग॑मे॒व लो॒कम॒भिज॑यति। अ॒नूजि॑हीते। सु॒वर्ग॑स्य लो॒कस्य॑ स॒मंष्ट्यै॑॥⁴²॥

मा॒रुत॑ ए॒ष भ॑वति। अ॒न्नं वै म॒रुतः॑। अ॒न्नमे॒वाव॑रुन्धे। ए॒कं वि॒श॒श॒ति॒कपा॒लो भ॑वति। प्र॒ति॒ष्ठि॒त्यै। योऽर॑ण्येऽनु॒वाक्यो॑ ग॒णः। तं म॑ध्य॒त उप॑दधाति। ग्रा॒म्यैरे॒व प॒शुभि॑रा॒रण्या॒न्य॒शून्परि॑ गृह्णाति। तस्मा॑द्ग्रा॒म्यैः प॒शुभि॑रा॒रण्याः प॒शवः॑ परि॑गृहीताः। पृथि॑र्वै॒न्यः। अ॒भ्य॑षिच्यत॥⁴³॥

स रा॒ष्ट्रं ना॑भवत्। स ए॒तानि॑ पा॒र्थान्य॑पश्यत्। ता॒न्यजु॑होत्। तैर्वै स रा॒ष्ट्रम॑भवत्। यत्पा॒र्थानि॑ जुहोति। रा॒ष्ट्रमे॒व भ॑वति। बा॒र॒ह॒स्प॒त्यं पू॒र्वेषा॑मु॒त्तमं॑ भ॑वति। ऐ॒न्द्रमु॒त्तरे॑षां प्रथ॒मम्। ब्र॒ह्म चै॒वास्मै॑ क्ष॒त्रं च॑ स॒मीची॑ दधाति। अथो॒ ब्र॒ह्म॒न्ने॒व क्ष॒त्रं प्र॒ति॒ष्ठाप॑यति॥⁴⁴॥

ष॒दुर॒स्ता॑द॒भिषे॑कस्य जुहोति। ष॒डुपरि॑ष्ठात्। द्वा॒द॒श॒ सम्प॑द्यन्ते। द्वा॒द॒श॒ मा॒साः सं॒वत्स॒रः। सं॒वत्स॒रः ख॒लु वै दे॒वानां॑ पूः। दे॒वाना॑मे॒व पु॒रं म॑ध्य॒तो व्य॑व॒स॒र्पति॑। तस्य॑ न कु॒तश्च॒नोपा॑व्या॒धो भ॑वति। भू॒ताना॑मवै॒ष्टीर्जु॑होति। अत्रा॑त्र वै मृ॒त्युर्जा॑यते। यत्र॑यत्रै॒व मृ॒त्युर्जा॑यते। तत॑ ए॒वैन॒मव॑यजते। तस्मा॑द्वा॒ज॒सूये॑नेजा॒नो ना॑भिचरि॒तवै॑। प्र॒त्यगे॑नम॒भिचा॑रः स्तृ॒णुते॑॥⁴⁵॥

रुन्धे समंष्ट्या असिच्यत स्थापयति जायते पञ्च च॥

[7]

सोम॑स्य बि॒षि॑रसि॒ तवै॑व मे बि॒षि॑र्भूया॒दिति॑ शा॒र्दूल॑च॒र्मोप॑स्तृणाति। यै॒व सोमे॑ बि॒षिः। या शा॑र्दू॒ले। ता॑मे॒वाव॑रुन्धे। मृ॒त्योर्वा ए॒ष वर्णः॑। यच्छा॑र्दूलः। अ॒मृत॑ः॒ हिर॑ण्यम्। अ॒मृत॑म॒सि मृ॒त्योर्मा॑ पा॒हीति॑ हि॒रण्य॑मुपा॒स्यति॑। अ॒मृत॑मे॒व मृ॒त्योर्न॒न्तर्ध॑त्ते। श॒तमा॑नं भ॑वति॥⁴⁶॥

श॒तायुः॑ पु॒रुषः॑ श॒तेन्द्रि॑यः। आ॒युष्ये॑वेन्द्रि॒ये प्र॑ति॒तिष्ठ॑ति। दि॒द्योन्मा॑ पा॒हीत्यु॑परि॒ष्टादधि॑
नि॒दधा॑ति। उ॒भय॑त ए॒वास्मै॑ श॒र्म द॑धाति। अ॒वैष्टा॑ द॒न्दशू॑का इति॑ क्ली॒बः सी॑सेन
वि॒ध्यति॑। द॒न्दशू॑काने॒वाव॑यजते। तस्मा॑त्क्ली॒बं द॑न्दशू॒का दः॑शू॒काः। नि॒रस्तं॑ नमु॒चेः
शि॒र इति॑ लो॒हिता॑यसं नि॒रस्य॑ति। पा॒प्मान॑मे॒व नमु॑चिं नि॒रव॑दयते। प्रा॒णा आ॒त्मनः॑
पूर्वे॑ऽभि॒षिच्या॑ इत्याहुः॥⁴⁷॥

सोमो॑ रा॒जा वरु॑णः। दे॒वा ध॑र्म॒सुव॑श्च॒ ये। ते ते॒ वाचः॑ सु॒वन्तां॑ ते ते॑ प्रा॒णः
सु॒वन्ता॑मित्याह। प्रा॒णाने॒वाऽऽत्म॑नः पूर्वा॑न॒भिषि॑ञ्चति। यद्भू॒यात् अ॒ग्नेस्त्वा
तेज॑साऽभि॒षिञ्चा॑मीति। तेज॒स्यैव॑ स्यात्। दु॒श्चर्मा॑ तु भ॑वेत्। सोम॑स्य त्वा
दु॒ग्मेना॑भि॒षिञ्चा॑मीत्याह। सौ॒म्यो वै दे॒वत॑या पु॒रुषः॥⁴⁸॥

स्व॒यैवैनं॑ दे॒वत॑याऽभि॒षिञ्च॑ति। अ॒ग्नेस्तेज॑सेत्याह। तेज॑ ए॒वास्मि॑न्दधाति। सू॒र्यस्य॑
वर्च॑सेत्याह। वर्च॑ ए॒वास्मि॑न्दधाति। इन्द्र॑स्येन्द्रि॒येणे॑त्याह। इन्द्रि॒यमे॒वास्मि॑न्दधाति।
मि॒त्रावरु॑णयोर्वी॒र्येणे॑त्याह। वी॒र्यमे॒वास्मि॑न्दधाति। म॒रुता॑मोज॒सेत्याह॥⁴⁹॥

ओज॑ ए॒वास्मि॑न्दधाति। क्ष॒त्राणां॑ क्ष॒त्रप॑तिरसीत्याह। क्ष॒त्राणां॑मे॒वैनं॑ क्ष॒त्रप॑तिं करोति।
अति॑ दि॒वस्पा॑हीत्याह। अत्य॑न्या॒न्याही॑ति वावै॒तदा॑ह। स॒माव॑वृ॒त्रन्न॑धरा॒गुदी॑चीरित्याह।
रा॒ष्ट्रमे॒वास्मि॑न्ध्रु॒वम॑कः। उ॒च्छे॒षणे॑न जुहोति। उ॒च्छे॒षण॑भा॒गो वै रु॒द्रः। भा॒गधे॑र्ये॒नैव
रु॒द्रं नि॒रव॑दयते॥⁵⁰॥

उद॑ङ्गुरेत्याग्नी॒द्धे जु॑होति। ए॒षा वै रु॒द्रस्य॑ दिक्। स्वा॒यामे॒व दि॒शि रु॒द्रं नि॒रव॑दयते।
रु॒द्र य॑त्ते क्र॒यी परं॑ ना॒मेत्या॑ह। यद्वा अ॑स्य क्र॒यी परं॑ ना॒म। तेन॑ वा ए॒ष हि॑नस्ति।
यः हि॑नस्ति। तेनै॒वैनः॑ स॒ह श॑मयति। तस्मै॑ हु॒तम॑सि य॒मेष्ट॑मसीत्याह।
य॒मादे॒वास्य॑ मृ॒त्युम॑व॒यज॑ते॥⁵¹॥

प्रजा॑पते न त्वदे॒तान्य॑न्य इति॑ तस्यै॑ गृ॒हे जु॑हुयात्। यां का॒मये॑त रा॒ष्ट्रम॑स्यै प्र॒जा
स्या॑दिति। रा॒ष्ट्रमे॒वास्यै॑ प्र॒जा भ॑वति। पर्ण॑मये॒नाध्व॑र्युरभि॒षिञ्च॑ति।
ब्र॒ह्मव॑र्च॒समे॒वास्मि॑न्वि॒षि द॑धाति। औ॒दु॒म्बरे॑ण राज॒न्यः। ऊ॒र्जमे॒वास्मि॑न्न॒न्नाद्यं॑ दधाति।
आ॒श्वत्थे॑न वै॒श्यः। वि॒शमे॒वास्मि॑न्पु॒ष्टिं द॑धाति। नैय॑ग्रोधे॒न ज॒न्यः। मि॒त्राण्ये॒वास्मै॑

कल्पयति। अथो प्रतिष्ठित्यै॥⁵²॥

भवत्याहुः पुरुषं ओजसेत्याह निरवदयते यजते जन्यो द्वे च॥

[8]

इन्द्रस्य वज्रोऽसि वार्त्रघ्न इति रथमुपावहरति विजित्यै। मित्रावरुणयोस्त्वा
प्रशास्त्रोः प्रशिषां युनज्मीत्याह। ब्रह्मणैवेन देवताभ्यां युनक्ति। प्रष्टिवाहिनं युनक्ति।
प्रष्टिवाही वै देवरथः। देवरथमेवास्मै युनक्ति। त्रयोऽश्वा भवन्ति। रथश्चतुर्थः। द्वौ
सव्येष्ठसारथी। षट्सम्पद्यन्ते॥⁵³॥

षड्वा ऋतवः। ऋतुभिरेवेनं युनक्ति। विष्णुक्रमान्क्रमते। विष्णुरेव
भूत्वेमाँल्लोकानभिजयति। यः क्षत्रियः प्रतिहितः। सौऽन्वारभते। राष्ट्रमेव भवति।
त्रिष्टुभाऽन्वारभते। इन्द्रियं वै त्रिष्टुक्। इन्द्रियमेव यजमाने दधाति॥⁵⁴॥

मरुतां प्रसवे जेषमित्याह। मरुद्भिरेव प्रसूत उज्जयति। आप्तं मन इत्याह। यदेव
मनसैर्प्सीत्। तदापत्। राजन्यं जिनाति। अनाक्रान्त एवाक्रमते। वि वा एष
इन्द्रियेण वीर्येणर्ध्यते। यो राजन्यं जिनाति। समहमिन्द्रियेण वीर्येणेत्याह॥⁵⁵॥

इन्द्रियमेव वीर्यमात्मन्धत्ते। पशूनां मन्युरसि तवेव मे मन्युर्भूयादिति वाराही
उपानहावुपं मुञ्चते। पशूनां वा एष मन्युः। यद्वराहः। तेनैव पशूनां मन्युमात्मन्धत्ते।
अभि वा इयं सुषुवाणं कामयते। तस्यैश्वरेन्द्रियं वीर्यमादातोः। वाराही
उपानहावुपंमुञ्चते। अस्या एवान्तर्धत्ते। इन्द्रियस्य वीर्यस्यानात्यै॥⁵⁶॥

नमो मात्रे पृथिव्या इत्याहाहिंसायै। इयदस्यायुरस्यायुर्मे धेहीत्याह।
आयुरेवात्मन्धत्ते। ऊर्गस्यूर्जं मे धेहीत्याह। ऊर्जमेवात्मन्धत्ते। युङ्क्षिं वर्चोऽसि
वर्चो मयि धेहीत्याह। वर्च एवात्मन्धत्ते। एकधा ब्रह्मण उपहरति। एकधैव
यजमान आयुरूर्जं वर्चो दधाति। रथविमोचनीया जुहोति प्रतिष्ठित्यै॥⁵⁷॥

त्रयोऽश्वा भवन्ति। रथश्चतुर्थः। तस्माच्चतुर्जुहोति। यदुभौ सहावतिष्ठेताम्। समानं
लोकमियाताम्। सह सङ्ग्रहीत्रा रथवाहने रथमादधाति। सुवर्गादिवैनं
लोकादन्तर्दधाति। हंसः शुचिषदित्यादधाति। ब्रह्मणैवेनमुपावहरति।

ब्रह्मणाऽऽदधाति। अतिच्छन्दसाऽऽदधाति। अतिच्छन्दा वै सर्वाणि छन्दांसि।
सर्वेभिरेवैनं छन्दोभिरादधाति। वर्ष्म वा एषा छन्दसाम्। यदतिच्छन्दाः।
यदतिच्छन्दसा दधाति। वर्ष्मेवैनं समानानां करोति॥⁵⁸॥

पद्यन्ते दधाति वीर्येणेत्याहानांत्यै प्रतिष्ठित्यै ब्रह्मणाऽऽदधाति सप्त च॥

[9]

मित्रोऽसि वरुणोऽसीत्याह। मैत्रं वा अहः। वारुणी रात्रिः।
अहोरात्राभ्यामेवैनमुपावहरति। मित्रोऽसि वरुणोऽसीत्याह। मैत्रो वै दक्षिणः।
वारुणः सव्यः। वैश्वदेव्यामिक्षा। स्वमेवैनौ भागधेयमुपावहरति। समहं
विश्वैर्देवेरित्याह॥⁵⁹॥

वैश्वदेव्यो वै प्रजाः। ता एवाद्याः कुरुते। क्षत्रस्य नाभिरसि क्षत्रस्य
योनिरसीत्यधीवासमास्तृणाति सयोनिर्बाय। स्योनामा सीद सुषदामा सीदेत्याह।
यथायजुरेवैतत्। मा त्वा हिंसीन्मा मा हिंसीदित्याहाहिंसायै। निषसाद धृतव्रतो
वरुणः पस्त्यांस्त्वा साम्राज्याय सुक्रतुरित्याह। साम्राज्यमेवैनं सुक्रतुं करोति।
ब्रह्मा(3)न्त्वं राजन्ब्रह्माऽसि सविताऽसि सत्यसंव इत्याह। सवितारमेवैनं
सत्यसंव करोति॥⁶⁰॥

ब्रह्मा(3)न्त्वं राजन्ब्रह्माऽसीन्द्रोऽसि सत्यौजा इत्याह। इन्द्रमेवैनं सत्यौजसं
करोति। ब्रह्मा(3)न्त्वं राजन्ब्रह्माऽसि मित्रोऽसि सुशेव इत्याह। मित्रमेवैनं
सुशेवं करोति। ब्रह्मा(3)न्त्वं राजन्ब्रह्मासि वरुणोऽसि सत्यधर्मेत्याह।
वरुणमेवैनं सत्यधर्माणं करोति। सविताऽसि सत्यसंव इत्याह। गायत्रीमेवैतेनाभि
व्याहरति। इन्द्रोऽसि सत्यौजा इत्याह। त्रिष्टुभमेवैतेनाभि व्याहरति॥⁶¹॥

मित्रोऽसि सुशेव इत्याह। जगतीमेवैतेनाभि व्याहरति। सत्यमेता देवताः।
सत्यमेतानि छन्दांसि। सत्यमेवावरुन्धे। वरुणोऽसि सत्यधर्मेत्याह।
अनुष्टुभमेवैतेनाभि व्याहरति। सत्यानृते वा अनुष्टुप्। सत्यानृते वरुणः। सत्यानृते
एवावरुन्धे॥⁶²॥

नैनं सत्यानृते उदिते हिंस्तः। य एवं वेद। इन्द्रस्य वज्रोऽसि वार्त्रघ्न इति स्फ्यं

प्रयच्छति। वज्रो वै स्फ्यः। वज्रेणैवास्मां अवरपरं रन्धयति। एवम् हि तच्छ्रेयः।
यदस्मा एते रध्येयुः। दिशोऽभ्ययं राजाऽभूदिति पश्चाक्षान्प्रयच्छति। एते वै
सर्वेऽयाः। अपराजायिनमेवैनं करोति॥⁶³॥

ओदनमुद्धवते। परमेष्ठी वा एषः। यदोदनः। परमामेवैनं श्रियं गमयति।
सुश्लोकाँ(4) सुमङ्गलाँ(4) सत्यराजा(3)नित्याह। आशिषमेवैतामा शास्ते। शौनः
शेषमाख्यापयते। वरुणपाशादेवैनं मुञ्चति। परः शतं भवति। शतायुः पुरुषः
शतेन्द्रियः। आयुष्येवेन्द्रिये प्रति तिष्ठति। मारुतस्य चैकविंशतिकपालस्य वैश्वदेव्यै
चामिक्षाया अग्नये स्विष्टकृते समवदति। देवताभिरेवैनमुभयतः परि गृह्णाति।
अपान्नघ्ने स्वाहोर्जो नघ्ने स्वाहाऽग्नये गृहपतये स्वाहेति तिस्र आहुतीर्जुहोति। त्रयं
इमे लोकाः। एष्वेव लोकेषु प्रति तिष्ठति॥⁶⁴॥

देवैरित्याह सत्यसंव करोति त्रिष्टुभमेवैतेनाभि व्याहरति सत्यानुते एवावरुन्धे करोति शतेन्द्रियः षट् च॥ [10]

एतद्ब्राह्मणानि धात्रे रत्विनान्देवसुवामर्थतो देवीर्दिशः सोमस्येन्द्रस्य मित्रो दश॥¹⁰॥

एतद्ब्राह्मणानि वैष्णवं त्रिकपालमन्नं वै पूषा वाशाः स्थेत्याह दिशो व्यास्थापयत्युदङ्गरेत्य ब्रह्मा(3)न्धं राजञ्चतुष्पष्टिः॥⁶⁴॥

एतद्ब्राह्मणानि प्रतितिष्ठति॥

हरिः ॐ॥

॥इति श्रीकृष्णयजुर्वेदीयतैत्तिरीयब्राह्मणे प्रथमाष्टके सप्तमः प्रपाठकः समाप्तः॥

॥ अष्टमः प्रश्नः ॥

॥ तैत्तिरीयब्राह्मणे प्रथमाष्टके अष्टमः प्रपाठकः ॥

वरुणस्य सुषुवाणस्य दशधेन्द्रियं वीर्यं पराऽपतत्। तत्सःसृद्धिरनु समसर्पत्।
तत्सःसृपाः सःसृत्तम्। अग्निना देवेन प्रथमेऽहन्ननु प्रायुङ्क्त। सरस्वत्या वाचा
द्वितीयै। सवित्रा प्रसवेन तृतीयै। पूष्णा पशुभिश्चतुर्थै। बृहस्पतिना ब्रह्मणा पञ्चमे।
इन्द्रेण देवेन षष्ठे। वरुणेन स्वया देवतया सप्तमे॥₁॥

सोमेन राज्ञाऽष्टमे। ब्रह्म रूपेण नवमे। विष्णुना यज्ञेनाप्रोत्। यत्सःसृपो भवन्ति।
इन्द्रियमेव तद्वीर्यं यजमान आप्नोति। पूर्वापूर्वा वेदिर्भवति। इन्द्रियस्य
वीर्यस्यावरुद्धौ। पुरस्तादुपसदाः सौम्येन प्रचरति। सोमो वै रेतोधाः। रेत एव
तदधाति। अन्तरा बाष्ट्रेण। रेत एव हितं ब्रह्म रूपाणि विकरोति। उपरिष्ठाद्वैष्णवेन।
यज्ञो वै विष्णुः। यज्ञ एवान्ततः प्रति तिष्ठति॥₂॥

सप्तमे दधाति पञ्च च॥

[1]

जामि वा एतत्कुर्वन्ति। यत्सद्यो दीक्षयन्ति सद्यः सोमं क्रीणन्ति। पुण्डरिस्रजां
प्रयच्छत्यजामिबाय। अङ्गिरसः सुवर्गं लोकं यन्तः। अप्सु दीक्षातपसी प्रावेशयन्।
तत्पुण्डरीकमभवत्। यत्पुण्डरिस्रजां प्रयच्छति। साक्षादेव दीक्षातपसी अवरुन्धे।
दशभिर्वत्सतैः सोमं क्रीणाति। दशाक्षरा विराट्॥₃॥

अन्नं विराट्। विराजैवान्नाद्यमव रुन्धे। मुष्करा भवन्ति सेन्द्रबाय। दशपेयो भवति।
अन्नाद्यस्यावरुद्धौ। शतं ब्राह्मणाः पिबन्ति। शतायुः पुरुषः शतेन्द्रियः। आयुष्येवेन्द्रिये
प्रतितिष्ठति। सप्तदशः स्तोत्रं भवति। सप्तदशः प्रजापतिः॥₄॥

प्रजापतेराप्त्यै। प्राकाशावध्वर्यवे ददाति। प्रकाशमेवैनं गमयति। स्रजमुद्गात्रे।
व्येवास्मै वासयति। रुक्मः होत्रै। आदित्यमेवास्मा उन्नयति। अश्वं
प्रस्तोतृप्रतिहर्तृभ्याम्। प्राजापत्यो वा अश्वः। प्रजापतेराप्त्यै॥₅॥

द्वादश पष्ठौहीर्ब्रह्मणै। आयुरेवावरुन्धे। वशां मैत्रावरुणाय। राष्ट्रमेव वश्यकः। ऋषभं

ब्राह्मणाच्छसिनैः। राष्ट्रमेवेन्द्रियाव्यकः। वाससी नेष्टापोतृभ्याम्। पवित्रे एवास्येते। स्थूरि यवाचितमच्छावाकाय। अन्तत एव वरुणमव यजते॥६॥

अनङ्वाहमग्नीधे। वह्निर्वा अनङ्वान्। वह्निर्ग्रीत्। वह्निनैव वह्नि यज्ञस्यावरुन्धे। इन्द्रस्य सुषुवाणस्य त्रेधेन्द्रियं वीर्यं पराऽपतत्। भृगुस्तृतीयमभवत्। श्रायन्तीयं तृतीयम्। सरस्वती तृतीयम्। भार्गवो होता भवति। श्रायन्तीयं ब्रह्मसामं भवति। वारवन्तीयमग्निष्टोमसामम्। सारस्वतीरपो गृह्णाति। इन्द्रियस्य वीर्यस्यावरुद्धौ। श्रायन्तीयं ब्रह्मसामं भवति। इन्द्रियमेवास्मिन्वीर्यं श्रयति। वारवन्तीयमग्निष्टोमसामम्। इन्द्रियमेवास्मिन्वीर्यं वारयति॥७॥

विराट्प्राजापतिरश्वः प्रजापतेरास्यै यजते ब्रह्मसामं भवति सप्त च॥

[2]

ईश्वरो वा एष दिशोऽनून्मदितोः। यं दिशोऽनु व्यास्थापयन्ति। दिशामवैष्टयो भवन्ति। दिक्ष्वेव प्रति तिष्ठत्यनुन्मादाय। पञ्च देवता यजति। पञ्च दिशः। दिक्ष्वेव प्रति तिष्ठति। हविषोहविष इष्ट्वा बार्हस्पत्यमभिघारयति। यजमानदेवत्यो वै बृहस्पतिः। यजमानमेव तेजसा समर्धयति॥८॥

आदित्यां मल्हां गर्भिणीमा लभते। मारुतीं पृश्निं पष्ठौहीम्। विशं चैवास्मै राष्ट्रं च समीचीं दधाति। आदित्यया पूर्वया प्रचरति। मारुत्योत्तरया। राष्ट्र एव विशमनुबध्नाति। उच्चैरादित्याया आश्रावयति। उपांशु मारुत्ये। तस्माद्राष्ट्रं विशमतिवदति। गर्भिण्यादित्या भवति॥९॥

इन्द्रियं वै गर्भः। राष्ट्रमेवेन्द्रियाव्यकः। अगर्भा मारुती। विद्वे मरुतः। विशमेव निरिन्द्रियामकः। देवासुराः संयत्ता आसन्। ते देवा अश्विनोः पूषन्वाचः सत्यं सन्निधाय। अनृतेनासुरानभ्यभवन्। तैऽश्विभ्यां पूष्णे पुरोडाशं द्वादशकपालं निरवपन्। ततो वै ते वाचः सत्यमवारुन्धत॥१०॥

यदश्विभ्यां पूष्णे पुरोडाशं द्वादशकपालं निर्वपति। अनृतेनैव भ्रातृव्यानभिभूय। वाचः सत्यमवरुन्धे। सरस्वते सत्यवाचे चरुम्। पूर्वमेवोदितम्। उत्तरेणाभि गृणाति। सवित्रे सत्यप्रसवाय पुरोडाशं द्वादशकपालं प्रसूत्यै। दूतान्ग्रहिणोति।

आविदं ए॒ता भ॑वन्ति। आविदं॑मे॒वेनं॑ गमयन्ति। अथो॑ दू॒तेभ्य॑ ए॒व न छि॑द्यते।
ति॒सृ॒धन्व॑श्च शु॒ष्क॒दृति॑र्दक्षि॒णा स॑मृ॒द्धौ॑॥¹¹॥

अर्धयति भवत्यरुन्धत गमयन्ति द्वे च॥

[3]

आ॒ग्ने॒यम॒ष्टाक॑पालं॒ निर्व॑पति। तस्मा॑च्छि॒शिरे॑ कुरु॒पञ्चालाः॑ प्रा॒क्षो॑ यान्ति। सौ॒म्यं
च॒रुम्। तस्मा॑द्व॒सन्तं॑ व्य॒वसा॑यादयन्ति। सा॒वि॒त्रं द्वा॑द॒शक॑पालम्।
तस्मा॑त्पु॒रस्ता॒द्यवा॑नाश्च॒ सवि॒त्रा वि॑रुन्धते। बा॒र॒ह॒स्प॒त्यं च॒रुम्। स॒वि॒त्रैव वि॑रु॒ध्य।
ब्र॒ह्म॒णा यवा॑नाद॒धते॑। बा॒ष्ट्रम॒ष्टाक॑पालम्॥¹²॥

रू॒पा॒ण्ये॒व तेन॑ कुर्वते। वै॒श्वान॑रं द्वा॒द॒शक॑पालम्। तस्मा॑ज्जु॒घन्ये॑ नैदा॒धे प्र॒त्यञ्चः॑
कुरु॒पञ्चाला॑ या॒न्ति। सा॒र॒स्व॒तं च॒रुं निर्व॑पति। तस्मा॑त्प्रा॒वृषि॑ सर्वा॒ वाचो॑ वदन्ति।
पौ॒ष्णेन॑ व्य॒वस्य॑न्ति। मै॒त्रेण॑ कृषन्ते। वा॒रु॒णेन॑ वि॒धृता॑ आ॒सते॑। क्षे॒त्र॒प॒त्येन॑ पाचयन्ते।
आ॒दि॒त्येना॑द॒धते॑॥¹³॥

मा॒सि॒मा॒स्ये॒तानि॑ ह॒वी॒र्षि॑ नि॒रु॒प्या॒णीत्या॑हुः। तेनै॒वर्तू॑न्प्रयु॒ङ्क्षु इति॑। अथो॑ ख॒त्वाहुः॑।
कः स॑व॒त्सरं॑ जी॒विष्य॑तीति। षडे॒व पू॒र्वेद्यु॑र्नि॒रु॒प्या॒णि। षडु॑त्तरे॒द्युः। तेनै॒वर्तू॑न्प्रयु॒ङ्क्षु।
दक्षि॑णो रथवा॒हनवा॑हः पू॒र्वेषां॑ दक्षि॑णा। उ॒त्तरं॑ उ॒त्तरे॑षाम्। स॒व॒त्सर॑स्यै॒वान्तो॑ युनक्ति।
सु॒व॒र्गस्य॑ लो॒कस्य॑ स॒म॒ष्टौ॑॥¹⁴॥

बाष्ट्रमष्टाकपालं दधते युनक्त्येकं च॥

[4]

इन्द्र॑स्य सु॒षुवा॒णस्य॑ द॒श॒धेन्द्रि॑यं वी॒र्यं॑ प॒राऽप॑तत्। स यत्प्र॑थ॒मं नि॒र॒ष्टी॑वत्।
तत्क्व॑ल॒मभ॑वत्। यद्वि॒तीय॑म्। तद्व॒दर॑म्। यत्तृ॒तीय॑म्। तत्कर्क॑न्धुः। यन्न॒स्तः। स
सि॒ंहः। यद॒क्ष्योः॑॥¹⁵॥

स शा॑र्दूलः। यत्कर्ण॑योः। स वृ॒कः। य ऊ॒र्ध्वः। स सोमः॑। या॒ऽवा॑ची। सा सु॒रा।
त्र॒याः स॑क्त॒वो भ॑वन्ति। इन्द्रि॒यस्या॑व॒रुद्धौ॑। त्र॒याणि॑ लो॒मानि॑॥¹⁶॥

बि॒षिमे॒वाव॑रुन्धे। त्रयो॒ ग्रहाः॑। वी॒र्यमे॒वाव॑रुन्धे। नाम्ना॑ द॒शमी॑। न॒व वै पु॑रु॒षे प्रा॒णाः।
नाभि॑र्द॒शमी॑। प्रा॒णा इन्द्रि॒यं वी॒र्यम्। प्रा॒णाने॒वेन्द्रि॒यं वी॒र्यं॑ यज॑मान आ॒त्मन्ध॑त्ते।
सी॒सेन॑ क्ली॒बाच्छ॑ष्पाणि क्रीणाति। न वा ए॒तद॒यो न हि॑र॒ण्यम्॥¹⁷॥

यत्सीसम्। न स्त्री न पुमान्। यत्क्लीबः। न सोमो न सुरा। यत्सौत्रामणी
समृद्धौ। स्वाद्वीन्वा स्वादुनेत्याह। सोममेवैनो करोति। सोमोऽस्यश्चिभ्या पच्यस्व
सरस्वत्यै पच्यस्वेन्द्राय सुत्राम्णे पच्यस्वेत्याह। एताभ्यो ह्येषा देवताभ्यः पच्यते।
तिस्रः सःसृष्टा वसति॥¹⁸॥

तिस्रो हि रात्रीः क्रीतः सोमो वसति। पुनातु ते परिस्सुतमिति यजुषा पुनाति
व्यावृत्त्यै। पवित्रेण पुनाति। पवित्रेण हि सोमं पुनन्ति। वारेण शश्वता तनेत्याह।
वारेण हि सोमं पुनन्ति। वायुः पूतः पवित्रेणेति नैतया पुनीयात्। व्यृद्धा ह्येषा।
अतिपवितस्येतया पुनीयात्। कुविदङ्गेत्यनिरुक्तया प्राजापत्यया गृह्णाति॥¹⁹॥

अनिरुक्तः प्रजापतिः। प्रजापतेराप्त्यै। एकं यर्चा गृह्णाति। एकधैव यजमाने वीर्यं
दधाति। आश्विनं धूम्रमालभते। अश्विनो वै देवानां भिषजौ। ताभ्यामेवास्मै भेषजं
करोति। सारस्वतं मेषम्। वाग्वै सरस्वती। वाचैवेनं भिषज्यति। ऐन्द्रमृषभं
सैन्द्रत्वाय॥²⁰॥

अक्ष्योलोमानि हिरण्यं वसति गृह्णाति भिषज्यत्येकं च॥

[5]

यत्तिषु यूपैष्वालभेत। बहिर्धाऽस्मादिन्द्रियं वीर्यं दध्यात्। भ्रातृव्यमस्मै जनयेत्।
एकयूप आलभते। एकधैवास्मिन्निन्द्रियं वीर्यं दधाति। नास्मै भ्रातृव्यं जनयति।
नैतेषां पशूनां पुरोडाशा भवन्ति। ग्रहपुरोडाशा ह्येते। युवः सुराममश्चिनेति
सर्वदेवत्यै याज्यानुवाक्ये भवतः। सर्वा एव देवताः प्रीणाति॥²¹॥

ब्राह्मणं परिक्रीणीयादुच्छेषणस्य पातारम्। ब्राह्मणो ह्याहुत्या उच्छेषणस्य पाता।
यदि ब्राह्मणं न विन्देत्। वल्मीकवपायामवं नयेत्। सैव ततः प्रायश्चित्तिः। यद्वै
सौत्रामण्यै व्यृद्धम्। तदस्यै समृद्धम्। नानादेवत्याः पशवंश्च पुरोडाशाश्च भवन्ति
समृद्धौ। ऐन्द्रः पशूनामुत्तमो भवति। ऐन्द्रः पुरोडाशानां प्रथमः॥²²॥

इन्द्रिये एवास्मै समीचीं दधाति। पुरस्तादनूयाजानां पुरोडाशैः प्रचरति। पशवो वै
पुरोडाशाः। पशूनेवाव रुन्धे। ऐन्द्रमेकादशकपालं निर्वपति। इन्द्रियमेवाव रुन्धे।
सावित्रं द्वादशकपालं प्रसूत्यै। वारुणं दशकपालम्। अन्तत एव वरुणमवं यजते।

वड॑बा दक्षि॑णा॥ 23 ॥

उ॒त वा ए॒षाऽश्व॑ सू॒ते। उ॒ताऽश्व॑तर॒म्। उ॒त सोम॑ उ॒त सुरा॑। यत्सौ॑त्राम॒णी
समृ॑द्ध्यै। बा॒रु॒ह॒स्प॒त्यं प॒शू॒र्ध॒तु॒र्ध॒म॒ति॒प॒वि॒त॒स्या ल॑भते। ब्र॒ह्म वै दे॒वानां॑ बृ॒ह॒स्प॒तिः।
ब्र॒ह्म॑णै॒व य॒ज्ञस्य॑ व्यृ॒द्धम॑पि वपति। पु॒रोडा॑श॒वाने॑ष प॒शुर्भ॑वति। न ह्ये॒तस्य॑ ग्र॒हं
गृ॒ह्ण॑न्ति। सोम॑प्रती॒काः पि॒तर॑स्तृ॒ष्णु॒तेति॑ श॒तातृ॑ण्णाया॑ सम॒व॑नयति॥ 24 ॥

श॒तायुः॑ पु॒रुषः॑ श॒तेन्द्रि॑यः। आयु॑ष्ये॒वेन्द्रि॑ये प्र॒ति॒ति॑ष्ठति। दक्षि॑णेऽग्नौ जु॒होति॑।
पा॒प॒व॒स्य॒सस्य॑ व्यावृ॑त्त्यै। हि॒र॒ण्य॑म॒न्तरा॑ धा॒रय॑ति। पू॒तामे॒वेना॑ जु॒होति॑। श॒तमा॑नं
भवति। श॒तायुः॑ पु॒रुषः॑ श॒तेन्द्रि॑यः। आयु॑ष्ये॒वेन्द्रि॑ये प्र॒ति॒ति॑ष्ठति। यत्रै॒व श॒तातृ॑ण्णां
धा॒रय॑ति॥ 25 ॥

तन्नि॑द॒धाति॑ प्र॒ति॒ष्ठि॒त्यै। पि॒तृन् वा ए॒तस्यै॑न्द्रि॒यं वी॒र्यं॑ गच्छति। य॑ सोमो॑ऽति प॒व॑ते।
पि॒तृणां॑ या॒ज्यानु॑वा॒क्याभि॑रुप॑ तिष्ठते। यदे॒वास्य॑ पि॒तृनि॑न्द्रि॒यं वी॒र्यं॑ गच्छति। तदे॒वाव॑
रु॒न्धे। ति॒सृभि॑रुप॑ तिष्ठते। तृ॒तीये॒ वा इ॒तो लो॒के पि॒तरा॑। ता॒ने॒व प्री॑णाति। अ॒थो
त्री॒णि वै य॒ज्ञस्यै॑न्द्रि॒याणि॑। अ॒ध्व॒र्युर्होता॑ ब्र॒ह्मा। त उ॒प॑तिष्ठन्ते। या॒न्ये॒व
य॒ज्ञस्यै॑न्द्रि॒याणि॑। तैरे॒वास्मै॑ भेष॒जं क॑रोति॥ 26 ॥

प्री॒णाति॑ प्र॒थ॒मो दक्षि॑णा सम॒व॑नयति धा॒रय॑तीन्द्रि॒याणि॑ च॒त्वारि॑ च॥ [6]

अ॒ग्नि॒ष्टोम॑मग्र आ॒ह॒रति॑। य॒ज्ञमु॑खं वा अ॒ग्नि॒ष्टोमः॑। य॒ज्ञमु॑खमे॒वारभ्य॑ स॒वमा॑ क्र॒मते॑।
अथै॒षोऽभि॑षे॒चनी॑यश्चतु॒स्त्रि॒ंशप॑व॒मानो॑ भवति। त्रय॑स्त्रि॒ंशद्वै॑ दे॒वताः॑। ता ए॒वाप्नो॑ति।
प्र॒जाप॑तिश्चतु॒स्त्रि॒ंशः। तमे॒वाप्नो॑ति। स॒ंश॒र ए॒ष स्तो॑मा॒नाम॑य॒थापूर्व॑म्। यद्विष॑माः
स्तो॒माः॥ 27 ॥

ए॒तावा॑न् वै य॒ज्ञः। या॒वा॒न्य॒व॑मा॒नाः। अ॒न्तः श्ले॑ष॒णं त्वा अ॒न्यत्। यत्स॒माः प॑व॒मानाः।
तेना॑ऽस॒ंश॒रः। तेन॑ य॒थापूर्व॑म्। आ॒त्म॒नै॒वाग्नि॑ष्टोमे॒नर्ध्नो॑ति। आ॒त्म॒ना पु॑ण्यो भवति।
प्र॒जा वा उ॒क्थानि॑। प॒शव॑ उ॒क्थानि॑। यदु॒क्थ्यो॑ भव॒त्यनु॑ स॒न्त॑त्यै॥ 28 ॥

स्तो॒माः प॒शव॑ उ॒क्थान्येकं॑ च॥ [7]

उ॒प॑ त्वा जा॒मयो॑ गि॒र इति॑ प्र॒ति॒प॒द्भव॑ति। वा॒ग्वै वा॒युः। वा॒च ए॒वैषो॑ऽभि॒षेकः॑।

सर्वा॑सामे॒व प्र॒जाना॑ः सू॒यते। सर्वा॑ ए॒नं प्र॒जा रा॒जेति॑ वदन्ति। ए॒तमु॒ त्यन्द॑श्च क्षि॒प
इत्या॑ह। आ॒दि॒त्या वै प्र॒जाः। प्र॒जाना॑मे॒वैतेन॑ सू॒यते। यन्ति॑ वा ए॒ते य॑ज्ञमु॒खात्। ये
सं॒भार्या॑ अ॒क्रन्॑॥²⁹॥

यदा॑ह प॒वस्व॑ वा॒चो अ॑ग्रि॒य इति॑। तेनै॒व य॑ज्ञमु॒खान्न॑यन्ति। अ॒नुष्टु॒क्प्र॑थ॒मा भ॑वति।
अ॒नुष्टु॒गुत्त॑मा। वा॒ग्वा अ॑नुष्टु॒क्। वा॒चैव॑ प्र॒यन्ति॑। वा॒चोद॑न्ति। उ॒द्व॒तीर्भ॑वन्ति। उ॒द्व॒द्वा
अ॑नुष्टु॒भो रू॒पम्। आ॑नुष्टु॒भो रा॒ज॒न्यः॥³⁰॥

तस्मा॑दु॒द्व॒तीर्भ॑वन्ति। सौ॒र्य॑नुष्टु॒गुत्त॑मा भ॑वति। सु॒वर्ग॑स्य॒ लोक॑स्य॒ सन्त॑त्यै। यो वै
स॒वादे॑ति। नैन॑ः स॒व उ॑प॒नम॑ति। यः सा॒मभ्य॑ ए॒ति। पा॒पी॒या॒न्त्सुषु॑वा॒णो भ॑वति।
ए॒तानि॑ खलु॒ वै सा॒मानि॑। यत्पृ॒ष्ठानि॑। यत्पृ॒ष्ठानि॑ भ॑वन्ति॥³¹॥

तैरे॒व स॒वान्नै॑ति। या॒नि दे॒वरा॑जाना॑ः सा॒मानि॑। तैर॒मुष्मि॑ल्लो॒क ऋ॑ध्नोति। या॒नि
म॒नुष्य॑रा॒जाना॑ः सा॒मानि॑। तैर॒स्मि॑ल्लो॒क ऋ॑ध्नोति। उ॒भयो॑रे॒व लो॒कयोर् ऋ॑ध्नोति।
दे॒वलो॑के च॒ म॒नुष्य॑लो॒के च॑। ए॒कवि॑ंशोऽभिषे॒चनी॑य॒स्योत्त॑मो भ॑वति। ए॒कवि॑ंशः
कै॒शव॑प॒नीय॑स्य प्रथ॒मः। स॒प्तद॑शो द॒शपे॑यः॥³²॥

वि॒द्वा ए॑कवि॑ंशः। रा॒ष्ट्रं स॑प्तद॒शः। वि॒श ए॒वैत॑न्म॒ध्यतो॑ऽभिषि॑च्यते। तस्मा॑द्वा ए॒ष
वि॒शां प्रि॑यः। वि॒शो हि म॑ध्यतो॑ऽभिषि॑च्यते। यद्वा ए॒नम॑दो दि॒शोऽनु॑ व्या॒स्थाप॑यन्ति।
तत्सु॑वर्गं लो॒कम॑भ्या रो॒हति॑। यदि॒मं लो॒कं न प्र॑त्यव॒रोह॑त्। अ॒ति॒ज॒नं वे॑यात्। उ॒द्वा
मा॒द्येत्। यदेष॑ प्र॒तीची॑नः स्तो॒मो भ॑वति। इ॒ममे॒व तेन॑ लो॒कं प्र॑त्यव॒रोह॑ति। अथो
अ॒स्मिन्ने॒व लो॒के प्र॑ति॒ तिष्ठ॑त्यनु॒न्मादा॑य॥³³॥

अक्रन् राजन्यो भवन्ति दशपेयो मावेत्तीणि च॥

[8]

इ॒यं वै र॑ज॒ता। अ॒सौ हरि॑णी। यद्गु॒क्मो भ॑वतः। आ॒भ्यामे॒वैन॑मु॒भय॑तः परि॑ गृह्णाति।
वरु॑णस्य॒ वा अ॑भिषि॒च्यमा॑नस्यापः। इ॒न्द्रि॒यं वी॒र्यं॑ निर॑घ्नन्। तत्सु॑वर्णं
हि॒र॒ण्यम॑भवत्। यद्गु॒क्मम॑न्त॒र्दधा॑ति। इ॒न्द्रि॒यस्य॑ वी॒र्य॑स्यानि॒र्घाता॑य। श॒तमा॑नो भ॑वति
श॒तक्ष॑रः। श॒तायुः॑ पुरु॑षः श॒तेन्द्रि॑यः। आ॒युष्ये॒वेन्द्रि॑ये प्र॒ति॒तिष्ठ॑ति। आ॒युर्वै हि॒र॒ण्यम्।
आ॒युष्या॑ ए॒वैन॑म॒भ्यति॑ क्षरन्ति। ते॒जो वै हि॒र॒ण्यम्। ते॒ज॒स्या ए॒वैन॑म॒भ्यति॑ क्षरन्ति।

वर्चो वै हिरण्यम्। वर्चस्या एवैनमभ्यति क्षरन्ति॥³⁴॥

शतक्षरोऽष्टौ च॥

[9]

अप्रतिष्ठितो वा एष इत्याहुः। यो राजसूयेन यजत इति। यदा वा एष एतेन
द्विरात्रेण यजते। अथ प्रतिष्ठा। अथ संवत्सरमाप्नोति। यावन्ति
संवत्सरस्याहोरात्राणि। तावतीरेतस्य स्तोत्रीयाः। अहोरात्रेष्वेव प्रति तिष्ठति।
अग्निष्टोमः पूर्वमहर्भवति। अतिरात्र उत्तरम्॥³⁵॥

नानैवाहोरात्रयोः प्रति तिष्ठति। पौर्णमास्यां पूर्वमहर्भवति। व्यष्टकायामुत्तरम्।
नानैवार्धमासयोः प्रतितिष्ठति। अमावास्यायां पूर्वमहर्भवति। उद्दृष्ट उत्तरम्। नानैव
मासयोः प्रतितिष्ठति। अथो खलु। ये एव समानपक्षे पुण्याहे स्याताम्। तयोः
कार्यं प्रतितिष्ठत्यै॥³⁶॥

अपशव्यो द्विरात्र इत्याहुः। द्वे ह्येते छन्दसी। गायत्रं च त्रैष्टुभं च।
जगतीमन्तर्यन्ति। न तेन जगती कृतेत्याहुः। यदेनान्तृतीयसवने कुर्वन्तीति। यदा
वा एषाऽहीनस्याहर्भजते। साहस्यं वा सवनम्। अथैव जगती कृता। अथ
पशव्यः। व्युष्टिर्वा एष द्विरात्रः। य एवं विद्वान्द्विरात्रेण यजते। व्येवास्मा उच्छति।
अथो तम एवाप हते। अग्निष्टोममन्त आ हरति। अग्निः सर्वा देवताः। देवतास्त्वेव
प्रति तिष्ठति॥³⁷॥

उत्तरं प्रतितिष्ठत्यै पशव्यः सप्त च॥

[10]

वरुणस्य जामि वा ईश्वर आग्नेयमिन्द्रस्य यक्षिष्वग्निष्टोममुप ह्वेयं वै रजताऽप्रतिष्ठितो दश॥¹⁰॥

वरुणस्य यदग्निभ्यां यक्षिषु तस्मादुद्धृतीः सप्तत्रिंशत्॥³⁷॥

वरुणस्य प्रतितिष्ठति॥

हरिः ॐ॥

॥इति श्रीकृष्णयजुर्वेदीयतैत्तिरीयब्राह्मणे प्रथमाष्टके अष्टमः प्रपाठकः समाप्तः॥

॥अष्टकम् २॥

॥प्रथमः प्रश्नः॥

॥तैत्तिरीयब्राह्मणे द्वितीयाष्टके प्रथमः प्रपाठकः॥

अङ्गिरसो वै सत्रमांसत। तेषां पृश्निर्धर्मधुगासीत्। सर्जिषेणाजीवत्। तैऽब्रुवन्।
कस्मै नु सत्रमांस्महे। यैऽस्या ओषधीर्न जनयाम् इति। ते दिवो वृष्टिमसृजन्त।
यावन्तः स्तोका अवापद्यन्त। तावतीरोषधयोऽजायन्त। ता जाताः पितरो
विषेणालिम्पन्॥₁॥

तासांअगध्वा रुप्यन्त्येत्। तैऽब्रुवन्। क इदमित्थमकरिति। वयं भागधेयमिच्छमाना
इति पितरोऽब्रुवन्। किं वो भागधेयमिति। अग्निहोत्र एव नोऽप्यस्त्वित्यब्रुवन्। तेभ्यं
एतद्भागधेयं प्रायच्छन्। यद्धुत्वा निमार्ष्टि। ततो वै त ओषधीरस्वदयन्। य एवं
वेद॥₂॥

स्वदन्तेऽस्मा ओषधयः। ते वत्समुपावासृजन्। इदं नो हव्यं प्रदापयेति।
सौऽब्रवीद्वरं वृणे। दश मा रात्रीर्जातं न दोहन्। आसङ्गवं मात्रा सह चराणीति।
तस्माद्वत्सजातं दश रात्रीर्न दुहन्ति। आसङ्गवं मात्रा सह चरति। वारिवृतुं ह्यस्य।
तस्माद्वत्सं ससृष्टधयं रुद्रो घातुकः। अति हि सन्धान्धयति॥₃॥

अलिम्पन्वेद घातुक एकं च॥

[1]

प्रजापतिरग्निमसृजत। तं प्रजा अन्वसृज्यन्त। तमभाग उपास्त। सौऽस्य
प्रजाभिरपाक्रामत्। तमवरुरुत्समानोऽन्वैत्। तमवरुधन्नाशक्रोत्। स तपोऽतप्यत।
सौऽग्निरुपांरमतातापि वै स्य प्रजापतिरिति। स रराटादुदमृष्ट॥₄॥

तद्धृतमभवत्। तस्माद्यस्य दक्षिणतः केशा उन्मृष्टाः। ताअष्टलक्ष्मी प्राजापत्येत्याहुः।
यद्रराटादुदमृष्ट। तस्माद्रराटे केशा न सन्ति। तदग्नौ प्रागृह्णात्। तद्विचिकित्सत्।
जुह्वानी 3 मा होषा 3 मिति। तद्विचिकित्सायै जन्म। य एवं विद्वान्
विचिकित्सति॥₅॥

वसीय एव चेतयते। तं वाग्भ्यवदज्जुहुधीति। सौऽब्रवीत्। कस्त्वमसीति। स्वेव ते

वागित्यब्रवीत्। सोऽजुहोत्स्वाहेति। तत्स्वाहाकारस्य जन्म। य एवऽस्वाहाकारस्य जन्म वेद। करोति स्वाहाकारेण वीर्यम्। यस्यैवं विदुषः स्वाहाकारेण जुहति॥६॥
भोगाँयैवास्य हुतं भवति। तस्या आहुत्ये पुरुषमसृजत। द्वितीयमजुहोत्। सोऽश्वमसृजत। तृतीयमजुहोत्। स गामसृजत। चतुर्थमजुहोत्। सोऽविमसृजत। पञ्चममजुहोत्। सोऽजामसृजत॥७॥

सोऽग्निरबिभेत्। आहुतीभिर्वै माऽऽप्नोतीति। स प्रजापतिं पुनः प्राविशत्। तं प्रजापतिरब्रवीत्। जायस्वेति। सोऽब्रवीत्। किं भागधेयमभि जनिष्य इति। तुभ्यमेवेदं हूयाता इत्यब्रवीत्। स एतद्भागधेयमभ्यजायत। यदग्निहोत्रम्॥८॥
तस्मादग्निहोत्रमुच्यते। तद्धूयमानमादित्योऽब्रवीत्। मा हौषीः। उभयोर्वै नावेतदिति। सोऽग्निरब्रवीत्। कथन्नौ होष्यन्तीति। सायमेव तुभ्यं जुहुवन्। प्रातर्मह्यमित्यब्रवीत्। तस्मादग्नये सायं हूयते। सूर्याय प्रातः॥९॥

आग्नेयी वै रात्रिः। ऐन्द्रमहः। यदनुदिते सूर्ये प्रातर्जुह्यात्। उभयमेवाग्नेयं स्यात्। उदिते सूर्ये प्रातर्जुहोति। तथाग्नये सायं हूयते। सूर्याय प्रातः। रात्रिं वा अनु प्रजाः प्र जायन्ते। अह्ना प्रति तिष्ठन्ति। यत्सायं जुहोति॥१०॥

प्रेव तेन जायते। उदिते सूर्ये प्रातर्जुहोति। प्रत्येव तेन तिष्ठति। प्रजापतिरकामयत् प्रजायेयेति। स एतदग्निहोत्रं मिथुनमपश्यत्। तदुदिते सूर्येऽजुहोत्। यजुषाऽन्यत्। तूष्णीमन्यत्। ततो वै स प्राजायत। यस्यैवं विदुष उदिते सूर्येऽग्निहोत्रं जुहति॥११॥
प्रेव जायते। अथो यथा दिवा प्रजानन्नेति। तादृगेव तत्। अथो खत्वाहुः। यस्य वै द्वौ पुण्यौ गृहे वसतः। यस्तयोरन्यं राधयत्यन्यन्न। उभौ वाव स तावृच्छतीति। अग्निं वावादित्यः सायं प्र विंशति। तस्मादग्निर्दूरान्नक्तन्ददृशे। उभे हि तेजसी सम्पद्येते॥१२॥

उद्यन्तं वावादित्यमग्निरनु समारोहति। तस्माद्धूम एवाग्नेर्दिवा ददृशे। यदग्नये सायं जुह्यात्। आ सूर्याय वृश्चेत। यत्सूर्याय प्रातर्जुह्यात्। आऽग्नये वृश्चेत। देवताभ्यः समदन्दध्यात्। अग्निर्ज्योतिर्ज्योतिः सूर्यः स्वाहेत्येव सायं होतव्यम्। सूर्यो

ज्योतिर्ज्योतिरग्निः स्वाहेति प्रातः। तथोभाभ्यां सायं हूयते॥¹³॥

उभाभ्यां प्रातः। न देवताभ्यः समदं दधाति। अग्निर्ज्योतिरित्याह। अग्निर्वै रेतोधाः। प्रजा ज्योतिरित्याह। प्रजा एवास्मै प्र जनयति। सूर्यो ज्योतिरित्याह। प्रजास्वेव प्रजातासु रेतो दधाति। ज्योतिरग्निः स्वाहेत्याह। प्रजा एव प्रजाता अस्यां प्रतिष्ठापयति॥¹⁴॥

तूष्णीमुत्तरामाहुतिं जुहोति। मिथुनत्वाय प्रजात्यै। यदुदिते सूर्ये प्रातर्जुह्यात्। यथाऽतिथये प्रद्वृताय शून्यायावसथायाहार्यं हरन्ति। तादृगेव तत्। क्वाह ततस्तद्भवतीत्याहुः। यत्स न वेद। यस्मै तद्धरन्तीति। तस्माद्यदौषसं जुहोति। तदेव सम्प्रति। अथो यथा प्रार्थमौषसं परिवेवेष्टि। तादृगेव तत्॥¹⁵॥

अमृष्ट विचिकित्संति जुह्वत्यजामंसृजताग्निहोत्रं सूर्याय प्रातर्जुहोति जुह्वति सम्पद्येते हूयते स्थापयति सम्प्रति द्वे च॥ [2]

रुद्रो वा एषः। यदग्निः। पत्नी स्थाली। यन्मध्येऽग्नेरधिश्चर्येत्। रुद्राय पत्नीमपि दध्यात्। प्रमायुका स्यात्। उदीचोऽङ्गारान्निरूह्याधि श्रयति। पत्नियै गोपीथाय। व्यन्तान्करोति। तथा पत्न्यप्रमायुका भवति॥¹⁶॥

घर्मो वा एषोऽशान्तः। अहरहः प्र वृज्यते। यदग्निहोत्रम्। प्रतिषिञ्चेत्पशुकामस्य। शान्तमिव हि पशव्यम्। न प्रतिषिञ्चेद्ब्रह्मवर्चसकामस्य। समिद्धमिव हि ब्रह्मवर्चसम्। अथो खलु। प्रतिषिच्यमेव। यत्प्रतिषिञ्चति॥¹⁷॥

तत्पशव्यम्। यज्जुहोति। तद्ब्रह्मवर्चसि। उभयमेवाकः। प्रच्युतं वा एतदस्माल्लोकात्। अगतन्देवलोकम्। यच्छ्रुतं हविरनभिघारितम्। अभि द्योतयति। अभ्येवैनद्वारयति। अथो देवत्रैवैनद्रमयति॥¹⁸॥

पर्यग्निं करोति। रक्षसामपहत्यै। त्रिः पर्यग्निं करोति। त्र्यावृद्धिं यज्ञः। अथो मेध्यत्वाय। यत्प्राचीनमुद्वासयेत्। यजमानं शुचाऽर्पयेत्। यदक्षिणा। पितृदेवत्यं स्यात्। यत्प्रत्यक्॥¹⁹॥

पत्नीं शुचाऽर्पयेत्। उदीचीनमुद्वासयति। एषा वै देवमनुष्याणां शान्ता दिक्। तामेवैनदनूद्वासयति शान्त्यै। वर्त्म करोति। यज्ञस्य सन्तत्यै। निष्टपति। उपैव

तत्स्तृणाति। चतुरुन्नयति। चतुष्पादः पशवः॥²⁰॥

पशूनेवावरुन्धे। सर्वान्पूर्णानुन्नयति। सर्वे हि पुण्या राद्धाः। अनूच उन्नयति। प्रजायां
अनूचीनत्वाय। अनूच्येवास्य प्रजाऽर्धुका भवति। सम्मृशति व्यावृत्त्यै। नाहोष्यन्नुप
सादयेत्। यदहोष्यन्नुपसादयेत्। यथाऽन्यस्मा उपनिधाय॥²¹॥

अन्यस्मै प्रयच्छति। तादृगेव तत्। आऽस्मै वृश्चेत। यदेव गार्हपत्येऽधि श्रयति।
तेन गार्हपत्यं प्रीणाति। अग्निरबिभेत्। आहुतयो माऽत्यैष्यन्तीति। स एतां
समिधमपश्यत्। तामाऽधत्त। ततो वा अग्नावाहुतयोऽधियन्त॥²²॥

यदेनं समयच्छत्। तत्समिधः समिद्धम्। समिधमा दधाति। समेवैनं यच्छति।
आहुतीनान्धृत्यै। अथो अग्निहोत्रमेवेध्मवत्करोति। आहुतीनां प्रतिष्ठित्यै। ब्रह्मवादिनो
वदन्ति। यदेकां समिधमाधाय द्वे आहुती जुहोति। अथ कस्यां समिधिं
द्वितीयामाहुतिं जुहोतीति॥²³॥

यद्वे समिधावा दध्यात्। भ्रातृव्यमस्मै जनयेत्। एकां समिधमाधाय।
यजुषाऽन्यामाहुतिं जुहोति। उभे एव समिद्धती आहुती जुहोति। नास्मै भ्रातृव्यं
जनयति। आदीप्तायां जुहोति। समिद्धमिव हि ब्रह्मवर्चसम्। अथो यथाऽतिथिं
ज्योतिष्कृत्वा परि वेवैष्टि। तादृगेव तत्। चतुरुन्नयति। द्विर्जुहोति।
तस्माद्विपाच्चतुष्पादमत्ति। अथो द्विपदेव चतुष्पदः प्रतिं षापयति॥²⁴॥

भवति प्रतिषिद्धतिं गमयति प्रत्यक्पशवं उपनिधायान्धियन्तेति तच्चत्वारि च॥

[3]

उत्तरावर्तीवै देवा आहुतिमजुहवुः। अवाचीमसुराः। ततो देवा अभवन्।
पराऽसुराः। यङ्कामयेत् वसीयान्त्स्यादिति। कनीयस्तस्य पूर्वं हुत्वा। उत्तरं भूयो
जुहुयात्। एषा वा उत्तरावत्याहुतिः। तान्देवा अजुहवुः। ततस्तेऽभवन्॥²⁵॥

यस्यैवं जुहति। भवत्येव। यङ्कामयेत् पापीयान्त्स्यादिति। भूयस्तस्य पूर्वं हुत्वा।
उत्तरङ्कनीयो जुहुयात्। एषा वा अवाच्याहुतिः। तामसुरा अजुहवुः। ततस्ते
पराऽभवन्। यस्यैवं जुहति। परैव भवति॥²⁶॥

हुत्वाप सादयत्यजामिन्वाय। अथो व्यावृत्त्यै। गार्हपत्यं प्रतीक्षते।

अननुध्यायिनमेवेन करोति। अग्निहोत्रस्य वै स्थाणुरस्ति। तं य ऋच्छेत्।
यज्ञस्थाणुमृच्छेत्। एष वा अग्निहोत्रस्य स्थाणुः। यत्पूर्वाऽऽहुतिः। तां यदुत्तरयाऽभि
जुहुयात्॥²⁷॥

यज्ञस्थाणुमृच्छेत्। अतिहाय पूर्वामाहुतिं जुहोति। यज्ञस्थाणुमेव परि वृणक्ति। अथो
भ्रातृव्यमेवाप्त्वाऽति क्रामति। अवाचीनः सायमुपमार्ष्टि। रेत एव तदधाति। ऊर्ध्व
प्रातः। प्र जनयत्येव तत्। ब्रह्मवादिनो वदन्ति। चतुरुन्नयति॥²⁸॥

द्विर्जुहोति। अथ क्व द्वे आहुती भवत इति। अग्नौ वैश्वानर इति ब्रूयात्। एष वा
अग्निवैश्वानरः। यद्वाह्मणः। हुत्वा द्विः प्राश्नाति। अग्नावेव वैश्वानरे द्वे आहुती
जुहोति। द्विर्जुहोति। द्विर्निमार्ष्टि। द्विः प्राश्नाति॥²⁹॥

षट्सम्पद्यन्ते। षड्वा ऋतवः। ऋतूनेव प्रीणाति। ब्रह्मवादिनो वदन्ति। किं
देवत्यमग्निहोत्रमिति। वैश्वदेवमिति ब्रूयात्। यद्यजुषा जुहोति। तदैन्द्राग्रम्।
यत्तूष्णीम्। तत्प्राजापत्यम्॥³⁰॥

यन्निमार्ष्टि। तदोषधीनाम्। यद्वितीयम्। तत्पितृणाम्। यत्प्राश्नाति। तद्भार्गवम्।
तस्माद्भर्गो अनश्नन्तो वर्धन्ते। यदाचामति। तन्मनुष्याणाम्। उदङ्घ्र्यावृत्याचामति॥³¹॥

आत्मनो गोपीथाय। निर्णेनेक्ति शुद्धौ। निष्टपति स्वगाकृत्ये। उद्दिशति। सप्तर्षीनेव
प्रीणाति। दक्षिणा पर्यावर्तते। स्वमेव वीर्यमनु पर्यावर्तते। तस्माद्दक्षिणोऽर्ध आत्मनो
वीर्यावत्तरः। अथो आदित्यस्यैवावृतमनु पर्यावर्तते। हुत्वाप समिन्धे॥³²॥

ब्रह्मवर्चसस्य समिद्धौ। न बर्हिरनु प्र हरेत्। असंस्थितो वा एष यज्ञः।
यदग्निहोत्रम्। यदनु प्रहरेत्। यज्ञं विच्छिन्द्यात्। तस्मान्नानु प्रहृत्यम्। यज्ञस्य
सन्तत्ये। अपो नि नयति। अवभृथस्यैव रूपमकः॥³³॥

अभवन्भवति जुहुयान्नयति मार्ष्टि द्विः प्राश्नाति प्राजापत्यमाचामतीत्येऽकः॥

[4]

ब्रह्मवादिनो वदन्ति। अग्निहोत्रप्रायणा यज्ञाः। किं प्रायणमग्निहोत्रमिति। वत्सो वा
अग्निहोत्रस्य प्रायणम्। अग्निहोत्रं यज्ञानाम्। तस्य पृथिवी सदः।
अन्तरिक्षमाग्नीध्रम्। द्यौरहविर्धानम्। दिव्या आपः प्रोक्षणयः। ओषधयो बर्हिः॥³⁴॥

वनस्पतय इध्मः। दिशः परिधयः। आदित्यो यूपः। यजमानः पशुः। समुद्रोऽवभृथः।
संवत्सरः स्वगाकारः। तस्मादाहिताग्नेः सर्वमेव बर्हिष्यन्दत्तं भवति। यत्सायं
जुहोति। रात्रिमेव तेन दक्षिण्यां कुरुते। यत्प्रातः॥³⁵॥

अहरेव तेन दक्षिण्यं कुरुते। यत्ततो ददाति। सा दक्षिणा। यावन्तो वै देवा
अहुतमादन्। ते पराऽभवन्। त एतदग्निहोत्रं सर्वस्यैव समवदायां जुहवुः।
तस्मादाहुः। अग्निहोत्रं वै देवा गृहाणां निष्कृतिमपश्यन्निति। यत्सायं जुहोति।
रात्रिया एव तद्धुताद्याय॥³⁶॥

यजमानस्यापराभावाय। यत्प्रातः। अहं एव तद्धुताद्याय। यजमानस्यापराभावाय।
यत्ततोऽश्नजति। हुतमेव तत्। द्वयोः पयसा जुहुयात्पशुकामस्य। एतद्वा अग्निहोत्रं
मिथुनम्। य एवं वेद। प्र प्रजयां पशुभिर्मिथुनैर्जायते॥³⁷॥

इमामेव पूर्वया दुहे। अमूमुत्तरया। अधिश्रित्योत्तरमा नयति। योनावेव तद्रेतः
सिधति प्रजनने। आज्येन जुहुयात्तेजस्कामस्य। तेजो वा आज्यम्। तेजस्यैव
भवति। पयसा पशुकामस्य। एतद्वै पशूनां रूपम्। रूपेणैवास्मै पशूनवरुन्धे॥³⁸॥

पशुमानेव भवति। दध्नेन्द्रियकामस्य। इन्द्रियं वै दधि। इन्द्रियाव्येव भवति।
यवाग्वां ग्रामकामस्यौषधा वै मनुष्याः। भागधेयेनैवास्मै सजातानवरुन्धे। ग्राम्येव
भवति। अयंज्ञो वा एषः। योऽस्मा॥³⁹॥

चतुरुन्नयति। चतुरक्षरं रथन्तरम्। रथन्तरस्यैष वर्णः। उपरीव हरति। अन्तरिक्षं
वामदेव्यम्। वामदेव्यस्यैष वर्णः। द्विर्जुहोति। द्वक्षरं बृहत्। बृहत् एष वर्णः।
अग्निहोत्रमेव तत्सामन्वत्करोति॥⁴⁰॥

यो वा अग्निहोत्रस्योपसदो वेद। उपैनमुपसदो नमन्ति। विन्दत उपसत्तारम्।
उन्नीयोप सादयति। पृथिवीमेव प्रीणाति। होष्यन्नुपसादयति। अन्तरिक्षमेव प्रीणाति।
हुबोप सादयति। दिवमेव प्रीणाति। एता वा अग्निहोत्रस्योपसदः॥⁴¹॥

य एवं वेद। उपैनमुपसदो नमन्ति। विन्दत उपसत्तारम्। यो वा
अग्निहोत्रस्याश्रावितं प्रत्याश्रावितं होतारं ब्रह्माणं वषट्कारं वेद। तस्यैव हुतम्।

प्रा॒णो वा अ॒ग्निहो॒त्रस्या॒श्रावित॑म्। अ॒पानः प्र॒त्याश्रा॑वितम्। मनो॒ होता॑। चक्षु॑र्ब्र॒ह्मा।
नि॒मेषो व॑ष॒ट्कारः॥ 42 ॥

य ए॒वं वेद॑। तस्य॒ त्वैव॑ हु॒तम्। सा॒यं यावा॑नश्च॒ वै दे॒वाः प्रा॑तर्या॒वाणश्चा॒ग्निहो॒त्रिणो॑
गृ॒हमाग॑च्छन्ति। तान् यन्न॒ तर्प॑येत्। प्र॒जया॑ऽस्य प॒शुभिर्वि॑ ति॒ष्ठेरन्। यत्तर्प॑येत्। तृ॒प्ता
ए॒नं प्र॒जया॑ प॒शुभिस्तर्प॑येयुः। स॒जूर्दे॒वैः सा॒यं याव॑भिरिति॒ साय॑ः सम्मृ॑शति।
स॒जूर्दे॒वैः प्रा॑तर्या॒वभिरिति॑ प्रा॒तः। ये चै॒व दे॒वाः सा॒यं यावा॑नो॒ ये च॑ प्रा॒तर्या॒वाणः॥ 43 ॥
ताने॒वोभया॑ऽस्तर्प॑यति। त ए॒नं तृ॒प्ताः प्र॒जया॑ प॒शुभिस्तर्प॑यन्ति। अ॒रुणो ह॑
स्मा॒हौप॑वेशिः। अ॒ग्निहो॒त्र ए॒वाह॑ः सा॒यं प्रा॑त॒र्वज्रं॑ भ्रातृ॒व्येभ्यः॑ प्र॒ ह॑रामि।
तस्मा॑न्मत्पापी॒याः सो॒ भ्रातृ॑व्या इति॑। च॒तुरु॑न्नयति। द्वि॒र्जुहो॑ति। स॒मित्स॑प्तमी।
स॒प्तप॑दा श॒क्वरी॑। शा॒क्वरो॒ वज्रः॑। अ॒ग्निहो॒त्र ए॒व तत्सा॒यं प्रा॑त॒र्वज्रं॑ यज॑मानो
भ्रातृ॑व्याय॒ प्र ह॑रति। भव॑त्या॒त्मना॑। प॒राऽस्य॑ भ्रातृ॒व्यो भ॑वति॥ 44 ॥

ब॒रुहिः प्रा॑त॒र्हुता॒वाय॑ जायते रु॒न्धेऽस॒मा क॑रोत्ये॒ता वा अ॒ग्निहो॒त्रस्यो॑प॒सदो॑ वष॒ट्कारश्च॑ प्रा॒तर्या॒वाणो॒ वज्र॑स्त्रीणि॒ च॥ [5]

प्र॒जाप॑तिर॒काम॑यता॒त्मन्वन्मे॑ जा॒येते॑ति। सो॑ऽजुहोत्। तस्मा॑न्मन्वद॒जाय॑त।
अ॒ग्निर्वा॒युरा॑दित्यः। ते॑ऽब्रु॒वन्। प्र॒जाप॑तिर॒हौषी॑दा॒त्मन्वन्मे॑ जा॒येते॑ति। तस्य॑
व॒यम॑जनिष्महि। जा॒य॑तान्न आ॒त्मन्व॑दिति॒ तेऽजु॑हवुः। प्रा॒णाना॑म॒ग्निः। त॒नुवै॑ वा॒युः॥ 45 ॥
चक्षु॑ष आ॒दित्यः॑। तेषा॑ः हु॒ताद॑जायत॒ गौरे॒व। तस्यै॑ प॒यसि॑ व्याय॑च्छन्त। मम॑
हु॒ताद॑जनि॒ ममे॑ति। ते प्र॒जाप॑तिं प्र॒श्नमा॑यन्। स आ॑दित्यो॑ऽग्निम॑ब्रवीत्। य॒तरो॒ नौ
जया॑त्। तन्नो॑ स॒हास॑दिति॒ कस्यै॑ कोऽहौ॑षी॒दिति॑ प्र॒जाप॑तिरब्रवीत्कस्यै॒ क इति॑।
प्रा॒णाना॑म॒हमित्य॑ग्निः॥ 46 ॥

त॒नुवा॑ अ॒हमि॑ति॒ वा॒युः। चक्षु॑षोऽह॒मित्या॑दित्यः। य ए॒व प्रा॒णाना॑म॒हौषी॑त्। तस्य॑
हु॒ताद॑जनीति॒। अ॒ग्नेर्हु॒ताद॑जनीति॒। तद॑ग्निहो॒त्रस्या॑ग्निहो॒त्रब॑म्। गौ॒र्वा अ॒ग्निहो॒त्रम्। य
ए॒वं वेद॑ गौ॒र॒ग्निहो॒त्रमि॑ति॒। प्रा॒णापा॒नाभ्या॑मे॒वाग्नि॑ः स॒मर्ध॑यति। अव्य॑र्धुकः
प्रा॒णापा॒नाभ्या॑ भ॑वति॥ 47 ॥

य ए॒वं वेद॑। तौ वा॒युर॑ब्रवीत्। अनु॒ मा भ॑जतमिति॒। यदे॒व
गा॒र्हप॑त्येऽधि॒श्रित्या॑ह॒वनी॑यम॒भ्युद्व॑वान्। तेन॒ त्वां प्री॑णानित्य॑ब्रूताम्।

तस्माद्यद्गार्हपत्येऽधिश्चित्याहवनीयमभ्युद्भवति। वायुमेव तेन प्रीणाति।
प्रजापतिर्देवताः सृजमानः। अग्निमेव देवतानां प्रथममसृजत।
सोऽन्यदालम्भ्यमविंत्वा॥ 48 ॥

प्रजापतिमभि पर्यावर्तत। स मृत्योरबिभेत्। सोऽमुमादित्यमात्मनो निरमिमीत।
तं हुत्वा पराङ्मर्यावर्तत। ततो वै स मृत्युमपाजयत्। अपं मृत्युं जयति। य एवं
वेद। तस्माद्यस्यैवं विदुषः। उतैकाहमुत ब्रह्म न जुहति। हुतमेवास्य भवति। असौ
ह्यादित्योऽग्निहोत्रम्॥ 49 ॥

तनुर्वै वायुरग्निर्भवत्यविंत्वा भवत्येकं च॥ [6]

रौद्रङ्गविं। वायव्यमुपसृष्टम्। आश्विनन्दुह्यमानम्। सौम्यन्दुग्धम्। वारुणमधि
श्रितम्। वैश्वदेवा भिन्दवः। पौष्णमुदन्तम्। सारस्वतं विष्यन्दमानम्। मैत्रं शरः।
धातुरुद्भासितम्। बृहस्पतेरुन्नीतम्। सवितुः प्रक्रान्तम्। द्यावापृथिव्यं ह्रियमाणम्।
ऐन्द्राग्रमुपसन्नम्। अग्नेः पूर्वाऽऽहुतिः। प्रजापतेरुत्तरा। ऐन्द्रं हुतम्॥ 50 ॥

उद्भासितं सप्त च॥ [7]

दक्षिणत उपं सृजति। पितृलोकमेव तेन जयति। प्राचीमा वर्तयति। देवलोकमेव
तेन जयति। उदीचीमावृत्य दोग्धि। मनुष्यलोकमेव तेन जयति। पूर्वा
दुह्याञ्ज्येष्ठस्य ज्यैष्ठिनेयस्य। यो वा गतश्रीः स्यात्। अपरौ दुह्यात्कनिष्ठस्य
कानिष्ठिनेयस्य। यो वा बुभूषेत्॥ 51 ॥

न सं मृशति। पापवस्यसस्य व्यावृत्त्यै। वायव्यं वा एतदुपसृष्टम्।
आश्विनन्दुह्यमानम्। मैत्रन्दुग्धम्। अर्यम्ण उद्भास्यमानम्। द्वाष्टमुन्नीयमानम्।
बृहस्पतेरुन्नीतम्। सवितुः प्रक्रान्तम्। द्यावापृथिव्यं ह्रियमाणम्॥ 52 ॥

ऐन्द्राग्रमुप सादितम्। सर्वाभ्यो वा एष देवताभ्यो जुहोति। योऽग्निहोत्रं जुहोति।
यथा खलु वै धेनुन्तीर्थे तर्पयति। एवमग्निहोत्री यजमानन्तर्पयति। तृप्यति प्रजया
पशुभिः। प्र सुवर्गं लोकं जानाति। पश्यति पुत्रम्। पश्यति पौत्रम्। प्र प्रजया
पशुभिर्मिथुनैर्जायते। यस्यैवं विदुषोऽग्निहोत्रं जुहति। य उ चैनदेवं वेद॥ 53 ॥

बुभूषेद्वियमाणञ्जायते द्वे च॥ [8]

त्रयो वै प्रैयमेधा आसन्। तेषान्तिरेकोऽग्निहोत्रमजुहोत्। द्विरेकः। सकृदेकः। तेषां
यस्त्रिरजुहोत्। स ऋचाऽजुहोत्। यो द्विः। स यजुषा। यः सकृत्। स तूष्णीम्॥⁵⁴॥

यश्च यजुषाऽजुहोद्यश्च तूष्णीम्। तावुभावाधृताम्। तस्माद्यजुषाऽऽहुतिः पूर्वा
होतव्या। तूष्णीमुत्तरा। उभे एवर्धी अवरुन्धे। अग्निर्ज्योतिर्ज्योतिरग्निः स्वाहेति सायं
जुहोति। रेत एव तदधाति। सूर्यो ज्योतिर्ज्योतिः सूर्यः स्वाहेति प्रातः। रेत एव हितं
प्र जनयति। रेतो वा एतस्य हितं न प्र जायते॥⁵⁵॥

यस्याग्निहोत्रमहुतः सूर्योऽभ्युदेति। यद्यन्ते स्यात्। उन्नीय प्राडुदाद्रवेत्। स
उपसाद्यातमितोरासीत्। स यदा ताम्येत्। अथ भूः स्वाहेति जुहुयात्। प्रजापतिर्वै
भूतः। तमेवोपासरत्। स एवैनन्तत उन्नयति। नार्तिमार्च्छति यजमानः॥⁵⁶॥

तूष्णीञ्जायते यजमानः॥

[9]

यदग्निमुद्धरति। वसवस्तर्ह्यग्निः। तस्मिन् यस्य तथाविधे जुहति।
वसुष्वेवास्याग्निहोत्रः हुतं भवति। निहितो धूपायञ्छेते। रुद्रास्तर्ह्यग्निः। तस्मिन्
यस्य तथाविधे जुहति। रुद्रेष्वेवास्याग्निहोत्रः हुतं भवति। प्रथममिधमर्चिरा
लभते। आदित्यास्तर्ह्यग्निः॥⁵⁷॥

तस्मिन् यस्य तथाविधे जुहति। आदित्येष्वेवास्याग्निहोत्रः हुतं भवति। सर्व एव
सर्वश इध्म आदीप्तो भवति। विश्वे देवास्तर्ह्यग्निः। तस्मिन् यस्य तथाविधे जुहति।
विश्वेष्वेवास्य देवेष्वग्निहोत्रः हुतं भवति। नितरामर्चिरुपावैति लोहिनीकेव भवति।
इन्द्रस्तर्ह्यग्निः। तस्मिन् यस्य तथाविधे जुहति। इन्द्र एवास्याग्निहोत्रः हुतं
भवति॥⁵⁸॥

अङ्गारा भवन्ति। तेभ्योऽङ्गारेभ्योऽर्चिरुदेति। प्रजापतिस्तर्ह्यग्निः। तस्मिन् यस्य
तथाविधे जुहति। प्रजापतावेवास्याग्निहोत्रः हुतं भवति। शरोऽङ्गारा अध्यूहन्ते।
ब्रह्म तर्ह्यग्निः। तस्मिन् यस्य तथाविधे जुहति। ब्रह्मन्नेवास्याग्निहोत्रः हुतं भवति।
वसुषु रुद्रेष्वेवास्त्येषु विश्वेषु देवेषु। इन्द्रे प्रजापतौ ब्रह्मन्। अपरिवर्गमेवास्येतासु
देवतासु हुतं भवति। यस्यैवं विदुषोऽग्निहोत्रं जुहति। य उ चैनदेवं वेद॥⁵⁹॥

आदित्यास्तर्ह्यग्निर्इन्द्र एवास्याग्निहोत्रः हुतं भवति देवेषु चर्चार्चि च (यदग्निर्निहितः प्रथमः सर्व एव नितरामङ्गाराः शरोऽङ्गारा ब्रह्म वसुष्वष्टौ॥)॥—[10]

ऋ॒त॒न्वा॑ स॒त्येन॑ परि॒षि॒ध्नामी॑ति सा॒यं परि॑षि॒ध्ति॑ । स॒त्यन्व॑र्तेन परि॒षि॒ध्नामी॑ति प्रा॒तः ।
 अ॒ग्नि॒र्वा ऋ॒तम् । अ॒सावा॑दि॒त्यः स॒त्यम् । अ॒ग्निमे॒व तदा॑दि॒त्येन॑ सा॒यं परि॑षि॒ध्ति॑ ।
 अ॒ग्निना॑ऽऽदि॒त्यं प्रा॒तः सः । याव॑द॒होरा॑त्रे भ॒वतः॑ । ताव॑द॒स्य लो॒कस्य॑ । ना॒र्तिर्न रि॑ष्टिः ।
 ना॒न्तो न पर्य॑न्तौऽस्ति । यस्यै॒वं वि॒दुषो॑ऽग्नि॒होत्रं जु॑ह॒ति । य उ॑चै॒नदे॒वं वेद॑ ॥ ६० ॥

अ॒स्ति द्वे च॑ ॥

[11]

अ॒ङ्गिर॑सः प्र॒जाप॑तिर॒ग्निः रु॒द्र उ॑त्त॒राव॑र्ती ब्र॒ह्मवा॑दि॒नोऽग्नि॒होत्र॑प्रा॒यणा य॒ज्ञाः प्र॒जाप॑तिर॒काम॑यता॒त्मन्व॑द्रौ॒द्रङ्ग॑वि दक्षि॒णत॑स्त्रयो॒ वै
 यद॑ग्नि॒मृत॑न्वा स॒त्येनै॑का॒दश॑ ॥ ११ ॥

अ॒ङ्गिर॑सः प्रै॒व तेन॑ प॒शूने॒व यन्नि॒मार्ष्टि॑ यो वा अ॑ग्नि॒होत्र॑स्यो॒पस॑दो दक्षि॒णत॑ष्प॒ष्टिः ॥ ६० ॥

अ॒ङ्गिर॑सो य उ॑चै॒नदे॒वं वेद॑ ॥

हरिः॑ ॐ ॥

॥ इति श्रीकृष्णयजुर्वेदीयतैत्तिरीयब्राह्मणे द्वितीयाष्टके प्रथमः प्रपाठकः समाप्तः ॥

॥द्वितीयः प्रश्नः॥

॥तैत्तिरीयब्राह्मणे द्वितीयाष्टके द्वितीयः प्रपाठकः॥

प्रजापतिरकामयत प्रजाः सृजेयेति। स एतं दहोतारमपश्यत्। तं मनसाऽनुद्गत्य
दर्भस्तम्बेऽजुहोत्। ततो वै स प्रजा असृजत। ता अस्मात्सृष्टा अपाक्रामन्। ता
ग्रहेणागृह्णात्। तद्ग्रहस्य ग्रहत्वम्। यः कामयेत प्रजायेयेति। स दशहोतारं
मनसाऽनुद्गत्य दर्भस्तम्बे जुहुयात्। प्रजापतिर्वै दशहोता॥₁॥

प्रजापतिरेव भूत्वा प्रजायते। मनसा जुहोति। मन इव हि प्रजापतिः।
प्रजापतेरात्यै। पूर्णया जुहोति। पूर्ण इव हि प्रजापतिः। प्रजापतेरात्यै। न्यूनया
जुहोति। न्यूनाद्धि प्रजापतिः प्रजा असृजत। प्रजानां सृष्ट्यै॥₂॥

दर्भस्तम्बे जुहोति। एतस्माद्धे योनेः प्रजापतिः प्रजा असृजत। यस्मादेव योनेः
प्रजापतिः प्रजा असृजत। तस्मादेव योनेः प्रजायते। ब्राह्मणो दक्षिणत उपास्ते।
ब्राह्मणो वै प्रजानामुपद्रष्टा। उपद्रष्टुमत्येव प्रजायते। ग्रहो भवति। प्रजानां
सृष्टानां नृत्यै। यं ब्राह्मणं विद्यां विद्वांसं यशो नर्च्छेत्॥₃॥

सोऽरण्यं परेत्य। दर्भस्तम्बमुद्गृह्य। ब्राह्मणन्दक्षिणतो निषाद्य। चतुर्होतृन्व्याचक्षीत।
एतद्वै देवानां परमङ्गुह्यं ब्रह्म। यच्चतुर्होतारः। तदेव प्रकाशं गमयति। तदेनं
प्रकाशङ्गतम्। प्रकाशं प्रजानाङ्गमयति। दर्भस्तम्बमुद्गृह्य व्याचष्टे॥₄॥

अग्निवान् वै दर्भस्तम्बः। अग्निवत्येव व्याचष्टे। ब्राह्मणो दक्षिणत उपास्ते। ब्राह्मणो
वै प्रजानामुपद्रष्टा। उपद्रष्टुमत्येवैनं यशं ऋच्छति। ईश्वरन्तं यशोर्तोरित्याहुः।
यस्यान्तै व्याचष्ट इति। वरस्तस्मै देयः। यदेवैनं तत्रोपनमति। तदेवाव रुन्धे॥₅॥

अग्निमादधानो दशहोत्राऽरणिमव दध्यात्। प्रजातमेवैनमा धत्ते। तेनैवोद्गृत्याग्निहोत्रं
जुहुयात्। प्रजातमेवैनं जुहोति। हविर्निर्वप्य दहोतारं व्याचक्षीत। प्रजातमेवैनं
निर्वपति। सामिधेनीरनुवक्ष्य दहोतारं व्याचक्षीत। सामिधेनीरेव सृष्ट्वाऽऽरभ्य
प्रतनुते। अथो यज्ञो वै दशहोता। यज्ञमेव तनुते॥₆॥

अभिचरं दहोतारं जुहुयात्। नव वै पुरुषे प्राणाः। नाभिर्दशमी। सप्राणमेवैनमभि
चरति। एतावद्वै पुरुषस्य स्वम्। यावत्प्राणाः। यावदेवास्यास्ति। तदभि चरति।
स्वकृतं इरिणे जुहोति प्रदरे वा। एतद्वा अस्यै निर्ऋतिगृहीतम्। निर्ऋतिगृहीत
एवैनं निर्ऋत्या ग्राहयति। यद्वाचः क्रूरम्। तेन वर्षद्वरोति। वाच एवैनं क्रूरेण प्र
वृश्चति। ताजगार्तिमाच्छति॥७॥

दशहोता सृष्टा ऋच्छेद्वाचंटे रुन्ध एव तनुते निर्ऋतिगृहीतं पञ्च च॥

[1]

प्रजापतिरकामयत दर्शपूर्णमासौ सृजेयेति। स एतं चतुर्होतारमपश्यत्। तं
मनसाऽनुद्भृत्याहवनीयेऽजुहोत्। ततो वै स दर्शपूर्णमासावसृजत।
तावस्मात्सृष्टावपाक्रामताम्। तौ ग्रहेणागृह्णात्। तद्ग्रहस्य ग्रहत्वम्।
दर्शपूर्णमासावालभमानः। चतुर्होतारं मनसाऽनुद्भृत्याहवनीये जुहुयात्।
दर्शपूर्णमासावेव सृष्टाऽऽरभ्य प्रतनुते॥८॥

ग्रहो भवति। दर्शपूर्णमासयोः सृष्टयोर्धृत्यै। सोऽकामयत चातुर्मास्यानि सृजेयेति।
स एतं पञ्चहोतारमपश्यत्। तं मनसाऽनुद्भृत्याहवनीयेऽजुहोत्। ततो वै स
चातुर्मास्यान्यसृजत। तान्यस्मात्सृष्टान्यपाक्रामन्। तानि ग्रहेणागृह्णात्। तद्ग्रहस्य
ग्रहत्वम्। चातुर्मास्यान्यालभमानः॥९॥

पञ्चहोतारं मनसाऽनुद्भृत्याहवनीये जुहुयात्। चातुर्मास्यान्येव सृष्टाऽऽरभ्य प्रतनुते।
ग्रहो भवति। चातुर्मास्यानां सृष्टानां धृत्यै। सोऽकामयत पशुबन्धं सृजेयेति। स
एतं षड्वीतारमपश्यत्। तं मनसाऽनुद्भृत्याहवनीयेऽजुहोत्। ततो वै स
पशुबन्धमसृजत। सोऽस्मात्सृष्टोऽपाक्रामत्। तद्ग्रहेणागृह्णात्॥१०॥

तद्ग्रहस्य ग्रहत्वम्। पशुबन्धेन यक्ष्यमाणः। षड्वीतारं मनसाऽनुद्भृत्याहवनीये
जुहुयात्। पशुबन्धमेव सृष्टाऽऽरभ्य प्र तनुते। ग्रहो भवति। पशुबन्धस्य सृष्टस्य
धृत्यै। सोऽकामयत सौम्यमध्वरं सृजेयेति। स एतं सप्तहोतारमपश्यत्। तं
मनसाऽनुद्भृत्याहवनीयेऽजुहोत्। ततो वै स सौम्यमध्वरमसृजत॥११॥

सोऽस्मात्सृष्टोऽपाक्रामत्। तद्ग्रहेणागृह्णात्। तद्ग्रहस्य ग्रहत्वम्। दीक्षिष्यमाणः।
सप्तहोतारं मनसाऽनुद्भृत्याहवनीये जुहुयात्। सौम्यमेवाध्वरं सृष्टाऽऽरभ्य प्र

तनुते। ग्रहो भवति। सौम्यस्याध्वरस्य सृष्टस्य धृत्यै। देवेभ्यो वै यज्ञो न प्राभवत्।
तमेतावच्छः समभरन्॥¹²॥

यत्सम्भाराः। ततो वै तेभ्यो यज्ञः प्राभवत्। यत्सम्भारा भवन्ति। यज्ञस्य प्रभूत्यै।
आतिथ्यमासाद्य व्याचष्टे। यज्ञमुखं वा आतिथ्यम्। मुखत एव यज्ञः सम्भृत्य प्र
तनुते। अयंज्ञो वा एषः। योऽपत्नीकः। न प्रजाः प्रजायेरन्। पत्नीर्व्याचष्टे।
यज्ञमेवाकः। प्रजानां प्रजननाय। उपसत्सु व्याचष्टे। एतद्वै पत्नीनामायतनम्। स्व
एवैना आयतनेऽवकल्पयति॥¹³॥

तनुत आलभमानोऽगृह्णादसृजताभरञ्जायेरन्थद्व॥ _____ [2]

प्रजापतिरकामयत् प्रजायेयेति। स तपोऽतप्यत। स त्रिवृतुः स्तोममसृजत। तं
पञ्चदशः स्तोमो मध्यत उदतृणत्। तौ पूर्वपक्षश्चापरपक्षश्चाभवताम्। पूर्वपक्षं देवा
अन्वसृज्यन्त। अपरपक्षमन्वसुराः। ततो देवा अभवन्। पराऽसुराः। यङ्कामयेत्
वसीयान्त्स्यादिति॥¹⁴॥

तं पूर्वपक्षे याजयेत्। वसीयानेव भवति। यङ्कामयेत् पापीयान्त्स्यादिति। तमपरपक्षे
याजयेत्। पापीयानेव भवति। तस्मात्पूर्वपक्षोऽपरपक्षात्करुण्यतरः। प्रजापतिर्वै
दशहोता। चतुर्होता पञ्चहोता। षड्होता सप्तहोता। ऋतवः संवत्सरः॥¹⁵॥

प्रजाः पशवं इमे लोकाः। य एवं प्रजापतिं बहोर्भूयांसं वेद। बहोरेव
भूयान्भवति। प्रजापतिर्देवासुरानसृजत। स इन्द्रमपि नासृजत। तं देवा अब्रुवन्।
इन्द्रं नो जनयेति। सोऽब्रवीत्। यथाऽहं युष्मांस्तपसाऽसृक्षि। एवमिन्द्रं
जनयध्वमिति॥¹⁶॥

ते तपोऽतप्यन्त। त आत्मन्निन्द्रमपश्यन्। तमब्रुवन्। जायस्वेति। सोऽब्रवीत्। किं
भागधेयमभि जनिष्य इति। ऋतून्संवत्सरम्। प्रजाः पशून्। इमाँल्लोकानित्यब्रुवन्।
तं वै माऽऽहुत्या प्र जनयतेत्यब्रवीत्॥¹⁷॥

तश्चतुर्होत्रा प्राजनयन्। यः कामयेत् वीरो म आजयेतेति। स चतुर्होतारं
जुहुयात्। प्रजापतिर्वै चतुर्होता। प्रजापतिरेव भूत्वा प्रजायते। जजनदिन्द्रमिन्द्रियाय

स्वाहेति ग्रहेण जुहोति। आऽस्य वीरो जायते। वीरः हि देवा एतयाऽऽहुत्या प्राजंनयन्। आदित्याश्चाङ्गिरसश्च सुवर्गे लोकेऽस्पर्धन्त। वयं पूर्वं सुवर्गं लोकमियाम वयं पूर्वं इति॥¹⁸॥

त आदित्या एतं पञ्चहोतारमपश्यन्। तं पुरा प्रातरनुवाकादाग्नीध्रेऽजुहवुः। ततो वै ते पूर्वं सुवर्गं लोकमायन्। यः सुवर्गकामः स्यात्। स पञ्चहोतारं पुरा प्रातरनुवाकादाग्नीध्रे जुहुयात्। संवत्सरो वै पञ्चहोता। संवत्सरः सुवर्गो लोकः। संवत्सर एवर्तुषु प्रतिष्ठाय। सुवर्गं लोकमेति। तैऽब्रुवन्नङ्गिरस आदित्यान्॥¹⁹॥

क्व स्थ। क्व वः सद्भ्यो हव्यं वक्ष्याम इति। छन्दः स्त्रित्यब्रुवन्। गायत्रियान्तिष्ठुभि जगत्यामिति। तस्माच्छन्दः सु सद्भ्य आदित्येभ्यः। आङ्गिरसीः प्रजा हव्यं वहन्ति। वहन्त्यस्मै प्रजा बलिम्। ऐनमप्रतिख्यातं गच्छति। य एवं वेद। द्वादश मासाः पञ्चर्तवः। त्रयं इमे लोकाः। असावादित्य एकविंशः। एतस्मिन्वा एष श्रितः। एतस्मिन्प्रतिष्ठितः। य एवमेतः श्रितं प्रतिष्ठितं वेद। प्रत्येव तिष्ठति॥²⁰॥

स्यादिति संवत्सरो जनयध्वमितीत्यब्रवीत्पूर्वं इत्यादित्यानृतवृषद्व॥

[3]

प्रजापतिरकामयत् प्र जायेयेति। स एतं दहोतारमपश्यत्। तेन दशधाऽऽत्मानं विधाय। दशहोत्राऽतप्यत। तस्य चित्तिः सुगासीत्। चित्तमाज्यम्। तस्यैतावत्येव वागासीत्। एतावान् यज्ञक्रतुः। स चतुर्होतारमसृजत। सोऽनन्दत्॥²¹॥

असृक्षि वा इममिति। तस्य सामो हविरासीत्। स चतुर्होत्राऽतप्यत। सोऽताम्यत्। स भूरिति व्याहरत्। स भूमिमसृजत। अग्निहोत्रन्दर्शपूर्णमासौ यजूंषि। स द्वितीयमतप्यत। सोऽताम्यत्। स भुव इति व्याहरत्॥²²॥

सोऽन्तरिक्षमसृजत। चातुर्मास्यानि सामानि। स तृतीयमतप्यत। सोऽताम्यत्। स सुवरिति व्याहरत्। स दिवमसृजत। अग्निष्टोममुक्थ्यमतिरात्रमृचः। एता वै व्याहतय इमे लोकाः। इमान्खलु वै लोकाननु प्रजाः पशवश्छन्दांसि प्राजायन्त। य एवमेताः प्रजापतेः प्रथमा व्याहृतीः प्रजाता वेद॥²³॥

प्र प्रजयां पशुभिर्मिथुनैर्जायते। स पञ्चहोतारमसृजत। स हविर्नाविन्दत। तस्मै

सोमंस्तनुवं प्रायच्छत्। एतत्ते हविरिति। स पञ्चहोत्राऽतप्यत। सोऽताम्यत्। स प्रत्यङ्मुखाधत्। सोऽसुरानसृजत। तदस्याप्रियमासीत्॥²⁴॥

तदुर्वर्णः हिरण्यमभवत्। तदुर्वर्णस्य हिरण्यस्य जन्म। स द्वितीयमतप्यत। सोऽताम्यत्। स प्राङ्मुखाधत्। स देवानसृजत। तदस्य प्रियमासीत्। तत्सुवर्णः हिरण्यमभवत्। तत्सुवर्णस्य हिरण्यस्य जन्म। य एव सुवर्णस्य हिरण्यस्य जन्म वेद॥²⁵॥

सुवर्ण आत्मना भवति। दुर्वर्णोऽस्य भ्रातृव्यः। तस्मात्सुवर्णः हिरण्यं भार्यम्। सुवर्ण एव भवति। ऐनं प्रियङ्गच्छति नाप्रियम्। स सप्तहोतारमसृजत। स सप्तहोत्रैव सुवर्णं लोकमैत्। त्रिणवेन स्तोमेनैभ्यो लोकेभ्योऽसुरान्प्राणुदत्। त्रयस्त्रिंशेन प्रत्यतिष्ठत्। एकविंशेन रुचमधत्॥²⁶॥

सप्तदशेन प्राजायत। य एवं विद्वान्सोमेन यजते। सप्तहोत्रैव सुवर्णं लोकमैति। त्रिणवेन स्तोमेनैभ्यो लोकेभ्यो भ्रातृव्यान्प्राणुदत्। त्रयस्त्रिंशेन प्रत्यतिष्ठति। एकविंशेन रुचं धत्ते। सप्तदशेन प्र जायते। तस्मात्सप्तदशः स्तोमो न निरुह्यः। प्रजापतिर्वै सप्तदशः। प्रजापतिमेव मध्यतो धत्ते प्रजात्यै॥²⁷॥

अनन्दद्भुव इति व्याहं द्वेदांसीद्वेदाधत्त प्रजात्यै॥

[4]

देवा वै वरुणमयाजयन्। स यस्यैयस्यै देवतायै दक्षिणामनयत्। तामंल्लीनात्। तैऽब्रुवन्। व्यावृत्य प्रति गृह्णाम। तथा नो दक्षिणा न ह्येष्यतीति। ते व्यावृत्य प्रत्यंगृह्णन्। ततो वै तान्दक्षिणां नाल्लीनात्। य एवं विद्वान्व्यावृत्य दक्षिणां प्रतिगृह्णाति। नैनं दक्षिणां लीनाति॥²⁸॥

राजां वा वरुणो नयतु देवि दक्षिणेऽग्नये हिरण्यमित्याह। आग्नेयं वै हिरण्यम्। स्वयैवैनं देवतया प्रति गृह्णाति। सोमाय वास इत्याह। सौम्यं वै वासः। स्वयैवैनं देवतया प्रति गृह्णाति। रुद्राय गामित्याह। रौद्री वै गौः। स्वयैवैनां देवतया प्रतिगृह्णाति। वरुणायाश्चमित्याह॥²⁹॥

वारुणो वा अश्वः। स्वयैवैनं देवतया प्रतिगृह्णाति। प्रजापतये पुरुषमित्याह।

प्राजापत्यो वै पुरुषः। स्वयैवेन देवतया प्रति गृह्णाति। मनवे तल्पमित्याह। मानवो वै तल्पः। स्वयैवेन देवतया प्रति गृह्णाति। उत्तानायाङ्गीरसायान इत्याह। इयं वा उत्तान आङ्गीरसः॥³⁰॥

अनयैवेन प्रति गृह्णाति। वैश्वानर्यर्चा रथं प्रति गृह्णाति। वैश्वानरो वै देवतया रथः। स्वयैवेन देवतया प्रति गृह्णाति। तेनामृतत्वमश्यामित्याह। अमृतमेवात्मन्धत्ते। वयो दात्र इत्याह। वयं एवेन कृत्वा। सुवर्गं लोकं गमयति। मयो मह्यमस्तु प्रतिग्रहीत्र इत्याह॥³¹॥

यद्वै शिवम्। तन्मयः। आत्मन एवैषा परीतिः। क इदङ्कस्मां अदादित्याह। प्रजापतिर्वै कः। स प्रजापतये ददाति। कामः कामायेत्याह। कामेन हि ददाति। कामेन प्रतिगृह्णाति। कामो दाता कामः प्रतिग्रहीतेत्याह॥³²॥

कामो हि दाता। कामः प्रतिग्रहीता। कामः समुद्रमाविशेत्याह। समुद्र इव हि कामः। नेव हि कामस्यान्तोऽस्ति। न समुद्रस्य। कामेन वा प्रतिगृह्णामीत्याह। येन कामेन प्रतिगृह्णाति। स एवेनमुष्मिल्लोके काम आगच्छति। कामैतत्त एषा ते काम दक्षिणेत्याह। काम एव तदजमानोऽमुष्मिल्लोके दक्षिणामिच्छति। न प्रतिग्रहीतरि। य एवं विद्वान्दक्षिणां प्रतिगृह्णाति। अनृणामेवेनां प्रति गृह्णाति॥³³॥

ङ्गीनात्यश्वमित्याहाङ्गीरसः प्रतिग्रहीत्र इत्याह प्रतिग्रहीतेत्याह दक्षिणेत्याह चत्वारि च॥ [5]

अन्तो वा एष यज्ञस्य। यदशममहः। दशमेऽहन्त्सर्पराज्ञिया ऋग्भिः स्तुवन्ति। यज्ञस्यैवान्तङ्गत्वा। अन्नाद्यमव रुन्धते। तिसृभिः स्तुवन्ति। त्रयं इमे लोकाः। एभ्य एव लोकेभ्योऽन्नाद्यमव रुन्धते। पृश्निवतीर्भवन्ति। अन्नं वै पृश्नि॥³⁴॥

अन्नमेवाव रुन्धते। मनसा प्रस्तौति। मनसोद्गायति। मनसा प्रति हरति। मन इव हि प्रजापतिः। प्रजापतेराप्त्यै। देवा वै सर्पाः। तेषामियं राज्ञी। यत्सर्पराज्ञिया ऋग्भिः स्तुवन्ति। अस्यामेव प्रति तिष्ठन्ति॥³⁵॥

चतुर्होतृन् होता व्याचष्टे। स्तुतमनुशंसति शान्त्यै। अन्तो वा एष यज्ञस्य। यदशममहः। एतत्खलु वै देवानां परमङ्गुह्यं ब्रह्म। यच्चतुर्होतारः। दशमेऽहः

श्चतुर्होतृन्व्याचष्टे। यज्ञस्यैवान्तङ्गत्वा। परमं देवानां गुह्यं ब्रह्माव रुन्धे। तदेव प्रकाशं गमयति॥³⁶॥

तदेनं प्रकाशङ्गतम्। प्रकाशं प्रजानाङ्गमयति। वाचं यच्छति। यज्ञस्य धृत्यै। यजमानदेवत्यं वा अहः। भ्रातृव्यदेवत्यां रात्रिः। अह्ना रात्रिन्ध्यायेत्। भ्रातृव्यस्यैव तल्लोकं वृङ्क्ते। यद्विवा वाचं विसृजेत्। अहर्भ्रातृव्यायोच्छिषेत्। यन्नक्तं विसृजेत्। रात्रिं भ्रातृव्यायोच्छिषेत्। अधिवृक्षसूर्ये वाचं विसृजति। एतावन्तमेवास्मै लोकमुच्छिषति। यावदादित्योऽस्तमेति॥³⁷॥

पृश्निं तिष्ठन्ति गमयति शिषेत्पञ्च च॥

[6]

प्रजापतिः प्रजा असृजत। ताः सृष्टाः समंश्लिष्यन्। ता रूपेणानुप्राविशत्। तस्मादाहुः। रूपं वै प्रजापतिरिति। ता नाम्नाऽनु प्राविशत्। तस्मादाहुः। नाम्ना वै प्रजापतिरिति। तस्मादप्यामित्रौ सङ्गत्य। नाम्ना चेद्वयेते॥³⁸॥

मित्रमेव भवतः। प्रजापतिर्देवासुरानसृजत। स इन्द्रमपि नासृजत। तं देवा अब्रुवन्। इन्द्रं नो जनयेति। स आत्मन्निन्द्रमपश्यत्। तमसृजत। तन्निष्टुग्वीर्यं भूत्वाऽनु प्राविशत्। तस्य वज्रः पञ्चदशो हस्त आपद्यत। तेनोदय्यासुरानभ्यभवत्॥³⁹॥

य एवं वेद। अभि भ्रातृव्यान्भवति। ते देवा असुरैर्विजित्य। सुवर्गं लोकमायन्। तेऽमुष्मिँल्लोके व्यक्षुध्यन्। तेऽब्रुवन्। अमृतं प्रदानं वा उपजिजीविमेति। ते सप्तहोतारं यज्ञं विधायायास्यम्। आङ्गीरसं प्राहिण्वन्। एतेनामुत्र कल्पयेति॥⁴⁰॥

तस्य वा इयङ्क्लृप्तिः। यदिदङ्किं च। य एवं वेद। कल्पतेऽस्मै। स वा अयं मनुष्येषु यज्ञः सप्तहोता। अमुत्र सद्भ्यो देवेभ्यो हव्यं वहति। य एवं वेद। उपैनं यज्ञो नमति। सोऽमन्यत। अभि वा इमेऽस्माल्लोकादमुं लोकं कमिष्यन्त इति। स वाचस्पते हृदिति व्याहरत्। तस्मात्पुत्रो हृदयम्। तस्मादस्माल्लोकादमुं लोकन्नाभि कामयन्ते। पुत्रो हि हृदयम्॥⁴¹॥

ह्वयेते अभवत्कल्पयेतीति चत्वारि च॥

[7]

दे॒वा वै च॒तुर्हो॒तृभि॒र्यज्ञ॑म॒तन्व॑त। ते वि पा॒प्मना॒ भ्रातृ॑व्ये॒णाज॑यन्त। अ॒भि सु॒वर्गं
लो॒कम॑जयन्। य ए॒वं वि॒द्वाश्च॒तुर्हो॒तृभि॒र्यज्ञ॑न्त॒नुते॑। वि पा॒प्मना॒ भ्रातृ॑व्ये॒ण ज॑यते।
अ॒भि सु॒वर्गं लो॒कं ज॑यति। षड्ढो॑त्रा प्राय॒णीय॑मा सा॒दय॑ति। अ॒मुष्मे॒ वै लो॒काय॑
षड्ढो॑ता। घ्नन्ति॒ खलु॒ वा ए॒तत्सो॒मम्। यद॑भिषु॒ण्वन्ति॑॥⁴²॥

ऋ॒जुधै॒वैन॑म॒मुं लो॒कं ग॑मयति। च॒तुर्हो॒त्राऽऽति॑थ्यम्। य॒शो वै च॒तुर्हो॒ता। य॒शं
ए॒वात्म॑न्ध॒त्ते। प॒ञ्चहो॒त्रा प॒शुमु॑प॒साद॑यति। सु॒वर्ग्यो॑ वै प॒ञ्चहो॒ता। यज॑मानः प॒शुः।
यज॑मानमे॒व सु॒वर्गं लो॒कं ग॑मयति। ग्रहा॑न्गृही॒त्वा स॒प्तहो॑तारं जुहोति। इ॒न्द्रियं॒ वै
स॒प्तहो॑ता॥⁴³॥

इ॒न्द्रिय॑मे॒वात्म॑न्ध॒त्ते। यो वै च॒तुर्हो॒तृननु॑स॒वन॑न्त॒र्पय॑ति। तृ॒प्यति॑ प्र॒जया॑ प॒शुभिः॑।
उ॒पैन॑ सोमपी॒थो न॑मति। ब॒हिष्प॒वमा॑ने द॒शहो॑तारं व्याच॑क्षीत। मा॒ध्यं दि॒ने
प॒वमा॑ने च॒तुर्हो॑तारम्। आ॒र्भवे॒ पव॑माने प॒ञ्चहो॑तारम्। पि॒तृय॒ज्ञे षड्ढो॑तारम्।
य॒ज्ञाय॒ज्ञिय॑स्य स्तो॒त्रे स॒प्तहो॑तारम्। अ॒नुस॒वन॑मे॒वैना॑स्त॒र्पय॑ति॥⁴⁴॥

तृ॒प्यति॑ प्र॒जया॑ प॒शुभिः॑। उ॒पैन॑ सोमपी॒थो न॑मति। दे॒वा वै च॒तुर्हो॒तृभिः॑
स॒त्रमा॑सत। ऋ॒द्धि॒परि॑मितं य॒शस्कामाः॑। तै॒ऽब्रु॑वन्। यन्नः प्रथ॒मं य॒शं ऋ॒च्छात्।
सर्वे॑षान्नस्तत्स॒हास॑दिति। सोमश्च॒तुर्हो॒त्रा। अ॒ग्निः प॒ञ्चहो॒त्रा। धा॒ता षड्ढो॑त्रा॥⁴⁵॥

इ॒न्द्रः स॒प्तहो॑त्रा। प्र॒जाप॑तिर्द॒शहो॒त्रा। तेषा॑ सोम॒ राजा॑नं य॒शं आ॑र्च्छत्।
तन्न्य॑कामयत्। तेनापा॑क्रामत्। तेन॑ प्र॒लाय॑मचरत्। तं दे॒वाः प्रैषैः॑ प्रैष॑मैच्छन्।
तत्प्रैषा॑णां प्रैष॒त्वम्। नि॒विद्भि॒र्यवे॑दयन्। तन्नि॒विदा॑न्नि॒विच्च॑म्॥⁴⁶॥

आ॒प्रीभि॑राप्नुवन्। तदा॒प्रीणा॑माप्रि॒त्वम्। तम॑घ्नन्। तस्य॒ यशो॑ व्य॑गृह्णत। ते ग्रहा॑
अभवन्। तद्ग्रहा॑णाङ्ग॒ह॒त्वम्। यस्यै॒वं वि॒दुषो॑ ग्रहा॑ गृह्यन्तै॑। तस्य॒ त्वैव॑ गृही॒ताः।
तै॒ऽब्रु॑वन्। यो वै नः॒ श्रेष्ठो॑ऽभूत्॥⁴⁷॥

तम॑वधिष्म। पुन॑रि॒मं सु॒वाम॑हा इति। तञ्छ॒न्दो॑भिरसुवन्त। तच्छ॒न्दसाञ्छ॒न्दस्त्व॑म्।
साम्ना॒ समान॑यन्। तत्साम्नः॑ साम॒त्वम्। उ॒क्थैरु॑द॒स्थाप॑यन्। तदु॒क्थाना॑मु॒क्थ॒त्वम्। य
ए॒वं वेद॑। प्रत्ये॒व ति॑ष्ठति॥⁴⁸॥

सर्वमायुरेति। सोमो वै यशः। य एवं विद्वान्सोममागच्छति। यश एवैनमृच्छति।
तस्मादाहुः। यश्चैवं वेद यश्च न। तावुभौ सोममागच्छतः। सोमो हि यशः। तन्वाऽव
यश ऋच्छतीत्याहुः। यः सोमे सोमं प्राहेति। तस्मात्सोमे सोमः प्रोच्यः। यश
एवैनमृच्छति॥⁴⁹॥

अभिपुण्वन्ति सप्तहोता तर्पयति षड्विंश निविचमभूतिष्ठति प्राहेति द्वे च॥

[8]

इदं वा अग्रे नैव किं च नासीत्। न द्यौरासीत्। न पृथिवी। नान्तरिक्षम्।
तदसदेव सन्मनोऽकुरुत स्यामिति। तदतप्यत। तस्मात्तेपानाद्धूमोऽजायत।
तद्भूयोऽतप्यत। तस्मात्तेपानादग्निर्जायत। तद्भूयोऽतप्यत॥⁵⁰॥

तस्मात्तेपानाज्योतिर्जायत। तद्भूयोऽतप्यत। तन्मात्तेपानादर्चिर्जायत।
तद्भूयोऽतप्यत। तस्मात्तेपानान्मरीचयोऽजायन्त। तद्भूयोऽतप्यत। तस्मात्तेपानादुदारा
अजायन्त। तद्भूयोऽतप्यत। तदभ्रमिव समहन्यत। तद्वस्तिमभिनत्॥⁵¹॥

स समुद्रोऽभवत्। तस्मात्समुद्रस्य न पिबन्ति। प्रजननमिव हि मन्यन्ते।
तस्मात्प्रशोर्जायमानादापः पुरस्तादन्ति। तद्वशहोताऽन्वसृज्यत। प्रजापतिर्वै
दशहोता। य एवन्तपसो वीर्यं विद्वांस्तप्यते। भवत्येव। तद्वा इदमापः
सलिलमासीत्। सोऽरोदीत्प्रजापतिः॥⁵²॥

स कस्मा अज्ञि। यद्यस्या अप्रतिष्ठाया इति। यदप्स्ववापद्यत। सा पृथिव्यभवत्।
यद्वमृष्ट। तदन्तरिक्षमभवत्। यदूर्ध्वमुदमृष्ट। सा द्यौरभवत्। यदरोदीत्। तदनयो
रोदस्त्वम्॥⁵³॥

य एवं वेद। नास्य गृहे रुदन्ति। एतद्वा एषां लोकानां जन्म। य एवमेषां लोकानां
जन्म वेद। नैषु लोकेष्वार्तिमाच्छति। स इमां प्रतिष्ठामविन्दत। स इमां प्रतिष्ठां
विद्वाऽकामयत् प्रजायेयेति। स तपोऽतप्यत। सोऽन्तर्वानभवत्। स
जघनादसुरानसृजत॥⁵⁴॥

तेभ्यो मृन्मये पात्रेऽन्नमदुहत्। याऽस्य सा तनूरासीत्। तामपाहत। सा
तमिस्राऽभवत्। सोऽकामयत् प्रजायेयेति। स तपोऽतप्यत। सोऽन्तर्वानभवत्। स

प्र॒जन॑नादे॒व प्र॒जा अ॑सृजत। तस्मा॑दि॒मा भूयि॑षाः। प्र॒जन॑ना॒द्धेना॒ असृ॑जत॥⁵⁵॥

ताभ्यो॑ दा॒रुम॑ये पात्रे॒ पयो॑ऽदुहत्। याऽस्य॒ सा त॒नूरासी॑त्। तामपा॑हत। सा
जोत्स्ना॑ऽभवत्। सोऽका॑मयत् प्रजा॑येयेति॑। स तपो॑ऽतप्यत। सोऽन्त॑र्वा॒नभवत्। स
उप॑पक्षाभ्या॑मेव॒तून॑सृजत। तेभ्यो॑ रज॒ते पात्रे॑ घृ॒तम॑दुहत्। याऽस्य॒ सा
त॒नूरासी॑त्॥⁵⁶॥

तामपा॑हत। सोऽहो॑रा॒त्रयोः॑ स॒न्धिर्भवत्। सोऽका॑मयत् प्रजा॑येयेति॑। स
तपो॑ऽतप्यत। सोऽन्त॑र्वा॒नभवत्। स मुखा॑द्दे॒वान॑सृजत। तेभ्यो॑ हरि॑ते पात्रे
सोम॑मदुहत्। याऽस्य॒ सा त॒नूरासी॑त्। तामपा॑हत। तदह॑रभवत्॥⁵⁷॥

ए॒ते वै प्र॒जाप॑ते॒र्दोहाः॑। य ए॒वं वेद॑। दु॒ह ए॒व प्र॒जाः। दि॒वा वै नो॑ऽभू॒दिति॑।
तद्दे॒वाना॑न्दे॒वत्वं॑। य ए॒वं दे॒वाना॑ दे॒वत्वं॑ वेद॑। दे॒ववा॑ने॒व भ॑वति। ए॒तद्वा अ॑हो॒रात्रा॑णां
जन्म॑। य ए॒वम॑हो॒रात्रा॑णां जन्म॑ वेद॑। नाहो॑रा॒त्रेष्वर्ति॑मा॒र्च्छति॥⁵⁸॥

अस॒तोऽधि॒ मनो॑ऽसृज्यत। मनः॑ प्र॒जाप॑तिमसृजत। प्र॒जाप॑तिः प्र॒जा अ॑सृजत।
तद्वा इ॒दं मन॑स्ये॒व प॑र॒मं प्र॑ति॒ष्ठित॑म्। यदि॑दङ्किं च॑। तदे॒तच्छ्वो॑वस्यसन्नाम ब्र॒ह्म।
व्यु॒च्छन्ती॑व्यु॒च्छन्त्य॑स्मै वस्य॑सीवस्यसी व्यु॒च्छति॑। प्रजा॑यते प्र॒जया॑ प॒शुभिः॑। प्र
प॑र॒मे॒ष्ठिनो॒ मात्रा॑माप्नोति। य ए॒वं वेद॑॥⁵⁹॥

अ॒ग्नि॒रजा॑यत तद्भूयो॑ऽतप्यताभि॒नद॑रोदी॒त्यजा॑प॒तीरो॑द॒स्वम॑सृजतासृजत घृ॒तम॑दुह॒त्याऽस्य॒ सा त॒नूरासी॑दह॑रभवद॒च्छति॑ वेदं (इ॒दं धूमो॑ऽग्नि॒ज्योति॑र॒र्चिर्म॑रीचय
उदा॑रास्तद॒ब्धं स ज॑घना॒त्सा तमि॑सा स प्र॒जन॑ना॒त्सा जो॒त्स्ना स उप॑पक्षाभ्या॒ः सोऽहो॑रा॒त्रयोः॑ स॒न्धिः स मुखा॑त्तदह॑र्दे॒वाना॑न्मृ॒न्मये॑ दा॒रुम॑ये रज॒ते हरि॑ते
तेभ्य॑स्ताभ्यो द्वे तेऽन्नं॑ पयो॑ घृ॒तं सोम॑म्॥)॥

[9]

प्र॒जाप॑तिरि॒न्द्रम॑सृजतानुजा॒वरं॑ दे॒वाना॑म्। तं प्राहि॑णोत्। प॒रेहि॑। ए॒तेषां
दे॒वाना॑मधि॒पति॑रे॒धीति॑। तं दे॒वा अ॑ब्रुवन्। कस्त्व॑मसि॑। वयं॑ वै त्वच्छे॒याश्च॑ स्म
इति॑। सोऽब्र॑वीत्। कस्त्व॑मसि॑ वयं॑ वै त्वच्छे॒याश्च॑ स्म इति॑ मा दे॒वा अ॑वोचं
नि॒ति। अथ॒ वा इ॒दन्त॑र्हि प्र॒जाप॑तौ ह॒र आसी॑त्॥⁶⁰॥

यद॒स्मिन्ना॑दि॒त्ये। तदे॑नमब्रवीत्। ए॒तन्मे॒ प्रय॑च्छ। अथा॒हमे॒तेषां
दे॒वाना॑मधि॒पति॑र्भविष्यामीति॑। कोऽहं॑ स्या॒मित्य॑ब्रवीत्। ए॒तत्प्र॒दायेति॑। ए॒तत्स्या॒
इत्य॑ब्रवीत्। यदे॒तद्ब्र॑वी॒षीति॑। को ह॒ वै ना॑म प्र॒जाप॑तिः। य ए॒वं वेद॑॥⁶¹॥

विदुरे॑न॒नाम्ना॑। तद॑स्मै रु॒क्मं कृ॒त्वा प्रत्य॑मु॒धत्। ततो॑ वा इन्द्रो॑
दे॒वाना॑मधि॒पति॑रभवत्। य ए॒वं वेद॑। अधि॑पतिरे॒व संमा॑नाना॑ भवति। सोऽम॑न्यत।
किङ्कि॑ वा अ॒कर॒मिति॑। स च॒न्द्रं म॒ आह॑रेति॒ प्राल॑पत्। तच्च॒न्द्रम॑सश्चन्द्रम॒स्त्वम्। य
ए॒वं वेद॑॥⁶²॥

च॒न्द्रवा॑ने॒व भ॑वति। तं दे॒वा अ॑ब्रुवन्। सु॒वीर्यो॑ मर्या॒ यथा॑ गोपा॒यत॒ इति॑। तत्सूर्य॑स्य
सूर्य॑त्वम्। य ए॒वं वेद॑। नैन॑न्दभ्रोति। कश्च॒ नास्मि॑न्वा इ॒दमिन्द्रि॑यं प्रत्य॑स्था॒दिति॑।
तदिन्द्र॑स्येन्द्रत्वम्। य ए॒वं वेद॑। इन्द्रि॒याव्ये॑व भ॑वति॥⁶³॥

अ॒यं वा इ॒दं प॑र॒मोऽभू॑दिति॑। तत्प॑रमे॒ष्ठिनः॑ परमे॒ष्ठित्व॑म्। य ए॒वं वेद॑। प॒रमा॑मे॒व
का॒ष्ठा ग॑च्छति। तं दे॒वाः संम॑न्तं पर्य॑विशन्। वस॑वः पुर॒स्तात्। रु॒द्रा दक्षि॑णतः।
आ॒दि॒त्याः प॒श्चात्। वि॒श्वे दे॒वा उ॑त्तर॒तः। अ॒ङ्गिर॑सः प्रत्य॑श्चम्॥⁶⁴॥

सा॒ध्याः प॑रा॒श्चम्। य ए॒वं वेद॑। उपै॑न॒ः संमा॑नाः संवि॑शन्ति। स प्र॒जाप॑तिरे॒व भू॒त्वा
प्र॒जा आ॑व॒यत्। ता अ॑स्मै नाति॑ष्ठन्तान्नाद्या॑य। ता मुखं॑ पुर॒स्तात्पश्य॑न्तीः। दक्षि॑णतः
पर्या॑यन्। स दक्षि॑णतः पर्य॑वर्तयत। ता मुखं॑ पुर॒स्तात्पश्य॑न्तीः। मुखं॑न्दक्षि॑णतः॥⁶⁵॥

प॒श्चात्पर्या॑यन्। स प॒श्चात्पर्य॑वर्तयत। ता मुखं॑ पुर॒स्तात्पश्य॑न्तीः। मुखं॑न्दक्षि॑णतः।
मुखं॑ प॒श्चात्। उ॒त्तर॒तः पर्या॑यन्। स उ॒त्तर॒तः पर्य॑वर्तयत। ता मुखं॑ पुर॒स्तात्पश्य॑न्तीः।
मुखं॑न्दक्षि॑णतः। मुखं॑ प॒श्चात्॥⁶⁶॥

मुखं॑मुत्तर॒तः। ऊ॒र्ध्वा उदा॑यन्। स उप॑रि॒ष्टान्य॑वर्तयत। ताः सर्व॑तो॒मुखो
भू॒त्वाऽऽव॑यत्। ततो॑ वै तस्मै॑ प्र॒जा अति॑ष्ठन्तान्नाद्या॑य। य ए॒वं वि॒द्वान्परि॑ च व॒र्तय॑ते
नि च॑। प्र॒जाप॑तिरे॒व भू॒त्वा प्र॒जा अ॑त्ति। तिष्ठ॑न्तेऽस्मै प्र॒जा अ॒न्नाद्या॑य। अ॒न्नाद॑ ए॒व
भव॑ति॥⁶⁷॥

आसीद्वेदं चन्द्रमस्त्वं य ए॒वं वेदैन्द्रि॒याव्ये॑व भ॑वति प्रत्य॑श्च॒ मुखं॑न्दक्षि॑णतो॒ मुखं॑ प॒श्चान्न॑व च॥^[10]

प्र॒जाप॑तिरकामयत ब॒होर्भूया॑न्त्स्यामिति॑। स ए॒तं द॑होतारमपश्यत्। तं प्रायु॑ङ्क्त। तस्य॒
प्रयु॑क्ति ब॒होर्भूया॑नभवत्। यः का॒मये॑त ब॒होर्भूया॑न्त्स्यामिति॑। स दश॑होतारं प्रयु॑ञ्जीत।
ब॒होरे॒व भूया॑न्भवति। सोऽका॑मयत वी॒रो म॒ आजा॑येतेति॑। स दश॑होतुश्चतु॑र्होतारं

निरमिमीत। तं प्रायुङ्क्त॥⁶⁸॥

तस्य प्रयुक्तीन्द्रोऽजायत। यः कामयेत वीरो म आजायेतेति। स चतुर्होतारं प्रयुञ्जीत। आऽस्य वीरो जायते। सोऽकामयत पशुमान्स्यामिति। स चतुर्होतुः पञ्चहोतारं निरमिमीत। तं प्रायुङ्क्त। तस्य प्रयुक्ति पशुमानभवत्। यः कामयेत पशुमान्स्यामिति। स पञ्चहोतारं प्रयुञ्जीत॥⁶⁹॥

पशुमानेव भवति। सोऽकामयतर्तवो मे कल्पेरन्निति। स पञ्चहोतुः षड्होतारं निरमिमीत। तं प्रायुङ्क्त। तस्य प्रयुक्त्युतवोऽस्मा अकल्पन्त। यः कामयेतर्तवो मे कल्पेरन्निति। स षड्होतारं प्रयुञ्जीत। कल्पन्तेऽस्मा ऋतवः। सोऽकामयत सोमपः सोमयाजी स्याम्। आ मे सोमपः सोमयाजी जायेतेति॥⁷⁰॥

स षड्होतुः सप्तहोतारं निरमिमीत। तं प्रायुङ्क्त। तस्य प्रयुक्ति सोमपः सोमयाज्यभवत्। आऽस्य सोमपः सोमयाज्यजायत। यः कामयेत सोमपः सोमयाजी स्याम्। आ मे सोमपः सोमयाजी जायेतेति। स सप्तहोतारं प्रयुञ्जीत। सोमप एव सोमयाजी भवति। आऽस्य सोमपः सोमयाजी जायते। स वा एष पशुः पञ्चधा प्रतितिष्ठति॥⁷¹॥

पद्भिर्मुखेन। ते देवाः पशून् विद्वा। सुवर्गं लोकमायन्। तेऽमुष्मिँल्लोके व्यक्षुध्यन्। तेऽब्रुवन्। अमुतः प्रदानं वा उपजिजीविमेति। ते सप्तहोतारं यज्ञं विधायायास्यम्। आङ्गीरसं प्राहिण्वन्। एतेनामुत्र कल्पयेति। तस्य वा इयङ्क्लृप्तिः॥⁷²॥

यदिदङ्किं च। य एवं वेद। कल्पतेऽस्मै। स वा अयं मनुष्येषु यज्ञः सप्तहोता। अमुत्र सद्भ्यो देवेभ्यो हव्यं वहति। य एवं वेद। उपैनं यज्ञो नमति। यो वै चतुर्होतृणां निदानं वेद। निदानवानभवति। अग्निहोत्रं वै दशहोतुर्निदानम्। दर्शपूर्णमासौ चतुर्होतुः। चातुर्मास्यानि पञ्चहोतुः। पशुबन्धषड्होतुः। सौम्योऽध्वरः सप्तहोतुः। एतद्वै चतुर्होतृणां निदानम्। य एवं वेद। निदानवानभवति॥⁷³॥

अमिमीत तं प्रायुङ्क्त पञ्चहोतारं प्र युञ्जीत जायेतेति तिष्ठति क्लृप्तिर्दशहोतुर्निदानं सप्त च॥ [11]

प्रजापतिरकामयत प्रजाः सृजेयेति प्रजापतिरकामयत दर्शपूर्णमासौ सृजेयेति प्रजापतिरकामयत प्रजायेयेति स तपः स त्रिवृतं प्रजापतिरकामयत दशहोतारं तेन दशधाऽऽत्मानं देवा वै वरुणमन्तो वै प्रजापतिस्ताः सृष्टाः समश्लिष्यं देवा वै चतुर्होतृभिरिदं वा

अ॒ग्रे प्र॒जाप॑तिरिन्द्रं प्र॒जाप॑तिरकामयत ब॒होर्भू॒या॒नेका॑दश॥¹¹॥

प्र॒जाप॑तिस्तद्ग॒हस्य॑ प्र॒जाप॑तिरकामयतानये॒वैन॑त्तस्य वा इ॒यं क्लृ॑प्तिस्तस्मा॑त्तेपा॒नाञ्ज्योति॑र्यद॒स्मिन्ना॑दित्ये स षड्भू॑तुः
स॒प्तहो॑तार॒न्नि॒स॒प्ततिः॥⁷³॥

प्र॒जाप॑तिरकामयत नि॒दान॑वान्भवति॥

हरिः॑ ॐ॥

॥इति श्रीकृष्णयजुर्वेदीयतैत्तिरीयब्राह्मणे द्वितीयाष्टके द्वितीयः प्रपाठकः समाप्तः॥

॥तृतीयः प्रश्नः॥

॥तैत्तिरीयब्राह्मणे द्वितीयाष्टके तृतीयः प्रपाठकः॥

ब्रह्मवादिनो वदन्ति। किञ्चतुर्होतृणाञ्चतुर्होतृत्वमिति। यदेवेषु चतुर्धा होतारः। तेन चतुर्होतारः। तस्माच्चतुर्होतार उच्यन्ते। तच्चतुर्होतृणाञ्चतुर्होतृत्वम्। सोमो वै चतुर्होता। अग्निः पञ्चहोता। धाता षड्होता। इन्द्रः सप्तहोता॥¹॥

प्रजापतिर्दशहोता। य एवञ्चतुर्होतृणामृद्धिं वेद। ऋध्नोत्येव। य एषामेवं बन्धुतां वेद। बन्धुमान्भवति। य एषामेवं कल्पिं वेद। कल्पतेऽस्मै। य एषामेवमायतनं वेद। आयतनवान्भवति। य एषामेवं प्रतिष्ठां वेद॥²॥

प्रत्येव तिष्ठति। ब्रह्मवादिनो वदन्ति। दशहोता चतुर्होता। पञ्चहोता षड्होता सप्तहोता। अथ कस्माच्चतुर्होतार उच्यन्त इति। इन्द्रो वै चतुर्होता। इन्द्रः खलु वै श्रेष्ठो देवतानामुपदेशनात्। य एवमिन्द्रः श्रेष्ठं देवतानामुपदेशनाद्वेद। वसिष्ठः समानानां भवति। तस्माच्छ्रेष्ठमायन्तं प्रथमेनैवानु बुध्यन्ते। अयमागन्। अयमवासादिति। कीर्तिरस्य पूर्वाऽऽगच्छति जनतामायतः। अथो एनं प्रथमेनैवानु बुध्यन्ते। अयमागन्। अयमवासादिति॥³॥

सप्तहोता प्रतिष्ठां वेदं बुध्यन्ते षड्॥

[1]

दक्षिणां प्रतिग्रहीष्यन्सप्तदशकृत्वोऽपान्यात्। आत्मानमेव समिन्धे। तेजसे वीर्याय। अथो प्रजापतिरेवैनां भूत्वा प्रति गृह्णाति। आत्मनोऽनात्यै। यदेनमार्बिज्याद्धृतं सन्तं निर्हरेरन्। आग्नीध्रे जुहुयादशहोतारम्। चतुर्गृहीतेनाज्येन। पुरस्तात्प्रत्यङ्गिष्ठन्। प्रतिलोमं विग्राहम्॥⁴॥

प्राणानेवास्योप दासयति। यदेनं पुनरुप शिक्षेयुः। आग्नीध्र एव जुहुयादशहोतारम्। चतुर्गृहीतेनाज्येन। पश्चात्प्राडासीनः। अनुलोममविग्राहम्। प्राणानेवास्मै कल्पयति। प्रायश्चित्ती वाग्धोतेत्यृतुमुखऋतुमुखे जुहोति। ऋतूनेवास्मै कल्पयति। कल्पन्तेऽस्मा ऋतवः॥⁵॥

क्लृप्ता अस्मा ऋतव आयन्ति। षड्भूता वै भूत्वा प्रजापतिरिदं सर्वमसृजत। स मनोऽसृजत। मनसोऽधि गायत्रीमसृजत। तद्गायत्रीं यश आर्च्छत्। तामाऽलभत। गायत्रिया अधि छन्दांस्यसृजत। छन्दोभ्योऽधि सामं। तत्सामं यश आर्च्छत्। तदाऽलभत॥६॥

साम्नोऽधि यजूंष्यसृजत। यजुभ्योऽधि विष्णुम्। तद्विष्णुं यश आर्च्छत्। तमाऽलभत। विष्णोरध्योषधीरसृजत। ओषधीभ्योऽधि सोमम्। तत्सोमं यश आर्च्छत्। तमाऽलभत। सोमादधि पशूनसृजत। पशुभ्योऽधीन्द्रम्॥७॥

तदिन्द्रं यश आर्च्छत्। तदेनन्नाति प्राच्यवत। इन्द्र इव यशस्वी भवति। य एवं वेद। नैनं यशोऽति प्रच्यवते। यद्वा इदङ्गि च। तत्सर्वमुत्तान एवाङ्गीरसः प्रत्यगृह्णात्। तदेनं प्रतिगृहीतन्नाहिनत्। यत्किं च प्रतिगृहीयात्। तत्सर्वमुत्तानस्वाङ्गीरसः प्रतिगृह्णत्वित्येव प्रतिगृहीयात्। इयं वा उत्तान आङ्गीरसः। अनयैवेनत्प्रति गृह्णाति। नैनं हिनस्ति। बर्हिषा प्रतीयाद्वा वाऽश्वं वा। एतद्वै पशूनां प्रियं धाम। प्रियेणैवेनं धाम्ना प्रत्येति॥८॥

विग्राहमृतवस्तदाऽलभतेन्द्रं गृहीयात्पदं॥ [2]

यो वा अविद्वान्निवर्तयते। विशीर्षा सपाप्माऽमुष्मिल्लोके भवति। अथ यो विद्वान्निवर्तयते। सशीर्षा विपाप्माऽमुष्मिल्लोके भवति। देवता वै सप्त पुष्टिकामा न्यवर्तयन्त। अग्निश्च पृथिवी च। वायुश्चान्तरिक्षं च। आदित्यश्च द्यौश्च चन्द्रमाः। अग्निर्यवर्तयत। स साहस्रमपुष्यत्॥९॥

पृथिवी न्यवर्तयत। सौषधीभिर्वनस्पतिभिरपुष्यत्। वायुर्यवर्तयत। स मरीचीभिरपुष्यत्। अन्तरिक्षं न्यवर्तयत। तद्वयोभिरपुष्यत्। आदित्यो न्यवर्तयत। स रश्मिभिरपुष्यत्। द्यौर्यवर्तयत। सा नक्षत्रैरपुष्यत्। चन्द्रमा न्यवर्तयत। सौऽहोरात्रैरर्धमासैर्मासैर्ऋतुभिः संवत्सरेणापुष्यत्। तान्योषान्पुष्यति। यांस्तेऽपुष्यन्। य एवं विद्वान्नि च वर्तयते परि च॥१०॥

अपुष्यन्नक्षत्रैरपुष्यत्यश्वं च॥ [3]

तस्य वा अग्नेर्हिरण्यं प्रतिजग्रहुषः। अर्धमिन्द्रियस्यापाक्रामत्। तदेतेनैव
प्रत्यगृह्णात्। तेन वै सोऽर्धमिन्द्रियस्यात्मन्नुपाधत्त। अर्धमिन्द्रियस्यात्मन्नुपाधत्ते। य
एवं विद्वान् हिरण्यं प्रतिगृह्णाति। अथ योऽविद्वान्प्रति गृह्णाति। अर्धमस्येन्द्रियस्याप
क्रामति। तस्य वै सोमस्य वासः प्रतिजग्रहुषः। तृतीयमिन्द्रियस्यापाक्रामत्॥¹¹॥

तदेतेनैव प्रत्यगृह्णात्। तेन वै स तृतीयमिन्द्रियस्यात्मन्नुपाधत्त।
तृतीयमिन्द्रियस्यात्मन्नुपाधत्ते। य एवं विद्वान् वासः प्रतिगृह्णाति। अथ योऽविद्वान्प्रति
गृह्णाति। तृतीयमस्येन्द्रियस्याप क्रामति। तस्य वै रुद्रस्य गां प्रतिजग्रहुषः।
चतुर्थमिन्द्रियस्यापाक्रामत्। तामेतेनैव प्रत्यगृह्णात्। तेन वै स
चतुर्थमिन्द्रियस्यात्मन्नुपाधत्त॥¹²॥

चतुर्थमिन्द्रियस्यात्मन्नुपाधत्ते। य एवं विद्वान्गां प्रतिगृह्णाति। अथ
योऽविद्वान्प्रतिगृह्णाति। चतुर्थमस्येन्द्रियस्याप क्रामति। तस्य वै वरुणस्याश्वं
प्रतिजग्रहुषः। पञ्चममिन्द्रियस्यापाक्रामत्। तमेतेनैव प्रत्यगृह्णात्। तेन वै स
पञ्चममिन्द्रियस्यात्मन्नुपाधत्त। पञ्चममिन्द्रियस्यात्मन्नुपाधत्ते। य एवं विद्वानश्वं
प्रतिगृह्णाति॥¹³॥

अथ योऽविद्वान्प्रतिगृह्णाति। पञ्चममस्येन्द्रियस्याप क्रामति। तस्य वै प्रजापतेः पुरुषं
प्रतिजग्रहुषः। षष्ठमिन्द्रियस्यापाक्रामत्। तमेतेनैव प्रत्यगृह्णात्। तेन वै स
षष्ठमिन्द्रियस्यात्मन्नुपाधत्त। षष्ठमिन्द्रियस्यात्मन्नुपाधत्ते। य एवं विद्वान्पुरुषं
प्रतिगृह्णाति। अथ योऽविद्वान्प्रतिगृह्णाति। षष्ठमस्येन्द्रियस्याप क्रामति॥¹⁴॥

तस्य वै मनोस्तल्पं प्रतिजग्रहुषः। सप्तममिन्द्रियस्यापाक्रामत्। तमेतेनैव
प्रत्यगृह्णात्। तेन वै स सप्तममिन्द्रियस्यात्मन्नुपाधत्त। सप्तममिन्द्रियस्यात्मन्नुपाधत्ते।
य एवं विद्वान्स्तल्पं प्रति गृह्णाति। अथ योऽविद्वान्प्रति गृह्णाति।
सप्तममस्येन्द्रियस्याप क्रामति। तस्य वा उत्तानस्याङ्गीरसस्याप्राणत्प्रतिजग्रहुषः।
अष्टममिन्द्रियस्यापाक्रामत्॥¹⁵॥

तदेतेनैव प्रत्यगृह्णात्। तेन वै सोऽष्टममिन्द्रियस्यात्मन्नुपाधत्त।

अष्टममिन्द्रियस्यात्मन्नुपाधत्ते। य एवं विद्वानप्राणत्प्रतिगृह्णाति। अथ
योऽविद्वान्प्रतिगृह्णाति। अष्टममस्येन्द्रियस्यापं क्रामति। यद्वा इदङ्किं च।
तत्सर्वमुत्तान एवाङ्गीरसः प्रत्यगृह्णात्। तदेनं प्रतिगृहीतन्नाहिनत्। यत्किं च
प्रतिगृह्णीयात्। तत्सर्वमुत्तानस्वाङ्गीरसः प्रतिगृह्णत्वित्येव प्रतिगृह्णीयात्। इयं वा
उत्तान आङ्गीरसः। अनयैवैनत्प्रति गृह्णाति। नैनं हिनस्ति॥¹⁶॥

तृतीयमिन्द्रियस्यापांक्रामच्चतुर्थमिन्द्रियस्यात्मन्नुपाधत्ताश्च प्रतिगृह्णाति षष्ठमस्येन्द्रियस्यापंक्रामत्यष्टममिन्द्रियस्यापांक्रामत्प्रतिगृह्णीयाच्चत्वारि च (तस्य वा
अग्नेर्हरिण्यं सोमस्य वासस्तदेतेन रुद्रस्य गान्तामेतेन वरुणस्याश्च प्रजापतेः पुरुषं मनोस्तत्पत्तमेतेनोत्तानस्य तदेतेनाप्राणद्वे। अर्धं तृतीयमष्टमं तच्चतुर्थं तां
पञ्चमं षष्ठं सप्तमन्तम्। तदेतेन द्वे तामेतेनैकं तमेतेन त्रीणि तदेतेनैकम्॥)॥

[4]

ब्रह्मवादिनो वदन्ति। यद्दशहोतारः सत्रमासंत। केन ते गृहपतिनाऽऽर्ध्ववन्। केन
प्रजा असृजन्तेति। प्रजापतिना वै ते गृहपतिनाऽऽर्ध्ववन्। तेन प्रजा असृजन्त।
यच्चतुर्होतारः सत्रमासंत। केन ते गृहपतिनाऽऽर्ध्ववन्। केनौषधीरसृजन्तेति।
सोमेन वै ते गृहपतिनाऽऽर्ध्ववन्॥¹⁷॥

तेनौषधीरसृजन्त। यत्पञ्चहोतारः सत्रमासंत। केन ते गृहपतिनाऽऽर्ध्ववन्। केनैभ्यो
लोकेभ्योऽसुरान्प्राणुदन्त। केनैषां पशूनवृञ्जतेति। अग्निना वै ते गृहपतिनाऽऽर्ध्ववन्।
तेनैभ्यो लोकेभ्योऽसुरान्प्राणुदन्त। तेनैषां पशूनवृञ्जत। यत्षड्होतारः सत्रमासंत। केन
ते गृहपतिनाऽऽर्ध्ववन्॥¹⁸॥

केनर्तूनकल्पयन्तेति। धात्रा वै ते गृहपतिनाऽऽर्ध्ववन्। तेनर्तूनकल्पयन्त।
यत्सप्तहोतारः सत्रमासंत। केन ते गृहपतिनाऽऽर्ध्ववन्। केन सुवरायन्।
केनेमाँल्लोकान्त्समंतन्वन्निति। अर्यम्णा वै ते गृहपतिनाऽऽर्ध्ववन्। तेन सुवरायन्।
तेनेमाँल्लोकान्त्समंतन्वन्निति॥¹⁹॥

एते वै देवा गृहपतयः। तान् य एवं विद्वान्। अप्यन्यस्य गार्हपते दीक्षते।
अवान्तरमेव सत्रिणामृध्नोति। यो वा अर्यमणं वेद। दानंकामा अस्मै प्रजा भवन्ति।
यज्ञो वा अर्यमा। आर्यावसतिरिति वै तमाँहुर्यं प्रशंसन्ति। आर्यावसतिर्भवति। य
एवं वेद॥²⁰॥

यद्वा इदङ्किं च। तत्सर्वं चतुर्होतारः। चतुर्होतृभ्योऽधि यज्ञो निर्मितः। स य एवं

विद्वान् विवदेत। अहमेव भूयो वेद। यश्चतुर्होतृन् वेदेति। स होव भूयो वेद।
यश्चतुर्होतृन् वेद। यो वै चतुर्होतृणां होतृन् वेद। सर्वासु प्रजास्वन्नमत्ति॥²¹॥

सर्वा दिशोऽभि जयति। प्रजापतिर्वै दशहोतृणां होता। सोमश्चतुर्होतृणां होता।
अग्निः पञ्चहोतृणां होता। धाता षड्होतृणां होता। अर्यमा सप्तहोतृणां होता। एते
वै चतुर्होतृणां होतारः। तान् य एवं वेद। सर्वासु प्रजास्वन्नमत्ति। सर्वा
दिशोऽभि जयति॥²²॥

आर्ध्वन्नार्ध्वन्नित्येवं वेदंति सर्वा दिशोऽभि जयति (वै तेन सत्रेक्येन॥)॥ [5]

प्रजापतिः प्रजाः सृष्ट्वा व्यस्रंसत। स हृदयं भूतोऽशयत्। आत्मन् हा 3
इत्यह्वयत्। आपः प्रत्यशृण्वन्। ता अग्निहोत्रेणैव यज्ञक्रतुनोप पर्यावर्तन्त। ताः
कुसिन्धुमुपौहन्। तस्मादग्निहोत्रस्य यज्ञक्रतोः। एकं ऋबिक्। चतुष्कृत्वोऽह्वयत्।
अग्निर्वायुरादित्यश्चन्द्रमाः॥²³॥

ते प्रत्यशृण्वन्। ते दर्शपूर्णमासाभ्यामेव यज्ञक्रतुनोप पर्यावर्तन्त। त
उपौहंश्चत्वार्यङ्गानि। तस्माद्दर्शपूर्णमासयोर्यज्ञक्रतोः। चत्वारं ऋबिजः।
पञ्चकृत्वोऽह्वयत्। पशवः प्रत्यशृण्वन्। ते चातुर्मास्यैरेव यज्ञक्रतुनोप पर्यावर्तन्त। त
उपौहं लोमं छवीं मांसमस्थिं मज्जानम्। तस्माच्चातुर्मास्यानां यज्ञक्रतोः॥²⁴॥

पञ्चर्बिजः। षड्कृत्वोऽह्वयत्। ऋतवः प्रत्यशृण्वन्। ते पशुबन्धेनैव
यज्ञक्रतुनोप पर्यावर्तन्त। त उपौहन्त्स्तनावाण्डौ शिश्वमवाञ्चं प्राणम्।
तस्मात्पशुबन्धस्य यज्ञक्रतोः। षड्बिजः। सप्तकृत्वोऽह्वयत्। होत्राः प्रत्यशृण्वन्। ताः
सौम्येनैवाध्वरेण यज्ञक्रतुनोप पर्यावर्तन्त॥²⁵॥

ता उपौहन्त्सप्त शीर्षण्यान्प्राणान्। तस्मात्सौम्यस्याध्वरस्य यज्ञक्रतोः। सप्त होत्राः
प्राचीर्वषट्कुर्वन्ति। दशकृत्वोऽह्वयत्। तपः प्रत्यशृणोत्। तत्कर्मणैव संवत्सरेण
सर्वैर्यज्ञक्रतुभिरुप पर्यावर्तत। तत्सर्वमात्मानमपरिवर्गमुपौहत्। तस्मात्संवत्सरे सर्वे
यज्ञक्रतवोऽवरुध्यन्ते। तस्माद्दशहोता चतुर्होता पञ्चहोता षड्होता सप्तहोता।
एकहोत्रे बलिं हरन्ति। हरन्त्यस्मै प्रजा बलिम्। ऐनमप्रतिख्यातं गच्छति। य एवं

चन्द्रमाश्चातुर्मास्यानां यज्ञक्रतोर्ध्वरेण यज्ञक्रतुनोपं पर्यावर्तन्त सप्तहोता चत्वारि च॥ [6]

प्रजापतिः पुरुषमसृजत। सौऽग्निरब्रवीत्। ममायमन्नमस्विति। सौऽबिभेत्। सर्वं वै माऽयं प्र धक्ष्यतीति। स एतांश्चतुर्होतृनात्मस्पर्णानपश्यत्। तानंजुहोत्। तैर्वै स आत्मानमस्पृणोत्। यदग्निहोत्रं जुहोति। एकहोतारमेव तदयज्ञक्रतुमाप्नोत्यग्निहोत्रम्॥ 27 ॥

कुसिन्धवात्मनः स्पृणोति। आदित्यस्य च सायुज्यं गच्छति। चतुरुन्नयति। चतुर्होतारमेव तदयज्ञक्रतुमाप्नोति दर्शपूर्णमासौ। चत्वारि चात्मनोऽङ्गानि स्पृणोति। आदित्यस्य च सायुज्यं गच्छति। चतुरुन्नयति। समित्पञ्चमी। पञ्चहोतारमेव तदयज्ञक्रतुमाप्नोति चातुर्मास्यानि। लोमं छवीं माऽसमस्थिं मज्जानम्॥ 28 ॥

तानि चात्मनः स्पृणोति। आदित्यस्य च सायुज्यं गच्छति। चतुरुन्नयति। द्विर्जुहोति। षड्होतारमेव तदयज्ञक्रतुमाप्नोति पशुबन्धम्। स्तनावाण्डौ शिश्रमवांश्च प्राणम्। तानि चात्मनः स्पृणोति। आदित्यस्य च सायुज्यं गच्छति। चतुरुन्नयति। द्विर्जुहोति॥ 29 ॥

समित्सप्तमी। सप्तहोतारमेव तदयज्ञक्रतुमाप्नोति सौम्यमध्वरम्। सप्त चात्मनः शीर्षण्यान्प्राणान्स्पृणोति। आदित्यस्य च सायुज्यं गच्छति। चतुरुन्नयति। द्विर्जुहोति। द्विर्निमार्ष्टि। द्विः प्राश्नाति। दशहोतारमेव तदयज्ञक्रतुमाप्नोति संवत्सरम्। सर्वं चात्मानमपरिवर्गं स्पृणोति। आदित्यस्य च सायुज्यं गच्छति॥ 30 ॥

अग्निहोत्रं मज्जानन्द्विर्जुहोत्यपरिवर्गं स्पृणोत्येकं च॥ [7]

प्रजापतिरकामयत् प्र जायेयेति। स तपोऽतप्यत। सौऽन्तर्वानभवत्। स हरितः श्यावोऽभवत्। तस्मात्स्व्यन्तर्वनी। हरिणी सती श्यावा भवति। स विजायमानो गर्भेणाताम्यत्। स तान्तः कृष्णः श्यावोऽभवत्। तस्मात्तान्तः कृष्णः श्यावो भवति। तस्यासुरेवाजीवत्॥ 31 ॥

तेनासुनाऽसुरानसृजत। तदसुराणामसुरत्वं। य एवमसुराणामसुरत्वं वेद। असुमानेव भवति। नैनमसुर्जहाति। सोऽसुरान्सृष्ट्वा पितेवामन्यत। तदनु

पितॄन्सृजत। तत्पितॄणां पितृत्वम्। य एवं पितॄणां पितृत्वं वेद। पितेवैव स्वानां भवति॥³²॥

यन्त्यस्य पितरो हवम्। स पितृन्सृष्ट्वाऽऽमनस्यत्। तदनु मनुष्यान्सृजत। तन्मनुष्याणां मनुष्यत्वम्। य एवं मनुष्याणां मनुष्यत्वं वेद। मनस्यैव भवति। नैनं मनुर्जहाति। तस्मै मनुष्यान्सृजानाय। दिवा देवत्राऽभवत्। तदनु देवान्सृजत। तद्देवानान्देवत्वम्। य एवं देवानां देवत्वं वेद। दिवा हैवास्य देवत्रा भवति। तानि वा एतानि चत्वार्यम्भांसि। देवा मनुष्याः पितरोऽसुराः। तेषु सर्वेष्वम्भो नभ इव भवति। य एवं वेद॥³³॥

अजीवत्स्वानां भवति देवान्सृजत सप्त च॥

[8]

ब्रह्मवादिनो वदन्ति। यो वा इमं विद्यात्। यतोऽयं पवते। यदभि पवते। यदभि सम्पवते। सर्वमायुरियात्। न पुराऽऽयुषः प्र मीयेत। पशुमान्तस्योत्। विन्देत प्रजाम्। यो वा इमं वेद॥³⁴॥

यतोऽयं पवते। यदभि पवते। यदभि सम्पवते। सर्वमायुरेति। न पुराऽऽयुषः प्र मीयेते। पशुमान्भवति। विन्देत प्रजाम्। अद्भ्यः पवते। अपोऽभि पवते। अपोऽभि सम्पवते॥³⁵॥

अस्याः पवते। इमामभि पवते। इमामभि सम्पवते। अग्नेः पवते। अग्निमभि पवते। अग्निमभि सं पवते। अन्तरिक्षात्पवते। अन्तरिक्षमभि पवते। अन्तरिक्षमभि सं पवते। आदित्यात्पवते॥³⁶॥

आदित्यमभि पवते। आदित्यमभि सं पवते। द्यौः पवते। दिवमभि पवते। दिवमभि सं पवते। दिग्भ्यः पवते। दिशोऽभि पवते। दिशोऽभि सम्पवते। स यत्पुरस्ताद्वाति। प्राण एव भूत्वा पुरस्ताद्वाति॥³⁷॥

तस्मात्पुरस्ताद्धान्तम्। सर्वा प्रजाः प्रति नन्दन्ति। प्राणो हि प्रियः प्रजानाम्। प्राण इव प्रियः प्रजानां भवति। य एवं वेद। स वा एष प्राण एव। अथ यदक्षिणतो वाति। मातरिश्चैव भूत्वा दक्षिणतो वाति। तस्माद्दक्षिणतो वान्तं विद्यात्। सर्वा दिश आ वाति॥³⁸॥

सर्वा दिशोऽनु वि वाति। सर्वा दिशोऽनु सं वातीति। स वा एष मातरिश्वैव। अथ यत्पश्चाद्वाति। पर्वमान एव भूत्वा पश्चाद्वाति। पूतमस्मा आहरन्ति। पूतमुपहरन्ति। पूतमश्नाति। य एवं वेद। स वा एष पर्वमान एव॥³⁹॥

अथ यदुत्तरतो वाति। सवितैव भूत्वोत्तरतो वाति। सवितैव स्वाना भवति। य एवं वेद। स वा एष सवितैव। ते य एनं पुरस्तादायन्तमुपवदन्ति। य एवास्य पुरस्तात्पाप्मानः। तांस्तेऽप घ्नन्ति। पुरस्तादितरान्पाप्मानः सचन्ते। अथ य एनन्दक्षिणत आयन्तमुपवदन्ति॥⁴⁰॥

य एवास्य दक्षिणतः पाप्मानः। तांस्तेऽप घ्नन्ति। दक्षिणत इतरान्पाप्मानः सचन्ते। अथ य एनं पश्चादायन्तमुप वदन्ति। य एवास्य पश्चात्पाप्मानः। तांस्तेऽप घ्नन्ति। पश्चादितरान्पाप्मानः सचन्ते। अथ य एनमुत्तरत आयन्तमुप वदन्ति। य एवास्योत्तरतः पाप्मानः। तांस्तेऽप घ्नन्ति॥⁴¹॥

उत्तरत इतरान्पाप्मानः सचन्ते। तस्मादेवं विद्वान्। वीवं नृत्येत्। प्रेवं चलेत्। व्यस्यैवाक्ष्यौ भाषेत। मण्टयेदिव। क्राथयेदिव। शृङ्गायेतेव। उत मोप वदेयुः। उत मे पाप्मानमप हन्युरिति। स यान्दिशः सनिमेष्यन्त्स्यात्। यदा तान्दिशं वातो वायात्। अथ प्रवेयात्। प्र वा धावयेत्। सातमेव रदितं व्यूढं गन्धमभि प्रच्यवते। आऽस्य तं जनपदं पूर्वा कीर्तिर्गच्छति। दानकामा अस्मै प्रजा भवन्ति। य एवं वेद॥⁴²॥

वेद सं पवत आदित्यात्पवते वात्या वात्येष पर्वमान एव दक्षिणत आयन्तमुप वदन्त्युत्तरतः पाप्मानस्तां स्तेप घ्नन्तीत्यष्टौ च॥—————[9]

प्रजापतिः सोमः राजानमसृजत। तन्नयो वेदा अन्वसृज्यन्त। तान् हस्तेऽकुरुत। अथ ह सीता सावित्री। सोमः राजानश्चकमे। श्रद्धामु स चकमे। साऽऽह पितरं प्रजापतिमुपससार। तं होवाच। नमस्ते अस्तु भगवः। उप बाऽयानि॥⁴³॥

प्र बा पद्ये। सोमं वै राजानङ्गामये। श्रद्धामु स कामयत इति। तस्या उ ह स्थांगरमलङ्कारं कल्पयिष्या। दशहोतारं पुरस्ताद्वाख्याय। चतुर्होतारन्दक्षिणतः। पञ्चहोतारं पश्चात्। षड्होतारमुत्तरतः। सप्तहोतारमुपरिष्ठात्। सम्भारैश्च पत्निभिश्च मुखेऽलङ्कृत्य॥⁴⁴॥

आऽस्यार्धं वव्राज। तां होदीक्ष्योवाच। उप मा वर्तस्वेति। तं होवाच। भोगन्तु म
आचक्ष्व। एतन्म आचक्ष्व। यत्ते पाणाविति। तस्यां उ ह त्रीन् वेदान्प्रददौ।
तस्मादुह स्त्रियो भोगमेव हारयन्ते। स यः कामयेत प्रियः स्यामिति॥⁴⁵॥

यं वा कामयेत प्रियः स्यादिति। तस्मा एतं स्थांगरमलङ्कारं कल्पयित्वा।
दशहोतारं पुरस्ताद्वाख्याय। चतुर्होतारन्दक्षिणतः। पञ्चहोतारं पश्चात्।
षड्होतारमुत्तरतः। सप्तहोतारमुपरिष्ठात्। सम्भारैश्च पत्निभिश्च मुखेऽलङ्कृत्य। आस्यार्धं
व्रजेत्। प्रियो ह वै भवति॥⁴⁶॥

अयान्यलङ्कृत्य स्यामिति भवति॥ [10]

ब्रह्मात्मन्वदसृजत। तदकामयत। समात्मना पद्येयेति। आत्मन्नात्मन्नित्यामन्त्रयत।
तस्मै दशमं हूतः प्रत्यशृणोत्। स दशहूतोऽभवत्। दशहूतो ह वै नामैषः। तं वा
एतं दहूतं सन्तम्। दशहोतेत्याचक्षते परोक्षेण। परोक्षप्रिया इव हि देवाः॥⁴⁷॥

आत्मन्नात्मन्नित्यामन्त्रयत। तस्मै सप्तमं हूतः प्रत्यशृणोत्। स सप्तहूतोऽभवत्।
सप्तहूतो ह वै नामैषः। तं वा एतं सप्तहूतं सन्तम्। सप्तहोतेत्याचक्षते परोक्षेण।
परोक्षप्रिया इव हि देवाः। आत्मन्नात्मन्नित्यामन्त्रयत। तस्मै षष्ठं हूतः प्रत्यशृणोत्।
स षड्हूतोऽभवत्॥⁴⁸॥

षड्हूतो ह वै नामैषः। तं वा एतं षड्हूतं सन्तम्। षड्होतेत्याचक्षते परोक्षेण।
परोक्षप्रिया इव हि देवाः। आत्मन्नात्मन्नित्यामन्त्रयत। तस्मै पञ्चमं हूतः
प्रत्यशृणोत्। स पञ्चहूतोऽभवत्। पञ्चहूतो ह वै नामैषः। तं वा एतं पञ्चहूतं
सन्तम्। पञ्चहोतेत्याचक्षते परोक्षेण॥⁴⁹॥

परोक्षप्रिया इव हि देवाः। आत्मन्नात्मन्नित्यामन्त्रयत। तस्मै चतुर्थं हूतः
प्रत्यशृणोत्। स चतुर्हूतोऽभवत्। चतुर्हूतो ह वै नामैषः। तं वा एतच्चतुर्हूतं
सन्तम्। चतुर्होतेत्याचक्षते परोक्षेण। परोक्षप्रिया इव हि देवाः। तमब्रवीत्। त्वं वै
मे नेदिष्ठं हूतः प्रत्यश्रोषीः। त्वयैनानाख्यातार इति। तस्मान्न ह्येनाश्चतुर्होतार
इत्याचक्षते। तस्माच्छुश्रूषुः पुत्राणां हृद्यतमः। नेदिष्ठो हृद्यतमः। नेदिष्ठो ब्रह्मणो

भवति। य एवं वेद॥⁵⁰॥

देवाष्पडूतोऽभवत्पञ्चहोतेत्याचक्षते पुरोक्षेणाश्रौषीषद्व॥

[11]

ब्रह्मवादिनः किं दक्षिणां यो वा अविद्वान्तस्य वै ब्रह्मवादिनो यद्वशहोतारः प्रजापतिर्व्यस्रं प्रजापतिः पुरुषं प्रजापतिरकामयत् स तपः
सोऽन्तर्वाङ्मन्त्रब्रह्मवादिनो यो वा इमं विद्यात्प्रजापतिः सोमं राजानं ब्रह्मात्मन्वदेकादश॥¹¹॥

ब्रह्मवादिनस्तस्य वा अग्रेर्यद्वा इदद्विंशं च प्रजापतिरकामयत् य एवास्य दक्षिणतः पञ्चाशत्॥⁵⁰॥

ब्रह्मवादिनो य एवं वेद॥

हरिः ॐ॥

॥इति श्रीकृष्णयजुर्वेदीयतैत्तिरीयब्राह्मणे द्वितीयाष्टके तृतीयः प्रपाठकः समाप्तः॥

॥चतुर्थः प्रश्नः॥

॥तैत्तिरीयब्राह्मणे द्वितीयाष्टके चतुर्थः प्रपाठकः॥

जुष्टो दमूना अतिथिर्दुरोणे। इमं नो यज्ञमुप याहि विद्वान्। विश्वा अग्नेऽभियुजो
विहृत्य। शत्रूयतामा भरा भोजनानि। अग्ने शर्ध महते सौभगाय। तव
दुम्नान्युत्तमानि सन्तु। सञ्जास्पत्यः सुयममा कृणुष्व। शत्रूयतामभि तिष्ठा महाः
सि। अग्ने यो नोऽभितो जनः। वृको वारो जिघांसति॥₁॥

ताःस्व वृत्रहं जहि। वस्वस्मभ्यमा भरा। अग्ने यो नोऽभिदासति। समानो यश्च
निष्ठः। इध्मस्येव प्रक्षायतः। मा तस्योच्छेषि किञ्चन। तमिन्द्राभिभूरसि। देवो
विज्ञातवीर्यः। वृत्रहा पुरुचेतनः। अप प्राच इन्द्र विश्वाः अमित्रान्॥₂॥

अपापांचो अभिभूते नुदस्व। अपोदीचो अपशूराधरा च ऊरौ। यथा तव
शर्मन्मदेम। तमिन्द्रं वाजयामसि। महे वृत्राय हन्तवे। स वृषा वृषभो भुवत्। युजे
रथङ्गवेषणः हरिभ्याम्। उप ब्रह्माणि जुजुषाणमस्थुः। विबाधिष्टास्य रोदसी
महिबा। इन्द्रो वृत्राण्यप्रतीजघ्नवान्॥₃॥

हव्यवाहमभिमातिषाहम्। रक्षोहणं पृतनासु जिष्णुम्। ज्योतिष्मन्तन्दीदतं पुरन्धिम्।
अग्निः स्विष्टकृतमा हुवेम। स्विष्टमग्ने अभि तत्पृणाहि। विश्वा देव पृतना अभि
ष्य। उरुन्नः पन्थां प्रदिशन्विभाहि। ज्योतिष्मद्वेह्यजरन्न आयुः। त्वामग्ने हविष्मन्तः।
देवं मर्तास ईडते॥₄॥

मन्यै त्वा जातवेदसम्। स हव्या वक्ष्यानुषक्। विश्वानि नो दुर्गहा जातवेदः। सिन्धुं
न नावा दुरिताऽति पर्षि। अग्ने अत्रिवन्मनसा गृणानः। अस्माकं बोध्यविता
तनूनाम्। पूषा गा अन्वेतु नः। पूषा रक्षत्वर्वतः। पूषा वाजः सनोतु नः। पूषेमा
आशा अनुवेद सर्वाः॥₅॥

सो अस्माः अभयतमेन नेषत्। स्वस्तिदा अघृणिः सर्ववीरः। अप्रयुच्छन्पुर एतु
प्रजानन्। त्वमग्ने सप्रथा असि। जुष्टो होता वरेण्यः। त्वया यज्ञं वितन्वते। अग्नी

रक्षा॑सि से॒धति॑। शु॒क्रशो॑चिरम॒र्त्यः। शुचिः॑ पा॒वक॑ ई॒ड्यः। अ॒ग्ने रक्षा॑ णो
अ॒हंसः॑॥६॥

प्रति॑ ष्म दे॒व री॑षतः। तपि॑ष्ठैर॒जरो॑ दह। अ॒ग्ने ह॒सि न्य॑त्रिणम्। दी॒द्यन्म॑र्त्येष्वा। स्वे
क्षये॑ शुचि॒व्रत॑। आ वा॑त वा॒हि भेष॑जम्। वि वा॑त वा॒हि यद्र॑पः। त्व॒ हि
वि॒श्वभेष॑जः। दे॒वाना॑न्दूत ई॒यसे॑। द्वावि॒मौ वा॑तौ वा॒तः॥७॥

आ सि॒न्धोरा॑ प॒राव॑तः। दक्षं॑ मे अ॒न्य आ॒वातु॑। प॒रान्यो॑ वा॒तु यद्र॑पः। यद॒दो वा॑त
ते गृ॒हे। अ॒मृत॑स्य नि॒धिर्हि॒तः। ततो॑ नो दे॒हि जी॒वसे॑। ततो॑ नो धे॒हि भेष॑जम्।
ततो॑ नो म॒ह आ॒व॒ह। वा॒त आ॒वातु॑ भेष॒जम्। श॒म्भूर्म॑यो॒भूर्नो॑ हृ॒दे॥८॥

प्र ण॑ आ॒यू॒षि ता॑रिषत्। त्वम॑ग्ने अ॒यासि॑। अ॒या स॒न्मन॑सा हि॒तः। अ॒या सन्
ह॒व्यमू॑हिषे। अ॒या नो॑ धे॒हि भेष॑जम्। इ॒ष्टो अ॒ग्नि॒राहु॑तः। स्वा॒हाकृ॑तः पि॒प॒र्तु नः।
स्व॒गा दे॒वेभ्य॑ इ॒दन्न॑मः। का॒मो भू॑तस्य भ॒व्यस्य॑। स॒म्राडे॑को वि॒राज॑ति॥९॥

स इ॒दं प्रति॑ पप्रथे। ऋ॒तूनु॑त्सृजते व॒शी। का॒मस्त॑द॒ग्ने स॒मव॑र्तताधि। म॒नसो॑ रे॒तः
प्रथ॑मं यदासी॑त्। स॒तो ब॑न्धुम॒सति॑ नि॒रवि॑न्दन्। हृ॒दि प्र॑ती॒ष्या क॑वयो मनी॒षा। त्वया॑
म॒न्यो स॒रथ॑मा॒रुज॑न्तः। ह॒र्षमा॑णासो धृष॒ता म॑रु॒त्वः। ति॒ग्मेष॑व आ॒युधा॑
स॒शिशो॑नाः। उ॒प प्र॑यन्ति न॒रो अ॒ग्निरू॑पाः॥१०॥

म॒न्युर्भ॑गो म॒न्युरे॒वास॑ दे॒वः। म॒न्युर्हो॑ता वरु॑णो वि॒श्ववे॑दाः। म॒न्युं वि॒श ई॒डते॑
दे॒वय॑न्तीः। पा॒हि नो॑ म॒न्यो तप॑सा श्रमे॑ण। त्वम॑ग्ने व्र॒तभृ॑च्छुचिः। दे॒वा आ॑सा॒दया
इ॒ह। अ॒ग्ने ह॒व्याय॑ वोढ॒वे। व्र॒तानु॑बिभ्र॒द्व्र॒तपा॑ अ॒दाभ्यः॑। य॒जा नो॑ दे॒वा अ॒जरः॑
सु॒वीरः॑। दध॒द्रत्नानि॑ सु॒विदा॑नो अ॒ग्ने। गो॒पाय॑ नो जी॒वसे॑ जा॒तवे॑दः॥११॥

जिघा॑सत्यमित्रा॑ञ्घन्वानी॑डते॒ सर्वा॑ अ॒हंसो॑ वा॒तो हृ॒दे रा॑जत्य॒ग्निरू॑पाः सु॒विदा॑नो अ॒ग्न एकं॑ च॥ [1]

चक्षु॑षो हे॒ते म॒नसो॑ हे॒ते। वा॒चो हे॒ते ब्र॑ह्म॒णो हे॒ते। यो मा॑ऽघा॒युर॑भि॒दास॑ति। तम॑ग्ने
मे॒न्या मे॒नि कृ॑णु। यो मा॑ चक्षु॑षा॒ यो म॒नसा॑। यो वा॒चा ब्र॑ह्म॒णाऽघा॒युर॑भि॒दास॑ति।
तया॑ऽग्ने त्वं मे॒न्या। अ॒मुमे॑मे॒नि कृ॑णु। यत्किञ्चा॒सौ म॒नसा॑ यच्च॑ वा॒चा। यज्ञै॑र्जु॒होति॑
यजु॑षा ह॒विर्भिः॑॥१२॥

तन्मृत्युर्निर्ऋत्या संविदानः। पुरादिष्टादाहुतीरस्य हन्तु। यातुधाना
निर्ऋतिरादुरक्षः। ते अस्य घ्नन्वृतेन सत्यम्। इन्द्रेष्टिता आज्यमस्य मध्नन्तु। मा
तत्समृद्धिं यदसौ करोति। हन्मि तेऽहं कृतं हविः। यो मे घोरमचीकृतः।
अपाँधौ त उभौ बाहू। अपं नह्याम्यास्यम्॥¹³॥

अपं नह्यामि ते बाहू। अपं नह्याम्यास्यम्। अग्नेर्देवस्य ब्रह्मणा। सर्वं तेऽवधिषं
कृतम्। पुराऽमुष्यं वषट्कारात्। यज्ञं देवेषु नस्कृधि। स्विष्टमस्माकं भूयात्।
माऽस्मान्प्रापन्नरांतयः। अन्ति दूरे सतो अग्ने। भ्रातृव्यस्याभिदासंतः॥¹⁴॥

वषट्कारेण वज्रेण। कृत्यां हन्मि कृतामहम्। यो मा नक्तं दिवा सायम्।
प्रातश्चाहो निपीयति। अद्या तमिन्द्र वज्रेण। भ्रातृव्यं पादयामसि। इन्द्रस्य गृहोऽसि
तन्वा। प्रपदे सगुः साश्वः। सह यन्मे अस्ति तेन। ईडे अग्निं विपश्चितम्॥¹⁵॥

गिरा यज्ञस्य साधनम्। श्रुष्टीवानन्धितावानम्। अग्ने शकेम ते वयम्। यमं देवस्य
वाजिनः। अति द्वेषांसि तरेम। अवतं मा समनसौ समोकसौ। सचेतसौ
सरेतसौ। उभौ मामवतञ्जातवेदसौ। शिवौ भवतमद्य नः। स्वयं कृण्वानः
सुगमप्रयावम्॥¹⁶॥

तिग्मशृङ्गो वृषभः शोशुचानः। प्रत्नं सधस्थमनु पश्यमानः। आ
तन्तुमग्निर्दिव्यन्ततान। बन्नस्तन्तुरुत सेतुरग्ने। त्वं पन्थां भवसि देवयानः। त्वयाऽग्ने
पृष्ठं वयमारुहेम। अथा देवैः संधमादं मदेम। उदुत्तमं मुमुग्धि नः। वि पाशं
मध्यमधृत। अवाधमानि जीवसै॥¹⁷॥

वयं सोम व्रते तव। मनस्तनूषु बिभ्रतः। प्रजावन्तो अशीमहि। इन्द्राणी देवी
सुभगा सुपत्नी। उदंशेन पतिविद्ये जिगाय। त्रिशदस्या जघनं योजनानि। उपस्थ
इन्द्रं स्थविरं बिभर्ति। सेनां ह नाम पृथिवी धनञ्जया। विश्वव्यं चादितिः
सूर्यत्वक्। इन्द्राणी देवी प्रासहा ददाना॥¹⁸॥

सा नो देवी सुहवा शर्म यच्छतु। आत्वाऽहार्षमन्तरभूः। ध्रुवस्तिष्ठाविचाचलिः।
विशंस्त्वा सर्वा वाञ्छन्तु। मा तद्राष्ट्रमधिं भ्रशत्। ध्रुवा द्यौर्ध्रुवा पृथिवी। ध्रुवं

विश्वमिदं जगत्। ध्रुवा ह पर्वता इमे। ध्रुवो राजा विशामयम्। इहैवैधि मा व्यथिष्ठाः॥¹⁹॥

पर्वत इवाविचाचलिः। इन्द्र इवेह ध्रुवस्तिष्ठ। इह राष्ट्रमु धारय। अभितिष्ठ पृतन्यतः। अधरे सन्तु शत्रवः। इन्द्र इव वृत्रहा तिष्ठ। अपः क्षेत्राणि सञ्जयन्। इन्द्र एणमदीधरत्। ध्रुवभ्रुवेण हविषा। तस्मै देवा अधिब्रवन्। अयं च ब्रह्मणस्पतिः॥²⁰॥

हविर्भिरास्यमभि दासंतो विपश्चितमप्रयावञ्जीवसे ददांना व्यथिष्ठा ब्रवन्नेकं च॥^[2]

जुष्टी नरो ब्रह्मणा वः पितृणाम्। अक्षमव्ययं न किलारिषाथ। यच्छक्वरीषु बृहता रवेण। इन्द्रे शुष्ममदधाथा वसिष्ठाः। पावका नः सरस्वती। वाजैर्भिर्वाजिनीवती। यज्ञं वष्टु धिया वसुः। सरस्वत्यभिर्नो नेषि वस्यः। मा पस्फरीः पयसा मा न आधक्। जुषस्व नः सख्या वेश्या च॥²¹॥

मा त्वक्षेत्राण्यरणानि गन्म। वृञ्जे हविर्नमसा बर्हिरग्नौ। अयामि सुगधृतवती सुवृक्तिः। अम्यक्षि सद्म सद्ने पृथिव्याः। अश्रायि यज्ञः सूर्ये न चक्षुः। इहार्वाञ्चमति ह्वये। इन्द्रं जैत्राय जेतवे। अस्माकमस्तु केवलः। अर्वाञ्चमिन्द्रममुतो हवामहे। यो गोजिद्धनजिदश्चजिद्यः॥²²॥

इमं नो यज्ञं विह्वे जुषस्व। अस्य कुर्मो हरिवो मेदिनन्त्वा। असम्मृष्टो जायसे मातृवोः शुचिः। मन्द्रः कविरुदतिष्ठो विवस्वतः। घृतेन त्वा वर्धयन्नग्न आहुत। धूमस्ते केतुरभवद्विवि श्रितः। अग्निरग्रे प्रथमो देवतानाम्। संयातानामुत्तमो विष्णुरासीत्। यजमानाय परिगृह्य देवान्। दीक्षयेदं हविरा गच्छतन्नः॥²³॥

अग्निश्च विष्णो तप उत्तमं महः। दीक्षापालेभ्योऽवनतं हि शक्रा। विश्वैर्देवैर्यज्ञियैः संविदानौ। दीक्षामस्मै यजमानाय धत्तम्। प्र तद्विष्णुः स्तवते वीर्याय। मृगो न भीमः कुचरो गिरिष्ठाः। यस्योरुषु त्रिषु विक्रमणेषु। अधि क्षियन्ति भुवनानि विश्वा। नूमर्तो दयते सनिष्यन् यः। विष्णव उरुगायाय दाशत्॥²⁴॥

प्र यः सत्राचा मनसा यजातै। एतावन्तन्नर्यमा विवासात्। विचक्रमे पृथिवीमेष एताम्। क्षेत्राय विष्णुर्मनुषे दशस्यन्। ध्रुवासो अस्य कीरयो जनासः। उरुक्षितिः

सुजनिमा चकार। त्रिदेवः पृथिवीमेष एताम्। विचक्रमे शतर्चसं महिम्ना। प्र
विष्णुरस्तु तवसस्तवीयान्। त्वेषः ह्यस्य स्थविरस्य नाम॥²⁵

होतारश्चित्ररथमध्वरस्य। यज्ञस्ययज्ञस्य केतुः रुशन्तम्। प्रत्यर्थि देवस्यदेवस्य महा।
श्रिया बग्निमतिथिं जनानाम्। आ नो विश्वाभिरूतिभिः सजोषाः। ब्रह्म जुषाणो
हर्यश्च याहि। वरीवृजत्स्थविरेभिः सुशिप्र। अस्मे दधद्वृषणः शुष्ममिन्द्र। इन्द्रः
सुवर्षा जनयन्नहानि। जिगायोशिग्भिः पृतना अभि श्रीः॥²⁶

प्रारोचयन्मनवे केतुमहाम्। अविन्द्रज्योतिर्बृहते रणाय। अश्विनाववसे निह्वये वाम्।
आ नूनं यातः सुकृताय विप्रा। प्रातर्युक्तेन सुवृता रथेन।
उपागच्छतमवसागतन्नः। अविष्टन्धीष्वश्विना न आसु। प्रजावद्रेतो अहयं नो अस्तु।
आवा॑न्तो॒के तन॑ये तू॒तुजानाः॑। सुर॒त्ना॑सो दे॒ववी॑तिङ्गमेम॥²⁷

त्वः सोम क्रतुभिः सुक्रतुर्भूः। त्वदन्दक्षैः सुदक्षो विश्ववेदाः। त्वं वृषां वृषत्वेभिर्महिम्ना।
द्युम्नेभिर्द्युम्यभवो नृचक्षाः। अषाढं युत्सु पृतनासु पप्रिम। सुवर्षामप्त्वा वृजनस्य
गोपाम्। भरेषुजाः सुक्षितिः सुश्रवसम्। जयन्तन्त्वामनु मदेम सोम। भवा मित्रो
न शेव्यो घृतासुतिः। विभूतद्युम्न एव या उ सप्रथाः॥²⁸

अधा ते विष्णो विदुषां चिदृध्यः। स्तोमो यज्ञस्य राध्यो हविष्मन्तः। यः पूर्याय
वेधसे नवीयसे। सुमज्जानये विष्णवे ददाशति। यो जातमस्य महतो महि ब्रवात्।
सेदु श्रवोभिर्युज्यं चिदभ्यसत्। तमु स्तोतारः पूर्य यथा विद ऋतस्य। गर्भः हविषां
पिपर्तन। आऽस्य जानन्तो नाम चिद्विवक्तन। बृहत्ते विष्णो सुमतिं भजामहे॥²⁹

इमा धाना घृतस्रुवः। हरी इहोपवक्षतः। इन्द्रः सुखतमे रथे। एष ब्रह्मा प्रतेमहे।
विदथे शःसिषः हरी। य ऋत्विजः प्रते वन्वे। वनुषो हर्यतं मदम्। इन्द्रो नाम
घृतन्नयः। हरिभिश्चारु सेचते। श्रुतो गुण आ त्वा विशन्तु॥³⁰

हरिवर्षसङ्गिरः। आचर्षणिप्रा वृषभो जनानाम्। राजा कृष्टीनां पुरुहूत इन्द्रः।
स्तुतश्रवस्यन्नवसोपमद्रिक्। युक्त्वा हरी वृषणायाह्यर्वाङ्। प्र यत्सिन्धवः प्रसवं
यदायन्। आपः समुद्रः रथ्येव जग्मुः। अतश्चिदिन्द्रः सदसो वरीयान्। यदीः

सोमः पृणति दुग्धो अशुः। ह्यामसि वेन्द्र याहर्वाङ्॥³¹॥

अरन्ते सोमस्तनुवे भवाति। शतक्रतो मादयस्वा सुतेषु। प्रास्मा० अ० पृतनासु
प्रयुत्सु। इन्द्राय सोमाः प्रदिवो विद्वानाः। ऋभुर्येभिर्वृषपर्वा विहायाः।
प्रयम्यमाणान्प्रति षू गृभाय। इन्द्र पिब वृषधूतस्य वृष्णः। अहेडमान उपयाहि
यज्ञम्। तुभ्यं पवन्त इन्द्रवः सुतासः। गावो न वज्रिन्स्त्वमोको अच्छ॥³²॥

इन्द्रा गहि प्रथमो यज्ञियांनाम्। या ते काकुत्सुकृता या वरिष्ठा। यया शश्वत्पिबसि
मध्वं ऊर्मिम्। तया पाहि प्र ते अध्वर्युरस्थात्। सन्ते वज्रो वर्ततामिन्द्र गव्युः।
प्रातर्युजा वि बोधय। अश्विनावेह गच्छतम्। अस्य सोमस्य पीतये। प्रातर्यावाणा
प्रथमा यजध्वम्। पुरा गृध्रादररुषः पिबाथः। प्रातरहि यज्ञमश्विना दधाते।
प्रशंसन्ति कवयः पूर्वभाजः। प्रातर्यजध्वमश्विना हिनोत। न सायमस्ति देवया
अजुष्टम्। उतान्यो अस्मद्यजते विचायः। पूर्वः पूर्वो यजमानो वर्नीयान्॥³³॥

चाश्वजिदो गच्छतं नो दाशत्रामाभिश्चीर्गमेम सप्रथां भजामहे विशन्तु याहर्वाङ्च्छं पिबाथप्सद्व॥ [3]

नक्तं जाताऽस्योषधे। रामे कृष्णे असिंक्रि च। इदं रजनि रजय। किलासं
पलितं च यत्। किलासंश्च पलितं च। निरितो नाशया पृषत्। आ नः स्त्रो अश्रुतां
वर्णः। परां श्वेतानि पातय। असितन्ते निलयनम्। आस्थानमसितन्तव॥³⁴॥

असिंक्रियस्योषधे। निरितो नाशया पृषत्। अस्थिजस्य किलासस्य। तनूजस्य च
यत्त्वचि। कृत्यया कृतस्य ब्रह्मणा। लक्ष्मं श्वेतमनीनशम्। सरूपा नाम ते माता।
सरूपो नाम ते पिता। सरूपाऽस्योषधे सा। सरूपमिदं कृधि॥³⁵॥

शुनं हुवेम मघवानमिन्द्रम्। अस्मिन्भरे नृतमं वाजसातौ। शृण्वन्तमुग्रमूतये
समत्सु। घ्नन्तं वृत्राणि सञ्जितं धनानाम्। धूनुथ दां पर्वतान्दाशुषे वसु। नि वो
वना जिहते यामं नो भिया। कोपयथ पृथिवीं पृश्निमातरः। युधे यदुग्राः
पृषतीरयुग्धम्। प्रवेपयन्ति पर्वतान्। विविधन्ति वनस्पतीन्॥³⁶॥

प्रोवारत मरुतो दुर्मदा इव। देवासः सर्वया विशा। पुरुत्रा हि सदृङ्गसि। विशो
विश्वा अनु प्रभु। समत्सु त्वा हवामहे। समत्स्वग्निमवसे। वाजयन्तो हवामहे।

वाजे॑षु चि॒त्ररा॑धसम्। सङ्ग॑च्छध्वं॒ संव॑दध्वम्। सव्यौ॑ मना॑सि जानताम्॥³⁷॥

दे॒वा भा॒गं यथा॑ पू॒र्वै। स॒ज्ज्ञाना॑ना उ॒पास॑त। स॒मानो॑ मन्त्रः स॒मितिः॑ स॒मानी।
स॒मानं॑ मनः॑ स॒ह चि॒त्तमे॑षाम्। स॒मान॑ङ्केतो॑ अ॒भि स॑ र॒भध्वम्। स॒ज्ञाने॑न वो
ह॒विषा॑ यजामः। स॒मानी॑ व आकू॑तिः। स॒माना॑ हृद॒यानि॑ वः। स॒मानम॑स्तु वो
मनः॑। यथा॑ वः सु॒सहा॑सति॥³⁸॥

स॒ज्ञान॑न्नः स्वैः। स॒ज्ञान॑मरणैः। स॒ज्ञान॑मश्विना यु॒वम्। इ॒हास्मा॑सु नियच्छतम्।
स॒ज्ञानं॑ मे बृ॒हस्प॑तिः। स॒ज्ञानं॑ स॒विता क॑रत्। स॒ज्ञान॑मश्विना यु॒वम्। इ॒ह मह्यं॑
नि यच्छतम्। उप॑ च्छायामि॒व घृ॑णेः। अ॒गन्म॑ शर्म ते व॒यम्॥³⁹॥

अ॒ग्ने हि॑र॒ण्यस॑न्दृशः। अ॒द॒ब्धेभिः॑ स॒वितः॑ पा॒युभि॑ष्टुम्। शि॒वेभि॑र॒द्य परि॑पाहि नो
ग॒यम्। हि॑र॒ण्यजि॑ह्वः सु॒विताय॑ नव्य॒से। र॒क्षा मा॑कि॒र्नो अ॒घश॑स ई॒शत। म॒देम॑दे
हि नो॑ द॒दुः। यू॒था ग॒वांमृ॑जु॒क्रतुः॑। सङ्ग॑भाय पु॒रू॒शता॑। उ॒भया॑ ह॒स्त्या व॑सु।
शि॒शीहि॑ रा॒य आ भ॑र॥⁴⁰॥

शि॒प्रिन्वा॑जानां पते। श॒चीव॑स्तवं द॒सना॑। आ तू न॑ इन्द्र भाजय। गोष्व॑श्वेषु
शु॒भ्रुषु॑। स॒हस्रे॑षु तु॒वीम॑घ। यद्दे॒वा दे॒वहे॑डनम्। दे॒वांस॑श्च॒कृमा व॑यम्।
आदि॑त्या॒स्तस्मा॑न्मा यू॒यम्। ऋ॒तस्य॑र्तेन॒ मु॒धत। ऋ॒तस्य॑र्तेनादि॒त्याः॥⁴¹॥

यज॑त्रा मु॒धते॒ह मा॑। यज्ञै॒र्वो य॑ज्ञवा॒हसः॑। आ॒शि॒क्षन्तो॑ न शै॒किम। मे॒दस्व॑ता
यज॑मानाः। सु॒चाऽऽज्ये॑न जुह॒तः। अ॒कामा॑ वो वि॒श्वेदे॒वाः। शि॒क्षन्तो॑ नोप॑ शे॒किम।
यदि॑ दि॒वा यदि॑ न॒क्तम्। ए॒नं ए॒नस्यो॑क॒रत्। भू॒तं मा॑ तस्मा॒द्भव्यं॑ च॥⁴²॥

द्रु॒पदा॑दिव मु॒धतु॑। द्रु॒पदा॑दिवे॒न्मुमु॑चानः। स्वि॒न्नः स्ना॒त्वी म॒लादि॑व। पू॒तं
प॒वित्रे॑णे॒वाज्य॑म्। वि॒श्वे मु॒धन्तु॑ मै॒नसः॑। उ॒द्वय॑न्तम॒सस्प॑रि। प॒थ्यन्तो॑ ज्योति॒रुत्त॑रम्।
दे॒वन्दे॑व॒त्रा सूर्य॑म्। अ॒गन्म॑ ज्योति॒रुत्त॑मम्॥⁴³॥

तवं कृधि वनस्पतीं जानतामसंति वयं भरादित्याश्च नवं च॥

[4]

वृषा॒सो अ॒शुः प॑वते ह॒विष्मा॒न्त्सोमः॑। इन्द्र॑स्य भा॒ग ऋ॒तयुः॑ श॒तायुः॑। स मा॑ वृषा॑णं
वृष॑भं कृ॒णोतु॑। प्रि॒यं वि॒शाः स॑र्ववी॒रः सु॑वी॒रम्। कस्य॑ वृषा॑ सु॒ते स॒चा॑।

नियु॒त्वा॑न्वृ॒षभो॑ र॑णत्। वृ॒त्रहा॑ सोम॑पीतये। यस्ते॑ शृ॒ङ्ग वृ॒षो नपात्।
प्र॑ण॒पात्कु॑ण्ड॒पाय्यः॑। न्य॑स्मि॒न्दध्र॒ आ मनः॑॥⁴⁴॥

त॑ꣳ स॒ध्रीची॑रू॒तयो॑ वृ॒ष्णि॒यानि॑। पौ॒ऽस्या॑नि॒ नियु॑तः स॒श्रुरि॑न्द्रम्। स॒मुद्रं॑ न सि॒न्धव॑
उ॒क्थशु॑ष्माः। उ॒रुव्य॑च॒सङ्गिर॒ आ वि॑शन्ति। इन्द्रा॑य गि॒रो अ॒नि॒शित॑सर्गाः। अपः
प्रे॒रय॑न्त्सर्ग॑स्य बु॒धात्। यो अ॑क्षेणे॒व च॑क्रिया श॒चीभिः॑। वि॒ष्वक्त॑स्त॒म्भं पृ॑थि॒वीमु॑त
द्याम्। अ॒क्षोद॑य॒च्छव॑सा॒ क्षाम॑बु॒धम्। वा॒र्णवा॑त॒स्तवि॑षीभि॒रिन्द्रः॑॥⁴⁵॥

दृ॒ढान्यौ॑घ्रादु॒शमा॑न् ओजः॑। अवा॑भि॒नत्क॑कु॒भः पर्व॑तानाम्। आ नो॑ अ॒ग्ने सु॑केतुना॑।
र॒यिं वि॒श्वायु॑पोष॒सम्। मा॒र्डीक॑न्धेहि जी॒वसै॑। त्व॑ꣳ सोम॑ म॒हे भग॑म्। त्वं यू॒ने
ऋ॒ताय॑ते। दक्ष॑न्दधा॒सि जी॒वसै॑। रथं॑ यु॒ञ्जते॑ म॒रुतः॑ शु॒भे सु॑गम्। सू॒रो न
मि॒त्राव॑रु॒णा ग॒वि॒ष्टिषु॑॥⁴⁶॥

रजा॑ꣳसि चि॒त्रा वि॑चरन्ति त॒न्यवः॑। दि॒वः स॑म्राजा॒ पय॑सा न उ॒क्षत॑म्। वाच॑ꣳ
सुमि॑त्राव॒रुणा॒विरा॑वतीम्। प॒र्जन्य॑श्चि॒त्रां व॑दति त्रि॒षीम॑तीम्। अ॒भ्रा व॑सत म॒रुतः॑
सुमा॑यया॑। द्वां व॑र्षय॒तम॑रु॒णाम॑रे॒पस॑म्। अ॒युक्त॑ स॒प्त शु॒न्ध्यवः॑। सू॒रो रथ॑स्य
न॒न्नियः॑। ताभि॑र्याति॒ स्वयु॑क्तिभिः। वहि॑ष्ठेभि॒र्वि॒हर॑न् या॒सि त॑न्तुम्॥⁴⁷॥

अ॒वव्य॑यन्न॒सित॑न्दे॒व व॑स्वः। द॒वि॒ध्वतो॑ र॒श्मयः॑ सू॒र्यस्य॑। च॒र्म॒वावा॑धुस्त॒मो अ॒प्स्वन्तः॑।
प॒र्जन्या॑य प्र गा॑यत। दि॒वस्पु॑त्राय॑ मी॒ढुषै॑। स नो॑ य॒वस॑मिच्छतु। अ॒च्छा व॑द
त॒वस॑ङ्गीर्भि॒राभिः॑। स्तु॒हि प॒र्जन्य॑न्नम॒साऽऽवि॑वास। क॒र्नि॒ऋद॑द्वृ॒षभो॑ जी॒रदा॑नुः। रे॒तो
दधा॑त्वोष॑धीषु॒ गर्भ॑म्॥⁴⁸॥

यो गर्भ॑मोष॑धीनाम्। गवा॑ कृ॒णोत्य॑र्वताम्। प॒र्जन्यः॑ पु॒रुषी॑णा॒म्। तस्मा॑ इ॒दास्ये॑
ह॒विः। जू॒होता॑ मधु॑मत्तमम्। इ॒डा॒न्नः सं॑यत॑ङ्करत्। ति॒स्रो य॑द॒ग्ने श॑रद॒स्त्वामि॑त्। शुचिं॑
घृ॒तेन॑ शुच॑यः स॒पर्य॑न्। ना॒मा॒नि चि॒दधि॑रे य॒ज्ञिया॑नि। अ॒सूद॑यन्त त॒नुवः॑
सुजा॑ताः॥⁴⁹॥

इन्द्र॑श्च नः शु॒नासी॑रो। इ॒मं य॒ज्ञं मि॑मिक्षतम्। गर्भ॑न्धत्त॑ꣳ स्व॒स्तये॑। ययो॑रि॒दं वि॒श्वं
भुव॑नमा वि॒वेश॑। ययो॑रा॒नन्दो॑ निहि॑तो म॒हश्च॑। शु॒नासी॑रावृ॒तुभिः॑ संवि॒दानौ॑।

इन्द्रवन्तौ हविरिदं जुषेथाम्। आघाये अग्निमिन्धते। स्तृणन्ति बर्हिर्गानुषक्।
 येषामिन्द्रो युवा सखा। अग्न इन्द्रश्च मेदिना। हथो वृत्राण्यप्रति। युवश्च हि
 वृत्रहन्तमा। याभ्याश्च सुवरजयन्नग्र एव। यावातस्थतुर्भुवनस्य मध्ये। प्रचर्षणी
 वृषणा वज्रबाहू। अग्नी इन्द्रावृत्रहणा हुवे वाम्॥⁵⁰॥

मन इन्द्रो गर्विष्ठिषु तन्तुर्भृश्च सुजाताः सखा सप्त च॥

[5]

उत नः प्रिया प्रियासु। सप्तस्वसा सुजुष्टा। सरस्वती स्तोम्याऽभूत्। इमा
 जुह्वानायुष्मदा नमोभिः। प्रति स्तोमश्च सरस्वति जुषस्व। तव शर्मन्प्रियतमे
 दधानाः। उपस्थेयाम शरणन्न वृक्षम्। त्रिणि पदा विचक्रमे। विष्णुर्गोपा अदाभ्यः।
 ततो धर्माणि धारयन्॥⁵¹॥

तदस्य प्रियमभि पाथो अश्याम्। नरो यत्र देवयवो मदन्ति। उरुक्रमस्य स हि
 बन्धुरित्था। विष्णोः पदे परमे मध्व उत्सः। ऋत्वादा अस्थु श्रेष्ठः। अद्य त्वा
 वन्वन्त्सुरेक्षणाः। मर्त आनाश सुवृक्तिम्। इमा ब्रह्म ब्रह्मवाह। प्रिया त आ बर्हिः
 सीद। वीहि सूर पुरोडाशम्॥⁵²॥

उप नः सूनवो गिरः। शृण्वन्त्वमृतस्य ये। सुमृडीका भवन्तु नः। अद्या नो देव
 सवितः। प्रजावत्सावीः सौभगम्। परा दुष्वप्रियश्च सुव। विश्वानि देव सवितः।
 दुरितानि परा सुव। यद्भद्रन्तन्म आ सुव। शुचिमर्कैर्बृहस्पतिम्॥⁵³॥

अध्वरेषु नमस्यत। अनाम्योज आ चके। या धारयन्त देवा सुदक्षा दक्षपितारा।
 असुर्याय प्रमहसा। स इत् क्षेति सुधित ओकसि स्वे। तस्मा इडा पिन्वते
 विश्वदानी। तस्मै विशः स्वयमेवानमन्ति। यस्मिन्ब्रह्मा राजनि पूर्व एति।
 सकूतिमिन्द्र सच्युतिम्। सच्युतिञ्चघनच्युतिम्॥⁵⁴॥

कनात्काभान्न आ भर। प्रयज्यन्निव सक्थ्यौ। वि न इन्द्र मृधो जहि।
 कनीखुनदिव सापयन्। अभि नः सुष्टुतिन्नय। प्रजापतिः स्त्रियां यशः।
 मुष्कयोरदधात्सपम्। कामस्य तृप्तिमानन्दम्। तस्याग्ने भाजयेह मा। मोदः प्रमोद
 आनन्दः॥⁵⁵॥

मुष्कयोर्निहितः सपः। सृत्वेव कामस्य तृप्याणि। दक्षिणानां प्रतिग्रहे।
मनसश्चित्तमाकूतिम्। वाचः सत्यमशीमहि। पशूनां रूपमन्नस्य। यशः श्रीः श्रयतां
मयि। यथाऽहमस्या अतृपः स्त्रिये पुमान्। यथा स्त्री तृप्यति पुंसि प्रिये प्रिया।
एवं भगस्य तृप्याणि॥⁵⁶॥

यज्ञस्य काम्यः प्रियः। ददामीत्यग्निर्वदति। तथेति वायुराह तत्। हन्तेति
सत्यञ्चन्द्रमाः। आदित्यः सत्यमोमिति। आपस्तत्सत्यमा भरन्। यशो यज्ञस्य
दक्षिणाम्। असौ मे कामः समृद्धताम्। न हि स्पशमविदन्नन्यमस्मात्।
वैश्वानरात्पुरएतारमग्नेः॥⁵⁷॥

अथेममन्थन्नमृतममूराः। वैश्वानरङ्गेऽत्रजित्याय देवाः। येषामिमे पूर्वे अर्मास आसन्।
अयूपाः सद्य विभृता पुरूणि। वैश्वानर त्वया ते नुत्ताः।
पृथिवीमन्यामभितस्थुर्जनासः। पृथिवीं मातरं महीम्। अन्तरिक्षमुपं ब्रुवे।
बृहतीमूतये दिवम्। विश्वं विभर्ति पृथिवी॥⁵⁸॥

अन्तरिक्षं वि पंप्रथे। दुहे द्यौर्बृहती पयः। न ता नशन्ति न दभाति तस्करः। नैना
अमित्रो व्यथिरादधर्षति। देवाश्च याभिर्यजते ददाति च। ज्योगित्ताभिः सचते
गोपतिः सह। न ता अर्वा रेणुककाटो अश्नुते। न सःस्कृतत्रमुपं यन्ति ता अभि।
उरुगायमभयं तस्य ता अनु। गावो मर्त्यस्य वि चरन्ति यज्वनः॥⁵⁹॥

रात्री व्यख्यदायती। पुरुत्रा देव्यक्षभिः। विश्वा अधि श्रियोऽधिता। उपं ते गा
इवाकरम्। वृणीष्व दुहितर्दिवः। रात्री स्तोमं न जिग्युषी। देवीं वाचमजनयन्त
देवाः। तां विश्वरूपाः पशवो वदन्ति। सा नो मन्त्रेषमूर्जन्दुहाना। धेनुर्वागस्मानुप
सुष्टुतैतु॥⁶⁰॥

यद्वाग्वदन्त्यविचेतनानि। राष्ट्री देवानांनिषसाद मन्द्रा। चतस्र ऊर्जन्दुदुहे पयांसि।
क्व स्विदस्याः परमं जंगाम। गौरी मिमाय सलिलानि तक्षती। एकपदी द्विपदी सा
चतुष्पदी। अष्टापदी नवपदी बभूवुषी। सहस्राक्षरा परमे व्योमन्। तस्याः समुद्रा
अधि विक्षरन्ति। तेन जीवन्ति प्रदिशश्चतस्रः॥⁶¹॥

ततः क्षरत्यक्षरम्। तद्विश्वमुप जीवति। इन्द्रासूरा जनयन्विश्वकर्मा। मरुत्वा अस्तु
गणवान्सजातवान्। अस्य स्नुषा श्वशुरस्य प्रशिष्टिम्। सपत्न्या वाचं मनसा
उपासताम्। इन्द्रः सूरौ अतरद्रजांसि। स्नुषा सपत्न्या श्वशुरोऽयमस्तु। अयं
शत्रूञ्जयतु जर्हषाणः। अयं वा जयतु वाजसातौ। अग्निः क्षत्रभृदनिभृष्टमोजः।
सहस्रियो दीप्यतामप्रयुच्छन्। विभ्राजमानः समिधान उग्रः।
आऽन्तरिक्षमरुहदगन्द्याम्॥⁶²॥

धारयन्सुरोडाशं बृहस्पतिं जघनच्युतिमानन्दो भगंस्य तृप्याण्यग्नेः पृथिवी यज्वन एतु प्रदिशश्चतस्रो वाजसातौ चत्वारि च॥ [6]

वृषाऽस्यः शुर्वृषभाय गृह्यसे। वृषाऽयमुग्रो नृचक्षसे। दिव्यः कर्मण्यो हितो
बृहन्नम। वृषभस्य या ककुत्। विषूवान् विष्णो भवतु। अयं यो मामको वृषा।
अथो इन्द्र इव देवेभ्यः। वि ब्रवीतु जनैभ्यः। आयुष्मन्तं वर्चस्वन्तम्। अथो
अधिपतिं विशाम्॥⁶³॥

अस्याः पृथिव्या अध्यक्षम्। इममिन्द्र वृषभं कृणु। यः सुशृङ्गः सुवृषभः। कल्याणो
द्रोण आहितः। कार्षीवल प्रगाणेन। वृषभेण यजामहे। वृषभेण यजमानाः।
अक्रूरेणेव सर्पिषा। मृधश्च सर्वा इन्द्रेण। पृतनाश्च जयामसि॥⁶⁴॥

यस्यायमृषभो हविः। इन्द्राय परिणीयतै। जयाति शत्रुमायन्तम्। अथो हन्ति
पृतन्यतः। नृणामहं प्रणीरसत्। अग्रे उद्भिन्दतामसत्। इन्द्र शुष्मं तनुवा मेरयस्व।
नीचा विश्वा अभितिष्ठाभिमातीः। नि शृणीह्याबाधं यो नो अस्ति। उरुं नो लोकं
कृणुहि जीरदानो॥⁶⁵॥

प्रेह्यभि प्रेहि प्र भरा सहस्व। मा विवेनो वि शृणुष्व। जनेषु। उदीडितो वृषभ तिष्ठ
शुष्मैः। इन्द्र शत्रून्पुरो अस्माकं युध्य। अग्ने जेता त्वं जय। शत्रून्सहस ओजसा।
वि शत्रून् विमृधो नुद। एतन्ते स्तोमन्तुविजात विप्रः। रथं न धीरः स्वपा अतक्षम्।
यदीदग्ने प्रतिबन्देव हर्याः॥⁶⁶॥

सुवर्वतीरप एना जयेम। यो घृतेनाभिमानितः। इन्द्र जैत्राय जज्ञिषे। स नः सङ्कासु
पारय। पृतनासाह्येषु च। इन्द्रो जिगाय पृथिवीम्। अन्तरिक्षं सुवर्महत्। वृत्रहा

पुरुचेतनः। इन्द्रो जिगाय सहसा सहांसि। इन्द्रो जिगाय पृतनानि विश्वा॥⁶⁷॥
 इन्द्रो जातो वि पुरो रुरोज। स नः परस्पा वरिवः कृणोतु। अयं कृत्तुरगृभीतः।
 विश्वजिदुद्भिदित्सोमः। ऋषिर्विप्रः काव्येन। वायुरग्रेणा यज्ञप्रीः। साकङ्गन्मनसा
 यज्ञम्। शिवो नियुद्धिः शिवाभिः। वायो शुक्रो अयामि ते। मध्वो अग्रं
 दिर्विष्टिषु॥⁶⁸॥

आ याहि सोम पीतये। स्वारुहो देव नियुबता। इममिन्द्र वर्धय क्षत्रियाणाम्। अयं
 विशां विशपतिरस्तु राजा। अस्मा इन्द्र महि वर्चांसि धेहि। अवर्चसङ्कणुहि
 शत्रुमस्य। इममा भञ्ज ग्रामे अश्वेषु गोषु। निरमुं भञ्ज योऽमित्रो अस्य। वर्षन्
 क्षत्रस्य ककुभि श्रयस्व। ततो न उग्रो वि भञ्जा वसूनि॥⁶⁹॥

अस्मे द्वावापृथिवी भूरि वामम्। सन्दुहाथाङ्घ्रिर्मदुधैव धेनुः। अयं राजा प्रिय
 इन्द्रस्य भूयात्। प्रियो गवामोषधीनामुतापाम्। युनज्मि त उत्तरावन्तमिन्द्रम्। येन
 जयांसि न परा जयांसै। स त्वाऽकरेकवृषभं स्वानाम्। अथो राजन्नुत्तमं
 मानवानाम्। उत्तरस्त्वमधरे ते सपत्नः। एकवृषा इन्द्रसखा जिगीवान्॥⁷⁰॥

विश्वा आशाः पृतनाः सञ्जयं जयन्। अभि तिष्ठ शत्रूयतः सहस्व। तुभ्यं भरन्ति
 क्षितयो यविष्ठ। बलिमग्ने अन्तित ओत दूरात्। आ भन्दिष्ठस्य सुमतिश्चिकिद्धि।
 बृहत्ते अग्ने महि शर्म भद्रम्। यो देह्यो अनमयद्वधस्त्रैः। यो अर्यपत्नीरुषसश्चकार।
 स निरुध्या नहुषो यहो अग्निः। विशश्चक्रे बलिहृतः सहोभिः॥⁷¹॥

प्र सदो अग्ने अत्यैष्यन्यान्। आविर्यस्मै चारुतरौ बभूध। ईडेन्यो वपुष्यो विभावा।
 प्रियो विशामतिथिर्मानुषीणाम्। ब्रह्मज्येष्ठा वीर्या सम्भृतानि। ब्रह्माग्ने ज्येष्ठं दिवमा
 ततान। ऋतस्य ब्रह्म प्रथमोत जज्ञे। तेनार्हति ब्रह्मणा स्पर्धितुङ्कः। ब्रह्म स्रुचो
 घृतवतीः। ब्रह्मणा स्वरवो मिताः॥⁷²॥

ब्रह्म यज्ञस्य तन्तवः। ऋत्विजो ये हविष्कृतः। शृङ्गाणीवेच्छृङ्गिणां सन्ददृश्रिरे।
 चषालवन्तः स्वरवः पृथिव्याम्। ते देवासः स्वरवस्तस्थिवांसः। नमः सखिभ्यः
 सन्नान्माऽवगात। अभिभूरग्निरतरद्रजांसि। स्पृधो विहत्य पृतना अभिश्रीः।

जुषा॒णो म॒ आहु॑तिं मा॒महि॑ष्ट। ह॒त्वा स॒पत्नान् वरि॑वस्कर॒न्नः। ईशा॑नन्त्वा
भुव॑नानामभि॒श्रिय॑म्। स्तोम्य॑ग्न उरु॒कृत॑ सु॒वीर॑म्। ह॒विर्जुषा॑णः स॒पत्नः॑
अभि॒भूर॑सि। ज॒हि शत्रू॑ रप॒ मृधो॑ नुदस्व॥ 73 ॥

विशां जंयामसि जीरदानो हर्या विश्वा दिविष्टिषु वसूनि जिगीवान्सहोभिर्मिता नश्चत्वारि च॥ [7]

स प्र॑त्नवन्नवी॒यसा॑। अ॒ग्ने॑ द्यु॒म्नेन॑ सं॒यता॑। बृ॒हत्त॑तन्थ भा॒नुना॑। नव॒न्नु स्तोम॑म॒ग्नयै॑।
दि॒वः श्ये॒नाय॑ जी॒जन॑म्। वसोः॑ कु॒विद्व॑नाति॒ नः। स्वा॒रुहा॑ यस्य श्रि॒यो दृ॒शे।
र॒यिर्वी॒रव॑तो यथा। अ॒ग्ने॑ य॒ज्ञस्य॑ चे॒ततः॑। अ॒दाभ्यः॑ पु॒रए॒ता॥ 74 ॥

अ॒ग्निर्वि॒शां मा॒नुषी॑णाम्। तू॒र्णी रथः॑ स॒दा नवः॑। नव॑ सोमा॒य वा॒जिनै॑। आ॒ज्यं
पय॑सोऽज॒नि। जुष्ट॑ शुचि॑तमं वसु॑। नव॑ सोम जुष॒स्व नः। पी॒यूष॑स्येह तृ॒ष्णुहि॑।
यस्ते॑ भा॒ग ऋ॒ता व॒यम्। नव॑स्य सोम ते व॒यम्। आ सु॑म॒तिं वृ॒णीम॑हे॥ 75 ॥

स नो॑ रा॒स्व सह॑स्रिणः। नव॑ ह॒विर्जुष॑स्व नः। ऋ॒तुभिः॑ सोम भू॒तम॑म्। तद॒ङ्ग
प्रति॑हर्य नः। राज॑न्त्सोम स्व॒स्तयै॑। नव॑ऽस्तोम॒न्नव॑ ह॒विः। इन्द्रा॑ग्निभ्यां नि वै॒दय।
तज्जु॑षेता॒ सचे॑तसा। शुचि॑न्नु स्तोम॒न्नव॑जातम॒द्य। इन्द्रा॑ग्नी वृ॒त्रह॑णा जुषे॒थाम्॥ 76 ॥

उ॒भा हि वा॑ सु॒हवा॒ जोह॑वीमि। ता वा॒जः स॒द्य उ॑शते धे॒ष्ठा। अ॒ग्निरिन्द्रो॑ नव॑स्य
नः। अ॒स्य ह॒व्यस्य॑ तृ॒प्यता॑म्। इ॒ह दे॒वौ सह॑स्रिणौ। य॒ज्ञन्न॒ आ हि॑ गच्छ॒ताम्।
वसु॑म॒न्तः सु॒र्विद॑म्। अ॒स्य ह॒व्यस्य॑ तृ॒प्यता॑म्। अ॒ग्निरिन्द्रो॑ नव॑स्य नः।
विश्वा॑न्दे॒वाः स्त॑र्पयत॥ 77 ॥

ह॒विषो॑ऽस्य नव॑स्य नः। सु॒र्विदो॑ हि ज॒ज्ञिरे॑। ए॒दं ब॒र्हिः सु॒ष्टीमा॒ नवे॑न। अ॒यं
य॒ज्ञो यज॑मानस्य भा॒गः। अ॒यं ब॒भूव॒ भुवन॑स्य गर्भः। वि॒श्वे दे॒वा इ॒दम॑द्यागमि॒ष्ठाः।
इ॒मे नु॒ द्यावा॑पृथि॒वी स॒मीची॑। त॒न्वाने॑ य॒ज्ञं पु॒रुपे॑शसन्धिया। आऽस्मै॑ पृ॒णीतां
भुव॑नानि वि॒श्वा। प्र॒जां पु॒ष्टिम॑मृ॒तन्न॑वेन॥ 78 ॥

इ॒मे धे॒नू अ॒मृतं॑ ये दुहा॒ते। पय॑स्वत्युत्तरा॒मेतु॑ पु॒ष्टिः। इ॒मं य॒ज्ञं जुष॑माणे नवे॑न।
स॒मीची॑ द्यावा॑पृथि॒वी घृ॒ताची॑। यवि॑ष्ठो ह॒व्यवा॑हनः। चि॒त्रभा॑नुर्घृ॒तासु॑तिः। नव॑जातो
वि रो॑चसे। अ॒ग्ने त॑त्ते॒ महि॑ब॒नम्। त्वम॑ग्ने दे॒वता॑भ्यः। भा॒गे दे॒व न मी॑यसे॥ 79 ॥

स ए॒ना वि॒द्वान् यक्ष्य॑सि। नव॑ः स्तोमं॑ जुष॑स्व नः। अ॒ग्निः प्र॑थमः प्राश्ना॑तु। स हि
वेद॑ यथा॑ ह॒विः। शि॒वा अ॒स्मभ्य॑मोष॑धीः। कृ॒णोतु॑ विश्व॑च॒र्षणिः॑। भ॒द्रान्नः॑ श्रेयः
सम॑नैष्ट दे॒वाः। त्वयो॑ऽव॒सेन॑ सम॑शीमहि त्वा। स नो॑ मयो॒भूः पि॑तो आ वि॒शस्व॑।
शन्तो॑काय॑ त॒नुवै॑ स्यो॒नः। ए॒तमु॒ त्यं म॑धु॒ना संयु॑तं यव॑म्। सर॑स्वत्या
अधि॑म॒नाव॑च॒र्कषुः॑। इन्द्र॑ आसी॒त्सीर॑पतिः श॒तक्र॑तुः। की॒नाशा॑ आसन्म॒रुतः॑
सु॒दान॑वः॥ ८० ॥

पुर॒एता वृ॑णीमहे जुषे॒थान्तर्प॑यता॒मृत॑न्न॒र्वेन॑ मीयसे स्यो॒नश्च॒त्वारि॑ च॥

[8]

जुष्ट॑श्चक्षु॒षो जुष्टी॑नरो नक्त॒ञ्जाता वृषा॑स उ॒त नो॒ वृषा॑ऽस्य॒ः शुः सप्र॑ब्र॒वद॑ष्टौ॥ ८॥

जुष्टो॑ म॒न्युर्भ॑गो जुष्टी॑ नरो ह॒रिर्व॑र्षस॒ङ्गिरः॑ शि॒प्रिन्वा॑जानामु॒त नः प्रि॒या यद्वा॑ग्वद॑न्ती वि॒श्वा आ॒शा अ॒र्शीतिः॑॥ ८० ॥

जुष्टः॑ सु॒दान॑वः॥

हरिः॑ ॐ ॥

॥ इति श्रीकृष्णयजुर्वेदीयतैत्तिरीयब्राह्मणे द्वितीयाष्टके चतुर्थः प्रपाठकः समाप्तः ॥

॥पञ्चमः प्रश्नः॥

॥तैत्तिरीयब्राह्मणे द्वितीयाष्टके पञ्चमः प्रपाठकः॥

प्रा॒णो र॑क्षति॒ विश्व॑मेज॑त्। इ॒र्यो भू॒त्वा बहु॑धा बहु॑नि। स इ॒त्सर्व॑ व्य॑ान॒शे। यो दे॒वो दे॒वेषु॑ वि॒भूर॑न्तः। आवृ॑दू॒दात् क्षे॒त्रिय॑ध्व॒गद्व॑षा। तमि॒त्प्रा॑णं म॒नसो॑प॒ शिक्ष॑त। अ॒ग्रं दे॒वाना॑मि॒दम॑न्तु नो ह॒विः। म॒नस॑श्चि॒त्तेद॑म्। भू॒तं भव्यं॑ च गु॒प्यते। तद्धि दे॒वेष्व॑ग्रि॒यम्॥₁॥

आ न॑ ए॒तु पु॒रश्च॑रम्। स॒ह दे॒वैरि॒मं ह॒वम्। म॒नः श्रेय॑सि॒श्रेय॑सि। क॒र्मन् य॒ज्ञप॑ति॒न्दध॑त्। जु॒षता॑ मे वा॒गिद॑ ह॒विः। वि॒राड्दे॒वी पु॒रोहि॑ता। ह॒व्यवा॑डन॒पायि॑नी। यया॑ रू॒पाणि॑ बहु॒धा वद॑न्ति। पे॒शासि॑ दे॒वाः प॑र॒मे ज॒नित्रै॑। सा नो॑ वि॒राडन॑पस्फुरन्ती॥₂॥

वाग्दे॒वी जु॒षता॑मि॒दं ह॒विः। चक्षु॑र्दे॒वानां॑ ज्योति॑र॒मृते॒ न्य॑क्तम्। अ॒स्य वि॒ज्ञाना॑य बहु॒धा निधी॑यते। तस्य॑ सु॒म्नम॑शीमहि। मा नो॑ हासीद्विच॒क्षण॑म्। आ॒युरि॒न्नः प्रती॑र्यताम्। अ॒नन्धा॑श्चक्षु॒षा व॒यम्। जी॒वा ज्योति॑रशीमहि। सु॒वज्यो॑ति॒रुता॑मृतम्। श्रोत्रे॑ण भ॒द्रमु॑त शृ॒ण्वन्ति॑ स॒त्यम्। श्रोत्रे॑ण वाचं बहु॒धोद॑मानाम्। श्रोत्रे॑ण मोद॑श्च म॒हश्च॑ श्रूयते। श्रोत्रे॑ण सर्वा॑ दि॒श आ शृ॑णोमि। येन॑ प्रा॒च्या उ॒त दक्षि॑णा। प्रती॑च्यै दि॒शः शृ॑ण्वन्त्यु॒त्तरा॑त्। तदि॒च्छोत्रं॑ बहु॒धोद॑मानम्। अ॒रान्न ने॒मिः परि॑ सर्वं बभूव॥₃॥

अग्रियमनपस्फुरन्ती सत्यं सप्त च॥

[1]

उदे॒हि वा॒जिन्यो॑ अ॒स्यप्स॑न्तः। इ॒दं रा॒ष्ट्रमा॑ वि॒श सूनृ॑ता॒वत्। यो रोहि॑तो वि॒श्वमि॑दञ्जानं। स नो॑ रा॒ष्ट्रेषु॑ सु॒धितान्द॑धातु। रोह॑रोह॒रोहि॑त आरु॑रोह। प्र॒जाभि॑र्वृद्धिं ज॒नुषा॑मुप॒स्थम्। ताभिः॑ स॒रब्धो॑ अ॒विद॑ष्य॒दुर्वीः। गा॒तुं प्र॒पश्य॑न्नि॒ह रा॒ष्ट्रमा॑ऽहा। आऽहा॑र्षी॒द्राष्ट्र॑मि॒ह रोहि॑तः। मृ॒धो व्या॑स्थ॒दभ॑यं नो अस्तु॥₄॥

अ॒स्मभ्यं॑ द्या॒वापृ॑थि॒वी श॒क्वरी॑भिः। रा॒ष्ट्रन्दु॑हा॒थामि॑ह रे॒वती॑भिः। वि॒मम॑र्श॒ रोहि॑तो वि॒श्वरू॑पः। स॒माच॑क्रा॒णः प्र॒रुहो॑ रुह॑श्च। दि॒वङ्ग॒त्वाय॑ म॒हता॑ म॒हिम्ना॑। वि नो॑

राष्ट्रमु॑न॒त्तु प॒यसा॑ स्वेन॑। यास्ते॑ वि॒शस्त॑पसा सं ब॒भूवुः॑। गाय॑त्रं व॒त्सम॑नु तास्त॒
आऽगुः॑। तास्त्वा वि॑शन्तु म॒हसा॑ स्वेन॑। सं मा॑ता पु॒त्रो अ॒भ्येतु॑ रोहि॑तः॥⁵॥

यू॒यमु॑ग्रा मरु॒तः पृ॒श्चिमा॑तरः। इ॒न्द्रेण॑ स॒युजा॑ प्रमृ॑णीथ शत्रू॑न्। आ वो रोहि॑तो
अ॒शृणो॑दभि॒द्यवः॑। त्रि॒स॒प्तासो॑ मरु॒तः स्वा॑दु॒सम्म॑दः। रोहि॑तो द्वावा॑पृथि॒वी ज॑जान।
तस्मि॑न्नु॒स्तन्तु॑ परमे॒ष्ठी त॑तान। तस्मि॑ञ्छि॒श्रिये॑ अ॒ज एक॑पात्। अ॒द॒ह॒द्वावा॑पृथि॒वी
बले॑न। रोहि॑तो द्वावा॑पृथि॒वी अ॒द॒हत्। तेन॑ सु॒वः स्त॒भित॑त्तेन॒ नाकः॑॥⁶॥

सो अ॒न्तरि॑क्षे रज॑सो वि॒मानः॑। तेन॑ दे॒वाः सु॒वर॑न्ववि॒न्दन्। सु॒शेव॑न्त्वा भा॒नवो॑
दी॒दिवा॑सम्। स॒म॒ग्रासो॑ जु॒हो जा॑तवेदः। उ॒क्षन्ति॑ त्वा वा॒जिन॑मा घृ॒तेन॑। स॒स॒म॒ग्रे
यु॒वसे॑ भो॒ज॒नानि॑। अ॒ग्रे श॒र्ध म॒ह॒ते सौ॒भ॒गाय॑। तव॑ दु॒ग्म॒न्यु॒त्त॒मा॒नि स॑न्तु।
स॒ञ्जा॒स्प॒त्य॑ सु॒यम॑मा कृ॒णुष्व॑। श॒त्रूय॑ताम॒भि ति॑ष्ठा॒ महा॑सि॥⁷॥

अ॒स्वेतु॑ रोहि॑तो॒ नाको॑ महा॑सि॥

[2]

पुन॑र्न इ॒न्द्रो म॒घवा॑ द॒दातु॑। धना॑नि श॒क्रो ध॒न्यः सु॒राधाः॑। अ॒र्वा॒चीनं॑ कृ॒णुतां॑
याचि॑तो म॒नः। श्रु॒ष्टी नो॑ अ॒स्य ह॒विषो॑ जु॒षाणः॑। या॒नि नो॑ऽजि॒नन्ध॑ना॒नि। ज॒ह॒र्ध
शू॒र म॒न्युना॑। इ॒न्द्रानु॑वि॒न्द न॒स्तानि॑। अ॒नेन॑ ह॒विषा॑ पुनः॑। इ॒न्द्र आ॒शाभ्यः॑ परि॑।
स॒र्वाभ्यो॑ऽभ॒यङ्क॑रत्॥⁸॥

जे॒ता श॒त्रून् वि॑च॒र्षणिः॑। आकू॑त्यै त्वा का॒माय॑ त्वा स॒मृधे॑ त्वा। पु॒रो द॑धे
अ॒मृत॑त्वाय जी॒वसे॑। आकू॑तिम॒स्याव॑से। का॒मम॑स्य स॒मृद्धे॑। इ॒न्द्रस्य॑ यु॒जते॑ धि॒यः।
आकू॑तिं दे॒वीं म॒नसः॑ पु॒रो द॑धे। य॒ज्ञस्य॑ मा॒ता सु॒हवा॑ मे अ॒स्तु। य॒दिच्छा॑मि
म॒नसा॑ स॒कामः॑। वि॒देय॑मे॒नद्ध॑दे॒ये नि॒विष्ट॑म्॥⁹॥

से॒द॒ग्निर॒ग्नीर॑त्यै॒त्यन्या॑न्। यत्र॑ वा॒जी त॑न॒यो वी॒डुपा॑णिः। स॒हस्र॑पा॒था अ॒क्षरा॑
स॒मेति॑। आ॒शा॒ना॒न्त्वाऽऽशा॑पा॒लेभ्यः॑। च॒तुर्भ्यो॑ अ॒मृतै॑भ्यः। इ॒दं भू॑तस्याध्य॒क्षेभ्यः॑।
वि॒धेम॑ ह॒विषा॑ व॒यम्। वि॒श्वा आ॒शा म॑धु॒ना स॑ सृ॒जामि॑। अ॒न॒मी॒वा आप॑
ओष॑धयो भवन्तु। अ॒यं य॒ज॒मा॒नो मृ॒धो व्य॑स्यताम्॥¹⁰॥

अ॒गृ॒भी॒ताः प॒शवः॑ स॒न्तु स॒र्वे। अ॒ग्निः सो॒मो व॑रु॒णो मि॒त्र इ॒न्द्रः। बृ॒ह॒स्पतिः॑ स॒वि॒ता

यः संह॑स्त्री। पू॒षा नो गो॒भिरव॑सा सर॑स्वती। त्वष्टा॑ रू॒पाणि॒ सम॑नक्तु यज्ञैः। त्वष्टा॑
रू॒पाणि दध॑ती सर॑स्वती। पू॒षा भग॑ः सवि॒ता नो द॑दातु। बृ॒हस्प॑तिर्द॒ददिन्द्रः॑
स॒हस्र॑म्। मि॒त्रो दा॒ता वरु॑णः सोमो॑ अ॒ग्निः॥¹¹॥

करत्रिविष्टमस्यतान्नव च॥

[3]

आ नो॑ भर॒ भग॑मिन्द्र द्युम॑न्तम्। नि ते॑ दे॒ष्णस्य॑ धीमहि प्र॒रेके। उ॒र्व इ॒व प॒प्रथे
का॒मो अ॒स्मे। तमा॑पृ॒णा वसु॑पते वसू॑नाम्। इ॒मङ्काम॑ म॒न्दया गो॒भिरश्वैः॑। च॒न्द्रव॑ता
राध॑सा प॒प्रथ॑श्च। सु॒र्व्यवो॑ म॒तिभि॒स्तुभ्यं॑ वि॒प्राः। इन्द्रा॑य वा॒हः कु॒शिका॑सो अ॒क्रन्।
इन्द्र॑स्य नु वी॒र्या॑णि प्रवो॑चम्। या॒नि च॒कार॑ प्रथ॒मानि॑ व॒ज्री॥¹²॥

अ॒ह॒न्नहि॒मन्व॑पस्त॒तर्द। प्रव॑क्षणा॑ अ॒भि॒न॒त्पर्व॑तानाम्। अ॒ह॒न्नहि॒ पर्व॑ते शि॒श्रिया॑णम्।
त्वष्टा॑ऽस्मै वज्र॑ः स्व॒र्यन्त॑तक्ष। वा॒श्रा इ॒व धे॒नवः॑ स्यन्द॑मानाः। अ॒ञ्जः स॒मुद्र॑मव॑
जग्मु॑रापः। वृ॒षाय॑मा॒णोऽवृ॑णीत॒ सोम॑म्। त्रि॒क॑द्रु॒केष्व॑पि॒बत्सु॑तस्य। आ सा॒यकं॑
म॒घवा॑ दत्त॒ वज्र॑म्। अ॒ह॒न्नेन॑ प्रथ॒मजा॑ म॒हीना॑म्॥¹³॥

यदिन्द्रा॑ह॒न्प्रथ॑मजा॒ मही॑नाम्। आ॒न्मा॒यिना॑म॒मिनाः॑ प्रो॒त मा॒याः। आ॒त्सूर्य॑
ज॒नय॑न्द्यामु॒षास॑म्। तादी॑क्रा शत्रू॒न्न कि॒ला॒विवि॑त्से। अ॒ह॒न्वृ॒त्रं वृ॒त्रत॑रं व्य॒सम्।
इन्द्रो॑ वज्रे॒ण म॒हता॑ व॒धेन॑। स्क॒न्धा॒सीव॑ कुलि॒शेना॒विवृ॑क्ष्णा। अ॒हिः श॒यत॑
उ॒प॒पृक्पृ॑थि॒व्याम्। अ॒यो॒ध्येव॑ दु॒र्मद॑ आ हि जु॒ह्वे। म॒हावी॑रन्तु॒विबा॒धमृ॑जीषम्॥¹⁴॥

नाता॑रीरस्य॒ समृ॑तिं व॒धाना॑म्। स॒ रु॒जानाः॑ पि॒पिष॑ इन्द्र॒शत्रुः॑। वि॒श्वो वि॒हाया॑
अ॒रतिः॑। वसु॑र्दधे ह॒स्ते दक्षि॑णे। त॒रणि॑र्न शि॒श्रथ॑त्। श्र॒वस्य॑या न शि॒श्रथ॑त्। वि॒श्वस्मा॑
इ॒दिषु॑ध्यसे। दे॒वत्रा॑ ह॒व्यमू॑हिषे। वि॒श्वस्मा॑ इ॒त्सुकृ॑ते वा॒रमृ॑ण्वति। अ॒ग्निर्द्वा॒रा
व्यृ॑ण्वति॥¹⁵॥

उ॒दु॒ञ्जिहा॑नो अ॒भि का॑ममी॒रय॑न्। प्र॒पृ॒श्चन्वि॒श्वा भु॑वनानि पू॒र्वथा॑। आ के॒तुना॑
सु॒षमि॑द्धो यजि॑ष्ठः। का॒मं नो॑ अ॒ग्ने अ॒भिह॑र्य दि॒ग्भ्यः। जु॒षा॒णो ह॒व्यम॑मृतेषु दू॒ढ्यः।
आ नो॑ र॒यिं ब॑हु॒लाङ्गो॑म॒तीमि॑षम्। नि धे॑हि यक्ष॒दमृ॑तेषु भूष॑न्। अ॒श्विना॑
य॒ज्ञमा॑ग॒तम्। दा॒शुषः॑ पु॒रुद॑ससा। पू॒षा र॑क्षतु नो र॒यिम्॥¹⁶॥

इ॒मं य॒ज्ञम॒ग्निना॑ वर्धय॑न्ता। इ॒मौ र॒यिं य॒ज॑मानाय ध॒त्तम्। इ॒मौ प॒शून् रक्ष॑तां वि॒श्वतो॑
नः। पू॒षा नः॑ पातु॒ सद॒मप्र॑यच्छन्। प्र॒ते म॒हे सं॒र॒स्वति॑। सु॒भगे॑ वा॒जिनी॑वति।
स॒त्यवा॑चे भ॒रे म॒तिम्। इ॒दं नो॑ ह॒व्यं घृ॒तव॑त्सर॒स्वति॑। स॒त्यवा॑चे प्र॒भरे॑मा ह॒वीं॑षि।
इ॒मानि॑ ते दुरि॒ता सौ॒भगा॑नि। तेभि॑र्व॒यं सु॒भगा॑सः स्याम॥¹⁷॥

व॒ज्यही॑नामृ॒जीपं॑ व्य॒ण्वति॑ रक्षतु नो र॒यिं सौ॒भगा॑न्येकं च॥

[4]

य॒ज्ञो रा॒यो य॒ज्ञ ई॒शे व॑सू॒नाम्। य॒ज्ञः स॒स्याना॑मु॒त सु॑क्षिती॒नाम्। य॒ज्ञ इ॒ष्टः
पूर्व॑चित्तिं दधातु। य॒ज्ञो ब्र॑ह्म॒ण्वा अ॒प्येतु॑ दे॒वान्। अ॒यं य॒ज्ञो वर्ध॑ता॒ङ्गोभि॑र॒श्वैः। इ॒यं
वेदिः॑ स्व॒पत्या॑ सु॒वीरा॑। इ॒दं ब॒र्हिर॑ति ब॒र्ही॑ष्य॒न्या। इ॒मं य॒ज्ञं वि॒श्वे अ॑वन्तु दे॒वाः।
भग॑ ए॒व भग॑वा॒ अस्तु॑ दे॒वाः। तेन॑ व॒यं भग॑वन्तः स्याम॥¹⁸॥

तन्वा॑ भग॒ सर्व॑ इ॒ज्जो॑हवीमि। स नो॑ भग॒ पुर॑ए॒ता भ॑वे॒ह। भग॒ प्रणे॑त॒र्भग॒
स॒त्यरा॑धः। भगे॒मा॒न्धिय॒मुद॑व॒ दद॑न्नः। भग॒ प्र णो॑ जनय॒ गोभि॑र॒श्वैः। भग॒ प्र
नृभि॑र्नृ॒वन्तः स्या॑म। श॒श्वतीः॑ स॒मा उ॑प॒यन्ति॑ लो॒काः। श॒श्वतीः॑ स॒मा उ॑प॒यन्त्यापः॑।
इ॒ष्टं पू॒तं श॒श्वती॑ना॒ समा॑ना॒ शाश्व॑तेन। ह॒विषे॑ष्ठाऽन॒न्तं लो॒कं प॒रमा॑ रु॒रोह॥¹⁹॥

इ॒यमे॒व सा॒ या प्र॑थ॒मा व्यो॑च्छत्। सा रू॒पाणि॑ कुरु॒ते प॑ञ्च दे॒वी। द्वे स्व॑सा॒रो
व॒यत॑स्तन्त्र॒मेत॑त्। स॒नात॑नं वि॒त॑त॒ षण्म॑यू॒खम्। अ॒वा॒न्याऽस्त॑न्तू॒न्कि॑रतो॒ धत्तो॑
अ॒न्यान्। नाव॑पृ॒ज्याते॒ न ग॑मा॒ते अ॒न्तम्। आ वो॑ यन्तू॒दवा॑हा॒सो अ॒द्या वृ॑ष्टिं ये
वि॒श्वे म॒रुतो॑ जु॒नन्ति॑। अ॒यं यो अ॒ग्निर्म॑रुतः॒ समि॑द्धः। ए॒तं जु॑षध्व॒ङ्कव॑यो यु॒वानः॥²⁰॥

धा॒रा॒वरा॑ म॒रुतो॑ धृ॒ष्णुवो॑जसः। मृ॒गा न भी॑मास्त॒विषे॑भि॒रूर्मि॑भिः। अ॒ग्नयो॑ न
शु॒शुचा॑ना ऋ॒जीषि॑णः। भ्रु॒मि॒न्धम॑न्त॒ उप॑ गा अ॒वृण्व॑त। वि च॑क्रमे त्रि॒र्दे॒वः। आ
वे॒धस॑न्नील॒पृष्ठं॑ बृ॒हन्त॑म्। बृ॒हस्प॑तिः॒ स॒दने॑ सा॒दय॑ध्वम्। सा॒ददो॑नि॒न्दम॑ आ
दी॒दि॒वा॒सम्। हि॒र॒ण्यव॑र्णम॒रुषः॑ स॒पे॒म। स हि॑ शु॒चिः श॒तप॑त्रः स शु॒न्ध्युः॥²¹॥

हि॒र॒ण्यवा॑शीरि॒षिरः॑ सु॒व॒र॒षाः। बृ॒हस्प॑तिः स स्वा॒वेश॑ ऋ॒ष्याः। पू॒रू स॑खि॒भ्य आ॑सुतिं
क॑रिष्ठः। पू॒षः स्त॒व व्र॑ते व॒यम्। न॒रि॒ष्येम॑ क॒दाच॑न। स्तो॒तार॑स्त इ॒ह स्म॑सि। यास्ते॑
पू॒षन्ना॑ वो॒ अ॒न्तः स॑मु॒द्रे। हि॒र॒ण्ययी॑रन्त॒रिक्षे॑ च॒रन्ति॑। याभि॑र्या॒सि दू॒त्या सूर्य॑स्य।

कामेन कृतश्रव इच्छमानः॥²²॥

अरण्यान्यरण्यान्यसौ। या प्रेव नश्यसि। कथा ग्रामं न पृच्छसि। न त्वाभीरिव
विन्दती 3। वृषारवाय वदते। यदुपावति चिच्चिकः। आघाटीभिरिव धावयन्।
अरण्यानिर्महीयते। उत गाव इवादन्। उतो वेष्मेव दृश्यते॥²³॥

उतो अरण्यानिः सायम्। शकटीरिव सर्जति। गामङ्गैष आ ह्वयति। दार्वङ्गैष
उपावधीत्। वसन्नरण्यान्याः सायम्। अक्रुक्षदिति मन्यते। न वा अरण्यानिर्हन्ति।
अन्यश्चेन्नाभिगच्छति। स्वादोः फलस्य जग्ध्वा। यत्र कामं नि पद्यते। आज्ञनगन्धीः
सुरभीम्। बहून्नामकृषीवलाम्। प्राहं मृगाणां मातरम्। अरण्यानीमशसिषम्॥²⁴॥

स्याम रुरोह युवानः शुन्यूरिच्छमानो दृश्यते निपद्यते चत्वारि च॥

[5]

वार्त्रहत्याय शवसे। पृतनासाह्याय च। इन्द्र त्वा वर्तयामसि। सुब्रह्माणं वीरवन्तं
बृहन्तम्। उरुं गभीरं पृथुबुधमिन्द्र। श्रुतर्षिमुग्रमभिमातिषाहम्। अस्मभ्यं चित्रं
वृषणं रयिं दा। क्षेत्रिये त्वा निर्ऋत्ये त्वा। द्रुहो मुञ्चामि वरुणस्य पाशात्।
अनागसं ब्रह्मणे त्वा करोमि॥²⁵॥

शिवे ते द्यावापृथिवी उभे इमे। शं ते अग्निः सहाद्भिरस्तु। शं द्यावापृथिवी
सहोषधीभिः। शमन्तरिक्षं सह वातेन ते। शं ते चतस्रः प्रदिशो भवन्तु। या
दैवीश्चतस्रः प्रदिशः। वातपत्नीरभि सूर्यो विचष्टे। तासां त्वा जरस आ दधामि। प्र
यक्ष्म एतु निर्ऋतिं पराचैः। अमोचि यक्ष्माद्दुरितादवर्त्यै॥²⁶॥

द्रुहः पाशान्निर्ऋत्ये चोदमोचि। अहा अवर्तिमविदत्स्योनम्। अप्यभूद्भद्रे सुकृतस्य
लोके। सूर्यमृतं तमसो ग्राह्या यत्। देवा अमुञ्चन्नुजन्व्येनसः। एवमहमिमं
क्षेत्रियाञ्जामिशसात्। द्रुहो मुञ्चामि वरुणस्य पाशात्। बृहस्पते युवमिन्द्रश्च वस्वः।
दिव्यस्येशाथे उत पार्थिवस्य। धत्तं रयिं स्तुवते कीरयेचित्॥²⁷॥

यूयं पात स्वस्तिभिः सदा नः। देवायुधमिन्द्रमा जोहुवानाः। विश्वावृधमभि ये
रक्षमाणाः। येन हता दीर्घमध्वानमायन्। अनन्तमर्थमनिवर्त्यमानाः। यत्ते सुजाते
हिमवत्सु भेषजम्। मयोभूः शन्तमा यद्धृदोसि। ततो नो देहि सीबले। अदो

गिरिभ्यो॒ अधि॒ यत्प्रधा॑वसि। स॒शोभ॑माना क॒न्येव॑ शु॒भ्रे॥²⁸॥

तां त्वा मु॒द्रंला ह॒विषा॑ वर्धयन्ति। सा नः॑ सी॒बले॑ र॒यिमा॑ भा॒जये॒ह। पूर्वं॑ दे॒वा
अ॒परे॑णानुप॒श्यं जन्म॑भिः। जन्मा॒न्यवैः परा॑णि। वेदा॒नि दे॒वा अ॒यम॒स्मीति॑ मा॒म्।
अ॒ह॒ हि॒त्वा शरी॑रं ज॒रसः॑ प॒रस्ता॑त्। प्रा॒णापा॒नौ चक्षुः॑ श्रोत्र॒म्। वाचं॑ मन॒सि
सम्भृ॑ताम्। हि॒त्वा शरी॑रं ज॒रसः॑ प॒रस्ता॑त्। आ भू॒तिभू॒तिं व॒यम॑श्च॒वाम॑है। इ॒मा ए॒व
ता उ॒षसो॒ याः प्र॑थ॒मा व्यो॑च्छन्। ता दे॒व्यः कुर्व॑ते प॒ञ्चरू॒पा। शश्व॑तीर्ना॒वपृ॑ज्यन्ति।
न ग॑मन्त्यन्त॒म्॥²⁹॥

क॒रोम्यव॑र्त्ये चिच्छु॒भ्रेऽश्व॑वाम॒है च॒त्वारि॑ च॥ [6]

वसू॑नां त्वाऽधी॑तेन। रु॒द्राणा॑मु॒र्म्या। आ॒दि॒त्यानां॑ तेज॑सा। वि॒श्वेषां॑ दे॒वानां॑ क्र॒तुना॑।
म॒रुता॑मे॒न्ना जु॑होमि स्वाहा॑। अ॒भिभू॑तिर॒हमा॑गमम्। इन्द्र॑सखा स्वा॒युधः॑। आ॒स्वाशा॑सु
दु॒ष्पहः॑। इ॒दं वर्चो॑ अ॒ग्निना॑ द॒त्तमा॑गात्। यशो॑ भ॒र्गः सह॑ ओ॒जो बलं॑ च॥³⁰॥

दी॒र्घायु॑त्वाय॑ श॒तशा॑रदाय। प्र॒तिगृ॑णामि म॒हते॑ वी॒र्या॑य। आ॒युर॑सि वि॒श्वायु॑रसि।
स॒र्वायु॑रसि॒ सर्व॑मायु॑रसि। सर्व॑म् आ॒युर्भू॑यात्। सर्व॑मायु॑र्गेष॒म्। भूर्भुवः॑ सु॒वः।
अ॒ग्निर्ध॑र्मे॒णान्ना॑दः। मृ॒त्युर्ध॑र्मे॒णान्न॑पतिः। ब्र॒ह्म क्ष॒त्रं स्वाहा॑॥³¹॥

प्र॒जाप॑तिः प्र॒णेता॑। बृ॒हस्प॑तिः पु॒र॒एता॑। य॒मः प॒न्थाः॑। च॒न्द्रमाः॑ पु॒नर॒सुः स्वाहा॑।
अ॒ग्निर्न॑न्ना॒दोऽन्न॑पतिः। अ॒न्नाद्य॑म॒स्मिन् य॒ज्ञे यज॑मानाय ददातु स्वाहा॑। सोमो॑ राजा
राज॑पतिः। रा॒ज्यम॒स्मिन् य॒ज्ञे यज॑मानाय ददातु स्वाहा॑। वरु॑णः स॒म्राट्स॒म्राट्प॑तिः।
सा॒म्राज्य॑म॒स्मिन् य॒ज्ञे यज॑मानाय ददातु स्वाहा॑॥³²॥

मि॒त्रः क्ष॒त्रं क्ष॒त्रप॑तिः। क्ष॒त्रम॒स्मिन् य॒ज्ञे यज॑मानाय ददातु स्वाहा॑। इन्द्रो॑ बलं
बल॑पतिः। बल॑म॒स्मिन् य॒ज्ञे यज॑मानाय ददातु स्वाहा॑। बृ॒हस्प॑तिर्ब्र॒ह्म ब्र॒ह्मप॑तिः।
ब्र॒ह्मा॒स्मिन् य॒ज्ञे यज॑मानाय ददातु स्वाहा॑। स॒विता॑ रा॒ष्ट्रं रा॒ष्ट्रप॑तिः। रा॒ष्ट्रम॒स्मिन्
य॒ज्ञे यज॑मानाय ददातु स्वाहा॑। पू॒षा वि॒शां वि॒द॑तिः। वि॒शम॒स्मिन् य॒ज्ञे यज॑मानाय
ददातु स्वाहा॑। सर॑स्वती पु॒ष्टिः पु॒ष्टिप॑ती। पु॒ष्टिम॒स्मिन् य॒ज्ञे यज॑मानाय ददातु
स्वाहा॑। व॒ष्टा प॑शूनां मि॒थुना॑ना॒ रूप॑कृ॒द्रूप॑पतिः। रू॒पेणा॒स्मिन् य॒ज्ञे यज॑मानाय

प॒शू॒न्द॒दा॒तु॒ स्वाहा॑॥³³॥

च॒ स्वाहा॑ सा॒म्रा॑ज्यम॒स्मिन् य॒ज्ञे य॒ज॑मानाय ददातु स्वाहा॑ वि॒श्वम॒स्मिन् य॒ज्ञे य॒ज॑मानाय ददातु स्वाहा॑ च॒त्वारि॑ च (अ॒ग्निः सोमो॑ वरु॒णो मि॒त्र इन्द्रो॑ बृ॒हस्पतिः॑ स॒विता॑ पू॒षा सर॑स्वती॒ ब॒ष्टा द॑श॥)॥

[7]

स इ॑ पा॒हि य ऋ॑जी॒षी तरु॑त्रः। यः शि॒प्र॒वा॒न्वृष॑भो यो म॑ती॒नाम्। यो
गौ॒त्रभि॑द्व॒ज्रभृ॑द्यो ह॑रि॒ष्ठाः। स इन्द्र॑ चि॒त्रा॒ अभि॑ तृ॒न्धि वा॒जान्। आ ते शु॒ष्मो
वृष॑भ ए॒तु प॒श्चात्। ओ॒त्तरा॑द॒धरा॑गा पु॒रस्ता॑त्। आ वि॒श्वतो॑ अ॒भिस॑मै॒र्ब॒र्वाङ्। इन्द्र॑
दु॒म्न॒ सु॒र्व॒द्धे॒ह्यस्मे। प्रो॒ष्वस्मै॑ पु॒रोर॑थम्। इन्द्रा॑य शु॒षम॑र्चत॥³⁴॥

अ॒भीके॑ चि॒दु लो॒क॒कृ॒त्। स॒ङ्गे स॒मत्सु॑ वृ॒त्रहा॑। अ॒स्माकं॑ बो॒धि चो॒दिता॑।
नभ॑न्तामन्यकेषा॑म्। ज्या॒का अधि॑ ध॒न्व॒सु। इन्द्र॑ व॒य॒ शु॒ना॒सीर॑म्। अ॒स्मिन् य॒ज्ञे
ह॑वामहे। आ वा॒जैरु॑प॒ नो ग॑मत्। इन्द्रा॑य शु॒ना॒सीरा॑य। सु॒चा जु॑हुत नो ह॒विः॥³⁵॥

जुष॑तां प्रति मे॒धिरः॑। प्र ह॒व्यानि॑ घृ॒तव॑न्त्यस्मै। हर्य॑श्वाय भ॒रता॑ स॒जोषाः॑।
इन्द्र॑र्तुभि॒र्ब्रह्म॑णा वावृ॒धानः॑। शु॒ना॒सीरी॑ ह॒विरि॒दं जु॑षस्व। व॒यः सु॑पर्णा
उप॑सेदु॒रिन्द्र॑म्। प्रि॒यमे॒धा ऋष॑यो॒ नाध॑मानाः। अप॑ ध्वा॒न्तमूर्णु॑हि पू॒र्धि चक्षुः॑।
मु॒मुग्ध्य॑स्मान्नि॒धये॑ऽव ब॒द्धान्। बृ॒हदिन्द्रा॑य गायत॥³⁶॥

मरु॑तो वृ॒त्रह॑न्त॒मम्। येन॑ ज्योति॒रज॑नय॒नृता॑वृ॒धः। दे॒वं दे॒वाय॑ जागृ॒वि। का॒मि॒हैकाः॑
क इ॒मे प॑त॒ङ्गाः। मा॒न्था॒लाः कु॒लिप॑रि॒माप॑तन्ति। अना॑वृ॒तैना॒न्प्रध॑मन्तु दे॒वाः। सौ॒पर्णं॑
चक्षु॑स्त॒नुवा॑ वि॒देय॑। ए॒वा व॑न्दस्व वरु॒णं बृ॒हन्त॑म्। न॒म॒स्याधी॑र॒ममृ॑तस्य गो॒पाम्। स
नः श॑र्म त्रि॒वरू॑थं वि॒य॑सत्॥³⁷॥

यू॒यं पा॑त स्व॒स्तिभिः॒ सदा॑ नः। नाके॑ सु॒पर्ण॑मु॒प य॑त्प॒तन्त॑म्। हृ॒दा वे॑न॒न्तो
अ॒भ्यच॑क्षत त्वा। हि॒र॒ण्य॑पक्षं वरु॒णस्य॑ दू॒तम्। य॒मस्य॑ यो॒नौ श॑कु॒नं भु॑र॒ण्युम्। शं नो॑
दे॒वीर॑भिष्ट॒ये। आपो॑ भवन्तु पी॒तये॑। शं यो॒रभि॑ स्र॒वन्तु॑ नः। ई॒शा॒ना वा॒र्या॑णाम्।
क्षय॑न्तीश्च॒र्षणी॑नाम्॥³⁸॥

अ॒पो या॑चामि भेष॒जम्। अ॒प्सु मे॒ सोमो॑ अब्रवीत्। अ॒न्तर्वि॑श्वानि भेष॒जा। अ॒ग्निं च॑
वि॒श्वश॑म्भुवम्। आप॑श्च वि॒श्वभे॑षजीः। यद॒प्सु ते॑ सर॒स्वति॑। गो॒ष्वश्वे॑षु यन्म॒धु। तेन॑

मे वाजिनीवति। मुखमङ्घ्रि सरस्वति। या सरस्वती वैशम्भत्या॥³⁹॥

तस्यां मे रास्व। तस्यांस्ते भक्षीय। तस्यांस्ते भूयिष्ठभाजो भूयास्म। अहं त्वदस्मि
मदसि त्वमेतत्। ममांसि योनिस्तव योनिरस्मि। ममैव सन्वहं हव्यान्यग्ने। पुत्रः
पित्रे लोककृञ्जातवेदः। इहैव सन्तत्र सन्तं त्वाऽग्ने। प्राणेन वाचा मनसा विभर्मि।
तिरो मा सन्तमायुर्मा प्रहासीत्॥⁴⁰॥

ज्योतिषा त्वा वैश्वानरेणोपतिष्ठे। अयं ते योनिर्ऋत्वियः। यतो जातो अरोचथाः। तं
जानन्नग्र आरोह। अथा नो वर्धया रयिम्। या ते अग्ने यज्ञिया
तनूस्तयेह्यारोहात्माऽऽत्मानम्। अच्छा वसूनि कृण्वन्नस्मे नर्या पुरुणि। यज्ञो भूत्वा
यज्ञमा सीद स्वां योनिम्। जातवेदो भुव आ जायमानः सक्षय एहि। उपावरोह
जातवेदः पुनस्त्वम्॥⁴¹॥

देवेभ्यो हव्यं वह नः प्रजानन्। आयुः प्रजां रयिमस्मासुं धेहि। अजस्रो दीदिहि
नो दुरोणे। तमिन्द्रं जोहवीमि मघवानमुग्रम्। सत्रा दधानमप्रतिष्कृतं शवांसि।
महिष्ठो गीर्भिरा च यज्ञियोऽववर्तत्। राये नो विश्वा सुपथा कृणोतु वज्री।
त्रिकद्रुकेषु महिषो यवाशिरं तुविशुष्मस्तृपत्। सोममपिबद्विष्णुना सुतं यथाऽवशत्।
स ई ममाद महि कर्म कर्तवे महामुरुम्॥⁴²॥

सैनं सश्वदेवं देवः सत्यमिन्द्रं सत्य इन्द्रः। विदद्यती सरमा रुग्णमद्रेः। महि
पाथः पूर्व्यं सद्ध्यिक्कः। अग्रं नयत्सुपद्यक्षराणाम्। अच्छा रवं प्रथमा जानतीगात्।
विदद्भव्यं सरमा दृढमूर्वम्। येनानुकं मानुषी भोजते विट्। आ ये विश्वाः
स्वपत्यानि चक्रुः। कृण्वानासो अमृतत्वाय गातुम्। त्वं नृभिर्नृपते देवहूतौ॥⁴³॥

भूरीणि वृत्वा हर्यश्च हंसि। त्वन्निदस्युधुमुरिम्। धुनिं चास्त्रापयो दभीतये सुहन्तु।
एवा पाहि प्रत्नथा मन्दतु त्वा। श्रुधि ब्रह्म वावृधस्वोत गीर्भिः। आविः सुर्यं कृणुहि
पीपिहीषः। जहि शत्रूँ रभि गा इन्द्र तृन्धि। अग्ने बाधस्व वि मृधो नुदस्व।
अपामीवा अप रक्षांसि सेध। अस्मात्समुद्राद्बृहतो दिवो नः॥⁴⁴॥

अपां भूमानमुप नः सृजेह। यज्ञं प्रतितिष्ठ सुमतौ सुशेवा आ त्वा। वसूनि पुरुधा

वि॒शन्तु॑। दी॒र्घमा॒युर्य॑ज॒मानाय॑ कृ॒ण्वन्। अधा॒मृते॑न ज॒रितार॑मद्भि॒। इन्द्रः॑
 शु॒नाव॒द्वित॑नोति सी॒रम्। सं॒वत्स॑रस्य॒ प्रति॑माण॒मेतत्। अ॒र्कस्य॑ ज्योति॒स्तदि॑दा॒स
 ज्येष्ठ॑म्। सं॒वत्स॑रः शु॒नव॒त्सीर॑मे॒तत्। इन्द्र॑स्य रा॒धः प्र॑य॒तं पु॒रु त्म॑ना॒। तद॑र्क॒रूपं
 वि॒मिमा॑नमेति॒। द्वा॒द॒शारे॑ प्र॒ति॒तिष्ठ॑ती॒द्वृषा॑। अ॒श्वाय॑न्तो ग॒व्यन्तो॑ वा॒जय॑न्तः। ह॒वा॒महे॒
 ब्र॒ह्मो॑प॒गन्त॑वा उ॒। आ॒भूष॑न्त॒स्त्वा सु॒म॒तौ न॑वा॒याम्। व॒यमिन्द्र॑ त्वा शु॒नः हु॑वेम॥⁴⁵॥

अ॒र्च॒त॒ ह॒विर्गा॑य॒त य॑स॒स्रर्ष॑णी॒नां वै॒श॒म्भ॒त्या हा॑सी॒च्छमु॑रुं दे॒वह॑तो न॒स्मना॑ प॒द्व॥ [8]

प्रा॒ण उ॒देहि॑ पु॒नरा॑ नो॒ भर॑ य॒ज्ञो रा॒यो वा॒त्रह॑त्याय॒ वसू॑नाः स ई॒ पा॒ह्यष्टौ॥⁸॥
 प्रा॒णो र॑क्ष॒त्यगृ॑भी॒ता धा॒राव॑रा म॒रुतो॑ दी॒र्घायु॑बा॒य ज्योति॑षा त्वा प॒ञ्च॑च॒त्वारि॑शत्॥⁴⁵॥
 प्रा॒णः शु॒नः हु॑वेम॥

हरिः॑ ॐ॥

॥ इति श्रीकृष्णयजुर्वेदीयतैत्तिरीयब्राह्मणे द्वितीयाष्टके पञ्चमः प्रपाठकः समाप्तः॥

॥षष्ठमः प्रश्नः॥

॥तैत्तिरीयब्राह्मणे द्वितीयाष्टके षष्ठः प्रपाठकः॥

स्वा॒र्द्धीं वा॑ स्वा॒दुना॑। ती॒व्रां ती॒व्रेण॑। अ॒मृता॑म॒मृते॑न। म॒धुम॑तीं म॒धुम॑ता। सृ॒जामि॑
स॒ सोमे॑न। सोमो॑ऽस्य॒श्चिभ्या॑ पच्य॒स्व। सर॑स्वत्यै पच्य॒स्व। इन्द्रा॑य सु॒त्राम्णे॑
पच्य॒स्व। परी॑तो पि॒ध्वता॑ सु॒तम्। सोमो॑ य उ॒त्तम॑ ह॒विः॥₁॥

द॒धन्वा॑ यो न॒र्यो अ॒प्स्वन्तरा॑। सु॒षाव॑ सोम॒मद्रि॑भिः। पु॒नातु॑ ते परि॒स्रुतम्॑। सोम॑ऽ
सूर्य॑स्य दु॒हिता॑। वा॒रेण॑ श॒श्वता॑ तना॑। वा॒युः पू॒तः प॒वित्रे॑ण। प्रा॒ङ्ख॒सोमो॑ अति॒द्रुतः॑।
इन्द्र॑स्य यु॒ज्यः सखा॑। वा॒युः पू॒तः प॒वित्रे॑ण। प्र॒त्यङ्ख॒सोमो॑ अति॒द्रुतः॥₂॥

इन्द्र॑स्य यु॒ज्यः सखा॑। ब्र॒ह्म क्ष॒त्रं प॑वते तेज॑ इन्द्रि॒यम्। सुर॑या सोमः सु॒त आसु॑तो
मदा॑य। शु॒क्रेण॑ देव देवताः पि॒पृग्धि॑। र॒सेना॑न्नं यज॑मानाय धेहि। कु॒विद॒ङ्ग यव॑मन्तो
यव॑श्चित्। यथा॑ दान्त्य॒नुपूर्व॑ वि॒यूय॑। इ॒हेहै॑षां कृणु॒त भो॑ज॒नानि॑। ये ब॒र्हिषो॑
नमो॑वृत्तिं न ज॒ग्मुः। उ॒पया॑म॒गृही॑तोऽस्य॒श्चिभ्या॑ वा जु॒ष्टं गृ॒ह्णामि॥₃॥

सर॑स्वत्या इन्द्रा॑य सु॒त्राम्णे॑। ए॒ष ते॒ योनि॑स्तेज॑से वा। वी॒र्या॑य वा ब॒लाय॑ वा।
तेजो॑ऽसि तेजो॒ मयि॑ धेहि। वी॒र्य॑मसि वी॒र्यं मयि॑ धेहि। ब॒लम॑सि ब॒लं मयि॑ धेहि।
नाना॑ हि वा दे॒वहि॑तः स॒दः कृ॑तम्। मा स॒सृक्षा॑थां पर॒मे व्यो॑मन्। सुरा॒ बम॑सि
शु॒ष्मिणी॑ सोम॑ ए॒षः। मा मा॑ हि॒सीः स्वा॑ योनि॒मावि॑शन्॥₄॥

उ॒पया॑म॒गृही॑तोऽस्या॒श्चिनं॑ तेजः। सा॒र॒स्वतं॑ वी॒र्यम्॑। ऐ॒न्द्रं ब॒लम्॑। ए॒ष ते॒ योनि॑र्मोदा॑य
वा। आ॒न॒न्दाय॑ वा म॒हसे॑ वा। ओ॒जोऽस्यो॑जो॒ मयि॑ धेहि। म॒न्युर॑सि म॒न्युं मयि॑
धेहि। म॒होऽसि॑ म॒हो मयि॑ धेहि। स॒होऽसि॑ स॒हो मयि॑ धेहि। या व्या॒घ्रं
वि॒षूचि॑का। उ॒भौ वृ॑कं च रक्ष॑ति। श्ये॒नं प॑त॒त्रिण॑सि॒हम्। से॒मं पा॒ब॒ह॒सः।
स॒म्पृचः॑ स्थ॒ सं मा॑ भ॒द्रेण॑ पृ॒ङ्ग। वि॒पृचः॑ स्थ॒ वि मा॑ पा॒प्मना॑ पृ॒ङ्ग॥₅॥

हविः प्रत्यङ्खसोमो अतिद्रुतो गृह्णाम्याविशन्विषूचिका पश्वं च॥

[1]

सोमो राजाऽमृतः सुतः। ऋजीषेणाजहान्मृत्युम्। ऋतेन सत्यमिन्द्रियम्। विपानः

शुक्रमन्धसः। इन्द्रस्येन्द्रियम्। इदं पयोऽमृतं मधु। सोममद्भ्यो व्यपिबत्। छन्दसा
हंसः शुचिषत्। ऋतेन सत्यमिन्द्रियम्। अद्भ्यः क्षीरं व्यपिबत्॥६॥

क्रुद्धाङ्गिरसो धिया। ऋतेन सत्यमिन्द्रियम्। अन्नात्परिस्सुतो रसम्। ब्रह्मणा व्यपिबत्
क्षत्रम्। ऋतेन सत्यमिन्द्रियम्। रेतो मूत्रं विजहाति। योनिं प्रविशदिन्द्रियम्। गर्भो
जरायुणाऽऽवृतः। उब्रं जहाति जन्मना। ऋतेन सत्यमिन्द्रियम्॥७॥

वेदेन रूपे व्यकरोत्। सतासती प्रजापतिः। ऋतेन सत्यमिन्द्रियम्। सोमेन सोमो
व्यपिबत्। सुतासुतौ प्रजापतिः। ऋतेन सत्यमिन्द्रियम्। दृष्ट्वा रूपे व्याकरोत्।
सत्यानृते प्रजापतिः। अश्रद्धामनृतेऽदधात्। श्रद्धां सत्ये प्रजापतिः। ऋतेन
सत्यमिन्द्रियम्। दृष्ट्वा परिस्सुतो रसम्। शुक्रेण शुक्रं व्यपिबत्। पयः सोमं
प्रजापतिः। ऋतेन सत्यमिन्द्रियम्। विपानं शुक्रमन्धसः। इन्द्रस्येन्द्रियम्। इदं
पयोऽमृतं मधु॥८॥

अद्भ्यः क्षीरं व्यपिबन्नन्मनतेन सत्यमिन्द्रियं श्रद्धां सत्ये प्रजापतिरष्टौ च॥ [2]

सुरावन्तं बर्हिषदं सुवीरम्। यज्ञं हिन्वन्ति महिषा नमोभिः। दधानाः सोमं
दिवि देवतासु। मदेमेन्द्रं यजमानाः स्वर्काः। यस्ते रसः सम्भृत ओषधीषु। सोमस्य
शुष्मः सुरया सुतस्य। तेन जिन्व यजमानं मदेन। सरस्वतीमश्विनाविन्द्रमग्निम्।
यमश्विना नमुचेरासुरादधि। सरस्वत्यसनोदिन्द्रियाय॥९॥

इमन्तं शुक्रं मधुमन्तमिन्दुम्। सोमं राजानमिह भक्षयामि। यदत्र रिप्तं रसिनः
सुतस्य। यदिन्द्रो अपिबच्छचीभिः। अहन्तदस्य मनसा शिवेन। सोमं राजानमिह
भक्षयामि। पितृभ्यः स्वधाविभ्यः स्वधा नमः। पितामहेभ्यः स्वधाविभ्यः स्वधा नमः।
प्रपितामहेभ्यः स्वधाविभ्यः स्वधा नमः। अक्षन्पितरः॥१०॥

अमीमदन्त पितरः। अतीतृपन्त पितरः। अमीमृजन्त पितरः। पितरः शुन्धध्वम्।
पुनन्तु मा पितरः सोम्यासः। पुनन्तु मा पितामहाः। पुनन्तु प्रपितामहाः। पवित्रेण
शतायुषा। पुनन्तु मा पितामहाः। पुनन्तु प्रपितामहाः॥११॥

पवित्रेण शतायुषा। विश्वमायुर्व्यश्नवै। अग्न आयूषि पवसेऽग्ने पवस्व। पवमानः

सुवर्जनः पुनन्तु मा देवजनाः। जातवेदः पवित्रवदत्ते पवित्रमर्चिषि। उभाभ्यान्देव
सवितर्वैश्वदेवी पुनती। ये समानाः समनसः। पितरो यमराज्ये। तेषां लोकः स्वधा
नमः। यज्ञो देवेषु कल्पताम्॥¹²॥

ये संजाताः समनसः। जीवा जीवेषु मामकाः। तेषां श्रीर्मयि कल्पताम्।
अस्मिँल्लोके शतं समाः। द्वे सुती अशृणवं पितृणाम्। अहं देवानामुत मर्त्यानाम्।
याभ्यामिदं विश्वमेजत्समेति। यदन्तरा पितरं मातरं च। इदं हविः प्रजननं मे
अस्तु। दशवीरं सर्वगणं स्वस्तये। आत्मसनि प्रजासनि। पशुसन्यभयसनि
लोकसनि। अग्निः प्रजां बहुलां मे करोतु। अन्नं पयो रेतो अस्मासु धत्त।
रायस्पोषमिषमूर्जमस्मासु दीधरत्स्वाहा॥¹³॥

इन्द्रियाय पितरः शतायुषा पुनन्तु मा पितामहाः पुनन्तु प्रपितामहाः कल्पतां स्वस्तये पथं च॥ [3]

सीसेन तन्नं मनसा मनीषिणः। ऊर्णासूत्रेण कवयो वयन्ति। अश्विना यज्ञं
सविता सरस्वती। इन्द्रस्य रूपं वरुणो भिषज्यन्। तदस्य रूपममृतं शचीभिः।
तिस्रोऽदधुर्देवताः सःरराणाः। लोमानि शष्पैर्बहुधा न तोक्मभिः। त्वगस्य
मांसमभवन्न लाजाः। तदश्विना भिषजा रुद्रवर्तनी। सरस्वती वयति पेशो
अन्तरः॥¹⁴॥

अस्थिं मञ्जानं मासरैः। कारोतरेण दधतो गवान्ब्रुचि। सरस्वती मनसा पेशलं
वसु। नासत्याभ्यां वयति दर्शतं वपुः। रसं परिस्नुता न रोहितम्।
नग्नुर्धोरस्तसरन्न वेमं। पयसा शुक्रमृतं जनित्रम्। सुरया मूत्राञ्जनयन्ति रेतः।
अपामतिं दुर्मतिं बाधमानाः। ऊर्वध्यं वातं सबुवन्तदारात्॥¹⁵॥

इन्द्रः सुत्रामा हृदयेन सत्यम्। पुरोडाशेन सविता जजान। यकृत्क्लोमानं वरुणो
भिषज्यन्। मतस्त्रे वायव्यैर्न मिनाति पित्तम्। आन्त्राणि स्थाली मधु पिन्वमाना।
गुदा पात्राणि सुदुघा न धेनुः। श्येनस्य पत्रं न प्लीहा शचीभिः। आसन्दी नाभिरुद्रं
न माता। कुम्भो वनिष्ठुर्जनिता शचीभिः। यस्मिन्नग्रे योन्यां गर्भो अन्तः॥¹⁶॥

प्लाशीर्व्यक्तः शतधार उत्सः। दुहे न कुम्भीं स्वधां पितृभ्यः। मुखं सदस्य शिर

इत्सदेन। जिह्वा पवित्रमश्विना सः सरस्वती। चप्पन्न पायुर्भिषगस्य वालः। वस्तिर्न
शेषो हरसा तरस्वी। अश्विभ्यां चक्षुरमृतं ग्रहाभ्याम्। छागेन तेजो हविषा श्रुतेन।
पक्ष्माणि गोधूमेः क्लैरुतानि। पेशो न शुक्लमसितं वसाते॥ 17॥

अविर्न मेषो नसि वीर्याय। प्राणस्य पन्थां अमृतो ग्रहाभ्याम्।
सरस्वत्युपवाकैर्व्यानम्। नस्यानि बर्हिर्बदरैर्जजान। इन्द्रस्य रूपमृषभो बलाय।
कर्णाभ्यां श्रोत्रममृतं ग्रहाभ्याम्। यवा न बर्हिर्भुवि केसराणि। कर्कन्धु जज्ञे मधु
सारघं मुखात्। आत्मन्नुपस्थे न वृकस्य लोमं। मुखे श्मश्रूणि न व्याघ्रलोमम्॥ 18॥
केशा न शीर्षन् यशसे श्रियै शिखा। सिंहस्य लोम बिषिरिन्द्रियाणि।
अङ्गान्यात्मन्मिषजा तदश्विना। आत्मानमङ्गैः समधात्सरस्वती। इन्द्रस्य रूपं
शतमानमायुः। चन्द्रेण ज्योतिरमृतन्दधाना। सरस्वती योन्याङ्गर्भमन्तः। अश्विभ्यां
पत्नी सुकृतं बिभर्ति। अपां रसेन वरुणो न साम्ना। इन्द्रः श्रियै जनयन्नप्सु
राजा। तेजः पशूनां हविरिन्द्रियावत्। परिस्रुता पयसा सारघं मधु।
अश्विभ्यान्दुग्धं मिषजा सरस्वत्या सुतासुताभ्याम्। अमृतः सोम इन्दुः॥ 19॥

अन्तर आरादन्तर्वसाते व्याघ्रलोमं राजा चर्बार्चि च॥

[4]

मित्रोऽसि वरुणोऽसि। समहं विश्वैर्देवैः। क्षत्रस्य नाभिरसि। क्षत्रस्य योनिरसि।
स्योनामा सीद। सुषदामा सीद। मा त्वा हिंसीत्। मा मां हिंसीत्। निषसाद
धृतव्रतो वरुणः। पस्त्यास्वा॥ 20॥

साम्राज्याय सुक्रतुः। देवस्य त्वा सवितुः प्रसवे। अश्विनोर्बाहुभ्याम्। पूष्णो
हस्ताभ्याम्। अश्विनोर्भेषज्येन। तेजसे ब्रह्मवर्चसायाभिषिञ्चामि। देवस्य त्वा सवितुः
प्रसवे। अश्विनोर्बाहुभ्याम्। पूष्णो हस्ताभ्याम्। सरस्वत्यै भेषज्येन॥ 21॥

वीर्यायान्नादायाभिषिञ्चामि। देवस्य त्वा सवितुः प्रसवे। अश्विनोर्बाहुभ्याम्। पूष्णो
हस्ताभ्याम्। इन्द्रस्येन्द्रियेण। श्रियै यशसे बलायाभिषिञ्चामि। कोऽसि कतमोऽसि।
कस्मै त्वा कायं त्वा। सुश्लोकाँ (4) सुमङ्गलाँ (4) सत्यराजा (3) न्। शिरो मे
श्रीः॥ 22॥

यशो मुखम्। बिषिः केशाश्च श्मश्रूणि। राजा मे प्राणोऽमृतम्। सम्राट्क्षुः।

वि॒राट्प्रो॒त्रम्। जि॒ह्वा मे॑ भ॒द्रम्। वाङ्म॑हः। मनो॑ म॒न्युः। स्व॒राङ्गामः॑। मोदाः॑ प्रमो॒दा
अ॒ङ्गुलीरङ्गा॑नि॥²³॥

चि॒त्तं मे॑ सहः। बा॒हू मे॑ बल॑मिन्द्रि॒यम्। हस्तौ॑ मे॒ कर्म॑ वी॒र्यम्। आ॒त्मा क्ष॒त्रमु॒रो
मम॑। पृ॒ष्ठीर्मे॑ रा॒ष्ट्रमु॒दर॑म॒सौ। ग्री॒वाश्च॑ श्रो॒ण्यौ। ऊ॒रू अ॑र॒त्नी जा॑नु॒नी। वि॒शो
मेऽङ्गा॑नि स॒र्वतः॑। नाभि॑र्मे॒ चि॒त्तं वि॒ज्ञान॑म्। पा॒युर्मेऽप॑चिति॒र्भ॒सत्॥²⁴॥

आ॒न॒न्दन॒न्दावा॒ण्डौ मे॑। भगः॑ सौभा॑ग्यं प॒सः। जङ्घा॑भ्यां प॒द्भ्यां ध॒र्मोऽस्मि॑। वि॒शि
राजा॑ प्र॒तिष्ठि॑तः। प्र॒ति क्ष॒त्रे प्र॒ति॒तिष्ठामि॑ रा॒ष्ट्रे। प्र॒त्यश्वेषु॑ प्र॒ति॒तिष्ठामि॑ गोषु। प्र॒त्यङ्गेषु॑
प्र॒ति॒तिष्ठाम्या॒त्मन्। प्र॒ति प्रा॒णेषु॑ प्र॒ति॒तिष्ठामि॑ पु॒ष्टे। प्र॒ति द्वावा॑पृथि॒व्योः। प्र॒ति॒तिष्ठामि॑
य॒ज्ञे॥²⁵॥

त्र॒या दे॒वा एका॑द॒श। त्र॒यस्त्रि॑ं॒शाः सु॒राध॑सः। बृ॒हस्प॑ति॒पुरोहि॑ताः। दे॒वस्य॑ स॒वितुः॑
स॒वे। दे॒वा दे॒वैर॑व॒न्तु मा॑। प्र॒थ॒मा द्वि॒तीयैः॑। द्वि॒तीया॑स्तृ॒तीयैः॑। तृ॒तीयाः स॒त्येन॑। स॒त्यं
य॒ज्ञेन॑। य॒ज्ञो य॒जुर्भिः॥²⁶॥

य॒जूंषि॑ सा॒मभिः॑। सा॒मान्यृ॑ग्भिः। ऋ॒चो या॒ज्याभिः॑। या॒ज्या व॑ष॒ट्कारैः॑। व॒षट्का॑रा
आ॒हु॒तिभिः॑। आ॒हु॒तयो॑ मे॒ कामा॑न्त्सम॒र्धय॑न्तु। भूः स्वा॒हा। लो॒मानि॑ प्र॒यति॑र्मम॑। ब॒भू
आ॒न॒तिरा॑ग॒तिः। मा॒सं म॒ उप॑न॒तिः। व॒स्वस्थि॑। म॒ञ्जा म॒ आ॒न॒तिः॥²⁷॥

प॒स्यांस्वा॑ सर॒स्वत्ये॑ भे॒पंज्ये॑न् श्रीरङ्गा॑नि भ॒सद्य॑ज्ञे य॒ज्ञो य॒जुर्भिरु॑प॒नति॑र्द्धे च॥

[5]

यदे॒वा दे॒वहे॑ड॒नम्। दे॒वांसश्च॑कृ॒मा व॒यम्। अ॒ग्नि॒र्मा तस्मा॑दे॒नसः॑। वि॒श्वान्मु॑ञ्च॒त्ब॒हसः॑।
यदि॑ दि॒वा यदि॑ न॒क्तम्। ए॒नांसि॑ चकृ॒मा व॒यम्। वा॒युर्मा तस्मा॑दे॒नसः॑।
वि॒श्वान्मु॑ञ्च॒त्ब॒हसः॑। यदि॑ जाग्र॒द्यदि॑ स्व॒प्ने। ए॒नांसि॑ चकृ॒मा व॒यम्॥²⁸॥

सू॒र्यो मा॒ तस्मा॑दे॒नसः॑। वि॒श्वान्मु॑ञ्च॒त्ब॒हसः॑। य॒द्गामे॑ यद॒रण्ये॑। यत्स॒भायां॑ यद॒िन्द्रि॑ये।
यच्छू॒द्रे यद॒र्यै। ए॒नश्च॑कृ॒मा व॒यम्। यदे॒कस्या॑धि॒ धर्म॑णि। तस्या॑व॒यज॑नम॒सि। यदा॑पो
अ॒घ्निया॑ व॒रुणे॑ति॒ शपा॑महे। ततो॑ व॒रुण॑ नो मु॒ञ्च॥²⁹॥

अ॒व॒भृथ॑ निच॒ङ्कुण॑ नि॒चेरु॑र॒सि निच॒ङ्कुण॑। अ॒व॒ दे॒वैर्दे॒वकृ॑त॒मेनो॑ऽयाट्। अ॒व॒
म॒र्त्यैर्म॒र्त्यकृ॑तम्। उ॒रोरा॑ नो॒ देव॑ रि॒षस्पा॑हि। सु॒मित्रा॑ न॒ आप॑ ओष॑धयः सन्तु।

दुर्मित्रास्तस्मै भूयासुः। योऽस्मान्द्वेष्टि। यं च वयं द्विष्मः। द्रुपदादिवेन्मुमुचानः।
स्त्रिन्नः स्नात्वी मलादिव॥³⁰॥

पूतं पवित्रेणेवाज्यम्। आपः शुन्धन्तु मेनसः। उद्वयन्तमसस्परि। पश्यन्तो
ज्योतिरुत्तरम्। देवन्देवत्रा सूर्यम्। अगन्म ज्योतिरुत्तमम्। प्रतियुतो वरुणस्य
पाशः। प्रत्यस्तो वरुणस्य पाशः। एधोऽस्येधिषीमहि। समिदसि॥³¹॥

तेजोऽसि तेजो मयि धेहि। अपो अन्वचारिषम्। रसेन समंसृक्ष्महि। पयस्वा
अग्र आगमम्। तं मा सःसृज वर्चसा। प्रजया च धनेन च। समाववर्ति पृथिवी।
समुषाः। समु सूर्यः। समु विश्वमिदं जगत्। वैश्वानरज्योतिर्भूयासम्। विभुङ्क्षामं
व्यश्नवे। भूः स्वाहा॥³²॥

स्वप्न एनांसि चकृमा वयं मुञ्च मलादिव समिदसि जगन्नीणि च॥ [6]

होता यक्षत्समिधेन्द्रमिडस्पदे। नाभा पृथिव्या अधि। दिवो वर्षन्त्समिध्यते।
ओजिष्ठश्चर्षणी सहान्। वेत्ताज्यस्य होतर्यज। होता यक्षत्तनूनपातम्।
ऊतिभिर्जेतारमपराजितम्। इन्द्र देवः सुवर्विदम्। पृथिभिर्मधुमत्तमैः। नराशःसेन
तेजसा॥³³॥

वेत्ताज्यस्य होतर्यज। होता यक्षदिडाभिरिन्द्रमीडितम्। आजुह्वानममर्त्यम्। देवो
देवैः सर्वीर्यः। वज्रहस्तः पुरन्दरः। वेत्ताज्यस्य होतर्यज।
होतायक्षद्वरुहिषीन्द्रन्निषद्वरम्। वृषभन्नर्यापसम्। वसुभीरुद्वैरादित्यैः।
सयुग्भिर्बर्हिरासदत्॥³⁴॥

वेत्ताज्यस्य होतर्यज। होता यक्षदोजो न वीर्यम्। सहो द्वार इन्द्रमवर्धयन्।
सुप्रायणा विश्रयन्तामृतावृधः। द्वार इन्द्राय मीढुषै। वियन्त्ताज्यस्य होतर्यज। होता
यक्षदुषे इन्द्रस्य धेनू। सुदुधे मातरौ मही। सवातरौ न तेजसी।
वत्समिन्द्रमवर्धताम्॥³⁵॥

वीतामाज्यस्य होतर्यज। होता यक्षद्वैव्या होतारा। भिषजा सखाया। हविषेन्द्र
भिषज्यतः। कवी देवो प्रचेतसौ। इन्द्राय धत्त इन्द्रियम्। वीतामाज्यस्य होतर्यज।

होता यक्षत्तिस्रो देवीः। त्रयस्त्रिधातवोपसः। इडा सरस्वती भारती॥³⁶॥

महीन्द्रपत्नीर्हविष्मतीः। वियन्त्राज्यस्य होतर्यजः। होता यक्षच्चष्टारमिन्द्रं देवम्।
भिषजः सुयजङ्घृतश्रियम्। पुरुरूपः सुरेतसं मघोनिम्। इन्द्राय ब्रष्टा
दधदिन्द्रियाणि। वेत्ताज्यस्य होतर्यजः। होता यक्षद्वनस्पतिम्। शमितारः शतक्रतुम्।
धियो जोष्टारमिन्द्रियम्॥³⁷॥

मध्वा समञ्जन्पथिभिः सुगेभिः। स्वदाति हव्यं मधुना घृतेन। वेत्ताज्यस्य होतर्यजः।
होता यक्षदिन्द्रः स्वाहाऽऽज्यस्य। स्वाहा मेदसः। स्वाहा स्तोकानाम्। स्वाहा
स्वाहाकृतीनाम्। स्वाहा हव्यसूक्तीनाम्। स्वाहा देवाः आज्यपान्। स्वाहेन्द्रः
होत्राञ्जुषाणाः। इन्द्र आज्यस्य वियन्तु। होतर्यजः॥³⁸॥

तेजसाऽऽसददवर्धतां भारतीन्द्रियं जुषाणा द्वे च (समिधेन्द्रन्तनूनपातमिडाभिर्बृहियोजं उपे देव्या तिस्रस्वष्टारं वनस्पतिमिन्द्रम्॥ समिधेन्द्रं चतुर्वेदकों
वियन्तु द्विर्वीतामेको वियन्तु द्विवेदको वियन्तु होतर्यजः॥)॥

[7]

समिद्ध इन्द्र उषसामनीके। पुरोरुचा पूर्वकृद्वावृधानः। त्रिभिर्देवैस्त्रिंशता
वज्रबाहुः। जघान वृत्रं वि दुरो ववार। नराशंसः प्रतिशूरो मिमानः। तनूनपात्प्रति
यज्ञस्य धाम। गोभिर्वपावान्मधुना समञ्जन्। हिरण्यैश्चन्द्रो यजति प्रचेताः। ईडितो
देवैर्हरिवाः अभिष्टिः। आजुह्वानो हविषा शर्धमानः॥³⁹॥

पुरन्दरो मघवान् वज्रबाहुः। आयातु यज्ञमुपनो जुषाणः। जुषाणो बर्हिर्हरिवान्
इन्द्रः। प्राचीनः सीदत्प्रदिशा पृथिव्याः। उरुव्यचाः प्रथमानः स्योनम्। आदित्यैरक्तं
वसुभिः सजोषाः। इन्द्रन्दुरः कवप्यो धार्वमानाः। वृषाणं यन्तु जनयः सुपत्नीः।
द्वारो देवीरभितो विश्रयन्ताम्। सुवीरा वीरं प्रथमाना महोभिः॥⁴⁰॥

उषासानक्ता बृहती बृहन्तम्। पयस्वती सुदुघे शूरमिन्द्रम्। पेशस्वती तन्तुना
संव्ययन्ती। देवानां देवं यजतः सुरुक्मे। दैव्या मिमाना मनसा पुरुत्रा।
होताराविन्द्रं प्रथमा सुवाचा। मूर्धन् यज्ञस्य मधुना दधाना। प्राचीनं ज्योतिर्हविषा
वृधातः। तिस्रो देवीर्हविषा वर्धमानाः। इन्द्रं जुषाणा वृषणं न पत्नीः॥⁴¹॥

अच्छिन्नन्तन्तुं पयसा सरस्वती। इडा देवी भारती विश्वतूर्तिः। ब्रष्टा दधदिन्द्राय

शुष्मम्। अपाकोचिष्टुर्यशसे पुरुणि। वृषा यजन्वृषणं भूरिरेताः। मूर्धन् यज्ञस्य
समनक्तु देवान्। वनस्पतिरवसृष्टो न पाशैः। तन्या समञ्जच्छमिता न देवः।
इन्द्रस्य हव्यैर्जठरं पृणानः। स्वदाति हव्यं मधुना घृतेन। स्तोकानामिन्दुं प्रति शूर
इन्द्रः। वृषायमाणो वृषभस्तुराषाट्। घृतप्रुषा मधुना हव्यमुन्दन्। मूर्धन् यज्ञस्य
जुषतां स्वाहा॥ 42 ॥

शर्धमानो महोभिः पर्वीर्घृतेन चत्वारि च॥ [8]

आचर्षणिप्रा विवेष यन्मा। तं सध्रीचीं। सत्यमित्तन्न त्वावां अन्यो अस्ति। इन्द्र
देवो न मर्त्यो ज्यायान्। अहन्नहिं परिशयानमर्णः। अवांसृजोऽपो अच्छां समुद्रम्।
प्रसंसाहिषे पुरुहूत शत्रून्। ज्येष्ठस्ते शुष्मं इह रातिरस्तु। इन्द्रा भर दक्षिणेना
वसूनि। पतिः सिन्धूनामसि रेवतीनाम्। स शेवृधमधिं धाद्युममस्मे। महिं क्षत्रं
जनाषाडिन्द्र तव्यम्। रक्षां च नो मघोनः पाहि सूरीन्। राये च नः स्वपत्या इषे
धाः॥ 43 ॥

रेवतीनाश्चत्वारि च॥ [9]

देवं बर्हिरिन्द्रं सुदेवं देवैः। वीरवत्स्तीर्णं वेद्यामवर्धयत्। वस्तोर्वृतं प्राक्तोर्भृतम्।
राया बर्हिष्मतोऽत्यगात्। वसुवने वसुधेयस्य वेतु यजं। देवीर्द्वार इन्द्रं सङ्घाते।
विद्धीर्यामन्नवर्धयन्। आ वत्सेन तरुणेन कुमारेण चमीविता अपार्वणम्।
रेणुकंकाटन्नुदन्ताम्। वसुवने वसुधेयस्य वियन्तु यजं॥ 44 ॥

देवी उषासानक्ता। इन्द्रं यज्ञे प्रयत्यहेताम्। देवीर्विशः प्रायांसिष्टाम्। सुप्रीते सुधिते
अभूताम्। वसुवने वसुधेयस्य वीतां यजं। देवी जोष्टी वसुधिति।
देवमिन्द्रमवर्धताम्। अयाव्यन्याघा द्वेषांसि। आन्यावांक्षीद्वसु वार्याणि। यजमानाय
शिक्षिते॥ 45 ॥

वसुवने वसुधेयस्य वीतां यजं। देवी ऊर्जाहुती दुघे सुदुघे। पयसेन्द्रमवर्धताम्।
इषमूर्जमन्याऽवांक्षीत्। सग्धिं सपीतिमन्या। नवेन पूर्वन्दयमाने। पुराणेन नवम्।
अधातामूर्जमूर्जाहुती वसु वार्याणि। यजमानाय शिक्षिते। वसुवने वसुधेयस्य वीतां

यज॑॥⁴⁶॥

दे॒वा दे॒व्या॒ होता॑रा। दे॒वमिन्द्र॑मवर्धताम्। ह॒ताघ॑श॒सावाभा॑र्ष्टा वसु॒वार्या॑णि।
यज॑मानाय शि॒क्षितौ॑। वसु॒वने॑ वसु॒धेय॑स्य वी॒तां यज॑। दे॒वीस्ति॒स्रस्ति॒स्रो दे॒वीः।
पति॑मिन्द्र॑मवर्धयन्। अ॒स्पृक्ष॑द्भार॒ती दि॒वम्। रु॒द्रैर्य॒ज्ञः सर॑स्वती। इ॒डा वसु॑मती
गृ॒हान्॥⁴⁷॥

वसु॒वने॑ वसु॒धेय॑स्य वियन्तु॑ यज॑। दे॒व इन्द्रो॑ नरा॒शः सः। त्रि॒वरू॒थस्त्रि॒वन्धुरः।
दे॒वमिन्द्र॑मवर्धयत्। श॒तेन॑ शि॒तिपृ॒ष्ठाना॒माहि॑तः। स॒हस्रे॑ण प्रवर्तते। मि॒त्रावरु॑णे॒दस्य॑
हो॒त्रम॑र्हतः। बृ॒हस्प॑तिः स्तो॒त्रम्। अ॒श्विनाऽऽध्व॑र्यवम्। वसु॒वने॑ वसु॒धेय॑स्य वेतु॑
यज॑॥⁴⁸॥

दे॒व इन्द्रो॑ वन॒स्पतिः॑। हि॒र॒ण्यव॑र्णो मधु॒शाखः॑ सु॒पिप्प॒लः। दे॒वमिन्द्र॑मवर्धयत्।
दि॒वम॑ग्रे॒णाप्रा॑त्। आऽन्तरि॑क्षं पृ॒थि॒वीम॑द॒हीत्। वसु॒वने॑ वसु॒धेय॑स्य वेतु॑ यज॑। दे॒वं
ब॒र्हिर्वा॑रि॒तीना॑म्। दे॒वमिन्द्र॑मवर्धयत्। स्वा॒स॒स्थमि॒न्द्रेणा॑सन्नम्। अ॒न्या
ब॒र्ही॑ष्य॒भ्यभू॑त्। वसु॒वने॑ वसु॒धेय॑स्य वेतु॑ यज॑। दे॒वो अ॒ग्निः स्वि॑ष्टकृत्।
दे॒वमिन्द्र॑मवर्धयत्। स्वि॑ष्टं कुर्वन्स्वि॑ष्टकृत्। स्वि॑ष्टम॒द्य के॑रोतु नः। वसु॒वने॑ वसु॒धेय॑स्य
वेतु॑ यज॑॥⁴⁹॥

वियन्तु॑ यज॑ शि॒क्षिते शि॒क्षिते॑ वसु॒वने॑ वसु॒धेय॑स्य वी॒ताँय॑ज॑ गृ॒हान् वेतु॑ यज॑भू॒ष्यद् (दे॒वं ब॒र्हिर्दे॒वीर्द्वा॒रो दे॒वी उ॒पासा॑न॒क्ता दे॒वी जो॒ष्टी दे॒वी ऊ॒र्जाहु॑ती दे॒वा
दे॒व्या होता॑रा शि॒क्षितो दे॒वीस्ति॒स्रस्ति॒स्रो दे॒वीर्दे॒व इन्द्रो॑ नरा॒शः सः दे॒व इन्द्रो॑ वन॒स्पतिर्दे॒वं ब॒र्हिर्वा॑रि॒तीना॑न्दे॒वो अ॒ग्निः स्वि॑ष्टकृ॒दे॒वम्। वेतु॑ वियन्तु॑ चतु॒र्वी॒तामे॒को
वियन्तु॑ चतु॒र्वै॒वर्धय॑दवर्धयन्नि॒रव॑र्धता॒मेकोऽव॑र्धय॒श्चतु॑रवर्धयत्। वस्तो॒रा व॒त्सेन॑ दे॒वीर॒यावी॑ष॒हताऽस्पृ॑क्षच्छ॒तेन॑ दि॒वः स्वा॒स॒स्थः स्वि॑ष्टः शि॒क्षिते शि॒क्षिते
शि॒क्षितो॑॥)॥

[10]

हो॒ता यक्ष॑त्समि॒धाऽग्नि॑मि॒डस्प॑दे। अ॒श्विनेन्द्र॑ः सर॑स्वतीम्। अ॒जो धू॒म्रो न गो॒धूमेः॑
क्व॑लैर्भे॒षज॑म्। मधु॒ श॒ष्येर्न तेज॑ इन्द्रि॒यम्। प॒यः सोमः॑ परि॒स्रुता॑ घृ॒तं मधु॑।
विय॑न्त्वाज्य॑स्य हो॒तर्य॑ज॑। हो॒ता यक्ष॑त्तनू॒नपा॑त्सर॑स्वती। अ॒वि॒र्मे॒षो न भे॑षजम्। प॒था
मधु॑म॒ताभ॑रन्। अ॒श्विनेन्द्रा॑य वी॒र्य॑म्॥⁵⁰॥

ब॒दरै॑रु॒पवा॑का॒भिर्भे॑षजन्तो॒क्मभिः॑। प॒यः सोमः॑ परि॒स्रुता॑ घृ॒तं मधु॑। विय॑न्त्वाज्य॑स्य
हो॒तर्य॑ज॑। हो॒ता यक्ष॑न्नरा॒शः स॑ न न॒ग्नह॑म्। प॒तिः सु॒रायै॑ भे॒षज॑म्। मे॒षः सर॑स्वती
भि॒षक्। र॒थो न च॒न्द्राश्वि॑नौर्व॒पा इन्द्र॑स्य वी॒र्य॑म्। ब॒दरै॑रु॒पवा॑का॒भिर्भे॑षजन्तो॒क्मभिः॑।

पयः सोमः परिस्सुता घृतं मधु। वियन्त्वाज्यस्य होतर्यजः॥⁵¹॥

होता यक्षदिडेडित आजुह्वानः सरस्वतीम्। इन्द्रं बलेन वर्धयन्। ऋषभेण
गवैन्द्रियम्। अश्विनेन्द्राय वीर्यम्। यवैः कर्कन्धुभिः। मधु लाजैर्न मासरम्। पयः
सोमः परिस्सुता घृतं मधु। वियन्त्वाज्यस्य होतर्यजः। होता यक्षद्वरुहिः
सुष्टरीमोर्णम्रदाः। भिषङ्गासत्या॥⁵²॥

भिषजाऽश्विनाऽश्वा शिशुमती। भिषग्धेनुः सरस्वती। भिषग्दुह इन्द्राय भेषजम्।
पयः सोमः परिस्सुता घृतं मधु। वियन्त्वाज्यस्य होतर्यजः। होता यक्षद्वुरो दिशः।
कवष्यो न व्यचस्वतीः। अश्विभ्यां न दुरो दिशः। इन्द्रो न रोदसी दुधे। दुहे
कामान्त्सरस्वती॥⁵³॥

अश्विनेन्द्राय भेषजम्। शुक्रं न ज्योतिरिन्द्रियम्। पयः सोमः परिस्सुता घृतं मधु।
वियन्त्वाज्यस्य होतर्यजः। होता यक्षत्सुपेशसोषे नक्तं दिवा। अश्विना सञ्जानाने।
समं जाते सरस्वत्या। त्विषिमिन्द्रे न भेषजम्। श्येनो न रजसा हृदा। पयः सोमः
परिस्सुता घृतं मधु॥⁵⁴॥

वियन्त्वाज्यस्य होतर्यजः। होता यक्षद्वैव्या होतारा भिषजाऽश्विना। इन्द्रं न जागृवी
दिवा नक्तं न भेषजैः। शूषः सरस्वती भिषक्। सीसेन दुह इन्द्रियम्। पयः सोमः
परिस्सुता घृतं मधु। वियन्त्वाज्यस्य होतर्यजः। होता यक्षत्तिस्रो देवीर्न भेषजम्।
त्रयस्त्रिधातवोऽपसः। रूपमिन्द्रे हिरण्ययम्॥⁵⁵॥

अश्विनेडा न भारती। वाचा सरस्वती। मह इन्द्राय दधुरिन्द्रियम्। पयः सोमः
परिस्सुता घृतं मधु। वियन्त्वाज्यस्य होतर्यजः। होता यक्षचष्टारमिन्द्रमश्विना। भिषजं
न सरस्वतीम्। ओजो न जूतिरिन्द्रियम्। वृको न रभसो भिषक्। यशः सुरया
भेषजम्॥⁵⁶॥

श्रिया न मासरम्। पयः सोमः परिस्सुता घृतं मधु। वियन्त्वाज्यस्य होतर्यजः। होता
यक्षद्वनस्पतिम्। शमितारः शतक्रतुम्। भीमं न मन्युः राजानव्याघ्रन्नमसाऽश्विना
भामम्। सरस्वती भिषक्। इन्द्राय दुह इन्द्रियम्। पयः सोमः परिस्सुता घृतं मधु।

वियन्त्वाज्यस्य होतर्यजः॥⁵⁷॥

होता यक्षदग्निः स्वाहाऽऽज्यस्य स्तोकानाम्। स्वाहा मेदसां पृथक्। स्वाहा
छागमश्विभ्याम्। स्वाहा मेषः सरस्वत्यै। स्वाहर्षभमिन्द्राय सिंहाय
सहसेन्द्रियम्। स्वाहाऽग्निं न भेषजम्। स्वाहा सोममिन्द्रियम्। स्वाहेन्द्रः
सुत्रामाणः सवितारं वरुणं भिषजां पतिम्। स्वाहा वनस्पतिं प्रियं पाथो न
भेषजम्। स्वाहा देवाः आज्यपानः॥⁵⁸॥

स्वाहाऽग्निः होत्राञ्जुषाणो अग्निर्भेषजम्। पयः सोमः परिस्रुतां घृतं मधु।
वियन्त्वाज्यस्य होतर्यजः। होता यक्षदश्विना सरस्वतीमिन्द्रः सुत्रामाणम्। इमे
सोमाः सुरामाणः। छागैर्न मेषैर्ऋषभैः सुताः। शष्पैर्न तोक्मभिः। लाजैर्महस्वन्तः।
मदा मासरेण परिष्कृताः। शुक्राः पयस्वन्तोऽमृताः। प्रस्थिता वो मधुश्चुतः।
तानश्विना सरस्वतीन्द्रः सुत्रामां वृत्रहा। जुषन्ताः सौम्यं मधु। पिबन्तु मदन्तु
वियन्तु सोमम्। होतर्यजः॥⁵⁹॥

वीर्यं वियन्त्वाज्यस्य होतर्यजः नासत्या सरस्वती मधुं हिरण्यं भेषजं वियन्त्वाज्यस्य होतर्यजाज्यपानमृताः पञ्च च (समिधाऽग्निः षट्। तनूनपांत्सप्त।
नराशःसमृषिः। इडेडितो यवैरष्टौ। बरहिः सप्त। दुरोऽश्विना नव। सुपेशःसर्षिः। दैव्या होतांरा सीसेन रसः। तिस्रस्वष्टारमष्टावष्टौ। वनस्पतिमृषिः।
अग्निन्त्रयोदश। अश्विना द्वादश त्रयोदश। समिधाऽग्निं बदरैर्वदरैर्वैरश्विना बिषिमश्विना न भेषजः रूपमश्विनां भीमं भामम्॥)॥

[11]

समिद्धो अग्निरश्विना। तप्तो घर्मो विराट्सुतः। दुहे धेनुः सरस्वती। सोमः
शुक्रमिहेन्द्रियम्। तनूपा भिषजां सुते। अश्विनोभा सरस्वती। मध्वा
रजाःसीन्द्रियम्। इन्द्राय पथिभिर्वहान्। इन्द्रायेन्दुः सरस्वती। नराशःसेन
नग्नहः॥⁶⁰॥

अधातामश्विना मधु। भेषजं भिषजां सुते। आजुह्वाना सरस्वती। इन्द्रायेन्द्रियाणि
वीर्यम्। इडाभिरश्विनाविषम्। समूर्जः सः रयिन्दधुः। अश्विना नमुचेः सुतम्।
सोमः शुक्रं परिस्रुतां। सरस्वती तमाभरत्। बरुहिषेन्द्राय पातवे॥⁶¹॥

कवष्यो न व्यचस्वतीः। अश्विभ्यां न दुरो दिशः। इन्द्रो न रोदसी दुर्घैः। दुहे
कामान्त्सरस्वती। उषासा नक्तमश्विना। दिवेन्द्रः सायमिन्द्रियैः। सञ्जानाने
सुपेशसा। समं जाते सरस्वत्या। पातं नो अश्विना दिवा। पाहि नक्तः

सरस्वति॥ 62 ॥

दैव्यां होतारा भिषजा। पातमिन्द्रः सचा सुते। तिस्रस्त्रेधा सरस्वती। अश्विना
भारतीडा। तीव्रं परिस्सुता सोमम्। इन्द्राय सुषवुर्मदम्। अश्विना भेषजं मधु।
भेषजन्नः सरस्वती। इन्द्रे तृष्ठा यशः श्रियम्। रूपः रूपमधुः सुते। ऋतुथेन्द्रो
वनस्पतिः। शशमानः परिस्सुता। कीलालमश्विभ्यां मधु। दुहे धेनुः सरस्वती। गोभिर्न
सोममश्विना। मासरेण परिष्कृता। समधाताः सरस्वत्या। स्वाहेन्द्रे सुतं मधु॥ 63 ॥

नग्रहः पातवे सरस्वत्यधुः सुतैऽष्टौ च॥

[12]

अश्विना हविरिन्द्रियम्। नमुचेर्धिया सरस्वती। आ शुक्रमासुराद्वसु। मघमिन्द्राय
जग्निरे। यमश्विना सरस्वती। हविषेन्द्रमवर्धयन्। स बिभेद बलं मघम्।
नमुचावासुरे सचा। तमिन्द्रं पशवः सचा। अश्विनोभा सरस्वती॥ 64 ॥
दधाना अभ्यनूषत। हविषा यज्ञमिन्द्रियम्। य इन्द्र इन्द्रियन्दधुः। सविता वरुणो
भगः। स सुत्रामा हविष्पतिः। यजमानाय सश्रत। सविता वरुणोऽदधत्।
यजमानाय दाशुषै। आदत्त नमुचेर्वसु। सुत्रामा बलमिन्द्रियम्॥ 65 ॥
वरुणः क्षत्रमिन्द्रियम्। भगेन सविता श्रियम्। सुत्रामा यशसा बलम्। दधाना
यज्ञमाशत। अश्विना गोभिरिन्द्रियम्। अश्वेभिर्वीर्यं बलम्। हविषेन्द्रः सरस्वती।
यजमानमवर्धयन्। ता नासत्या सुपेशसा। हिरण्यवर्तनी नरा। सरस्वती
हविष्मती। इन्द्र कर्मसु नोऽवत। ता भिषजा सुकर्मणा। सा सुदुघा सरस्वती।
स वृत्रहा शतक्रतुः। इन्द्राय दधुरिन्द्रियम्॥ 66 ॥

उभा सरस्वती बलमिन्द्रियन्नरा षट्॥

[13]

देवं बर्हिः सरस्वती। सुदेवमिन्द्रे अश्विना। तेजो न चक्षुरक्ष्योः। बर्हिषा
दधुरिन्द्रियम्। वसुवने वसुधेयस्य वियन्तु यज। देवीर्द्वारो अश्विना। भिषजेन्द्रे
सरस्वती। प्राणं न वीर्यन्नसि। द्वारो दधुरिन्द्रियम्। वसुवने वसुधेयस्य वियन्तु
यज॥ 67 ॥

देवी उषासावश्विना। भिषजेन्द्रे सरस्वती। बलं न वाचमास्यै।
उषाभ्यान्दधुरिन्द्रियम्। वसुवने वसुधेयस्य वियन्तु यज। देवी जोष्टी अश्विना।

सुत्रामेन्द्रे सरस्वती। श्रोत्रं न कर्णयोर्यशः। जोष्टीभ्यान्दधुरिन्द्रियम्। वसुवने
वसुधेयस्य वियन्तु यज॥⁶⁸॥

देवी ऊर्जाहुती दुधे सुदुधे। पयसेन्द्रः सरस्वत्यश्विना भिषजावत। शुक्रं न ज्योतिः
स्तनयोराहुती धत्त इन्द्रियम्। वसुवने वसुधेयस्य वियन्तु यज। देवा देवानां
भिषजा। होताराविन्द्रमश्विना। वषट्कारैः सरस्वती। बिषिं न हृदये मतिम्।
होतृभ्यान्दधुरिन्द्रियम्। वसुवने वसुधेयस्य वियन्तु यज॥⁶⁹॥

देवीस्तिस्त्रस्तिस्त्रो देवीः। सरस्वत्यश्विना भारतीडा। शूषन्न मध्ये नाभ्याम्। इन्द्राय
दधुरिन्द्रियम्। वसुवने वसुधेयस्य वियन्तु यज। देव इन्द्रो नराशंसः। त्रिवरूथः
सरस्वत्याऽश्विभ्यामीयते रथः। रेतो न रूपममृतं जनित्रम्। इन्द्राय ब्रष्टा
दधदिन्द्रियाणि। वसुवने वसुधेयस्य वियन्तु यज॥⁷⁰॥

देव इन्द्रो वनस्पतिः। हिरण्यपर्णो अश्विभ्याम्। सरस्वत्याः सुपिप्पलः। इन्द्राय
पच्यते मधु। ओजो न जूतिमृषभो न भामम्। वनस्पतिर्नो दधदिन्द्रियाणि। वसुवने
वसुधेयस्य वियन्तु यज। देवं बर्हिर्वारितीनाम्। अध्वरे स्तीर्णमश्विभ्याम्।
ऊर्णम्रदाः सरस्वत्याः॥⁷¹॥

स्योनमिन्द्र ते सदः। ईशायै मन्युः राजानं बर्हिषा दधुरिन्द्रियम्। वसुवने
वसुधेयस्य वियन्तु यज। देवो अग्निः स्विष्टकृत्। देवान् यक्षदथायथम्।
होताराविन्द्रमश्विना। वाचा वाचः सरस्वतीम्। अग्निः सोमः स्विष्टकृत्। स्विष्ट
इन्द्रः सुत्रामा सविता वरुणो भिषक्। इष्टो देवो वनस्पतिः। स्विष्टा देवा
आज्यपाः। इष्टो अग्निरग्निना। होता होत्रे स्विष्टकृत्। यशो न दधदिन्द्रियम्।
ऊर्जमपचितिः स्वधाम्। वसुवने वसुधेयस्य वियन्तु यज॥⁷²॥

द्वारो दधुरिन्द्रियं वसुवने वसुधेयस्य वियन्तु यज जोष्टीभ्यान्दधुरिन्द्रियं वसुवने वसुधेयस्य वियन्तु यज होतृभ्यान्दधुरिन्द्रियं वसुवने वसुधेयस्य वियन्तु
यजैन्द्रियाणि वसुवने वसुधेयस्य वियन्तु यज सरस्वत्या वनस्पतिष्पद्व (देवं बर्हिर्देवीद्वारो देवी उपासावश्विना देवी जोष्टी देवी ऊर्जाहुती देवा देवानां
भिषजा वषट्कारैर्देवीस्तिस्त्रस्तिस्त्रो देवीर्देव इन्द्रो नराशंसो देव इन्द्रो वनस्पतिर्देवं बर्हिर्वारितीनान्देवो अग्निः स्विष्टकृद्देवान्। समिधाऽग्निं देवं बर्हिः
सरस्वत्यश्विना सर्व वियन्तु। द्वारस्तिस्त्रः सर्ववियन्तु। अज इन्द्रमोजोऽग्निं परः सरस्वतीम्। नक्तं पूर्वः सरस्वति। अन्यत्र सरस्वती। भिषक्पूर्वन्दुह इन्द्रियम्।
अन्यत्र दधुरिन्द्रियम्। सौत्रामण्याः सुतासुती। अञ्जन्त्यं यजमानः॥)॥

अग्निमद्य होता॑रमवृणीत। अय॑ सु॒तासु॒ती यज॑मानः। पच॑न्प॒त्कीः।
 पच॑न्पु॒रोडा॒शान्। गृ॒ह्णन्ग्र॒हान्। ब॒ध्नन्त्रि॒श्विभ्या॑ञ्छाग॑ सर॑स्वत्या इन्द्रा॑य।
 ब॒ध्नन्त्सर॑स्वत्यै मे॒षमिन्द्रा॑या॒श्विभ्या॑म्। ब॒ध्नन्निन्द्रा॑य॒र्षभ॑म॒श्विभ्या॑ सर॑स्वत्यै। सू॒प॒स्था
 अद्य॑ दे॒वो वन॑स्पति॒रभवत्। अ॒श्विभ्या॑ञ्छागे॒न सर॑स्वत्या इन्द्रा॑य॥⁷³॥
 सर॑स्वत्यै मे॒षेणेन्द्रा॑या॒श्विभ्या॑म्। इन्द्रा॑य॒र्षभे॒णाश्वि॑भ्या॒ सर॑स्वत्यै। अक्ष॑स्तान्मे॒दस्तः
 प्रति॑पच॒ताग्र॑भीषुः। अवी॑वृ॒धन्त॒ ग्रहैः॑। अपा॑ताम॒श्विना॒ सर॑स्वतीन्द्रः सु॒त्रामा॑ वृ॒त्रहा।
 सोमा॑न्त्सुरा॒म्यः। उपो॑ उक्थाम॒दाः श्रौद्धि॑मदा॒ अदन्। अवी॑वृ॒धन्ताङ्गु॑षैः। त्वाम॑द्य॒र्ष
 आ॒र्षेय॒र्षीणा॑न्नपादवृणीत। अय॑ सु॒तासु॒ती यज॑मानः। बहु॑भ्य आ सङ्ग॑तेभ्यः। ए॒ष
 मे॑ दे॒वेषु॑ वसु॒ वार्या॑ यक्ष्यत॒ इति॑। ता या दे॒वा दे॒वदाना॑न्यदुः। तान्य॑स्मा आ च
 शास्व॑। आ च॑ गुरस्व। इ॒षित॑श्च॒ होत॒रसि॑ भ॒द्रवा॑च्याय॒ प्रेषि॑तो मानु॒षः। सू॒क्तवा॒काय॑
 सू॒क्ता ब्रू॑हि॥⁷⁴॥

इन्द्राय॑ यज॑मानः सप्त च॥

[15]

उ॒शन्त॑स्वा हवाम॒ह आ नो॑ अ॒ग्ने सु॒केतु॑ना॒। त्व॑ सोम॒ महे॑ भग॒न्त्व॑ सोम॒
 प्र॒चि॒कितो॑ मनी॒षा। त्वया॑ हि नः पि॒तरः॑ सोम॒ पूर्वे॑ त्व॑ सोम॒ पि॒तृभिः॑ संवि॒दानः॑।
 ब॒र्हिष॑दः पि॒तर॒ आऽहं॑ पि॒तृन्। उ॒प॒हृताः॑ पि॒तरोऽग्नि॑ष्वा॒त्ताः पि॒तरः॑।
 अ॒ग्निष्वा॒त्तानृ॑तुम॒तो हवाम॑हे। नरा॒श॑से॒ सोम॑पीथं य आ॒शुः। ते नो॑ अर्व॒न्तः सु॒हवा॑
 भव॑न्तु। शं नो॑ भव॑न्तु द्वि॒पदे॑ श॒श्वतु॑ष्पदे। ये अ॒ग्निष्वा॒त्ता येऽन॑ग्निष्वा॒त्ताः॥⁷⁵॥
 अ॒हो॒मुचः॑ पि॒तरः॑ सोम्या॒सः। पेरेऽव॑रेऽमृ॒तासो॑ भव॒न्तः। अधि॑ ब्रुव॑न्तु ते
 अ॒व॒न्त्व॒स्मान्। वा॒न्या॒यै दु॒ग्धे जु॑षमा॒णाः क॒र॒म्भम्। उ॒दीरा॑णा॒ अव॑रे पेरे॑ च।
 अ॒ग्निष्वा॒त्ता ऋ॒तुभिः॑ संवि॒दानाः॑। इन्द्र॑व॒न्तो ह॒विरि॑दं जु॒षन्ता॑म्। यद॑ग्ने क॒व्यवा॑हन॒
 त्वम॑ग्न ई॒डितो॑ जा॒तवे॑दः। मा॒त॒ली क॒व्यैः। ये ता॑तृपु॒र्देव॑त्रा जेह॑मानाः। हो॒त्रावृ॑धः
 स्तोम॑त॒ष्टासो॑ अ॒र्केः। आऽग्ने॑ याहि सु॒विद॑त्रे॒भिर्वा॑ङ्। स॒त्यैः क॒व्यैः
 पि॒तृभि॑र्ध॒र्मस॑द्भिः। ह॒व्यवा॑ह॒म॒जरं॑ पुरु॒प्रिय॑म्। अ॒ग्निं घृ॑तेन॒ ह॒विषा॑ स॒पर्य॑न्।
 उपा॑सदङ्क॒व्यवा॑हं पि॒तृणा॑म्। स नः॑ प्र॒जां वी॒रव॑ती॒ समृ॑ण्वतु॥⁷⁶॥

अन॑ग्निष्वा॒त्ता जेह॑मानाः सप्त च॥

[16]

होता यक्षदिडस्पदे। समिधानं महद्यशः। सुषमिद्धं वरेण्यम्। अग्निमिन्द्रं
वयोधसम्। गायत्रीञ्छन्द इन्द्रियम्। त्र्यविज्ञां वयो दधत्। वेत्ताज्यस्य होतर्यजः।
होता यक्षच्छुचित्रतम्। तनूनपातमुद्भिदम्। यङ्गर्भमदितिर्दधे॥⁷⁷॥

शुचिमिन्द्रं वयोधसम्। उष्णिहञ्छन्द इन्द्रियम्। दित्यवाहज्ञां वयो दधत्।
वेत्ताज्यस्य होतर्यजः। होता यक्षदीडेन्यम्। ईडितं वृत्रहन्तमम्। इडाभिरीड्यः
सहः। सोममिन्द्रं वयोधसम्। अनुष्टुभञ्छन्द इन्द्रियम्। त्रिवत्सज्ञां वयो दधत्॥⁷⁸॥

वेत्ताज्यस्य होतर्यजः। होता यक्षत्सुबर्हिषदम्। पूषण्वन्तममर्त्यम्। सीदन्तं बर्हिषि
प्रिये। अमृतेन्द्रं वयोधसम्। बृहतीञ्छन्द इन्द्रियम्। पञ्चाविज्ञां वयो दधत्।
वेत्ताज्यस्य होतर्यजः। होता यक्षद्वचस्वतीः। सुप्रायणा ऋतावृधः॥⁷⁹॥

द्वारो देवीर्हिरण्ययीः। ब्रह्माण इन्द्रं वयोधसम्। पङ्क्तिञ्छन्द इहेन्द्रियम्। तुर्यवाहज्ञां
वयो दधत्। वेत्ताज्यस्य होतर्यजः। होता यक्षत्सुपेशसे। सुशिल्पे बृहती उभे।
नक्तोषासा न दर्शते। विश्वमिन्द्रं वयोधसम्। त्रिष्टुभञ्छन्द इन्द्रियम्॥⁸⁰॥

पृष्ठवाहज्ञां वयो दधत्। वेत्ताज्यस्य होतर्यजः। होता यक्षत्प्रचेतसा। देवानामुत्तमं
यशः। होतारा दैव्या कवी। सयुजेन्द्रं वयोधसम्। जगतीञ्छन्द इहेन्द्रियम्।
अनङ्गाहज्ञां वयो दधत्। वेत्ताज्यस्य होतर्यजः। होता यक्षत्पेशस्वतीः॥⁸¹॥

तिस्रो देवीर्हिरण्ययीः। भारतीर्बृहतीर्महीः। पतिमिन्द्रं वयोधसम्। विराजञ्छन्द
इहेन्द्रियम्। धेनुं गां न वयो दधत्। वेत्ताज्यस्य होतर्यजः। होता यक्षत्सुरेतसम्।
त्वष्टारं पुष्टिवर्धनम्। रूपाणि बिभ्रतं पृथक्। पुष्टिमिन्द्रं वयोधसम्॥⁸²॥

द्विपदञ्छन्द इहेन्द्रियम्। उक्षाणं गां न वयो दधत्। वेत्ताज्यस्य होतर्यजः। होता
यक्षच्छतक्रतुम्। हिरण्यपर्णमुक्थिनम्। रशनां बिभ्रतं वशिम्। भगमिन्द्रं वयोधसम्।
ककुभञ्छन्द इहेन्द्रियम्। वशां वेहतं गां न वयो दधत्। वेत्ताज्यस्य होतर्यजः।
होता यक्षत्स्वाहाकृतीः। अग्निं गृहपतिं पृथक्। वरुणं भेषजङ्गविम्। क्षत्रमिन्द्रं
वयोधसम्। अतिञ्छन्दसञ्छन्द इन्द्रियम्। बृहदृषभज्ञां वयो दधत्। वेत्ताज्यस्य

होतर्यज॥ 83 ॥

दधे दधं दत्तावृधं इन्द्रियं पेशंस्वतीर्वयोधसं वेबाज्यस्य होतर्यजं सप्त च (इडस्पदैऽग्निज्ञायत्रीच्यविम्। शुचिव्रतं शुचिमुष्णिहं दित्यवाहम्। ईडेन्यं सोममनुष्टुभं चित्सम्। सुबर्हिपदममृतेन्द्रं बृहतीं पश्चाविम्। व्यचंस्वतीः सुप्रायणा द्वारो ब्रह्माणः पङ्क्तिमिह तुर्यवाहम्। सुपेशंसे विश्वमिन्द्रं चित्पृष्ठं पष्ठवाहम्। प्रचेतसा सयुजेन्द्रं जगतीमिहानुज्ञाहम्। पेशंस्वतीस्तिस्त्रः पतिं विराजमिह धेनुना। सुरेतसं चष्टारं पुष्टिमिन्द्रं द्विपदमिहोक्षाणना। शतक्रतुं भगमिन्द्रं कुम्भमिह वशात्र। स्वाहाकृतीः क्षत्रमतिच्छन्दसं बृहदपभङ्गां वयो दधं दिन्द्रियमृषिं वसु नवं दशेहंन्द्रियमष्टं नव दश गां न वयो दधं दिडस्पदे सर्वं वेतु॥) — [17]

समिद्धो अग्निः समिधा। सुषमिद्धो वरेण्यः। गायत्री छन्द इन्द्रियम्। त्र्यविर्गोर्वयो दधुः। तनूनपाच्छुचिव्रतः। तनूपाद्य सरस्वती। उष्णिक्छन्द इन्द्रियम्। दित्यवाङ्गोर्वयो दधुः। इडाभिरग्निरीड्यः। सोमो देवो अमर्त्यः॥ 84 ॥

अनुष्टुप्छन्द इन्द्रियम्। त्रिवत्सो गौर्वयो दधुः। सुबर्हिरग्निः पूषण्वान्। स्तीर्णबर्हिरमर्त्यः। बृहती छन्द इन्द्रियम्। पश्चाविर्गोर्वयो दधुः। दुरो देवीर्दिशो महीः। ब्रह्मा देवो बृहस्पतिः। पङ्क्तिश्छन्द इहेन्द्रियम्। तुर्यवाङ्गोर्वयो दधुः॥ 85 ॥

उषे यही सुपेशसा। विश्वे देवा अमर्त्याः। त्रिष्टुप्छन्द इन्द्रियम्। पष्ठवाङ्गोर्वयो दधुः। दैव्यां होतारा भिषजा। इन्द्रेण सयुजा युजा। जगती छन्द इहेन्द्रियम्। अनङ्गान्गोर्वयो दधुः। तिस्र इडा सरस्वती। भारती मरुतो विशः॥ 86 ॥

विराद्धन्द इहेन्द्रियम्। धेनुर्गोर्न वयो दधुः। ऋषां तुरीपो अद्भुतः। इन्द्राग्नी पुष्टिवर्धना। द्विपाच्छन्द इहेन्द्रियम्। उक्षा गौर्न वयो दधुः। शमिता नो वनस्पतिः। सविता प्रसुवन्भगम्। ककुच्छन्द इहेन्द्रियम्। वशा वेहद्गौर्न वयो दधुः। स्वाहा यज्ञं वरुणः। सुक्षत्रो भेषजं करत्। अतिच्छन्दाश्छन्द इन्द्रियम्। बृहदपभो गौर्वयो दधुः॥ 87 ॥

अमर्त्यस्तुर्यवाङ्गोर्वयो दधुर्विशो वशा वेहद्गौर्न वयो दधुश्चत्वारि च॥ — [18]

वसन्तेनर्तुना देवाः। वसंवस्त्रिवृता स्तुतम्। रथन्तरेण तेजसा। हविरिन्द्रे वयो दधुः। ग्रीष्मेण देवा ऋतुना। रुद्राः पञ्चदशे स्तुतम्। बृहता यशसा बलम्। हविरिन्द्रे वयो दधुः। वर्षाभिर्ऋतुनाऽऽदित्याः। स्तोमे सप्तदशे स्तुतम्॥ 88 ॥

वैरूपेण विशौजसा। हविरिन्द्रे वयो दधुः। शारदेनर्तुना देवाः। एकविंश ऋभवः स्तुतम्। वैराजेन श्रिया श्रियम्। हविरिन्द्रे वयो दधुः। हेमन्तेनर्तुना देवाः।

म॒रुत॑स्त्रि॒णवे॑ स्तु॒तम्। ब॒लेन॑ श॒क्वरीः॑ स॒हः। ह॒विरि॒न्द्रे वयो॑ दधुः। शै॒शिरेण॑र्तुना॑
दे॒वाः। त्रय॑स्त्रि॒शेऽमृत॑ः स्तु॒तम्। स॒त्येन॑ रे॒वतीः॑ क्ष॒त्रम्। ह॒विरि॒न्द्रे वयो॑ दधुः॥ ८९ ॥

स्तोमं सप्तदशे स्तुतं सहो हविरिन्द्रे वयो दधुश्चत्वारि च (वसन्तेन ग्रीष्मेण वर्षाभिः शारदेन हेमन्तेन शैशिरेण पट्)॥ [19]

दे॒वं ब॒र्हिरि॒न्द्रं वयो॑धसम्। दे॒वं दे॒वम॑वर्धयत्। गा॒य॒त्रि॒या छन्द॑सेन्द्रियम्। ते॒ज॒ इ॒न्द्रे
वयो॑ दधत्। व॒सुवने॑ वसु॒धेय॑स्य वेतु॒ यज॑। दे॒वीर्द्वा॒रो दे॒वमि॒न्द्रं वयो॑धसम्।
दे॒वीर्दे॒वम॑वर्धयन्। उ॒ष्णि॒हा छन्द॑सेन्द्रियम्। प्रा॒णमि॒न्द्रे वयो॑ दधत्। व॒सुवने॑
वसु॒धेय॑स्य वियन्तु॒ यज॑॥ ९० ॥

दे॒वी दे॒वं वयो॑धसम्। उ॒षे इ॒न्द्रम॑वर्धताम्। अ॒नु॒ष्टु॒भा छन्द॑सेन्द्रियम्। वा॒चमि॒न्द्रे
वयो॑ दधत्। व॒सुवने॑ वसु॒धेय॑स्य वी॒तां यज॑। दे॒वी जो॒ष्टी दे॒वमि॒न्द्रं वयो॑धसम्। दे॒वी
दे॒वम॑वर्धताम्। बृ॒ह॒त्या छन्द॑सेन्द्रियम्। श्रो॒त्रमि॒न्द्रे वयो॑ दधत्। व॒सुवने॑ वसु॒धेय॑स्य
वी॒तां यज॑॥ ९१ ॥

दे॒वी ऊ॒र्जाहु॑ती दे॒वमि॒न्द्रं वयो॑धसम्। दे॒वी दे॒वम॑वर्धताम्। प॒ङ्क्त्या॑ छन्द॑सेन्द्रियम्।
शु॒क्रमि॒न्द्रे वयो॑ दधत्। व॒सुवने॑ वसु॒धेय॑स्य वी॒तां यज॑। दे॒वा दै॒व्या हो॒ता॒रा
दे॒वमि॒न्द्रं वयो॑धसम्। दे॒वा दे॒वम॑वर्धताम्। त्रि॒ष्टु॒भा छन्द॑सेन्द्रियम्। त्रि॒षिमि॒न्द्रे वयो॑
दधत्। व॒सुवने॑ वसु॒धेय॑स्य वी॒तां यज॑॥ ९२ ॥

दे॒वीस्त्रि॒स्रस्त्रि॒स्रो दे॒वीर्वयो॑धसम्। प॒तिमि॒न्द्रम॑वर्धयन्। ज॒ग॒त्या छन्द॑सेन्द्रियम्।
ब॒लमि॒न्द्रे वयो॑ दधत्। व॒सुवने॑ वसु॒धेय॑स्य वियन्तु॒ यज॑। दे॒वो न॒रा॒श॒सो दे॒वमि॒न्द्रं
वयो॑धसम्। दे॒वो दे॒वम॑वर्धयत्। वि॒रा॒जा छन्द॑सेन्द्रियम्। रे॒त इ॒न्द्रे वयो॑ दधत्।
व॒सुवने॑ वसु॒धेय॑स्य वेतु॒ यज॑॥ ९३ ॥

दे॒वो व॒न॒स्पति॑र्दे॒वमि॒न्द्रं वयो॑धसम्। दे॒वो दे॒वम॑वर्धयत्। द्वि॒प॒दा छन्द॑सेन्द्रियम्।
भ॒गमि॒न्द्रे वयो॑ दधत्। व॒सुवने॑ वसु॒धेय॑स्य वेतु॒ यज॑। दे॒वं ब॒र्हिर्वारि॑तीनां दे॒वमि॒न्द्रं
वयो॑धसम्। दे॒वं दे॒वम॑वर्धयत्। क॒कु॒भा छन्द॑सेन्द्रियम्। य॒श इ॒न्द्रे वयो॑ दधत्।
व॒सुवने॑ वसु॒धेय॑स्य वेतु॒ यज॑। दे॒वो अ॒ग्निः स्वि॑ष्ट॒कृद्दे॒वमि॒न्द्रं वयो॑धसम्। दे॒वो
दे॒वम॑वर्धयत्। अ॒ति॒च्छ॒न्दसा॑ छन्द॑सेन्द्रियम्। क्ष॒त्रमि॒न्द्रे वयो॑ दधत्। व॒सुवने॑

वसुधेयस्य वेतु यज॥⁹⁴॥

वि॒यन्तु॑ यजं॑ वीतां॑ यजं॑ वीतां॑ यजं॑ वेतु॑ यजं॑ वेतु॑ यजं॑ पञ्च॑ च (दे॒वं ब॒र्हिर्गाय॑त्रिया॒ तेजः॑। दे॒वीर्द्वा॑रं उ॒ष्णिहा॑ प्रा॒णम्। दे॒वी दे॒वमु॑पे अ॒नुष्टु॑भा॒ वाच॑म्। दे॒वी जो॒ष्ट्रीं बृ॑हत्या श्रोत्रम्। दे॒वी ऊ॒र्जाहु॑ती प॒ङ्कजा॑ शुक्रम्। दे॒वा दै॒व्या हो॑तांरा त्रि॒ष्टुभा॑ ब्रि॒पिम्। दे॒वीस्ति॒स्रस्ति॒स्रो दे॒वीः पति॑ जग॒त्या ब॑लम्। दे॒वो न॑रा॒शः सो वि॒राजा॑ रे॒तः। दे॒वो वन॑स्पतिर्द्वि॒पदा॑ भगम्। दे॒वं ब॒र्हिर्वारि॑तीनाङ्क॒कुभा॑ यशः। दे॒वो अ॒ग्निः स्वि॑ष्ट॒कृदति॑च्छन्दसा क्षत्रम्। वेतु॑ वि॒यन्तु॑ चतु॒र्वीता॑मे॒को वि॒यन्तु॑ चतु॒र्वैब॑वर्धयदवर्धय॑श्चतु॒र्वर्धता॑मे॒कोऽव॑र्धय॑श्चतु॒र्वर्धय॑त्॥)॥

[20]

स्वा॒द्वीन्वा॑ सोमः॒ सुरा॑वन्तः॒ सी॒सेन॑ मि॒त्रोऽसि॑ यदे॒वा हो॑ता यक्षत्स॒मिधेन्द्रः॒॑ समि॑द्ध इन्द्र॒ आच॑र्षणि॒प्रा दे॒वं ब॒र्हिर्हो॑ता यक्षत्स॒मिधा॑ऽग्निः॒ समि॑द्धो अ॒ग्निर॑श्चि॒नाऽश्चि॒ना ह॒विरे॑न्द्रि॒यं दे॒वं ब॒र्हिः सर॑स्वत्य॒ग्निम॒द्योश॑न्तो हो॒ता यक्ष॑दि॒डस्प॑दे॒ समि॑द्धो अ॒ग्निः स॒मिधा॑ वस॒न्तेन॑र्तुना॒ दे॒वं ब॒र्हिरिन्द्र॑ वयो॒धसं॑ वि॒शतिः॑॥²⁰॥

स्वा॒द्वीन्वा॑ऽमी॒मद॑न्त पि॒तरः॒ साम्रा॑ज्याय पू॒तं प॒वित्रे॑णो॒पासा॑न॒क्ता ब॑दै॒रधा॑तां दे॒व इन्द्रो॑ वन॒स्पतिः॑ प॒ष्ठवा॑ह॒ङ्गा दे॒वी दे॒वं व॑यो॒धसं॑ चतु॒र्नव॑तिः॥⁹⁴॥

स्वा॒द्वीन्वा॑ वेतु॑ यज॥

हरिः॑ ॐ॥

॥इति श्रीकृष्णयजुर्वेदीयतैत्तिरीयब्राह्मणे द्वितीयाष्टके षष्ठः प्रपाठकः समाप्तः॥

॥सप्तमः प्रश्नः॥

॥तैत्तिरीयब्राह्मणे द्वितीयाष्टके सप्तमः प्रपाठकः॥

त्रिवृत्स्तोमो भवति। ब्रह्मवर्चसं वै त्रिवृत्। ब्रह्मवर्चसमेवाव रुन्धे। अग्निष्टोमः सोमो भवति। ब्रह्मवर्चसं वा अग्निष्टोमः। ब्रह्मवर्चसमेवाव रुन्धे। रथन्तरं सामं भवति। ब्रह्मवर्चसं वै रथन्तरम्। ब्रह्मवर्चसमेवाव रुन्धे। परिस्रज्जी होता भवति॥₁॥

अरुणो मिर्मिरस्त्रिशुक्रः। एतद्वै ब्रह्मवर्चसस्य रूपम्। रूपेणैव ब्रह्मवर्चसमव रुन्धे। बृहस्पतिरकामयत देवानां पुरोधाङ्गच्छेयमिति। स एतं बृहस्पतिसवमपश्यत्। तमाऽहरत्। तेनायजत। ततो वै स देवानां पुरोधामगच्छत्। यः पुरोधाकामः स्यात्। स बृहस्पतिसवेन यजेत॥₂॥

पुरोधामेव गच्छति। तस्य प्रातः सवने सन्नेषु नाराशंसेषु। एकादश दक्षिणा नीयन्ते। एकादश माध्यं दिने सवने सन्नेषु नाराशंसेषु। एकादश तृतीयसवने सन्नेषु नाराशंसेषु। त्रयस्त्रिंशत्सम्पद्यन्ते। त्रयस्त्रिंशद्वै देवताः। देवता एवावरुन्धे। अश्वश्चतुस्त्रिंशः। प्राजापत्यो वा अश्वः॥₃॥

प्रजापतिश्चतुस्त्रिंशो देवतानाम्। यावतीरेव देवताः। ता एवावरुन्धे। कृष्णाजिनेऽभिषिञ्चति। ब्रह्मणो वा एतद्रूपम्। यत्कृष्णाजिनम्। ब्रह्मवर्चसेनैवैनं समर्धयति। आज्येनाभिषिञ्चति। तेजो वा आज्यम्। तेज एवास्मिन्दधाति॥₄॥

होता भवति यजेत वा अश्वो दधाति॥

[1]

यदाग्नेयो भवति। अग्निमुखा हृद्धिः। अथ यत्पौष्णः। पुष्टिर्वै पूषा। पुष्टिर्वैश्यस्य। पुष्टिमेवाव रुन्धे। प्रसवाय सावित्रः। अथ यत्चाष्ट्रः। त्वष्टा हि रूपाणि विकरोति। निर्वरुणत्वाय वारुणः॥₅॥

अथो य एव कश्च सन्त्सूयते। स हि वारुणः। अथ यद्वैश्वदेवः। वैश्वदेवो हि वैश्यः। अथ यन्मारुतः। मारुतो हि वैश्यः। सप्तैतानि हवींषि भवन्ति। सप्तगणा वै मरुतः। पृश्निः पष्ठौही मारुत्या लभ्यते। विद्वे मरुतः। विश

ए॒वैतन्म॑ध्यतो॑ऽभिषि॑च्यते। तस्मा॒द्वा ए॒ष वि॒शः प्रि॒यः। वि॒शो हि म॑ध्यतो॑ऽभिषि॑च्यते।
ऋ॒षभ॑च॒र्मेऽध्य॑भिषि॑श्चति। स हि प्र॑जनयि॒ता। द॒ध्नाऽभिषि॑श्चति। ऊ॒र्ग्वा अ॒न्नाद्यं॑ दधि।
ऊ॒र्जैर्वै॒नम॑न्नाद्ये॒न सम॑र्धयति॥६॥

वारु॒णो वि॒द्वे म॒रुतो॑ऽष्टौ च॥

[2]

यदा॑ग्ने॒यो भव॑ति। आ॒ग्ने॒यो वै ब्रा॑ह्म॒णः। अथ॑ यत्सौ॒म्यः। सौ॒म्यो हि ब्रा॑ह्म॒णः।
प्र॒सवा॑यैव सा॒वित्रः॑। अथ॑ यद्वा॒र्हस्प॑त्यः। ए॒तद्वै ब्रा॑ह्म॒णस्य॑ वाक्प॒तीयम्। अथ॑
यद॑ग्नी॒षोमी॑यः। आ॒ग्ने॒यो वै ब्रा॑ह्म॒णः। तौ य॒दा स॒ङ्गच्छे॑ते॥७॥

अथ॑ वी॒र्या॑व॒त्तरो॑ भवति। अथ॑ यत्सा॒रस्व॑तः। ए॒तद्वि प्र॑त्यक्षं ब्राह्म॒णस्य॑
वाक्प॒तीयम्। निर्व॑रुण॒त्वायै॑व वा॒रुणः॑। अथो॒ य ए॒व कश्च॑ सन्त्सू॒यते॑। स हि
वा॒रुणः॑। अथ॑ यद्वा॒वापृ॑थि॒व्यः। इन्द्रो॑ वृ॒त्राय॑ वज्रमु॒दय॑च्छत्। तं द्वा॒वापृ॑थि॒वी
ना॒न्वम॑न्येताम्। तमे॒तेनै॒व भा॑ग॒धेये॒नान्व॑मन्येताम्॥८॥

वज्र॑स्य वा ए॒षोऽनु॑मा॒नाय॑। अनु॑मतवज्रः सू॒याता॒ इति॑। अ॒ष्टावे॑तानि ह॒वीःषि॑
भव॑न्ति। अ॒ष्टाक्ष॑रा गाय॒त्री। गाय॒त्री ब्र॑ह्मव॒र्चस॑म्। गाय॒त्रियै॒व ब्र॑ह्मव॒र्चस॑मव॒ रुन्धे॑।
हि॒र॒ण्येन॑ घृ॒तमु॑त्पु॒नाति॑। तेज॑स ए॒व रु॒चे। कृ॒ष्णाजि॑ने॒ऽभिषि॑श्चति। ब्रह्म॑णो वा
ए॒तद॑र॒ख्सा॒मयो॑ रू॒पम्। यत्कृ॑ष्णाजि॒नम्। ब्रह्म॑न्ने॒वैन॑मृ॒ख्सा॒मयो॑र॒ध्य॒भिषि॑श्चति।
घृ॒तेना॑भिषि॑श्चति। तथा॑ वी॒र्या॑व॒त्तरो॑ भवति॥९॥

स॒ङ्गच्छे॑ते भा॒गधे॒येना॒न्वम॑न्येता॒ रूप॑श्च॒त्वारि॑ च॥

[3]

न वै सोमे॑न सोम॑स्य स॒वोऽस्ति॑। ह॒तो ह्ये॑षः। अ॒भिषु॑तो ह्ये॑षः। न हि ह॒तः सू॒यते॑।
सौ॒मीः सू॒तव॑शा॒मा ल॑भते। सोमो॒ वै रे॑तो॒धाः। रे॒त ए॒व तद॑धाति।
सौ॒म्यर्चा॑ऽभिषि॑श्चति। रे॒तो॒धा ह्ये॑षा। रे॒तः सोमः॑। रे॒त ए॒वास्मि॑न्दधाति। यत्किं च
राज॑सू॒यमृ॑ते सोमम्। तत्सर्वं॑ भवति। अ॒षाढं॑ यु॒त्सु पृ॑त॒नासु॑ प॒प्रिम्। सु॒व॒र्षाम॑प्स्वां
वृ॒जन॑स्य गो॒पाम्। भ॒रेषु॑जा॒ सु॑क्षि॒तिः सु॒श्रव॑सम्। जय॑न्त॒न्त्वाम॑नु॒ मदे॑म सोम॥१०॥

रे॒तः सोमः॑ सप्त च॥

[4]

यो वै सोमे॑न सू॒यते॑। स दे॒वस॒वः। यः प॒शुना॑ सू॒यते॑। स दे॒वस॒वः। य इ॒ष्ट्यां
सू॒यते॑। स म॑नु॒ष्यस॒वः। ए॒तं वै पृ॑थ॒ये दे॒वाः प्रा॑यच्छन्। ततो॒ वै सोऽप्या॑र॒ण्याना॑

पशूनामसूयत। यावतीः कियतीश्च प्रजा वाचं वदन्ति। तासां सर्वासां सूयते॥¹¹॥
य एतेन यजते। य उ चैनमेवं वेद। नाराशस्यर्चाऽभिषिञ्चति। मनुष्या वै
नराशसः। निहुत्य वावैतत्। अथाभिषिञ्चति। यत्किं च राजसूयमनुत्तरवेदीकम्।
तत्सर्वं भवति। ये मे पञ्चाशतन्दुः। अश्वानां सधस्तुतिः। द्युमदग्रे महि श्रवः।
बृहत्कृधि मघोनाम्। नृवदमृत नृणाम्॥¹²॥

सूयते सधस्तुतिस्त्रीणि च॥

[5]

एष गौसवः। षट्त्रिंश उक्थ्यो बृहत्सामा। पवमाने कण्वरथन्तरं भवति। यो वै
वाजपेयः। स सम्राट्पुवः। यो राजसूयः। स वरुणसवः। प्रजापतिः स्वाराज्यं
परमेष्ठी। स्वाराज्यङ्गौरेव। गौरिव भवति॥¹³॥

य एतेन यजते। य उ चैनमेवं वेद। उभे बृहद्रथन्तरे भवतः। तद्धि स्वाराज्यम्।
अयुतं दक्षिणाः। तद्धि स्वाराज्यम्। प्रतिधुषाऽभिषिञ्चति। तद्धि स्वाराज्यम्। अनुद्धते
वेदै दक्षिणत आहवनीयस्य बृहतः स्तोत्रं प्रत्यभिषिञ्चति। इयं वाव रथन्तरम्॥¹⁴॥

असौ बृहत्। अनयोरेवैनमनन्तरहितमभिषिञ्चति। पशुस्तोमो वा एषः। तेन
गौसवः। षट्त्रिंशः सर्वः। रेवञ्जातः सहसा वृद्धः। क्षत्राणां क्षत्रभृत्तमो वयोधाः।
महान्महिषे तस्तभानः। क्षत्रे राष्ट्रे च जागृहि। प्रजापतेस्त्वा परमेष्ठिनः
स्वाराज्येनाभिषिञ्चामीत्याह। स्वाराज्यमेवैनं गमयति॥¹⁵॥

इव भवति रथन्तरमाहैकं च॥

[6]

सिंहे व्याघ्र उत या पृदाको। बिषिरग्नौ ब्राह्मणे सूर्ये या। इन्द्रं या देवी सुभगा
जजान। सा न आगन्वर्चसा संविदाना। या राजन्ये दुन्दुभावायतायाम्। अश्वस्य
क्रन्दे पुरुषस्य मायौ। इन्द्रं या देवी सुभगा जजान। सा न आगन्वर्चसा
संविदाना। या हस्तिनि द्वीपिनि या हिरण्ये। बिषिरश्वेषु पुरुषेषु गोषु॥¹⁶॥

इन्द्रं या देवी सुभगा जजान। सा न आगन्वर्चसा संविदाना। रथे अक्षेषु
वृषभस्य वाजौ। वाते पर्जन्ये वरुणस्य शुष्मे। इन्द्रं या देवी सुभगा जजान। सा
न आगन्वर्चसा संविदाना। राडंसि विराडंसि। सम्राडंसि स्वराडंसि। इन्द्राय वा

तेज॑स्वते तेज॑स्वन्तः॒ श्री॑णामि। इन्द्रा॑य बौज॑स्वत ओज॑स्वन्तः॒ श्री॑णामि॥¹⁷॥

इन्द्रा॑य त्वा पय॑स्वते पय॑स्वन्तः॒ श्री॑णामि। इन्द्रा॑य त्वाऽऽयु॑ष्मत आयु॑ष्मन्तः॒ श्री॑णामि। तेजो॑ऽसि। तत्ते प्र य॑च्छामि। तेज॑स्वदस्तु मे मुखम्। तेज॑स्वच्छिरो॑ अस्तु मे। तेज॑स्वान् विश्वतः॑ प्रत्यङ्मु॒। तेज॑सा सम्पि॑पृग्धि मा। ओजो॑ऽसि। तत्ते प्र य॑च्छामि॥¹⁸॥

ओज॑स्वदस्तु मे मुखम्। ओज॑स्वच्छिरो॑ अस्तु मे। ओज॑स्वान् विश्वतः॑ प्रत्यङ्मु॒। ओज॑सा सं पि॑पृग्धि मा। पयो॑ऽसि। तत्ते प्र य॑च्छामि। पय॑स्वदस्तु मे मुखम्। पय॑स्वच्छिरो॑ अस्तु मे। पय॑स्वान् विश्वतः॑ प्रत्यङ्मु॒। पय॑सा सं पि॑पृग्धि मा॥¹⁹॥

आयु॑रसि। तत्ते प्र य॑च्छामि। आयु॑ष्मदस्तु मे मुखम्। आयु॑ष्मच्छिरो॑ अस्तु मे। आयु॑ष्मान् विश्वतः॑ प्रत्यङ्मु॒। आयु॑षा सं पि॑पृग्धि मा। इ॒मम॑ग्र आयु॑षे वर्च॑से कृधि। प्रिय॑ रेतो॑ वरुण सोम राजन्। मा॒तेवा॑स्मा अ॒दिते॑ शर्म॑ यच्छ। विश्वे॑ देवा ज॒रद॑ष्टिर्यथाऽस॑त्॥²⁰॥

आयु॑रसि विश्वायु॑रसि। सर्वायु॑रसि सर्व॑मायु॑रसि। यतो॑ वातो॒ मनो॑जवाः। यतः॑ क्षर॑न्ति सिन्ध॑वः। तासां॑ त्वा सर्वा॑सा रु॒चा। अ॒भिषि॑न्धामि वर्च॑सा। स॒मुद्र॑ इ॒वासि॑ गृह्ण॑ना। सोम॑ इ॒वास्यदा॑भ्यः। अ॒ग्निरि॑व विश्वतः॑ प्रत्यङ्मु॒। सूर्य॑ इ॒व ज्योति॑षा वि॒भूः॥²¹॥

अ॒पां यो द्रव॑णे रसः॑। तम॒हम॒स्मा आ॑मुष्याय॒णाय॑। तेज॑से ब्रह्मवर्च॑साय॑ गृह्णामि। अ॒पां य ऊ॒र्मो रसः॑। तम॒हम॒स्मा आ॑मुष्याय॒णाय॑। ओज॑से वी॒र्याय॑ गृह्णामि। अ॒पां यो म॑ध्यतो रसः॑। तम॒हम॒स्मा आ॑मुष्याय॒णाय॑। पु॒ष्ट्यै प्र॒जन॑नाय॑ गृह्णामि। अ॒पां यो य॒ज्ञियो॑ रसः॑। तम॒हम॒स्मा आ॑मुष्याय॒णाय॑। आयु॑षे दी॒र्घायु॑त्वाय॑ गृह्णामि॥²²॥

गोष्वोज॑स्वन्तः॒ श्री॑णाम्योजो॑ऽसि तत्ते प्रय॑च्छामि पय॑सा सम्पि॑पृग्धि माऽसं॒द्विभू॑र्यज्ञियो॒ रसो॑ द्वे च॥ [7]

अ॒भिप्रे॑हि वी॒रय॑स्व। उ॒ग्रश्चेत्ता॑ सप॒त्नहा॑। आ॒तिष्ठ॑ मि॒त्रव॑र्धनः। तुभ्यं॑ दे॒वा अधि॑ब्रवन्। अ॒ङ्गौ न्य॒ङ्काव॑भित आ॒तिष्ठ॑ वृ॒त्रह॑न्त्रथम्। आ॒तिष्ठ॑न्तं परि॒ विश्वे॑ अ॒भूष॑न्। श्रियं॑ वसा॑नश्चरति॒ स्वरो॑चाः। म॒हत्त॑द॒स्यासु॑रस्य॒ नाम॑। आ विश्व॑रूपो अ॒मृता॑नि तस्थौ।

अनु॒ वेन्द्रो॑ म॒द॒ब॒नु बृ॒ह॒स्पतिः॑॥²³॥

अनु॒ सोमो॑ अ॒न्व॒ग्नि॒रा॒वीत्। अनु॒ ब॒ा वि॒श्वे॑ दे॒वा अ॒व॒न्तु। अनु॒ स॒प्त रा॒जा॒नो य॒
उ॒ताभि॑षि॒क्ताः। अनु॒ ब॒ा मि॒त्राव॑रु॒णावि॑हाव॒तम्। अनु॒ द्यावा॑पृ॒थि॒वी वि॒श्वश॑म्भू। सूर्यो॑
अ॒हो॒भि॒रनु॑ ब॒ाऽव॑तु। च॒न्द्रमा॒ नक्ष॑त्रै॒रनु॑ ब॒ाऽव॑तु। द्यौश्च॑ ब॒ा पृ॒थि॒वी च॒ प्रचे॑तसा।
शुक्रो॑ बृ॒हद्दक्षि॑णा ब॒ा पि॑प॒र्तु। अनु॒ स्व॒धा चि॑कि॒ताः सोमो॑ अ॒ग्निः। आ॒ऽयं पृ॑ण॒क्तु
रज॑सी॒ उप॒स्थम्॑॥²⁴॥

बृहस्पतिः सोमो अग्निरैकं च॥

[8]

प्र॒जाप॑तिः प्र॒जा अ॑सृज॒त। ता अ॑स्मात्सृ॒ष्टाः प॒रा॒ची॒राय॑न्। स ए॒तं
प्र॒जाप॑ति॒रोद॑नम॒पश्य॑त्। सोऽन्नं॑ भू॒तोऽति॑ष्ठत्। ता अ॒न्यत्रा॑न्नाद्य॒मवि॑त्वा। प्र॒जाप॑तिं
प्र॒जा उ॒पाव॑र्तन्त। अन्न॑मे॒वैनं॑ भू॒तं प॑श्य॒न्तीः प्र॒जा उ॒पाव॑र्तन्ते। य ए॒तेन॒ यज॑ते। य
उ॒ चैन॑मे॒वं वेद॑। सर्वा॑ण्य॒न्नानि॑ भवन्ति॥²⁵॥

सर्वे॑ पु॒रु॒षाः। सर्वा॑ण्ये॒वान्ना॒न्यव॑ रुन्धे। सर्वा॑न्यु॒रु॒षान्। रा॒ड॒सि वि॒राड॒सीत्या॑ह।
स्वा॒रा॒ज्यमे॒वैनं॑ गमयति। यद्वि॒र॒ण्य॒न्ददा॑ति। तेज॒स्तेना॑व॒रुन्धे॑। यत्ति॑सृ॒धन्व॑म्।
वी॒र्य॑न्तेन॑। यद॒ष्ट्राम्॑॥²⁶॥

पु॒ष्टि॒न्तेन॑। यत्क॑म॒ण्ड॒लम्। आ॒यु॒ष्टेन॑। यद्वि॒र॒ण्य॒मा ब॑ध्नाति। ज्योति॑र्वै हि॒र॒ण्यम्।
ज्योति॑रे॒वास्मि॑न्दधाति। अथो तेजो॒ वै हि॒र॒ण्यम्। तेज॑ ए॒वात्म॑न्ध॒त्ते। यदो॑द॒नं
प्रा॒श्नाति॑। ए॒तदे॒व सर्व॑मव॒रु॒ध्य॑॥²⁷॥

तद॑स्मिन्ने॒कधा॑ऽधा॒त्। रोहि॑ण्याङ्का॒र्यः। यद्वा॑ह्म॒ण ए॒व रो॑हि॒णी। तस्मा॑दे॒व। अथो
व॒र्षमे॒वैनं॑ स॒मा॒ना॒नां करो॑ति। उ॒द्य॒ता सूर्ये॑ण का॒र्यः। उ॒द्य॒न्तं वा ए॒तः सर्वाः॑ प्र॒जाः
प्रति॑नन्दन्ति। दि॒दृक्षे॑ण्यो॑ द॒र्शनी॒यो भ॑वति। य ए॒वं वेद॑। ब्र॒ह्म॒वा॒दि॒नो वद॑न्ति॥²⁸॥

अ॒वे॒त्योऽव॑भृ॒था ३ ना ३ इति॑। यद्द॑र्भपु॒ञ्जी॒लैः प॒वय॑ति। तत्स्वि॑दे॒वावै॑ति। तन्नावै॑ति।
त्रि॒भिः प॑वयति। त्रयं॑ इ॒मे लो॒काः। ए॒भिरे॒वैनं॑ लो॒कैः प॑वयति। अथो॑ अ॒पां वा
ए॒तत्तेजो॑ वर्चः। यद्द॑र्भाः। यद्द॑र्भपु॒ञ्जी॒लैः प॒वय॑ति। अ॒पामे॒वैन॑न्तेज॑सा

वर्चसाऽभिषिञ्चति॥²⁹॥

भवन्त्यष्टौमवरुध्यं वदन्ति दर्भा यद्दर्भपुञ्जीलैः पवयत्येकं च॥

[9]

प्रजापतिरकामयत बहोर्भूयान्त्स्यामिति। स एतं पञ्चशारदीयमपश्यत्। तमाऽहरत्। तेनायजत। ततो वै स बहोर्भूयानभवत्। यः कामयेत बहोर्भूयान्त्स्यामिति। स पञ्चशारदीयेन यजेत। बहोरेव भूयान्भवति। मरुत्स्तोमो वा एषः। मरुतो हि देवानां भूयिष्ठाः॥³⁰॥

बहुर्भवति। य एतेन यजते। य उचैनमेवं वेद। पञ्चशारदीयो भवति। पञ्च वा ऋतवः संवत्सरः। ऋतुष्वेव संवत्सरे प्रतितिष्ठति। अथो पञ्चाक्षरा पङ्क्तिः। पाङ्क्तो यज्ञः। यज्ञमेवाव रुन्धे। सप्तदशः स्तोमा नाति यन्ति। सप्तदशः प्रजापतिः। प्रजापतेराप्त्यै॥³¹॥

भूयिष्ठा यन्ति द्वे च॥

[10]

अगस्त्यो मरुद्वा उक्ष्णः प्रौक्षत्। तानिन्द्र आदत्त। त एनं वज्रमुद्यत्याभ्यायन्त। तानगस्त्यश्चैवेन्द्रश्च कयाशुभीयेनाशमयताम्। ताञ्छान्तानुपाह्वयत। यत्कयाशुभीयं भवति शान्त्यै। तस्मादेत ऐन्द्रामारुता उक्षाणः सवनीया भवन्ति। त्रयः प्रथमेऽहन्ना लभ्यन्ते। एवं द्वितीयैः। एवं तृतीयैः॥³²॥

एवं चतुर्थे। पञ्चोत्तमेऽहन्ना लभ्यन्ते। वर्षिष्ठमिव ह्येतदहः। वर्षिष्ठः समानानां भवति। य एतेन यजते। य उचैनमेवं वेद। स्वराज्यं वा एष यज्ञः। एतेन वा एकया वा कान्दमः स्वराज्यमगच्छत्। स्वराज्यं गच्छति। य एतेन यजते॥³³॥

य उ चैनमेवं वेद। मारुतो वा एष स्तोमः। एतेन वै मरुतो देवानां भूयिष्ठा अभवन्। भूयिष्ठः समानानां भवति। य एतेन यजते। य उ चैनमेवं वेद। पञ्चशारदीयो वा एष यज्ञः। आ पञ्चमात्पुरुषादन्नमत्ति। य एतेन यजते। य उ चैनमेवं वेद। सप्तदशः स्तोमा नाति यन्ति। सप्तदशः प्रजापतिः। प्रजापतेरेव नैति॥³⁴॥

तृतीयै गच्छति य एतेन यजतेऽति य एतेन यजते य उ चैनमेवं वेद त्रीणि च (अगस्त्यः स्वराज्यं मारुतः पञ्चशारदीयो वा एष यज्ञः सप्तदशः प्रजापतेरेव नैति॥)॥

[11]

अस्या जरांसो दमा मरित्राः। अर्चद्धूमासो अग्नयः पावकाः। श्विचीचयः श्वात्रासो भुरण्यवः। वनर्षदो वायवो न सोमाः। यजा नो मित्रावरुणा। यजा देवाः ऋतं बृहत्। अग्ने यक्षि स्वन्दमम्। अश्विना पिबन्तः सुतम्। दीदग्नी शुचिव्रता। ऋतुना यज्ञवाहसा॥³⁵॥

द्वे विरूपे चरतः स्वर्धे। अन्याऽन्या वत्समुप धापयेते। हरिरन्यस्यां भवति स्वधावान्। शुक्रो अन्यस्यान्ददशे सुवर्चाः। पूर्वापरं चरतो माययैतौ। शिशू क्रीडन्तौ परि यातो अध्वरम्। विश्वान्यन्यो भुवनाऽभि चष्टे। ऋतूनन्यो विदधञ्जायते पुनः। त्रीणि शता त्रीषहस्राण्यग्निम्। त्रिंशच्च देवा नव चाऽसपर्यन्॥³⁶॥

औक्षन्धृतैरास्तृणन्वर्हिरस्मै। आदिद्धोतारन्यषादयन्त। अग्निनाऽग्निः समिध्यते। कविर्गृहपतिर्युवा। हव्यवाङ्मुह्यस्यः। अग्निर्देवानां जठरम्। पूतदक्षः कविक्रतुः। देवो देवेभिरा गमत्। अग्निश्रियो मरुतो विश्वकृष्टयः। आ त्वेषमुग्रमव ईमहे वयम्॥³⁷॥
ते स्वानिनो रुद्रिया वरुषनिर्णिजः। सिंहा न हेषक्रतवः सुदानवः। यदुत्तमे मरुतो मध्यमे वा। यद्वाऽवमे सुभगासो दिवि ष्ठा। ततो नो रुद्रा उत वाऽन्वस्ये। अग्ने वित्ताद्धविषो यद्यजामः। ईडे अग्निः स्ववसन्नमोभिः। इह प्रसप्तो वि च यत्कृतन्नः। रथैरिव प्रभरे वाजयद्धिः। प्रदक्षिणिन्मरुताः स्तोममृच्छाम्॥³⁸॥

श्रुधि श्रुत्कर्ण वह्निभिः। देवैरग्ने सयावभिः। आसीदन्तु बर्हिषि। मित्रो वरुणो अर्यमा। प्रातर्यावाणो अध्वरम्। विश्वेषामदितिर्यज्ञियानाम्। विश्वेषामतिथिर्मानुषाणाम्। अग्निर्देवानामव आवृणानः। सुमृडीको भवतु विश्ववेदाः। त्वे अग्ने सुमतिं भिक्षमाणाः॥³⁹॥

दिवि श्रवो दधिरे यज्ञियासः। नक्ता च चक्रुरुषसा विरूपे। कृष्णं च वर्णमरुणं च सन्धुः। त्वामग्न आदित्यास आस्यम्। त्वज्जिह्वाः शुचयश्चक्रिरे कवे। त्वा रातिषाचो अध्वरेषु सश्विरे। त्वे देवा हविरदन्त्याहुतम्। नि त्वा यज्ञस्य साधनम्। अग्ने होतारमृबिजम्। वनुष्वदेव धीमहि प्रचेतसम्। जीरन्दूतममर्त्यम्॥⁴⁰॥

यज्ञवाहसासपर्यन्वयमृद्धां भिक्षमाणाः प्रचेतसमेकं च॥

[12]

तिष्ठा हरी रथ आ युज्यमाना याहि। वायुर्न नियुतो नो अच्छ। पिबास्यन्धो

अ॒भिसृ॑ष्टो अ॒स्मे। इन्द्रः॑ स्वाहा॑ ररि॒मा ते॒ मदा॑य। कस्य॑ वृषा॑ सु॒ते सचा॑।
नियु॑त्वा॒नृष॑भो र॑णत्। वृ॒त्रहा॑ सोम॑पीतये। इन्द्रं॑ व॒यम्म॑हा॒धने। इन्द्र॑मर्भे॑ हवामहे।
युजं॑ वृ॒त्रेषु॑ व॒ज्रिण॑म्॥⁴¹॥

द्वि॒ता यो वृ॒त्रह॑न्त॒मः। वि॒द इन्द्रः॑ श॒तक्र॑तुः। उप॑ नो ह॒रिभिः॑ सु॒तम्। स सूर॑
आ॒जन॑यं ज्योति॒रिन्द्र॑म्। अ॒या धि॒या त॒रणि॑रद्वि॒बर्हाः॑। ऋ॒तेन॑ शु॒ष्मी न॑व॒मानो
अ॒र्केः। व्यु॑स्नि॒धो अ॒स्रो अ॒द्विर्वि॑भेद। उ॒तत्य॑दा॒श्वश्चि॑यम्। य॒दिन्द्र॑ नाहु॒षीष्वा। अ॒ग्ने
वि॒क्षु प्र॑ती॒दय॑त्॥⁴²॥

भरे॑ष्विन्द्रः॑ सु॒हवः॑ हवामहे। अ॒हो॒मुचः॑ सु॒कृत॑न्दै॒व्यं ज॑नम्। अ॒ग्नि॒मित्रं॑ वरु॑णः
सा॒तये॑ भ॒गम्। दा॒वापृ॑थि॒वी म॒रुतः॑ स्व॒स्तयै॑। म॒हि क्षे॑त्रं पु॒रुश्च॑न्द्रं वि वि॒द्वान्।
आ॒दि॒त्सखि॑भ्यश्च॒रथः॑ स॒मैर॑त्। इन्द्रो॑ नृ॒भि॒रज॑न॒दीदा॑नः सा॒कम्।
सूर्य॑मुष॒सं॒ज्ञातु॑म॒ग्निम्। उ॒रुं नो॑ लो॒कम॑नु॒ नेषि॑ वि॒द्वान्। सु॒र्वज्यो॑ति॒रभ्यः॑
स्व॒स्ति॥⁴³॥

ऋ॒ष्या तं इन्द्र॑ स्थवि॒रस्य॑ बा॒हू। उप॑स्थे॒याम॑ श॒रणा॑ बृ॒हन्ता॑। आ नो॑
वि॒श्वाभि॑रु॒तिभिः॑ स॒जोषाः॑। ब्र॒ह्म जु॑षा॒णो ह॑र्यश्च या॒हि। वरी॑वृ॒जत्स्थवि॑रेभिः सु॒शि॒प्रा।
अ॒स्मे द॑ध॒द्वृष॑णः शु॒ष्ममिन्द्र॑। इन्द्रा॑य गा॒वं आ॒शि॒रम्। दु॒दुहे॑ व॒ज्रिणे॑ मधु॑।
यत्सी॑मुप॒ह्वरे॑ वि॒दत्। तास्ते॑ व॒ज्रिन्धे॒नवो॑ जो॒जयु॑र्नः॥⁴⁴॥

ग॒भस्त॑यो नि॒युतो॑ वि॒श्ववा॑राः। अ॒हर॑ह॒र्भूय॑ इ॒ज्जोगु॑वानाः। पूर्णा॑ इन्द्र॑ क्षु॒मतो
भो॒ज॑न॒स्य। इ॒मान्ते॒ धियं॑ प्र भ॑रे म॒हो म॒हीम्। अ॒स्य स्तो॑त्रे धि॒षणा॑ यत्त॑ आ॒न॒जे।
तमु॑त्स॒वे च॑ प्र॒स॒वे च॑ सा॒सहि॑म्। इन्द्रं॑ दे॒वासः॑ श॒वसा॑ म॒दन्न॑नु॥⁴⁵॥

वज्रिणमयत्स्वस्ति जोजयुर्नः सप्त च॥

[13]

प्र॒जाप॑तिः प॒शून्सृ॑जत। तै॒ऽस्मात्सृ॑ष्टाः प॒रा च॑ आ॒यन्। ता॒न॒ग्नि॑ष्टोमे॒न ना॒प्रोत्।
ता॒नुक्थ्ये॑न ना॒प्रोत्। ता॒न्थो॑ड॒शिना॑ ना॒प्रोत्। ता॒त्रात्रि॑या ना॒प्रोत्। ता॒न्त्स॒न्धिना॑
ना॒प्रोत्। सो॒ऽग्नि॑म॒ब्रवी॑त्। इ॒मान्म॑ ई॒प्सेति॑। ता॒न॒ग्नि॑स्त्रि॒वृता॑ स्तोमे॒न ना॒प्रोत्॥⁴⁶॥

स इन्द्र॑म॒ब्रवी॑त्। इ॒मान्म॑ ई॒प्सेति॑। ता॒निन्द्रः॑ प॒ञ्चद॑शे॒न स्तोमे॑न ना॒प्रोत्। स

विश्वा॑न्दे॒वान॑ब्रवीत्। इ॒मान्म॑ ईप्स॒तेति॑। तान् विश्वे॑दे॒वाः स॑प्तद॒शेन॒ स्तोमे॑न॒ नाप्नु॑वन्।
स विष्णु॑मब्रवीत्। इ॒मान्म॑ ईप्सेति॑। तान् विष्णु॑रेकवि॒ंशेन॒ स्तोमे॑नाप्नोत्।
वा॒र॒व॒न्तीये॑नावारयत्॥⁴⁷॥

इ॒दं विष्णु॑र्वि च॒क्रम॒ इति॑ व्य॒क्रम॑त। यस्मा॑त्प॒शवः॒ प्रप्रे॑व भ्र॒ंशैर॑न्। स ए॒तेन॑
यजे॑त। यदाप्नो॑त्। तद॒प्तो॒र्याम॑स्याप्तो॒र्याम॑ब्रम्। ए॒तेन॑ वै दे॒वा जै॒त्रा॑नि जि॒त्रा।
य॒ङ्काम॒मका॑मयन्त॒ तमा॑प्नुवन्। य॒ङ्काम॑ङ्काम॒यते॑। तमे॒तेना॑प्नोति॥⁴⁸॥

स्तोमे॑न॒ नाप्नो॑दवारयत् नवं च॥

[14]

व्याघ्रो॑ऽयम॒ग्नौ च॑रति॒ प्रवि॑ष्टः। ऋ॒षीणां॑ पु॒त्रो अ॑भि॒शस्ति॒पा अ॒यम्। न॒मस्का॒रेण॒
नम॑सा ते जुहोमि। मा दे॒वाना॑ मिथु॒याक॑र्म भा॒गम्। सा॒वीर॒हि दे॒व प्र॑स॒वाय॑ पि॒त्रे।
व॒र्ष्माण॑मस्मै वरि॒माण॑मस्मै। अथा॒स्मभ्य॑ꣳ स॒वितः॑ स॒र्वता॑ता। दि॒वेदि॑व आ सु॒वा
भू॒रि प॒श्वः। भू॒तो भू॒तेषु॑ चरति॒ प्रवि॑ष्टः। स भू॒ताना॑म॒धिप॑तिर्ब॒भूव॥⁴⁹॥

तस्य॑ मृ॒त्यौ च॑रति॒ राज॒सूय॑म्। स राजा॑ रा॒ज्यम॑नु॒ मन्य॑तामि॒दम्। येभिः॑ शिल्पैः
प॒प्रथा॑नामदृ॒हत्। येभि॒र्दाम॑भ्यपि॒ंशत्प्र॒जाप॑तिः। येभि॒र्वाचं॑ वि॒श्वरू॑पाꣳ स॒मव्य॑यत्।
तेने॒मम॑ग्न इ॒ह वर्च॑सा स॒मङ्घि॑। येभि॒रादि॒त्यस्त॑पति॒ प्र के॒तुभिः॑। येभिः॑ सू॒र्यो द॒दृशे॑
चि॒त्रभा॑नुः। येभि॒र्वाचं॑ पुष्क॒लेभि॒रव्य॑यत्। तेने॒मम॑ग्न इ॒ह वर्च॑सा स॒मङ्घि॑॥⁵⁰॥

आऽयं भा॑तु श॒वसा॒ पञ्च॑ कृ॒ष्टीः। इन्द्र॑ इव ज्ये॒ष्ठो भ॑वतु प्र॒जावान्। अ॒स्मा अ॑स्तु
पुष्क॒लश्चि॒त्रभा॑नु। आऽयं पृ॒णक्तु॑ रज॑सी उ॒पस्थ॑म्। यत्ते॒ शिल्पं॑ कश्यप रोच॒नाव॑त्।
इन्द्रि॒याव॑त्पुष्क॒लश्चि॒त्रभा॑नु। यस्मि॒न्सू॒र्या अ॑र्पिताः स॒प्त सा॒कम्। तस्मि॒न्नाजा॑न॒मधि॑
विश्र॑येमम्। दौ॒रसि॑ पृथि॒व्यसि॑। व्याघ्रो॑ वैयाघ्रेऽधि॑॥⁵¹॥

विश्र॑यस्व दि॒शो म॒हीः। विश॑स्त्वा सर्वा॑ वाञ्छन्तु। मा ब॒द्राष्ट्र॑मधि॑ भ्र॒शत्। या दि॒व्या
आपः॑ प॒यसा॑ सम्ब॒भूवुः। या अ॒न्तरि॑क्ष उ॒त पा॒रि॒वीर्याः॑। तासां॑ त्वा सर्वा॑साꣳ रु॒चा।
अ॒भिषि॑ञ्चामि॒ वर्च॑सा। अ॒भि त्वा॒ वर्च॑साऽसि॒चं दि॒व्येन॑। प॒यसा॑ सह। यथा॑सां
राष्ट्र॑वर्धनः॥⁵²॥

तथा॑ त्वा स॒विता॑ क॑रत्। इन्द्रं॑ वि॒श्वा अ॑वीवृधन्। स॒मुद्र॑व्य॒चस॑ङ्गिरः। र॒थीत॑मꣳ

रथीनाम्। वाजांना॑ सत्पतिं॑ पतिम्। वसंवस्त्वा पुरस्तादभिषिञ्चन्तु॑ गायत्रेण॑
छन्दसा। रुद्रास्त्वा दक्षिणतोऽभिषिञ्चन्तु॑ त्रैष्टुभेन॑ छन्दसा। आदित्यास्त्वा
पश्चादभिषिञ्चन्तु॑ जागतेन॑ छन्दसा। विश्वे॑ वा देवा उत्तरतोऽभिषिञ्चन्त्वानुष्टुभेन॑
छन्दसा। बृहस्पतिस्त्वोपरिष्ठादभिषिञ्चतु॑ पाङ्केन॑ छन्दसा॥⁵³॥

अरुणन्त्वा वृकमुग्रङ्खजङ्करम्। रोचमानं मरुतामग्रे अर्चिषः। सूर्यवन्तं मघवानं
विषासहिम्। इन्द्रमुक्थेषु नामहूतम॑ हुवेम। प्र बाहवा॑ सिसृतजीवसे॑ नः। आ नो
गव्यूतिमुक्षतं घृतेन॑। आ नो जनै॑ श्रवयतं युवाना। श्रुतं मे मित्रावरुणा॑ हवेमा।
इन्द्रस्य॑ ते वीर्यकृतः। बाहू उपाव॑ हरामि॥⁵⁴॥

बभूवाव्ययत्तेनेममग्र इह वर्चसा॑ समङ्घ्रि॑ वैयाघ्रेऽधि॑ राष्ट्रवर्धनः॑ पाङ्केन॑ छन्दसोपावहरामि॥ [15]

अभि प्रेहि॑ वीरयस्व। उग्रश्चेत्ता॑ सपत्नहा। आतिष्ठ॑ वृत्रहन्तमः। तुभ्यं देवा
अधिब्रवन्। अङ्घ्रौ न्यङ्कावभितो॑ रथं यौ। ध्वान्तं वाताग्रमनु॑ सध्वरन्तौ।
दूरेहेतिरिन्द्रियावा॑न्यतत्री। ते नोऽग्नयः॑ पप्रयः॑ पारयन्तु। नमस्त ऋषे गदा।
अव्यथाये॑ वा स्वधायै॑ वा॥⁵⁵॥

मा न इन्द्राभितस्त्वदृष्वारिष्ठासः। एवा ब्रह्मन्तवेदस्तु। तिष्ठा रथे अधि यद्वज्रहस्तः।
आ रश्मीन्देव युवसे॑ स्वश्वः। आ तिष्ठ॑ वृत्रहन्नातिष्ठन्तं परि। अनु॑ वेन्द्रो मदत्ननु॑ वा
मित्रावरुणौ। द्यौश्च॑ वा पृथिवी च प्रचेतसा। शुक्रो बृद्धक्षिणा॑ वा पिपर्तु। अनु॑ स्वधा
चिकिता॑ सोमो अग्निः। अनु॑ वाऽवतु॑ सविता सवेन॑॥⁵⁶॥

इन्द्रं विश्वा॑ अवीवृधन्। समुद्रव्यचसङ्गिरः। रथीतम॑ रथीनाम्। वाजांना॑ सत्पतिं॑
पतिम्। परिमा॑ सेन्या घोषाः। ज्याना॑ वृञ्चन्तु गृध्रवः। मेथिष्ठाः॑ पिन्वमाना॑ इह।
माङ्गोपतिम॑भि संविशन्तु। तन्मेऽनुमतिरनु॑ मन्यताम्। तन्माता॑ पृथिवी तत्पिता॑
द्यौः॥⁵⁷॥

तद्वावाणः॑ सोमसुतो॑ मयोभुवः। तदश्विना॑ शृणुत॑ सौभगा युवम्। अव॑ ते हेड
उदुत्तमम्। एना॑ व्याघ्रं परिषस्वजानाः। सि॒ह॑ हि॒न्वन्ति॑ मह॒ते सौभ॑गाय। समुद्रं
न सुहवन्तस्थिवा॑सम्। मर्मृज्यन्ते॑ द्वीपिनम॑प्स्वन्तः। उदसावेतु॑ सूर्यः। उदिदं
मामकं॑ वचः। उदिहि॑ देव सूर्य। सह॑ वग्नुना॑ मम। अ॒हं वा॒चो वि॒वाच॑नम्। मयि॑

वागस्तु धर्णसिः। यन्तु नदयो वर्षन्तु पर्जन्याः। सुपिप्पला ओषधयो भवन्तु।
अन्नवतामोदनवतामामिक्षेवताम्। एषां राजा भूयसाम्॥⁵⁸॥

स्वधायै वा सवेन द्यौः सूर्य सप्त च॥

[16]

ये केशिनः प्रथमाः सत्रमासन्त। येभिराभृतं यदिदं विरोचन्ते। तेभ्यो जुहोमि बहुधा
घृतेन। रायस्पोषेणेमं वर्चसा सः सृजाथ। नर्ते ब्रह्मणस्तपसो विमोकः। द्विनाम्नी
दीक्षा वशिनी ह्युग्रा। प्र केशाः सुवते कण्डिनो भवन्ति। तेषां ब्रह्मेदीशे वपनस्य
नान्यः। आ रोह प्रोष्ठं विषहस्व शत्रून्। अवास्माग्दीक्षा वशिनी ह्युग्रा॥⁵⁹॥

देहि दक्षिणां प्रतिरस्वायुः। अथामुच्यस्व वरुणस्य पाशात्। येनावपत्सविता क्षुरेण।
सोमस्य राज्ञो वरुणस्य विद्वान्। तेन ब्रह्माणो वपतेदमस्योर्जेमम्। रय्या वर्चसा
सः सृजाथ। मा ते केशाननु गाद्वर्च एतत्। तथा धाता करोतु ते। तुभ्यमिन्द्रो
बृहस्पतिः। सविता वर्च आदधात्॥⁶⁰॥

तेभ्यो निधानं बहुधा व्येच्छन्। अन्तरा द्यावापृथिवी अपः सुवः। दर्भस्तम्बे
वीर्यकृते निधाय। पौंस्येनेमं वर्चसा सः सृजाथ। बलन्ते बाहुवोः सविता दधातु।
सोमस्वाऽनक्तु पयसा घृतेन। स्त्रीषु रूपमश्विनैतन्नि धत्तम्। पौंस्येनेमं वर्चसा
सः सृजाथ। यत्सीमन्तङ्कङ्कतस्ते लिलेखा। यद्वा क्षुरः परिववर्ज वपस्ते। स्त्रीषु
रूपमश्विनैतन्नि धत्तम्। पौंस्येनेमः सः सृजाथो वीर्येण॥⁶¹॥

अवास्माग्दीक्षा वशिनी ह्युग्राऽदधाद्वर्ज वपस्ते द्वे च॥

[17]

इन्द्रं वै स्वाविशो मरुतो नापाचायन्। सोऽनपचाय्यमान एतं विघ्नमपश्यत्।
तमाऽहरत्। तेनायजत। तेनैवासान्तः सः स्तम्भं व्यहन्। यद्वहन्। तद्विघ्नस्य
विघ्नत्वम्। वि पाप्मानं भ्रातृव्यः हते। य एतेन यजते। य उ चैनमेवं वेद॥⁶²॥

यः राजानं विशो नापचायेयुः। यो वा ब्राह्मणस्तमसा पाप्मना प्रावृतः स्यात्। स
एतेन यजेत। विघ्नेनैवैनद्विहत्य। विशामाधिपत्यं गच्छति। तस्य द्वे द्वादशे स्तोत्रे
भवतः। द्वे चतुर्विंशे। औद्भिद्यमेव तत्। एतद्वै क्षत्रस्यौद्भिद्यम्। यदस्मै स्वाविशो
बलिः हरन्ति॥⁶³॥

हरन्त्यस्मै विशो बलिम्। ऐनमप्रतिख्यातं गच्छति। य एवं वेद। प्रबाहुग्वा अग्रे
क्षत्राण्यातेपुः। तेषामिन्द्रः क्षत्राण्यादत्त। न वा इमानि क्षत्राण्यभूवन्निति। तन्नक्षत्राणां
नक्षत्रत्वम्। आ श्रेयसो भ्रातृव्यस्य तेज इन्द्रियन्दत्ते। य एतेन यजते। य उ
चैनमेवं वेद॥⁶⁴॥

तद्यथा ह वै संचक्रिणौ कल्लकावुपावहितौ स्याताम्। एवमेतौ युग्मन्तौ स्तोमौ।
अयुक्षु स्तोमेषु क्रियेते। पाप्मनोऽपहत्यै। अप पाप्मानं भ्रातृव्यं हते। य एतेन
यजते। य उ चैनमेवं वेद। तद्यथा ह वै सूतग्रामण्यः। एवञ्छन्दांसि।
तेष्वसावादित्यो बृहतीरभ्यूढः॥⁶⁵॥

सुतोबृहतीषु स्तुवते सुतो बृहन्। प्रजयां पशुभिरसानीत्येव। व्यतिषक्ताभिः स्तुवते।
व्यतिषक्तं वै क्षत्रं विशा। विशैवेन क्षत्रेण व्यतिषजति। व्यतिषक्ताभिः स्तुवते।
व्यतिषक्तो वै ग्रामणीः सजातैः। सजातैरेवेन व्यतिषजति। व्यतिषक्ताभिः स्तुवते।
व्यतिषक्तो वै पुरुषः पाप्मभिः। व्यतिषक्ताभिरेवास्य पाप्मनो नुदते॥⁶⁶॥

वेद हरन्त्येनमेवं वेदाभ्यूढः पाप्मभिरैकं च॥ [18]

त्रिवृददाग्रेयोऽग्निमुखा हृद्धिर्यदाग्रेय आग्रेयो न वै सोमेन यो वै सोमेनैष गोसवः सिंहेऽभि प्रेहि मित्रवर्धनः प्रजापतिस्ता ओदनं
प्रजापतिरकामयत बहोभूयानगस्त्योस्या जरासस्तिष्ठा हरी प्रजापतिः पशून्व्याघ्रोऽयमभिप्रेहि वृत्रहन्तमो ये केशिन इन्द्रं वा
अष्टादश॥¹⁸॥

त्रिवृदो वै सोमेनायुरसि बहुर्भवति तिष्ठा हरीरथ आयं भातु तेभ्यो निधानं षट्षष्टिः॥⁶⁶॥

त्रिवृत्पाप्मनो नुदते॥

हरिः ॐ॥

॥इति श्रीकृष्णयजुर्वेदीयतैत्तिरीयब्राह्मणे द्वितीयाष्टके सप्तमः प्रपाठकः समाप्तः॥

॥ अष्टमः प्रश्नः ॥

॥ तैत्तिरीयब्राह्मणे द्वितीयाष्टके अष्टमः प्रपाठकः ॥

पीवो॑न्ना॒ रयि॑वृ॒धः सु॒मे॒धाः। श्वे॒तः सि॒षक्ति॑ नि॒युता॑मभि॒श्रीः। ते वा॒यवे॒ सम॑नसो
वि॒त॑स्थुः। वि॒श्वेन्नरः॑ स्व॒प॒त्यानि॑ चक्रुः। रा॒येऽनु॑ य॒ज्ञ॒ज्ञतू॑ रोद॑सी उ॒भे। रा॒ये दे॒वी
धि॒षणा॑ धाति॒ दे॒वम्। अ॒धा वा॒युं नि॒युतः॑ स॒श्रुत॑ स्वाः। उ॒त श्वे॒तं व॒सु॒धिति॑न्निरे॒के।
आ वा॑यो प्र याभिः॑। प्र वा॒युम॑च्छा बृ॒हती॑ म॒नीषा॑॥_१॥

बृ॒ह॒द्र॒यिं वि॒श्ववा॑रा॒ रथ॑प्रा॒म्। द्यु॒त॒द्यामा॑ नि॒युतः॑ प॒त्य॑मानः। क॒विः क॒विमि॑यक्ष॒सि
प्र॒य॒ज्यो। आ नो॑ नि॒युद्धिः॑ श॒तिनी॑भिरध्व॒रम्। स॒ह॒स्रिणी॑भिरु॒प॒ याहि॑ य॒ज्ञम्। वा॒यो
अ॒स्मिन् ह॒विषि॑ मा॒दय॑स्व। यू॒यं पा॑त स्व॒स्तिभिः॑ स॒दा नः॑। प्र॒जाप॑ते न ब॒देता॑न्य॒न्यः।
वि॒श्वा जा॒तानि॑ परि॒ ता ब॑भूव। यत्का॑मास्ते जु॒हुम॑स्तं नो॑ अस्तु॥_२॥

व॒यः स्या॑म प॒त॑यो र॒यी॒णाम्। र॒यी॒णां पति॑ य॒ज्ञतं॑ बृ॒हन्त॑म्। अ॒स्मिन्भरे॑ नृ॒त॑मं
वा॒ज॑सा॒तौ। प्र॒जाप॑तिं प्रथ॒मजा॑मृ॒तस्य॑। य॒जाम॑ दे॒वम॑धि॒ नो ब्र॑वीतु। प्र॒जाप॑ते
ब॒न्निधि॑पाः पु॒रा॒णः। दे॒वानां॑ पि॒ता ज॑नि॒ता प्र॒जाना॑म्। प॒तिर्वि॒श्वस्य॑ ज॒गतः॑ प॒र॒स्याः।
ह॒विर्नो॑ दे॒व वि॒ह॒वे जु॑ष॒स्व। तवे॑मे लो॒काः प्र॒दिशो॑ दि॒शश्च॑॥_३॥

प॒रा॒वतो॑ नि॒वत॑ उ॒द्वत॑श्च। प्र॒जाप॑ते वि॒श्वसृ॑ज्जीव॒ध॒न्य इ॒दं नो॑ दे॒व। प्र॒ति॒ह॒र्य ह॒व्यम्।
प्र॒जाप॑तिं प्रथ॒मं य॒ज्ञिया॑नाम्। दे॒वाना॑म॒ग्रे य॒ज्ञतं॑ य॒जध्व॑म्। स नो॑ द॒दातु॑ द्रवि॒णं
सु॒वीर्य॑म्। रा॒यस्पोषं॑ वि॒ष्यतु॑ नाभि॑म॒स्मे। यो रा॒य ई॒शे श॑त॒दाय॑ उ॒क्थ्यः॑। यः
प॒शूना॑ र॒क्षिता॑ वि॒ष्टिता॑नाम्। प्र॒जाप॑तिः प्रथ॒मजा॑ ऋ॒तस्य॑॥_४॥

स॒ह॒स्र॑धा॒मा जु॑षता॒ ह॒विर्नः॑। सो॒मापू॑ष॒णेमौ॑ दे॒वौ। सो॒मापू॑ष॒णा र॑ज॒सो वि॒मान॑म्।
स॒प्तच॑क्रं॒ रथ॑मवि॒श्वमि॑न्वम्। वि॒षूवृ॑तं म॒नसा॑ यु॒ज्यमा॑नम्। त॒ज्जि॑न्वथो वृष॒णा
प॒ञ्चर॑श्मिम्। दि॒व्य॒न्यः स॒दन॑श्च॒क्र उ॒च्चा। पृ॒थि॒व्याम॒न्यो अ॒ध्यन्त॑रि॒क्षे। ताव॑स्मभ्यं
पु॒रु॒वारं॑ पु॒रु॒क्षुम्। रा॒यस्पोषं॑ वि॒ष्यता॑न्नाभि॑म॒स्मे॥_५॥

धि॒यं पू॒षा जि॑न्वतु वि॒श्वमि॑न्वः। र॒यिः सो॒मो र॑यि॒पति॑र्दधातु। अ॒व॒तु दे॒व्यदि॑तिर॒न॒र्वा।

बृहद्वेदेम विदथे सुवीराः। विश्वान्यन्यो भुवना जजान। विश्वमन्यो अभिचक्षाण
एति। सोमापूषणाववतन्धिय मे। युवभ्यां विश्वाः पृतना जयेम। उदुत्तमं
वरुणास्तभ्राह्माम्। यत्किञ्चेदङ्कितवासः। अव ते हेडस्तत्त्वा यामि। आदित्यानामवसा
न दक्षिणा। धारयन्त आदित्यासस्तिस्त्रो भूमीर्धारयन्। यज्ञो देवानां शुचिरपः॥६॥

मनीषाऽस्तु चर्तस्यास्मे कितवासश्चत्वारि च॥

[1]

ते शुक्रासः शुचयो रश्मिवन्तः। सीदन्नादित्या अधि बर्हिषि प्रिये। कामेन देवाः
सरथ दिवो नः। आ यान्तु यज्ञमुप नो जुषाणाः। ते सूनवो अदितेः पीवसामिषम्।
घृतं पिन्वत्प्रतिहर्यन्वृतेजाः। प्र यज्ञिया यजमानाय येमुरे। आदित्याः कामं
पितुमन्तमस्मे। आ नः पुत्रा अदितेर्यान्तु यज्ञम्। आदित्यासः पथिभिर्देवयानैः॥७॥

अस्मे कामन्दाशुषे सन्नमन्तः। पुरोडाशं घृतवन्तं जुषन्ताम्। स्कभायत निर्ऋतिः
सेधतामतिम्। प्र रश्मिभिर्यतमाना अमृधाः। आदित्याः कामं प्रयतां वषट्कृतिम्।
जुषध्वं नो हव्यदातिं यजत्राः। आदित्यान्काममवसे हुवेम। ये भूतानि जनयन्तो
विचिख्युः। सीदन्तु पुत्रा अदितेरुपस्थम्। स्तीर्णं बर्हिर्हविरद्याय देवाः॥८॥

स्तीर्णं बर्हिः सीदता यज्ञे अस्मिन्। ध्राजाः सेधन्तो अमतिं दुरेवाम्। अस्मभ्यं
पुत्रा अदितेः प्र यस्सता। आदित्याः कामं हविषो जुषाणाः। अग्ने नय सुपथां राये
अस्मान्। विश्वानि देव वयुनानि विद्वान्। युयोध्यस्मञ्जुहुराणमेनः। भूयिष्ठान्ते नम
उक्तिं विधेम। प्र वः शुक्राय भानवे भरध्वम्। हव्यं मतिश्चाग्नये सुपूतम्॥९॥

यो दैव्यानि मानुषा जनुषि। अन्तर्विश्वानि विद्वाना जिगाति। अच्छा गिरो मतयो
देवयन्तीः। अग्निं यन्ति द्रविणं भिक्षमाणाः। सुसन्दशः सुप्रतीकः स्वधम्।
हव्यवाहमरतिं मानुषाणाम्। अग्ने त्वमस्मद्युयोध्यमीवाः। अनग्नित्रा अभ्यमन्त
कृष्टीः। पुनरस्मभ्यः सुविताय देव। क्षां विश्वेभिरजरेभिर्यजत्र॥१०॥

अग्ने त्वं पारया नव्यो अस्मान्। स्वस्तिभिरति दुर्गाणि विश्वा। पूश्च पृथ्वी बहुला न
उर्वी। भवां तोकाय तनयाय शं योः। प्रकारवो मनना वच्यमानाः। देवद्रीचीन्नयथ
देवयन्तः। दक्षिणावाङ्गाजिनी प्राच्येति। हविर्भरन्त्यग्नये घृताची। इन्द्रन्नरो युजे

रथम्। जगृभ्णाते दक्षिणमिन्द्र हस्तम्॥¹¹॥

वसूयवो वसुपते वसूनाम्। विद्वा हि ब्वा गोपतिः शूर गोनाम्। अस्मभ्यं चित्रं
वृषणं रयिन्दाः। तवेदं विश्वमभितः पशव्यम्। यत्पश्यसि चक्षसा सूर्यस्य।
गवामसि गोपतिरेकं इन्द्र। भक्षीमहि ते प्रयतस्य वस्वः। समिन्द्र णो मनसा नेषि
गोभिः। सः सूरिभिर्मघवन्त्सः स्वस्त्या। सं ब्रह्मणा देवकृतं यदस्ति॥¹²॥

सं देवानां सुमत्या यज्ञियांनाम्। आराच्छत्रुमपं बाधस्व दूरम्। उग्रो यः शम्बः
पुरुहूत तेन। अस्मे धेहि यवमद्गोमदिन्द्र। कृधीधियं जरित्रे वाजरत्नाम्। आ
वेधसः स हि शुचिः। बृहस्पतिः प्रथमजायमानः। महो ज्योतिषः परमे व्योमन्।
सप्तास्यस्तुविजातो रवेण। वि सप्तरश्मिरधमत्तमांसि॥¹³॥

बृहस्पतिः समजयद्वसूनि। महो व्रजान्गोमतो देव एषः। अपः
सिषासन्त्सुवरप्रतीतः। बृहस्पतिरुहन्त्यमित्रमर्केः। बृहस्पते पर्येवा पित्रे। आ नो
दिवः पावीरवी। इमा जुह्वाना यस्ते स्तनः। सरस्वत्यभि नो नेषि। इयः
शुष्मेभिर्विसखा इवारुजत्। सानु गिरीणान्तविषेभिरूर्मिभिः। पारावदघ्नीमवसे
सुवृक्तिभिः। सरस्वतीमा विवासेम धीतिभिः॥¹⁴॥

देवयानैर्देवाः सुपूतं यजत्र हस्तमस्ति तमांस्यूर्मिभिर्द्वे च॥ [2]

सोमो धेनुः सोमो अर्वन्तमाशुम्। सोमो वीरं कर्मण्यं ददातु। सादन्यं विदथ्यः
सभेयम्। पितुः श्रवणं यो ददाशदस्मै। अषाढं युत्सु बः सोमं क्रतुभिः। या ते
धामानि हविषा यजन्ति। त्वमिमा ओषधीः सोम विश्वाः। त्वमपो अजनयस्त्वङ्गाः।
त्वमाततन्थोर्वन्तरिक्षम्। त्वज्योतिषा वि तमो ववर्थ॥¹⁵॥

या ते धामानि दिवि या पृथिव्याम्। या पर्वतेष्वोषधीष्वप्सु। तेभिर्नो विश्वैः सुमना
अहेडन्। राजन्त्सोमं प्रति हव्या गृभाय। विष्णोर्नुकन्तदस्य प्रियम्। प्र तद्विष्णुः।
परो मात्रया तनुवा वृधान। न ते महि त्वमन्वञ्चुवन्ति। उभे ते विद्म रजसी पृथिव्या
विष्णो देव त्वम्। परमस्य वित्से॥¹⁶॥

विचक्रमे त्रिर्देवः। आ ते महो यो जात एव। अभि गोत्राणि। आभिः स्पृधो

मिथ॒तीररि॑षण्यन्। अ॒मित्र॑स्य व्यथया म॒न्युमिन्द्र॑। आभिर्वि॒श्वा अभि॒युजो॑ वि॒षूचीः॑।
आर्या॑य वि॒शोव॑तारी॒र्दासीः॑। अय॑ः शृ॒ण्वे अध॑ जय॑न्न॒त घ्नन्। अ॒यमु॑त प्र कृ॑णुते
यु॒धा गाः। य॒दा स॒त्यं कृ॑णुते म॒न्युमिन्द्रः॑॥ १७ ॥

वि॒श्वेन्द्र॑ढं भ॑यत ए॒जद॑स्मात्। अनु॑ स्व॒धाम॑क्षर॒न्नापो॑ अ॒स्य। अ॒वर्ध॑त म॒ध्य आ
ना॒व्याना॑म्। स॒धीची॑नेन म॒नसा॑ तमिन्द्र॒ ओजि॑ष्ठेन। ह॒न्मना॑हन्नभि॒द्यून्। म॒रुत्वं॑न्तं
वृ॒षभं॑ वा॒वृधा॑नम्। अ॒क॒वारिं॑ दि॒व्यः शा॑समिन्द्रम्। वि॒श्वासा॑ह॒मव॑से नू॒तना॑य। उ॒ग्रः
स॒होदा॑मि॒ह तः हु॑वेम। ज॒नि॒ष्ठा उ॒ग्रः स॒हसे॑ तुरा॒य॥ १८ ॥

म॒न्द्र ओजि॑ष्ठो बहु॒लाभि॑मानः। अ॒वर्ध॑न्निन्द्रं म॒रुत॑श्चि॒दत्र॑। मा॒ता यद्वी॑र॒न्दध॑न॒द्धनि॑ष्ठा।
क्व॑स्यावो म॒रुतः॑ स्व॒धाऽऽसी॑त्। यन्मा॑मेकः स॒मध॑त्ताहि॒हत्यै॑। अ॒हः
ह्यु॒ग्रस्त॑वि॒षस्तु॑वि॒ष्मान्। वि॒श्वस्य॑ श॒त्रोर॑न॒मं व॑ध॒स्त्रैः। वृ॒त्रस्य॑ त्वा श्व॒सथा॑ दी॒षमा॑णाः।
वि॒श्वे दे॒वा अ॑ज॒हुर्ये॑ स॒खायः॑। म॒रुद्भि॑रिन्द्र स॒ख्यन्ते॑ अ॒स्तु॥ १९ ॥

अथे॒मा वि॒श्वाः पृ॑त॒ना ज॑यासि। व॒धीं वृ॒त्रं म॑रु॒त इन्द्रि॑येण। स्वे॒न भा॑मे॒न तवि॑षो
ब॑भू॒वान्। अ॒हमे॑ता म॒नवे॑ वि॒श्वश्च॑न्द्राः। सु॒गा अ॒पश्च॑कर॒ वज्र॑बाहुः। स यो वृ॒षा
वृ॒ष्णि॑येभिः स॒मोकाः॑। म॒हो दि॒वः पृ॑थि॒व्याश्च॑ स॒म्राट्। स॒तीन॑स॒त्वा ह॒व्यो भ॑रेषु।
म॒रुत्वा॑ नो भ॒वत्विन्द्र॑ ऊ॒ती। इन्द्रो॑ वृ॒त्रम॑तर॒द्धृ॒त्रतू॑र्यै॥ २० ॥

अ॒नाधृ॑ष्यो म॒घवा॑ शू॒र इन्द्रः॑। अ॒न्वे॒नं वि॒शो अ॑मद॒न्त पूर्वीः॑। अ॒यः राजा॑
ज॒ग॑तश्च॒र्षणी॑नाम्। स ए॒व वी॑रः स उ॑ वी॒र्या॑वान्। स ए॒करा॑जो ज॒ग॑तः प॒र॒स्पाः।
य॒दा वृ॒त्रम॑तर॒च्छू॒र इन्द्रः॑। अथा॑भ॒वद्मि॑ताभि॒क्रतू॑नाम्। इन्द्रो॑ य॒ज्ञं व॑र्धय॒न्वि॒श्ववे॑दाः।
पु॒रोडा॑शस्य जु॒षता॑ः ह॒विर्नः॑। वृ॒त्रन्ती॒र्त्वा दा॑न॒वं वज्र॑बाहुः॥ २१ ॥

दि॒शोऽदृ॑ह॒द्दृ॑हि॒ता दृ॑ह॒णेन॑। इ॒मं य॒ज्ञं व॑र्धय॒न्वि॒श्ववे॑दाः। पु॒रोडा॑शं प्र॒ति
गृ॒ष्णा॒त्विन्द्रः॑। य॒दा वृ॒त्रम॑तर॒च्छू॒र इन्द्रः॑। अथै॑करा॒जो अ॑भ॒वज्ज॑नाना॒नाम्। इन्द्रो॑
दे॒वाञ्छ॑म्ब॒रह॑त्य॒ आव॑त्। इन्द्रो॑ दे॒वाना॑म॒भव॑त्पु॒रोगाः॑। इन्द्रो॑ य॒ज्ञे ह॒विषा॑ वा॒वृधा॑नः।
वृ॒त्रतू॑र्नो अ॒भय॑ः श॒र्म य॑स॒त्। यः स॒प्त सि॒न्धूः र॑द॒धात्पृ॑थि॒व्याम्। यः स॒प्त
लो॒कान॑कृ॒णोद्दि॑शश्च। इन्द्रो॑ ह॒विष्मा॒न्त॒सग॑णो म॒रुद्भिः॑। वृ॒त्रतू॑र्नो य॒ज्ञमि॑होप॒

इन्द्रस्तरस्त्वनभिमातिहोग्रः। हिरण्यवाशीरिषिरः सुवर्षाः। तस्य वयं सुमतौ
यज्ञियस्य। अपि भद्रे सौमनसे स्याम। हिरण्यवर्णो अभयं कृणोतु। अभिमातिहेन्द्रः
पृतनासु जिष्णुः। स नः शर्म त्रिवरूथं वि यस्सत्। यूयं पात स्वस्तिभिः सदा नः।
इन्द्रं स्तुहि वज्रिणं स्तोमपृष्ठम्। पुरोडाशस्य जुषतां हविर्नः॥ 23 ॥

हत्वाभिमातीः पृतनाः सहस्वान्। अथाभयं कृणुहि विश्वतो नः। स्तुहि शूरं
वज्रिणमप्रतीत्तम्। अभिमातिहनं पुरुहूतमिन्द्रम्। य एक इच्छतपतिर्जनेषु। तस्मा
इन्द्राय हविरा जुहोत। इन्द्रो देवानामधिपाः पुरोहितः। दिशां
पतिरभवद्वाजिनीवान्। अभिमातिहा तविषस्तुविष्मान्। अस्मभ्यं चित्रं वृषणं
रयिन्दात्॥ 24 ॥

य इमे द्यावापृथिवी महिम्ना। बलेनादृहदभिमातिहेन्द्रः। स नो हविः प्रति गृभ्णातु
रातये। देवानां देवो निधिपा नो अव्यात्। अनवस्ते रथं वृष्णे यत्ते। इन्द्रस्य नु
वीर्याण्यहन्नहिम्। इन्द्रो यातोऽवसितस्य राजा। शर्मस्य च शृङ्गिणो वज्रबाहुः। सेदु
राजां क्षेति चर्षणीनाम्। अरान्न नेमिः परि ता बभूव॥ 25 ॥

अभि सिध्मो अजिगादस्य शत्रून्। वितिग्मेन वृषभेणा पुरोभेत्। सं
वज्रेणासृजद्धृत्रमिन्द्रः। प्र स्वां मतिमतिरच्छाशदानः। विष्णुं देवं वरुणमूतये भगम्।
मेदसा देवा वपया यजध्वम्। ता नो यज्ञमागतं विश्वधेना। प्रजावदस्मे द्रविणेह
धत्तम्। मेदसा देवा वपया यजध्वम्। विष्णुं च देवं वरुणं च रातिम्॥ 26 ॥

ता नो अमीवा अप बाधमानौ। इमं यज्ञं जुषमाणावुपेतम्। विष्णुवरुणा
युवमध्वराय नः। विशे जनाय महि शर्म यच्छतम्। दीर्घप्रयञ्चू हविषा वृधाना।
ज्योतिषाऽरातीर्दहतन्तमांसि। ययोरोजसा स्कभिता रजांसि। वीर्येभिर्वीरतमा
शविष्ठा। याऽपत्ये ते अप्रतीत्ता सहोभिः। विष्णुं अगन्वरुणा पूर्वहूतौ॥ 27 ॥

विष्णुवरुणावभिश्चिपावाम्। देवा यजन्त हविषा घृतेन। अपामीवां सेधतं

रक्षसंश्च। अथाधत्तं यजमानाय शं योः। अ॒हो॒मुचा॑ वृष॒भा सु॒प्रतू॒र्ती। दे॒वानां॑
दे॒वता॑मा शचि॒ष्ठा। विष्णू॑वरुणा॒ प्रति॑हर्यतन्नः। इदन्नरा प्रयतमूतये ह॒विः। म॒ही नु
द्यावा॑पृथि॒वी इ॒ह ज्येष्ठैः। रु॒चा भ॑वता॒ शुच॑र्यद्वि॒रकैः॥²⁸॥

यत्सीं वरि॑ष्ठे बृह॒ती वि॑मिन्वन्। नृव॒द्भ्योक्षा॑ पप्र॒थाने॑भिरेवैः। प्रपूर्व॑जे पि॒तरा
नव्य॑सीभिः। गी॒र्भिः कृ॑णुध्व॒ स॒दने॑ ऋ॒तस्य॑। आ नो॑ द्यावापृथि॒वी दै॒व्येन॑। जने॑न
यातं म॒हि वां वरू॑थम्। स इ॒त्स्वपा॑ भुव॑नेष्वास। य इ॒मे द्यावा॑पृथि॒वी ज॒जान॑।
उ॒र्वी ग॑भीरे रज॑सी सु॒मेके॑। अ॒व॒शे धीरः॑ श॒च्या स॒मैर॑त्॥²⁹॥

भूरि॒न्द्रे अच॑रन्ती चर॑न्तम्। प॒द्वन्त॒ङ्ग॒र्भम॑पदी॒दधा॑ते। नित्यं न सूनुं पि॒त्रोरु॑पस्थैः। तं
पि॒पृत॑ स॒ रोद॑सी सत्य॒वाच॑म्। इ॒दं द्यावा॑पृथि॒वी स॒त्यम॑स्तु। पि॒त॒र्मा॒त॒र्यदि॒होप॑ ब्रुवे
वा॑म्। भूतं दे॒वाना॑मव॒मे अवो॑भिः। विद्या॑मेष वृ॒जनं जी॒रदा॑नुम्। उ॒र्वी पृ॒थ्वी बहु॑ले
दूरे अ॑न्ते। उप॑ ब्रुवे नम॑सा य॒ज्ञे अ॒स्मिन्। दधा॑ते ये सु॒भगे॑ सु॒प्रतू॒र्ती। द्यावा॑ रक्ष॑तं
पृथि॒वी नो अ॒भ्वा॑त्। या जा॒ता ओष॑धयोऽति विश्वाः॑ परि॒ष्ठाः। या ओष॑धयः
सोम॑राजीरश्चाव॒ती स॒ोम॒वती॑म्। ओष॑धीरि॒ति मा॒तरो॑ऽन्या वो अ॒न्याम॑वतु॥³⁰॥

हविर्नो दान्द्रभूव राति पूर्वहतावर्कैरैरदस्मिन्यश्च च॥

[4]

शुचि॒न्नु स्तोम॑श्च॒थद्व॑त्रम्। उ॒भा वा॑मिन्द्रा॒ग्नी प्र च॑र्ष॒णिभ्यः॑। आ वृ॒त्रह॑णा
गी॒र्भिर्वि॑प्रः। ब्रह्म॑णस्पते त्वमस्य यन्ता। सू॒क्तस्य॑ बोधि॒ तन॑यं च जिन्वा। विश्व॑न्तद्भ॒द्रं
यद॑वन्ति दे॒वाः। बृह॑द्वदे॒म वि॒दथे॑ सु॒वीराः॑। स ई॒ स॒त्येभिः॑ स॒खिभिः॑ शुचि॒द्भिः।
गोधा॑यसं वि॒धन॑सैर॒तर्द॑त्। ब्रह्म॑णस्पतिर्वृष॒भिर्व॒राहैः॥³¹॥

घ॒र्मस्त्वे॒देभिर्द्र॑विणं व्या॒नट्। ब्रह्म॑णस्पतेरभवद्यथाव॒शम्। स॒त्यो म॒न्युर्म॒हि क॒र्मा
क॒रिष्य॑तः। यो गा उ॒दाज॑त्स दि॒वे वि चा॑भजत्। म॒हीव॑ रीतिः शव॑सा सर॒त्पृथ॑क्।
इ॒न्धा॒नो अ॒ग्निं व॑नवद्वनुष्य॒तः। कृ॒तब्र॑ह्मा शूशुव॒द्रात॑हव्य॒ इत्। जा॒तेन॑ जा॒तम॑ति॒सृत्प्र
सृ॑सते। यं यं यु॒जं कृ॑णुते ब्रह्म॑णस्पतिः। ब्रह्म॑णस्पते सु॒यम॑स्य वि॒श्वहा॑॥³²॥

रा॒यः स्या॑म र॒थ्यो वि॒वस्व॑तः। वी॒रेषु॑ वी॒रा उप॑पृ॒क्षि न॒स्त्वम्। यदी॑शा॒नो ब्रह्म॑णा
वेषि॑ मे ह॒वम्। स इ॒ज्जने॑न स वि॒शा स ज॑न्मना। स पु॒त्रैर्वा॑जं भ॒रते॑ ध॒ना नृ॑भिः।

दे॒वानां॑ यः पि॒तर॑मा॒ विवा॑सति। श्रद्धा॑म॒ना ह॒विषा॒ ब्रह्म॑ण॒स्पति॑म्। यास्ते॑ पू॒षन्ना॒वो
अ॒न्तः। शु॒क्रन्ते॑ अ॒न्यत्पू॒षेमा॒ आशाः॑। प्रप॑थे प॒थाम॑जनिष्ट पू॒षा॥³³॥

प्रप॑थे दि॒वः प्रप॑थे पृ॒थिव्याः। उ॒भे अ॒भि प्रि॒यत॑मे स॒धस्थे॑। आ च॒ परा॑ च च॒रति॑
प्र॒जान॑न्। पू॒षा सु॒बन्धु॑र्दिव आ पृ॒थिव्याः। इ॒डस्प॑तिर्म॒घवा॑ द॒स्मव॑र्चाः। तं दे॒वासो
अ॒ददुः॑ सू॒र्यायै॑। का॒मेन॑ कृ॒तन्त॒वस॑स्त्वं स्व॒धम्। अ॒जाऽश्वः॑ प॒शुपा॒ वाज॑ब॒स्त्यः। धि॒यं
जि॒न्वो वि॒श्वे भु॒वने॒ अर्पि॑तः। अष्टा॑ पू॒षा शि॑थि॒रामु॒द्धरी॑वृ॒जत्॥³⁴॥

स॒धक्षा॑णो भु॒वना॑ दे॒व ई॒यते॑। शु॒ची वो॑ ह॒व्या म॑रुतः शु॒चीना॑म्। शु॒चिः
हि॒नोम्य॑ध्व॒रः शु॒चिभ्यः॑। ऋ॒तेन॑ स॒त्यमृ॑तसाप॒ आय॑न्। शु॒चिज॑न्मानः शु॒चयः॑
पा॒वकाः॑। प्र चि॒त्रम॑र्कं गृ॒णते॑ तु॒राय॑। मा॒रुता॑य स्व॒तव॑से भ॒रध्व॑म्। ये सहा॑सि
सह॑सा॒ सह॑न्ते। रे॒जते॑ अ॒ग्ने पृ॒थिवी॑ म॒खेभ्यः॑। अ॒सेष्वा॑ म॑रुतः खा॒दयो॑ वः॥³⁵॥

वक्षः॑ सु॒रुक्मा॒ उप॑ शि॒श्रिया॒णाः। वि वि॒द्युतो॒ न वृ॒ष्टिर्भी॑ रु॒चानाः॑। अ॒नु
स्व॒धामा॑यु॒धैर्य॑च्छ॒मानाः॑। या वः॒ शर्म॑ श॒शमा॑नाय स॒न्ति। त्रि॒धातू॑नि दा॒शुषे॑
यच्छ॒ताधि॑। अ॒स्मभ्य॑न्तानि म॑रुतो॒ विय॑न्त। र॒यिं नो॑ ध॒त्त वृ॑षणः सु॒वीर॑म्। इ॒मे तु॒रं
म॑रुतो॒ राम॑यन्ति। इ॒मे सहः॒ सह॑स॒ आ न॑मन्ति। इ॒मे श॑स॒वनु॑ष्य॒तो नि
पो॑न्ति॥³⁶॥

गु॒रुद्वे॒षो अ॑र॒रुषे॑ द॒धन्ति॑। अ॒रा इ॒वेद॑च॒रमा॒ अहे॑व। प्र॒प्र जा॑यन्ते अ॒कंवा॒ महो॑भिः।
पृ॒श्नेः पु॒त्रा उ॑प॒मासो॒ रभि॑ष्ठाः। स्व॒या म॒त्या म॑रुतः सं मि॒मिक्षुः॑। अ॒नु ते॑ दा॒यि मह॑
इ॒न्द्रिया॑य। स॒त्रा ते॒ विश्व॑म॒नु वृ॒त्रह॑त्यै। अ॒नु क्ष॒त्रम॑नु स॒हो य॑जत्र। इ॒न्द्र दे॒वेभि॑र॒नु
ते नृ॑षह्यै। य इ॒न्द्र शु॒ष्मो म॑घवन्ते अ॒स्ति॥³⁷॥

शि॒क्षा स॒खिभ्यः॑ पु॒रुहू॑त नृ॒भ्यः। त्व॑ हि दृ॒ढा म॑घव॒न्विचे॑ताः। अ॒पावृ॑धि परि॒वृत्तिं॑ न
रा॒धः। इ॒न्द्रो रा॒जा ज॑ग॒तश्च॑र्षणी॒नाम्। अ॒धि॒क्षमि॑ वि॒षुरूपं॑ यद॒स्ति। ततो॑ द॒दातु॑
दा॒शुषे॑ व॒सूनि॑। चो॒द॒द्राध॑ उ॒पस्तु॑तश्चि॒द॒र्वाक्। तमु॑ष्टुहि॒ यो अ॒भिभू॑त्यो॒जाः।
व॒न्वन्न॑वा॒तः पु॒रुहू॑त इ॒न्द्रः। अ॒षाढ॑मु॒ग्रः स॒हमा॑नमा॒भिः॥³⁸॥

गी॒र्भिर्व॑र्ध वृ॒षभं॑ च॒र्षणी॑नाम्। स्थू॒रस्य॑ रा॒यो बृ॑हतो य ई॒शैः। तमु॑ ष्ट॒वाम

वि॒द॒थे॒ष्विन्द्र॑म्। यो वा॒युना॒ जय॑ति गोम॑तीषु। प्र धृ॑ष्णुया न॑यति व॒स्यो अ॒च्छ। आ
ते शु॒ष्मो वृष॑भ ए॒तु प॑श्चात्। ओ॒त्तरा॑द॒धरा॑गा पु॒रस्ता॑त्। आ वि॒श्वतो॑
अ॒भिस॑मै॒त्रवा॑ङ्। इन्द्र॑ द्यु॒म्नः सु॑र्व॒र्वद्वेह्य॑स्मे॥³⁹॥

वराहैर्विश्वहांसजनिष्ट पूषोद्वरीवृजत्खादयो वः पान्त्यस्त्याभिर्नव च॥

[5]

आ दे॒वो या॑तु स॒विता॑ सु॒रत्नः॑। अ॒न्तरि॑क्ष॒प्रा वह॑मानो अ॒श्वैः। ह॒स्ते द॑धानो न॒र्या
पु॒रूणि॑। नि॒वेश॑यं च प्र॒सुवं च॑ भू॒मः। अ॒भीवृ॑तं कृ॒श॒नैर्वि॒श्वरू॑पम्। हि॒र॒ण्यश॑म्यं
यज॑तो बृ॒हन्त॑म्। आ॒स्था॒द्रथः॑ स॒विता॑ चि॒त्रभा॑नुः। कृ॒ष्णा र॑जाः सि॒ तवि॑षी॒न्दधा॑नः।
स॒घा नो॑ दे॒वः स॒विता॑ स॒वाय॑। आ सा॒विष॑द्व॒सुप॑तिर्व॒सूनि॑॥⁴⁰॥

वि॒श्रय॑माणो अ॒म॒तिमु॑रू॒चीम्। म॒र्तभो॑ज॒नम॑ध॒रास॑तेन। वि॒जना॑ञ्छा॒वाः शि॑ति॒पादो॑
अ॒ख्यन्। र॒थः हि॒र॒ण्यप्रौ॑गं वह॑न्तः। श॒श्वदि॑शः स॒वितु॑र्दे॒व्यस्य॑। उ॒प॒स्थे वि॒श्वा
भुव॑नानि त॒स्थुः। वि सु॑प॒र्णो अ॒न्तरि॑क्षा॒ण्यख्य॑त्। ग॒भीर॑वे॒पा अ॒सुरः॑ सु॒नीथः॑।
क्वे॒दानी॑ः सूर्यः॑ कश्चि॑के॒त। क॒तमा॑न्द्याः र॒श्मिर॑स्या त॑तान॥⁴¹॥

भग॑न्धियं वा॒जय॑न्तः पु॒रन्धि॑म्। न॒राशः॑ सो ग्ना॒स्पति॑र्नो अ॒व्यात्। आ ये वा॒मस्य॑
सङ्ग॑थे र॒यीणा॑म्। प्रि॒या दे॒वस्य॑ स॒वितुः॑ स्या॒म। आ नो॑ वि॒श्वे अ॒स्क्रांग॑मन्तु दे॒वाः।
मि॒त्रो अ॒र्य॒मा वरु॑णः स॒जोषाः॑। भुव॑न् यथा॑ नो वि॒श्वे वृ॑धासः। क॒र॑न्त्सु॒षाहा॑ वि॒थुरं
न श॑वः। शं नो॑ दे॒वा वि॒श्वदे॒वा भ॑वन्तु। शः॑ स॒रस्व॑ती स॒ह धी॑भि॒रस्तु॑॥⁴²॥

श॒म॒भिषा॑चः श॒मु रा॑ति॒षाचः॑। शं नो॑ दि॒व्याः पा॑रि॒थाः शं नो॑ अ॒प्याः। ये स॒वितुः॑
स॒त्यस॑वस्य वि॒श्वैः। मि॒त्रस्य॑ व्र॒ते वरु॑णस्य दे॒वाः। ते सौ॑भ॒गं वी॒रव॑द्भोम॒दप्रः॑। द॒धात॑न
द्रवि॑णश्चि॒त्रम॑स्मे। अ॒ग्ने या॒हि दू॒त्यं वा॑रि॒षेण्यः॑। दे॒वाः अ॒च्छा ब्र॑ह्म॒कृता॑ ग॒णेन॑।
स॒रस्व॑तीं म॒रुतो॑ अ॒श्विना॑पः। य॒क्षि दे॒वान॑न्न॒न्धेया॑य वि॒श्वान्॑॥⁴³॥

द्यौः पि॑तः पृथि॑वि मा॒तर॑धृक्। अ॒ग्ने भ्रा॑त॒र्वस॑वो मृ॒डता॑ नः। वि॒श्व आ॑दि॒त्या अ॑दि॒ते
स॒जोषाः॑। अ॒स्मभ्य॑ः श॒र्म ब॑हु॒लं वि॑ यन्त। वि॒श्वे दे॒वाः शृ॑णु॒तेमः॑ ह॒वं मे। ये
अ॒न्तरि॑क्षे य उ॒प द॑वि ष्ठा। ये अ॒ग्निजि॑ह्वा उ॒त वा॑ यज॑त्राः। आ॒सद्या॑स्मि॒न्ब॒र्हिषि॑
मा॒दय॑ध्वम्। आ वा॑ मि॒त्रावरु॑णा ह॒व्यजु॑ष्टिम्। नम॑सा दे॒वाव॑व॒साव॑वृ॒त्याम्॥⁴⁴॥

अ॒स्माकं॑ ब्र॒ह्म पृ॑त॒नासु॑ स॒ह्या अ॒स्माक॑म्। वृ॒ष्टिर्दि॒व्या सु॑पा॒रा। यु॒वं वस्त्रा॑णि
पी॒वसा॑ व॒साथे॑। यु॒वोरच्छि॑द्रा म॒न्त॒वो ह॒ सर्गाः॑। अ॒वा॒तिर॑त॒मनृ॑तानि वि॒श्वाः। ऋ॒तेन॑
मि॒त्रावरु॑णा स॒चेथे॑। तत्सु॑ वा मि॒त्रावरु॑णा म॒हि॒ब॒म्। ई॒र्मा त॒स्थुषी॑र॒ह॒भिर्दु॑दु॒हे।
वि॒श्वाः पि॒न्वथ॑ स्व॒संर॑स्य॒ धेनाः॑। अ॒नु वा॒मेकः॑ प॒विरा॑ व॒वर्ति॑॥⁴⁵॥

यद्व॒ह्नि॑ष्ट॒न्नाति॑ वि॒दे सु॑दानू। अ॒च्छि॑द्र॒ शर्म॑ भु॒व॒नस्य॑ गो॒पा। ततो॑ नो
मि॒त्रावरु॑णाव॒वीष्ट॑म्। सि॒षास॑न्तो जी॒(जि?)॒गिवा॑सः स्या॒म। आ नो॑ मि॒त्रावरु॑णा
ह॒व्यदा॑तिम्। घृ॒तैर्गव्यू॑तिमु॒क्षत॑मि॒डाभिः॑। प्र॒ति वा॒मत्र॑ व॒र॒मा ज॑नाय। पृ॒णीत॑मु॒द्रो
दि॒व्यस्य॑ चा॒रोः। प्र बा॒हवा॑ सि॒सृत॑जी॒वसे॑ नः। आ नो॑ ग॒व्यूति॑मु॒क्षतं॑ घृ॒तेन॑॥⁴⁶॥

आ नो॑ ज॒नै श्र॑वयतं यु॒वाना॑। श्रु॒तं मे॑ मि॒त्रावरु॑णा ह॒वे॒मा। इ॒मा रु॒द्राय॑
स्थि॒रध॑न्व॒ने गि॑रः। क्षि॒प्रेष॑वे दे॒वाय॑ स्व॒धाम्नै॑। अ॒षाढा॑य स॒ह॒मा॒नाय॑ मी॒ढुषै॑।
ति॒ग्मायु॑धाय भ॒रता॑ शृ॒णोत॑न। त्वा॒दत्ते॑भी रु॒द्र श॑न्त॒मेभिः॑। श॒त॒ हि॒मा अ॑शीय
भे॒ष॒जेभिः॑। व्य॒स्मद्वे॒षो वि॑तरं व्य॒हः। व्य॒मीवा॑श्चा॒तय॑स्त्वा वि॒षूचीः॑॥⁴⁷॥

अ॒र्ह॒न्विभ॑र्षि॒ मा न॑स्तो॒के। आ ते॑ पि॒त॒र्मरु॑ता॒ सु॒म॒मेतु॑। मा नः॑ सू॒र्यस्य॑ स॒न्द॒शो
यु॒योथाः॑। अ॒भि नो॑ वी॒रो अ॑र्वति क्ष॒मेत॑। प्र जा॑येम॒हि रु॒द्र प्र॒जाभिः॑। ए॒वा ब॑भ्रो
वृ॒षभ॑ चे॒कितान॑। यथा॑ दे॒व न॑ ह॒णीषे॑ न ह॒सि॑। हा॒व॒न॒श्रू॒र्नो रु॒द्रेह॑ बो॒धि। बृ॒हद्व॑दे॒म
वि॒दथे॑ सु॒वीराः॑। परि॑ णो रु॒द्रस्य॑ हे॒तिः स्तु॒हि श्रु॑तम्। मी॒ढुष्ट॑मा॒र्ह॒न्विभ॑र्षि। त्व॒म॒ग्ने
रु॒द्र आ॑ वो॒ राजा॑नम्॥⁴⁸॥

वसूनि ततानास्तु विश्वान् ववृत्त्यां ववर्ति घृतेन विषूचीः श्रुतन्द्रे च॥ [6]

सू॒र्यो दे॒वीमु॑ष॒स॒ रोच॑मा॒नाम॒र्यः॑। न योषा॑म॒भ्येति॑ प॒श्चात्। यत्रा॑ न॒रो दे॒व॒यन्तो॑
यु॒गानि॑। वि॒त॒न्वते॑ प्र॒ति भ॒द्राय॑ भ॒द्रम्। भ॒द्रा अ॒श्वा ह॑रि॒तः सू॒र्यस्य॑। चि॒त्रा ए॒द॒ग्वा
अ॒नु॒मा॒दा॒सः। न॒म॒स्य॑न्तो दि॒व आ॑ पृ॒ष्ठम॑स्थुः। परि॑ दा॒वापृ॑थि॒वी य॑न्ति स॒द्यः।
तत्सू॒र्यस्य॑ दे॒व॒ब॒न्त॒न्म॒हि॒ब॒म्। म॒ध्या क॑र्तो॒र्वि॒त॒त॒ स॒ञ्ज॑भा॒र॥⁴⁹॥

य॒दे॒दयु॑क्त ह॒रि॒तः स॒ध॒स्था॑त्। आ॒द्रात्री॑ वा॒स॒स्तनु॑ते सि॒म॒स्मै। तन्मि॒त्रस्य॑
वरु॑णस्याभि॒चक्षे॑। सू॒र्यो रू॒पं कृ॑णुते दो॒रुप॑स्थै। अ॒न॒न्त॒म॒न्यद्गु॑ण॒दस्य॑ पा॒जः।

कृष्णमन्यद्धरितः सं भरन्ति। अद्या देवा उदिता सूर्यस्य। निरहंसः
पिपृतान्निरेवद्यात्। तन्नो मित्रो वरुणो मामहन्ताम्। अदितिः सिन्धुः पृथिवी उत
द्यौः॥⁵⁰॥

दिवो रुक्म उरुचक्षा उदेति। दूरे अर्थस्तरणिर्भाजमानः। नूनञ्जनाः सूर्येण प्रसूताः।
आयन्नर्थानि कृणवन्नपांसि। शं नो भव चक्षसा शं नो अह्ना। शं भानुना शं
हिमा शं घृणेन। यथा शमस्मै शमसद्गुरोणे। तत्सूर्य द्रविणन्धेहि चित्रम्। चित्रं
देवानामुदगादनीकम्। चक्षुर्मित्रस्य वरुणस्याग्नेः॥⁵¹॥

आप्रा द्यावापृथिवी अन्तरिक्षम्। सूर्य आत्मा जगतस्तस्थुषश्च। त्वष्टा
दधत्तन्नस्तुरीपम्। त्वष्टा वीरं पिशङ्गरूपः। दशेमन्त्वष्टुर्जनयन्त गर्भम्। अतन्द्रासो
युवतयो बिभर्त्रम्। तिग्मानीकः स्वयंशसञ्जनेषु। विरोचमानं परिषीन्नयन्ति।
आविष्टो वर्धते चारुरासु। जिह्मानामूर्ध्वस्वयंशा उपस्थैः॥⁵²॥

उभे त्वष्टुर्विभ्यतुर्जायमानात्। प्रतीची सिंहं प्रतिजोषयेते। मित्रो जनान्प्र स मित्र।
अयं मित्रो नमस्यः सुशेवः। राजा सुक्षत्रो अजनिष्ट वेधाः। तस्य वयं सुमतौ
यज्ञियस्य। अपि भद्रे सौमनसे स्याम। अनमीवास इडया मदन्तः। मितज्मवो
वरिमन्ना पृथिव्याः। आदित्यस्य व्रतमुपक्ष्यन्तः॥⁵³॥

वयं मित्रस्य सुमतौ स्याम। मित्रं न ईं शिम्या गोषु गव्यवत्। स्वाधियो विदधे
अप्स्वजीजनन्। अरेजयतां रोदसी पाजसा गिरा। प्रति प्रियं यजतञ्जनुषामवः।
महा आदित्यो नमसोपसद्यः। यातयञ्जनो गृणते सुशेवः। तस्मा एतत्पन्यतमाय
जुष्टम्। अग्नौ मित्राय हविरा जुहोत। आ वा रथो रोदसी बद्धधानः॥⁵⁴॥

हिरण्ययो वृषभिर्यात्वश्चैः। घृतवर्तनिः पविभीरुचानः। इषावौढा नृपतिर्वाजिनीवान्।
स पप्रथानो अभि पञ्च भूमः। त्रिवन्धुरो मनसायातु युक्तः। विशो येन गच्छथो
देवयन्तीः। कुत्रा चिदाममश्विना दधाना। स्वश्वा यशसाऽऽयातमर्वाक्। दस्त्रा निधिं
मधुमन्तं पिबाथः। वि वा रथो वध्वा यादमानः॥⁵⁵॥

अन्ता दिवो बांधते वर्तनिभ्याम्। युवोः श्रियं परि योषावृणीत। सूरौ दुहिता

परितक्त्रियायाम्। यद्देवयन्तमवथः शचीभिः। परिघ्नः सवां मनावां वयौगाम्। यो हस्यवाः रथिरावस्त उस्त्राः। रथो युजानः परियाति वर्तिः। तेन नः शं योरुषसो व्युष्टौ। न्यश्चिना वहतं यज्ञे अस्मिन्। युवं भुज्युमवविद्धः समुद्रे॥⁵⁶॥

उदूहथुरर्णसो अस्त्रिधानैः। पतत्रिभिरश्रमैरव्यथिभिः। दःसनाभिरश्चिना पारयन्ता। अग्नीषोमा यो अद्य वाम्। इदं वचः सपर्यति। तस्मै धत्तः सुवीर्यम्। गवां पोषः स्वश्चियम्। यो अग्नीषोमा हविषा सपर्यात्। देवद्रीचा मनसा यो घृतेन। तस्य व्रतः रक्षतं पातमः हंसः॥⁵⁷॥

विशे जनाय महि शर्म यच्छतम्। अग्नीषोमा य आहुतिम्। यो वान्दाशाद्विष्कृतिम्। स प्रजया सुवीर्यम्। विश्वमायुर्व्यश्नवत्। अग्नीषोमा चेति तद्वीर्यं वाम्। यदमुष्णीतमवसं पणिङ्गोः। अवातिरतं प्रथयस्य शेषः। अविन्दतं ज्योतिरेकं बहुभ्यः। अग्नीषोमाविमः सु मेऽग्नीषोमा हविषः प्रस्थितस्य॥⁵⁸॥

जभार बौरग्रेरुपस्थं उपक्ष्यन्तो बद्धधानो वृध्वा यादमानः समुद्रेऽहंसः प्रस्थितस्य॥

[7]

अहमस्मि प्रथमजा ऋतस्य। पूर्वं देवेभ्यो अमृतस्य नाभिः। यो मा ददाति स इदेव माऽऽवाः। अहमन्नमन्नमदन्तमग्नि। पूर्वमग्नेरपि दहत्यन्नम्। यत्तौ हासाते अहमुत्तरेषु। व्यात्तमस्य पशवः सुजम्भम्। पश्यन्ति धीराः प्रचरन्ति पाकाः। जहाम्यन्यन्न जहाम्यन्यम्। अहमन्नं वशमिच्चरामि॥⁵⁹॥

समानमर्थं पर्येमि भुञ्जत्। को मामन्नं मनुष्यो दयेत। पराके अन्नं निहितं लोक एतत्। विश्वैर्देवैः पितृभिर्गुप्तमन्नम्। यदद्यते लुप्यते यत्परोप्यते। शततमी सा तनूर्मे बभूव। महान्तौ चरू संकृद्गुधेन पप्रौ। दिवं च पृश्निं पृथिवीं च साकम्। तत्सम्पिबन्तो न मिनन्ति वेधसः। नैतद्भूयो भवति नो कनीयः॥⁶⁰॥

अन्नं प्राणमन्नमपानमाहुः। अन्नं मृत्युं तमु जीवातुमाहुः। अन्नं ब्रह्माणो जरसं वदन्ति। अन्नमाहुः प्रजननं प्रजानाम्। मोघमन्नं विन्दते अप्रचेताः। सत्यं ब्रवीमि वध इत्स तस्य। नार्यमणं पुष्यति नो सखायम्। केवलाघो भवति केवलादी।

अ॒हं मे॒घः स्त॒नय॒न्वर्ष॑न्नस्मि। मा॒मद॑न्त्य॒हम॑क्ष्य॒न्यान्॥⁶¹॥

अ॒ह॑ स॒दमृ॑तो भवामि। म॒दादि॑त्या अ॒धि स॑र्वे तपन्ति। दे॒वीं वाच॑म॒जन॑यन्त॒
यद्वा॑ग्वदन्ती। अ॒नन्ता॑मन्ता॒दधि॑ निर्मितां म॒हीम्। यस्यां दे॒वा अ॑दधु॒र्भोज॑नानि।
एका॑क्षरां द्वि॒पदा॑ ष॒ददां॑ च। वाचं दे॒वा उप॑ जीवन्ति वि॒श्वे। वाचं दे॒वा उप॑
जीवन्ति वि॒श्वे। वाचं॑ गन्ध॒र्वाः प॒शवो॑ म॒नुष्याः॑। वा॒चीमा॑ वि॒श्वा भुव॑ना॒न्यर्पि॑ता॥⁶²॥

सा नो ह॒वं जु॑षतामिन्द्र॒पत्नी॑। वा॒गक्षरं॑ प्रथम॒जा ऋ॑तस्य। वेदा॑नां मा॒ताऽमृ॑तस्य
नाभिः। सा नो जु॑षा॒णोप॑ य॒ज्ञमा॑गात्। अ॒वन्ती॑ दे॒वी सु॒हवा॑ मे अस्तु। या॒मृष॑यो
मन्त्र॒कृतो॑ मनी॒षिणः॑। अ॒न्वेच्छं॑ दे॒वास्तप॑सा श्रमे॒ण। ता॒न्दे॒वीं वाच॑ ह॒विषा॑
य॒जाम॑हे। सा नो द॒धातु॑ सु॒कृत॑स्य लो॒के। च॒त्वारि॑ वाक्प॒रिमि॑ता प॒दानि॑॥⁶³॥

तानि॑ विदुर्ब्रा॒ह्मणा॑ ये मनी॒षिणः॑। गु॒हा त्री॑णि निहि॒ता ने॑ङ्गयन्ति। तुरी॒यं वा॒चो म॑नु॒ष्या
वद॑न्ति। श्रद्धया॑ऽग्निः समि॒ध्यते॑। श्रद्धया॑ विन्दते ह॒विः। श्रद्धां॑ भ॒गस्य॑ मूर्ध॒नि। वच॑सा
वे॒दयाम॑सि। प्रि॒यं श्र॑द्धे द॒दतः॑। प्रि॒यं श्र॑द्धे दि॒दास॑तः। प्रि॒यं भो॒जेषु॑ यज्व॑सु॥⁶⁴॥

इ॒दं म॑ उ॒दितं॑ कृ॒धि। यथा॑ दे॒वा अ॒सुरे॑षु। श्रद्धा॑मु॒ग्रेषु॑ च॒क्रिरे॑। ए॒वं भो॒जेषु॑
यज्व॑सु। अ॒स्माक॑मु॒दितं॑ कृ॒धि। श्रद्धां॑ दे॒वा य॑ज॒मानाः॑। वा॒युगो॑पा उपा॑सते। श्रद्धा॑
हृ॒दय्य॑याऽऽकू॒त्या। श्रद्धया॑ हूयते ह॒विः। श्रद्धां॑ प्रा॒तर्ह॑वामहे॥⁶⁵॥

श्रद्धां॑ म॒ध्यन्दि॑नं प॒रि। श्रद्धा॑ सूर्य॑स्य नि॒मृचि॑। श्रद्धे॑ श्रद्धा॑प॒येह॑ मा॒। श्रद्धा॑ दे॒वानधि॑
व॒स्ते। श्रद्धा॑ वि॒श्वमि॑दं जग॑त्। श्रद्धां॑ का॒मस्य॑ मा॒तर॑म्। ह॒विषा॑ वर्धयाम॑सि। ब्र॒ह्म
ज॒ज्ञानं॑ प्रथ॒मं पु॑रस्ता॒त्। वि सी॑म॒तः सु॒रुचो॑ वे॒न आ॑वः। स बु॒ध्रिया॑ उप॒ मा अ॑स्य
वि॒ष्ठाः॥⁶⁶॥

स॒तश्च॑ योनि॒मस॑तश्च॒ विवः॑। पि॒ता वि॒राजा॑मृष॒भो र॑यी॒णाम्। अ॒न्तरि॑क्षं वि॒श्वरू॑प
आ॒वि॒वेश॑। तम॒र्के र॒भ्यर्च॑न्ति व॒त्सम्। ब्र॒ह्म स॑न्तं ब्र॒ह्मणा॑ वर्धय॑न्तः। ब्र॒ह्म
दे॒वान॑ज॒नय॑त्। ब्र॒ह्म वि॒श्वमि॑दं जग॑त्। ब्र॒ह्मणः॑ क्ष॒त्रं निर्मि॑तम्। ब्र॒ह्म ब्रा॒ह्मण॑
आ॒त्मना॑। अ॒न्तर॑स्मिन्नि॒मे लो॒काः॥⁶⁷॥

अ॒न्तर्वि॒श्वमि॒दं जग॑त्। ब्रह्मै॒व भू॒तानां॑ ज्येष्ठ॑म्। तेन॒ कोऽ॒र॒हति॑ स्पर्धितु॑म्।
ब्रह्म॑न्दे॒वास्त्रय॑स्त्रि॒ंशत्। ब्रह्म॑न्निन्द्रप्रजाप॑ती। ब्रह्म॑न् ह॒ विश्वा॑ भू॒तानि॑। ना॒वीवा॒न्तः
स॒माहि॑ता। चत॑स्र आशाः प्रच॑रन्ब॒र्ग्यः। इ॒मं नो॑ य॒ज्ञं न॑यतु प्रजा॒नन्। घृ॒तं
पि॒न्वन्न॒जर॑ सु॒वीर॑म्॥⁶⁸॥

ब्रह्म॑ स॒मिद्ध॑व॒त्याहु॑तीनाम्। आ गावो॑ अ॒ग्नन्नु॑त भ॒द्रम॑क्रन्। सीद॑न्तु गो॒ष्ठे
रण॑यन्ब॒स्मे। प्र॒जाव॑तीः पु॒रुरूपा॑ इ॒ह स्युः। इन्द्रा॑य पूर्वी॒रुष॑सो दुहा॑नाः। इन्द्रो॑
यज्व॑ने पृ॒णते च॑ शि॒क्षति॑। उपे॑द॒दाति॑ न स्वं मु॑षायति। भूयो॑भूयो र॒यिमि॑दस्य
व॒र्धय॑न्। अ॒भिन्ने॑ खि॒ल्ले नि द॑धाति दे॒वयु॑म्। न ता न॑शन्ति न ता अ॒वौ॥⁶⁹॥

गावो॑ भ॒गो गाव॑ इन्द्रो॑ मे अ॒च्छात्। गावः॑ सोम॑स्य प्रथम॑स्य भ॒क्षः। इ॒मा या
गावः॑ सज॑नास इन्द्रः॑। इ॒च्छामी॑द्ध॒दा मन॑सा चि॒दिन्द्र॑म्। यूयं॑ गो॒वो मे॒दय॑था
कृ॒शश्चि॑त्। अ॒श्ली॒लश्चि॑त्कृ॒णुथा॑ सु॒प्रती॑कम्। भ॒द्रं गृ॑हं कृ॒णुथ॑ भ॒द्रवा॑चः। बृ॒हद्वो॑ वयं
उच्य॑ते स॒भासु॑। प्र॒जाव॑तीः सू॒यव॑सः रि॒शन्तीः॑। शु॒द्धा अ॒पः सु॑प्रपा॒णे पि॑बन्तीः। मा
वः स्तेन॑ ई॒शत॑ माऽघ॑शः॒सः। परि॑ वो हे॒ती रु॒द्रस्य॑ वृ॒ज्यात्। उपे॑दमु॒पप॑र्चनम्।
आ॒सु गो॑षूप॒पृच्य॑ताम्। उप॑र्षभ॒स्य रे॑त॒सि। उपै॑न्द्र तव॑ वी॒र्यै॥⁷⁰॥

चरामि कर्नीयोऽन्यानर्पिता पदानि यज्वंसु हवामहे विष्ठा लोकाः सुवीरमर्वा पिबन्तीष्पद्म॥ [8]

ता सूर्या॑चन्द्रम॒सा विश्व॑भृ॒तमा॑ म॒हत्। तेजो॑ वसु॒मद्रा॑जतो दि॒वि। सा॒मा॒त्मा॒ना च॑रतः
सा॒मचा॑रिणा॑। ययो॑र्व्र॒तं न॑ म॒मे जा॑तु दे॒वयोः॑। उ॒भाव॑न्तौ परि॑ यात अ॒म्या॑। दि॒वो
न र॒श्मीऽस्त॑नुतो व्य॒र्णवे॑। उ॒भा भु॑वन्ती भुव॑ना क॒विक्र॑तू। सूर्या॑ न च॒न्द्रा च॑रतो
ह॒ताम॑ती। प॒ती द्यु॑मद्वि॒श्ववि॑दा उ॒भा दि॒वः। सूर्या॑ उ॒भा च॒न्द्रम॑सा वि॒चक्ष॑णा॥⁷¹॥

वि॒श्ववा॑रा वरि॒वोभा॑ वरे॒ण्या। ता नो॑ऽव॒तं म॒तिम॑न्ता म॒हि॒व्रता॑। वि॒श्वव॑प॒री प्र॒तर॑णा
त॒रन्ता॑। सु॒वर्वि॑दा दृ॒श्ये भू॑रि॒रश्मी॑। सूर्या॑ हि च॒न्द्रा वसु॑ त्वे॒षदर्श॑ता।
म॒नस्वि॑नो॒भानु॑च॒रतो॑नु स॒न्दि॒वम्। अ॒स्य श्र॑वो न॒द्यः स॒प्त बि॑भ्रति। द्या॒वा क्षा॑मा
पृथि॑वी दर्श॒तं वपुः॑। अ॒स्मे सूर्या॑चन्द्रम॒साऽभि॑चक्षे। श्र॒द्धेक॑मिन्द्र च॒रतो॑
वि॒चर्तु॑रम्॥⁷²॥

पूर्वा॒परं॑ च॒रतो॑ मा॒ययै॑तौ। शि॒शू क्री॑डन्तौ परि॑ यातो अ॒ध्वर॑म्। वि॒श्वान्य॑न्यो

भुव॑नाऽभि॒ चष्टै॑। ऋ॒तून॒न्यो वि॒दध॑ञ्जायते पुनः॑। हिर॑ण्यवर्णाः शुच॑यः पाव॒का यासा॑ः
राजा॑। यासा॑ दे॒वाः शिवे॑न मा चक्षु॑षा पश्यत। आपो॑ भद्रा आदित्य॑श्यामि।
नास॑दासीन्नो सदा॑सीत्तदानी॑म्। नासी॒द्रजो॒ नो व्यो॑मा प॒रो यत्। किमाव॑रीवः कुह॒
कस्य॒ शर्म॑न्॥ 73 ॥

अ॒म्भः किमा॑सीद्ब॒ह॒नं ग॒भीर॑म्। न मृ॒त्युर॒मृतं॑ तर्हि॒ न। रात्रि॑या अ॒हं
आसी॑त्प्रके॒तः। आनी॑दवा॒तः स्व॒धया॒ तदे॑कम्। तस्मा॑द्धान्यं न प॒रः किञ्च॒नास॑। तमं
आसी॑त्तम॑सा गूढ॒मग्रे॑ प्रके॒तम्। स॒लिल॑ः सर्व॑मा इ॒दम्। तुच्छे॑नाभ्वपि॑हितं
यदासी॑त्। तम॑सस्तन्महि॒ना जा॑यतैकम्। काम॑स्तदग्रे॒ सम॑वर्तताधि॥ 74 ॥

मन॑सो रे॒तः प्रथ॑मं यदासी॑त्। स॒तो ब॒न्धुम॑सति॒ निर॑विन्दन्। हृदि॑ प्रती॒ष्या क॒वयो॑
मनी॒षा। तिर॑श्चीनो॒ वित॑तो र॒श्मिरे॑षाम्। अधः॑ स्विदासी॑(३)दुपरि॑ स्विदासी॑(३)त्।
रेतो॒धा आ॑सन्महि॒मान॑ आसन्। स्व॒धा अव॑स्तात्प्रयतिः प॒रस्ता॑त्। को अ॒द्वा वैद॒ क
इ॒ह प्र वो॑चत्। कुत॒ आजा॑ता कुत॒ इयं॑ विसृष्टिः। अ॒र्वाग्दे॒वा अस्य॑
विस॑र्जनाय॥ 75 ॥

अथा॒ को वैद॑ यत॑ आब॒भूव॑। इ॒यं विसृ॑ष्टिर्यत॑ आब॒भूव॑। यदि॑ वा द॒धे यदि॑ वा न।
यो अ॒स्याध्य॑क्षः प॒रमे॑ व्योमन्। सो अ॒ङ्ग वैद॑ यदि॑ वा न वेद॑। किञ्चि॑द्विद्वन्ङ्क्व॒ उ
स वृ॒क्ष आ॑सीत्। यतो॒ द्यावा॑पृथि॒वी नि॑ष्टतक्षुः। मनी॑षिणो मन॑सा पृच्छतेदु॒तत्।
यद॒ध्यति॑ष्ठद्भु॒वनानि॑ धा॒रयन्॑। ब्रह्म॒ वनं॑ ब्रह्म॒ स वृ॒क्ष आ॑सीत्॥ 76 ॥

यतो॒ द्यावा॑पृथि॒वी नि॑ष्टतक्षुः। मनी॑षिणो मन॑सा वि॒ब्रवी॑मि वः। ब्रह्मा॒ध्यति॑ष्ठद्भु॒वनानि॑
धा॒रयन्॑। प्रा॒तर॒ग्निं प्रा॒तरि॒न्द्रः ह॒वाम॑हे। प्रा॒तर्भि॒त्रावरु॑णा प्रा॒तर॒श्विना॑। प्रा॒तर्भगं॑
पू॒षणं॑ ब्रह्म॑णस्पतिम्। प्रा॒तः सोम॑मु॒त रु॒द्रः हु॒वेम॑। प्रा॒तर्जि॒तं भग॑मु॒ग्रः हु॒वेम॑। व॒यं
पु॒त्रम॑दि॒तेर्यो वि॑ध॒र्ता। आ॒ध्रश्चि॒दं मन्य॑मानस्तुरश्चित्॥ 77 ॥

राजा॑ चि॒दं भग॑ भक्षीत्याह॑। भग॒ प्रणे॑तर्भग॒ सत्य॑राधः। भगे॒मां धिय॑मुद॒व दद॑न्नः।
भग॒ प्र णो॑ जनय॒ गोभि॑रश्वैः। भग॒ प्र नृभि॑र्नृवन्तः स्याम। उ॒तेदानी॑ भग॑वन्तः
स्याम। उ॒त प्र॑पि॒ब उ॒त मध्ये॑ अ॒ह्नाम्। उ॒तोदि॑ता मघ॒वन्त्सूर्य॑स्य। व॒यं दे॒वाना॑ः

सुम॒तौ स्या॑म। भ॒ग ए॒व भ॒गवा॑ः अस्तु दे॒वाः॥⁷⁸॥

तेन॑ व॒यं भ॒गव॑न्तः स्याम। तं त्वा॑ भ॒ग सर्व॑ इ॒ज्जो॑हवीमि। स नो॑ भ॒ग पुर॑ ए॒ता
भ॑वे॒ह। सम॑ध्व॒रायो॑षसो॑ नमन्त। द॒धि॒क्रावे॑व शुच॑ये प॒दाय॑। अ॒र्वाची॑नं व॒सुवि॑दं भ॒गं
नः। रथ॑मिवा॒श्वा वा॒जिन॑ आव॑हन्तु। अ॒श्वाव॑ती॒र्गोम॑तीर्न उषा॑सः। वी॒रव॑तीः
सद॑मुच्छ॒न्तु भ॒द्राः। घृ॒तं दुहा॑ना वि॒श्वतः॒ प्रपी॑नाः। यू॒यं पा॑त स्व॒स्तिभिः॒ सदा॑ नः॥⁷⁹॥

वि॒च॒क्षणा॑ वि॒चर्तु॑रः शर्म॒न्नधि॑ वि॒सर्ज॑नाय॒ ब्रह्म॑ वनं ब्रह्म॒ स वृ॒क्ष आ॑सीत्तुर॒श्चिदे॒वाः प्रपी॑ना॒ एकं॑ च॥ [9]

पी॒वो॒न्ना॒न्ते शु॒क्रासः॒ सोमो॑ धे॒नुमि॑न्द्र॒स्तर॑स्त्वा॒ज्जुचि॑मा दे॒वो या॑तु॒ सूर्यो॑ दे॒वीम॑हम॒स्मि ता॒ सूर्या॑चन्द्र॒मसा॒ नव॑॥⁹॥

पी॒वो॒न्ना॒मग्ने॒ त्वं पा॑र॒याना॑धृष्यः शुचि॒न्नु वि॒श्रय॑माणो दि॒वो रु॒क्मोऽन्नं॑ प्रा॒णम॑न्न॒न्ता सूर्या॑चन्द्र॒मसा॒ नव॑स॒त्ततिः॥⁷⁹॥

पी॒वो॒न्ना॒य्यु॒यं पा॑त स्व॒स्तिभिः॒ सदा॑ नः॥

हरिः॑ ॐ॥

॥इति श्रीकृष्णयजुर्वेदीयतैत्तिरीयब्राह्मणे द्वितीयाष्टके अष्टमः प्रपाठकः समाप्तः॥

॥अष्टकम् ३॥

॥प्रथमः प्रश्नः॥

॥तैत्तिरीयब्राह्मणे तृतीयाष्टके प्रथमः प्रपाठकः॥

अ॒ग्निर्नः॑ पा॒तु कृ॒त्तिकाः॑। नक्ष॑त्रं दे॒वमिन्द्रि॒यम्। इ॒दमा॑सां विचक्ष॒णम्। ह॒विरा॑सं
जु॒होत॑न। यस्य॒ भान्ति॑ र॒श्मयो॒ यस्य॑ के॒तवः॑। यस्ये॒मा वि॒श्वा भु॑व॒नानि॒ सर्वा॑। स
कृ॒त्तिका॑भि॒रभि॒ संव॑सानः। अ॒ग्निर्नो॑ दे॒वः सु॑वि॒ते द॑धातु। प्र॒जाप॑ते रोहि॒णी वे॑तु
प॒त्नी। वि॒श्वरू॑पा बृ॒हती चि॒त्रभा॑नुः॥₁॥

सा नो॑ य॒ज्ञस्य॑ सु॒वि॒ते द॑धातु। यथा जी॒वेम॑ श॒रदः॑ सर्वा॒राः। रोहि॑णी
दे॒व्युद॑गात्पु॒रस्ता॑त्। वि॒श्वा रू॒पाणि॑ प्र॒तिमो॑द॒माना॑। प्र॒जाप॑तिः ह॒विषा॑ वर्धय॒न्ती।
प्रि॒या दे॒वाना॑मुप॒यातु॑ य॒ज्ञम्। सोमो॑ रा॒जा मृ॑गशी॒र्षेण॑ आ॒गन्। शि॒वं नक्ष॑त्रं
प्रि॒यम॑स्य॒ धाम॑। आ॒प्याय॑मानो बहु॒धा जने॑षु। रे॒तः प्र॒जां यज॑माने दधातु॥₂॥

यत्ते नक्ष॑त्रं मृ॒गशी॒र्षम॑स्ति। प्रि॒यः रा॑ज॒न्प्रिय॑तमं प्रि॒याणा॑म्। तस्मै॑ ते सोम ह॒विषा॑
वि॒धेम॑। श॒न्न ए॒धि द्वि॒पदे॑ श॒चतु॑ष्पदे। आ॒र्द्रया॑ रु॒द्रः प्रथ॑मान ए॒ति। श्रेष्ठो॑ दे॒वानां॑
पति॑र॒घ्नियाना॑म्। नक्ष॑त्रम॒स्य ह॒विषा॑ वि॒धेम॑। मा नः॑ प्र॒जाः री॑रिष॒न्मोत॑ वी॒रान्।
हे॒ती रु॒द्रस्य॑ परि॒ णो वृ॑णक्तु। आ॒र्द्रा नक्ष॑त्रं जुष॒ताः ह॒विर्नः॑॥₃॥

प्र॒मुञ्च॑मानो दुरि॒तानि॑ वि॒श्वा। अपा॑घ॒शः स॒न्नुद॑तामरा॒तिम्। पुन॑र्नो दे॒व्यदि॑तिः स्पृ॒णोतु॑।
पुन॑र्वसू नः पुन॒रेता॑ य॒ज्ञम्। पुन॑र्नो दे॒वा अ॒भिय॑न्तु सर्वा॑। पुनः॑ पुन॒र्वो ह॒विषा॑
य॒जामः॑। ए॒वा न दे॒व्यदि॑तिर॒नर्वा॑। वि॒श्वस्य॑ भ॒र्त्री जग॑तः प्र॒तिष्ठा॑। पुन॑र्वसू ह॒विषा॑
वर्ध॑य॒न्ती। प्रि॒यं दे॒वाना॑मप्ये॒तु पा॑थः॥₄॥

बृ॒हस्प॑तिः प्रथ॒मं जा॑य॒मानः। ति॒ष्यं नक्ष॑त्रम॒भिसम्ब॑भूव। श्रेष्ठो॑ दे॒वानां॑ पृ॒तना॑सु
जि॒ष्णुः। दि॒शोऽनु॑ सर्वा॒ अभ॑यं नो अस्तु। ति॒ष्यः पु॒रस्ता॑दु॒त म॑ध्य॒तो नः॑।
बृ॒हस्प॑तिर्नः॒ परि॑ पा॒तु प॒श्चात्। बा॒धेता॑न्द्रेषो॒ अभ॑यं कृ॒णुता॑म्। सु॒वीर्य॑स्य॒ पत॑यः
स्या॑म। इ॒दः स॒र्पेभ्यो॑ ह॒विर॑स्तु जुष्ट॒म्। आ॒श्रेषा॑ येषा॒मनु॑यन्ति॒ चेतः॑॥₅॥

ये अ॒न्तरि॑क्षं पृथि॒वीङ्क्षि॑यन्ति। ते नः॑ स॒र्पासो॑ ह॒वमा॑गमि॒ष्टाः। ये रो॑च॒ने सूर्य॑स्यापि

सर्पाः। ये दिवं देवीमनु सधरन्ति। येषामाश्रेषा अनुयन्ति कामम्। तेभ्यः सर्पेभ्यो मधुमञ्जुहोमि। उपहृताः पितरो ये मघासु। मनोजवसः सुकृतः सुकृत्याः। ते नो नक्षत्रे हवमागमिष्ठाः। स्वधाभिर्यज्ञं प्रयतं जुषन्ताम्॥६॥

ये अग्निदग्धा येऽनग्निदग्धाः। येऽमुं लोकं पितरः क्षियन्ति। याऽश्च विद्व याऽ उ च न प्रविद्व। मघासु यज्ञः सुकृतं जुषन्ताम्। गवां पतिः फल्गुनीनामसि त्वम्। तदर्यमन्वरुण मित्र चारु। तन्वा वयः सनितारः सनीनाम्। जीवा जीवन्तमुप संविशेम। येनेमा विश्वा भुवनानि सञ्जिता। यस्य देवा अनु सं यन्ति चेतः॥७॥

अर्यमा राजाऽजरस्तुविष्मान्। फल्गुनीनामृषभो रोरवीति। श्रेष्ठो देवानां भगवो भगासि। तन्वा विदुः फल्गुनीस्तस्य वित्तात्। अस्मभ्यं क्षत्रमजरः सुवीर्यम्। गोमदश्चवदुप सन्नुदेह। भगो ह दाता भग इत्प्रदाता। भगो देवीः फल्गुनीरा विवेश। भगस्येत्तं प्रसवं गमेम। यत्र देवैः सधमादं मदेम॥८॥

आयातु देवः संवितोपयातु। हिरण्ययेन सुवृता रथेन। वहन् हस्तः सुभगं विद्वनापसम्। प्रयच्छन्तं पपुंरिं पुण्यमच्छ। हस्तः प्रयच्छत्वमृतं वसीयः। दक्षिणेन प्रतिगृणीम एनत्। दातारमद्य संविता विदेय। यो नो हस्ताय प्रसुवाति यज्ञम्। त्वष्टा नक्षत्रमभ्येति चित्राम्। सुभः संसं युवतिः रोचमानाम्॥९॥

निवेशयन्नमृतान्मर्त्याश्च। रूपाणि पिःशन्भुवनानि विश्वा। तन्नस्त्वष्टा तदु चित्रा विचष्टाम्। तन्नक्षत्रं भूरिदा अस्तु मह्यम्। तन्नः प्रजां वीरवतीः सनोतु। गोभिर्नो अश्वैः समनक्तु यज्ञम्। वायुर्नक्षत्रमभ्येति निष्णाम्। तिग्मशृङ्गो वृषभो रोरुवाणः। समीरयन्भुवना मातरिश्वा। अप द्वेषांसि नुदतामरातीः॥१०॥

तन्नो वायुस्तदु निष्णा शृणोतु। तन्नक्षत्रं भूरिदा अस्तु मह्यम्। तन्नो देवासो अनुजानन्तु कामम्। यथा तरेम दुरितानि विश्वा। दूरमस्मच्छत्रवो यन्तु भीताः। तदिन्द्राग्नी कृणुतान्तद्विशाखे। तन्नो देवा अनुमदन्तु यज्ञम्। पश्चात्पुरस्तादभयन्नो अस्तु। नक्षत्राणामधिपत्नी विशाखे। श्रेष्ठाविन्द्राग्नी भुवनस्य गोपौ॥११॥

विषूचः शत्रूनप बाधमानौ। अप क्षुधन्नुदतामरातिम्। पूर्णा पश्चादुत पूर्णा पुरस्तात्।

उन्मध्यतः पौर्णमासी जिगाय। तस्यां देवा अधि संवसन्तः। उत्तमे नाकं इह
मादयन्ताम्। पृथ्वी सुवर्चा युवतिः सजोषाः। पौर्णमास्युदगाच्छोभमाना।
आप्याययन्ती दुरितानि विश्वा। उरुन्दुहां यजमानाय यज्ञम्॥¹²॥

चित्रभानुर्यजमाने दधातु हविर्नः पाथश्चेतो जुपन्ताश्चेतो मदेम रोचमानामरातीर्गोषो यज्ञम्॥ [1]

ऋद्धास्म हव्यैर्नमसोपसदा। मित्रं देवं मित्रधेयं नो अस्तु। अनूराधान् हविषा
वर्धयन्तः। शतञ्जीवेम शरदः सर्वाः। चित्रं नक्षत्रमुदगात्पुरस्तात्। अनूराधास इति
यद्वदन्ति। तन्मित्र एति पथिभिर्देवयानैः। हिरण्ययैर्विततैरन्तरिक्षे। इन्द्रो ज्येष्ठामनु
नक्षत्रमेति। यस्मिन्वृत्रं वृत्रतूर्यं ततार॥¹³॥

तस्मिन्वयममृतन्दुहानाः। क्षुधन्तरेम दुरितिन्दुरिष्टिम्। पुरन्दराय वृषभाय धृष्णवै।
अषाढाय सहमानाय मीढुषैः। इन्द्राय ज्येष्ठा मधुमन्दुहाना। उरुं कृणोतु
यजमानाय लोकम्। मूलं प्रजां वीरवतीं विदेय। पराच्येतु निर्ऋतिः पराचा।
गोभिर्नक्षत्रं पशुभिः समक्तम्। अहर्भूयाद्यजमानाय मह्यम्॥¹⁴॥

अहर्नो अद्य सुविते दधातु। मूलं नक्षत्रमिति यद्वदन्ति। पराचीं वाचा
निर्ऋतिन्नुदामि। शिवं प्रजायै शिवमस्तु मह्यम्। या दिव्या आपः पयसा
सम्बभूवुः। या अन्तरिक्ष उत पार्थिवीर्याः। यासामषाढा अनुयन्ति कामम्। ता न
आपः शः स्योना भवन्तु। याश्च कूप्या याश्च नादाः समुद्रियाः। याश्च वैशन्तीरुत
प्रासचीर्याः॥¹⁵॥

यासामषाढा मधुं भक्षयन्ति। ता न आपः शः स्योना भवन्तु। तन्नो विश्वे उप
शृण्वन्तु देवाः। तदषाढा अभिसंयन्तु यज्ञम्। तन्नक्षत्रं प्रथतां पशुभ्यः।
कृषिर्वृष्टिर्यजमानाय कल्पताम्। शुभ्राः कन्या युवतयः सुपेशसः। कर्मकृतः सुकृतो
वीर्यावतीः। विश्वा देवान् हविषा वर्धयन्तीः। अषाढाः काममुप यान्तु यज्ञम्॥¹⁶॥

यस्मिन्ब्रह्माऽभ्यजयत्सर्वमेतत्। अमुं च लोकमिदम् च सर्वम्। तन्नो
नक्षत्रमभिजिद्विजित्य। श्रियन्दधाबह्णीयमानम्। उभौ लोकौ ब्रह्मणा सञ्जितेमौ।
तन्नो नक्षत्रमभिजिद्विचष्टाम्। तस्मिन्वयं पृतनाः सञ्जयेम। तन्नो देवासो अनुजानन्तु

कामम्। शृण्वन्ति श्रोणाममृतस्य गोपाम्। पुण्यामस्या उपशृणोमि वाचम्॥¹⁷॥

महीं देवीं विष्णुपत्नीमजूर्याम्। प्रतीचीमेना॥ हविषा यजामः। त्रेधा विष्णुरुरुगायो विचक्रमे। महीं दिवं पृथिवीमन्तरिक्षम्। तच्छ्रोणेति श्रवं इच्छमाना। पुण्यं श्लोकं यजमानाय कृण्वती। अष्टौ देवा वसवः सोम्यासः। चतस्रो देवीरजराः श्रविष्ठाः। ते यज्ञं पान्तु रजसः परस्तात्। संवत्सरीणममृतं स्वस्ति॥¹⁸॥

यज्ञं नः पान्तु वसवः पुरस्तात्। दक्षिणतोऽभियन्तु श्रविष्ठाः। पुण्यं नक्षत्रमभि संविशाम। मा नो अरातिरघशसाऽगन्। क्षत्रस्य राजा वरुणोऽधिराजः। नक्षत्राणां शतभिषग्वसिष्ठः। तौ देवेभ्यः कृणुतो दीर्घमायुः। शतं सहस्रां भेषजानि धत्तः। यज्ञं नो राजा वरुण उपयातु। तन्नो विश्वे अभि संयन्तु देवाः॥¹⁹॥

तन्नो नक्षत्रं शतभिषगुषाणम्। दीर्घमायुः प्रतिरद्धेषजानि। अज एकपादुदगात्पुरस्तात्। विश्वा भूतानि प्रतिमोदमानः। तस्य देवाः प्रसवं यन्ति सर्वे। प्रोष्ठपदासो अमृतस्य गोपाः। विभ्राजमानः समिधान उग्रः। आऽन्तरिक्षमरुहदगन्द्याम्। तं सूर्यं देवमजमेकपादम्। प्रोष्ठपदासो अनुयन्ति सर्वे॥²⁰॥

अहिर्बुध्नियः प्रथमान एति। श्रेष्ठो देवानामृत मानुषाणाम्। तं ब्राह्मणाः सोमपाः सोम्यासः। प्रोष्ठपदासो अभि रक्षन्ति सर्वे। चत्वार एकमभिकर्म देवाः। प्रोष्ठपदास इति यान् वदन्ति। ते बुध्नियं परिषद्यः स्तुवन्तः। अहिं रक्षन्ति नमसोपसदा। पूषा रेवत्यन्वेति पन्थाम्। पुष्टिपती पशुपा वाजबस्त्यौ॥²¹॥

इमानि हव्या प्रयता जुषाणा। सुगैर्नो यानैरुपयातां यज्ञम्। क्षुद्रान्यशूत्रक्षतु रेवती नः। गावो नो अश्वाः अन्वेतु पूषा। अन्नं रक्षन्तौ बहुधा विरूपम्। वाजं सनुतां यजमानाय यज्ञम्। तदश्विनावश्वयुजोपयाताम्। शुभङ्गमिष्ठौ सुयमेभिरश्वैः। स्वं नक्षत्रं हविषा यजन्तौ। मध्वा सम्पृक्तौ यजुषा समक्तौ॥²²॥

यो देवानां भिषजौ हव्यवाहौ। विश्वस्य दूतावमृतस्य गोपौ। तौ नक्षत्रं जुजुषाणोपयाताम्। नमोऽश्विभ्यां कृणुमोऽश्वयुग्भ्याम्। अपं पाप्मानं भरणीर्भरन्तु।

तद्यमो राजा भगवान् विचष्टाम्। लोकस्य राजा महतो महान् हि। सुगन्तः
पन्थामभयं कृणोतु। यस्मिन्नक्षत्रे यम एति राजा। यस्मिन्नेनमभ्यर्षिश्चन्त देवाः।
तदस्य चित्रं हविषा यजाम। अप पाप्मानं भरणीर्भरन्तु। निवेशनी यत्ते देवा
अदधुः॥²³॥

ततार मह्यं प्रासचीर्या यान्तु यज्ञं वाचं स्वस्ति देवा अनुयन्ति सर्वे वाजं वस्यो समन्तो देवास्त्रीणि च॥ [2]

नवोनवो भवति जायमानो यमादित्या अशुमाप्याययन्ति। ये विरूपे समनसा
संव्ययन्ती। समानन्तन्तु परितातना तै। विभू प्रभू अनुभू विश्वतो हुवे। ते नो
नक्षत्रे हवमागमेतम्। वयं देवी ब्रह्मणा संविदानाः। सुरत्नांसो देववीतिन्दधानाः।
अहोरात्रे हविषा वर्धयन्तः। अति पाप्मानमति मुक्त्या गमेम। प्रत्युवदश्यायती॥²⁴॥

व्युच्छन्ती दुहिता दिवः। अपो मही वृणुते चक्षुषा। तमो ज्योतिष्कृणोति सूनरी।
उदुस्त्रियाः सचते सूर्यः। सचा उदन्नक्षत्रमर्चिमत्। तवेदुषो व्युषि सूर्यस्य च। सं
भक्तेन गमेमहि। तन्नो नक्षत्रमर्चिमत्। भानुमत्तेज उच्चरत्। उपयज्ञमिहागमत्॥²⁵॥

प्र नक्षत्राय देवाय। इन्द्रायेन्दुः हवामहे। सनः सविता सुवत्सनिम्। पुष्टिदां
वीरवत्तमम्। उदुत्यश्चित्रम्। अदितिर्न उरुष्यतु महीमू षु मातरम्। इदं विष्णुः
प्रतद्विष्णुः। अग्निर्मूर्धा भुवः। अनुनोऽद्यानुमतिरन्विदनुमते त्वम्। हव्यवाहः
स्विष्टम्॥²⁶॥

आयत्यगमस्विष्टम्॥ [3]

अग्निर्वा अकामयत। अन्नादो देवानां स्यामिति। स एतमग्नये कृत्तिकाभ्यः
पुरोडाशमष्टाकपालं निरवपत्। ततो वै सोऽन्नादो देवानामभवत्। अग्निर्वै
देवानामन्नादः। यथा ह वा अग्निर्देवानामन्नादः। एव ह वा एष मनुष्याणां भवति।
य एतेन हविषा यजते। य उ चैनदेवं वेद। सोऽन्नं जुहोति। अग्नये स्वाहा
कृत्तिकाभ्यः स्वाहा। अम्बायै स्वाहा दुलायै स्वाहा। नितत्यै स्वाहाऽभ्रयन्त्यै स्वाहा।
मेघयन्त्यै स्वाहा वरुषयन्त्यै स्वाहा। चुपुणीकायै स्वाहेति॥²⁷॥

प्रजापतिः प्रजा असृजत। ता अस्मात्सृष्टाः पराचीरायन्। तासां
रोहिणीमभ्यध्यायत्। सोऽकामयत। उप मा वर्तेत। समनया गच्छेयेति। स एतं

प्रजाप॑तये रोहि॒ण्यै चरुं॑ निर॑वपत्। ततो॑ वै सा तमु॒पाव॑र्तत। समे॑नयागच्छत। उप॑
ह॒ वा ए॑नं प्रि॒यमा॑व॑र्तते। सं प्रि॒येण॑ गच्छते। य ए॒तेन॑ ह॒विषा॑ यज॑ते। य उ॑चैनदे॒वं
वेद॑। सोऽ॒त्र जु॑होति। प्रजाप॑तये॒ स्वाहा॑ रोहि॒ण्यै स्वाहा॑। रोच॑मानायै॒ स्वाहा॑
प्रजा॒भ्यः स्वाहेति॑॥²⁸॥

सोमो॑ वा अ॑कामयत। ओष॑धीनां॒ राज्यम॑भिज॑येयमिति। स ए॒तं सोमा॑य
मृ॒गशी॒र्षाय॑ श्यामा॒कं चरुं॑ पय॑सि निर॑वपत्। ततो॑ वै स ओष॑धीनां॒
राज्यम॑भ्यज॑यत्। समा॑नानां॒ ह॒ वै रा॒ज्यम॑भिज॑यति। य ए॒तेन॑ ह॒विषा॑ यज॑ते। य
उ॑चैनदे॒वं वेद॑। सोऽ॒त्र जु॑होति। सोमा॑य॒ स्वाहा॑ मृ॒गशी॒र्षाय॑ स्वाहा॑। इ॒न्वका॒भ्यः
स्वाहो॑ष॑धीभ्यः॒ स्वाहा॑। रा॒ज्याय॑ स्वाहा॒ऽभिजि॑त्यै स्वाहेति॑॥²⁹॥

रुद्रो॑ वा अ॑कामयत। प॒शुमा॑न्त्स्यामिति। स ए॒तं रु॒द्राया॑र्द्रायै प्रै॒व्यङ्ग॑वं चरुं॑ पय॑सि
निर॑वपत्। ततो॑ वै स प॒शुमान॑भवत्। प॒शुमान् ह॒ वै भ॑वति। य ए॒तेन॑ ह॒विषा॑
यज॑ते। य उ॑चैनदे॒वं वेद॑। सोऽ॒त्र जु॑होति। रु॒द्राय॑ स्वाहा॒ऽर्द्रायै॑ स्वाहा॑।
पि॒न्वमा॑नायै॒ स्वाहा॑ प॒शुभ्यः॑ स्वाहेति॑॥³⁰॥

ऋ॒क्षा वा इ॒यम॑लो॒मका॑ऽऽसीत्। साऽका॑मयत। ओष॑धीभिर्व॒नस्प॑तिभिः
प्रजा॑येयेति। सै॒तमदि॑त्यै पुन॑र्वसु॒भ्यां चरुं॑ निर॑वपत्। ततो॑ वा
इ॒यमोष॑धीभिर्व॒नस्प॑तिभिः प्राजा॑यत। प्रजा॑यते ह॒ वै प्र॒जया॑ प॒शुभिः॑। य ए॒तेन॑
ह॒विषा॑ यज॑ते। य उ॑चैनदे॒वं वेद॑। सोऽ॒त्र जु॑होति। अदि॑त्यै स्वाहा पुन॑र्वसु॒भ्याम्।
स्वाहा भू॑त्यै स्वाहा प्रजा॑त्यै स्वाहेति॑॥³¹॥

बृ॒हस्प॑तिर्वा अ॑कामयत। ब्र॒ह्मव॑र्चसी स्यामिति। स ए॒तं बृ॒हस्प॑तये ति॒ष्याय॑ नैवा॒रं
चरुं॑ पय॑सि निर॑वपत्। ततो॑ वै स ब्र॒ह्मव॑र्चस्यभवत्। ब्र॒ह्मव॑र्चसी ह॒ वै भ॑वति। य
ए॒तेन॑ ह॒विषा॑ यज॑ते। य उ॑चैनदे॒वं वेद॑। सोऽ॒त्र जु॑होति। बृ॒हस्प॑तये॒ स्वाहा॑
ति॒ष्याय॑ स्वाहा॑। ब्र॒ह्मव॑र्चसाय॒ स्वाहेति॑॥³²॥

दे॒वा॒सुराः॑ संय॑त्ता आसन्। ते दे॒वाः सर्पे॑भ्य॑ आ॒श्रेषा॑भ्य॒ आज्ये॑ कर॒म्भन्नि॑र॑वपन्।
ताने॑ताभिरे॒वदे॒वता॑भि॒रुपा॑नयन्। ए॒ताभि॑र्ह॒ वै दे॒वता॑भिर्द्विष॑न्तं भ्रातृ॑व्यमु॒पन॑यति। य
ए॒तेन॑ ह॒विषा॑ यज॑ते। य उ॑चैनदे॒वं वेद॑। सोऽ॒त्र जु॑होति। सर्पे॑भ्यः

स्वाहाऽऽश्रेषाभ्यः स्वाहा। दन्दशूकेभ्यः स्वाहेति॥³³॥

पितरो वा अकामयन्त। पितृलोक ऋध्रुयामेति। त एतं पितृभ्यो मघाभ्यः
पुरोडाशं षट्कपालं निरवपन्। ततो वै ते पितृलोक आर्ध्ववन्। पितृलोके ह वा
ऋध्नोति। य एतेन हविषा यजते। य उ चैनदेवं वेद। सोऽत्र जुहोति। पितृभ्यः
स्वाहा मघाभ्यः। स्वाहाऽनघाभ्यः स्वाहागदाभ्यः। स्वाहाऽरुन्धतीभ्यः स्वाहेति॥³⁴॥

अर्यमा वा अकामयत। पशुमान्तस्यामिति। स एतमर्यम्णे फल्गुनीभ्यां चरुं
निरवपत्। ततो वै स पशुमानभवत्। पशुमान् ह वै भवति। य एतेन हविषा
यजते। य उ चैनदेवं वेद। सोऽत्र जुहोति। अर्यम्णे स्वाहा फल्गुनीभ्यां स्वाहा।
पशुभ्यः स्वाहेति॥³⁵॥

भगो वा अकामयत। भगी श्रेष्ठी देवानां स्यामिति। स एतं भगाय फल्गुनीभ्यां
चरुं निरवपत्। ततो वै स भगी श्रेष्ठी देवानामभवत्। भगी ह वै श्रेष्ठी समानानां
भवति। य एतेन हविषा यजते। य उ चैनदेवं वेद। सोऽत्र जुहोति। भगाय
स्वाहा फल्गुनीभ्यां स्वाहा। श्रेष्ठाय स्वाहेति॥³⁶॥

सविता वा अकामयत। अन्मै देवा दधीरन्। सविता स्यामिति। स एतं सवित्रे
हस्ताय पुरोडाशं द्वादशकपालं निरवपदाशूनां व्रीहीणाम्। ततो वै तस्मै श्रदेवा
अदधत। सविताऽभवत्। श्रद्धवा अस्मै मनुष्या दधते। सविता समानानां भवति।
य एतेन हविषा यजते। य उ चैनदेवं वेद। सोऽत्र जुहोति। सवित्रे स्वाहा
हस्ताय। स्वाहा ददते स्वाहा पृणते। स्वाहा प्रयच्छते स्वाहा प्रतिगृह्णते स्वाहेति॥³⁷॥

ब्रष्टा वा अकामयत। चित्रं प्रजां विन्देयेति। स एतन्ब्रष्ट्रे चित्रायै
पुरोडाशमष्टाकपालं निरवपत्। ततो वै स चित्रं प्रजामविन्दत। चित्रं ह वै प्रजां
विन्दते। य एतेन हविषा यजते। य उ चैनदेवं वेद। सोऽत्र जुहोति। ब्रष्ट्रे स्वाहा
चित्रायै स्वाहा। चैत्राय स्वाहा प्रजायै स्वाहेति॥³⁸॥

वायुर्वा अकामयत। कामचारमेषु लोकेष्वभिजयेयमिति। स एतद्वायवे निष्ठायै
गृष्ट्यै दुग्धं पयो निरवपत्। ततो वै स कामचारमेषु लोकेष्वभ्यजयत्। कामचारं
ह वा एषु लोकेष्वभिजयति। य एतेन हविषा यजते। य उ चैनदेवं वेद। सोऽत्र

जुहोति। वा॒यवे॒ स्वाहा॒ निष्ठा॑यै॒ स्वाहा॑। का॒म॒चा॒रा॒य॒ स्वाहा॒ऽभिजि॑त्यै॒ स्वाहेति॑॥³⁹॥

इन्द्रा॑ग्नी वा अ॒काम॑येताम्। श्रै॒ष्ठ्यं दे॒वाना॑म॒भिज॑येवेति। तावे॒तमिन्द्रा॑ग्निभ्यां
विशा॑खाभ्यां पुरो॒डाश॑मेकादशकपालं निर॑वपताम्। ततो॒ वै तौ श्रै॒ष्ठ्यं
दे॒वाना॑म॒भ्यज॑यताम्। श्रै॒ष्ठ्यं ह॒ वै स॑मा॒नाना॑म॒भिज॑यति। य ए॒तेन॑ ह॒विषा॒ यज॑ते।
य उ॑ चैनदे॒वं वेद॑। सोऽत्र॑ जुहोति। इन्द्रा॑ग्निभ्या॒ऽ स्वाहा॒ विशा॑खाभ्या॒ऽ स्वाहा॑।
श्रै॒ष्ठ्या॒य॒ स्वाहा॒ऽभिजि॑त्यै॒ स्वाहेति॑॥⁴⁰॥

अथै॒तत्पौ॑र्णमास्या आज्यं निर॑वपति। कामो॒ वै पौ॑र्णमासी। काम॒ आज्यम्॑।
का॒मे॒नैव॑ का॒मः स॑म॒र्धय॑ति। क्षि॒प्रमे॑न॒ऽ सका॑म॒ उप॑नमति। येन॒ का॒मे॒न॒ यज॑ते।
सोऽत्र॑ जुहोति। पौ॒र्णमा॒स्यै स्वाहा॒ का॒मा॒य॒ स्वाहा॒ऽऽग॑त्यै॒ स्वाहेति॑॥⁴¹॥

अग्निः पञ्चदश प्रजापतिष्पोऽंशः सोमः एकादश रुद्रो दशर्क्षेकादश बृहस्पतिर्दश देवासुरा नवः पितरः एकादशार्यमा भगो दश दश सविता चतुर्दश ऋषयः
वायुरिन्द्राग्नी दश दशाथैतत्पौर्णमास्या अष्टौ पञ्चदश॥

[4]

मित्रो॒ वा अ॒काम॑यत। मि॒त्र॒धेय॑मेषु लो॒केष्व॒भिज॑येयमिति। स ए॒तं
मि॒त्राया॑नूरा॒धेभ्य॑श्चरुं निर॑वपत्। ततो॒ वै स॑ मि॒त्र॒धेय॑मेषुलो॒केष्व॒भ्यज॑यत्। मि॒त्र॒धेयः॑
ह॒ वा ए॒षु लो॒केष्व॒भिज॑यति। य ए॒तेन॑ ह॒विषा॒ यज॑ते। य उ॑ चैनदे॒वं वेद॑। सोऽत्र॑
जुहोति। मि॒त्रा॒य॒ स्वाहा॑ऽनूरा॒धेभ्यः॒ स्वाहा॑। मि॒त्र॒धेया॑य॒ स्वाहा॒ऽभिजि॑त्यै॒ स्वाहेति॑॥⁴²॥

इन्द्रो॒ वा अ॒काम॑यत। ज्यै॒ष्ठ्यं दे॒वाना॑म॒भिज॑येयमिति। स ए॒तमिन्द्रा॑य ज्यै॒ष्ठ्यायै॑
पुरो॒डाश॑मेकादशकपालं निर॑वपन्महाव्री॒हीणा॑म्। ततो॒ वै स॑ ज्यै॒ष्ठ्यं
दे॒वाना॑म॒भ्यज॑यत्। ज्यै॒ष्ठ्यं ह॒ वै स॑मा॒नाना॑म॒भिज॑यति। य ए॒तेन॑ ह॒विषा॒ यज॑ते।
य उ॑ चैनदे॒वं वेद॑। सोऽत्र॑ जुहोति। इन्द्रा॑य॒ स्वाहा॑ ज्यै॒ष्ठ्यायै॒ स्वाहा॑। ज्यै॒ष्ठ्या॒य॒
स्वाहा॒भिजि॑त्यै॒ स्वाहेति॑॥⁴³॥

प्र॒जाप॑तिर्वा अ॒काम॑यत। मूलं॑ प्र॒जां वि॑न्देयेति। स ए॒तं प्र॒जाप॑तये मूला॒य च॒रुं
निर॑वपत्। ततो॒ वै स॑ मूलं॑ प्र॒जाम॑विन्दत। मूलः॑ ह॒ वै प्र॒जां वि॑न्दते। य ए॒तेन॑
ह॒विषा॒ यज॑ते। य उ॑ चैनदे॒वं वेद॑। सोऽत्र॑ जुहोति। प्र॒जाप॑तये॒ स्वाहा॒ मूला॒य॒
स्वाहा॑। प्र॒जायै॒ स्वाहेति॑॥⁴⁴॥

आपो वा अकामयन्त। समुद्रङ्काममभिजयेमेति। ता एतमद्भ्योऽषाढाभ्यश्चरुं
निरवपन्। ततो वै ताः समुद्रङ्काममभ्यजयन्। समुद्रं ह वै काममभिजयति। य
एतेन हविषा यजते। य उ चैनदेवं वेद। सोऽत्र जुहोति। अद्भ्यः स्वाहाऽषाढाभ्यः
स्वाहा। समुद्राय स्वाहा कामाय स्वाहा। अभिजित्यै स्वाहेति॥⁴⁵॥

विश्वे वै देवा अकामयन्त। अनपज्यं जयेमेति। त एतं विश्वेभ्यो
देवेभ्योऽषाढाभ्यश्चरुं निरवपन्। ततो वै तेऽनपज्यमजयन्। अनपज्यं ह वै
जयति। य एतेन हविषा यजते। य उ चैनदेवं वेद। सोऽत्र जुहोति। विश्वेभ्यो
देवेभ्यः स्वाहाऽषाढाभ्यः स्वाहा। अनपज्याय स्वाहा जित्यै स्वाहेति॥⁴⁶॥

ब्रह्म वा अकामयत। ब्रह्मलोकमभिजयेयमिति। तदेतं ब्रह्मणेऽभिजिते चरुं
निरवपत्। ततो वै तद्ब्रह्मलोकमभ्यजयत्। ब्रह्मलोकं ह वा अभिजयति। य
एतेन हविषा यजते। य उ चैनदेवं वेद। सोऽत्र जुहोति। ब्रह्मणे स्वाहाऽभिजिते
स्वाहा। ब्रह्मलोकाय स्वाहाऽभिजित्यै स्वाहेति॥⁴⁷॥

विष्णुर्वा अकामयत। पुण्यं श्लोकं शृण्वीय। न मां पापी कीर्तिरागच्छेदिति। स
एतं विष्णवे श्रोणायै पुरोडाशं चिकपालं निरवपत्। ततो वै स पुण्यं श्लोकं मशृणुत।
नैनं पापी कीर्तिरागच्छत्। पुण्यं ह वै श्लोकं शृणुते। नैनं पापी
कीर्तिरागच्छति। य एतेन हविषा यजते। य उ चैनदेवं वेद। सोऽत्र जुहोति।
विष्णवे स्वाहा श्रोणायै स्वाहा। श्लोकाय स्वाहा श्रुताय स्वाहेति॥⁴⁸॥

वसवो वा अकामयन्त। अग्रं देवतानां परीयामेति। त एतं वसुभ्यः श्रविष्ठाभ्यः
पुरोडाशमष्टाकपालं निरवपन्। ततो वै तेऽग्रं देवतानां पर्यायन्। अग्रं ह वै
समानानां पर्येति। य एतेन हविषा यजते। य उ चैनदेवं वेद। सोऽत्र जुहोति।
वसुभ्यः स्वाहा श्रविष्ठाभ्यः स्वाहा। अग्राय स्वाहा परीत्यै स्वाहेति॥⁴⁹॥

इन्द्रो वा अकामयत। दृढोऽशिथिलः स्यामिति। स एतं वरुणाय शतभिषजे
भेषजेभ्यः पुरोडाशं दशकपालं निरवपत्कृष्णानां व्रीहीणाम्। ततो वै स
दृढोऽशिथिलोऽभवत्। दृढो ह वा अशिथिलो भवति। य एतेन हविषा यजते। य

उं चैनदेवं वेदं। सोऽत्र जुहोति। वरुणाय स्वाहा शतभिषजे स्वाहा। भेषजेभ्यः स्वाहेति॥⁵⁰॥

अजो वा एकपादकामयत। तेजस्वी ब्रह्मवर्चसी स्यामिति। स एतमजायैकपदे प्रोष्ठपदेभ्यश्चरुं निरवपत्। ततो वै स तेजस्वी ब्रह्मवर्चस्यभवत्। तेजस्वी ह वै ब्रह्मवर्चसी भवति। य एतेन हविषा यजते। य उं चैनदेवं वेदं। सोऽत्र जुहोति। अजायैकपदे स्वाहा प्रोष्ठपदेभ्यः स्वाहा। तेजसे स्वाहा ब्रह्मवर्चसाय स्वाहेति॥⁵¹॥

अहिर्वै बुध्नियोऽकामयत। इमां प्रतिष्ठां विन्देयेति। स एतमहये बुध्नियाय प्रोष्ठपदेभ्यः पुरोडाशं भूमिकपालं निरवत्। ततो वै स इमां प्रतिष्ठामविन्दत। इमां ह वै प्रतिष्ठां विन्दते। य एतेन हविषा यजते। य उं चैनदेवं वेदं। सोऽत्र जुहोति। अहये बुध्नियाय स्वाहा प्रोष्ठपदेभ्यः स्वाहा। प्रतिष्ठायै स्वाहेति॥⁵²॥

पूषा वा अकामयत। पशुमान्तस्यामिति। स एतं पूष्णे रेवत्यै चरुं निरवपत्। ततो वै स पशुमानभवत्। पशुमान् ह वै भवति। य एतेन हविषा यजते। य उं चैनदेवं वेदं। सोऽत्र जुहोति। पूष्णे स्वाहा रेवत्यै स्वाहा। पशुभ्यः स्वाहेति॥⁵³॥

अश्विनौ वा अकामयेताम्। श्रोत्रस्विनावबधिरो स्यावेति। तावेतमश्विभ्यामश्वयुग्भ्यां पुरोडाशं द्विकपालं निरवपताम्। ततो वै तौ श्रोत्रस्विनावबधिनावभवताम्। श्रोत्रस्वी ह वा अबधिरो भवति। य एतेन हविषा यजते। य उं चैनदेवं वेदं। सोऽत्र जुहोति। अश्विभ्यां स्वाहाऽश्वयुग्भ्यां स्वाहा। श्रोत्राय स्वाहा श्रुत्यै स्वाहेति॥⁵⁴॥

यमो वा अकामयत। पितृणां राज्यमभिजयेयमिति। स एतं यमायापभरणीभ्यश्चरुं निरवपत्। ततो वै स पितृणां राज्यमभ्यजयत्। समानानां ह वै राज्यमभिजयति। य एतेन हविषा यजते। य उं चैनदेवं वेदं। सोऽत्र जुहोति। यमाय स्वाहाऽपभरणीभ्यः स्वाहा। राज्याय स्वाहाभिजित्यै स्वाहेति॥⁵⁵॥

अथैतदमावास्याया आज्यं निरवपति। कामो वा अमावास्या। काम आज्यम्। कामेनैव कामं समर्धयति। क्षिप्रमेनं सकाम उपनमति। येन कामेन यजते। सोऽत्र जुहोति। अमावास्यायै स्वाहा कामाय स्वाहाऽऽगत्यै स्वाहेति॥⁵⁶॥

मित्र इन्द्रः प्रजापतिर्दश दशाप एकादश विश्वे ब्रह्म दशदश विष्णुस्तयोदश वसव इन्द्रोऽजोऽहिर्वै बुध्नियः पूषाऽश्विनौ यमो दश दशाथैतदमावास्याया अष्टौ

चन्द्रमा वा अकामयत। अहोरात्रानर्धमासान्मासानृतूत्संवत्सरमाप्त्वा। चन्द्रमसः सायुज्यं सलोकतामाप्नुयामिति। स एतच्चन्द्रमसे प्रतीदृश्यायै पुरोडाशं पञ्चदशकपालं निरवपत्। ततो वै सोऽहोरात्रानर्धमासान्मासानृतूत्संवत्सरमाप्त्वा। चन्द्रमसः सायुज्यं सलोकतामाप्नोत्। अहोरात्रान् ह वा अर्धमासान्मासानृतूत्संवत्सरमाप्त्वा। चन्द्रमसः सायुज्यं सलोकतामाप्नोति। य एतेन हविषा यजते। य उ चैनदेवं वेद। सोऽत्र जुहोति। चन्द्रमसे स्वाहा प्रतीदृश्यायै स्वाहा। अहोरात्रेभ्यः स्वाहाऽर्धमासेभ्यः स्वाहा। मासेभ्यः स्वाहर्तुभ्यः स्वाहा। संवत्सराय स्वाहेति॥⁵⁷॥

अहोरात्रे वा अकामयेताम्। अत्यहोरात्रे मुच्येवहि। न नावहोरात्रे आप्नुयातामिति। ते एतमहोरात्राभ्यां चरुं निरवपताम्। द्वयानां व्रीहीणाम्। शुक्लानां च कृष्णानां च। सवात्योर्दुग्धे। श्वेतायै च कृष्णायै च। ततो वै ते अत्यहोरात्रे अमुच्येते। नैनं अहोरात्रे आप्नुताम्। अति ह वा अहोरात्रे मुच्यते। नैनमहोरात्रे आप्नुतः। य एतेन हविषा यजते। य उ चैनदेवं वेद। सोऽत्र जुहोति। अह्ने स्वाहा रात्रियै स्वाहा। अतिमुक्त्यै स्वाहेति॥⁵⁸॥

उषा वा अकामयत। प्रियाऽऽदित्यस्य सुभगा स्यामिति। सैतमुषसे चरुं निरवपत्। ततो वै सा प्रियाऽऽदित्यस्य सुभगाऽभवत्। प्रियो ह वै समानानां सुभगो भवति। य एतेन हविषा यजते। य उ चैनदेवं वेद। सोऽत्र जुहोति। उषसे स्वाहा व्युष्ट्यै स्वाहा। व्युष्ट्यै स्वाहा व्युच्छन्त्यै स्वाहा। व्युष्टायै स्वाहेति॥⁵⁹॥

अथैतस्मै नक्षत्राय चरुनिर्वपति। यथा त्वं देवानामसि। एवमहं मनुष्याणां भूयासमिति। यथा ह वा एतद्देवानाम्। एव ह वा एष मनुष्याणां भवति। य एतेन हविषा यजते। य उ चैनदेवं वेद। सोऽत्र जुहोति। नक्षत्राय स्वाहोदेष्यते स्वाहा। उद्यते स्वाहोदिताय स्वाहा। हरसे स्वाहा भरसे स्वाहा। भ्राजसे स्वाहा तेजसे स्वाहा। तपसे स्वाहा ब्रह्मवर्चसाय स्वाहेति॥⁶⁰॥

सूर्यो वा अकामयत। नक्षत्राणां प्रतिष्ठा स्यामिति। स एतं सूर्याय नक्षत्रेभ्यश्चरुं

निरवपत्। ततो वै स नक्षत्राणां प्रतिष्ठाऽभवत्। प्रतिष्ठा ह वै संमानानां भवति।
य एतेन हविषा यजते। य उ चैनदेवं वेद। सोऽत्र जुहोति। सूर्याय स्वाहा
नक्षत्रेभ्यः स्वाहा। प्रतिष्ठायै स्वाहेति॥⁶¹॥

अथैतमदित्यै चरुं निर्वपति। इयं वा अदितिः। अस्यामेव प्रतितिष्ठति। सोऽत्र
जुहोति। अदित्यै स्वाहा प्रतिष्ठायै स्वाहेति॥⁶²॥

अथैतं विष्णवे चरुं निर्वपति। यज्ञो वै विष्णुः। यज्ञ एवान्ततः प्रतितिष्ठति। सोऽत्र
जुहोति। विष्णवे स्वाहा यज्ञाय स्वाहा। प्रतिष्ठायै स्वाहेति॥⁶³॥

चन्द्रमाः पञ्चदशाहोरात्रे सप्तदशोपा एकादशाथेतस्मै नक्षत्राय त्रयोदश सूर्यो दशाथेतमदित्यै पञ्चाथेतं विष्णवे षट्सप्त (सविताऽऽश्रूनां व्रीहीणामिन्द्रो
महारीहीणामिन्द्रः कृष्णानां व्रीहीणामहोरात्रे द्वयानां व्रीहीणाम्। पितरुष्णकपालं सविता द्वादशकपालमिन्द्राग्नी एकादशकपालमिन्द्र एकादशकपालमिन्द्रो
दशकपालं विष्णुस्त्रिकपालमहिर्भूमिकपालमश्विनौ द्विकपालश्चन्द्रमाः पञ्चदशकपालमग्निस्त्रष्टा वसवोऽष्टाकपालमन्यत्र चरुम्। रुद्रौऽर्यमा पूषा पशुमान्त्स्याः
सोमो रुद्रो बृहस्पतिः पर्यासि वायुः पयः सोमो वायुरिन्द्राग्नी मित्र इन्द्र आपो ब्रह्म यमोऽभिजित्यै ब्रह्म प्रजापतिः प्रजायै पौर्णमास्या अमावास्याया अगत्यै
विश्वे जित्या अश्विनौ श्रुत्यै। ब्रह्म तदेतं विष्णुः स एतं वायुः स एतदापस्ताः। पितरो विश्वे वसवोऽकामयन्त मेति त एतन्निरवपन्। आपोऽकामयन्त मेति ता
एतन्निरवपन्। इन्द्राग्नी अश्विनावकामयेतां वेति तावेतन्निरवपताम्। अहोरात्रे वा अकामयेतामिति ते एतन्निरवपताम्। अन्यत्राकामयतेति स एतन्निरवपत्।
इन्द्राग्नी श्रेष्ठमिन्द्रो ज्येष्ठमिन्द्रो दृढः। अहिः सूर्योऽदित्यै विष्णवे प्रतिष्ठायै। सोमो यमः संमानानाम्। अग्निर्नो रीरिषदन्यत्र रीरिषः॥)॥—————[6]

अग्निर्न ऋध्यास्म नवोनवोऽग्निर्मित्रश्चन्द्रमाप्सट्॥⁶⁴॥

अग्निर्नस्तन्नो वायुरहिर्बुध्नियं ऋक्षा वा इयमथेतत्पौर्णमास्या अजो वा एकपात्सूर्यस्त्रिषष्टिः॥⁶⁵॥

अग्निर्न पातु प्रतिष्ठायै स्वाहेति॥

हरिः ॐ॥

॥इति श्रीकृष्णयजुर्वेदीयतैत्तिरीयब्राह्मणे तृतीयाष्टके प्रथमः प्रपाठकः समाप्तः॥

॥द्वितीयः प्रश्नः॥

॥तैत्तिरीयब्राह्मणे तृतीयाष्टके द्वितीयः प्रपाठकः॥

तृतीयस्यामि॒तो दि॒वि सोम॑ आसीत्। तङ्गा॑य॒त्र्याऽह॑रत्। तस्य॑ पर्णम॑च्छिद्यत।
तत्पर्णो॑ऽभवत्। तत्पर्णस्य॑ पर्ण॒बम्। ब्रह्म॑ वै पर्णः। यत्पर्ण॑शा॒ख्या व॒त्सान॑पाक॒रोति॑।
ब्रह्म॑णै॒वैनान॑पाक॒रोति॑। गा॒यत्रो॑ वै पर्णः। गा॒यत्राः प॒शवः॑॥₁॥

तस्मा॒त्रीणि॑त्रीणि पर्णस्य॑ पला॒शानि॑। त्रि॒पदा॑ गा॒यत्री। यत्पर्ण॑शा॒ख्या गाः प्रा॑र्पयति।
स्वयै॒वैना॑ दे॒वत॑या प्रा॑र्पयति। यङ्काम॑येताप॒शुः स्या॒दिति॑। अ॒पर्णान्त॑स्मै
शुष्का॑ग्रा॒माह॑रेत्। अ॒पशु॑रे॒व भ॑वति। यङ्काम॑येत प॒शुमान्त॑स्या॒दिति॑। बहु॒पर्णान्त॑स्मै
बहु॑शा॒खामा॑हरेत्। प॒शुमन्त॑मे॒वैनं॑ करोति॥₂॥

यत्प्राची॑मा ह॒रेत्। दे॒वलोक॑मभि ज॒येत्। यदु॒दीचीं॑ मनु॒ष्यलोक॑म्। प्राची॑मु॒दीची॑मा
ह॑रति। उ॒भयो॑र्लो॒कयो॑रभिजि॒त्यै। इ॒षे वो॒र्जे वे॒त्याह॑। इ॒षमे॒वोर्जं॑ यज॒माने॑ दधाति।
वा॒यवः॑ स्थे॒त्याह॑। वा॒युर्वा अ॒न्तरि॑क्ष॒स्याध्य॑क्षाः। अ॒न्तरि॑क्ष॒दे॒वत्याः॑ खलु॒ वै प॒शवः॑॥₃॥
वा॒यव॑ ए॒वैनान्प॑रि ददाति। प्र वा ए॒नाने॒तदा॑ क॒रोति॑। यदा॑ह॒। वा॒यवः॑ स्थे॒त्युपा॑यवः
स्थे॒त्याह॑। यज॑मानायै॒व प॒शूनुप॑ ह्वयते। दे॒वो वः॑ सवि॒ता प्रा॑र्पय॒ब्रित्या॑ह॒ प्रसू॑त्यै।
श्रेष्ठ॑तमा॒य क॑र्मण॒ इत्या॑ह॒। य॒ज्ञो हि श्रेष्ठ॑तम॒ङ्गर्म॑। तस्मा॑दे॒वमा॑ह॒। आप्या॑यध्वम॒घ्निया॑
दे॒वभा॑गमि॒त्याह॑॥₄॥

व॒त्सेभ्य॑श्च वा ए॒ताः पु॒रा म॑नु॒ष्येभ्य॑श्चाप्या॒यन्त॑। दे॒वेभ्य॑ ए॒वैना॒ इन्द्रा॑याप्या॒यय॑ति।
ऊ॒र्जस्व॑तीः प॒यस्व॑तीरि॒त्याह॑। ऊ॒र्जः॑ हि प॒यः स॒म्भर॑न्ति। प्र॒जाव॑तीरनमी॒वा
अ॒यक्ष्मा॑ इत्या॒ह प्र॑जा॒त्यै। मा वः॑ स्तेन ई॒शत॑ माऽघ॒शस्स॑ इत्या॒ह गु॒प्त्यै। रु॒द्रस्य॑
हे॒तिः परि॑ वो वृ॒णक्त्व॑त्या॒ह। रु॒द्रादे॒वैना॑स्त्रायते। ध्रु॒वा अ॒स्मिन्गोप॑तौ स्यात
ब॒ह्वीरि॑त्या॒ह। ध्रु॒वा ए॒वास्मि॑न्ब॒ह्वीः क॑रोति॥₅॥

यज॑मानस्य प॒शून्या॑हीत्या॒ह। प॒शूना॑ङ्गोपी॒थाय॑। तन्मा॑त्सा॒य प॒शव॑ उप॑स॒माव॑र्तन्ते।

अन॑धः साद॑यति। गर्भा॑णान्धृ॒त्या अ॒प्र॒पादा॑य। तस्मा॒द्गर्भाः॑ प्र॒जाना॑मप्र॒पादु॑काः।
उ॒परी॑व निद॑धाति। उ॒परी॑व हि सु॒वर्गो॑ लो॒कः। सु॒वर्गस्य॑ लो॒कस्य॑ सम॑ष्ट्यै॥६॥

प॒ञ्चवः॑ करोति प॒ञ्चवो॑ देवभा॒गमित्या॑ह करोति नव॑ च॥

[1]

दे॒वस्य॑ त्वा स॒वितुः॑ प्र॒स॒व इत्य॑श्चप॒र्शुमाद॑त्ते प्र॒सू॒त्यै। अ॒श्विनो॑र्बा॒हुभ्या॑मित्या॑ह।
अ॒श्विनो॑ हि दे॒वाना॑मध्व॒र्यू आस्ता॑म्। पू॒ष्णो हस्ता॑भ्या॒मित्या॑ह य॒त्यै। यो वा ओष॑धीः
पर्व॑शो वेद॑। नैनाः॒ स हि॑नस्ति। प्र॒जाप॑तिर्वा ओष॑धीः पर्व॑शो वेद॑। स ए॒ना न
हि॑नस्ति। अ॒श्वप॑र्श्वा ब॒र्हिर॑च्छेति। प्रा॒जाप॑त्यो वा अ॒श्वः स॒योनि॑त्वाय॑॥७॥

ओष॑धीनामहि॑सायै। य॒ज्ञस्य॑ घोष॑दसीत्या॑ह। य॒ज्ञमा॑न ए॒व र॒यिन्द॑धाति। प्र॒त्युष्ट॑
रक्षः॒ प्रत्यु॑ष्टा अ॒रा॒तय॑ इत्या॑ह। रक्ष॑साम॒प॒हत्यै॑। प्रे॒यम॑गाद्विष॑णा ब॒र्हिर॑च्छेत्या॑ह।
वि॒द्या वै धि॑षणा॑। वि॒द्ययै॑वैनद॑च्छेति। म॒नु॒ना कृ॒ता स्व॒धया॑ वि॒त॒ष्टे॒त्या॑ह। मा॒न॒वी हि
प॒र्शुः स्व॒धाकृ॑ता॥८॥

त आ॒व॑हन्ति क॒वयः॑ पु॒रस्ता॑दित्या॑ह। शु॒श्रु॒वाऽसो॑ वै क॒वयः॑। य॒ज्ञः पु॒रस्ता॑त्। मु॒ख॒त
ए॒व य॒ज्ञमा॑ र॒भते॑। अथो॒ यदे॑तदु॒क्त्वा यतः॑ कु॒तश्चा॑ ह॒रति॑। तत्प्रा॑च्या ए॒व दि॒शो
भ॑वति। दे॒वेभ्यो॑ जुष्ट॑मिह ब॒र्हिरा॑सद इत्या॑ह। ब॒र्हिषः॑ स॒मृ॒द्धौ।
क॒र्म॒णोऽन॑परा॒धाय॑। दे॒वाना॑ परि॒षूत॑मसीत्या॑ह॥९॥

यद्वा इ॒दङ्किं॑ च। तद्दे॒वाना॑ परि॒षूत॑म्। अथो॒ यथा॑ व॒स्य॑से प्र॒तिप्रो॑च्याहेदं
क॑रिष्यामीति। ए॒वमे॒व तद॑ध्व॒र्युर्दे॒वेभ्यः॑ प्र॒तिप्रो॑च्य ब॒र्हिर्दा॑ति। आ॒त्म॒नोऽहि॑सायै।
याव॑तः स्त॒म्बान्प॑रिदि॒शेत्। यत्तेषा॑मुच्छि॒ष्यात्। अ॒ति॒ तद॒य॒ज्ञस्य॑ रेच॑येत्। ए॒कं
स्त॒म्बं प॑रिदि॒शेत्। तं॑ स॒र्व॒न्दा॒यात्॥१०॥

य॒ज्ञस्या॑न॒तिरे॑काय। व॒र्षवृ॑द्धमसीत्या॑ह। व॒र्षवृ॑द्धा वा ओष॑धयः। दे॒व॒ब॒र्हिरि॑त्या॑ह।
दे॒वेभ्य॑ ए॒वैन॑त्करोति। मा त्वाऽन्व॑ङ्मा ति॒र्यगि॑त्याहाहि॑सायै। पर्व॑ ते
रा॒ध्यास॑मित्या॑ह॒ध्यै। आ॒च्छे॒त्ता ते॒ मा रि॑ष॒मि॒त्या॑ह। नास्या॒त्मनो॑ मी॒यते॑। य ए॒वं
वेद॑॥११॥

दे॒व॒ब॒र्हिः श॒तव॑ल्शं वि॒रोहे॑त्या॑ह। प्र॒जा वै ब॒र्हिः। प्र॒जाना॑ प्र॒जन॑नाय।

सहस्रवल्शा वि वयं रुहेमेत्याह। आशिषमेवैतामा शास्ते। पृथिव्याः सम्पृचः
पाहीत्याह प्रतिष्ठित्यै। अयुङ्गायुङ्गान्मुष्टील्लुनोति। मिथुनबाय प्रजात्यै। सुसम्भृतां वा
सम्भरामीत्याह। ब्रह्मणैवैनत्सम्भरति॥¹²॥

अदित्यै रास्नाऽसीत्याह। इयं वा अदितिः। अस्या एवेन्द्रास्नां करोति। इन्द्राण्ये
सन्नहनमित्याह। इन्द्राणी वा अग्रे देवतानां समनह्यत। साऽऽध्नौत्। ऋद्धौ
सन्नह्यति। प्रजा वै बर्हिः। प्रजानामपरावापाय। तस्मात्स्नावसन्तताः प्रजा
जायन्ते॥¹³॥

पूषा तै ग्रन्थिङ्ग्राबित्याह। पुष्टिमेव यजमाने दधाति। स ते
मास्थादित्याहाहिंसायै। पश्चात्प्राध्वमुपगूहति। पश्चाद्वै प्राचीनं रेतो धीयते।
पश्चादेवास्मै प्राचीनं रेतो दधाति। इन्द्रस्य वा बाहुभ्यामुदच्छ इत्याह। इन्द्रियमेव
यजमाने दधाति। बृहस्पतेर्मूर्ध्ना हरामीत्याह। ब्रह्म वै देवानां बृहस्पतिः॥¹⁴॥

ब्रह्मणैवैनद्धरति। उर्वन्तरिक्षमन्विहीत्याह गत्यै। देवङ्गममसीत्याह।
देवानेवैनद्धमयति। अनधः सादयति। गर्भाणान्धृत्या अप्रपादाय। तस्माद्गर्भाः
प्रजानामप्रपादुकाः। उपरीव नि दधाति। उपरीव हि सुवर्गो लोकः। सुवर्गस्य
लोकस्य समष्ट्यै॥¹⁵॥

सयोनिबायं स्वधाकृताऽसीत्याह दयाद्वेदं भरति जायन्ते बृहस्पतिः समष्ट्यै॥ [2]

पूर्वेद्युरिध्माबर्हिः करोति। यज्ञमेवारभ्यं गृहीत्वोपवसति। प्रजापतिर्यज्ञमसृजत।
तस्योखे अस्रं सेताम्। यज्ञो वै प्रजापतिः। यत्सान्नाय्योखे भवतः। यज्ञस्यैव तदुखे
उपदधात्यप्रस्रंसाय। शुन्धध्वन्द्वेव्याय कर्मणे देवयज्याया इत्याह। देवयज्याया
एवैनानि शुन्धति। मातरिश्चनो घर्मोऽसीत्याह॥¹⁶॥

अन्तरिक्षं वै मातरिश्चनो घर्मः। एषां लोकानां विधृत्यै। दौरसि पृथिव्यसीत्याह।
दिवश्च ह्येषा पृथिव्याश्च सम्भृता। यदुखा। तस्मादेवमाह। विश्वधाया असि परमेण
धाम्नेत्याह। वृष्टिर्वै विश्वधायाः। वृष्टिमेवावरुन्धे। दृहंस्व मा ह्वारित्याह धृत्यै॥¹⁷॥

वसूनां पवित्रमसीत्याह। प्राणा वै वसवः। तेषां वा एतद्भागधेयम्। यत्पवित्रम्।

तेभ्य॑ ए॒वैन॑त्करोति। श॒तधा॑र॒ सहस्र॑धारमि॒त्याह॑। प्रा॒णेष्वे॒वायु॑र्दधाति सर्व॒त्वाय॑।
त्रि॒वृत्प॑लाशशा॒खाया॑न्दर्भ॒मय॑ भवति। त्रि॒वृद्धे॑ प्रा॒णः। त्रि॒वृत्तमे॒व प्रा॒णं म॑ध्यतो
यज॑माने दधाति॥¹⁸॥

सौ॒म्यः पर्णः॑ संयोनि॒त्वाय॑। सा॒क्षात्प॒वित्र॑न्दर्भाः। प्रा॒ख्साय॑मधिनि द॑धाति।
तत्प्रा॑णापा॒नयो॑ रूपम्। ति॒र्यक्प्रा॑तः। तद्दर्श॑स्य रूपम्। दा॒र्यः॒ ह्येत॑दहः। अन्नं॑ वै
च॒न्द्रमाः॑। अन्नं॑ प्रा॒णाः। उ॒भय॑मे॒वोपै॒त्यजा॑मि॒त्वाय॑॥¹⁹॥

तस्मा॑द॒यः॒ सर्व॑तः पवते। हु॒तः स्तो॒को हु॒तो द्र॒प्स इ॒त्याह॑ प्रति॑ष्ठित्यै।
ह॒विषो॑ऽस्क॒न्दाय॑। न हि हु॒तः॒ स्वाहा॑कृ॒तः॒ स्कन्द॑ति। दि॒वि ना॒को ना॒माग्निः॑। तस्य॑
वि॒प्रुषो॑ भा॒गधे॑यम्। अ॒ग्नये॑ बृ॒हते॑ ना॒काये॒त्याह॑। ना॒कमे॒वाग्निं॑ भा॒गधे॑ये॒न स॑म॒र्धय॑ति।
स्वाहा॑ दा॒वापृ॑थि॒वीभ्या॑मि॒त्याह॑। दा॒वापृ॑थि॒व्योरे॒वैन॑त्प्रति॑ष्ठापयति॥²⁰॥

प॒वित्र॑व॒त्यान॑यति। अ॒पाश्चै॒वौष॑धीनां च॒ रसः॒ सः॒सृज॑ति। अथो॒ ओष॑धीष्वे॒व
प॒शून्प्रति॑ष्ठापयति। अ॒न्वार॑भ्य॒ वाचं॑ यच्छति। य॒ज्ञस्य॒ धृत्यै॑। धा॒रय॑न्नास्ते। धा॒रय॑न्त
इ॒व हि॒ दुह॑न्ति। का॒मधु॑क्ष इ॒त्याहा॒तृती॑यस्यै। त्रयं॑ इ॒मे लो॒काः। इ॒माने॒व
लो॒कान्य॑ज॒मानो॑ दुहे॥²¹॥

अ॒मूमि॑ति॒ नाम॑ गृह्णाति। भ॒द्रमे॒वासा॑ङ्कर्मा विष्क॑रोति। सा वि॒श्वायुः॑ सा वि॒श्वव्य॑चाः
सा वि॒श्वक॑र्मे॒त्याह॑। इ॒यं वै वि॒श्वायुः॑। अ॒न्तरि॑क्षं वि॒श्वव्य॑चाः। अ॒सौ वि॒श्वक॑र्मा।
इ॒माने॒वैता॑भिर्लो॒कान् य॑थापूर्व॒न्दुहे॑। अथो॒ यथा॑ प्र॒दात्रे॑ पु॒ण्यमा॑शास्ते। ए॒वमे॒वेना॑
ए॒तदु॑प॒स्तौति॑। तस्मा॑त्प्रा॒दादित्यु॑न्नीय॒ वन्द॑माना उप॒स्तुव॑न्तः प॒शून्दु॑हन्ति॥²²॥

ब॒हु दु॒ग्धीन्द्रा॑य दे॒वेभ्यो॑ ह॒विरि॑ति॒ वाचं॑ वि॒सृज॑ते। यथा॑ दे॒वत॑मे॒व प्र॑सौति। दै॒व्यस्य॑ च
मा॒नुष॑स्य॒ च व्या॑वृ॒त्यै। त्रि॒रा॒ह। त्रि॒षत्या॑ हि दे॒वाः। अ॒वाचं॑ य॒मोऽन॑न्वार॒भ्योत्त॑राः।
अ॒परि॑मितमे॒वाव॑ रुन्धे। न दा॒रुपा॑त्रेण दु॒ह्यात्। अ॒ग्नि॒वद्धे॑ दा॒रुपा॑त्रम्। यद्दा॒रुपा॑त्रेण
दु॒ह्यात्॥²³॥

या॒तया॑म्ना ह॒विषा॑ यजेत। अथो॒ खत्वा॑हुः। पु॒रोडा॑श॒मुखानि॑ वै ह॒वी॒षि॑। ने॒त इ॑तः
पु॒रोडा॑शः॒ ह॒विषो॑ या॒मोऽस्ती॑ति। का॒ममे॒व दा॒रुपा॑त्रेण दु॒ह्यात्। शू॒द्र ए॒व न॑ दु॒ह्यात्।
अ॒स॒तो वा॑ ए॒ष स॑म्भूतः। यच्छू॒द्रः। अ॒ह॒विरे॒व तदि॒त्याहुः॑। यच्छू॒द्रो दोग्धी॑ति॥²⁴॥

अग्निहोत्रमेव न दुह्याच्छूद्रः। तद्धि नोत्पुनन्ति। यदा खलु वै पवित्रमत्येति। अथ तद्धिविरिति। सम्पृच्यध्वमृतावरीरित्याह। अपाञ्चैवौषधीनां च रसः सः सृजति। तस्मादपाञ्चौषधीनां च रसमुपजीवामः। मन्द्रा धनस्य सातय इत्याह। पुष्टिमेव यजमाने दधाति। सोमेन वातनच्मीन्द्राय दधीत्याह॥²⁵॥

सोममेवैनत्करोति। यो वै सोमं भक्षयित्वा। संवत्सरः सोमं न पिबति। पुनर्भक्ष्योऽस्य सोमपीथो भवति। सोमः खलु वै सान्नाय्यम्। य एवं विद्वान्सान्नाय्यं पिबति। अपुनर्भक्ष्योऽस्य सामपीथो भवति। न मृन्मयेनापि दध्यात्। यन्मृन्मयोनापिदध्यात्। पितृदेवत्यः स्यात्॥²⁶॥

अयस्पात्रेण वा दारुपात्रेण वाऽपि दधाति। तद्धि सदेवम्। उदन्वद्भवति। आपो वै रक्षोघ्नीः। रक्षसामपहत्यै। अदस्तमसि विष्णवे ब्रेत्याह। यज्ञो वै विष्णुः। यज्ञायैवैनददस्तं करोति। विष्णो हव्यः रक्षस्वेत्याह गुप्त्यै। अनधः सादयति। गर्भाणान्धृत्या अप्रपादाय। तस्माद्गर्भाः प्रजानामप्रपादुकाः। उपरीव निदधाति। उपरीव हि सुवर्गो लोकः। सुवर्गस्य लोकस्य समष्ट्यै॥²⁷॥

असीत्याह धृत्यै यजमाने दधात्यजामिन्वाय स्थापयति दुहे दुहन्ति दुह्यादोग्धीति दधीत्याह स्यात्सादयति पञ्च च॥ [3]

कर्मणे वा देवेभ्यः शकेयमित्याह शक्त्यै। यज्ञस्य वै सन्ततिमनु प्रजाः पशवो यजमानस्य सन्तायन्ते। यज्ञस्य विच्छित्तिमनु प्रजाः पशवो यजमानस्य विच्छिद्यन्ते। यज्ञस्य सन्ततिरसि यज्ञस्य वा सन्तत्यै स्तृणामि सन्तत्यै वा यज्ञस्येत्याहवनीयात्सन्तनोति। यजमानस्य प्रजायै पशूनां सन्तत्यै। अपः प्रणयति। श्रद्धा वा आपः। श्रद्धामेवारभ्य प्रणीय प्रचरति। अपः प्रणयति। यज्ञो वा आपः॥²⁸॥

यज्ञमेवारभ्य प्रणीय प्रचरति। अपः प्रणयति। वज्रो वा आपः। वज्रमेव भ्रातृव्येभ्यः प्रहृत्य प्रणीय प्रचरति। अपः प्रणयति। आपो वै रक्षोघ्नीः। रक्षसामपहत्यै। अपः प्रणयति। आपो वै देवानां प्रियन्धामं। देवानामेव प्रियन्धामं प्रणीय प्रचरति॥²⁹॥

अपः प्रणयति। आपो वै सर्वा देवताः। देवता एवारभ्य प्रणीय प्रचरति। वेषाय ब्रेत्याह। वेषाय ह्येनदादत्ते। प्रत्युष्टः रक्षः प्रत्युष्टा अरातय इत्याह।

रक्ष॑साम॑प॒हत्यै॑। धूर॑सीत्या॒ह। ए॒ष वै धुर्यो॑ऽग्निः। तं यदनु॑पस्पृ॒श्याती॒यात्॥³⁰॥

अ॒ध्वर्यु॑ च॒ यज॑मानं च॒ प्रद॑हेत्। उ॒पस्पृ॒श्यात्ये॑ति। अ॒ध्वर्यो॑श्च॒ यज॑मानस्य॒
चाप्र॑दाहाय। धूर्व॑ तं यो॑स्मान्धूर्व॑ति॒ तं धूर्व॑ यं वयं॑ धूर्वाम्॒ इत्या॑ह। द्वौ वाव॑ पुरु॑षौ।
यश्चै॒व धूर्व॑ति। यश्चै॒नन्धूर्व॑ति। तावु॑भौ शु॒चाऽर्प॑यति। त्वं दे॒वाना॑मसि॒ सस्मि॑तमं॒
पप्रि॑तमं॒ जुष्ट॑तमं॒ वह्नि॑तमन्दे॒वहू॑तम॒मित्या॑ह। य॒थाय॒जुरे॒वैतत्॥³¹॥

अ॒हु॒तम॑सि ह॒वि॒र्धान॑मि॒त्याहाना॑त्यै। द॒ःह॑स्व मा ह्वा॒रित्या॑ह॒ धृत्यै॑। मि॒त्रस्य॑ त्वा॒
चक्षु॑षा॒ प्रेक्ष॑ इत्या॑ह मि॒त्रत्वा॑य। मा भे॒र्मा संवि॑क्था॒ मा त्वा॑
हि॒ःसि॑षमि॒त्याहा॒हि॒सा॑ये। यद्वै किं च॒ वातो॑ नाभि॒ वाति॑। तत्सर्वं॑ वरु॒णदे॒वत्य॑म्।
उ॒रु वा॑ता॒येत्या॑ह। अ॒वा॒रुण॑मे॒वैन॑त्करोति। दे॒वस्य॑ त्वा॒ सवि॑तुः प्र॒सव॑ इत्या॑ह॒
प्रसू॑त्यै। अ॒श्विनो॑र्बा॒हुभ्या॑मि॒त्याह॥³²॥

अ॒श्विनो॑ हि दे॒वाना॑म॒ध्वर्यु॑ आस्ता॑म्। पू॒ष्णो ह॑स्ता॒भ्यामि॒त्याह॒ यत्यै॑। अ॒ग्नये॒ जुष्टं॑
निर्व॑पा॒मीत्या॑ह। अ॒ग्नय॑ ए॒वैनां॑ जुष्टं॑ निर्व॑पति। त्रि॒र्यजु॑षा। त्रयं॑ इ॒मे लो॒काः। ए॒षां
लो॒काना॑मात्यै॑। तू॒ष्णीं च॑तु॒र्थम्। अ॒परि॑मितमे॒वाव॑रुन्धे। स ए॒वमे॒वानु॑पूर्व॑ ह॒वी॒षि
निर्व॑पति॥³³॥

इ॒दं दे॒वाना॑मि॒दमु॑ नः स॒हेत्या॑ह॒ व्यावृ॑त्यै। स्फा॒त्यै त्वा॒ नारा॑त्या॒ इत्या॑ह॒ गुप्त्यै॑।
तम॑सीव॒ वा ए॒षोऽन्त॑श्चरति। यः प॑री॒णहि॑। सु॒वे॒रभि॑ वि॒ ख्ये॑षं
वैश्वान॑र॒ज्योति॑रि॒त्याह॑। सु॒वे॒रे॒वाभि॑ वि॒ पश्य॑ति वैश्वान॑र॒ज्योतिः॑। द्या॒वापृ॑थि॒वी ह॒विषि॑
गृही॑त उ॒दवे॑पेताम्। द॒ःह॑न्ता॒न्दुर्या॑ द्या॒वापृ॑थि॒व्योरि॒त्याह॑। गृ॒हाणां॑ द्या॒वापृ॑थि॒व्योर्धृत्यै॑।
उ॒र्वन्त॑रि॒क्षम॑न्विहीत्या॑ह॒ गत्यै॑। अ॒दि॒त्यास्त्वो॒पस्थे॑ साद॒यामी॒त्याह॑। इ॒यं वा अ॑दि॒तिः।
अ॒स्या ए॒वैन॑दु॒पस्थे॑ साद॒यति॑। अ॒ग्ने ह॒व्यं र॑क्ष॒स्वेत्या॑ह॒ गुप्त्यै॑॥³⁴॥

य॒ज्ञो वा आपो॑ धामं॒ प्रणी॑य॒ प्रच॑रत्यती॒यादे॒तद्बा॒हुभ्या॑मि॒त्याह॒ ह॒वी॒षि निर्व॑पति॒ गत्यै॑ च॒त्वारि॑ च॥ [4]

इन्द्रो॑ वृ॒त्रम॑हन्। सोऽपः॑। अ॒भ्य॑म्रियत। तासां॑ यन्मे॒ध्यं य॒ज्ञिय॑ र॒ सदे॒वमासी॑त्।
तदपो॑द॒क्राम॑त्। ते दर्भा॑ अ॒भवन्। यद्भे॒रप॑ उ॒त्पु॑नाति। या ए॒व मे॒ध्या य॒ज्ञियाः॑
सदे॒वा आपः॑। ताभि॑रे॒वैना॑ उ॒त्पु॑नाति। द्वा॒भ्यामु॒त्पु॑नाति॥³⁵॥

द्विपादजमानः प्रतिष्ठित्यै। देवो वः सवितोत्पुनाबित्याह। सवितृप्रसूत एवैना
उत्पुनाति। अच्छिद्रेण पवित्रेणेत्याह। असौ वा आदित्योऽच्छिद्रं पवित्रम्। तेनैवैना
उत्पुनाति। वसोः सूर्यस्य रश्मिभिरित्याह। प्राणा वा आपः। प्राणा वसवः। प्राणा
रश्मयः॥³⁶॥

प्राणैरेव प्राणान्त्सं पृणक्ति। सावित्रियर्चा। सवितृप्रसूतं मे कर्मासदिति।
सवितृप्रसूतमेवास्य कर्म भवति। पच्छो गायत्रिया त्रिष्वमृद्धत्वाय। आपो
देवीरग्रेपुवो अग्रेगुव इत्याह। रूपमेवासांमेतन्महिमानं व्याचष्टे। अग्रं इमं यज्ञं
नयताग्रे यज्ञपतिमित्याह। अग्रं एव यज्ञं नयन्ति। अग्रे यज्ञपतिम्॥³⁷॥

युष्मानिन्द्रोऽवृणीत वृत्रतूर्यं यूयमिन्द्रमवृणीध्वं वृत्रतूर्यं इत्याह। वृत्रं हं
हनिष्यन्निन्द्र आपो वव्रे। आपो हेन्द्रं वव्रिरे। संज्ञामेवासांमेतत्सामानं व्याचष्टे।
प्रोक्षिताः स्थेत्याह। तेनापः प्रोक्षिताः। अग्नये वो जुष्टं प्रोक्षाम्यग्नीषोमोभ्यामित्याह।
यथादेवतमेवैनान्प्रोक्षति। त्रिः प्रोक्षति। त्र्यावृद्धि यज्ञः॥³⁸॥

अथो रक्षसामपहत्यै। शुन्धध्वं दैव्याय कर्मणे देवयज्याया इत्याह। देवयज्याया
एवैनानि शुन्धति। त्रिः प्रोक्षति। त्र्यावृद्धि यज्ञः। अथो मेध्यत्वाय। अवधूतं
रक्षोऽवधूता आरातय इत्याह। रक्षसामपहत्यै। अदित्यास्त्वगसीत्याह। इयं वा
अदितिः॥³⁹॥

अस्या एवैनत्त्वचं करोति। प्रति त्वा पृथिवी वेचित्याह प्रतिष्ठित्यै।
पुरस्तात्प्रतीचीनग्रीवमुत्तरलोमोपस्तृणाति मेध्यत्वाय। तस्मात्पुरस्तात्प्रत्यक्षः पशवो
मेधमुपतिष्ठन्ते। तस्मात्प्रजा मृगं ग्राहुकाः। यज्ञो देवेभ्यो निलायत। कृष्णो रूपं
कृत्वा। यत्कृष्णाजिने हविरध्यवहन्ति। यज्ञादेव तद्यज्ञं प्रयुङ्क्ते। हविषोऽस्कन्दाय॥⁴⁰॥

अधिषवणमसि वानस्पत्यमित्याह। अधिषवणमेवैनत्करोति। प्रति
त्वाऽदित्यास्त्वग्वेचित्याह सयत्वाय। अग्नेस्तनूरसीत्याह। अग्नेर्वा एषा तनूः।
यदोषधयः। वाचो विसर्जनमित्याह। यदा हि प्रजा ओषधीनामश्नन्ति। अथ वाचं
विसृजन्ते। देववीतये त्वा गृह्णामीत्याह॥⁴¹॥

देवताभिरेवैनत्समर्धयति। अद्विरसि वानस्पत्य इत्याह। ग्रावाणमेवैनत्करोति। स
इदं देवेभ्यो हव्यं सुशमि शमिष्वेत्याह शान्त्यै। हविष्कृदेहीत्याह। य एव देवानां
हविष्कृतः। तान् ह्वयति। त्रिह्वयति। त्रिषत्या हि देवाः। इषमावदोर्जमावदेत्याह॥⁴²॥
इषमेवोर्जं यजमाने दधाति। द्युमद्वदत वयं सङ्घातं जेष्वेत्याह भ्रातृव्याभिभूत्यै।
मनोः श्रद्धादेवस्य यजमानस्यासुरघ्नी वाक्। यज्ञायुधेषु प्रविष्टाऽऽसीत्। तेऽसुरा
यावन्तो यज्ञायुधानामुद्वदतामुपाशृण्वन्। ते पराभवन्। तस्मात्स्वानां मध्येऽवसायं
यजेत। यावन्तोऽस्य भ्रातृव्या यज्ञायुधानामुद्वदतामुपशृण्वन्ति। ते परा भवन्ति। उच्चैः
समाहन्त वा आह विजित्यै॥⁴³॥

वृद्ध एषामिन्द्रियं वीर्यम्। श्रेष्ठं एषां भवति। वर्षवृद्धमसि प्रति त्वा वर्षवृद्धं
वेक्षित्याह। वर्षवृद्धा वा ओषधयः। वर्षवृद्धा इषीकाः समृद्धौ। यज्ञं
रक्षांस्यनु प्राविशन्। तान्यस्मा पशुभ्यो निरवादयन्त। तुषैरोषधीभ्यः। परापूतं रक्षः
परापूता अरातय इत्याह। रक्षसामपहत्यै॥⁴⁴॥

रक्षसां भागोऽसीत्याह। तुषैरेव रक्षांसि निरवादयते। अप उपस्पृशति मेध्यत्वाय।
वायुर्वो विविनक्तित्याह। पवित्रं वै वायुः। पुनात्येवैनान्। अन्तरिक्षादिव वा एते
प्रस्कन्दन्ति। ये शूपात्। देवो वः सविता हिरण्यपाणिः प्रतिगृह्णात्वित्याह प्रतिष्ठित्यै।
हविषोऽस्कन्दाय। त्रिष्फलीकर्तवा आह। त्र्यावृद्धि यज्ञः। अथो मेध्यत्वाय॥⁴⁵॥

द्वाभ्यामुत्पुनति रश्मयो नयन्त्यग्रे यज्ञपतिं यज्ञोऽदितिरस्कन्दाय गृह्णामीत्याह वदेत्याह विजित्या अपहत्या अस्कन्दाय त्रीणि च॥^[5]

अवधूतं रक्षोऽवधूता अरातय इत्याह। रक्षसामपहत्यै। अदित्यास्त्वगसीत्याह।
इयं वा अदितिः। अस्या एवैनत्त्वचं करोति। प्रति त्वा पृथिवी वेक्षित्याह प्रतिष्ठित्यै।
पुरस्तात्प्रतीचीनग्रीवमुत्तरलोमोपस्तृणाति मेध्यत्वाय। तस्मात्पुरस्तात्प्रत्यश्चः पशवो
मेधमुपतिष्ठन्ते। तस्मात्प्रजा मृगं ग्राहकाः। यज्ञो देवेभ्यो निलायत॥⁴⁶॥

कृष्णो रूपं कृत्वा। यत्कृष्णाजिने हविरधिपिनष्टि। यज्ञादेव तद्यज्ञं प्रयुङ्क्ते।
हविषोऽस्कन्दाय। द्यावापृथिवी सहास्ताम्। ते शम्यामात्रमेकमहर्व्येतां
शम्यामात्रमेकमहः। दिवः स्कम्भनिरसि प्रति त्वाऽदित्यास्त्वग्वेक्षित्याह।
द्यावापृथिव्योर्वीत्यै। धिषणाऽसि पर्वत्या प्रति त्वा दिवः स्कम्भनिर्वेक्षित्याह।

द्यावापृथिव्योर्विधृत्यै॥⁴⁷॥

धिषणांसि पार्वतेयी प्रति त्वा पर्वतिर्वेचित्याह। द्यावापृथिव्योर्विधृत्यै। देवस्य त्वा
सवितुः प्रसव इत्याह प्रसूत्यै। अश्विनोर्बाहुभ्यामित्याह। अश्विनौ हि देवानामध्वर्यू
आस्ताम्। पूष्णो हस्ताभ्यामित्याह यत्यै। अधिवपामीत्याह। यथादेवतमेवैनानधि
वपति। धान्यमसि धिनुहि देवानित्याह। एतस्य यजुषो वीर्येण॥⁴⁸॥

यावदेका देवता कामयते यावदेका। तावदाहुतिः प्रथते। न हि तदस्ति। यत्तावदेव
स्यात्। यावज्जुहोति। प्राणाय त्वाऽपानाय त्वेत्याह। प्राणानेव यजमाने दधाति।
दीर्घामनु प्रसितिमायुषे धामित्याह। आयुरेवास्मिन्दधाति। अन्तरिक्षादिव वा एतानि
प्रस्कन्दन्ति। यानि दृषदः। देवो वः सविता हिरण्यपाणिः प्रतिगृह्णाबित्याह
प्रतिष्ठित्यै। हविषोऽस्कन्दाय। असंवपन्ती पिषाणूनि कुरुतादित्याह मेध्यत्वाय॥⁴⁹॥

निलायत विधृत्यै वीर्येण स्कन्दन्ति चत्वारि च॥

[6]

धृष्टिरसि ब्रह्म यच्छेत्याह धृत्यै। अपाग्नेऽग्निमामादं जहि निष्क्रव्यादं सेधा
देवयजं वहेत्याह। य एवामात्क्रव्यात्। तमपहत्य। मध्येऽग्नौ कपालमुपदधाति।
निर्दग्धं रक्षो निर्दग्धा अरातय इत्याह। रक्षास्येव निर्दहति। अग्निवत्युपदधाति।
अस्मिन्नेव लोके ज्योतिर्धत्ते। अङ्गारमधि वर्तयति॥⁵⁰॥

अन्तरिक्ष एव ज्योतिर्धत्ते। आदित्यमेवामुष्मिल्लोके ज्योतिर्धत्ते। ज्योतिष्मन्तोऽस्मा
इमे लोका भवन्ति। य एवं वेद। ध्रुवमसि पृथिवीं दृष्टेत्याह। पृथिवीमेवैतेन
दृष्टहति। धर्ममस्यन्तरिक्षं दृष्टेत्याह। अन्तरिक्षमेवैतेन दृष्टहति। धरुणमसि दिवं
दृष्टेत्याह। दिवमेवैतेन दृष्टहति॥⁵¹॥

धर्मासि दिशो दृष्टेत्याह। दिशं एवैतेन दृष्टहति। इमानेवैतैर्लोकान्दृष्टहति।
दृष्टहन्तेऽस्मा इमे लोकाः प्रजया पशुभिः। य एवं वेद। त्रीण्यग्ने
कपालान्युपदधाति। त्रयं इमे लोकाः। एषां लोकानामास्यै। एकमग्ने कपालमुप
दधाति। एकं वा अग्ने कपालं पुरुषस्य सम्भवति॥⁵²॥

अथ द्वे। अथ त्रीणि। अथ चत्वारि। अथाष्टौ। तस्मादष्टाकपालं पुरुषस्य शिरः।

यदे॒वं क॒पाला॑न्युप॒दधा॑ति। य॒ज्ञो वै प्र॒जाप॑तिः। य॒ज्ञमे॒व प्र॒जाप॑तिः॒ सङ्स्क्र॑रोति।
आ॒त्मान॑मे॒व तत्सङ्स्क्र॑रोति। त॒ सङ्स्क्र॑तमा॒त्मानम्॑॥⁵³॥

अ॒मुष्मि॑ल्लो॒केऽनु॑ प॒रैति॑। यद॒ष्टावु॑प॒दधा॑ति। गा॒यत्रि॒या तत्स॑म्मितम्। यन्न॒वा त्रि॒वृता॒
तत्। यद॒श। वि॒राजा॒ तत्। यदे॒काद॑श। त्रि॒ष्टुभा॒ तत्। यद्वा॒दश॑॥⁵⁴॥

जग॑त्या॒ तत्। छन्दः॑ स॒म्मितानि॑ स उ॒प॒दध॑त्क॒पाला॑नि। इ॒माँल्लो॒कान॑नुपूर्व॒ दिशो॑
विधृ॑त्यै दृ॒हति॑। अथायुः॑ प्रा॒णान्प्र॒जां प॒शून् यज॑माने दधाति। स॒जा॒तान॑स्मा
अ॒भितो॑ बहु॒लान्क॑रोति। चि॒तः स्थे॒त्याह॑। य॒थाय॑जु॒रेवै॑तत्। भृ॒गूणा॑मङ्गि॒रसान्त॑प॒सा
तप्य॑ध्वमि॒त्याह॑। दे॒वता॑नामे॒वैना॑नि तप॒सा तप॑ति। तानि॑ ततः सङ्स्थि॑ते। या॒नि घ॒र्मे
क॒पाला॑न्युपचि॒न्वन्ति॑ वे॒धस॒ इति॑ चतु॑ष्पद॒यर्चा॑ वि मु॒ञ्चति॑। चतु॑ष्पादः प॒शवः॑।
प॒शुष्वे॒वोपरि॑ष्ठा॒त्प्रति॑ तिष्ठति॥⁵⁵॥

वर्तयति दिवमेवैतेन दृहति सम्भवति त॒ सङ्स्क्र॑तमा॒त्मानं॑ द्वाद॒श सङ्स्थि॑ते त्रीणि च॥ [7]

दे॒वस्य॑ त्वा स॒वितुः॑ प्र॒सव॑ इत्या॒ह प्र॒सूत्यै॑। अ॒श्विनो॑र्बा॒हुभ्या॑मि॒त्याह॑। अ॒श्विनो॒ हि
दे॒वाना॑मध्व॒र्यू आस्ता॑म्। पू॒ष्णो ह॒स्ताभ्या॑मि॒त्याह॑ य॒त्यै। सं व॑पा॒मीत्या॑ह।
य॒थादे॒वत॑मे॒वैना॑नि सं॒वप॑ति। स॒मापो॑ अ॒द्भिर॑ग्मत॒ समो॑ष॒धयो॑ र॒सेने॑त्या॒ह। आ॒पो
वा ओ॑ष॒धीर्जि॑न्वन्ति। ओ॑ष॒धयो॒ऽपो जि॑न्वन्ति। अ॒न्या वा ए॒तासा॑म॒न्या जि॑न्वन्ति॥⁵⁶॥

तस्मा॑दे॒वमा॑ह। स॒ रे॒वती॒र्जग॑तीभि॒र्मधु॑मती॒र्मधु॑मतीभिः सृ॒ज्यध्व॑मि॒त्याह॑। आ॒पो वै
रे॒वतीः॑। प॒शवो॑ जग॑तीः। ओ॑ष॒धयो॒ मधु॑मतीः। आप॒ ओष॑धीः प॒शून्। ताने॒वास्मा॑
ए॒कधा॑ स॒सृज्य॑। मधु॑मतः करोति। अ॒द्भ्यः परि॑ प्र॒जाताः॑ स्थ॒ सम॒द्भिः पृ॑च्यध्वमि॒ति
प॒र्याप्ला॑वयति। य॒था सु॒वृष्ट॑ इ॒माम॑नुवि॒सृत्य॑॥⁵⁷॥

आप॒ ओष॑धीर्म॒हय॑न्ति। ता॒दृगे॒व तत्। ज॒नय॑त्यै त्वा सं॒यौमी॑त्या॒ह। प्र॒जा ए॒वैतेन॑
दा॒धार। अ॒ग्नये॑ त्वाऽग्नी॒षोमा॑भ्यामि॒त्याह॑ व्यावृ॑त्यै। म॒खस्य॑ शि॒रोऽसी॑त्या॒ह। य॒ज्ञो वै
म॒खः। तस्यै॒तच्छि॑रः। यत्पु॑रो॒डाशः॑। तस्मा॑दे॒वमा॑ह॥⁵⁸॥

घ॒र्मोऽसि॑ वि॒श्वायु॑रि॒त्याह॑। वि॒श्वमे॒वायु॑र्यज॑माने दधाति। उ॒रु प्र॑थ॒स्वोरु॑ ते य॒ज्ञप॑तिः
प्र॒थता॑मि॒त्याह॑। यज॑मानमे॒व प्र॒जया॑ प॒शुभिः॑ प्रथयति। त्वचं॑ गृ॒हीष्वे॒त्याह॑।

सर्वमेवैनं सतनुं करोति। अथाप आनीय परिमार्ष्टि। मांस एव तच्च च दधाति।
तस्माच्च मांसं छन्नम्। घर्मो वा एषोऽशान्तः॥⁵⁹॥

अर्धमासेऽर्धमासे प्रवृज्यते। यत्पुरोडाशः। स ईश्वरो यजमानं शुचा प्रदहः।
पर्यग्निं करोति। पशुमेवैनमकः। शान्त्या अप्रदाहाय। त्रिः पर्यग्निं करोति। त्र्यावृद्धिं
यज्ञः। अथो रक्षसामपहत्यै। अन्तरितं रक्षोऽन्तरिता अरांतय इत्याह॥⁶⁰॥

रक्षसामन्तरहित्यै। पुरोडाशं वा अधिश्रितं रक्षांस्यजिघांसन्। दिवि नाको
नामाग्नी रक्षोहा। स एवास्माद्रक्षांस्यपाहन्। देवस्त्वा सविता श्रपयत्वित्याह।
सवितृप्रसूत एवैनं श्रपयति। वर्षिष्ठे अधि नाक इत्याह। रक्षसामपहत्यै।
अग्निस्ते तनुवं माऽतिधागित्याहाऽनतिदाहाय। अग्ने हव्यं रक्षस्वेत्याह गुप्त्यै॥⁶¹॥

अविदहन्तः श्रपयतेति वाचं विसृजते। यज्ञमेव हवींष्यभिव्याहृत्य प्रतनुते।
पुरोरुचमविदाहाय शृत्यै करोति। मस्तिष्को वै पुरोडाशः। तं यन्नाभिं वासयैत्।
आविर्मस्तिष्कः स्यात्। अभिवासयति। तस्माद्गुहां मस्तिष्कः। भस्मनाऽभिवासयति।
तस्मान्मांसेनास्थिं छन्नम्॥⁶²॥

वेदेनाभिवासयति। तस्मात्केशैः शिरश्छन्नम्। अखलतिभावुको भवति। य एवं वेद।
पशोर्वै प्रतिमा पुरोडाशः। स नायजुष्कंमभिवास्यः। वृथैव स्यात्। ईश्वरा
यजमानस्य पशवः प्रमेतोः। सं ब्रह्मणा पृच्यस्वेत्याह। प्राणा वै ब्रह्म॥⁶³॥

प्राणाः पशवः। प्राणैरेव पशून्सम्पृणक्ति। न प्रमायुंका भवन्ति। यजमानो वै
पुरोडाशः। प्रजा पशवः पुरीषम्। यदेवमभिघारयति। यजमानमेव प्रजयां पशुभिः
समर्धयति। देवा वै हविर्भूत्वाऽब्रुवन्। कस्मिन्निदं म्रक्ष्यामह इति।
सोऽग्निरब्रवीत्॥⁶⁴॥

मयि तनूः सं निधध्वम्। अहं वस्तं जनयिष्यामि। यस्मिन्म्रक्ष्यध्व इति। ते देवा
अग्नौ तनूः सन्न्यदधत। तस्मादाहुः। अग्निः सर्वा देवता इति। सोऽङ्गारेणापः।
अभ्यपातयत्। तत एकतोऽजायत। स द्वितीयमभ्यपातयत्॥⁶⁵॥

ततो द्वितोऽजायत। स तृतीयमभ्यपातयत्। ततस्त्रितोऽजायत। यदद्भ्योऽजायन्त।

तदा॒प्याना॑माप्य॒त्बम्। यदा॒त्मभ्यो॑ऽजाय॒न्त। तदा॒त्म्याना॑मात्म्य॒त्बम्। ते दे॒वा
आ॒प्येष्व॑मृजत। आ॒प्या अ॑मृजत॒ सूर्या॑भ्युदिते। सूर्या॑भ्युदितः॒ सूर्या॑भिनिमुक्ते॥ ६६ ॥

सूर्या॑भिनिमुक्तः कुन॒खिनि॑। कुन॒खी श्या॑वदति। श्या॒वद॑न्नग्रदिधिषौ। अ॒ग्रदिधि॑षुः
परि॒वित्ते। परि॒वित्तो वी॑रहणि। वी॒रहा ब्र॑ह्महणि। तद्ब्र॑ह्महणं नात्य॑च्यवत। अ॒न्तर्वे॑दि
निन॑यत्यवरु॒द्धौ। उत्सु॑केनाभि गृ॒ह्णाति श्रु॑त॒त्वाय॑। श्रु॒तका॑मा इव॒ हि दे॒वाः॥ ६७ ॥

अ॒न्या जि॑न्वन्त्यनु॒ विसृ॑त्यैवमा॒हाशान्त॑ आह॒ गुप्त्यै॑ छ॒न्नं ब्रह्मा॑ब्रवीद्वितीयम॒भ्य॑पातयत्सूर्या॑भिनिमुक्ते दे॒वाः॥ [८]

दे॒वस्य॑ त्वा स॒वितुः प्र॑स॒व इति॑ स्यमाद॑त्ते प्रसू॒त्यै। अ॒श्विनो॑र्बा॒हुभ्या॑मित्या॒ह। अ॒श्विनो॑
हि दे॒वाना॑मध्व॒र्यू आस्ता॑म्। पू॒ष्णो हस्ता॑भ्या॒मित्या॑ह॒ यत्यै॑। आद॑द इन्द्र॒स्य बा॒हुर॑सि
दक्षि॑ण इत्या॒ह। इन्द्रि॒यमे॒व यज॑माने दधाति। सह॑स्रभृष्टिः श॒तते॑जा इत्या॒ह।
रूप॑मे॒वास्यै॒तन्महि॑मानं व्याच॑ष्टे। वा॒युर॑सि ति॒ग्मते॑जा इत्या॒ह। तेजो॑ वै वा॒युः॥ ६८ ॥

तेज॑ ए॒वास्मि॑न्दधाति। विषा॒द्वे नामा॑सुर आसीत्। सोऽ॒बिभेत्। यज्ञे॑न॒ मा दे॒वा
अ॒भिभ॑विष्यन्तीति। स पृ॒थि॒वीम॒भ्य॑वमीत्। सा मे॒ध्याऽभ॑वत्। अथो॒ यदिन्द्रो॑
वृ॒त्रम॑हन्। तस्य॒ लोहि॑तं पृ॒थि॒वीमनु॑ व्य॒धावत्। सा मे॒ध्याऽभ॑वत्। पृ॒थि॒वि
दे॒वय॑जनीत्या॒ह॥ ६९ ॥

मे॒ध्यामे॒वैना॑ दे॒वय॑जनीं करोति। ओष॑ध्यास्ते मूलं॒ मा हि॑सिष॒मित्या॑ह।
ओष॑धीनामहि॑सायै। व्रजं गच्छ गो॒स्थान॑मित्या॒ह। छन्दा॑सि॒ वै व्रजो॑ गो॒स्थानः॑।
छन्दा॑स्ये॒वास्मै॑ व्रजं गो॒स्थानं॑ करोति। वर्ष॑तु ते द्यौरि॒त्याह॑। वृष्टि॑र्वै द्यौः।
वृष्टि॑मे॒वाव॑ रुन्धे। ब॒धान॑ दे॒व स॒वितः पर॑मस्या॒ परा॑वतीत्या॒ह॥ ७० ॥

द्यौ वा॒व पुरु॑षौ। यं चै॒व द्वेष्टि॑। यश्चैनं॒ द्वेष्टि॑। तावु॑भौ ब॒ध्नाति॑ पर॒मस्या॑ परा॒वति॑
श॒तेन॑ पाशैः। योऽ॒स्मान्द्वेष्टि॑ यं च॒ वयं॑ द्विष्मस्तमतो॒ मा मौ॑गित्या॒हानि॑मुक्त्ये।
अ॒ररु॑र्वै नामा॑सुर आसीत्। स पृ॒थि॒व्यामुप॑मु॒क्षोऽश्न॑यत्। तं दे॒वा अप॑हतोऽरुः
पृ॒थि॒व्या इति॑ पृ॒थि॒व्या अपा॑घ्नन्। भ्रातृ॑व्यो वा अ॒ररुः। अप॑हतोऽरुः पृ॒थि॒व्या इति॑
यदा॑ह॥ ७१ ॥

भ्रातृ॑व्यमे॒व पृ॒थि॒व्या अप॑हन्ति। तेऽम॑न्यन्त। दि॒वं वा अ॒यमि॑तः प॑तिष्यतीति।

तमरुरुस्ते दिवं माऽस्का॒निति॑ दि॒वः पर्य॑बाधन्त। भ्रातृ॑व्यो वा अ॒रुरुः। अ॒रुरुस्ते दि॒वं
मा स्का॒निति॑ यदाह॑। भ्रातृ॑व्यमे॒व दि॒वः परि॑बाधते। स्त॒म्बय॒जुर्हर॑ति। पृ॒थि॒व्या ए॒व
भ्रातृ॑व्यमप॑हन्ति। द्वितीय॑ हरति॥⁷²॥

अ॒न्तरि॑क्षादे॒वैनम॑प॑हन्ति। तृतीय॑ हरति। दि॒व ए॒वैनम॑प॑हन्ति। तू॒ष्णीं च॑तुर्थ॑ हरति।
अ॒परि॑मितादे॒वैनम॑प॑हन्ति। असु॑राणां वा इ॒यम॒ग्र आसीत्। याव॑दासीनः
परा॒पश्य॑ति। ताव॑द्दे॒वाना॑म्। ते दे॒वा अ॑ब्रुवन्। अ॒स्त्रे॒व नोऽस्याम॑पीति॥⁷³॥

क॒यन्नो दा॑स्य॒थेति॑। याव॑त्स्त्र॒यं परि॑गृह्णी॒थेति॑। ते वस॑व॒स्त्रेति॑ दक्षिणतः पर्य॑गृह्णन्।
रु॒द्रास्त्रेति॑ पश्चात्। आ॒दि॒त्यास्त्रे॒त्युत्तर॑तः। तै॑ऽग्निना प्रा॒ञ्चोऽज॑यन्। वसु॑भिर्दक्षि॒णा।
रु॒द्रैः प्र॒त्यञ्चः। आ॒दि॒त्यैरु॒दञ्चः। यस्यै॒वं वि॒दुषो॒ वेदि॑ परि॑गृह्णन्ति॥⁷⁴॥

भ॒व॑त्या॒त्मना॑। परा॑ऽस्य भ्रातृ॑व्यो भवति। दे॒वस्य॑ स॒वितुः स॒व इत्या॑ह प्रसू॒त्यै। कर्म॑
कृ॒ण्वन्ति वे॒धस॒ इत्या॑ह। इ॒षित॑ हि कर्म क्रि॒यते॑। पृ॒थि॒व्यै मे॒ध्यं चा॒मे॒ध्यं च॒
व्यु॒द॑क्रामताम्। प्रा॒चीन॑मुदी॒चीनं॑ मे॒ध्यम्। प्र॒ती॒चीनं॑ दक्षि॒णाऽमे॒ध्यम्। प्रा॒ची॒मुदी॒चीं
प्र॒व॒णां क॑रोति। मे॒ध्यामे॒वैनो॑ दे॒वय॑ज॒नीं क॑रोति॥⁷⁵॥

प्रा॒ञ्चो वे॒द्यः सा॒वुन्न॑यति। आ॒ह॒वनी॑यस्य परि॑गृहीत्यै। प्र॒ती॒ची श्रो॒णीं। गा॒र्हप॑त्यस्य
परि॑गृहीत्यै। अथो॑ मिथुन॒त्वाय॑ उ॒द्ध॑न्ति। यदे॒वास्या॑ अ॒मे॒ध्यम्। तद॑प॑हन्ति। उ॒द्ध॑न्ति।
तस्मा॑दोष॑धयः परा॑भवन्ति॥⁷⁶॥

मू॒लं छि॑नन्ति। भ्रातृ॑व्यस्यै॒व मू॒लं छि॑नन्ति। मू॒लं वा अ॑ति॒तिष्ठ॒द्रक्षा॑स्यनू॒त्पि॑पते।
यद्ध॑स्तेन छि॒न्द्यात्। कु॒न॒खिनीः॑ प्र॒जाः स्युः। स्ये॒न छि॑नन्ति। वज्रो॑ वै स्यः।
वज्रे॑णै॒व य॒ज्ञाद्रक्षा॑स्यप॑हन्ति। पि॒तृदे॒वत्या॑ऽति॒खाता॑। इ॒यतीं॑ खनति॥⁷⁷॥

प्र॒जाप॑तिना य॒ज्ञमु॒खेन॑ स॒मि॒ताम्। वेदि॑र्दे॒वेभ्यो॑ नि॒लाय॑त। तां च॑तुरङ्गुलेऽन्व॑विन्दन्।
तस्मा॑च्चतुरङ्गुलं खेया॑। च॒तुर॒ङ्गुलं॑ खनति। च॒तुर॒ङ्गुले॑ ह्योष॑धयः प्र॒ति॒तिष्ठ॑न्ति। आ
प्र॒ति॒ष्ठायै॑ खनति। यज॑मानमे॒व प्र॑ति॒ष्ठां ग॑मयति। द॒क्षि॒णतो॑ वर्षी॑यसीं करोति।
दे॒वय॑ज॒नस्यै॒व रू॒पम॑कः॥⁷⁸॥

पुरीषवतीं करोति। प्रजा वै पशवः पुरीषम्। प्रजयेवैनं पशुभिः पुरीषवन्तं करोति।
उत्तरं परिग्राहं परिगृह्णाति। एतावती वै पृथिवी। यावती वेदिः। तस्या एतावत एव
भ्रातृव्यं निर्भज्यं। आत्मन उत्तरं परिग्राहं परिगृह्णाति।
ऋतमस्यृतसदनमस्यृतश्रीरसीत्याह। यथायजुरेवैतत्॥⁷⁹॥

क्रूरमिव वा एतत्करोति। यद्वेदिं करोति। धा असि स्वधा असीति योयुष्यते
शान्त्यै। उर्वी चासि वस्वी चासीत्याह। उर्वीमेवेनां वस्वीं करोति। पुरा क्रूरस्य
विसृपो विरञ्छिन्नित्याह मेध्यत्वाय। उदादाय पृथिवीं जीरदानुर्यामैरयश्चन्द्रमसि
स्वधाभिरित्याह। यदेवास्या अमेध्यम्। तदपहत्य। मेध्या देवयजनीं कृत्वा॥⁸⁰॥

यददश्चन्द्रमसि मेध्यम्। तदस्यामेरयति। तां धीरांसो अनुदृश्य यजन्त
इत्याहानुख्यात्यै। प्रोक्षणीरा सादय। इध्माबर्हिरुपसादय। स्रुवं च स्रुचंश्च
सम्मृद्धि। पत्नीं सन्नह्य। आज्येनोदेहीत्याहानुपूर्वतायै। प्रोक्षणीरा सादयति। आपो
वै रक्षोघ्नीः॥⁸¹॥

रक्षसामपहत्यै। स्यस्य वर्त्मन्त्सादयति। यज्ञस्य सन्तत्यै। उवाच हासितो देवलः।
एतावतीर्वा अमुष्मिल्लोक आप आसन्। यावतीः प्रोक्षणीरिति। तस्माद्ब्रह्मीरासाद्याः।
स्यमुदस्यन्। यं द्विष्यात्तं ध्यायेत्। शुचैवैनमर्पयति॥⁸²॥

वै वायुराह परावतीत्याह द्वितीयं हस्तीति परिगृह्णाति देवयजनीं करोति भवन्ति खनत्यकरेतत्कृत्वा रक्षोघ्नीरर्पयति॥ [9]

वज्रो वै स्यः। यदन्वञ्चं धारयेत्। वज्रेऽध्वर्युः क्षण्वीत। पुरस्तात्तिर्यञ्चं धारयति।
वज्रो वै स्यः। वज्रेणैव यज्ञस्य दक्षिणतो रक्षास्यपहन्ति। अग्निभ्यां प्राचंश्च
प्रतीचंश्च। स्येनोदीचश्चाधराचंश्च। स्येन वा एष वज्रेणास्यै पाप्मानं
भ्रातृव्यमपहत्यै। उत्करेऽधि प्रवृश्चति॥⁸³॥

यथोपधाय वृश्चन्त्येवम्। हस्तावव नेनित्ते। आत्मानमेव पवयते। स्यं प्रक्षालयति
मेध्यत्वाय। अथो पाप्मानं एव भ्रातृव्यस्य न्यङ्गं छिनत्ति। इध्माबर्हिरुपसादयति
युक्त्यै। यज्ञस्य मिथुनत्वाय। अथो पुरोरुचमेवैतां दधाति। उत्तरस्य
कर्मणोऽनुख्यात्यै। न पुरस्तात्प्रत्यगुपसादयेत्॥⁸⁴॥

यत्पु॒रस्ता॑त्प्र॒त्यगु॑पसा॒दये॑त्। अ॒न्यत्रा॑हुतिप॒थादि॑ध्मं प्र॒तिपा॑दयेत्। प्र॒जा वै ब॒र्हिः।
 अप॑राध्रुयाद्ब॒र्हिषा॑ प्र॒जाना॑ प्र॒जन॑नम्। पश्चात्प्रागु॑पसा॒दय॑ति। आ॒हुति॑प॒थेने॒ध्मं
 प्र॒तिपा॑दयति। स॒म्प्रत्ये॑व ब॒र्हिषा॑ प्र॒जाना॑ प्र॒जन॑नमु॒पैति॑। दक्षि॑णमि॒ध्मम्। उत्त॑रं
 ब॒र्हिः। आ॒त्मा वा इ॒ध्मः। प्र॒जा ब॒र्हिः। प्र॒जा ह्या॑त्मन॒ उत्त॑रतरा ती॒र्थे। ततो॑
 मे॒धमु॑पनीय। य॒थादे॒वतमे॒वेन॒ त्प्रति॑ष्ठापयति। प्र॒ति॑तिष्ठति प्र॒जया॑ प॒शुभि॑र्यज॒मानः॥⁸⁵॥

वृश्चति सा॒दये॑दि॒ध्मः प॑थं च॥ [10]

तृती॒यस्यां॑ दे॒वस्या॑श्चप॒र्शुं यो॑ वै पू॒र्वेद्युः॑ कर्म॑णे वा॒मिन्द्रो॑ वृ॒त्रम॑ह॒न्त्सोऽपोऽव॑धूत॒न्धृष्टि॑र्दे॒वस्ये॒त्याह॑ सं व॑पामि दे॒वस्य॑ स्य॒मा द॑दे वज्रो
 वै स्यो द॑श॥¹⁰॥

तृती॒यस्यां॑ य॒ज्ञस्या॑न॒तिरेका॑य प॒वित्र॑वत्यध्व॒र्युं चा॑धि॒षव॑णमस्य॒न्तरि॑क्ष ए॒व रक्ष॑साम॒न्तर्हि॑त्यै द्वौ वा॒व पु॑रुषौ यद॒दश्च॒न्द्रम॑सि मे॒ध्यं
 प॒ञ्चाशी॑तिः॥⁸⁵॥

तृती॒यस्यां॑ यज॑मानः॥

हरिः॑ ॐ॥

॥इति श्रीकृष्णयजुर्वेदीयतैत्तिरीयब्राह्मणे तृतीयाष्टके द्वितीयः प्रपाठकः समाप्तः॥

॥तृतीयः प्रश्नः॥

॥तैत्तिरीयब्राह्मणे तृतीयाष्टके तृतीयः प्रपाठकः॥

प्रत्युष्टं रक्षः प्रत्युष्टा अरांतय इत्याह। रक्षसामपहत्यै। अग्नेर्वस्तेजिष्ठेन तेजसा
निष्टपामीत्याह मेध्यत्वाय। सूचः सम्मार्ष्टि। सुवमग्रै। पुमांसमेवाभ्यः सृष्यति
मिथुनत्वाय। अथ जुहूम्। अथोपभृतम्। अथ ध्रुवाम्। असौ वै जुहूः॥¹॥

अन्तरिक्षमुपभृतम्। पृथिवी ध्रुवा। इमे वै लोकाः सूचः। वृष्टिः सम्मार्जनानि। वृष्टिर्वा
इमाँल्लोकाननुपूर्वं कल्पयति। ते ततः क्लृप्ताः समेधन्ते। समेधन्तेऽस्मा इमे
लोकाः प्रजया पशुभिः। य एवं वेद। यदि कामयेत वर्षुकः पर्जन्यः स्यादिति।
अग्रतः सम्मृज्यात्॥²॥

वृष्टिमेव नि यच्छति। अवाचीनां ग्रा हि वृष्टिः। यदि कामयेतावर्षुकः स्यादिति।
मूलतः सम्मृज्यात्। वृष्टिमेवोदच्छति। तद्वा आहुः। अग्रत
एवोपरिष्ठात्सम्मृज्यात्। मूलतोऽधस्तात्। तदनुपूर्वं कल्पते। वर्षुको भवतीति॥³॥
प्राचीमभ्याकारम्। अग्रैरन्तरतः। एवमिव ह्यन्नमद्यते। अथो अग्राद्वा ओषधीनामूर्जं
प्रजा उपजीवन्ति। ऊर्ज एवान्नादस्यावरुद्धौ। अधस्तात्प्राचीम्। दण्डमुत्तमतः।
मूलेन मूलं प्रतिष्ठित्यै। तस्मादरत्नौ प्राञ्चुपरिष्ठाँलोमानि। प्रत्यञ्चधस्तात्॥⁴॥

स्रग्ध्येषा। प्राणो वै सूचः। जुहूर्दक्षिणो हस्तः। उपभृत्सव्यः। आत्मा ध्रुवा। अन्नं
सम्मार्जनानि। मुखतो वै प्राणोऽपानो भूत्वा। आत्मानमन्नं प्रविश्य। बाह्यतस्तनुवः
शुभयति। तस्मात्स्रुवमेवाग्रे सम्मार्ष्टि। मुखतो हि प्राणोऽपानो भूत्वा।
आत्मानमन्नमाविशति। तौ प्राणापानौ। अव्यर्धुकः प्राणापानाभ्यां भवति। य एवं
वेद॥⁵॥

जुहूर्मृज्याद्भवतीति प्रत्यञ्चधस्ताँन्मार्ष्टि पञ्च च॥ [1]

दिवः शिल्पमवततम्। पृथिव्याः ककुभि श्रितम्। तेन वयः सहस्रवल्शेन। सपत्नं
नाशयामसि स्वाहेति स्रुक्सम्मार्जनान्यग्नौ प्र हरति। आपो वै दर्भाः।

रूपमेवैषामेतन्महिमानं व्याचष्टे। अनुष्टुभर्चा। आनुष्टुभः प्रजापतिः। प्राजापत्यो
वेदः। वेदस्याग्रं सुखसम्मार्जनानि॥६॥

स्वेनैवैनानि छन्दसा। स्वयां देवतया समर्धयति। अथो ऋग्वाव योषां। दर्भो वृषां।
तन्मिथुनम्। मिथुनमेवास्य तद्यज्ञे करोति प्रजननाय। प्रजायते प्रजयां
पशुभिर्यजमानः। तान्येके वृथैवापास्यन्ति। तत्तथा न कार्यम्। आरब्धस्य यज्ञियस्य
कर्मणः सविदोहः॥७॥

यद्येनानि पशवोऽभि तिष्ठेयुः। न तत्पशुभ्यः कम्। अद्भिर्मार्जयिबोत्करे न्यस्येत्।
यद्वै यज्ञियस्य कर्मणोऽन्यत्राहुतीभ्यः सन्तिष्ठते। उत्करो वाव तस्य प्रतिष्ठा। एताः
हि तस्मै प्रतिष्ठां देवाः समभरन्। यदद्भिर्मार्जयति। तेन शान्तम्। यदुत्करे
न्यस्यति। प्रतिष्ठामेवैनानि तद्गमयति॥८॥

प्रतितिष्ठति प्रजयां पशुभिर्यजमानः। अथौ स्तम्बस्य वा एतद्रूपम्।
यत्सुखसम्मार्जनानि। स्तम्बशो वा ओषधयः। तासां जरत्कक्षे पशवो न रमन्ते।
अप्रियो ह्येषां जरत्कक्षः। यावदप्रियो ह वै जरत्कक्षः पशूनाम्। तावदप्रियः पशूनां
भवति। यस्यैतान्यन्यत्राग्नेर्दधति। नवदाव्यासु वा ओषधीषु पशवो रमन्ते॥९॥

नवदावो ह्येषां प्रियः। यावत्प्रियो ह वै नवदावः पशूनाम्। तावत्प्रियः पशूनां
भवति। यस्यैतान्यग्नौ प्रहरन्ति। तस्मादेतान्यग्नावेव प्रहरेत्। यतरस्मिन्त्सम्मृज्यात्।
पशूनां धृत्यै। यो भूतानामधिपतिः। रुद्रस्तन्तिचरो वृषां। पशून्स्माकं मा हिंसीः।
एतदस्तु हुतं तव स्वाहेत्यग्निसम्मार्जन्यग्नौ प्रहरति। एषा वा एतेषां योनिः। एषा
प्रतिष्ठा। स्वामेवैनानि योनिम्। स्वां प्रतिष्ठां गमयति। प्रतितिष्ठति प्रजयां
पशुभिर्यजमानः॥१०॥

वेदस्याग्रं सुखसम्मार्जनानि विदोहो गमयति पशवो रमन्ते हिंसीष्वट् च॥ [2]

अयज्ञो वा एषः। योऽपत्नीकः। न प्रजाः प्रजायेरन्। पत्न्यन्वास्ते। यज्ञमेवाकः।
प्रजानां प्रजननाय। यत्तिष्ठन्ती सन्नह्येत। प्रियं ज्ञातिः रुन्ध्यात्। आसीना सन्नह्यते।
आसीना ह्येषा वीर्यं करोति॥११॥

यत्पश्चात्प्राच्यन्वासीत्। अनया समदन्दधीत। देवानां पत्न्या समदन्दधीत।
देशादक्षिणत उदीच्यन्वास्ते। आत्मनो गोपीथाय। आशासाना सौमनसमित्याह।
मेध्यामेवैनाङ्केवलीं कृत्वा। आशिषा समर्धयति। अग्नेरनुव्रता भूत्वा सन्नह्ये सुकृताय
कमित्याह। एतद्वै पत्न्यै व्रतोपनयनम्॥¹²॥

तेनैवैना व्रतमुपनयति। तस्मादाहुः। यश्चैवं वेद यश्च न। योक्तमेव युते। यमन्वास्ते।
तस्यामुष्मिल्लोके भवतीति योक्तेण। यद्योक्तम्। स योगः। यदास्ते। स क्षेमः॥¹³॥

योगक्षेमस्य क्लृप्त्यै। युक्तङ्क्रियाता आशीः कामे युज्याता इति। आशिषः समृद्धौ।
ग्रन्थिङ्गन्नाति। आशिष एवास्यां परि गृह्णाति। पुमान् वै ग्रन्थिः। स्त्री पत्नी।
तन्मिथुनम्। मिथुनमेवास्य तद्वज्रे करोति प्रजननाय। प्र जायते प्रजया
पशुभिर्यजमानः॥¹⁴॥

अथो अर्धो वा एष आत्मनः। यत्पत्नी। यज्ञस्य धृत्या अग्निधिलम्भावाय।
सुप्रजसंस्त्वा वयं सुपत्नीरुपं सेदिमेत्याह। यज्ञमेव तन्मिथुनीकरोति।
ऊनेऽतिरिक्तन्धीयाता इति प्रजात्यै। महीनां पयोऽस्योषधीनां रस इत्याह।
रूपमेवास्यैतन्महिमानं व्याचष्टे। तस्य तेऽक्षीयमाणस्य निर्वपामि देवयज्याया
इत्याह। आशिषमेवैतामा शास्ते॥¹⁵॥

करोति व्रतोपनयनं क्षेमो यजमानः शास्ते॥ [3]

घृतं च वै मधुं च प्रजापतिरासीत्। यतो मध्वासीत्। ततः प्रजा असृजत।
तस्मान्मधुषि प्रजननमिवास्ति। तस्मान्मधुषा न प्रचरन्ति। यातयाम हि। आज्येन
प्रचरन्ति। यज्ञो वा आज्यम्। यज्ञेनैव यज्ञं प्रचरन्त्ययातयामत्वाय। पत्न्यैवेक्षते॥¹⁶॥

मिथुनत्वाय प्रजात्यै। यद्वै पत्नी यज्ञस्य करोति। मिथुनं तत्। अथो पत्न्या एवैष
यज्ञस्यान्वारम्भोऽनवच्छित्यै। अमेध्यं वा एतत्करोति। यत्पत्न्यैवेक्षते। गार्हपत्येऽधि
श्रयति मेध्यत्वाय। आहवनीयमभ्युद्भवति। यज्ञस्य सन्तत्यै। तेजोऽसि तेजोऽनु
प्रेहीत्याह॥¹⁷॥

तेजो वा अग्निः। तेज आज्यम्। तेजसैव तेजः समर्धयति। अग्निस्ते तेजो मा
विनैदित्याहाहिंसायै। स्प्यस्य वर्त्मन्त्सादयति। यज्ञस्य सन्तत्यै। अग्नेर्जिह्वाऽसि

सुभूर्देवानामित्याह। यथायजुरेवैतत्। धाम्नैधाम्ने देवेभ्यो यजुषेयजुषे भवेत्याह।
आशिषमेवैतामा शास्ते॥¹⁸॥

तद्वा अतः पवित्राभ्यामेवोत्पुनाति। यजमानो वा आज्यम्। प्राणापानौ पवित्रौ।
यजमान एव प्राणापानौ दधाति। पुनराहारम्। एवमिव हि प्राणापानौ सञ्चरतः।
शुक्रमसि ज्योतिरसि तेजोऽसीत्याह। रूपमेवास्यैतन्महिमानं व्याचष्टे। त्रिर्यजुषा।
त्रयं द्विमे लोकाः॥¹⁹॥

एषां लोकानामात्यै। त्रिः। त्र्यावृद्धि यज्ञः। अथो मेध्यत्वाय। अथाज्यवतीभ्यामपः।
रूपमेवासांमेतद्वर्णं दधाति। अपि वा उताहुः। यथा ह वै योषां सुवर्णं हिरण्यं
पेशलं बिभ्रती रूपाण्यास्तै। एवमेता एतर्हीति। आपो वै सर्वा देवताः॥²⁰॥

एषा हि विश्वेषां देवानां तनूः। यदाज्यम्। तत्रोभयौर्मामासा। जामि स्यात्।
यद्यजुषाऽऽज्यं यजुषाऽप उत्पुनीयात्। छन्दसाऽप उत्पुनात्यजामिन्वाय। अथो
मिथुनत्वाय। सावित्रियर्चा। सवितृप्रसूतं मे कर्मासदिति। सवितृप्रसूतमेवास्य कर्म
भवति। पच्छो गायत्रिया त्रिष्वमृद्धत्वाय। अद्भिरेवौषधीः सं नयति। ओषधीभिः
पशून्। पशुभिर्यजमानम्। शुक्रं त्वा शुक्रायां ज्योतिस्त्वा ज्योतिष्यर्चिस्त्वाऽर्चिषीत्याह
सर्वत्वाय। पर्याप्त्या अनन्तरायाय॥²¹॥

ईक्षत आह शास्ते लोका देवता भवति पदं च॥

[4]

देवासुराः संयत्ता आसन्। स एतमिन्द्र आज्यस्यावकाशमपश्यत्। तेनावैक्षत। ततो
देवा अभवन्। पराऽसुराः। य एवं विद्वानाज्यमवेक्षते। भवत्यात्मना। पराऽस्य
भ्रातृव्यो भवति। ब्रह्मवादिनो वदन्ति। यदाज्येनान्यानि हवीष्यभिघारयति॥²²॥

अथ केनाज्यमिति। सत्येनेति ब्रूयात्। चक्षुर्वै सत्यम्। सत्येनैवैनदभि घारयति।
ईश्वरो वा एषोऽन्धो भवितोः। यश्चक्षुषाऽऽज्यमवेक्षते। निमील्यावैक्षेत।
दाधारात्मश्चक्षुः। अभ्याज्यङ्घारयति। आज्यं गृह्णाति॥²³॥

छन्दांसि वा आज्यम्। छन्दांस्येव प्रीणाति। चतुर्जुह्वां गृह्णाति। चतुष्पादः पशवः।
पशून्नेवाव रुन्धे। अष्टावुपभृति। अष्टाक्षरा गायत्री। गायत्रः प्राणः। प्राणमेव पशुषु

दधाति। चतुर्ध्रुवायाम्॥²⁴॥

चतुष्पादः पशवः। पशुष्वेवोपरिष्ठात्प्रति तिष्ठति। यजमानदेवत्या वै जुहूः।
भ्रातृव्यदेवत्योपभृत्। चतुर्जुह्वां गृह्णन्भूयो गृह्णीयात्। अष्टावुपभृति गृह्णन्कनीयः।
यजमानायैव भ्रातृव्यमुपस्तिं करोति। गौर्वै सूचः। चतुर्जुह्वां गृह्णाति।
तस्माच्चतुष्पदी॥²⁵॥

अष्टावुपभृति। तस्मादष्टाशफा। चतुर्ध्रुवायाम्। तस्माच्चतुः स्तना। गामेव
तत्सङ्स्करोति। सास्मै सङ्स्कृतेषमूर्जन्दुहे। यज्जुह्वां गृह्णाति। प्रयाजेभ्यस्तत्।
यदुपभृति। प्रयाजानूयाजेभ्यस्तत्। सर्वस्मै वा एतद्यज्ञाय गृह्यते।
यद्भुवायामाज्यम्॥²⁶॥

अभिघारयति गृह्णाति ध्रुवायाश्चतुष्पदी प्रयाजानूयाजेभ्यस्तद्धे च॥

[5]

आपो देवीरग्रेपुवो अग्रेगुव इत्याह। रूपमेवासांमेतन्महिमानं व्याचष्टे। अग्रं इमं
यज्ञन्नयताग्रे यज्ञपतिमित्याह। अग्रं एव यज्ञन्नयन्ति। अग्रे यज्ञपतिम्।
युष्मानिन्द्रोऽवृणीत वृत्रतूर्यं यूयमिन्द्रमवृणीध्वं वृत्रतूर्य इत्याह। वृत्रं हं
हनिष्यन्निन्द्र आपो वव्रे। आपो हेन्द्रं वव्रिरे। संज्ञामेवासांमेतत्सामानं व्याचष्टे।
प्रोक्षिताः स्थेत्याह॥²⁷॥

तेनापः प्रोक्षिताः। अग्निर्देवेभ्यो निलायत। कृष्णो रूपं कृत्वा। स वनस्पतीन्प्राविशत्।
कृष्णोऽस्याखरेष्ठोऽग्नये त्वा स्वाहेत्याह। अग्नयं एवेनं जुष्टं करोति। अथो अग्नेरेव
मेधमवं रुन्धे। वेदिरसि बर्हिषे त्वा स्वाहेत्याह। प्रजा वै बर्हिः। पृथिवी वेदिः॥²⁸॥
प्रजा एव पृथिव्यां प्रतिष्ठापयति। बर्हिरसि सुगम्यस्त्वा स्वाहेत्याह। प्रजा वै
बर्हिः। यजमानः सूचः। यजमानमेव प्रजासु प्रतिष्ठापयति। दिवे त्वाऽन्तरिक्षाय
त्वा पृथिव्यै त्वेति बर्हिरासाद्य प्रोक्षति। एभ्य एवेनलोकेभ्यः प्रोक्षति। अथ ततः
सह सूचा पुरस्तात्प्रत्यक्षं ग्रन्थिं प्रत्युक्षति। प्रजा वै बर्हिः। यथा सूत्यै काल
आपः पुरस्ताद्यन्ति॥²⁹॥

तादृगेव तत्। स्वधा पितृभ्य इत्याह। स्वधाकारो हि पितृणाम्। ऊर्गभव बर्हिषद्भ्य

इति दक्षिणायै श्रोणेरोत्तरस्यै निनयति सन्तत्यै। मासा वै पितरो बर्हिषदः।
मासानेव प्रीणाति। मासा वा ओषधीर्वर्धयन्ति। मासाः पचन्ति समृद्धौ।
अनतिस्कन्दन् ह पर्जन्यो वर्षति। यत्रैतदेवङ्क्रियते॥³⁰॥

ऊर्जा पृथिवीङ्गच्छतेत्याह। पृथिव्यामेवोर्जं दधाति। तस्मात्पृथिव्या ऊर्जा भुञ्जते।
ग्रन्थिं वि स्रंसयति। प्रजनयत्येव तत्। ऊर्ध्वं प्राध्वमुद्धूढं प्रत्यध्वमा यच्छति।
तस्मात्प्राचीनः रेतो धीयते। प्रतीचीः प्रजा जायन्ते। विष्णोः स्तूपोऽसीत्याह। यज्ञो
वै विष्णुः॥³¹॥

यज्ञस्य धृत्यै। पुरस्तात्प्रस्तरं गृह्णाति। मुख्यमेवेनं करोति। इयन्तं गृह्णाति।
प्रजापतिना यज्ञमुखेन सम्मितम्। इयन्तं गृह्णाति। यज्ञपरुषा सम्मितम्। इयन्तं
गृह्णाति। एतावद्वै पुरुषे वीर्यम्। वीर्यसम्मितम्॥³²॥

अपरिमितं गृह्णाति। अपरिमितस्यावरुद्धौ। तस्मिन्पवित्रे अपि सृजति। यजमानो वै
प्रस्तरः। प्राणापानौ पवित्रौ। यजमान एव प्राणापानौ दधाति। ऊर्णाम्रदसन्त्वा
स्तृणामीत्याह। यथायजुरेवैतत्। स्वासस्थं देवेभ्य इत्याह। देवेभ्य एवेनत्स्वासस्थं
करोति॥³³॥

बर्हिः स्तृणाति। प्रजा वै बर्हिः। पृथिवी वेदिः। प्रजा एव पृथिव्यां प्रतिष्ठापयति।
अनतिदृश्च स्तृणाति। प्रजयैवेनं पशुभिरनतिदृश्च करोति। धारयन्प्रस्तरं परिधीन्परि
दधाति। यजमानो वै प्रस्तरः। यजमान एव तत्स्वयं परिधीन्परि दधाति।
गन्धर्वोऽसि विश्वावसुरित्याह॥³⁴॥

विश्वमेवायुर्यजमाने दधाति। इन्द्रस्य बाहुरसि दक्षिण इत्याह। इन्द्रियमेव यजमाने
दधाति। मित्रावरुणौ त्वोत्तरतः परिधत्तामित्याह। प्राणापानौ मित्रावरुणौ।
प्राणापानावेवास्मिन्दधाति। सूर्यस्त्वा पुरस्तात् पाबित्याह। रक्षसामपहत्यै।
कस्याश्चिदभिषस्त्या इत्याह। अपरिमितादेवेनं पाति॥³⁵॥

वीतिहोत्रन्त्वा कव इत्याह। अग्निमेव होत्रेण समर्थयति। द्युमन्तः समिधीमहीत्याह
समिद्धौ। अग्ने बृहन्तमध्वर इत्याह वृद्धौ। विशो यन्त्रे स्थ इत्याह। विशां यत्यै।

उ॒दी॒चीना॑ग्रे नि द॑धाति प्र॒ति॒ष्ठि॒त्यै। व॒सू॒नां रु॒द्राणा॑मादि॒त्यानां॑ स॒द॒सि सी॒दे॒त्याह॑।
दे॒वता॑नामे॒व स॒द॒ने प्र॒स्तरं॑ सा॒दय॑ति। जु॒हूर॑सि घृ॒ताची॑ नाम्ने॒त्याह॑॥³⁶॥

अ॒सौ वै जु॒हूः। अ॒न्तरि॑क्षमु॒प॒भृत्। पृ॒थि॒वी ध्रु॒वा। तासा॑मे॒तदे॒व प्रि॒यन्नाम॑।
यद्धृ॒ताची॑ति। यद्धृ॒ताची॑त्याह॑। प्रि॒येणै॒वैना॑ नाम्ना॑ सा॒दय॑ति। ए॒ता अ॑स॒दन्त्सु॒कृत॑स्य
लो॒क इ॒त्याह॑। स॒त्यं वै सु॒कृत॑स्य लो॒कः। स॒त्य ए॒वैनाः॑ सु॒कृत॑स्य लो॒के
सा॒दय॑ति। ता वि॒ष्णो पा॒ही॒त्याह॑। य॒ज्ञो वै वि॒ष्णुः। य॒ज्ञस्य॑ धृ॒त्यै। पा॒हि य॒ज्ञं पा॒हि
य॒ज्ञप॑तिं पा॒हि मां य॒ज्ञनि॑यमि॒त्याह॑। य॒ज्ञाय॑ य॒ज॑मा॒नाया॒त्मनै॑। तेभ्य॑
ए॒वाशि॑ष॒माशा॒स्तेऽना॑र्त्ये॥³⁷॥

स्थेत्याह पृथिवी वेदिर्यन्ति क्रियते वीणुर्वीर्यसम्मितं करोत्याह पाति नाम्नेत्याह लोके सादयति षट् च॥ [6]

अ॒ग्नि॒ना वै हो॒त्रा। दे॒वा अ॑सु॒रान॒भ्य॑भवन्। अ॒ग्नये॑ स॒मि॒ध्यमा॑ना॒यानु॑ब्रूही॒त्याह॑
भ्रातृ॑व्याभि॒भूत्यै॑। ए॒क॒विं॒शति॑मि॒ध्मदा॑रू॒णि भ॑वन्ति। ए॒क॒विं॒शो वै पु॑रुषः।
पु॒रुष॑स्या॒प्त्यै॑। प॒ञ्च॒द॒शेध्म॑दा॒रू॒ण्यभ्या॑ द॑धाति। प॒ञ्च॒द॒श वा अ॑र्ध॒मा॒सस्य॑ रा॒त्रयः॑।
अ॒र्ध॒मा॒स॒शः स॑व॒त्सर॑ आ॒प्यते॑। त्री॒न्य॒रि॒धीन्य॑रि॒ दधा॑ति॥³⁸॥

ऊ॒र्ध्वे स॒मि॒धा॒वा द॑धाति। अ॒नू॒या॒जेभ्यः॑ स॒मि॒ध॒मति॑ शि॒नष्टि॑। ष॒ट्स॒म्प॒द्यन्ते॑। ष॒ड्वा
ऋ॒तवः॑। ऋ॒तूने॒व प्री॑णाति। वे॒दे॒नोप॑ वा॒जय॑ति। प्रा॒जा॒प॒त्यो वै वे॒दः। प्रा॒जा॒प॒त्यः
प्रा॒णः। य॒ज॑मा॒न आ॒ह॒व॒नीयः॑। य॒ज॑मा॒न ए॒व प्रा॒ण॒न्द॑धाति॥³⁹॥

त्रि॒रुप॑ वा॒जय॑ति। त्रयो॑ वै प्रा॒णाः। प्रा॒णाने॒वास्मि॑न्दधाति। वे॒दे॒नोप॑य॒त्यं सु॒वेण॑
प्रा॒जा॒प॒त्यमा॑घा॒रमा॑ घा॒रय॑ति। य॒ज्ञो वै प्र॒जाप॑तिः। य॒ज्ञमे॒व प्र॒जाप॑तिं मु॒खत॑
आ॒र॒भते॑। अथो॑ प्र॒जाप॑तिः सर्वा॑ दे॒वताः॑। सर्वा॑ ए॒व दे॒वताः॑ प्री॒णाति॑।
अ॒ग्निम॑ग्नी॒त्रि॒स्त्रिः॒ सं मृ॑ड्ढी॒त्याह॑। त्र्या॑वृ॒द्धि य॒ज्ञः॥⁴⁰॥

अथो॑ रक्ष॑सा॒मप॑ह॒त्यै। परि॒धी॒न्त्सं मा॑र्ष्टि। पु॒ना॒त्ये॒वैनान्॑। त्रि॒स्त्रिः॒ सं मा॑र्ष्टि। त्र्या॑वृ॒द्धि
य॒ज्ञः। अथो॑ मे॒ध्य॒त्वाय॑। अथो॑ ए॒ते वै दे॒वाश्चाः॑। दे॒वाश्चाने॒व तत्सं॑ मा॑र्ष्टि। सु॒व॒र्गस्य॑
लो॒कस्य॑ स॒म॒ष्ट्यै॑। आसी॑नोऽन्यमा॑घा॒रमा॑ घा॒रय॑ति॥⁴¹॥

तिष्ठन्नन्यम्। यथाऽनो वा रथं वा युज्यात्। एवमेव तदध्वर्युर्यज्ञं युनक्ति। सुवर्गस्य

लो॒कस्या॒भ्यू॒ढौ। वह॑न्त्येन॒ङ्गाम्याः प॒शवः॑। य ए॒वं वेद॑। भु॒वंन॑मसि॒ वि प्र॑थ॒स्वेत्या॑ह।
य॒ज्ञो वै भु॑वंनम्। य॒ज्ञ ए॒व यज॑मानं प्र॒जया॑ प॒शुभिः॑ प्रथयति। अ॒ग्ने यष्ट॑रि॒दन्न॑म॒
इत्या॑ह॥⁴²॥

अ॒ग्निर्वै दे॒वानां॑ यष्टा॑। य ए॒व दे॒वानां॑ यष्टा॑। तस्मा॑ ए॒व नम॑स्करोति। जु॒ह्वेह्य॒ग्निस्त्वा॑
ह्वयति॑ दे॒वय॒ज्याया॑ उप॑भृ॒देहि॑ दे॒वस्त्वा॑ स॒विता ह्व॑यति दे॒वय॒ज्याया॑ इत्या॑ह। आ॒ग्नेयी॑
वै जु॒हूः। सा॒वि॒त्र्युप॑भृत्। ता॒भ्यामे॒वैने॒ प्रसू॑त आद॑त्ते। अ॒ग्नाविष्णू॑ मा वा॒मव॑
क्र॒मिष॑मित्या॑ह। अ॒ग्निः पु॒रस्ता॑त्। विष्णु॑र्य॒ज्ञः प॒श्चात्॥⁴³॥

ता॒भ्यामे॒व प्र॑तिप्रोच्या॒त्या क्रा॑मति। विजि॑हाथां मा मा सन्ता॑प्तमित्या॒हाहि॑साये।
लो॒कं मे॑ लो॒ककृ॑तौ कृ॒णुत॑मित्या॑ह। आ॒शिष॑मे॒वैता॒मा शा॑स्ते। विष्णोः
स्था॒नम॑सीत्या॑ह। य॒ज्ञो वै विष्णुः॑। ए॒तत्खलु॑ वै दे॒वाना॑मप॑राजितमा॒यत॑नम्।
यद्य॒ज्ञः। दे॒वाना॑मे॒वाप॑राजित आ॒यत॑ने तिष्ठति। इ॒त इन्द्रो॑ अ॒कृणो॑द्दी॒र्याणी॑त्या॑ह॥⁴⁴॥

इन्द्रि॒यमे॒व यज॑माने दधाति। स॒मा॒र॒भ्योर्ध्वो॑ अ॒ध्वरो दि॑विस्पृ॒शमि॑त्या॒ह वृ॒द्धौ।
आ॒घा॒रमा॑घार्यमाण॒मनु॑ स॒मा॒र॒भ्यः। ए॒तस्मि॑न्काले दे॒वाः सु॒वर्गं॑ लो॒कमा॑यन्।
साक्षा॑दे॒व यज॑मानः सु॒वर्गं॑ लो॒कमे॑ति। अथो॑ समृ॒द्धेनै॒व य॒ज्ञेन॑ यज॑मानः सु॒वर्गं॑
लो॒कमे॑ति। अहु॑तो य॒ज्ञो य॒ज्ञप॑तेरि॒त्याहा॒नात्यै॑। इन्द्रा॑वा॒न्त्स्वाहे॑त्या॑ह। इन्द्रि॒यमे॒व
यज॑माने दधाति। बृ॒ह॒द्वा इत्या॑ह॥⁴⁵॥

सु॒वर्गो॑ वै लो॒को बृ॒ह॒द्वाः। सु॒वर्ग॑स्य लो॒कस्य॑ स॒म॒ष्टौ। य॒ज॒मा॒नदे॒वत्या॑ वै जु॒हूः।
भ्रा॒तृव्य॑दे॒वत्यो॑प॒भृत्। प्रा॒ण आ॑घारः। यत्सं॑स्पृ॒शयै॑त्। भ्रा॒तृव्ये॑ऽस्य प्रा॒णन्द॑ध्यात्।
असं॑स्पृ॒शयन्न॑त्या क्रा॑मति। यज॑मान ए॒व प्रा॒णन्द॑धाति। पा॒हि मा॑ऽग्ने दुश्च॑रि॒तादा॑
मा सु॑चरि॒ते भ॒जेत्या॑ह॥⁴⁶॥

अ॒ग्निर्वा॒व प॒वित्र॑म्। वृ॒जि॒नम॑नृत॒न्दुश्च॑रितम्। ऋ॒जुक॑र्म॒ स॒त्यं सु॑चरितम्।
अ॒ग्निरे॒वैनं॑ वृ॒जि॒नाद॑नृता॒द्दुश्च॑रि॒तात्पा॑ति। ऋ॒जुक॑र्म॒ स॒त्ये सु॑चरि॒ते भ॒जति॑।
तस्मा॑दे॒वमा॑ शा॑स्ते। आ॒त्मनो॑ गोपी॒थाय॑। शिरो॑ वा ए॒तद्य॒ज्ञस्य॑। यदा॑घा॒रः। आ॒त्मा
ध्रु॒वा॥⁴⁷॥

आ॒घा॒रमा॑घार्य ध्रु॒वां॑ स॒म॒न॒क्ति॑। आ॒त्म॒न्ने॒व य॒ज्ञस्य॑ शि॒रः प्र॑ति दधाति। द्विः

समंनक्ति। द्वौ हि प्राणापानौ। तदाहुः। त्रिरेव समञ्ज्यात्। त्रिधातु हि शिर इति।
शिर इवैतद्यज्ञस्य। अथो त्रयो वै प्राणाः। प्राणानेवास्मिन्दधाति। मुखस्य शिरोऽसि
सञ्ज्योतिषा ज्योतिरङ्गमित्याह। ज्योतिरेवास्मा उपरिष्ठादधाति। सुवर्गस्य
लोकस्यानुख्यात्यै॥ 48 ॥

परिदधाति प्राणन्दधाति हि यज्ञो घोरयति नम इत्याह पश्चाद्वीर्याणीत्याह भा इत्याह भजेत्याह ध्रुवेवास्मिन्दधाति त्रीणि च॥ [7]

धिष्ण्या वा एते न्युप्यन्ते। यद्ब्रह्मा। यद्वोता। यदध्वर्युः। यदग्नीत्। यद्यजमानः।
तान् यदन्तरेयात्। यजमानस्य प्राणान्त्सङ्कर्षेत्। प्रमायुकः स्यात्। पुरोडाशमपगृह्य
सञ्चरत्यध्वर्युः॥ 49 ॥

यजमानायैव तल्लोकः शिषति। नास्य प्राणान्त्सङ्कर्षति। न प्रमायुको भवति।
पुरस्तात् प्रत्यङ्मासीनः। इडाया इडामा दधाति। हस्त्याः होत्रे। पशवो वा इडा।
पशवः पुरुषः। पशुष्वेव पशून्प्रतिष्ठापयति। इडायै वा एषा प्रजातिः॥ 50 ॥

तां प्रजातिं यजमानोऽनु प्र जायते। द्विरङ्गुलावनक्ति पर्वणोः। द्विपाद्यजमानः
प्रतिष्ठित्यै। सकृदुप स्तृणाति। द्विरा दधाति। सकृदभि घोरयति। चतुः सम्पद्यते।
चत्वारि वै पशोः प्रतिष्ठानानि। यावानेव पशुः। तमुपह्वयते॥ 51 ॥

मुखमिव प्रत्युपह्वयेत। सम्मुखानेव पशूनुप ह्वयते। पशवो वा इडा।
तस्मात्साऽन्वारभ्या। अध्वर्युणां च यजमानेन च। उपहूतः पशुमानसानीत्याह।
उप ह्येनौ ह्वयते होता। इडायै देवतानामुपह्वे। उपहूतः पशुमान्भवति। य एवं
वेद॥ 52 ॥

यां वै हस्त्यामिडामादधाति। वाचः सा भागधेयम्। यामुपह्वयते। प्राणानाः सा।
वाचं चैव प्राणाश्चाव रुन्धे। अथ वा एतर्ह्युपह्वतायामिडायाम्। पुरोडाशस्यैव
बर्हिषदो मीमांसा। यजमानं देवा अब्रुवन्। हविर्नो निर्वपेति। नाहमभागो
निर्वप्यामीत्यब्रवीत्॥ 53 ॥

न मयाऽभागयाऽनुवक्ष्यथेति वागब्रवीत्। नाहमभागा पुरोनुवाक्या भविष्यामीति
पुरोनुवाक्या। नाहमभागा याज्या भविष्यामीति याज्या। न मयाऽभागेन

वषट्कारिष्येति वषट्कारः। यजमानभागं निधाय पुरोडाशं बर्हिषदं करोति।
तानेव तद्भागिनः करोति। चतुर्धा करोति। चतस्रो दिशः। दिक्ष्वेव प्रतितिष्ठति।
बर्हिषदं करोति॥⁵⁴॥

यजमानो वै पुरोडाशः। प्रजा बर्हिः। यजमानमेव प्रजासु प्रतिष्ठापयति।
तस्मादस्त्राऽन्याः प्रजाः प्रतितिष्ठन्ति। माः सेनान्याः। अथो खत्वाहुः। दक्षिणा वा
एता हविर्यज्ञस्यान्तर्वेद्यं रुध्यन्ते। यत्पुरोडाशं बर्हिषदं करोतीति। चतुर्धा
करोति। चत्वारो ह्येते हविर्यज्ञस्यर्बिजः॥⁵⁵॥

ब्रह्मा होताऽध्वर्युरग्नीत्। तमभि मृशेत्। इदं ब्रह्मणः। इदं होतुः। इदमध्वर्योः।
इदमग्नीध इति। यथैवादः सौम्येऽध्वरे। आदेशमृत्विग्भ्यो दक्षिणा नीयन्ते। तादृगेव
तत्। अग्नीधे प्रथमाया दधाति॥⁵⁶॥

अग्निमुखा हृद्धिः। अग्निमुखामेवर्द्धिं यजमान ऋध्नोति। सकृदुपस्तीर्य द्विरादधत्।
उपस्तीर्य द्विरभि घोरयति। षट्सम्पद्यन्ते। षड्वा ऋतवः। ऋतूनेव प्रीणाति। वेदेन
ब्रह्मणै ब्रह्मभागं परिहरति। प्राजापत्यो वै वेदः। प्राजापत्यो ब्रह्मा॥⁵⁷॥

सविता यज्ञस्य प्रसूत्यै। अथ काममन्येन। ततो होत्रे। मध्यं वा एतद्यज्ञस्य।
यद्धोता। मध्यत एव यज्ञं प्रीणाति। अथाध्वर्यवै। प्रतिष्ठा वा एषा यज्ञस्य।
यदध्वर्युः। तस्माद्विर्यज्ञस्यैतामेवावृतमनु॥⁵⁸॥

अन्या दक्षिणा नीयन्ते। यज्ञस्य प्रतिष्ठित्यै। अग्निमग्नीत्सकृत्सकृत्सं मृड्हीत्याह।
पराडिव ह्येतर्हि यज्ञः। इषिता दैव्या होतार इत्याह। इषितं हि कर्म क्रियते।
भद्रवाच्याय प्रेषितो मानुषः सूक्तवाकाय सूक्ता ब्रूहीत्याह। आशिषमेवैतामा शास्ते।
स्वगा दैव्या होतृभ्य इत्याह। यज्ञमेव तत्स्वगा करोति। स्वस्तिर्मानुषेभ्य इत्याह।
आशिषमेवैतामा शास्ते। शं योर्ब्रूहीत्याह। शंयुमेव बार्हस्पत्यं भागधेयेन
समर्धयति॥⁵⁹॥

चरत्यध्वर्युः प्रजातिर्हयते वेदाब्रवीद्वर्हिषदं करोत्युत्विजो दधाति ब्रह्माऽनुकरोति चत्वारि च॥

[8]

अथ सूचावनुष्टुग्भ्यां वाजवतीभ्यां व्यूहति। प्रतिष्ठा वा अनुष्टुक्। अन्नं वाजः

प्रतिष्ठित्यै। अन्नाद्यस्यावरुद्धौ। प्रार्चीं जुहूमूहति। जातानेव भ्रातृव्यान्प्रणुदते।
प्रतीचीमुपभृतम्। जनिष्यमाणानेव प्रतिनुदते। सविषूच एवापोह्य सपत्नान्
यजमानः। अस्मिँल्लोके प्रतितिष्ठति॥⁶⁰॥

द्वाभ्याम्। द्विप्रतिष्ठो हि। वसुभ्यस्त्वा रुद्रेभ्यस्त्वाऽऽदित्येभ्यस्त्वेत्याह। यथायजुरेवैतत्।
सुक्षु प्रस्तरमनक्ति। इमे वै लोकाः सुचः। यजमानः प्रस्तरः। यजमानमेव
तेजसाऽनक्ति। त्रेधाऽनक्ति। त्रय इमे लोकाः॥⁶¹॥

एभ्य एवैनं लोकेभ्योऽनक्ति। अभिपूर्वमनक्ति। अभिपूर्वमेव
यजमानन्तेजसाऽनक्ति। अक्तः रिहाणा इत्याह। तेजो वा आज्यम्। यजमानः
प्रस्तरः। यजमानमेव तेजसाऽनक्ति। वियन्तु वय इत्याह। वय एवैनं कृत्वा।
सुवर्गं लोकं गमयति॥⁶²॥

प्रजां योनिं मा निर्मृक्षमित्याह। प्रजायै गोपीथाय। आप्यायन्तामाप ओषधय
इत्याह। आप एवौषधीरा प्याययति। मरुतां पृषतयः स्थेत्याह। मरुतो वै वृष्ट्या
ईशते। वृष्टिमेवाव रुन्धे। दिवं गच्छ ततो नो वृष्टिमेरयेत्याह। वृष्टिर्वै द्यौः।
वृष्टिमेवाव रुन्धे॥⁶³॥

यावद्वा अध्वर्युः प्रस्तरं प्रहरति। तावदस्यायुर्म्यते। आयुष्पा अग्नेऽस्यायुर्मे
पाहीत्याह। आयुरेवात्मन्धत्ते। यावद्वा अध्वर्युः प्रस्तरं प्रहरति। तावदस्य
चक्षुर्म्यते। चक्षुष्पा अग्नेऽसि चक्षुर्मे पाहीत्याह। चक्षुरेवात्मन्धत्ते। ध्रुवाऽसीत्याह
प्रतिष्ठित्यै। यं परिधिं पर्यधत्था इत्याह॥⁶⁴॥

यथायजुरेवैतत्। अग्ने देव पणिभिर्वीयमाण इत्याह। अग्नय एवैनं जुष्टं करोति।
तन्त एतमनु जोषं भरामीत्याह। सजातानेवास्मा अनुकान्करोति। नेदेष
ब्रह्मपचेतयाता इत्याहानुख्यात्यै। यज्ञस्य पाथ उप समितमित्याह।
भूमानमेवोपैति। परिधीन्प्र हरति। यज्ञस्य समिष्ट्यै॥⁶⁵॥

सुचौ सं प्रस्त्रावयति। यदेव तत्र क्रूरम्। तत्तेन शमयति। जुह्वामुपभृतम्।
यजमानदेवत्या वै जुहूः। भ्रातृव्यदेवत्योपभृत्। यजमानायैव भ्रातृव्यमुपस्ति

करोति। स॒ऽस्रावभा॑गाः स्वेत्या॑ह। वस॑वो वै रु॒द्रा आ॑दि॒त्याः स॒ऽस्रावभा॑गाः।
तेषा॑न्तद्भा॑ग॒धेय॑म्॥⁶⁶॥

ताने॒व तेन॑ प्रीणाति। वैश्व॑दे॒व्यर्चा॑। ए॒ते हि वि॒श्वे दे॒वाः। त्रि॒ष्टुग्भ॑वति। इन्द्रि॒यं वै
त्रि॒ष्टुक्। इन्द्रि॒यमे॒व यज॑माने दधाति। अ॒ग्नेर्वा॒मप॑न्न॒गृह॑स्य स॒दसि॑ सादया॒मीत्या॑ह।
इ॒यं वा अ॒ग्निर॑प॒न्नगृ॑हः। अ॒स्या ए॒वैने॒ स॒दने॑ सादयति। सु॒म्नाय॑ सु॒म्निनी॑ सु॒म्ने मां
धत्त॑मित्या॑ह॥⁶⁷॥

प्र॒जा वै प॒शवः॑ सु॒म्नम्। प्र॒जामे॒व प॒शूना॒त्मन्ध॑त्ते। धुरि॑ धुर्यो॑ पात॒मित्या॑ह।
जा॒याप॒त्योर्गोपी॑थाय॑। अ॒ग्नेऽद॒ब्धायो॑ऽशीततनो॒ इत्या॑ह। य॒थाय॑जुरे॒वैतत्। पा॒हि
मा॒ऽद्य दि॒वः पा॒हि प्र॑सित्यै पा॒हि दुरि॑ष्ट्यै पा॒हि दु॑र॒द्भन्यै॑ पा॒हि दु॒श्चरि॑ता॒दित्या॑ह।
आ॒शिष॑मे॒वैता॒मा शा॑स्ते। अ॒विष॑न्नः पि॒तुं कृ॑णु सु॒षदा॑ योनि॒ः।
स्वाहे॑ती॒ध्मसं॑ वृ॒श्चनान्य॑न्वाहा॒र्यप॑चने॒ऽभ्या॒धाय॑ फली॒करण॑हो॒मं जु॑होति। अति॑रि॒क्तानि॑
वा इ॒ध्मसं॑ वृ॒श्चनानि॑॥⁶⁸॥

अति॑रि॒क्ताः फली॑कर॒णाः। अति॑रि॒क्तमा॒ज्योच्छे॑षणम्। अति॑रि॒क्त ए॒वाति॑रि॒क्तं
दधा॑ति। अथो॒ अति॑रि॒क्तेनै॒वाति॑रि॒क्तमा॒प्त्वाऽव॑ रु॒न्धे। वेदि॑र्दे॒वेभ्यो॑ नि॒लाय॑त। तां
वेदे॒नान्व॑विन्दन्। वेदे॒न वेदि॑ वि॒विदुः पृ॒थि॒वीम्। सा प॑प्रथे पृथि॒वी पार्थि॑वानि। गर्भं
बि॒भर्ति॑ भुव॑नेष्वन्तः। ततो॑ य॒ज्ञो जा॑यते वि॒श्वदा॑नि॒रिति॑ पु॒रस्ता॑त्स्तम्बय॒जुषो॑ वेदे॒न
वेदि॑ः॒ सम्मा॑र्ष्यनु॒वित्यै॑॥⁶⁹॥

अथो॒ यद्वे॒दश्च वेदि॑श्च भव॑तः। मि॒थुन॒त्वाय॑ प्र॒जात्यै॑। प्र॒जाप॑ते॒र्वा ए॒तानि॑ श्मश्रू॒णि।
यद्वे॒दः। प॒त्न्या उप॑स्थ आस्य॑ति। मि॒थुनमे॒व क॑रोति। वि॒न्दते॑ प्र॒जाम्। वेद॑ः
होता॑ऽऽह॒वनीया॑त्स्तृ॒णन्ने॑ति। य॒ज्ञमे॒व तत्स॑न्त॒नोत्यो॑त्तर॒स्माद॑र्धमा॒सात्। तः
सन्त॑तमु॒त्तरे॑ऽर्धमा॒स आ॑ल॒भते॑॥⁷⁰॥

तङ्काले॒काल॑ आ॒गते॑ यजते। ब्र॒ह्मवा॑दि॒नो वद॑न्ति। स त्वा अ॑ध्व॒र्युः स्या॑त्। यो यतो॑
य॒ज्ञं प्र॑यु॒ङ्क्ते। तदे॒नं प्र॑ति॒ष्ठाप॑यतीति। वा॒ताद्वा अ॑ध्व॒र्युर्य॒ज्ञं प्र॑यु॒ङ्क्ते। दे॒वा गा॑तुविदो गा॒तुं
वि॒त्वा गा॑तुमि॒तेत्या॑ह। यतो॑ ए॒व य॒ज्ञं प्र॑यु॒ङ्क्ते। तदे॒नं प्र॑ति॒ष्ठाप॑यति। प्र॒ति तिष्ठ॑ति

प्रजया पशुभिर्यजमानः॥ 71 ॥

तिष्ठतीमे लोका गमयति दौर्वृष्टिमेवावरुन्धे पर्यधत्वा इत्याह समिष्टे भागधेयन्तत्तमित्याह वा इध्मसं वृश्चनान्यनुवित्यै लभते यजमानः॥ [9]

यो वा अयथादेवतं यज्ञमुपचरति। आ देवताभ्यो वृश्चते। पापीयान्भवति। यो यथादेवतम्। न देवताभ्य आवृश्चते। वसीयान्भवति। वारुणो वै पाशः। इमं विष्यामि वरुणस्य पाशमित्याह। वरुणपाशादेवेना मुञ्चति। सवितृप्रसूतो यथादेवतम्॥ 72 ॥

न देवताभ्य आवृश्चते। वसीयान्भवति। धातुश्च योनौ सुकृतस्य लोक इत्याह। अग्निर्वै धाता। पुण्यङ्गर्म सुकृतस्य लोकः। अग्निरेवेना धाता। पुण्ये कर्मणि सुकृतस्य लोके दधाति। स्योनं मे सह पत्या करोमीत्याह। आत्मनश्च यजमानस्य चानात्यै सन्धाय। समायुषा सं प्रजयेत्याह॥ 73 ॥

आशिषमेवैतामा शास्ते पूर्णपात्रे। अन्ततोऽनुष्टुभा। चतुष्पद्वा एतच्छन्दः प्रतिष्ठितं पत्न्यै पूर्णपात्रे भवति। अस्मिँल्लोके प्रतितिष्ठानीति। अस्मिन्नेव लोके प्रतितिष्ठति। अथो वाग्वा अनुष्टुक्। वाङ्मिथुनम्। आपो रेतः प्रजननम्। एतस्माद्वै मिथुनाद्विद्योतमानः स्तनयन्वर्षति। रेतः सिध्न्॥ 74 ॥

प्रजाः प्रजनयन्। यद्वै यज्ञस्य ब्रह्मणा युज्यते। ब्रह्मणा वै तस्य विमोकः। अद्भिः शान्तिः। विमुक्तं वा एतर्हि योक्तं ब्रह्मणा। आदायै नत्पत्नी सहाप उपगृहीते शान्त्यै। अञ्जलौ पूर्णपात्रमा नयति। रेत एवास्या प्रजान्दधाति। प्रजया हि मनुष्यः पूर्णः। मुखं वि मृष्टे। अवभृथस्यैव रूपं कृत्वोत्तिष्ठति॥ 75 ॥

सवितृप्रसूतो यथादेवतं प्रजयेत्याह सिध्न्मृष्ट एकं च॥ [10]

परिवेषो वा एष वनस्पतीनाम्। यदुपवेषः। य एवं वेद। विन्दते परिवेष्टारम्। तमुत्करे। यं देवा मनुष्येषु। उपवेषमधारयन्। ये अस्मदपे चेतसः। तानस्मभ्यमिहा कुरु। उपवेषोप विद्धि नः॥ 76 ॥

प्रजां पुष्टिमथो धनम्। द्विपदो नश्चतुष्पदः। ध्रुवाननपगान्कुर्विति पुरस्तात्प्रत्यश्चमुप गूहति। तस्मात्पुरस्तात्प्रत्यश्चः शूद्रा अवस्यन्ति। स्थविमत उपगूहति। अप्रतिवादिन एवेनान्कुरुते। धृष्टिर्वा उपवेषः। शुचर्तो वज्रो ब्रह्मणा सशितः। योपवेषे शुक्।

साऽमुमृच्छतु यं द्विष्म इति॥⁷⁷॥

अथा॑स्मै नाम॑ गृह्य॑ प्रह॑रति। नि॒रमु॑न्नु॒द ओक॑सः। स॒पत्नो॒ यः पृ॑त॒न्यति॑। नि॒र्बा॒ध्येन॑
ह॒विषा॑। इन्द्र॑ ए॒णं प॑रा॒शरी॑त्। इ॒हि ति॒स्रः प॑रा॒वतः॑। इ॒हि प॑ञ्च ज॒नाः अ॒ति। इ॒हि
ति॒स्रोऽति॑ रो॒चना॑यावत्। सू॒र्यो अ॒स॒द्वि॒वि। प॒र॒मा॒न्त्वा प॑रा॒वत॑म्॥⁷⁸॥

इन्द्रो॑ नयतु वृ॒त्रहा॑। यतो॒ न पु॑न॒राय॑सि। श॒श्वती॑भ्यः स॒मा॒भ्य इति॑। त्रि॒वृ॒द्धा ए॒ष
वज्रो॑ ब्रह्म॑णा स॒शितः॑। शु॒चै॒वैनं॑ वि॒ध्वा। ए॒भ्यो लो॒केभ्यो॑ निर्णु॒द्य। वज्रे॑ण ब्रह्म॑णा
स्तृ॒णुते। ह॒तोऽसा॑वव॒धिष्मा॒मुमि॑त्याह॒ स्तृत्यै॑। यं द्वि॒ष्यात्त॑न्ध्यायेत्।

शु॒चै॒वैनं॑म॒र्पय॑ति॥⁷⁹॥

प्रत्यु॑ष्टं दि॒वः शिल्प॑मय॒ज्ञो घृ॑तं च॑ दे॒वासुराः॑ स ए॒तमिन्द्र॑ आ॒पो दे॒वीर॒ग्निना॑ धि॒ष्णि॒या अथ॑ स्रु॒चौ यो वा अ॑य॒थादे॒वतं॑ परि॒वे॒षो वा
एका॑दश॥¹¹॥

प्रत्यु॑ष्टमय॒ज्ञ ए॒षा हि वि॒श्वेषां॑ दे॒वाना॑मूर्जा पृ॒थि॒वीमथो॑ रक्ष॒सान्तां प्रजा॑तिं द्वा॒भ्यां तं का॒लेका॒ले नव॑स॒प्ततिः॥⁷⁹॥

प्रत्यु॑ष्टम॒र्पय॑ति॥

हरिः॑ ॐ॥

॥इति श्रीकृष्णयजुर्वेदीयतैत्तिरीयब्राह्मणे तृतीयाष्टके तृतीयः प्रपाठकः समाप्तः॥

॥चतुर्थः प्रश्नः॥

॥तैत्तिरीयब्राह्मणे तृतीयाष्टके चतुर्थः प्रपाठकः॥

ब्रह्मणे ब्राह्मणमालभते। क्षत्राय राजन्यम्। मरुद्भ्यो वैश्यम्। तपसे शूद्रम्। तमसे तस्करम्। नारकाय वीरहणम्। पाप्मने क्लीबम्। आक्रयायायोगूम्। कामाय पुंश्चलूम्। अतिक्रुष्टाय मागधम्॥₁॥

गीताय सूतम्। नृत्ताय शैलूषम्। धर्माय सभाचरम्। नर्माय रेभम्। नरिष्ठाय भीमलम्। हसाय कारिम्। आनन्दाय स्त्रीषखम्। प्रमुदे कुमारीपुत्रम्। मेधायै रथकारम्। धैर्याय तक्षाणम्॥₂॥

श्रमाय कौलालम्। मायायै कार्मारम्। रूपाय मणिकारम्। शुभे वपम्। शरव्याया इषुकारम्। हेत्यै धन्वकारम्। कर्मणे ज्याकारम्। दिष्टाय रज्जुसर्गम्। मृत्यवे मृगयुम्। अन्तकाय श्वनितम्॥₃॥

सन्धये जारम्। गेहायोपपतिम्। निर्ऋत्यै परिवित्तम्। आर्त्यै परिविविदानम्। अराध्ये दिधिषूपतिम्। पवित्राय भिषजम्। प्रज्ञानाय नक्षत्रदर्शम्। निष्कृत्यै पेशस्कारीम्। बलायोपदाम्। वर्णायानूरुधम्॥₄॥

नदीभ्यः पौञ्जिष्टम्। ऋक्षीकाभ्यो नैषादम्। पुरुषव्याघ्राय दुर्मदम्। प्रयुद्ध उन्मत्तम्। गन्धर्वाप्सरभ्यो ब्रात्यम्। सर्पदेवजनेभ्योऽप्रतिपदम्। अवैभ्यः कितवम्। इर्यताया अकितवम्। पिशाचेभ्यो बिदलकारम्। यातुधानैभ्यः कण्टककारम्॥₅॥

उत्सादेभ्यः कुञ्जम्। प्रमुदे वामनम्। द्वार्यः सामम्। स्वप्रायान्धम्। अधर्माय बधिरम्। संज्ञानाय स्मरकारीम्। प्रकामोद्यायोपसदम्। आशिक्षायै प्रश्चिनम्। उपशिक्षाया अभिप्रश्चिनम्। मर्यादायै प्रश्चविवाकम्॥₆॥

ऋत्यै स्तेनहृदयम्। वैरहत्याय पिशुनम्। विवित्त्यै क्षत्तारम्। औपन्द्रष्टाय सङ्गहीतारम्। बलायानुचरम्। भूमे परिष्कन्दम्। प्रियाय प्रियवादिनम्। अरिष्टाय

अश्वसादम्। मेधाय वासः पल्पूलीम्। प्रकामाय रजयित्रीम्॥७॥

भायै दार्वाहारम्। प्रभाया आग्नेन्धम्। नाकस्य पृष्ठायाभिषेक्तारम्। ब्रध्नस्य विष्टपाय
पात्रनिर्णेगम्। देवल्लोकाय पेशितारम्। मनुष्यलोकाय प्रकरितारम्। सर्वभ्यो
लोकेभ्य उपसेक्तारम्। अवर्त्यै वधायोपमन्थितारम्। सुवर्गाय लोकाय भागदुघम्।
वर्षिष्ठाय नाकाय परिवेष्टारम्॥८॥

अर्मभ्यो हस्तिपम्। जवायाश्चपम्। पुष्ट्यै गोपालम्। तेजसेऽजपालम्।
वीर्यायाविपालम्। इरायै कीनाशम्। कीलालाय सुराकारम्। भद्राय गृहपम्।
श्रेयसे वित्तधम्। अध्यक्षायानुक्षत्तारम्॥९॥

मन्यवेऽयस्तापम्। क्रोधाय निसरम्। शोकायाभिसरम्।
उत्कूलविकूलाभ्यान्निस्थिनम्। योगाय योक्तारम्। क्षेमाय विमोक्तारम्। वपुषे
मानस्कृतम्। शीलायाञ्जनीकारम्। निर्ऋत्यै कोशकारीम्। यमायासूम्॥१०॥

यम्यै यमसूम्। अथर्वभ्योऽवतोकाम्। संवत्सराय पर्यारिणीम्।
परिवत्सरायाविजाताम्। इदावत्सरायापस्कद्वरीम्। इद्वत्सरायातीव्वरीम्। वत्सराय
विजर्जराम्। सर्वत्सराय पलिक्रीम्। वनाय वनपम्। अन्यतोरण्याय दावपम्॥११॥

सरोभ्यो धैवरम्। वेशन्ताभ्यो दाशम्। उपस्थावरीभ्यो बैन्दम्। नङ्गलाभ्यः
शौष्कलम्। पार्याय कैवर्तम्। अवार्याय मार्गारम्। तीर्थेभ्य आन्दम्। विषमेभ्यो
मैनालम्। स्वनेभ्यः पर्णकम्। गुहाभ्यः किरातम्। सानुभ्यो जम्भकम्। पर्वतेभ्यः
किम्पूरुषम्॥१२॥

प्रतिश्रुत्काया ऋतुलम्। घोषाय भूषम्। अन्ताय बहुवादिनम्। अनन्ताय मूकम्।
महसे वीणावादम्। क्रोशाय तूणवधम्। आक्रन्दाय दुन्दुभ्याघातम्। अवरस्पराय
शङ्खधम्। ऋभुभ्योजिनसन्धायम्। साध्येभ्यश्चर्मणम्॥१३॥

बीभत्सायै पौल्कसम्। भूत्यै जागरणम्। अभूत्यै स्वपनम्। तुलायै वाणिजम्।
वर्णाय हिरण्यकारम्। विश्वेभ्यो देवेभ्यः सिध्मलम्। पश्चाद्दोषाय श्लावम्। ऋत्यै
जनवादिनम्। व्यृद्धा अपगल्भम्। सशराय प्रच्छिदम्॥१४॥

हसाय पुञ्चलूमा लभते। वीणावादङ्गणकङ्गीताय। यादसे शाबुल्याम्। नर्माय
भद्रवतीम्। तूणवध्मङ्गामण्यं पाणिसङ्घातनृत्ताय। मोदायानुक्रोशकम्। आनन्दाय
तलवम्॥¹⁵॥

अक्षराजाय कितवम्। कृताय सभाविनम्। त्रेताया आदिनवदशम्। द्वापराय
बहिः सदम्। कलये सभास्थानम्। दुष्कृताय चरकाचार्यम्। अध्वने ब्रह्मचारिणम्।
पिशाचेभ्यः सैलगम्। पिपासायै गोव्यच्छम्। निर्ऋत्यै गोघातम्। क्षुधे
गोविकर्तम्। क्षुत्तृष्णाभ्यान्तम्। यो गां विकृन्तन्तं मांसं भिक्षमाण उपतिष्ठते॥¹⁶॥

भूम्यै पीठसर्पिणमा लभते। अग्नयेऽंसलम्। वायवे चाण्डालम्। अन्तरिक्षाय
वःशनर्तिनम्। दिवे खलतिम्। सूर्याय हर्यक्षम्। चन्द्रमसे मिर्मिरम्। नक्षत्रेभ्यः
किलासम्। अह्ने शुक्लं पिङ्गलम्। रात्रियै कृष्णं पिङ्गाक्षम्॥¹⁷॥

वाचे पुरुषमा लभते। प्राणमपानव्याँनमुदानं समानन्तान् वायवै। सूर्याय चक्षुरा
लभते। मनश्चन्द्रमसे। दिग्भ्यः श्रोत्रम्। प्रजापतये पुरुषम्॥¹⁸॥

अथैतानरूपेभ्य आलभते। अतिह्रस्वमतिदीर्घम्। अतिकृशमत्यंसलम्।
अतिशुक्लमतिकृष्णम्। अतिश्लक्ष्णमतिलोमशम्। अतिकिरिटमतिदन्तुरम्।
अतिमिर्मिरमतिमेमिषम्। आशायै जामिम्। प्रतीक्षायै कुमारीम्॥¹⁹॥ नो द्विष्य इति

परावर्तमर्पयति॥

[1]

ब्रह्मणे गीताय श्रमाय सन्धये नदीभ्य उत्सादेभ्य ऋत्ये भाया अमैभ्यो मन्यवे यम्यै दशदश सरोभ्यो द्वादश प्रतिश्रुत्कायै
बीभत्सायै दशदश हसाय सप्ताक्षराजाय त्रयोदश भूम्यै दश वाचे षडथ नवैकान्नविंशतिः॥¹⁹॥

ब्रह्मणे यम्यै नवदश॥¹⁹॥

ब्रह्मणे कुमारीम्॥

हरिः ॐ॥

॥इति श्रीकृष्णयजुर्वेदीयतैत्तिरीयब्राह्मणे तृतीयाष्टके चतुर्थः प्रपाठकः समाप्तः॥

॥पञ्चमः प्रश्नः॥

॥तैत्तिरीयब्राह्मणे तृतीयाष्टके पञ्चमः प्रपाठकः॥

सत्यं प्रपदे। ऋतं प्रपदे। अमृतं प्रपदे। प्रजापतेः प्रियां तनुवमनार्तां प्रपदे।
इदमहं पञ्चदशेन वज्रेण। द्विषन्तं भ्रातृव्यमव क्रामामि। योऽस्मान्द्वेष्टि। यं च वयं
द्विष्मः। भूर्भुवः सुवः। हिम्॥₁॥

सत्यं दश॥

[1]

प्र वो वाजां अभिदवः। हविष्मन्तो घृताच्या। देवाञ्जिगाति सुम्रयुः। अग्न आयाहि
वीतयै। गृणानो हव्यदातये। नि होता सत्सि बर्हिषि। तन्वा समिद्धिरङ्गिरः। घृतेन
वर्धयामसि। बृहच्छोचा यविष्य। स नः पृथुः श्रवाय्यम्॥₂॥

अच्छा देव विवाससि। बृहदग्ने सुवीर्यम्। ईडेन्यो नमस्यस्तिरः। तमांसि
दर्शतः। समग्निरिध्यते वृषा। वृषो अग्निः समिध्यते। अश्वो न देववाहनः। त
हविष्मन्त ईडते। वृषणन्त्वा वयं वृषन्। वृषाणः समिधीमहि॥₃॥

अग्ने दीदतं बृहत्। अग्निं दूतं वृणीमहे। होतारं विश्ववेदसम्। अस्य यज्ञस्य
सुक्रतुम्। समिध्यमानो अध्वरे। अग्निः पावक ईड्यः। शोचिष्केशस्तमीमहे।
समिद्धो अग्न आहुत। देवान् यक्षि स्वध्वर। त्वं हि हव्यवाडसि। आ जुहोत
दुवस्यत। अग्निं प्रयत्यध्वरे। वृणीध्वं हव्यवाहनम्। त्वं वरुण उत मित्रो अग्ने। त्वां
वर्धन्ति मतिभिर्वसिष्ठाः। त्वे वसु सुषणनानि सन्तु। यूयं पात स्वस्तिभिः सदा नः॥₄॥

श्रवाय्यमिधीमहसि सप्त च॥

[2]

अग्ने महां असि ब्राह्मण भारत। असावसौ। देवेद्धो मन्विद्धः। ऋषिष्टुतो
विप्रानुमदितः। कविशस्तो ब्रह्मसंशितो घृताहवनः। प्रणीर्यज्ञानाम्।
रथीरध्वराणाम्। अतूर्तो होता। तूर्णिर्हव्यवाट्। आस्पात्रं जुहूर्देवानाम्॥₅॥

चमसो देवपानः। अरां इवाग्ने नेमिर्देवास्त्वं परिभूरसि। आ वह देवान्
यजमानाय। अग्निमग्न आवह। सोममावह। अग्निमावह। प्रजापतिमावह।

अ॒ग्नी॒षोमा॒वाव॑ह। इ॒न्द्रा॒ग्नी आ॑व॒ह। इ॒न्द्रमा॑व॒ह। म॒हेन्द्र॑माव॒ह। दे॒वाः आ॑ज्य॒पाः
आ॑व॒ह। अ॒ग्निः हो॒त्राया॑व॒ह। स्वं म॑हि॒मान॒मा व॑ह। आ चा॑ग्ने दे॒वान् व॑ह। सु॒यजा॑
च यज॑ जा॒तवे॑दः॥६॥

दे॒वाना॑मिन्द्र॒मा व॑ह पट् च॥ [3]

अ॒ग्निर्हो॒ता वे॒ब॒ग्निः। हो॒त्रं वै॑त्तु प्रा॒वित्र॑म्। स्मो व॒यम्। सा॒धु ते॑ यज॒मान॑ दे॒वता॑।
घृ॒तव॑तीम॒ध्वर्यो॑ सु॒चमा॑स्य॒स्व। दे॒वायु॑वं वि॒श्ववा॑राम्। ई॒डांम॑है दे॒वाः ई॒डेन्या॑न्।
नम॑स्याम॒ नम॑स्यान्। यजा॑म य॒ज्ञिया॑न्॥७॥

अ॒ग्निर्हो॒ता न॑व॥ [4]

स॒मिधो॑ अ॒ग्न आ॑ज्य॒स्य वि॑यन्तु। त॒नून॑पा॒दग्न॑ आ॒ज्यस्य॑ वेतु। इ॒डो अ॑ग्न आ॒ज्यस्य॑
वि॑यन्तु। ब॒र्हि॒र॒ग्न आ॑ज्य॒स्य वे॑तु। स्वाहा॒ऽग्नि॑म्। स्वाहा॒ सोम॑म्। स्वाहा॒ऽग्नि॑म्।
स्वाहा॑ प्र॒जाप॑तिम्। स्वाहा॒ऽग्नी॒षोमौ॑। स्वाहा॑न्द्रा॒ग्नी। स्वाहा॑न्द्रम्। स्वाहा॑ म॒हेन्द्र॑म्।
स्वाहा॑ दे॒वाः आ॑ज्य॒पान्। स्वाहा॒ऽग्निः हो॒त्राजु॑षा॒णाः। अ॒ग्न आ॑ज्य॒स्य वि॑यन्तु॥८॥

इ॒न्द्रा॒ग्नी प॑ञ्च च॥ [5]

अ॒ग्निर्वृ॒त्राणि॑ ज॒ङ्घन॑त्। द्र॒विण॑स्युर्वि॒प॒न्यया॑। स॒मिद्धः॑ शु॒क्र आ॑हु॒तः। जु॒षा॒णो
अ॒ग्निरा॑ज्य॒स्य वे॑तु। त्व॑ सो॒मासि॑ स॒त्पतिः॑। त्व॑ रा॒जो॒त वृ॑त्र॒हा। त्वं भ॒द्रो अ॑सि
ऋ॒तुः। जु॒षा॒णः सोम॑ आ॒ज्यस्य॑ ह॒विषो॑ वेतु। अ॒ग्निः प्र॒त्नेन॑ जन्म॒ना। शु॒म्भान॑स्त॒नुव॑ः
स्वाम्। क॒विर्वि॑प्रेण वावृ॒धे। जु॒षा॒णो अ॒ग्निरा॑ज्य॒स्य वे॑तु। सोम॑ गी॒र्भिष्ट्वा॑ व॒यम्।
व॒र्धया॑मो व॒चो॒विदः॑। सु॒मृ॒डी॒को न॑ आ॒विश॑। जु॒षा॒णः सोम॑ आ॒ज्यस्य॑ ह॒विषो॑
वे॒तु॥९॥

स्वा॑ पट् च॥ [6]

अ॒ग्निर्मू॒र्धा दि॒वः क॑कुत्। प॒तिः पृ॒थि॒व्या अ॑यम्। अ॒पाः रे॒तासि॑ जि॒न्वति॑। भु॒वो
य॒ज्ञस्य॑ र॒जस॑श्च ने॒ता। य॒त्रा नि॒युद्धिः॑ स॒चसे॑ शि॒वाभिः॑। दि॒वि मू॒र्धान॑न्द॒धिषे॑
सु॒व॒रुषा॑म्। जि॒ह्वा॒म॒ग्ने च॑कृषे ह॒व्यवा॑हम्। प्र॒जाप॑ते न त्व॒देता॑न्य॒न्यः। वि॒श्वा जा॑तानि
परि॒ ता ब॑भूव। य॒त्का॑मास्ते ज॒हुम॑स्तं नो अ॒स्तु॥१०॥

व॒यः स्या॑म॒ पत॑यो रयी॒णाम्। स वे॑द पु॒त्रः पि॒तर॑ः स मा॒तर॑म्। स सू॒नुर्भु॑वत्स

भुवत्पुनर्मघः। स दामौर्णोदन्तरिक्षः स सुवः। स विश्वा भुवो अभवत्स आभवत्।
अग्नीषोमा सवेदसा। सहृती वनतङ्गिरः। सन्देवत्रा बभूवथुः। युवमेतानि दिवि
रोचनानि। अग्निश्च सोम सक्रतू अधत्तम्॥¹¹॥

युवः सिन्धूः रभिशस्तेरवद्यात्। अग्नीषोमावमुधतं गृभीतान्। इन्द्राग्नी रोचना
दिवः। परि वाजेषु भूषथः। तद्वाधेति प्रवीर्यम्। श्वथद्वत्रमुत सनोति वाजम्। इन्द्रा
यो अग्नी सहृरी सपर्यात्। इरज्यन्ता वसव्यस्य भूरेः। सहस्तमा सहसा
वाजयन्ता। एन्द्र सानसिः रयिम्॥¹²॥

सजिबानः सदासहम्। वर्षिष्ठमृतये भर। प्रससाहिषे पुरुहूत शत्रून्। ज्येष्ठस्ते
शुष्म इह रातिरेस्तु। इन्द्रा भर दक्षिणेना वसूनि। पतिः सिन्धूनामसि रेवतीनाम्।
महाः इन्द्रो य ओजसा। पर्जन्यो वृष्टिमाः इवा। स्तोमैर्वत्सस्य वावृधे। महाः
इन्द्रो नृवदाचर्षणिप्राः॥¹³॥

उत द्विबर्हा अमिनः सहोभिः। अस्मद्रियग्वावृधे वीर्याय। उरुः पृथुः सुकृतः
कर्तृभिर्भूत्। पिप्रीहि देवाः उशतो यविष्ठ। विद्वाः ऋतूः ऋतुपते यजेह। ये दैव्या
ऋबिजस्तेभिरग्ने। त्वः होतृणामस्यायजिष्ठः। अग्निः स्विष्टकृतम्। अयाडग्निरग्नेः
प्रिया धामानि। अयाद्धोमस्य प्रिया धामानि॥¹⁴॥

अयाडग्नेः प्रिया धामानि। अयाद्वजापतेः प्रिया धामानि। अयाडग्नीषोमयोः प्रिया
धामानि। अयाडिन्द्राग्नियोः प्रिया धामानि। अयाडिन्द्रस्य प्रिया धामानि।
अयाण्महेन्द्रस्य प्रिया धामानि। अयाद्देवानामाज्यपानां प्रिया धामानि।
यक्षदग्नेर्होतुः प्रिया धामानि। यक्षत्स्व महिमानम्। आयजतामेज्या इषः। कृणोतु
सो अध्वरा जातवेदाः। जुषताः हविः। अग्ने यदद्य विशो अध्वरस्य होतः। पावक
शोचे वेष्टुः हि यज्वा। ऋता यजासि महिना वियद्भूः। हव्या वह यविष्ठ या ते
अद्य॥¹⁵॥

अस्त्रधत्तः रयिं चर्षणिप्राः सोमस्य प्रिया धामानीष्वद्व॥

[7]

उपहूतः रथन्तरः सह पृथिव्या। उप मा रथन्तरः सह पृथिव्या ह्वयताम्।
उपहूतं वामदेव्यः सहान्तरिक्षेण। उप मा वामदेव्यः सहान्तरिक्षेण ह्वयताम्।

उप॑हूतं बृ॒हत्स॒ह दि॒वा। उप॑ मा बृ॒हत्स॒ह दि॒वा ह्व॑यताम्। उप॑हूताः स॒प्त हो॒त्राः।
उप॑ मा स॒प्त हो॒त्रा ह्व॑यन्ताम्। उप॑हूता धे॒नुः स॒हर्ष॑भा। उप॑ मा धे॒नुः स॒हर्ष॑भा
ह्व॑यताम्॥¹⁶॥

उप॑हूतो भ॒क्षः स॒खा। उप॑ मा भ॒क्षः स॒खा ह्व॑यताम्। उप॑हूताँ(4)हो। इ॒डोप॑हूता।
उप॑हूते॒डा। उपो॑ अ॒स्मा इ॒डा ह्व॑यताम्। इ॒डोप॑हूता। उप॑हूते॒डा। मा॒न॒वी घृ॒तप॑दी
मै॒त्राव॑रुणी। ब्र॒ह्म दे॒वकृ॑तमुप॑हूतम्॥¹⁷॥

दै॒व्या अ॒ध्वर्य॑व उप॑हूताः। उप॑हूता म॒नुष्याः। य इ॒मं य॒ज्ञम॑वान्। ये य॒ज्ञप॑तिं
व॒र्धन्। उप॑हूते द्या॒वापृ॑थि॒वी। पू॒र्वजे ऋ॒ताव॑री। दे॒वी दे॒वपु॑त्रे। उप॑हूतोऽयं
य॒ज्ञमा॑नः। उ॒त्तर॑स्या॒न्दे॒वय॒ज्याया॑मुप॑हूतः। भूय॑सि ह॒विष्क॑रण॒ उप॑हूतः। दि॒व्ये
धा॒मन्नु॑प॑हूतः। इ॒दं मे दे॒वा ह॒विर्जु॑षन्ता॒मिति॑ तस्मि॒न्नुप॑हूतः। वि॒श्वम॑स्य
प्रि॒यमु॑प॑हूतम्। वि॒श्वस्य॑ प्रि॒यस्यो॑प॑हूत॒स्योप॑हूतः॥¹⁸॥

स॒हर्ष॑भा ह्व॑यता॒मुप॑हूतः ह॒विष्क॑रण॒ उप॑हूतश्च॒त्वारि॑ च॥ [8]

दे॒वं ब॒र्हिः। व॒सुव॑ने व॒सुधे॑यस्य वेतु। दे॒वो न॒राश॑सः। व॒सुव॑ने व॒सुधे॑यस्य वेतु।
दे॒वो अ॒ग्निः स्वि॑ष्ट॒कृत्। सु॒द्रवि॑णा म॒न्द्रः क॒विः। स॒त्यम॑न्मा॒यजी॑ होता।
होतु॑र्होतु॒राय॑जीयान्। अ॒ग्ने या॑न् दे॒वान॑या॒ट्। या॑ अ॒पिप्रेः॑। ये ते हो॒त्रे अ॑म॒त्स॒त।
ता॑ स॒स॒नुषी॑ हो॒त्रा॒न्दे॒वङ्ग॑माम्। दि॒वि दे॒वेषु॑ य॒ज्ञमे॑र॒येम॑म्। स्वि॑ष्ट॒कृच्चा॒ग्ने
हो॒ताऽभूः॑। व॒सुव॑ने व॒सुधे॑यस्य न॒मोवा॑के वी॒हि॥¹⁹॥

अ॒पिप्रेः प॑ञ्च च॥ [9]

इ॒दं द्या॒वापृ॑थि॒वी भ॒द्रम॑भूत्। आ॒र्धं सू॒क्तवा॑कम्। उ॒त न॑मोवा॒कम्। ऋ॒ध्यास्म॑
सू॒क्तोच्य॑म॒ग्ने। त्व॑ सू॒क्तवा॑ग॒सि। उप॑श्रि॒तो दि॒वः पृ॑थि॒व्योः। ओ॒मन्व॑ती तेऽस्मिन्
य॒ज्ञे य॑ज॒मान् द्या॒वापृ॑थि॒वी स्ता॑म्। श॒ङ्गये॑ जी॒रदा॑नू। अ॒त्रसू॑ अ॒प्रवे॑दे। उ॒रुग॑व्यूती
अ॒भयं॑ कृ॒तौ॥²⁰॥

वृ॒ष्टि॒द्या॒वा री॒त्यापा॑। श॒म्भुवौ॑ म॒योभु॑वौ। ऊ॒र्ज॑स्वती च॒ पय॑स्वती च। सू॒पच॑र॒णा च॑
स्व॒धिच॑र॒णा च॑। तयो॑रा॒विदि॑। अ॒ग्निरि॒दं ह॒विर॑जुषत। अ॒वीवृ॑धत॒ महो॑
ज्यायो॑ऽकृ॒त। सोम॑ इ॒दं ह॒विर॑जुषत। अ॒वीवृ॑धत॒ महो॑ ज्यायो॑ऽकृ॒त। अ॒ग्निरि॒दं

ह॒विर्जुष॑त॥²¹॥

अवी॑वृ॒धत॒ महो॒ ज्यायो॑ऽकृत। प्र॒जाप॑तिरि॒दः ह॒विर्जुष॑त। अवी॑वृ॒धत॒ महो॒
ज्यायो॑ऽकृत। अ॒ग्नीषो॑मा॒विदः॑ ह॒विर्जुषे॑ताम्। अवी॑वृ॒धेतां॒ महो॒ ज्यायो॑ऽक्रा॒ताम्।
इन्द्रा॑ग्नी इ॒दः ह॒विर्जुषे॑ताम्। अवी॑वृ॒धेतां॒ महो॒ ज्यायो॑ऽक्रा॒ताम्। इन्द्र॑ इ॒दः
ह॒विर्जुष॑त। अवी॑वृ॒धत॒ महो॒ ज्यायो॑ऽकृत। म॒हेन्द्र॑ इ॒दः ह॒विर्जुष॑त॥²²॥

अवी॑वृ॒धत॒ महो॒ ज्यायो॑ऽकृत। दे॒वा आ॑ज्य॒पा आ॑ज्यम॒जुष॑न्त। अवी॑वृ॒धन्त॒ महो॒
ज्यायो॑ऽकृत। अ॒ग्निर्हो॒त्रेणे॒दः ह॒विर्जुष॑त। अवी॑वृ॒धत॒ महो॒ ज्यायो॑ऽकृत।
अ॒स्यामृ॑ध॒द्धोत्रा॑यान्दे॒वङ्ग॑मा॒यां। आशा॑स्तेऽयं यज॑मानोऽसौ। आयु॑रा शा॑स्ते।
सुप्र॑जा॒स्वमा॑ शा॑स्ते। स॒जात॒वन॒स्यामा॑ शा॑स्ते॥²³॥

उत्त॑रान्दे॒वय॑ज्यामा शा॑स्ते। भूयो॑ ह॒विष्कर॑णमा शा॑स्ते। दि॒व्यन्धा॑मा शा॑स्ते। वि॒श्वं
प्रि॒यमा॑ शा॑स्ते। यद॒नेन॑ ह॒विषा॑ऽऽशा॑स्ते। तद॑श्या॒त्तद॑ध्यात्। तद॑स्मै दे॒वा रा॑सन्ताम्।
तद॑ग्निर्दे॒वो दे॒वेभ्यो॑ वन॑ते। व॒यम॒ग्नेर्मानु॑षाः। इ॒ष्टं च॑ वी॒तं च॑। उ॒भे च॑ नो
द्यावा॑पृथि॒वी अ॒ह॑स॒स्पाता॑म्। इ॒ह ग॑ति॒र्वाम॑स्ये॒दं च॑। नमो॑ दे॒वेभ्यः॑॥²⁴॥

अ॒भयं॑ कृ॒ताव॑कृ॒ताग्नि॑रि॒दः ह॒विर्जुष॑त म॒हेन्द्र॑ इ॒दः ह॒विर्जुष॑त स॒जात॒वन॒स्यामा॑ शा॑स्ते वी॒तं च॑ त्रीणि॑ च॥ [10]

तच्छं॑ योरावृ॑णीमहे। गा॒तुं य॒ज्ञाय॑। गा॒तुं य॒ज्ञप॑तये। दे॒वीं स्व॑स्तिर॒स्तु नः॑।
स्व॒स्तिर्मा॑नु॒षेभ्यः॑। ऊ॒र्ध्वञ्जि॑गातु भेष॒जम्। शं नो॑ अस्तु द्वि॒पदे॑। श॒श्वतु॑ष्पदे॥²⁵॥

तच्छं॑ यो॒रष्टौ॑॥ [11]

आप्या॑यस्व सन्तै॑। इ॒ह ब॑ष्टा॒रम॑ग्रि॒यन्त॑न्नु॒रीप॑म्। दे॒वानां॑ पत्नी॒रुश॑ती॒रव॑न्तु नः।
प्राव॑न्तु नस्तु॒जये॒ वाज॑सातये। याः पार्थि॑वासो॒ या अ॒पाम॑पि व्र॒ते। ता नो॑ दे॒वीः
सुह॑वाः श॒र्म य॑च्छत। उ॒त ग्ना॑ वि॒यन्तु॑ दे॒वप॑त्नीः। इन्द्रा॑ण्य॒ग्राय्य॑श्चिनी॒ राट्। आ
रोद॑सी वरु॒णानी॑ शृ॒णोतु॑। वि॒यन्तु॑ दे॒वीर्य॑ ऋ॒तुर्ज॑नी॒नाम्॥²⁶॥

अ॒ग्निर्हो॑ता॒ गृह॑पतिः स राजा॑। वि॒श्वा वेद॑ जनि॒मा जा॑तवे॒दाः। दे॒वाना॑मु॒त यो
मर्त्या॑नाम्। यजि॑ष्ठः स प्र य॑जतामृ॒तावा॑। व॒यमु॑ ब॒ा गृह॑पते जना॑नाम्। अ॒ग्ने
अक॑र्म स॒मिधा॑ बृ॒हन्त॑म्। अ॒स्थूरि॑ णो गार्ह॑पत्यानि सन्तु। ति॒ग्मेन॑ न॒स्तेज॑सा

उप॑हूतः रथ॑न्तरः सह॑ पृथि॒व्या। उप॑ मा रथ॑न्तरः सह॑ पृथि॒व्या ह्य॑यताम्।
उप॑हूतं वाम॑दे॒व्यः स॒हान्तरि॑क्षेण। उप॑ मा वाम॑दे॒व्यः स॒हान्तरि॑क्षेण ह्य॑यताम्।
उप॑हूतं बृ॒हत्स॒ह दि॒वा। उप॑ मा बृ॒हत्स॒ह दि॒वा ह्य॑यताम्। उप॑हूताः स॒प्त होत्राः॑।
उप॑ मा स॒प्त होत्राः॑ ह्य॑यताम्। उप॑हूता धे॒नुः स॒हर्ष॑भा। उप॑ मा धे॒नुः स॒हर्ष॑भा
ह्य॑यताम्॥ २८ ॥

उप॑हूतो भ॒क्षः स॒खा। उप॑ मा भ॒क्षः स॒खा ह्य॑यताम्। उप॑हूताँ(४)हो। इडोप॑हूता।
उप॑हूतेडाँ। उपो॑ अ॒स्माः इडाँ ह्य॑यताम्। इडोप॑हूता। उप॑हूतेडाँ। मा॒न॒वी घृ॒तप॑दी
मै॒त्रावरु॑णी। ब्र॒ह्म दे॒वकृ॑तमुप॑हूतम्॥ २९ ॥

दै॒व्या अध्व॑र्यव उप॑हूताः। उप॑हूता म॒नुष्याः॑। य इ॒मं य॒ज्ञम॑वान्। ये य॒ज्ञप॑त्नीं
व॒र्धन्। उप॑हूते द्या॒वापृ॑थि॒वी। पू॒र्वजे ऋ॒ताव॑री। दे॒वी दे॒वपु॑त्रे। उप॑हूतेयं य॒ज्ञमा॑ना।
इ॒न्द्राणी॑वाऽवि॒धवा॑। अ॒दि॒तिरि॑व सु॒पुत्रा॑। उ॒त्तर॑स्या॒न्दे॒वय॒ज्याया॑मुप॑हूता। भूय॑सि
ह॒विष्क॑रण उप॑हूता। दि॒व्ये धा॒मन्नु॑प॑हूता। इ॒दं मे॑ दे॒वा ह॒विर्जु॑षन्ता॒मिति॑
तस्मि॑न्नुप॑हूता। वि॒श्वम॑स्याः प्रि॒यमु॑प॑हूतम्। वि॒श्वस्य॑ प्रि॒यस्यो॑प॑हूतस्योप॑हूता॥ ३० ॥

स॒हर्ष॑भा ह्य॑यतामुप॑हूतः सु॒पुत्रा॑ षट्॥

स॒त्यं प्र॒वोऽग्ने॑ म॒हान॒ग्निर्हो॑ता स॒मिधो॑ऽग्निर्वृ॒त्राण्य॒ग्निर्मूर्धो॑प॑हूतं दे॒वं ब॒रुहि॑रि॒दं द्या॒वापृ॑थि॒वी तच्छं॑ यो॒रा प्या॑य॒स्वोप॑हूत॒न्त्रयो॑दश॥ ३१ ॥

स॒त्यं व॒यः स्या॑म वृ॒ष्टि॒द्यावा त्रि॑श॒त्॥ ३० ॥

स॒त्यमु॑प॑हूता॥

हरिः ॐ ॥

॥ इति श्रीकृष्णयजुर्वेदीयतैत्तिरीयब्राह्मणे तृतीयाष्टके पञ्चमः प्रपाठकः समाप्तः ॥

॥षष्ठमः प्रश्नः॥

॥तैत्तिरीयब्राह्मणे तृतीयाष्टके षष्ठः प्रपाठकः॥

अ॒ञ्जन्ति॒ त्वाम॑ध्व॒रे दे॒वय॑न्तः। वन॑स्पते॒ मधु॑ना॒ दैव्ये॑न। यदूर्ध्व॑स्ति॒ष्ठाद्वि॑णेह ध॑त्तात्।
यद्वा॒ क्षयो॑ मा॒तुर॒स्या उ॒पस्थै॑। उच्छ्र॑यस्व वनस्पते। वर्ष्म॑न्पृथि॒व्या अधि॑। सुमि॑ती
मीय॑मानः। वर्चो॑धा य॒ज्ञवा॑हसे। समि॑द्धस्य श्रय॑माणः पु॒रस्ता॑त्। ब्रह्म॑ वन्वा॒नो
अ॒जरः॑ सु॒वीर॑म्॥_१॥

आ॒रे अ॒स्मद॑म॒तिं बा॑ध॒मानः॑। उच्छ्र॑यस्व मह॒ते सौ॒भगा॑य। ऊ॒र्ध्व ऊ॒षुणं॑ ऊ॒तयै॑।
ति॒ष्ठा दे॒वो न स॑विता। ऊ॒र्ध्वो वा॒जस्य॑ स॒निता॒ यद॑ञ्जिभिः। वा॒घद्वि॑र्वि॒ह्वया॑महे।
ऊ॒र्ध्वो नः॑ पा॒ह्यह॑सो नि के॒तुना॑। वि॒श्वः स॒म॒त्रिण॑न्दह। कृ॒धी न ऊ॒र्ध्वा च॒ रथा॑य
जी॒वसै॑। वि॒दा दे॒वेषु॑ नो दु॒वः॥_२॥

जा॒तो जा॑यते सु॒दिन॑त्वे अ॒ह्नाम्। स॒मर्य॑ आ वि॒दथे॑ वर्ध॑मानः। पु॒नन्ति॑ धी॒रा अप॑सो
मनी॑षा। दे॒वया॑ वि॒प्र उ॒दिय॑र्ति वाच॑म्। यु॒वा सु॒वासाः॑ परि॒वीत॒ आगो॑त्। स उ
श्रेया॑न्भवति जा॒यमा॑नः। तन्धी॑रा॒सः क॒वय॑ उन्नय॑न्ति। स्वा॒धियो॒ मन॑सा दे॒वय॑न्तः।
पृ॒थुपा॒जा अ॒मर्त्यः॑। घृ॒तनि॑र्णि॒ख्स्वा॑हुतः। अ॒ग्निर्य॑ज्ञस्य॑ ह॒व्यवा॑ट्। तः स॒बाधो॑ य॒तः
सु॒चः। इ॒त्था धि॒या य॒ज्ञव॑न्तः। आच॑क्रु॒रग्नि॑मू॒तयै॑। त्वं वरु॑ण उ॒त मि॒त्रो अ॑ग्ने। त्वां
व॑र्धन्ति म॒तिभि॑र्वि॒सि॒ष्ठाः। त्वे वसु॑ सु॒षण॑नानि सन्तु। यू॒यं पा॑त स्व॒स्तिभिः॒ सदा॑ नः॥_३॥

सुवीरन्दुवः स्वाहुतोऽष्टौ च॥

[1]

होता॑ यक्षद॒ग्निः स॒मिधा॑ सु॒षमि॑धा॒ समि॑द्धं नाभा॑ पृथि॒व्याः स॒ङ्ग॒थे वा॒मस्य॑।
वर्ष्म॑न्दिव इ॒डस्प॑दे वे॒त्ताज्य॑स्य हो॒तर्य॑जः। होता॑ यक्ष॒त्तनू॑नपा॒तम॑दि॒तेर्गर्भ॑ भुव॑नस्य
गो॒पाम्। म॒ध्वाद्य॑ दे॒वो दे॒वेभ्यो॑ दे॒व्याना॑न्प॒थो अ॑नक्तु वे॒त्ताज्य॑स्य हो॒तर्य॑जः। होता॑
यक्ष॒न्नरा॑शः स॒ नृश॑स्तं नृ॒ः प्र॑णे॒त्रम्। गोभि॑र्व॒पावा॑न्त्स्याद्वी॒रैः श॑क्ती॒वान्न॑थैः प्रथ॒मया॑
वा हि॒रण्यैश्च॑न्द्री वे॒त्ताज्य॑स्य हो॒तर्य॑जः। होता॑ यक्षद॒ग्निमि॑ड ई॒डितो॑ दे॒वो दे॒वाः
आ॒व॑क्षद्दू॒तो ह॑व्य॒वाड॑मूरः। उ॒पे॒मं य॒ज्ञमु॑पे॒मां दे॒वो दे॒वहू॑तिमवतु वे॒त्ताज्य॑स्य

होत॑र्यज॑। होता॑ यक्ष॑द्वर्हिः सु॑ष्टरीमोर्ण॑म्रदा अ॒स्मिन् य॒ज्ञे वि च प्र च॑ प्रथता॑
स्वा॒स॒स्थं दे॒वेभ्यः॑। ए॒मेन॑दद्य वस॑वो रु॒द्रा आ॒दि॒त्याः स॑दन्तु प्रि॒यमिन्द्र॑स्यास्तु
वे॒त्याज्य॑स्य होत॑र्यज॑॥४॥

होता॑ यक्ष॑दुर ऋ॒ष्याः क॑व॒ष्यो को॑षधावनीरु॒दाता॑भी॒र्जि॒हता॑ वि॒पक्षो॑भिः श्रय॑न्ताम्।
सु॒प्रा॒यणा अ॒स्मिन् य॒ज्ञे वि॒श्रय॑न्तामृता॒वृधो॑ वि॒यन्त्वाज्य॑स्य होत॑र्यज॑। होता॑
यक्ष॑दुषासान॒क्ता बृ॒हती सु॑पेश॑सा नृ॒ः~पति॑भ्यो योनिं कृ॒ण्वाने। स॒ःस्मय॑माने
इ॒न्द्रेण॑ दे॒वैरे॑दं ब॒र्हिः सी॑दतां वी॒तामाज्य॑स्य होत॑र्यज॑। होता॑ यक्ष॑दैव्या होता॑रा
म॒न्द्रा पो॑तारा क॒वी प्र॑चे॒तसा। स्वि॑ष्टम॒द्यान्यः क॑रदि॒षा स्व॑भिगूर्तम॒न्य ऊ॒र्जा
स॑त॒वसे॑मं य॒ज्ञं दि॒वि दे॒वेषु॑ ध॒त्ता वी॒तामाज्य॑स्य होत॑र्यज॑। होता॑ यक्ष॑त्तिस्रो
दे॒वीर॑प॒साम॑प॒स्तमा॑ अ॒च्छि॒द्रम॑दे॒दम॑प॒स्तन्व॑ताम्। दे॒वेभ्यो॑ दे॒वीर्दे॒वम॑पो वि॒यन्त्वाज्य॑स्य
होत॑र्यज॑। होता॑ यक्ष॑त्त्वष्टा॒रम॑चि॒ष्टम॑पा॒कः रे॒तोधां॑ वि॒श्रव॑सं यशो॑धाम्।
पु॒रु॒रूप॑म॒काम॑कर्॒शनः सु॑पोषः पोषैः स्यात्सु॒वीरो॑ वी॒रैर्वे॒त्वाज्य॑स्य होत॑र्यज॑। होता॑
यक्ष॑द्वनस्पति॑मु॒पाव॑स्रक्षद्वि॒यो जो॑ष्टारः श॒शम॑न्नरः। स्व॒दा॒त्स्वधि॑तिर्ऋ॒तुथा॑द्य दे॒वो
दे॒वेभ्यो॑ ह॒व्यावा॒ङ्मे॒त्वाज्य॑स्य होत॑र्यज॑। होता॑ यक्ष॑दग्निः स्वाहाऽऽज्य॑स्य स्वाहा॑ मे॒दसः
स्वाहा॑ स्तो॒काना॑ः स्वाहा॑ स्वाहा॑कृ॒तीना॑ः स्वाहा॑ ह॒व्यसू॑क्तीनाम्। स्वाहा॑ दे॒वाः
आ॑ज्य॒पा॒न्त्स्वाहा॑ऽग्निः हो॒त्राञ्जु॑षा॒णा अ॒ग्न आ॑ज्य॑स्य वि॒यन्तु॑ होत॑र्यज॑॥५॥

प्रियमिन्द्रस्यास्तु वेत्वाज्यस्य होत॑र्यज॑ सु॒वीरो॑ वी॒रैर्वे॒त्वाज्य॑स्य होत॑र्यज॑ च॒त्वारि॑ च (अ॒ग्नि॒त्तनू॒नपा॑त॒न्नाश॑संम॒ग्निमि॒ड ई॒डितो॑ ब॒र्हिर्दुर॑ उ॒पासा॑न॒क्ता दे॒व्या
ति॒स्रस्व॑ष्टा॒र व॒नस्प॑ति॒मग्नि॑म्। प॒ञ्च वे॒त्वेको॑ वि॒यन्तु॑ द्वि॒र्वी॒तामे॒को वि॒यन्तु॑ द्वि॒र्वे॒त्वेको॑ वि॒यन्तु॑ होत॑र्यज॑॥)॥ [२]

समि॑द्धो अ॒द्य म॒नुषो॑ दुरो॒णे। दे॒वो दे॒वान् य॑जसि जा॒तवे॑दः। आ च॒ वह॑
मि॒त्रम॑हश्चि॒कि॒त्वा॒न्। त्व॒न्दूतः॑ क॒विर॑सि प्र॒चे॒ताः। त॒नू॒नपा॑त्पथ ऋ॒तस्य॑ या॒नान्। म॒ध्वा
स॒मञ्ज॑त्स्व॒दया॑ सु॒जिह्वा॑। म॒न्मानि॑ धी॒भिरु॑त य॒ज्ञमृ॑न्धन्। दे॒वत्रा॑ च॒ कृ॒णु॒ह्यध्व॑रन्नः।
न॒राश॑स॒स्य म॑हि॒मान॑मेषाम्। उ॒प स्तो॑षाम य॒जत॑स्य य॒ज्ञैः॥६॥

ते सु॒क्रत॑वः शुच॑यो धि॒यन्धाः। स्व॑दन्तु दे॒वा उ॒भया॑नि ह॒व्या। आ॒जु॒ह्वान् ई॒ड्यो
व॒न्द्यश्च॑। आ॒या॒ह्यग्ने॑ वसु॒भिः स॒जोषाः॑। त्वं दे॒वाना॑मसि य॒ह्व होता॑। स ए॒नान्
यक्षी॑षितो य॒जीयान्। प्रा॒चीनं॑ ब॒र्हिः प्र॒दिशा॑ पृथि॒व्याः। व॒स्तो॒रस्या॑ वृ॒ज्यते॑ अ॒ग्रे

अह्ना॑म्। व्यु॑ प्रथ॑ते वि॒तरं वरी॑यः। दे॒वेभ्यो॑ अ॒दित॑ये स्यो॒नम्॥७॥

व्यच॑स्वतीरुर्वि॒या वि॒श्वय॑न्ताम्। पति॑भ्यो न ज॒नयः॑ शु॒भमा॑नाः। दे॒वीर्द्वा॑रो
बृ॒हती॑र्वि॒श्वमि॑न्वाः। दे॒वेभ्यो॑ भव॑थ सु॒प्राय॑णाः। आ॒सुष्व॑यन्ती य॒ज॒ते उ॒पा॒के।
उ॒षा॒सान॑क्ता॒ सद॑ता॒ नि यो॑नौ। दि॒व्ये योष॑णे बृ॒हती॑ सु॒रुक्मे। अ॒धि श्रि॑यः
शु॒क्रपि॑श॒न्दधा॑ने। दै॒व्या हो॑ता॒रा प्र॑थ॒मा सु॒वाचा॑। मि॒मा॒ना य॒ज्ञं म॑नु॒षो य॒ज॑ध्वे॥८॥
प्र॒चोद॑यन्ता वि॒दथे॑षु का॒रू। प्रा॒चीनं॑ ज्योतिः॑ प्र॒दिशा॑ दि॒शन्ता॑। आ नो॑ य॒ज्ञं भा॑र॒ती
तू॒यमे॒तु। इ॒डा म॑नुष्वदि॒ह चे॒तय॑न्ती। ति॒स्रो दे॒वीर्ब॒र्हिरे॑दः॒ स्यो॒नम्। स॒रे॒स्वती
स्व॒प॒सः स॑दन्तु। य इ॒मे द्या॑वा॒पृथि॑वी ज॒नित्री॑। रू॒पैर॑पि॒श॒द्भुव॑नानि वि॒श्वा। त॒मद्य॑
हो॒तरि॑षि॒तो य॒जीया॑न्। दे॒वन्व॑ष्टा॒रमि॑ह य॒क्षि वि॒द्वान्॥९॥

उ॒पाव॑सृ॒ज॒त्म॒न्या॑ स॒मञ्ज॑न्। दे॒वानां॑ पा॒थं ऋ॑तु॒था ह॒वी॒षि॑। व॒न॒स्पतिः॑ श॒मि॒ता दे॒वो
अ॒ग्निः। स्व॑दन्तु ह॒व्यं म॑धु॒ना घृ॑तेन। स॒द्यो जा॑तो व्य॒मिमी॑त य॒ज्ञम्।
अ॒ग्निर्दे॒वाना॑म॒भव॑त्पु॒रोगाः। अ॒स्य हो॑तुः प्र॒दिश्य॑तस्य॒ वा॒चि। स्वा॑हा॒कृतः॑ ह॒विर॑दन्तु
दे॒वाः॥१०॥

यज्ञैः स्योनं यजध्वे विद्वानष्टौ च॥ [3]

अ॒ग्निर्हो॑ता॒ नो अ॒ध्वरे॑। वा॒जी स॒न्परि॑णीयते। दे॒वो दे॒वेषु॑ य॒ज्ञियः॑।
परि॑त्रि॒विष्ट॑ध्व॒रम्। या॒त्यग्नी॑ र॒थीरि॑व। आ दे॒वेषु॑ प्र॒यो द॑धत्। परि॒ वाज॑पतिः क॒विः।
अ॒ग्निर्ह॒व्यान्य॑क्रमीत्। द॒ध॒द्र॒त्नानि॑ दा॒शुषे॑॥११॥

अ॒ग्निर्हो॑ता॒ नो न॑व॥ [4]

अ॒जै॒द॒ग्निः। अ॒स॒न॒द्वाज॑न्नि। दे॒वो दे॒वेभ्यो॑ ह॒व्यावा॑ट्। प्रा॒ञ्जोभि॑र्हि॒न्वानः॑। धे॒नाभिः॑
क॒ल्प॑मानः। य॒ज्ञस्या॑युः प्र॒ति॒रन्। उ॒प॒ प्रे॒ष्य हो॑तः। ह॒व्या दे॒वेभ्यः॑॥१२॥

अ॒जै॒द॒ष्टौ॥ [5]

दै॒व्याः श॑मि॒तार॑ उ॒त म॑नु॒ष्या आ॑र॒भध्व॑म्। उ॒प॒न॒य॒त मे॒ध्या दु॑रः। आ॒शासा॑ना
मे॒ध॒पति॑भ्यां मे॒धम्। प्रा॒स्मा अ॒ग्निं भ॑र॒त। स्तृ॑णी॒त ब॒र्हिः। अ॒न्वे॒नं मा॑ता म॒न्यता॑म्।
अ॒नु पि॑ता। अ॒नु भ्रा॑ता॒ सग॑र्भ्यः। अ॒नु स॒खा स॒यूथ्यः॑। उ॒दी॒चीनाः॑ अ॒स्य प॒दो
नि॒ध॑त्तात्॥१३॥

सूर्यश्चक्षुर्गमयतात्। वातं प्राणमन्ववंसृजतात्। दिशः श्रोत्रम्। अन्तरिक्षमसुम्।
पृथिवीं शरीरम्। एकधाऽस्य त्वचमाच्छ्रितात्। पुरा नाभ्या अपिशसौ
वपामुत्खिन्दतात्। अन्तरेवोष्माणं वारयतात्। श्येनमस्य वक्षः कृणुतात्। प्रशसा
बाहू॥¹⁴॥

शला दोषणी। कश्यपेवाःसा। अच्छिद्रे श्रोणी। कवषोरू स्नेकपर्णाष्ठीवन्ता।
षड्विंशतिरस्य वङ्गयः। ता अनुष्ठोच्यावयतात्। गात्रङ्गात्रमस्यानूनं कृणुतात्।
ऊवध्यगोहं पार्थिवङ्घ्रनतात्। अस्ना रक्षः सःसृजतात्। वनिष्ठुमस्य मा राविष्ट॥¹⁵॥
उरूकं मन्यमानाः। नेद्वस्तोके तनये। रवितारवच्छमितारः। अध्रिगो शमीध्वम्।
सुशमिं शमीध्वम्। शमीध्वमध्रिगो। अध्रिगुश्चापापश्च। उभौ देवानां शमितारौ।
ताविमं पशुं श्रपयतां प्रविद्धाःसौ। यथायथाऽस्य श्रपणन्तथातथा॥¹⁶॥

धत्ताद्बाहू मा राविष्ट तथातथा॥

[6]

जुषस्व सप्रथमस्तमम्। वचो देवप्सरस्तमम्। हव्या जुह्वान आसनि। इमं नो
यज्ञममृतेषु धेहि। इमा हव्या जातवेदो जुषस्व। स्तोकानामग्ने मेदसो घृतस्य।
होतः प्राशान प्रथमो निषद्य। घृतवन्तः पावक ते। स्तोकाः श्रोतन्ति मेदसः। स्वधर्मं
देववीतये॥¹⁷॥

श्रेष्ठं नो धेहि वार्यम्। तुभ्यं स्तोका घृतश्चुतः। अग्ने विप्राय सन्त्य। ऋषिः श्रेष्ठः
समिध्यसे। यज्ञस्य प्राविता भव। तुभ्यं श्रोतन्त्यध्रिगो शचीवः। स्तोकासो अग्ने
मेदसो घृतस्य। कविशस्तो बृहता भानुनागाः। हव्या जुषस्व मेधिर। ओजिष्ठन्ते
मध्यतो मेद उद्धृतम्। प्र ते वयन्ददामहे। श्रोतन्ति ते वसो स्तोका अधिब्रुचि।
प्रति तान्देवशोविहि॥¹⁸॥

देववीतय उद्धृतन्तीणि च॥

[7]

आवृत्रहणा वृत्रहभिः शुष्मैः। इन्द्र यातन्नमोभिरग्ने अर्वाक्। युवः
राधोभिरकवेभिरिन्द्र। अग्ने अस्मे भवतमुत्तमेभिः। होता यक्षदिन्द्राग्नी। छागस्य
वपाया मेदसः। जुषेतां हविः। होतर्यजः। विह्यख्यन्मनसा वस्य इच्छन्। इन्द्राग्नी
ज्ञास उत वा सजातान्॥¹⁹॥

नान्या युवत्प्रमतिरस्ति मह्यम्। स वाञ्छियं वाजयन्तीमतक्षम्। होता यक्षदिन्द्राग्नी।
पुरोडाशस्य जुषेताः हविः। होतर्यजं। त्वामीडते अजिरन्दृत्याय। हविष्मन्तः
सदमिन्मानुषासः। यस्य देवैरासदो बर्हिरग्ने। अहान्यस्मै सुदिना भवन्तु। होता
यक्षदग्निम्। पुरोडाशस्य जुषेताः हविः। होतर्यजं॥²⁰॥

सजातानग्निन्द्रे च॥

[8]

गीर्भिर्विप्रः प्रमतिमिच्छमानः। ईदृ रयिं यशसं पूर्वभाजम्। इन्द्राग्नी वृत्रहणा
सुवज्रा। प्र णो नव्येभिस्तिरतं देष्णैः। माच्छेद्वा रश्मीरिति नाधमानाः। पितृणां
शक्तीरनुयच्छमानाः। इन्द्राग्निभ्याङ्कं वृषणो मदन्ति। ताह्यद्री धिषणाया उपस्थैः।
अग्निः सुदीतिः सुदृशं गृणन्तः। नमस्यामस्त्वेदं जातवेदः। त्वान्दूतमरतिः
हव्यवाहम्। देवा अकृण्वन्नमृतस्य नाभिम्॥²¹॥

जातवेदो द्वे च॥

[9]

त्वः ह्यग्ने प्रथमो मनोता। अस्या धियो अभवो दस्महोता। त्वः सीं
"वृषन्नकृणोर्दुष्टरीतु। सहो विश्वस्मै सहसे सहध्वै। अधा होता न्यसीदो यजीयान्।
इडस्पद इषयन्नीड्यः सन्। तन्त्वा नरः प्रथमन्देवयन्तः। महो राये चितयन्तो
अनुग्मन्। वृतेव यन्तं बहुभिर्वसव्यैः। त्वे रयिञ्जागृवाः सो अनुग्मन्॥²²॥

रुशन्तमग्निन्दर्शतम्बृहन्तम्। वपावन्तं विश्वहां दीदिवाःसम्। पदं देवस्य नमसा
वियन्तः। श्रवस्यवः श्रवं आपन्नमृक्तम्। नामानि चिद्वधिरे यज्ञियानि। भद्रायान्ते
रणयन्त सन्देष्टौ। त्वां वर्धन्ति क्षितयः पृथिव्याम्। त्वः राय उभयांसो जनानाम्।
त्वन्ताता तरणे चेत्योभूः। पिता माता सदमिन्मानुषाणाम्॥²³॥

सपर्येण्यः स प्रियो विश्वग्निः। होता मन्द्रो निषसादा यजीयान्। तन्त्वा वयन्दम आ
दीदिवाःसम्। उपञ्जुबाधो नमसा सदेम। तन्त्वा वयः सुधियो नव्यमग्ने। सुम्नायवं
ईमहे देवयन्तः। त्वं विशो अनयो दीद्यानः। दिवो अग्ने बृहता रोचनेन। विशां
कविं विशपतिः शश्वतीनाम्। नितोशनं वृषभं चर्षणीनाम्॥²⁴॥

प्रेतीषणि मिषयन्तं पावकम्। राजन्तमग्निं यजतः रयीणाम्। सो अग्र ईजे शशमे

च॒ म॒र्तः। यस्त॒ आन॑द्भूमिधा॑ ह॒व्यदा॑तिम्। य आहु॑तिं परि॒ वेदा॒ नमो॑भिः।
वि॒श्वेत्स॒वामा॑ द॒धते॒ ब्रूतः॑। अ॒स्मा उ॑ ते म॒हि म॒हे वि॑धेम। नमो॑भिर॒ग्ने स॒मिधो॑त
ह॒व्यैः। वेदी॑सूनो॒ सह॒सो गी॑र्भि॒रुक्थैः॑। आ ते भ॒द्राया॑ सु॒मतौ य॑तेम॥²⁵॥

आ यस्त॒तन्थ॑ रोद॒सी वि॒भासा॑। श्रवो॑भिश्च श्रव॒स्यस्तरु॑त्रः। बृ॒हद्भि॒र्वाजैः
स्थ॒विरे॒भिर॒स्मे। रेव॒द्भिर॒ग्ने वि॒तरं॑ वि भा॑हि। नृ॒वद्व॑सो स॒दमि॑द्वै॒ह्यस्मे॑। भूरि॑तो॒काय॑
तन॑याय प॒श्वः। पूर्वी॑रिषो॒ बृह॑ती॒रारे अ॑घाः। अ॒स्मे भ॒द्रा सौ॑श्रव॒सानि॑ सन्तु।
पु॒रूण्य॑ग्ने पु॒रुधा॑ त्वा॒या। वसू॑नि रा॒जन्व॒सुता॑ते अ॒श्याम्। पु॒रूणि॒ हि त्वे पु॑रु॒वार॒
सन्ति॑। अ॒ग्ने वसु॑ वि॒धते॒ राज॑नि॒त्वे॥²⁶॥

जा॒गृवा॑सो अ॒नु॒ग्मन्मानु॑षाणाध॒र॒षणी॑नां य॑तेमा॒श्यान्दे च॑॥ [10]

आभ॑रत॒ शि॒क्षतं॑ वज्र॒बाहू॑। अ॒स्मा इ॒न्द्राग्नी॑ अव॒तः श॒चीभिः॑। इ॒मे नु ते र॒श्मयः॑
सूर्य॑स्य। येभिः॑ स॒पि॒त्रं पि॒तरो॑ न॒ आयन्॑। होता॑ यक्ष॒दिन्द्रा॑ग्नी। छा॒गस्य॑ ह॒विष॑
आ॒त्ताम॑दा। म॒ध्यतो॑ मे॒द उ॒द्धृत॑म्। पु॒रा द्वेषो॑भ्यः। पु॒रा पौरु॑षे॒य्या गृ॒भः।
घ॒स्तान्नू॑नम्॥²⁷॥

घा॒से अ॑ज्राणां॒ यव॑सप्रथ॒मानाम्॑। सु॒मत्क्ष॑राणा॒ शतरु॑द्रि॒याणाम्॑। अ॒ग्निष्वा॒त्तानां॑
पी॒वोप॑वस॒नानाम्॑। पा॒श्वतः॑ श्रो॒णितः॑ शि॒ताम॑त उ॒त्साद॑तः। अ॒ङ्गाद॑ङ्गा॒दव॑त्तानाम्।
कर॑त ए॒वेन्द्रा॑ग्नी। जु॒षेता॑ ह॒विः। हो॒तर्य॑ज। दे॒वेभ्यो॑ वन॒स्पते॑ ह॒वीर॑षि। हि॒रण्य॑पर्ण
प्र॒दिव॑स्ते अ॒र्थम्॥²⁸॥

प्र॒दक्षि॑णि॒द्रश्न॑या॒ नियू॑य। ऋ॒तस्य॑ वक्षि प॒थिभी॑ रजि॒ष्ठैः। होता॑ यक्ष॒द्वन॒स्पति॑म॒भिहि॑।
पि॒ष्टत॑मया र॒भिष्ठ॑या र॒श्नया॑धि॒त। यत्रे॑न्द्रा॒ग्नियो॒श्छा॒गस्य॑ ह॒विषः॑ प्रि॒या धा॑मानि। यत्र
वन॒स्पतेः॑ प्रि॒या पा॒थासि॑। यत्र दे॒वाना॑माज्य॒पाना॑ प्रि॒या धा॑मानि। यत्रा॒ग्नेर्होतुः॑
प्रि॒या धा॑मानि। तत्रै॒तं प्र॒स्तुत्ये॑वोप॒स्तुत्ये॑ वो॒पाव॑स॒क्षत्। रभी॑या॒समि॑व कृ॒त्वी॥²⁹॥
कर॑दे॒वं दे॒वो वन॒स्पतिः॑। जु॒षेता॑ ह॒विः। हो॒तर्य॑ज। पि॒प्री॑हि दे॒वा उ॑श॒तो य॑वि॒ष्ठ।
वि॒द्वाः ऋ॒तूः ऋ॒तुप॑ते यजे॒ह। ये दै॒व्या ऋ॒त्विज॑स्तेभिर॒ग्ने। त्वं
होत॑वृ॒णाम॒स्याय॑जिष्ठः। होता॑ यक्ष॒दग्निः॑ स्वि॒ष्टकृ॑तम्। अया॑ड॒ग्निरिन्द्रा॑ग्नियो॒श्छा॒गस्य॑
ह॒विषः॑ प्रि॒या धा॑मानि। अया॑ड्वन॒स्पतेः॑ प्रि॒या पा॒थासि॑। अया॑ड्वे॒वाना॑माज्य॒पाना॑

प्रिया धामानि। यक्षदग्नेर्होतुः प्रिया धामानि। यक्षत्स्वं महिमानम्। आयजतामेज्या
इषः। कृणोतु सो अध्वरा जातवेदाः। जुषतां हविः। होतर्यजः॥³⁰॥

नूनमर्थं कृत्वा पाथांसि सप्त च॥

[11]

उपो ह यद्विदथं वाजिनो गूः। गीर्भिर्विप्राः प्रमतिमिच्छमानाः। अर्वन्तो न
काष्ठान्नक्षमाणाः। इन्द्राग्नी जोहुवतो नरस्ते। वनस्पते रश्नयाऽभिधाय। पिष्टतमया
वयुनानि विद्वान्। वह देवत्रा दिधिषो हवींषि। प्र चदातारममृतेषु वोचः। अग्निः
स्विष्टकृतम्। अयाङ्गिरिन्द्राग्नियोश्छगस्य हविषः प्रिया धामानि॥³¹॥

अयाङ्गनस्पतेः प्रिया पाथांसि। अयाङ्गैवानामाज्यपानां प्रिया धामानि।
यक्षदग्नेर्होतुः प्रिया धामानि। यक्षत्स्वं महिमानम्। आयजतामेज्या इषः। कृणोतु
सो अध्वरा जातवेदाः। जुषतां हविः। अग्ने यदद्य विशो अध्वरस्य होतः। पावक
शोचे वेष्टुं हि यज्वां। ऋता यजासि महिना वियद्भूः। हव्या वह यविष्ठ या ते
अद्य॥³²॥

धामानि भूरेकं च॥

[12]

देवं बर्हिः सुदेवं देवैः स्यात्सुवीरं वीरैर्वस्तौर्वृज्येताक्तोः प्रभ्रियेतात्यन्यान्नाया
बर्हिष्मतो मदेम वसुवने वसुधेयस्य वेतु यज। देवीर्द्वारः सङ्घाते
विद्वीर्यामञ्छिधिरा ध्रुवा देवहूतौ वत्स ईमेनास्तरुण आमिमीयात्कुमारो वा
नवजातो मैना अर्वा रेणुककाटः पृणग्वसुवने वसुधेयस्य वियन्तु यज। देवी
उषासानक्ताऽद्यास्मिन्यज्ञे प्रयत्यहेतामपि नूनदैवीर्विशः प्रायांसिष्टां सुप्रीते सुधिते
वसुवने वसुधेयस्य वीतां यज। देवी जोष्टी वसुधिति ययोरन्याऽघाद्वेषांसि
यूयवदान्यावक्षद्वसु वार्याणि यजमानाय वसुवने वसुधेयस्य वीतां यज। देवी
ऊर्जाहुती इषमूर्जमन्यावक्षत्सग्धिः सपीतिमन्या नवेन पूर्वन्दयमानाः स्याम
पुराणेन नवन्तामूर्जमूर्जाहुती ऊर्जयमाने अधातां वसुवने वसुधेयस्य वीतां यज।
देवा दैव्या होतांरा नेष्टांरा पोतांरा हताघंशसावाभरद्वसू वसुवने वसुधेयस्य वीतां
यज। देवीस्तिस्तिस्तिस्तिस्ति देवीरिडा सरस्वती भारती द्यां

भार॑त्यादि॒त्यैर॑स्पृक्ष॒त्सर॑स्वती॒म॒ रु॒द्रैर्य॑ज्ञमा॒वीदि॒हैवे॑डं॒या व॑सु॒मत्या॑ स॒धमा॑दं म॒देम॑
व॒सुवने॑ व॒सुधेय॑स्य वियन्तु॒ यज॑। दे॒वो न॑रा॒शः स॑स्ति॒शीर्षा॑ ष॒डक्षः॑
श॒तमि॑देन॒ः शि॒तिपृ॑ष्ठा आ॒दध॑ति स॒हस्र॑मीं प्र॒वह॑न्ति मि॒त्रावरु॑णे॒दस्य॑ हो॒त्रम॑र॒हतो॑
बृ॒हस्प॑तिः स्तो॒त्रम॑श्चि॒नाऽऽध्व॑र्य॒वं व॑सु॒वने॑ व॒सुधेय॑स्य वेतु॒ यज॑। दे॒वो
व॒नस्प॑तिर्व॒रुष॑प्रा॒वा घृ॑तनि॒र्णिग्दाम॑ग्रे॒णास्पृ॑क्ष॒दान्त॑रि॒क्षं म॑ध्ये॒नाप्राः॑
पृ॒थि॒वीमु॑प॒रेणा॑द॒ः ही॒द्वसु॑वने॒ वसु॑धेय॒स्य वेतु॑ यज॑। दे॒वं ब॒र्हिर्वारि॑तीनां नि॒धेधा॑ऽसि
प्र॒च्युती॑नाम॒प्रच्यु॑त॒न्निका॑म॒धरणं॑ पु॒रुस्पार॑हं य॒ज्ञस्व॑दे॒ना ब॒र्हिषा॑ऽन्या ब॒र्हीः ष्य॑भि
ष्या॑म व॒सुवने॑ व॒सुधेय॑स्य वेतु॒ यज॑। दे॒वो अ॒ग्निः स्वि॑ष्ट॒कृत्सु॑द्रवि॒णा म॒न्द्रः क॒विः
स॒त्यम॑न्माऽऽय॒जी होता॑ होतु॒र्होतु॑राय॒जीयान॑ग्रे या॒न्दे॒वानया॑ड्या॒ः अपि॑प्रे॒र्ये ते॑ हो॒त्रे
अ॒मत्स॑त ता॒ः स॑स॒नुषी॑ः हो॒त्रान्दे॒वङ्ग॑मा॒न्दि॒वि दे॒वेषु॑ य॒ज्ञमे॑र॒येम॑ः स्वि॑ष्ट॒कृच्चा॑ग्रे
होता॑ऽभू॒र्वसु॑वने॒ वसु॑धेय॒स्य न॑मोवा॒के वी॒हि यज॑॥ 33 ॥

यजेकं च॥

[13]

दे॒वं ब॒र्हिः। व॒सुवने॑ व॒सुधेय॑स्य वेतु। दे॒वीर्द्वा॑रः। व॒सुवने॑ व॒सुधेय॑स्य वियन्तु। दे॒वी
उ॒षासा॑न॒क्ता। व॒सुवने॑ व॒सुधेय॑स्य वी॒ताम्। दे॒वी जो॑ष्टी। व॒सुवने॑ व॒सुधेय॑स्य
वी॒ताम्। दे॒वी ऊ॒र्जाहु॑ती। व॒सुवने॑ व॒सुधेय॑स्य वी॒ताम्॥ 34 ॥

दे॒वा दै॒व्या होता॑रा। व॒सुवने॑ व॒सुधेय॑स्य वी॒ताम्। दे॒वीस्ति॒स्रस्ति॒स्रो दे॒वीः। व॒सुवने॑
व॒सुधेय॑स्य वियन्तु। दे॒वो न॑रा॒शः सः। व॒सुवने॑ व॒सुधेय॑स्य वेतु। दे॒वो व॒नस्प॑तिः।
व॒सुवने॑ व॒सुधेय॑स्य वेतु। दे॒वं ब॒र्हिर्वारि॑तीनाम्। व॒सुवने॑ व॒सुधेय॑स्य वेतु॥ 35 ॥

दे॒वो अ॒ग्निः स्वि॑ष्ट॒कृत्। सु॑द्रवि॒णा म॒न्द्रः क॒विः। स॒त्यम॑न्माय॒जी होता॑।
होतु॒र्होतु॑राय॒जीयान्। अ॒ग्रे या॒न्दे॒वानया॑ट्। या॒ः अपि॑प्रेः। ये ते॑ हो॒त्रे अ॒मत्स॑त।
ता॒ः स॑स॒नुषी॑ः हो॒त्रान्दे॒वङ्ग॑माम्। दि॒वि दे॒वेषु॑ य॒ज्ञमे॑र॒येमम्। स्वि॑ष्ट॒कृच्चा॑ग्रे
होता॑ऽभूः। व॒सुवने॑ व॒सुधेय॑स्य न॑मोवा॒के वी॒हि॥ 36 ॥

वीतां वेबभुरेकं च॥

[14]

अ॒ग्निम॑द्य होता॑रम॒वृणी॑तायं यज॑मानः प॒चन्प॑त्कीः प॒चन्पु॑रोडा॒शं
ब॒ध्नन्नि॑न्द्रा॒ग्निभ्या॑ञ्छा॒गः सू॒पस्था॑ अ॒द्य दे॒वो व॒नस्प॑तिर॒भवदि॑न्द्रा॒ग्निभ्या॑

छागे॒नाघ॑स्ता॒न्तं मे॑द॒स्तः प्र॑ति॒पच॑ताग्र॒भीष्टा॒मवी॑वृ॒धेतां पु॒रोडा॑शे॒न त्वा॒मद॑र्ष आ॒र्षेय॑
ऋ॒षीणा॑न्नपा॒दवृ॑णीता॒यं यज॑मानो बहु॒भ्य आ सङ्ग॑ते॒भ्य ए॒ष मे दे॒वेषु॑ वसु॒ वार्या॑
यक्ष्य॑त इति॒ ता या दे॒वा दे॒वदाना॑न्यदु॒स्तान्य॑स्मा आ च॒ शास्त्वा च॑ गुर॒स्त्रेषि॑तश्च
हो॒तर॑सि॒ भद्र॑वाच्या॒य प्रेषि॑तो॒ मानु॑षः सू॒क्तवा॒काय॑ सू॒क्ता ब्रू॑हि॥³⁷॥

अ॒ग्निम॒द्यैक॑म्॥

[15]

अ॒ञ्जन्ति॑ हो॒ता यक्ष॑त्समि॒द्धो अ॒द्याग्नि॑र॒जैर्दे॒व्या जु॑षस्त्वा वृ॒त्रह॑णा गी॒र्भिस्त्व॑ ह्या॒भर॑त॒मुपो॑ह॒ यद्दे॒वं ब॒र्हिः सु॒दे॒वं दे॒वं ब॒र्हिर्ग॒ग्निम॑द्य
प॒ञ्चद॑श॥¹⁵॥

अ॒ञ्जन्त्य॒ग्निर्हो॑ता॒ नो गी॒र्भिरु॑पो॒ ह॒ यद्वि॒दधं॑ वा॒जिनः॑ स॒प्तत्रि॑ंशत्॥³⁷॥

अ॒ञ्जन्ति॑ सू॒क्ताब्रू॑हि॥

हरिः॑ ॐ॥

॥इति श्रीकृष्णयजुर्वेदीयतैत्तिरीयब्राह्मणे तृतीयाष्टके षष्ठः प्रपाठकः समाप्तः॥

॥सप्तमः प्रश्नः॥

॥तैत्तिरीयब्राह्मणे तृतीयाष्टके सप्तमः प्रपाठकः॥

सर्वान् वा ए॒षोऽ॒ग्नौ का॒मान्प्रवे॑शयति। योऽ॒ग्नीन॑न्वा॒धाय॑ व्रतमु॒पैति॑। स॒यद॑नि॒ष्ट्वा
प्र॒या॒यात्। अ॒का॒म॒प्री॒ता ए॒न॒ङ्कामा॑ नानु॒प्रया॑युः। अ॒ते॒जा अ॒वीर्यः॑ स्यात्। स
जु॒हुयात्। तु॒भ्यन्ता॑ अ॒ङ्गिर॑स्तम। वि॒श्वाः सु॒क्षित॑यः पृथक्। अ॒ग्ने का॒माय॑ येमि॒र
इति॑। का॒माने॑वास्मि॒न्दधा॑ति॥₁॥

का॒म॒प्री॒ता ए॒न॒ङ्कामा॑ अनु प्र॒या॒न्ति। ते॒ज॒स्वी वी॒र्या॑वान्भवति। सन्त॑ति॒र्वा ए॒षा
य॒ज्ञस्य॑। योऽ॒ग्नीन॑न्वा॒धाय॑ व्रतमु॒पैति॑। स यदु॒द्वाय॑ति। वि॒च्छि॑त्तिरे॒वास्य॑ सा। तं
प्रा॒ध्वमु॒द्धृत्य॑। म॒न॒सोप॑तिष्ठेत्। म॒नो वै प्र॒जाप॑तिः। प्रा॒जाप॑त्यो य॒ज्ञः॥₂॥

म॒न॒सैव॑ य॒ज्ञः सन्त॑नोति। भूरि॒त्याह॑। भू॒तो वै प्र॒जाप॑तिः। भू॒तिमे॒वोपै॑ति। वि वा
ए॒ष इ॒न्द्रि॒येण॑ वी॒र्येण॑र्धयति। यस्याहि॑ता॒ग्नेर॒ग्निर॑प॒क्षाय॑ति। याव॑च्छ॒म्यया॑ प्र॒विध्यै॑त्।
यदि॑ ताव॑दप॒क्षायै॑त्। त॒स्य सम्भ॑रेत्। इ॒दन्त॑ ए॒कं पर॑ उ॒त ए॒कम्॥₃॥

तृती॒येन॑ ज्योति॑षा संवि॑शस्व। सं॒वेश॑नस्तनु॒वै चा॒रुरे॑धि। प्रि॒ये दे॒वानां॑ पर॒मे ज॒नित्र॑
इति॑। ब्रह्म॑णै॒वैन॑स्य सम्भ॑रति। सैव ततः प्रायश्चि॑त्तिः। यदि॑ पर॒स्तरा॑मप॒क्षायै॑त्।
अ॒नु॒प्र॒या॒याव॑स्येत्। सो ए॒व ततः॑ प्रायश्चि॑त्तिः। ओष॑धी॒र्वा ए॒तस्य॑ प॒शून्प॑यः प्रवि॑शति।
यस्य॑ ह॒विषे॑ व॒त्सा अ॒पाकृ॑ता ध॒रन्ति॥₄॥

तान् यदु॒द्वायात्। या॒तया॑न्मा ह॒विषा॑ यजेत। यन्न दु॒द्वायात्। य॒ज्ञप॑रु॒रन्तरि॑यात्। वा॒य॒व्या
यवा॑गू॒न्निर्व॑पेत्। वा॒युर्वै प॑यः प्र॒दाप॑यिता। स ए॒वास्मै॑ प॑यः प्र॒दाप॑यति। प॒यो वा
ओष॑धयः। प॑यः प॑यः। प॑यसै॒वास्मै॑ प॒योऽव॑रुन्धे॥₅॥

अथो॒त्तर॑स्मै ह॒विषे॑ व॒त्सान॑पाकृ॒र्यात्। सैव ततः॑ प्रायश्चि॑त्तिः। अ॒न्य॒तरा॑न् वा ए॒ष
दे॒वान्भा॑ग॒धेये॑न व्य॒र्धय॑ति। ये यज॑मानस्य सा॒यं गृ॒हमा॑ गच्छ॑न्ति। यस्य॑ सा॒य॒न्दु॒ग्धः
ह॒विरा॑र्तिमा॒र्च्छति॑। इन्द्रा॑य व्री॒हीन्नि॒रुप्यो॑प वसेत्। प॒यो वा ओष॑धयः। प॑य ए॒वार॑भ्यं
गृ॒ही॒त्वोप॑ वसति। यत्प्रा॒तः स्या॑त्। तच्छृ॒तं कृ॑र्यात्॥₆॥

अथेतर ऐन्द्रः पुरोडाशः स्यात्। इन्द्रिये एवास्मै समीचीं दधाति। पयो वा ओषधयः। पयः पयः। पयसैवास्मै पयोऽवरुन्धे। अथोत्तरस्मै हविषे वत्सानपाकुर्यात्। सैव ततः प्रायश्चित्तिः। उभयान् वा एष देवान्भागधेयेन व्यर्धयति। ये यजमानस्य सायं च प्रातश्च गृहमा गच्छन्ति। यस्योभयं हविरार्तिमाच्छति॥७॥

ऐन्द्रं पञ्चशरावमोदनन्निर्वपेत्। अग्निं देवतानां प्रथमं यजेत्। अग्निमुखा एव देवताः प्रीणाति। अग्निं वा अन्वन्या देवताः। इन्द्रमन्वन्याः। ता एवोभयीः प्रीणाति। पयो वा ओषधयः। पयः पयः। पयसैवास्मै पयोऽवरुन्धे। अथोत्तरस्मै हविषे वत्सानपाकुर्यात्॥८॥

सैव ततः प्रायश्चित्तिः। अर्धो वा एतस्य यज्ञस्य मीयते। यस्य व्रत्येऽहन्यत्यनालम्भुका भवति। तामपरुध्यं यजेत। सर्वेणैव यज्ञेन यजते। तामिष्टोपं ह्वयेत्। अमूहमस्मि। सा बम्। द्यौरहम्। पृथिवी बम्। सामाहम्। ऋक्म्। तावेहि सम्भवाव। सह रेतो दधावहे। पुंसे पुत्राय वेत्तवै। रायस्पोषाय सुप्रजास्त्राय सुवीर्यायेति। अर्ध एवैनामुपं ह्वयते। सैव ततः प्रायश्चित्तिः॥९॥

दधाति यज्ञ उत एकन्धयन्ति रुन्धे कुर्यादाच्छत्यपाकुर्यात्पृथिवी बम्ष्टौ च (सर्वान् वि वे यदि परस्तरामोषधीरन्यतरानुभयानर्धो वे॥)॥ [1]

यद्विष्वण्णेन जुहुयात्। अप्रजा अपशुर्यजमानः स्यात्। यदनायतने निनयेत्। अनायतनः स्यात्। प्राजापत्ययर्चा वल्मीकवपायामव नयेत्। प्राजापत्यो वै वल्मीकः। यज्ञः प्रजापतिः। प्रजापतावेव यज्ञं प्रतिष्ठापयति। भूरित्याह। भूतो वै प्रजापतिः॥१०॥

भूतिमेवोपैति। तत्कृत्वा। अन्यां दुग्ध्वा पुनर्होतव्यम्। सैव ततः प्रायश्चित्तिः। यत्कीटावपन्नेन जुहुयात्। अप्रजा अपशुर्यजमानः स्यात्। यदनायतने निनयेत्। अनायतनः स्यात्। मध्यमेन पर्णेन द्वावापृथिव्ययर्चाऽन्तः परिधि निनयेत्। द्वावापृथिव्योरेवैन्तप्रतिष्ठापयति॥११॥

तत्कृत्वा। अन्यां दुग्ध्वा पुनर्होतव्यम्। सैव ततः प्रायश्चित्तिः। यदववृष्टेन जुहुयात्। अपरूपमस्यात्मजायेत। किलासो वास्यादर्शसो वा। यत्प्रत्येयात्। यज्ञं

विच्छिन्द्यात्। स जुहुयात्। मित्रो जनां कल्पयति प्रजानन्॥¹²॥

मित्रो दाधार पृथिवीमुत द्याम्। मित्रः कृष्टीरनिमिषाऽभि चष्टे। सत्याय हव्यं घृतवञ्जुहोतेति। मित्रेणैवैनं कल्पयति। तत्कृत्वा। अन्यां दुग्ध्वा पुनर्होतव्यम्। सैव ततः प्रायश्चित्तिः। यत्पूर्वस्यामाहुत्यां हुतायामुत्तराऽऽहुतिः स्कन्देत्। द्विपाद्भिः पशुभिर्यजमानो व्यधेत्। यदुत्तरयाऽभि जुहुयात्॥¹³॥

चतुष्पाद्भिः पशुभिर्यजमानो व्यधेत्। यत्र वेत्थं वनस्पते देवानाङ्गुह्या नामानि। तत्र हव्यानि गामयेति वानस्पत्ययर्चा समिधमाधाय। तूष्णीमेव पुनर्जुहुयात्। वनस्पतिनैव यज्ञस्यार्ताधानार्ताधाहुती वि दाधार। तत्कृत्वा। अन्यां दुग्ध्वा पुनर्होतव्यम्। सैव ततः प्रायश्चित्तिः। यत्पुरा प्रयाजेभ्यः प्राङङ्गारः स्कन्देत्। अध्वर्यवे च यजमानाय चाकं स्यात्॥¹⁴॥

यदक्षिणा। ब्रह्मणे च यजमानाय चाकं स्यात्। यत्प्रत्यक्। होत्रे च पत्नियै च यजमानाय चाकं स्यात्। यदुदङ्गु। अग्नीधे च पशुभ्यश्च यजमानाय चाकं स्यात्। यदभिजुहुयात्। रुद्रौस्य पशून्धातुकः स्यात्। यन्नाभिजुहुयात्। अशान्तः प्रह्रियेत॥¹⁵॥

सुवस्य बुध्नेनाभिनिदध्यात्। मा तमो मा यज्ञस्तमन्मा यजमानस्तमत्। नमस्ते अस्त्रायते। नमो रुद्र परायते। नमो यत्र निषीदसि। अमुं मा हिंसीरमुं मा हिंसीरिति येन स्कन्देत्। तं प्रहरेत्। सहस्रशृङ्गो वृषभो जातवेदाः। स्तोमपृष्ठो घृतवान्त्सुप्रतीकः। मा नो हासीन्मेत्थितो नेत्वा जहाम। गोपोषं नो वीरपोषं च यच्छेति। ब्रह्मणैवैनं प्र हरति। सैव ततः प्रायश्चित्तिः॥¹⁶॥

वै प्रजापतिः स्थापयति प्रजानन्मि जुहुयात्स्याद्वियेत जहाम त्रीणि च (यद्विष्णवेन प्राजापत्यया यत्कीटा मध्यमेन यदववृष्टेन यत्पूर्वस्यां यत्पुरा प्रयाजेभ्यः प्राङङ्गारो यदक्षिणा यत्प्रत्यग्यदुदङ्गु॥)॥

[2]

वि वा एष इन्द्रियेण वीर्येण धर्यते। यस्याहिताग्नेरग्निर्मथ्यमानो न जायते। यत्रान्यं पश्येत्। तत आहत्यं होतव्यम्। अग्नावेवास्याग्निहोत्रं हुतं भवति। यद्यन्यन्न विन्देत्। अजायां होतव्यम्। आग्नेयी वा एषा। यदजा। अग्नावेवास्याग्निहोत्रं हुतं भवति॥¹⁷॥

अजस्य तु नाश्नीयात्। यदजस्याश्नीयात्। यामेवाग्नावाहुतिं जुहुयात्। तामद्यात्।

तस्मादजस्य नाश्वम्। यद्यजान्न विन्देत्। ब्राह्मणस्य दक्षिणे हस्ते होतव्यम्। एष वा अग्निर्वैश्वानरः। यद्ब्राह्मणः। अग्नावेवास्याग्निहोत्रं हुतं भवति॥¹⁸॥

ब्राह्मणन्तु वसत्यै नाप रुन्ध्यात्। यद्ब्राह्मणं वसत्या अपरुन्ध्यात्। यस्मिन्नेवाग्नावाहुतिं जुहुयात्। तन्भागधेयेन व्यर्धयेत्। तस्माद्ब्राह्मणो वसत्यै नापरुध्यः। यदि ब्राह्मणं न विन्देत्। दर्भस्तम्बे होतव्यम्। अग्निवान्वै दर्भस्तम्बः। अग्नावेवास्याग्निहोत्रं हुतं भवति। दर्भास्तु नाध्यासीत्॥¹⁹॥

यदर्भानध्यासीत्। यामेवाग्नावाहुतिं जुहुयात्। तामध्यासीत्। तस्माद्दर्भा नाध्यासितव्याः। यदि दर्भान्न विन्देत्। अप्सु होतव्यम्। आपो वै सर्वा देवताः। देवतास्त्रेवास्याग्निहोत्रं हुतं भवति। आपस्तु न परिचक्षीत्। यदापः परिचक्षीत्॥²⁰॥ यामेवाप्स्वाहुतिं जुहुयात्। तां परिचक्षीत्। तस्मादापो न परिचक्ष्याः। मेध्या च वा एतस्यामेध्या च तनुवौ सः सृज्येते। यस्याहिताग्रेरन्यैरग्निभिर्ग्नयः सः सृज्यन्ते। अग्नये विविचये पुरोडाशमष्टाकपालं निर्वपेत्। मेध्याश्चैवास्यामेध्यां च तनुवौ व्यावर्तयति। अग्नयै व्रतपतये पुरोडाशमष्टाकपालं निर्वपेत्। अग्निमेव व्रतपतिं स्वेन भागधेयेनोप धावति। स एवैनं व्रतमा लम्भयति॥²¹॥

गर्भं स्रवन्तमगदमंकः। अग्निरिन्द्रस्त्वष्टा बृहस्पतिः। पृथिव्यामव चुश्नोतैतत्। नाभिप्राप्नोति निर्ऋतिं पराचैः। रेतो वा एतद्वाजिनमाहिताग्रेः। यदग्निहोत्रम्। तद्यत्स्रवैत्। रेतोऽस्य वाजिनं स्रवेत्। गर्भं स्रवन्तमगदमंकुरित्याह। रेत एवास्मिन्वाजिनं दधाति॥²²॥

अग्निरित्याह। अग्निर्वै रेतोधाः। रेत एव तदधाति। इन्द्र इत्याह। इन्द्रियमेवास्मिन्दधाति। त्वष्टेत्याह। त्वष्टा वै पशूनां मिथुनानां रूपकृत्। रूपमेव पशुषु दधाति। बृहस्पतिरित्याह। ब्रह्म वै देवानां बृहस्पतिः। ब्रह्मणैवास्मै प्रजाः प्र जनयति। पृथिव्यामव चुश्नोतैतदित्याह। अस्यामेवैनत्प्रतिष्ठापयति। नाभिप्राप्नोति निर्ऋतिं पराचैरित्याह। रक्षसामपहत्यै॥²³॥

अजाऽअग्नावेवास्याग्निहोत्रं हुतं भवति भवत्यासीत् परिचक्षीत् लम्भयति दधाति देवानां बृहस्पतिः पशू च (वि वै यदन्यमजायां ब्राह्मणस्य दर्भस्तम्बेऽप्सु होतव्यम्॥)॥

याः पुरस्तात्प्रस्रवन्ति। उपरिष्ठात्सर्वतश्च याः। तार्भा रश्मिपवित्राभिः। श्रद्धां यज्ञमा
रभे। देवा गातुविदः। गातुं यज्ञाय विन्दत। मनसस्पतिना देवेन। वाताद्यज्ञः प्र
युज्यताम्। तृतीयस्यै दिवः। गायत्रिया सोम आभृतः॥²⁴॥

सोमपीथाय सन्नयितुम्। वकलमन्तरमा ददे। आपो देवीः शुद्धाः स्थ। इमा
पात्राणि शुन्धत। उपातङ्क्षां देवानाम्। पर्णवल्कमुत शुन्धत। पयो गृहेषु पयो
अघ्नियासु। पयो वत्सेषु पय इन्द्राय हविषे धियस्व। गायत्री पर्णवल्केन। पयः
सोमं करोबिमम्॥²⁵॥

अग्निं गृह्णामि सुरथं यो मयोभूः। य उद्यन्तमारोहति सूर्यमहं। आदित्यज्योतिषां
ज्योतिरुत्तमम्। श्वो यज्ञाय रमतां देवताभ्यः। वसून्नुद्रानादित्यान्। इन्द्रेण सह
देवताः। ताः पूर्वः परि गृह्णामि। स्व आयतने मनीषया। इमामूर्जं पञ्चदशीं ये
प्रविष्टाः। तान्देवान्परि गृह्णामि पूर्वः॥²⁶॥

अग्निर्हव्यवाडिह ताना वहतु। पौर्णमासं हविरिदमेषां मयि। आमावास्यं
हविरिदमेषां मयि। अन्तराऽग्नी पशवः। देवसंसदमा गमन्। तान्पूर्वः परि
गृह्णामि। स्व आयतने मनीषया। इह प्रजा विश्वरूपा रमन्ताम्। अग्निं गृहपतिमभि
संवसानाः। ताः पूर्वः परि गृह्णामि॥²⁷॥

स्व आयतने मनीषया। इह पशवो विश्वरूपा रमन्ताम्। अग्निं गृहपतिमभि
संवसानाः। तान्पूर्वः परि गृह्णामि। स्व आयतने मनीषया। अयं पितृणामग्निः।
अवाङ्मुखा पितृभ्य आ। तं पूर्वः परि गृह्णामि। अविषन्नः पितुं करत्। अजस्रन्त्वा
सभापालाः॥²⁸॥

विजयभागं समिन्धताम्। अग्ने दीदाय मे सभ्य। विजित्यै शरदः शतम्।
अन्नमावसथीयम्। अभि हराणि शरदः शतम्। आवसथे श्रियं मन्त्रम्। अहिर्बुध्नियो
नि यच्छतु। इदमहमग्निज्यैष्ठेभ्यः। वसुभ्यो यज्ञं प्रब्रवीमि।
इदमहमिन्द्रज्यैष्ठेभ्यः॥²⁹॥

रुद्रेभ्यो यज्ञं प्र ब्रवीमि। इदमहं वरुणज्यैष्ठेभ्यः। आदित्येभ्यो यज्ञं प्र ब्रवीमि।

पयस्वतीरोषधयः। पयस्वद्वीरुधां पयः। अपां पयसो यत्पयः। तेन मामिन्द्र सः
सृज। अग्ने व्रतपते व्रतं चरिष्यामि। तच्छकेयन्तन्मे राध्यताम्। वायो व्रतपत
आदित्य व्रतपते॥³⁰॥

व्रतानां व्रतपते व्रतं चरिष्यामि। तच्छकेयन्तन्मे राध्यताम्। इमां प्राचीमुदीचीम्।
इषमूर्जमभि सःस्कृताम्। बहुपर्णामशुष्काग्राम्। हरामि पशुपामहम्। यत्कृष्णो
रूपं कृत्वा। प्राविशस्त्वं वनस्पतीन्। ततस्त्वामेकविंशतिधा। सम्भरामि
सुसम्भृतां॥³¹॥

त्रीनपरिधीः स्तिस्रः समिधः। यज्ञायुरनुसञ्चरान्। उपवेषं मेक्षणं धृष्टिम्। सं भरामि
सुसम्भृतां। या जाता ओषधयः। देवेभ्यस्त्रियुगं पुरा। तासां पर्व राध्यासम्।
परिस्तरमाहरन्। अपां मेध्यं यज्ञियम्। सदैवः शिवमस्तु मे॥³²॥

आच्छेत्ता वो मा रिषम्। जीवानि शरदः शतम्। अपरिमितानां परिमिताः। सन्नह्ये
सुकृताय कम्। एनो मा निगाङ्गतमघनाहम्। पुनरुत्थाय बहुला भवन्तु।
सकृदाच्छिन्नं बर्हिरूर्णामृदु। स्योनं पितृभ्यस्त्वा भराम्यहम्। अस्मिन्त्सीदन्तु मे
पितरः सोम्याः। पितामहाः प्रपितामहाश्चानुगैः सह॥³³॥

त्रिवृत्पलाशे दर्भः। इयान्प्रादेशसंमितः। यज्ञे पवित्रं पोतृतमम्। पयो हव्यं करोतु
मे। इमौ प्राणापानौ। यज्ञस्याङ्गानि सर्वशः। आप्याययन्तौ सञ्चरताम्। पवित्रे
हव्यशोधने। पवित्रे स्थो वैष्णवी। वायुर्वा मनसा पुनातु॥³⁴॥

अयं प्राणश्चापानश्च। यजमानमपि गच्छताम्। यज्ञे ह्यभूतां पोतारौ। पवित्रे
हव्यशोधने। त्वया वेदिं विविदुः पृथिवीम्। त्वया यज्ञो जायते विश्वदानिः। अच्छिद्रं
यज्ञमन्वेषि विद्वान्। त्वया होता सन्तनोत्यर्धमासान्। त्रयस्त्रिंशोऽसि तन्तूनाम्।
पवित्रेण सहागहि॥³⁵॥

शिवेयः रज्जुरभिधानी। अघ्नियामुपं सेवताम्। अप्रस्रसाय यज्ञस्य। उखे
उपदधाम्यहम्। पशुभिः सन्नीतं बिभृताम्। इन्द्राय शृतं दधि। उपवेषोऽसि यज्ञाय।
त्वां परिवेषमधारयन्। इन्द्राय हविः कृण्वन्तः। शिवः शग्मो भवासि नः॥³⁶॥

अमृन्मयन्देवपात्रम्। यज्ञस्यायुषि प्र युज्यताम्। तिरः पवित्रमतिनीताः। आपो धारय
मातिगुः। देवेन सवित्रोत्पूताः। वसोः सूर्यस्य रश्मिभिः। गान्दोहपवित्रे रज्जुम्। सर्वा
पात्राणि शुन्धत। एता आ चरन्ति मधुमद्गुहानाः। प्रजावतीर्यशसो विश्वरूपाः॥³⁷॥

बहीर्भवन्तीरुपजायमानाः। इह व इन्द्रो रमयतु गावः। पूषा स्थ। अयक्ष्मा वः
प्रजया सः सृजामि। रायस्पोषेण बहुलाभवन्तीः। ऊर्जं पयः पिन्वमाना घृतं च।
जीवो जीवन्तीरुपवः सदेयम्। द्यौश्चेमं यज्ञं पृथिवी च सन्दुहाताम्। धाता सोमेन
सह वातेन वायुः। यजमानाय द्रविणन्दधातु॥³⁸॥

उत्सन्दुहन्ति कलशश्चतुर्विलम्। इडां देवीम्मधुमतीः सुवर्विदम्। तदिन्द्राग्नी
जिन्वतः सूनृतावत्। तद्यजमानममृतत्वे दधातु। कामधुक्षः प्र णौ ब्रूहि। इन्द्राय
हविरिन्द्रियम्। अमूं यस्यां देवानां। मनुष्याणां पयो हितम्। बहु दुग्धीन्द्राय
देवेभ्यः। हव्यमा प्यायतां पुनः॥³⁹॥

वत्सेभ्यो मनुष्येभ्यः। पुनर्दोहाय कल्पताम्। यज्ञस्य सन्ततिरसि। यज्ञस्य त्वा
सन्ततिमनु सन्तनोमि। अदस्तमसि विष्णवे त्वा। यज्ञायपि दधाम्यहम्।
अद्विररिक्तेन पात्रेण। याः पूताः परिशेरते। अयं पयः सोमं कृत्वा। स्वां योनिमपि
गच्छतु॥⁴⁰॥

पर्णवल्कः पवित्रम्। सौम्यः सोमाद्धि निर्मितः। इमौ पर्णं च दर्भं च। देवानां
हव्यशोधनौ। प्रातर्वेषाय गोपाय। विष्णो हव्यः हि रक्षसि। उभावग्नी उपस्तृणते।
देवता उपवसन्तु मे। अहङ्गाम्यानुप वसामि। मह्यङ्गोपतये पशून्॥⁴¹॥

आभृत इमं गृह्णामि पूर्वस्ताः पूर्वः परिगृह्णामि सभापाला इन्द्रज्येष्ठेभ्य आदित्य व्रतपते सुसम्भृतां मे सह पुनातु गहि नो विश्वरूपा दधातु पुनर्गच्छतु पशून्
(याः पुरस्तादिमामूर्जमिह प्रजा इह पशवोऽयं पितृणामग्निः।)॥

[4]

देवां देवेषु पराक्रमध्वम्। प्रथमा द्वितीयेषु। द्वितीयास्तृतीयेषु। त्रिरेकादशा इह
माऽवत। इदं शकेयं यदिदं करोमि। आत्मा करोत्वात्मनै। इदं करिष्ये भेषजम्।
इदमे विश्वभेषजा। अश्विना प्रावतं युवम्। इदमहं सेनाया अभीवर्षे॥⁴²॥

मुखमपोहामि। सूर्य ज्योतिर्वि भाहि। महत इन्द्रियाय। आ प्यायतां घृतयोनिः।
अग्निर्हव्याऽनु मन्यताम्। खमङ्घ्रं त्वचमङ्घ्रं। सुरूपन्त्वा वसुविदम्। पशूनान्तेजसा।

अ॒ग्नये॒ जुष्ट॑म॒भि घा॑रयामि। स्यो॒नन्ते॒ स॒दनं॑ करोमि॥⁴³॥

घृ॒तस्य॒ धा॑र॒या सु॒शेवं॑ कल्पयामि। तस्मि॑न्त्सी॒दामृ॑ते॒ प्र॒ति॒ति॒ष्ठ। व्री॒ही॒णाम्मे॑ध
सु॒मन॑स्यमा॒नः। आ॒र्द्रः प्र॑थ॒स्रुर्भु॑वनस्य गो॒पाः। शृ॒त उत्स्रा॑ति ज॒निता॑ म॒तीनाम्।
यस्त॑ आ॒त्मा प॒शुषु॑ प्रविष्टः। दे॒वानां॑ वि॒ष्ठाम॑नु॒ यो वि॑त॒स्थे। आ॒त्म॒न्वा॒न्त्सो॒म घृ॑तवा॒न्
हि भू॑त्वा। दे॒वानां॑च्छ॒ सु॒व॒र्वि॒न्द॒ यज॑मानाय॒ मह्य॑म्। इ॒रा भू॑तिः पृथि॒व्यै र॒सो
मो॒त्क्र॑मीत्॥⁴⁴॥

दे॒वाः पि॒तरः॒ पि॒त॒रो दे॒वाः। योऽह॑म॒स्मि स॒ सन् य॑जे। यस्या॑स्मि॒ न त॑म॒न्तरे॑मि।
स्व॒ं म॑ इ॒ष्टं स्व॒न्दत्त॑म्। स्व॒ं पू॒र्तं स्व॒ं श्रान्त॑म्। स्व॒ं हु॒तम्। तस्य॑ मेऽ॒ग्निरु॑प॒द्रष्टा॑।
वा॒युरु॑प॒श्रो॒ता। आ॒दि॒त्योऽनु॑ख्या॒ता। द्यौः पि॒ता॥⁴⁵॥

पृथि॒वी मा॒ता। प्र॒जाप॑तिर्बन्धुः। य ए॒वास्मि॒ स सन् य॑जे। मा भे॒र्मा सं॑वि॒क्था मा
त्वा॑ हि॒ंसि॑षम्। मा ते ते॒जोऽप॑ क्र॒मीत्। भ॒रत॑मु॒द्धरे॑म॒नु॒ षि॒ञ्च। अ॒व॒दा॒ना॒नि ते
प्र॒त्य॒व॒दा॒स्यामि॑। नम॑स्ते अस्तु॒ मा मा॑ हि॒ंसीः। यद॑व॒दा॒ना॒नि तेऽव॒द्यन्।
वि॒लो॒माका॑र्षमा॒त्मनः॑॥⁴⁶॥

आ॒ज्ये॒न प्र॒त्य॒न॒ज्ये॒नत्। तत्त॒ आ॒ प्या॑यतां पु॒नः। अ॒ज्या॑यो यवमा॒त्रात्।
आ॒व्या॒धात्कृ॑त्यतामि॒दम्। मा रू॑रु॒पाम॑ य॒ज्ञस्य॑। शु॒द्धं स्वि॑ष्टमि॒दं ह॒विः। म॒नु॒ना
दृ॒ष्टाङ्घ्रि॑तप॒दीम्। मि॒त्राव॑रु॒णस॑मी॒रिता॑म्। द॒क्षि॒णा॒र्धाद॑सं॒मि॒न्दन्।
अ॒व॒दा॒म्येक॑तोमु॒खाम्॥⁴⁷॥

इ॒डे भा॑गं जु॒षस्व॒ नः। जि॒न्व गा॒ जि॒न्वा॒र्वतः॑। तस्या॑स्ते भक्षि॒वाणः॑ स्याम।
स॒र्वा॒त्मा॒नः स॒र्व॒ग॒णाः। ब्र॒ध्न पि॒न्व॒स्व। द॒द॒तो मे॒ मा क्षा॑यि। कु॒र्व॒तो मे॒ मोप॑द॒सत्।
दि॒शाङ्क्लृ॑प्तिर॒सि। दि॒शो मे॒ कल्प॑न्ताम्। कल्प॑न्ता॒म्मे दि॒शः॥⁴⁸॥

दै॒वींश्च॒ मा॒नु॒षी॒श्च। अ॒हो॒रा॒त्रे मे॑ कल्पेताम्। अ॒र्ध॒मा॒सा मे॑ कल्पन्ताम्। मा॒सां मे॑
कल्पन्ताम्। ऋ॒त॒वो मे॑ कल्पन्ताम्। सं॒व॒त्स॒रो मे॑ कल्पताम्। क्लृ॑प्तिर॒सि कल्प॑तां
मे। आ॒शा॒नां त्वाऽऽशा॑पा॒लेभ्यः॑। च॒तु॒र्भ्यो अ॒मृ॒तै॒भ्यः। इ॒दं भू॑तस्याध्य॑क्षेभ्यः॥⁴⁹॥

वि॒धेम॑ ह॒विषा॑ व॒यम्। भज॑तां भा॒गी भा॒गम्। मा भा॒गोऽभ॑क्त। नि॒र॒भा॒गं भ॑जामः।

अ॒प॒स्पि॒न्वा॒ ओष॑धी॒र्जि॒न्वा॒ द्वि॒पा॒त्पा॒हि॒ चतु॑ष्पा॒दवा॒ दि॒वो वृ॒ष्टि॒मेर॑य।

ब्रा॒ह्म॒णा॒ना॒मि॒दं ह॒विः॥ 50 ॥

सो॒म्याना॑ः सोम॒पी॒थिना॑म्। निर्भ॑क्तो ब्रा॒ह्म॒णः। ने॒हा ब्रा॑ह्म॒णस्या॑स्ति। सम॑ङ्गां
ब॒र्हि॒र॒ह॒विषा॑ घृ॒तेन॑। समा॑दि॒त्यैर्व॒सुभिः॑ सम्म॒रुद्भिः॑। समि॑न्द्रेण॒ विश्वे॑भिर्दे॒वेभि॑रङ्गाम्।
दि॒व्यं नभो॑ गच्छतु॒ यत्स्वाहा॑। इन्द्रा॑णीवा॒ऽवि॒धवा॑ भूयासम्। अदि॑तिरिव सु॒पुत्रा।
अ॒स्थूरि॑ त्वा॒ गार्ह॑पत्य॥ 51 ॥

उ॒प॒निष॑दे सु॒प्रजा॒स्त्राय॑। सं पत्नी॒ पत्या॑ सु॒कृतेन॑ गच्छताम्। य॒ज्ञस्य॑ यु॒क्तौ
धुर्या॑व॒भूता॑म्। सं॒जाना॑नौ विज॑हतामरा॒तीः। दि॒वि ज्योति॑र॒ज॒रमा॑ र॒भेता॑म्। द॒शते॑
त॒नुवो॑ य॒ज्ञ य॒ज्ञियाः॑। ताः प्री॑णातु॒ यज॑मानो घृ॒तेन॑। ना॒रि॒ष्ठयोः॑ प्र॒शिष॒मीड॑मानः।
दे॒वानां॑ दै॒व्येऽपि॑ यज॑मानोऽमृतोऽभूत्। यं वा॑ दे॒वा अ॑कल्पयन्॥ 52 ॥

ऊ॒र्जो भा॒गः श॑त॒क्रतू॑। ए॒तद्वा॑ तेन॑ प्री॒णानि॑। तेन॑ तृ॒प्यत॑म॒ह॒हौ। अ॒हं दे॒वाना॑ः
सु॒कृता॑मस्मि लो॒के। ममे॒दमि॑ष्टं न मि॒थुर्भ॑वाति। अ॒हन्ना॑रि॒ष्ठाव॑नु॒ यजामि॑ वि॒द्वान्।
यदा॑भ्यामिन्द्रो॒ अद॑धाद्वा॒गधे॑यम्। अदा॑रसृ॒द्भव॑त दे॒वसो॑म। अ॒स्मिन् य॒ज्ञे म॑रुतो
मृ॒डता॑ नः। मा नो॑ वि॒दद॑भि॒भामो॑ अ॒श॑स्तिः॥ 53 ॥

मा नो॑ वि॒दद्वृ॒जना॑ द्वे॒ष्ट्या या॑। ऋ॒षभं॑ वा॒जिनं॑ व॒यम्। पूर्ण॑मा॒सं य॒जाम॑हे। स नो॑
दो॒हता॑ः सु॒वीर्य॑म्। रा॒यस्पोष॑ः स॒हस्रि॑णम्। प्रा॒णाय॑ सु॒राध॑से। पूर्ण॑मा॒साय॑ स्वाहा॑।
अ॒मावा॑स्या सु॒भगा॑ सु॒शेवा॑। धे॒नुरि॑व॒ भूय॑ आ॒प्याय॑माना। सा नो॑ दो॒हता॑ः
सु॒वीर्य॑म्। रा॒यस्पोष॑ः स॒हस्रि॑णम्। अ॒पाना॑य सु॒राध॑से। अ॒मावा॑स्यायै स्वाहा॑।
अ॒भि स्तृ॑णीहि॒ परि॑ धेहि॒ वेदि॑म्। जा॒मि॒म्मा हि॑ःसीरमु॒या श्या॑ना। हो॒तृष॑द॒ना
हरि॑ताः सु॒वर्णाः॑। नि॒ष्का इ॒मे यज॑मानस्य ब्र॒ध्ने॥ 54 ॥

अभीर्बर्ह्ये करोमि क्रमीत्यिताऽऽत्मन एकतो मुखां मे दिशोऽध्यक्षेभ्यो हविर्गार्हपत्या कल्पयन्नशस्तिः सा नो दोहताः सुवीर्यं सप्त च॥ ——— [5]

परि॑स्तृणीत॒ परि॑धत्ताग्निम्। परि॑हितोऽग्निर्यज॑मानं भुनक्तु। अ॒पाः र॒स ओष॑धीनाः
सु॒वर्णः॑। नि॒ष्का इ॒मे यज॑मानस्य सन्तु का॒मदु॒घाः॑। अ॒मुत्रा॑मुष्मि॒ल्लो॒के। भू॒पते॑
भुव॑नपते। म॒हतो॑ भू॒तस्य॑ पते। ब्रा॒ह्म॒णं॒न्वा वृ॑णीमहे। अ॒हं भू॒पति॑र॒हं भुव॑नपतिः।

अ॒हं म॒हतो भू॒तस्य॒ पतिः॑॥⁵⁵॥

दे॒वेन॑ स॒वित्रा॑ प्र॒सूत॑ आ॒र्बिज्य॑ङ्करिष्यामि। दे॒वं स॒वितरे॑त॒न्वा वृ॑णते। बृ॒हस्प॑तिं दै॒व्यं
ब्र॒ह्माण॑म्। तद॒हं मन॑से प्र ब्र॒वीमि॑। मनो॑ गाय॒त्रियै॑। गा॒यत्री॑ त्रि॒ष्टुभै॑। त्रि॒ष्टुब्ज॑ग॒त्यै।
जग॑त्यनु॒ष्टुभै॑। अ॒नुष्टु॑क्प॒ङ्क्तौ। प॒ङ्क्तिः॑ प्र॒जाप॑तये॥⁵⁶॥

प्र॒जाप॑तिर्वि॒श्वेभ्यो॑ दे॒वेभ्यः॑। वि॒श्वे दे॒वा बृ॒हस्प॑तये। बृ॒हस्प॑तिर्ब्र॒ह्मणे॑। ब्र॒ह्म भूर्भुवः॑
सु॒वः। बृ॒हस्प॑तिर्दे॒वानां॑ ब्र॒ह्मा। अ॒हं म॑नु॒ष्याणा॑म्। बृ॒हस्प॑ते य॒ज्ञज्ञो॑पाय। इ॒दं तस्मै॑
ह॒र्म्यं क॑रोमि। यो वो॑ दे॒वाश्चर॑ति ब्र॒ह्मच॑र्यम्। मे॒धावी॑ दि॒क्षु मन॑सा तप॒स्वी॥⁵⁷॥

अ॒न्तर्दू॑तश्चर॑ति मा॒नुषी॑षु। चतुः॑ शि॒खण्डा॑ यु॒वतिः॑ सु॒पेशाः॑। घृ॒तप्र॑तीका भु॒वन॑स्य
म॒ध्ये। म॒र्मृज्य॑मा॒ना म॒हते॑ सौभ॑गाय। म॒ह्यन्धु॑क्ष्व॒ यज॑मा॒नाय॒ कामा॑न्। भू॒मिर्भू॒त्वा
म॑हि॒मानं॑ पु॒पोष॑। ततो॑ दे॒वी वर्ध॑यते पया॑सि। य॒ज्ञिया॑ य॒ज्ञं वि च॒ यन्ति॒ शं च॑।
ओष॑धी॒राप॑ इ॒ह श॑क्क॒रीश्च॑। यो मा॑ ह॒दा मन॑सा यश्च॑ वा॒चा॥⁵⁸॥

यो ब्र॒ह्मणा॑ क॒र्मणा॑ द्वेष्टि॑ दे॒वाः। यः श्रु॑तेन हृद॑येनेष्ण॒ता च॑। तस्यै॒न्द्र वज्रे॑ण
शि॒रश्छि॑नद्भि। ऊ॒र्णामृ॑दु प्रथ॑मान॒स्योन॑म्। दे॒वेभ्यो॑ जुष्ट॑ सद॑नाय ब॒र्हिः। सु॒वर्गे
लो॒के यज॑मान॒स्य हि धे॑हि। मां नाक॑स्य पृ॒ष्ठे पर॑मे व्यो॒मन्। चतुः॑ शि॒खण्डा॑ यु॒वतिः॑
सु॒पेशाः॑। घृ॒तप्र॑तीका व॒युना॑नि वस्ते। साऽऽस्ती॒र्यमा॑णा म॒हते॑ सौभ॑गाय॥⁵⁹॥

सा मे॑ धु॒क्ष्व यज॑मा॒नाय॒ कामा॑न्। शि॒वा च॑ मे श॒ग्मा चै॑धि। स्यो॒ना च॑ मे सु॒षदा॑
चै॑धि। ऊ॒र्जस्व॑ती च मे पय॑स्वती चै॑धि। इ॒षमूर्ज॑ मे पि॒न्वस्व॑। ब्र॒ह्म तेजो॑ मे
पि॒न्वस्व॑। क्ष॒त्रमो॑जो मे पि॒न्वस्व॑। वि॒शं पु॑ष्टि॒ मे पि॒न्वस्व॑। आ॒युर॑न्नाद॑म्मे पि॒न्वस्व॑।
प्र॒जां प॒शून्मे॑ पि॒न्वस्व॑॥⁶⁰॥

अ॒स्मिन् य॒ज्ञ उप॑ भू॒य इ॒न्नु मै॑। अ॒वि॒क्षो॒भाय॑ परि॒धी॒न्द॒धामि॑। ध॒र्ता ध॒रुणो॑
ध॒री॒यान्। अ॒ग्निर्द्वे॒षासि॑ निरि॒तो नु॑दाते। वि॒च्छि॑नद्भि वि॒धृती॑भ्या॒स्यप॑त्नान्।
जा॒तान्भ्रातृ॑व्यान् ये च॑ जनि॒ष्यमा॑णाः। वि॒शो य॒न्त्राभ्या॑ वि॒धमा॑म्ये॒नान्। अ॒हं
स्वा॒नामु॑त्त॒मोऽसा॑नि दे॒वाः। वि॒शो य॒न्त्रे नु॑द॒माने॑ अ॒राति॑म्। वि॒श्वं पा॒प्मान॑म॒मंति॑
दु॒र्म॒रायु॑म्॥⁶¹॥

सीदन्ती देवी सुकृतस्य लोके। धृतीं स्थो विधृती स्वधृती। प्राणान्मयि धारयतम्।
प्रजाम्मयि धारयतम्। पशून्मयि धारयतम्। अयं प्रस्तर उभयस्य धर्ता। धर्ता
प्रयाजानामुतानूयाजानाम्। स दाधार समिधो विश्वरूपाः। तस्मिन्सुचो अध्या
सादयामि। आ रोह पथो जुहु देवयानान्॥⁶²॥

यत्रर्षयः प्रथमजा ये पुराणाः। हिरण्यपक्षाऽजिरा सम्भृताङ्गा। वहांसि मा सुकृतां
यत्र लोकाः। अवाहं बाध उपभृता सपत्नान्। जातान्भ्रातृव्यान् ये च
जनिष्यमाणाः। दोहै यज्ञः सुदुघामिव धेनुम्। अहमुत्तरो भूयासम्। अधरे
मत्सपत्नाः। यो मा वाचा मनसा दुर्मरायुः। हृदाऽरातीयादभिदासदग्ने॥⁶³॥

इदमस्य चित्तमधरन्ध्रुवायाः। अहमुत्तरो भूयासम्। अधरे मत्सपत्नाः। ऋषभोऽसि
शाकुरः। घृताचीनाः सूनुः। प्रियेण नाम्ना प्रिये सदसि सीद। स्योनो मे सीद
सुषदः पृथिव्याम्। प्रथयि प्रजयां पशुभिः सुवर्गे लोके। दिवि सीद
पृथिव्यामन्तरिक्षे। अहमुत्तरो भूयासम्॥⁶⁴॥

अधरे मत्सपत्नाः। इयः स्थाली घृतस्य पूर्णा। अच्छिन्नपयाः शतधार उत्सः।
मारुतेन शर्मणा दैव्येन। यज्ञोऽसि सर्वतः श्रितः। सर्वतो मां भूतं
भविष्यच्छ्रयताम्। शतमे सन्त्वाशिषः। सहस्रमे सन्तु सूनृताः। इरावतीः
पशुमतीः। प्रजापतिरसि सर्वतः श्रितः॥⁶⁵॥

सर्वतो मां भूतं भविष्यच्छ्रयताम्। शतं मे सन्त्वाशिषः। सहस्रं मे सन्तु सूनृताः।
इरावतीः पशुमतीः। इदमिन्द्रियममृतं वीर्यम्। अनेनेन्द्राय पशवोऽचिकित्सन्। तेन
देवा अवतोप माम्। इहेषमूर्जं यज्ञः सह ओजः सनेयम्। शृतं मयि श्रयताम्।
यत्पृथिवीमचरत्तत्प्रविष्टम्॥⁶⁶॥

येनासिंश्चद्वलमिन्द्रे प्रजापतिः। इदन्तच्छुक्रं मधु वाजिनीवत्।
येनोपरिष्ठादधिनोन्महेन्द्रम्। दधि माधिनोतु। अयं वेदः पृथिवीमन्वविन्दत्। गुहां
सतीङ्गहने गह्वरेषु। स विन्दतु यजमानाय लोकम्। अच्छिद्रं यज्ञं भूरिकर्मा
करोतु। अयं यज्ञः समसदद्विष्मान्। ऋचा साम्ना यजुषा देवताभिः॥⁶⁷॥

तेनं लोकान्तसूर्यवतो जयेम। इन्द्रस्य सख्यममृतत्वमश्याम्। यो नः कनीय इह
कामयाते। अस्मिन् यज्ञे यजमानाय मह्यम्। अप तमिन्द्राग्नी भुवनान्नुदेताम्।
अहं प्रजां वीरवतीं विदेय। अग्ने वाजजित्। वाजन्त्वा सरिष्यन्तम्। वाजं
जेष्यन्तम्। वाजिनं वाजजितम्॥⁶⁸॥

वाजजित्याये सं माजिर्मि। अग्निमन्नादमन्नाद्याय। उपहूतो द्यौः पिता। उप मान्द्यौः
पिता ह्यताम्। अग्निराग्नीध्रात्। आयुषे वर्चसे। जीवाबै पुण्याय। उपहूता पृथिवी
माता। उप मां माता पृथिवी ह्यताम्। अग्निराग्नीध्रात्॥⁶⁹॥

आयुषे वर्चसे। जीवाबै पुण्याय। मनो ज्योतिर्जुषतामाज्यम्। विच्छिन्नं यज्ञं
समिमन्दधातु। बृहस्पतिस्तनुतामिमन्नः। विश्वे देवा इह मादयन्ताम्। यन्ते अग्न
आवृश्चामि। अहं वा क्षिपितश्चरन्। प्रजां च तस्य मूलं च। नीचैर्देवा नि वृश्चत॥⁷⁰॥
अग्ने यो नोऽभिदासति। समानो यश्च निष्ठाः। इध्मस्यैव प्रक्षायतः। मा तस्योच्छेषि
किञ्चन। यो मान्द्वेष्टि जातवेदः। यश्चाहन्द्वेष्टि यश्च माम्। सर्वाःस्तानग्रे सन्दह।
याश्चाहन्द्वेष्टि ये च माम्। अग्ने वाजजित्। वाजन्त्वा ससृवाःसम्॥⁷¹॥

वाजं जिगिवाःसम्। वाजिनं वाजजितम्। वाजजित्याये सम्माजिर्मि।
अग्निमन्नादमन्नाद्याय। वेदिर्बर्हिः शृतं हविः। इध्मः परिधयः सूचः। आज्यं यज्ञ
ऋचो यजुः। याज्याश्च वषट्काराः। सम्मे सन्नतयो नमन्ताम्। इध्मसन्नहने हुते॥⁷²॥

दिवः खीलोऽवततः। पृथिव्या अध्युत्थितः। तेनां सहस्रकाण्डेन। द्विषन्तं
शोचयामसि। द्विषन्मे बहु शोचतु। ओषधे मो अहं शुचम्। यज्ञं नमस्ते यज्ञ।
नमो नमश्च ते यज्ञ। शिवेन मे सन्तिष्ठस्व। स्योनेन मे सन्तिष्ठस्व॥⁷³॥

सुभूतेन मे सन्तिष्ठस्व। ब्रह्मवर्चसेन मे सन्तिष्ठस्व। यज्ञस्यर्द्धिमनु सन्तिष्ठस्व। उप ते
यज्ञं नमः। उप ते नमः। उप ते नमः। त्रिष्फलीक्रियमाणानाम्। यो न्यङ्गो
अवशिष्यते। रक्षसां भागधेयम्। आपस्तत्र वहतादितः॥⁷⁴॥

उलूखले मुसले यच्च शूपै। आशिश्लेषं दृषदि यत्कपाले। अवप्रुषो विप्रुषः
संयजामि। विश्वे देवा हविरिदं जुषन्ताम्। यज्ञे या विप्रुषः सन्ति बह्वीः। अग्नौ ताः

सर्वाः स्विष्टाः सुहृता जुहोमि। उदन्नदमित्र महः। सपत्नान्मे अनीनशः। दिवैनान्
विद्युतां जहि। निम्रोचन्नधरान्कृधि॥⁷⁵॥

उदन्नद वि नो भज। पिता पुत्रेभ्यो यथा। दीर्घायुत्वस्य हेशिषे। तस्य नो देहि
सूर्य। उदन्नद मित्रमहः। आरोहन्नुत्तरां दिवम्। हृद्रोगम्ममं सूर्य। हरिमाणं च
नाशय। शुक्लेषु मे हरिमाणम्। रोपणाकासु दध्मसि॥⁷⁶॥

अथो हारिद्रवेषु मे। हरिमाणं नि दध्मसि। उदगादयमादित्यः। विश्वेन सहसा
सह। द्विषन्तं मम रन्धयन्। मो अहन्दिषतो रधम्। यो नः शपादशपतः। यश्च नः
शपतः शपात्। उषाश्च तस्मै निमुक्क। सर्वं पापं समूहताम्॥⁷⁷॥

यो नः सपत्नो यो रणः। मर्तोऽभिदासति देवाः। इध्मस्येव प्रक्षायतः। मा
तस्योच्छेषि किञ्चन। अवसृष्टः परापत। शरो ब्रह्मसंशितः। गच्छाऽमित्रान्प्र विश।
मैषाङ्गधनोच्छिषः॥⁷⁸॥

पतिः प्रजापतये तपस्वी वाचा सौभगाय पशून्मे पिन्वस्व दुर्मरायुं देवयानानग्नेऽन्तरिक्षेऽहमुत्तरो भूयासं प्रजापतिरसि सर्वतः श्रितः प्रविष्टं देवताभिर्वाज्जितं
पृथिवी ह्वयतामग्निराग्नीध्राद्वश्त ससुवांसं हुते स्योनेन मे सन्तिष्ठस्वैतः कृधि दध्मस्यूहतामष्टौ च॥

[6]

सक्षेदं पश्य। विधर्तरिदं पश्य। नाकेदं पश्य। रमतिः पनिष्ठा। ऋतं वर्षिष्ठम्।
अमृतायान्याहुः। सूर्यो वरिष्ठो अक्षभिर्विभाति। अनु द्वावापृथिवी देवपुत्रे।
दीक्षाऽसि तपसो योनिः। तपोऽसि ब्रह्मणो योनिः॥⁷⁹॥

ब्रह्मासि क्षत्रस्य योनिः। क्षत्रमस्युतस्य योनिः। ऋतमसि भूरा रभे। श्रद्धां मनसा।
दीक्षान्तपसा। विश्वस्य भुवनस्याधिपत्नीम्। सर्वे कामा यजमानस्य सन्तु। वातं
प्राणं मनसाऽन्वा रभामहे। प्रजापतिं यो भुवनस्य गोपाः। स नो मृत्योस्त्रायतां
पात्रं हंसः॥⁸⁰॥

ज्योतीवा जरामंशीमहि। इन्द्रं शाक्वर गायत्रीं प्र पदे। तान्ते युनज्मि। इन्द्रं
शाक्वर त्रिष्टुभं प्र पदे। तान्ते युनज्मि। इन्द्रं शाक्वर जगतीं प्र पदे। तान्ते
युनज्मि। इन्द्रं शाक्वरानुष्टुभं प्र पदे। तान्ते युनज्मि। इन्द्रं शाक्वर पङ्क्तिं प्रपदे॥⁸¹॥

तान्ते युनज्मि। आऽहन्दीक्षामंरुहमृतस्य पत्नीम्। गायत्रेण छन्दसा ब्रह्मणा च।

ऋतं सत्येऽधायि। सत्यमृतेऽधायि। ऋतं च मे सत्यधाभूताम्। ज्योतिरभूवः
सुवर्गमम्। सुवर्गं लोकं नाकस्य पृष्ठम्। ब्रध्नस्य विष्टपमगमम्। पृथिवी दीक्षा॥⁸²॥

तयाऽग्निर्दीक्षया दीक्षितः। ययाऽग्निर्दीक्षया दीक्षितः। तयाँ त्वा दीक्षया दीक्षयामि।
अन्तरिक्षन्दीक्षा। तयाँ वायुर्दीक्षया दीक्षितः। ययाँ वायुर्दीक्षया दीक्षितः। तयाँ त्वा
दीक्षया दीक्षयामि। द्यौर्दीक्षा। तयाँऽऽदित्यो दीक्षया दीक्षितः। ययाँऽऽदित्यो दीक्षया
दीक्षितः॥⁸³॥

तयाँ त्वा दीक्षया दीक्षयामि। दिशो दीक्षा। तयाँ चन्द्रमा दीक्षया दीक्षितः। ययाँ
चन्द्रमा दीक्षया दीक्षितः। तयाँ त्वा दीक्षया दीक्षयामि। आपो दीक्षा। तया वरुणो
राजा दीक्षया दीक्षितः। यया वरुणो राजा दीक्षया दीक्षितः। तयाँ त्वा दीक्षया
दीक्षयामि। ओषधयो दीक्षा॥⁸⁴॥

तया सोमो राजा दीक्षया दीक्षितः। यया सोमो राजा दीक्षया दीक्षितः। तयाँ त्वा
दीक्षया दीक्षयामि। वाग्दीक्षा। तयाँ प्राणो दीक्षया दीक्षितः। ययाँ प्राणो दीक्षया
दीक्षितः। तयाँ त्वा दीक्षया दीक्षयामि। पृथिवी त्वा दीक्षमाणमनु दीक्षताम्।
अन्तरिक्षन्त्वा दीक्षमाणमनु दीक्षताम्। द्यौस्त्वा दीक्षमाणमनु दीक्षताम्॥⁸⁵॥

दिशस्त्वा दीक्षमाणमनु दीक्षन्ताम्। आपस्त्वा दीक्षमाणमनु दीक्षन्ताम्। ओषधयस्त्वा
दीक्षमाणमनु दीक्षन्ताम्। वाक्त्वा दीक्षमाणमनु दीक्षताम्। ऋचस्त्वा दीक्षमाणमनु
दीक्षन्ताम्। सामानि त्वा दीक्षमाणमनु दीक्षन्ताम्। यजूंषि त्वा दीक्षमाणमनु
दीक्षन्ताम्। अहश्च रात्रिश्च। कृषिश्च वृष्टिश्च। त्विषिश्चापचितिश्च॥⁸⁶॥

अपश्चोषधयश्च। ऊर्क् सूनृता च। तास्त्वा दीक्षमाणमनु दीक्षन्ताम्। स्वे दक्षे
दक्षपितेह सीद। देवानां सुम्नो महते रणाय। स्वासस्थस्तनुवा संविशस्व। पितेवैधि
सूनव आ सुशेवः। शिवो मा शिवमा विश। सत्यम् आत्मा। श्रद्धा मेऽक्षितिः॥⁸⁷॥

तपो मे प्रतिष्ठा। सवितृप्रसूता मा दिशो दीक्षयन्तु। सत्यमस्मि। अहन्वदस्मि
मदसि त्वमेतत्। ममासि योनिस्तव योनिरस्मि। ममैव सन्वहं हव्यान्यग्ने। पुत्रः
पित्रे लोककृञ्जातवेदः। आजुह्वानः सुप्रतीकः पुरस्तात्। अग्ने स्वां योनिमा सीद
साध्या। अस्मिन्सधस्थे अध्युत्तरस्मिन्॥⁸⁸॥

विश्वे देवा यजमानश्च सीदत। एकमिषे विष्णुस्त्वाऽन्वेतु। द्वे ऊर्जे विष्णुस्त्वाऽन्वेतु।
त्रीणि व्रताय विष्णुस्त्वाऽन्वेतु। चत्वारि मायोभवाय विष्णुस्त्वाऽन्वेतु। पञ्च पशुभ्यो
विष्णुस्त्वाऽन्वेतु। षड्रायस्पोषाय विष्णुस्त्वाऽन्वेतु। सप्त सप्तभ्यो होत्राभ्यो
विष्णुस्त्वाऽन्वेतु। सखायः सप्तपदा अभूम। सख्यान्ते गमेयम्॥⁸⁹॥

सख्यात्ते मा योषम्। सख्यान्मे मा योषाः। साऽसि सुब्रह्मण्ये। तस्यास्ते पृथिवी
पादः। साऽसि सुब्रह्मण्ये। तस्यास्तेऽन्तरिक्षं पादः। साऽसि सुब्रह्मण्ये। तस्यास्ते
द्वौ पादः। साऽसि सुब्रह्मण्ये। तस्यास्ते दिशः पादः॥⁹⁰॥

परोरजास्ते पञ्चमः पादः। सा न इषमूर्जन्धुश्व। तेज इन्द्रियम्।
ब्रह्मवर्चसमन्नाद्यम्। वि मिमे त्वा पर्यस्वतीम्। देवानान्धेनुः सुदुधामनपस्फुरन्तीम्।
इन्द्रः सोमं पिबतु। क्षेमो अस्तु नः। इमान्नराः कृणुत वेदिमेत्य। वसुमतीः
रुद्रवतीमादित्यवतीम्॥⁹¹॥

वर्ष्मन्दिवः। नाभा पृथिव्याः। यथाऽयं यजमानो न रिष्येत्। देवस्य सवितुः सवे।
चतुः शिखण्डा युवतिः सुपेशाः। घृतप्रतीका भुवनस्य मध्ये। तस्याः सुपर्णावधि यो
निविष्टो। तयोर्देवानामधि भागधेयम्। अप जन्यम्भयन्नुद। अप चक्राणि वर्तय।
गृहः सोमस्य गच्छतम्। न वा उ वेतन्म्रियसे न रिष्यसि। देवाः इदेषि पथिभिः
सुगेभिः। यत्र यन्ति सुकृतो नापि दुष्कृतः। तत्र त्वा देवः सविता दधातु॥⁹²॥

ब्रह्मणो योनिरहंसः पङ्क्तिं प्रपद्ये दीक्षा ययाऽऽदित्यो दीक्षया दीक्षितस्तया त्वा दीक्षया दीक्षयाम्योषंधयो दीक्षा वोस्त्वा दीक्षमाणमनुं

दीक्षतामपचितिश्चाक्षितिरुत्तरस्मिन्गमेयं दिशः पादं आदित्यवतीं वर्तय पञ्च च॥

[7]

यदस्य पारे रजसः। शुक्रज्योतिरजायत। तन्नः पर्षदति द्विषः। अग्ने वैश्वानर
स्वाहा। यस्माद्दीषाऽवाशिष्टाः। ततो नो अभयं कृधि। प्रजाभ्यः सर्वाभ्यो मृड।
नमो रुद्राय मीढुषै। यस्माद्दीषा न्यषदः। ततो नो अभयं कृधि॥⁹³॥

प्रजाभ्यः सर्वाभ्यो मृड। नमो रुद्राय मीढुषै। उदुस्र तिष्ठ प्रतितिष्ठ मारिषः। मेमं
यज्ञं यजमानं च रीरिषः। सुवर्गे लोके यजमानः हि धेहि। शन्न एधि द्विपदे
शञ्चतुष्पदे। यस्माद्दीषाऽवैपिष्टाः पलायिष्टाः समज्ञास्थाः। ततो नो अभयं कृधि।
प्रजाभ्यः सर्वाभ्यो मृड। नमो रुद्राय मीढुषै॥⁹⁴॥

य इ॒दम॑कः। तस्मै॑ नमः। तस्मै॑ स्वाहा॑। न वा उ॒वेत॑न्म्रियसे। आ॒शा॒ना॒न्त्वा वि॒श्वा
आ॒शाः। य॒ज्ञस्य॑ हि स्थ ऋ॒त्वि॒यौ। इन्द्रा॑ग्नी चे॒त॒नस्य॑ च। हु॒ता॒हु॒तस्य॑ तृ॒प्य॒तम्।
अ॒हु॒तस्य॑ हु॒तस्य॑ च। हु॒तस्य॑ चा॒हु॒तस्य॑ च। अ॒हु॒तस्य॑ हु॒तस्य॑ च। इन्द्रा॑ग्नी अ॒स्य
सोम॑स्य। वी॒तं पि॒ब॒तं जु॒षे॒था॒म्। मा य॒ज॒मा॒न॒न्त॒मो वि॒द॒त्। म॒र्बि॒जो॒ मो इ॒माः
प्र॒जाः। मा यः सोम॑मि॒मं पि॒बा॒त्। स॒सृ॒ष्ट॒मु॒भयं॑ कृ॒तम्॥⁹⁵॥

कृधि मीढुषेऽहुतस्य च सप्त च॥ [8]

अ॒ना॒ग॒स॒स्त्वा व॒यम्। इ॒न्द्रेण॑ प्रे॒षि॒ता उ॒प। वा॒यु॒ष्टे अ॒स्त्व॒श॒भूः। मि॒त्रस्ते॑ अ॒स्त्व॒श॒भूः।
वरु॑णस्ते अ॒स्त्व॒श॒भूः। अ॒पा॒क्ष॒या ऋ॒त॒स्य गर्भाः॑। भुव॑नस्य गो॒पाः श्ये॒ना अ॒ति॒थयः॑।
पर्व॑तानाङ्क॒कु॒भः प्र॒यु॒तो न॒पा॒तारः॑। व॒ग्नु॒नेन्द्र॑ ह्य॒य॒त। घो॒षे॒णा॒मी॒वा॒श्चा॒त॒य॒त॥⁹⁶॥

यु॒क्ताः स्थ॑ वह॑त। दे॒वा ग्रा॒वा॒ण इ॒न्दुरि॒न्द्र इ॒त्य॒वा॒दि॒षुः। ए॒न्द्र॒म॒चु॒च्य॒वुः प॒र॒म॒स्याः
प॒रा॒व॒तः। आ॒ऽस्मा॒त्स॒ध॒स्था॑त्। ओ॒रो॒र॒न्त॒रि॒क्षा॒त्। आ॒ सु॒भू॒त॒म॒सु॒ष॒वुः। ब्र॒ह्म॒व॒र्च॒स॒म्
आ॒सु॒ष॒वुः। स॒म॒रे र॒क्षा॒स्य॒व॒धि॒षुः। अ॒प॒ह॒तं ब्र॒ह्म॒ज्य॒स्य॑। वाक्च॑ त्वा॒ मन॑श्च
श्री॒णी॒ताम्॥⁹⁷॥

प्रा॒णश्च॑ त्वा॒ऽपा॒नश्च॑ श्री॒णी॒ताम्। चक्षु॑श्च त्वा॒ श्रो॒त्रं च॑ श्री॒णी॒ताम्। दक्ष॑श्च त्वा॒ बलं॑ च
श्री॒णी॒ताम्। ओज॑श्च त्वा॒ सह॑श्च श्री॒णी॒ताम्। आयु॑श्च त्वा॒ऽज॒रा च॑ श्री॒णी॒ताम्। आ॒त्मा
च॑ त्वा॒ त॒नूश्च॑ श्री॒णी॒ताम्। शृ॒तो॒ऽसि॑ शृ॒तं कृ॑तः। शृ॒ताय॑ त्वा॒ शृ॒तेभ्य॑स्त्वा।
यमि॑न्द्र॒मा॒हुर्व॑रु॒णं य॒मा॒हुः। य॒मि॒त्र॒मा॒हुर्य॑मु॒ स॒त्य॒मा॒हुः॥⁹⁸॥

यो दे॒वानां॑ दे॒व॒त॒म॒स्त॒पो॒जाः। तस्मै॑ त्वा॒ तेभ्य॑स्त्वा। म॒यि॒ त्यदि॑न्द्रि॒य॒म॒ह॒त्। म॒यि॒
दक्षो॑ म॒यि॒ ऋ॒तुः। म॒यि॒ धा॒यि सु॒वी॒र्य॑म्। त्रि॒शु॒ग्ध॒र्मो वि॑ भा॒तु मे॑। आ॒कू॒त्या॒ मन॑सा
स॒ह। वि॒रा॒जा॒ ज्यो॒ति॒षा स॒ह। य॒ज्ञेन॑ प॒य॑सा स॒ह। तस्य॑ दो॒ह॑म॒शीम॑हि॥⁹⁹॥

तस्य॑ सु॒म्न॑म॒शीम॑हि। तस्य॑ भ॒क्ष॑म॒शीम॑हि। वा॒ग्नु॒षा॒णा सोम॑स्य तृ॒प्य॒तु। मि॒त्रो
ज॒ना॒न्प्र स॑ मि॒त्र। य॒स्मान्न॑ जा॒तः प॒रो अ॒न्यो अ॒स्ति। य आ॑वि॒वेश॑ भुव॑नानि
वि॒श्वा। प्र॒जाप॑तिः प्र॒जया॑ संवि॒दानः॑। त्री॒णि ज्यो॒ती॒षि स॑च॒ते स षोड॑शी। ए॒ष
ब्र॒ह्मा य ऋ॒त्वि॒यः। इन्द्रो॑ नाम॑ श्रु॒तो ग॒णे॥¹⁰⁰॥

प्र ते॑ म॒हे वि॒दथे॑ श॒सि॒ष॒ हरी॑। य ऋ॒त्वि॒यः प्र ते॑ व॒न्वे। व॒नु॒षो ह॒र्य॒त॒म॒म॒द॒म्।

इन्द्रो नाम घृतन्नयः। हरिभिश्चारु सेचते। श्रुतो गण आ त्वां विशन्तु।
हरिवर्षसङ्गिरः। इन्द्राधिपतेऽधिपतिस्त्वं देवानामसि। अधिपतिम्माम्। आयुष्मन्तं
वर्चस्वन्तम्मनुष्येषु कुरु॥¹⁰¹॥

इन्द्रश्च सम्राड्वरुणश्च राजा। तौ ते भक्षं चक्रतुरग्रं एतम्। तयोरनु भक्षं भक्षयामि।
वाङ्मुषाणा सोमस्य तृप्यतु। प्रजापतिर्विश्वकर्मा। तस्य मनो देवं यज्ञेन राध्यासम्।
अर्थेगा अस्य जहितः। अवसानपतेऽवसानम्मे विन्द। नमो रुद्राय वास्तोष्पतये।
आयने विद्रवणे॥¹⁰²॥

उद्याने यत्परायणे। आवर्तने विवर्तने। यो गोपायति तं हुवे।
यान्यपामित्यान्यप्रतीक्षन्त्यस्मि। यमस्य बलिना चरामि। इहैव सन्तः प्रति
तद्यातयामः। जीवा जीवेभ्यो नि हराम एनत्। अनृणा अस्मिन्ननृणाः परस्मिन्।
तृतीये लोके अनृणाः स्याम। ये देवयाना उत पितृयाणाः॥¹⁰³॥

सर्वान्यथो अनृणा आक्षीयेम। इदमूनु श्रेयोऽवसानमा गन्म। शिवे नो द्वावापृथिवी
उभे इमे। गोमद्धनवदश्ववदूर्जस्वत्। सुवीरा वीरैरनु सञ्चरेम। अर्कः पवित्रः
रजसो विमानः। पुनाति देवानाम्भुवनानि विश्वा। द्वावापृथिवी पयसा संविदाने।
घृतं दुहाते अमृतं प्रपीने। पवित्रमर्को रजसो विमानः। पुनाति देवानाम्भुवनानि
विश्वा। सुवर्ज्योतिर्यशो महत्। अशीमहि गाधमुत प्रतिष्ठाम्॥¹⁰⁴॥

चातयत श्रीणीताः सत्यमाहुरशीमहि गणे कुरु विद्रवणे पितृयाणा अर्को रजसो विमानस्तीणि च॥ [9]

उदस्ताम्प्सीत्सविता मित्रो अर्यमा। सर्वानमित्रानवधीदुगेन।
बृहन्तम्मामकरद्वीरवन्तम्। रथन्तरे श्रयस्व स्वाहा पृथिव्याम्। वामदेव्ये श्रयस्व
स्वाहाऽन्तरिक्षे। बृहति श्रयस्व स्वाहा दिवि। बृहता त्वोपस्तभ्मोमि। आ त्वां ददे
यशसे वीर्याय च। अस्मास्वघ्निया यूयन्दधाधेन्द्रियं पयः। यस्तै द्रप्सो यस्तं
उदरूषः॥¹⁰⁵॥

दैव्यः केतुर्विश्वम्भुवनमाविवेश। स नः पाह्यरिष्ठे स्वाहा। अनु मा सर्वो
यज्ञोऽयमेतु। विश्वे देवा मरुतः सामार्कः। आप्रियश्छन्दांसि निविदो यजूंषि।

अ॒स्यै पृ॒थि॒व्यै य॒द्य॒ज्ञि॒यम्। प्र॒जाप॑तेर्व॒र्त॒नि॒मनु॑ वर्त॒स्व। अनु॑र्वी॒रैरनु॑ रा॒ध्याम् गो॒भिः।
अ॒न्व॒श्वैरनु॑ स॒र्वैरु पु॒ष्टैः। अनु॑ प्र॒जया॑ऽन्वि॒न्द्रि॒येण॑॥¹⁰⁶॥

दे॒वा नो॑ य॒ज्ञमृ॑जु॒धा न॑यन्तु। प्र॒ति॒क्ष॒त्रे प्र॒ति॒ति॒ष्ठामि॑ रा॒ष्ट्रे। प्र॒त्य॒श्वेषु॑ प्र॒ति॒ति॒ष्ठामि॑
गो॒षु। प्र॒ति प्र॒जायां॑ प्र॒ति॒ति॒ष्ठामि॑ भ॒व्यै। वि॒श्व॒म॒न्याऽभि॑ वावृ॒धे।
तद॒न्यस्या॑मधि॒श्रित॑म्। दि॒वे च॑ वि॒श्वक॑र्मणे। पृ॒थि॒व्यै चा॑क॒रन्न॑मः। अ॒स्का॒न्द्योः
पृ॒थि॒वीम्। अ॒स्का॑नृ॒षभो॑ यु॒वागाः॑॥¹⁰⁷॥

स्क॒न्ने॒मा वि॒श्वा भु॑व॒ना। स्क॒न्नो य॒ज्ञः प्र॑ ज॒नय॑तु। अ॒स्का॒नज॑नि प्रा॒ज॒नि। आ
स्क॒न्नाज्जा॑यते वृ॒षा। स्क॒न्ना॒त्प्र ज॑निषीमहि। ये दे॒वा येषा॑मि॒दम्भा॑ग॒धेय॑म्ब॒भूव॑। येषां
प्र॒या॒जा उ॒तानू॑या॒जाः। इन्द्र॑ज्ये॒ष्ठेभ्यो॑ वरु॒णरा॑ज॒भ्यः। अ॒ग्नि॒होतृ॑भ्यो दे॒वेभ्यः॑ स्वाहा॑।
उ॒त त्या नो॑ दि॒वा म॒तिः॑॥¹⁰⁸॥

अ॒दि॒तिरू॒त्या ग॑मत्। सा श॒न्ताची॑ म॒य॑स्करत्। अप॒ सि॒धः। उ॒त त्या दै॒व्या
भि॒षजा॑। श॒न्न॑स्करतो अ॒श्विना॑। यू॒याता॑म॒स्मद्र॑पः। अप॒ सि॒धः। श॒म॒ग्नि॒र॒ग्निभि॑स्करत्।
श॒न्न॑स्तपतु सूर्यः॑। शं वा॒तो वा॒व॒र॒पाः॑॥¹⁰⁹॥

अप॒ सि॒धः। तदि॒त्य॒दं न॑ वि॒चि॒केत॑ वि॒द्वान्। यन्मृ॑तः पुन॑र॒प्येति॑ जी॒वान्।
त्रि॒वृ॒द्यद्भु॑वनस्य रथ॒वृत्। जी॒वो गर्भो॑ न मृ॒तः स जी॑वात्। प्र॒त्य॒स्मै पि॒पी॒षते॑।
वि॒श्वानि॑ वि॒दुषे॑ भर। अ॒र॒ङ्ग॒माय॑ ज॒ग्म॑वे। अप॑श्चा॒दध्व॑ने नरे॑। इन्द्रु॑रिन्द्रु॒मवा॑गात्।
इन्द्रो॑रिन्द्रो॒ऽपात्। तस्य॑ त इन्द्र॒विन्द्र॑पी॒तस्य॑ मधु॒मतः॑। उप॑हू॒तस्यो॑प॒हूतो॑
भक्ष॑यामि॥¹¹⁰॥

उ॒द॒रुष॑ इन्द्रि॒येण॑ गा म॒तिर॑र॒पा अ॑गात्रीणि च॥ [10]

ब्र॒ह्म॑ प्र॒ति॒ष्ठा म॑न॒सो ब्र॒ह्म॑ वा॒चः। ब्र॒ह्म॑ य॒ज्ञाना॑ ह॒विषा॑माज्य॒स्य। अ॒ति॒रि॒क्त॒ङ्क॒र्म॒णो
य॒च्च॑ ही॒नम्। य॒ज्ञः प॑र्वाणि प्र॒ति॒र॒न्नेति॑ क॒ल्प॑यन्। स्वाहा॑कृ॒ताऽऽहु॑तिरेतु दे॒वान्।
आ॒श्रा॒वित॑म॒त्याश्रा॑वितम्। व॒ष॑ट्कृत॒म॒त्यनू॑क्तं च य॒ज्ञे। अ॒ति॒रि॒क्त॒ङ्क॒र्म॒णो य॒च्च॑ ही॒नम्।
य॒ज्ञः प॑र्वाणि प्र॒ति॒र॒न्नेति॑ क॒ल्प॑यन्। स्वाहा॑कृ॒ताऽऽहु॑तिरेतु दे॒वान्॥¹¹¹॥

य॒द्वो दे॒वा अ॒ति॒पा॒द॒या॒नि। वा॒चा चि॒त्प्र॑य॒त॒न्दे॒व॒हेड॑नम्। अ॒रा॒यो अ॒स्मा॑

अभिदुच्छुनायते। अन्यत्रास्मन्मरुतस्तन्निधेतन। ततम्म आपस्तदु तायते पुनः।
स्वादिष्ठा धीतिरुचथाय शस्यते। अयं समुद्र उत विश्वभेषजः। स्वाहाकृतस्य
समुत्तृप्नुतर्भुवः। उद्वयन्तमसस्परि। उदुत्यश्चित्रम्॥¹¹²॥

इमम्मे वरुण तच्चा यामि। बन्नो अग्ने स बन्नो अग्ने। बमग्ने अयासि प्रजापते।
इमञ्जीवेभ्यः परिधिन्दधामि। मेषान्नुगादपरो अर्धमेतम्। शतञ्जीवन्तु शरदः पुरूचीः।
तिरो मृत्युन्दधतां पर्वतेन। इष्टेभ्यः स्वाहा वषडनिष्टेभ्यः स्वाहा। भेषजन्दुरिष्टे
स्वाहा निष्कृत्यै स्वाहा। दौराध्यै स्वाहा देवीभ्यस्तनूभ्यः स्वाहा॥¹¹³॥

ऋद्धौ स्वाहा समृद्धौ स्वाहा। यत इन्द्र भयामहे। ततो नो अभयं कृधि।
मघवञ्छग्धि तव तन्न ऊतयै। वि द्विषो वि मृधो जहि। स्वस्तिदा विशस्पतिः।
वृत्रहा वि मृधो वशी। वृषेन्द्रः पुर एतु नः। स्वस्तिदा अभयङ्करः। आभिर्गीर्भिर्यदतो
न ऊनम्॥¹¹⁴॥

आप्यायय हरिवो वर्धमानः। यदा स्तोतृभ्यो महि गोत्रा रुजासि। भूयिष्ठभाजो
अध ते स्याम। अनाज्ञातं यदाज्ञातम्। यज्ञस्य क्रियते मिथु। अग्ने तदस्य कल्पय।
ब्र॑ हि वेत्थ यथातथम्। पुरुषसम्मितो यज्ञः। यज्ञः पुरुषसम्मितः। अग्ने तदस्य
कल्पय। ब्र॑ हि वेत्थ यथातथम्। यत्पाकत्रा मनसा दीनदक्षा न। यज्ञस्य मन्वते
मर्तासः। अग्निष्टद्धोता ऋतुविद्विजानन्। यजिष्ठो देवां ऋतुशो यजाति॥¹¹⁵॥

देवांश्चित्रं तनूभ्यः स्वाहो नं पुरुषसम्मितोऽग्ने तदस्य कल्पय पञ्च च॥^[11]

यद्देवा देवहेडनम्। देवासश्चकृमा वयम्। आदित्यास्तस्मान्मा मुञ्चत। ऋतस्यर्तेन
मामुत। देवा जीवनकाम्या यत्। वाचाऽनृतमूदिम। अग्निर्मा तस्मादेनसः।
गार्हपत्यः प्रमुञ्चतु। दुरिता यानि चकृम। करोतु मामनेनसम्॥¹¹⁶॥

ऋतेन द्यावापृथिवी। ऋतेन ब्र॑ संरस्वति। ऋतान्मां मुञ्चतांहसः।
यदन्यकृतमारिम। सजातश॑सादुत वा जामिश॑सात्। ज्यायसः श॑सादुत वा
कनीयसः। अनाज्ञातं देवकृतं यदेनः। तस्माच्चमस्माञ्जातवेदो मुमुग्धि। यद्वाचा
यन्मनसा। बाहुभ्यामूरुभ्यामष्टीवद्भ्याम्॥¹¹⁷॥

शिश्नैर्यदनु॑तश्च॒कृ॒मा व॒यम्। अ॒ग्नि॒र्मा तस्मा॑देन॒सः। यद्ध॑स्ताभ्याश्च॒कर॑ कि॒त्विषा॑णि।
अ॒क्षाणां॑ व॒ग्नुमु॑प॒जिघ्र॑मानः। दू॒रेप॑श्या च॒ राष्ट्र॑भृच्च। तान्य॑प्सर॒साव॑नु॒दत्ता॑मृ॒णानि॑।
अदी॑व्यन्नृ॒णं यद॑हश्च॒कार॑। यद्वादा॑स्यन्त्सञ्ज॒गारा॑ जने॑भ्यः। अ॒ग्नि॒र्मा तस्मा॑देन॒सः।
यन्म॑यि मा॒ता गर्भे॑ स॒ति॥ 118 ॥

ए॒नश्च॑का॒र यत्पि॑ता। अ॒ग्नि॒र्मा तस्मा॑देन॒सः। यदा॑ पि॒पेष॑ मा॒तरं॑ पि॒तरम्॑। पु॒त्रः
प्रमु॑दितो॒ धयन्॑। अहि॑सितो॒ पित॑रो मया॒ तत्। तद॑ग्रे अ॒नृणो॑ भ॒वामि॑। यद॑न्तरि॒क्षं
पृथि॑वीमु॒त द्याम्। यन्मा॑तरं॒ पित॑रं॒ वा जिहि॑सि॒म। अ॒ग्नि॒र्मा तस्मा॑देन॒सः।
यदा॑श॒सा नि॒शसा॑ यत्प॒राश॑सा॥ 119 ॥

यदे॑नश्च॒कृ॒मा नू॒तनं॑ यत्पु॒राणम्। अ॒ग्नि॒र्मा तस्मा॑देन॒सः। अति॑ क्रामामि दुरि॒तं
यदे॑नः। जहा॑मि रि॒प्रं प॑र॒मे स॒धस्थै॑। यत्र॑ यन्ति सु॒कृतो॑ नापि दुष्कृतः। तमा
रो॑हामि सु॒कृता॑न्नु लो॒कम्। त्रि॒ते दे॒वा अ॑मृजतै॒तदे॑नः। त्रि॒त ए॒तन्म॑नुष्येषु मा॒मृजे॑।
ततो॑ मा॒ यदि॑ किञ्चि॒दान॑शे। अ॒ग्नि॒र्मा तस्मा॑देन॒सः॥ 120 ॥

गा॒र्हप॑त्यः प्र मु॒धतु॑। दुरि॒ता या॑नि च॒कृ॒म। क॒रोतु॑ मा॒मने॑न॒सम्। दि॒वि जा॒ता
अ॒प्सु जा॒ताः। या जा॒ता ओष॑धी॒भ्यः। अथो॒ या अ॑ग्नि॒जा आपः॑। ता नः॑ शु॒न्धन्तु॑
शु॒न्धनीः॑। यदा॑पो न॒क्तन्दु॑रि॒तश्च॑रा॒म। यद्वा॒ दिवा॒ नू॒तनं॑ यत्पु॒राणम्। हि॒र॒ण्यव॑र्णास्त॒त
उत्पु॑नीत नः। इ॒म॒म्वे व॑रुण॒ तच्चा॑ या॒मि। ब॒न्नो अ॒ग्ने स॒ ब॒न्नो अ॒ग्ने। ब॒म॒ग्ने
अ॒यासि॑॥ 121 ॥

अनेनसंमष्टीकद्वा॑ सति प॒राश॑साऽऽनु॒शैऽग्नि॒र्मा तस्मा॑देन॒सः पु॒नीत॑ न॒स्त्रीणि॑ च (यदे॒वा दे॒वा ऋ॒तेन॑ स॒जात॑श्च॒साद्य॑द्वा॒चा यद्ध॑स्ताभ्या॒मदी॑व्यं यन्म॑यि मा॒ता
यदा॑ पि॒पेष॑ यद॑न्तरि॒क्षं यदा॑श॒साऽति॑ क्रामामि त्रि॒ते दे॒वा दि॒वि जा॒ता अ॒प्सु जा॒ता यदा॑प॒ इ॒म॒म्वे व॑रुण॒ तच्चा॑ या॒मि ब॒न्नो अ॒ग्ने स॒ ब॒न्नो अ॒ग्ने ब॒म॒ग्ने
अ॒यासि॑।)॥

[12]

यत्ते॒ ग्राव्णा॑ चिच्छि॒दुः सो॑म॒ राजन्। प्रि॒याण्य॑ङ्गानि॒ स्वधि॑ता॒ परू॑षि।
तत्स॒न्ध॒त्स्वाज्ये॑नो॒त वर्ध॑यस्व। अ॒ना॒गसो॑ अ॒धमि॑त्स॒ङ्क्षये॑म। यत्ते॒ ग्रावा॑ बा॒हुच्यु॑तो॒
अचु॑च्यवुः। नरो॒ यत्ते॑ दु॒दुहु॑र्दक्षि॒णेन॑। तत्त॒ आप्या॑य॒तान्त॑त्ते। नि॒ष्ट्या॑य॒तान्दे॒व सो॑म।
यत्ते॒ ब॒च॒म्बिभि॑दुर्य॒च्च यो॑निम्। यदा॒स्थाना॑त्प्रच्यु॒तो वे॑ने॒सि त्मना॑॥ 122 ॥

ब॒या तत्सो॑म॒ गुप्त॑म॒स्तु नः। सा नः॑ स॒न्धास॑त्प॒रमे॒ व्यो॑मन्। अहा॒च्छरी॑रं प॒यसा॑

समेत्य। अन्योन्यो भवति वर्णो अस्य। तस्मिन्वयमुपहृतास्तव स्मः। आ नो भज
सदसि विश्वरूपे। नृचक्षाः सोमं उत शुश्रुगस्तु। मा नो वि हांसीद्भिर आवृणानः।
अनागास्तनुवो वावृधानः। आ नो रूपं वहतु जायमानः॥¹²³॥

उप क्षरन्ति जुहो घृतेन। प्रियाण्यङ्गानि तव वर्धयन्तीः। तस्मै ते सोम नम
इद्वषद्व। उप मा राजन्सुकृते ह्वयस्व। सं प्राणापानाभ्यां समु चक्षुषा त्वम्। सः
श्रोत्रेण गच्छस्व सोम राजन्। यत्त आस्थितं शम्भु तत्ते अस्तु। जानीतान्नः
सङ्गमने पथीनाम्। एतज्जानीतात्परमे व्योमन्। वृकाः सधस्था विद रूपमस्य॥¹²⁴॥

यदागच्छात्पथिभिर्देवयानैः। इष्टापूर्ते कृणुतादविरस्मै। अरिष्टो राजन्नगदः परेहि।
नमस्ते अस्तु चक्षसे रघूयते। नाकमारोह सह यजमानेन। सूर्यं गच्छतात्परमे
व्योमन्। अभूद्देवः सविता वन्द्यो नः। इदानीमहं उपवाच्यो नृभिः। वि यो रत्ना
भजति मानवेभ्यः। श्रेष्ठं नो अत्र द्रविणं यथा दधत्। उप नो
मित्रावरुणाविहावतम्। अन्वादीध्याथामिह नः सखाया। आदित्यानां प्रसितिर्हेतिः।
उग्रा शतापांश्च घविषा परि णो वृणक्तु। आप्यायस्व सन्तैः॥¹²⁵॥

त्मना जायमानोऽस्य दधत्पथं च॥

[13]

यदिदीक्षे मनसा यच्च वाचा। यद्वा प्राणैश्चक्षुषा यच्च श्रोत्रेण। यद्रेतसा
मिथुनेनाप्यात्मना। अद्भ्यो लोका दधिरे तेज इन्द्रियम्। शुक्रा दीक्षायै तपसो
विमोचनीः। आपो विमोक्तीर्मयि तेज इन्द्रियम्। यदृचा साम्ना यजुषा।
पशूनाश्चर्मन् हविषा दिदीक्षे। यच्छन्दोभिरोषधीभिर्वनस्पतौ। अद्भ्यो लोका दधिरे
तेज इन्द्रियम्॥¹²⁶॥

शुक्रा दीक्षायै तपसो विमोचनीः। आपो विमोक्तीर्मयि तेज इन्द्रियम्। येन ब्रह्म
येन क्षत्रम्। येनैन्द्राग्नी प्रजापतिः सोमो वरुणो येन राजा। विश्वे देवा ऋषयो येन
प्राणाः। अद्भ्यो लोका दधिरे तेज इन्द्रियम्। शुक्रा दीक्षायै तपसो विमोचनीः।
आपो विमोक्तीर्मयि तेज इन्द्रियम्। अपां पुष्पमस्योषधीनां रसः। सोमस्य
प्रियन्धाम॥¹²⁷॥

अग्नेः प्रियतमं हविः स्वाहा। अपां पुष्पमस्योषधीनां रसः। सोमस्य प्रियन्धामं।
इन्द्रस्य प्रियतमं हविः स्वाहा। अपां पुष्पमस्योषधीनां रसः। सोमस्य
प्रियन्धामं। विश्वेषां देवानां प्रियतमं हविः स्वाहा। वयं सोम व्रते तव।
मनस्तनूषु पिप्रतः। प्रजावन्तो अशीमहि॥¹²⁸॥

देवेभ्यः पितृभ्यः स्वाहा। सोम्येभ्यः पितृभ्यः स्वाहा। कव्येभ्यः पितृभ्यः स्वाहा।
देवास इह मादयध्वम्। सोम्यास इह मादयध्वम्। कव्यास इह मादयध्वम्।
अनन्तरिताः पितरः सोम्याः सोमपीथात्। अपैतु मृत्युरमृतं आगन्। वैवस्वतो नो
अभयं कृणोतु। पूर्णं वनस्पतेरिव॥¹²⁹॥

अभि नः शीयतां रयिः। सचतान्नः शचीपतिः। परंमृत्यो अनु परेहि पन्थाम्।
यस्ते स्व इतरो देवयानात्। चक्षुष्मते शृण्वते तै ब्रवीमि। मा नः प्रजां रीरिषो
मोत वीरान्। इदमूनु श्रेयोवसानमागन्म। यद्भोजिद्धनजिदंश्चजिदत्। पूर्णं
वनस्पतेरिव। अभि नः शीयतां रयिः। सचतान्नः शचीपतिः॥¹³⁰॥

वनस्पतां वद्भो लोका दधिरे तेजं इन्द्रियन्धामांशीमहीवाभिः शीयतां रयिरेकं च॥ [14]

सर्वान् यद्विष्णवेण वि वै याः पुरस्ताद्देवा देवेषु परिस्तृणीत सक्षेदं यदस्य पारं ऽनागस उदस्ताम्सीद्ब्रह्म प्रतिष्ठा यद्देवा यत्ते ग्राव्णा
यद्दिदीक्षे चतुर्दश॥¹⁴॥

सर्वान्भूतिमेव यामेवाप्त्वाहुतिं व्रतानां पर्णवल्कः सोम्यानामस्मिन्यज्ञेऽग्रे यो नो ज्योष्णीवाः परोरजाः प्रतेमहे ब्रह्म प्रतिष्ठा
गार्हपत्यस्त्रिंशदुत्तरशतम्॥¹³⁰॥

सर्वाञ्छचीपतिः॥

हरिः ॐ॥

॥इति श्रीकृष्णयजुर्वेदीयतैत्तिरीयब्राह्मणे तृतीयाष्टके सप्तमः प्रपाठकः समाप्तः॥

॥अष्टमः प्रश्नः॥

॥तैत्तिरीयब्राह्मणे तृतीयाष्टके अष्टमः प्रपाठकः॥

साङ्गहृण्येष्ट्या यजते। इमाञ्जनताः सङ्गहृणीति। द्वादशारत्नी रशना भवति। द्वादश मासाः संवत्सरः। संवत्सरमेवाव रुन्धे। मौञ्जी भवति। ऊर्ग्वै मुञ्जाः। ऊर्जमेवाव रुन्धे। चित्रा नक्षत्रम्भवति। चित्रं वा एतत्कर्म॥₁॥

यदश्वमेधः समृद्धौ। पुण्यनाम देवयजनमध्यवस्यति। पुण्यामेव तेन कीर्तिमभि जयति। अपदातीनृबिजः समावहन्त्या सुब्रह्मण्यायाः। सुवर्गस्य लोकस्य समष्टौ। केशश्मश्रु वपते। नखानि नि कृन्तते। दतो धावते। स्नाति। अहतं वासः परिधत्ते। पाप्मनोऽपहत्यै। वाचं यत्नोप वसति। सुवर्गस्य लोकस्य गुप्त्यै। रात्रिं जागरयन्त आसते। सुवर्गस्य लोकस्य समष्टौ॥₂॥

कर्म धत्ते पञ्च च॥

[1]

चतुष्टय्य आपो भवन्ति। चतुः शफो वा अश्वः प्राजापत्यः समृद्धौ। ता दिग्भ्यः समाभृता भवन्ति। दिक्षु वा आपः। अन्नं वा आपः। अद्भ्यो वा अन्नं जायते। यदेवाद्भ्योऽन्नं जायते। तदव रुन्धे। तासु ब्रह्मौदनं पचति। रेत एव तदधाति॥₃॥

चतुः शरावो भवति। दिक्ष्वेव प्रतितिष्ठति। उभयतोरुक्मौ भवतः। उभयत एवास्मिन्नुचं दधाति। उद्धरति शृतत्वाय। सर्पिष्वान्भवति मेध्यत्वाय। चत्वारि आर्षेयाः प्राञ्चन्ति। दिशामेव ज्योतिषि जुहोति। चत्वारि हिरण्यानि ददाति। दिशामेव ज्योतीःष्यव रुन्धे॥₄॥

यदाज्यमुच्छिष्यते। तस्मिन्नशनान्युनत्ति। प्रजापतिर्वा ओदनः। रेत आज्यम्। यदाज्ये रशनान्युनत्ति। प्रजापतिमेव रेतसा समर्धयति। दर्भमयी रशना भवति। बहु वा एष कुचरो मेध्यमुपगच्छति। यदश्वः। पवित्रं वै दर्भाः॥₅॥

यदर्भमयी रशना भवति। पुनात्येवैनम्। पूतमेनमेध्यमा लभते। अश्वस्य वा आलब्धस्य महिमोदक्रामत्। स महर्बिजः प्राविशत्। तन्महर्बिजाम्महर्बिक्कम्।

यन्महर्बिजः प्राञ्चन्ति। महिमानमेवास्मिन्तदधति। अश्वस्य वा आलब्धस्य रेत उदक्रामत्। तत्सुवर्णं हिरण्यमभवत्। यत्सुवर्णं हिरण्यन्ददाति। रेत एव तदधाति। ओदने ददाति। रेतो वा ओदनः। रेतो हिरण्यम्। रेतसैवास्मिन्नेतो दधाति॥६॥

दधाति रुन्धे दर्भा अभवत्थद च॥

[2]

यो वै ब्रह्मणे देवेभ्यः प्रजापतयेऽप्रतिप्रोच्याश्वं मेध्यं बध्नाति। आ देवताभ्यो वृश्चते। पापीयान्भवति। यः प्रतिप्रोच्य। न देवताभ्य आवृश्चते। वसीयान्भवति। यदाह। ब्रह्मन्नश्चमेध्यम्भन्त्स्यामि देवेभ्यः प्रजापतये तेन राध्यासमिति। ब्रह्म वै ब्रह्मा। ब्रह्मण एव देवेभ्यः प्रजापतये प्रतिप्रोच्याश्वमेध्यम्बध्नाति॥७॥

न देवताभ्य आ वृश्चते। वसीयान्भवति। देवस्य त्वा सवितुः प्रसव इति रशनामादत्ते प्रसूत्यै। अश्विनौर्बाहुभ्यामित्याह। अश्विनौ हि देवानामध्वर्यू आस्ताम्। पूष्णो हस्ताभ्यामित्याह यत्यै। व्यृद्धं वा एतद्यज्ञस्य। यदयजुष्केण क्रियते। इमामगृभ्णन्नशनामृतस्येत्यधि वदति यजुष्कृत्यै। यज्ञस्य समृद्धौ॥८॥

तदाहुः। द्वादशारत्नी रशना कर्तव्या 3 त्रयोदशारत्नी 3 रिति। ऋषभो वा एष ऋतूनाम्। यत्संवत्सरः। तस्य त्रयोदशो मासो विष्टपम्। ऋषभ एष यज्ञानाम्। यदश्वमेधः। यथा वा ऋषभस्य विष्टपम्। एवमेतस्य विष्टपम्। त्रयोदशमरत्नि रशनायामुपा दधाति॥९॥

यथर्षभस्य विष्टपं सङ्स्करोति। तादृगेव तत्। पूर्वं आयुषि विदथेषु कव्येत्याह। आयुरेवास्मिन्दधाति। तया देवाः सुतमा बभूवुरित्याह। भूतिमेवोपावर्तते। ऋतस्य सामन्त्सरमारपन्तीत्याह। सत्यं वा ऋतम्। सत्येनैवेनमृतेनारभते। अभिधा असीत्याह॥१०॥

तस्मादश्वमेधयाजी सर्वाणि भूतान्यभि भवति। भुवनमसीत्याह। भूमानमेवोपैति। यन्ताऽसीत्याह। यन्तारमेवेन करोति। धर्तासीत्याह। धर्तारमेवेन करोति। सौऽग्निं वैश्वानरमित्याह। अग्नावेवेन वैश्वानरे जुहोति। सप्रथसमित्याह॥११॥

प्रजयेवैनं पशुभिः प्रथयति। स्वाहाकृत इत्याह। होम एवास्यैषः। पृथिव्यामित्याह।
अस्यामेवैनं प्रतिष्ठापयति। यन्ता राड्यन्ताऽसि यमनो धर्तासि धरुण इत्याह।
रूपमेवास्यैतन्महिमानं व्याचष्टे। कृष्ये वा क्षेमाय वा रय्ये वा पोषाय वेत्याह।
आशिषमेवैतामाशास्ते। स्वगा वा देवेभ्य इत्याह। देवेभ्य एवैनं स्वगा करोति।
स्वाहा वा प्रजापतय इत्याह। प्राजापत्यो वा अश्वः। यस्या एव देवताया
आलभ्यते। तयैवेनं समर्धयति॥¹²॥

बध्नाति समृद्ध्या उपादधात्यसीत्याह सप्रथसमित्याह देवेभ्य इत्याह पश्वं च॥ [3]

यः पितुरनुजायाः पुत्रः। स पुरस्तान्नयति। यो मातुरनुजायाः पुत्रः। स पश्चान्नयति।
विष्वधमेवास्मात्पाप्मानं विवृहतः। यो अर्वन्तं जिघांसति तमभ्यमीति वरुण इति
श्वानं चतुरक्षं प्रसौति। परो मर्तः परः श्वेति शुनश्चतुरक्षस्य प्रहन्ति। श्वेव वै पाप्मा
भ्रातृव्यः। पाप्मानमेवास्य भ्रातृव्यं हन्ति। सैध्रकम्मुसंलम्भवति॥¹³॥

कर्मकर्मैवास्मै साधयति। पौंश्चलेयो हन्ति। पुंश्चत्वा वै देवाः शुचन्यदधुः।
शुचैवास्य शुचं हन्ति। पाप्मा वा एतमीप्सतीत्याहुः। योऽश्वमेधेन यजत इति।
अश्वस्याधस्पदमुपास्यति। वज्री वा अश्वः प्राजापत्यः। वज्रेणैव पाप्मानम्भ्रातृव्यमव
क्रामति। दक्षिणाऽपं प्लावयति॥¹⁴॥

पाप्मानमेवास्माच्छमलमपं प्लावयति। ऐषीक उदूहो भवति। आयुर्वा इषीकाः।
आयुरेवास्मिन्दधति। अमृतं वा इषीकाः। अमृतमेवास्मिन्दधति।
वेतसशाखोपसम्बद्धा भवति। अप्सुर्योनिर्वा अश्वः। अप्सुजो वेतसः। स्वादेवैनं
योनेर्निर्मिमीते। पुरस्तात्प्रत्यध्वमभ्युदूहति। पुरस्तादेवास्मिन्प्रतीच्यमृतं दधाति। अहं
च त्वं च वृत्रहन्निति ब्रह्मा यजमानस्य हस्तं गृह्णाति। ब्रह्मक्षत्रे एव सन्दधाति।
अभिक्रवैन्द्र भूरधज्मन्नित्यध्वर्युर्यजमानं वाचयत्यभिजित्यै॥¹⁵॥

भवति प्लावयति मिमीते पश्वं च॥ [4]

चत्वारं ऋबिजः समुक्षन्ति। अभ्य एवैनं चतसृभ्यो दिग्भ्योऽभि समीरयन्ति। शतेन
राजपुत्रैः सहाध्वर्युः। पुरस्तात्प्रत्यङ्गिष्ठन्प्रोक्षति। अनेनाश्वेन मेध्येनेष्ट्वा। अयं राजा

वृत्रं वध्यादिति। राज्यं वा अध्वर्युः। क्षत्रं राजपुत्रः। राज्येनैवास्मिन्क्षत्रन्दधाति।
शतेना राजभिरुग्रैः सह ब्रह्मा॥¹⁶॥

दक्षिणत उदङ्गिष्ठम्प्रोक्षति। अनेनाश्वेन मेध्येनेष्ट्वा। अयं राजा प्रतिधृष्योऽस्त्विति।
बलं वै ब्रह्मा। बलमराजोग्रः। बलेनैवास्मिन्बलं दधाति। शतेन सूतग्रामणिभिः सह
होता। पश्चात्प्राङ्गिष्ठम्प्रोक्षति। अनेनाश्वेन मेध्येनेष्ट्वा। अयं राजाऽस्यै विशः॥¹⁷॥

बहुग्वै बहुश्वार्यै बहुजाविकार्यै। बहुव्रीहियवार्यै बहुमाषतिलार्यै। बहुहिरण्यार्यै
बहुहस्तिकार्यै। बहुदासपुरुषार्यै रयिमत्यै पुष्टिमत्यै। बहुरायस्पोषार्यै राजास्त्विति।
भूमा वै होता। भूमा सूतग्रामण्यः। भूमैवास्मिन्भूमानं दधाति। शतेन
क्षत्तसङ्ग्रहीतृभिः सहोद्गाता। उत्तरतो दक्षिणा तिष्ठन्प्रोक्षति॥¹⁸॥

अनेनाश्वेन मेध्येनेष्ट्वा। अयं राजा सर्वमायुरेबिति। आयुर्वा उद्गाता। आयुः
क्षत्तसङ्ग्रहीतारः। आयुषैवास्मिन्नायुर्दधाति। शतं शतम्भवन्ति। शतायुः पुरुषः
शतेन्द्रियः। आयुष्येवेन्द्रिये प्रतितिष्ठति। चतुः शता भवन्ति। चतस्रो दिशः। दिक्ष्वेव
प्रति तिष्ठति॥¹⁹॥

ब्रह्मा विश उक्षति दिश एकं च॥

[5]

यथा वै हविषो गृहीतस्य स्कन्दति। एवं वा एतदश्वस्य स्कन्दति।
यन्निक्तमनालब्धमुत्सृजन्ति। यत्स्तोक्या अन्वाह। सर्वहुतमेवेनं करोत्यस्कन्दाय।
अस्कन्नं हि तत्। यद्धुतस्य स्कन्दति। सहस्रमन्वाह। सहस्रसम्मितः सुवर्गो
लोकः। सुवर्गस्य लोकस्याभिजित्यै॥²⁰॥

यत्परिमिता अनुब्रूयात्। परिमितमव रुन्धीत। अपरिमिता अन्वाह। अपरिमितः
सुवर्गो लोकः। सुवर्गस्य लोकस्य समष्टौ। स्तोक्या जुहोति। या एव वर्ष्या आपः।
ता अव रुन्धे। अस्यां जुहोति। इयं वा अग्निवैश्वानरः॥²¹॥

अस्यामेवैनाः प्रतिष्ठापयति। उवाच ह प्रजापतिः। स्तोक्यासु वा अहमश्वमेधं
संस्थापयामि। तेन ततः संस्थितेन चरामीति। अग्नये स्वाहेत्याह। अग्नय एवेनं
जुहोति। सोमाय स्वाहेत्याह। सोमायैवेनं जुहोति। सवित्रे स्वाहेत्याह। सवित्र

ए॒वैनं॑ जु॒होति॑॥²²॥

सर॑स्वत्यै स्वा॒हेत्या॑ह। सर॑स्वत्या ए॒वैनं॑ जु॒होति॑। पू॒ष्णे स्वा॒हेत्या॑ह। पू॒ष्ण ए॒वैनं॑
जु॒होति॑। बृह॑स्पतये स्वा॒हेत्या॑ह। बृह॑स्पतय ए॒वैनं॑ जु॒होति॑। अ॒पाम्मोदा॑य स्वा॒हेत्या॑ह।
अ॒द्भ्य ए॒वैनं॑ जु॒होति॑। वा॒यवे स्वा॒हेत्या॑ह। वा॒यव ए॒वैनं॑ जु॒होति॑॥²³॥

मि॒त्राय स्वा॒हेत्या॑ह। मि॒त्रायै॒वैनं॑ जु॒होति॑। वरु॑णाय स्वा॒हेत्या॑ह। वरु॑णायै॒वैनं॑ जु॒होति॑।
ए॒ताभ्य॑ ए॒वैनं॑ दे॒वता॑भ्यो जु॒होति॑। दश॑दश स॒म्पादं॑ जु॒होति॑। दशा॑क्षरा वि॒राट्। अन्नं॑
वि॒राट्। वि॒राजै॒वान्नाद्य॑मव॒ रुन्धे॑। प्र वा ए॒षोऽस्मा॑ल्लो॒काच्च॑वते। यः
परा॑चीराहु॒तीर्जु॑होति। पुनः॑ पुनर॒भ्यावर्तं॑ जु॒होति॑। अ॒स्मिन्ने॒व लो॒के प्र॑ति॒तिष्ठ॑ति।
ए॒ताः ह वा॒व सोऽश्च॑मे॒धस्य॑ स॒ंस्थि॑तिमुवा॒चास्क॑न्दाय। अ॒स्कन्नं॑ हि तत्।
यद्य॑ज्ञस्य स॒ंस्थि॑तस्य स्क॒न्दति॑॥²⁴॥

अ॒भिजि॑त्यै वैश्वान॒रः संवि॑त्र ए॒वैनं॑ जु॒होति॑ वा॒यव ए॒वैनं॑ जु॒होति॑ च्यव॑ते षट् च॑॥

[6]

प्र॒जाप॑तये वा जुष्टं प्रोक्षा॒मीति॑ पु॒रस्ता॑त्प्रत्यङ्गि॒ष्ठन्प्रोक्ष॑ति। प्र॒जाप॑तिर्वै दे॒वाना॑मन्ना॒दो
वी॒र्या॑वान्। अ॒न्नाद्य॑मे॒वास्मि॑न्वी॒र्यं द॑धाति। तस्मा॒दश्वः॑ पशूनामन्ना॒दो वी॒र्या॑वत्तमः।
इ॒न्द्राग्नि॑भ्यान्वेति॑ दक्षिणतः। इ॒न्द्राग्नी॑ वै दे॒वाना॑मोजि॒ष्ठौ बलि॑ष्ठौ। ओजं॑ ए॒वास्मि॑न्बलं
द॑धाति। तस्मा॒दश्वः॑ पशूनामोजि॒ष्ठौ बलि॑ष्ठः। वा॒यवे॒ वेति॑ प॒श्चात्। वा॒युर्वै
दे॒वाना॑मा॒शुः सा॑रसा॒रित॑मः॥²⁵॥

ज॒वमे॒वास्मि॑न्दधाति। तस्मा॒दश्वः॑ पशूनामा॒शुः सा॑रसा॒रित॑मः। वि॒श्वेभ्य॑स्त्वा दे॒वेभ्य॑
इत्यु॑त्तरतः। वि॒श्वे वै दे॒वा दे॒वाना॑ यश॒स्वित॑माः। यशं॑ ए॒वास्मि॑न्दधाति। तस्मा॒दश्वः॑
पशू॑नां यश॒स्वित॑मः। दे॒वेभ्य॑स्वेत्य॒धस्ता॑त्। दे॒वा वै दे॒वाना॑मप॑चिततमाः।
अप॑चितिमे॒वास्मि॑न्दधाति। तस्मा॒दश्वः॑ पशूनामप॑चिततमः॥²⁶॥

सर्वे॑भ्यस्त्वा दे॒वेभ्य॑ इत्युपरि॑ष्ठात्। सर्वे॑ वै दे॒वास्त्रि॑षि॒मन्तो हर॑स्विनः। त्रि॒षिमे॒वास्मि॑न्
हरो॑ दधाति। तस्मा॒दश्वः॑ पशूनान्त्रि॒षिमा॑न्हर॒स्वित॑मः। दि॒वे वा॒ऽन्तरि॑क्षाय वा पृथि॒व्यै
वेत्या॑ह। ए॒भ्य ए॒वैनं॑ लो॒केभ्यः॑ प्रोक्ष॑ति। स॒ते वा॒ऽस॑ते वा॒ऽद्भ्यस्त्रौष॑धीभ्यस्त्वा
वि॒श्वेभ्य॑स्त्वा भू॒तेभ्य॑ इत्या॑ह। तस्मा॒दश्वमे॒धया॒जिनः॑ सर्वा॑णि भू॒तान्यु॑पजीवन्ति।

ब्रह्मवादिनो वदन्ति। यत्प्राजापत्योऽश्वः। अथ कस्मादेनमन्याभ्यो देवताभ्योऽपि प्रोक्षतीति। अश्वे वै सर्वा देवता अन्वायन्ताः। तं यद्विश्वेभ्यस्त्वा भूतेभ्य इति प्रोक्षति। देवता एवास्मिन्नन्वा यातयति। तस्मादश्वे सर्वा देवता अन्वायन्ताः॥²⁷

सारसारितमोऽर्पचिततमः प्राजापत्योऽश्वः पश्वं च॥

[7]

यथा वै हविषो गृहीतस्य स्कन्दति। एवं वा एतदश्वस्य स्कन्दति। यत्प्रोक्षितमनालब्धमुत्सृजन्ति। यदश्वचरितानि जुहोति। सर्वहुतमेवैनं करोत्यस्कन्दाय। अस्कन्नं हि तत्। यद्धुतस्य स्कन्दति। ईङ्काराय स्वाहेन कृताय स्वाहेत्याह। एतानि वा अश्वचरितानि। चरितैरेवेनं समर्थयति॥²⁸

तदाहुः। अनाहुतयो वा अश्वचरितानि। नैता होतव्या इति। अथो खत्वाहुः। होतव्या एव। अत्र वावैवं विद्वानश्वमेधं सञ्स्थापयति। यदश्वचरितानि जुहोति। तस्माद्धोतव्या इति। बहिर्धा वा एनमेतदायतनादधाति। भ्रातृव्यमस्मै जनयति॥²⁹

यस्यानायतनैऽन्यत्राग्नेराहुतीर्जुहोति। सावित्रिया इष्ट्याः पुरस्तात्स्विष्टकृतः। आहवनीयेऽश्वचरितानि जुहोति। आयतन एवास्याहुतीर्जुहोति। नास्मै भ्रातृव्यं जनयति। तदाहुः। यज्ञमुखेयज्ञमुखे होतव्याः। यज्ञस्य क्लृप्त्यै। सुवर्गस्य लोकस्यानुख्यात्या इति। अथो खत्वाहुः॥³⁰

यद्यज्ञमुखेयज्ञमुखे जुहुयात्। पशुभिर्यजमानं व्यर्धयेत्। अवं सुवर्गाल्लोकात्पदेत। पापीयान्तस्यादिति। सकृदेव होतव्याः। न यजमानं पशुभिर्व्यर्धयति। अभि सुवर्गं लोकं जयति। न पापीयान्भवति। अष्टाचत्वारिंशतमश्वरूपाणि जुहोति। अष्टाचत्वारिंशदक्षरा जगती। जागतोऽश्वः प्राजापत्यः समृद्धौ। एकमतिरिक्तं जुहोति। तस्मादेकः प्रजास्वर्धुकः॥³¹

अर्धयति जनयति खत्वाहुर्जगती त्रीणि च॥

[8]

विभूर्मात्रा प्रभूः पित्रेत्याह। इयं वै माता। असौ पिता। आभ्यामेवैनं परिददाति। अश्वोऽसि हयोऽसीत्याह। शास्त्येवैनमेतत्। तस्माच्छिष्टाः प्रजा जायन्ते। अत्योऽसीत्याह। तस्मादश्वः सर्वान्यशूनत्येति। तस्मादश्वः सर्वेषां पशूनां श्रेष्ठः

गच्छति॥³²॥

प्र यशः श्रेष्ठमाप्नोति। य एवं वेद। नरोऽस्यर्वाऽसि सप्तिरसि वाज्यंसीत्याह।
रूपमेवास्यैतन्महिमानं व्याचष्टे। ययुर्नामाऽसीत्याह। एतद्वा अश्वस्य
प्रियन्नामधेयम्। प्रियेणैवैनन्नामधेयेनाभि वेदति। तस्मादप्यामित्रौ सङ्गत्य। नाम्ना
चेद्धयेते। मित्रमेव भवतः॥³³॥

आदित्यानां पत्वाऽन्विहीत्याह। आदित्यानेवैनं गमयति। अग्नये स्वाहा
स्वाहेन्द्राग्निभ्यामिति पूर्वहोमां जुहोति। पूर्वं एव द्विषन्तम्भ्रातृव्यमिति क्रामति।
भूरसि भुवे त्वा भव्याय त्वा भविष्यते त्वेत्युत्सृजति सर्वत्वाय। देवा आशापाला एतं
देवेभ्योऽश्वमेधाय प्रोक्षितङ्गोपायतेत्याह। शतं वै तत्प्या राजपुत्रा देवा
आशापालाः। तेभ्य एवेनं परि ददाति। ईश्वरो वा अश्वः प्रमुक्तः परा
परावतङ्गन्तोः। इह धृतिः स्वाहेह विधृतिः स्वाहेह रन्तिः स्वाहेह रमन्तिः स्वाहेति
चतुषु पत्सु जुहोति॥³⁴॥

एता वा अश्वस्य बन्धनम्। ताभिरेवैनम्बध्नाति। तस्मादश्वः प्रमुक्तो बन्धनमा
गच्छति। तस्मादश्वः प्रमुक्तो बन्धनं न जहाति। राष्ट्रं वा अश्वमेधः। राष्ट्रे खलु वा
एते व्यायच्छन्ते। येऽश्वमेध्यं रक्षन्ति। तेषां य उदृचं गच्छन्ति। राष्ट्रादेव ते
राष्ट्रङ्गच्छन्ति। अथ य उदृचं न गच्छन्ति॥³⁵॥

राष्ट्रादेव ते व्यवच्छिद्यन्ते। परा वा एष सिच्यते। योऽबलौऽश्वमेधेन यजते।
यदमित्रा अश्वं विन्देरन्। हन्येतास्य यज्ञः। चतुः शता रक्षन्ति। यज्ञस्याघाताय।
अथान्यमानीय प्रोक्षेयुः। सैव ततः प्रायश्चित्तिः॥³⁶॥

गच्छति भवतः पत्सु जुहोति न गच्छन्ति नवं च॥

[9]

प्रजापतिरकामयताश्वमेधेन यजेयेति। स तपोऽतप्यत। तस्य तेषानस्य। सप्तात्मनो
देवता उदक्रामन्। सा दीक्षाऽभवत्। स एतानि वैश्वदेवान्यपश्यत्। तान्यजुहोत्।
तैर्वै स दीक्षामवारुन्ध। यद्वैश्वदेवानि जुहोति। दीक्षामेव तैर्यजमानोऽव रुन्धे॥³⁷॥

सप्त जुहोति। सप्त हि ता देवता उदक्रामन्। अन्वहं जुहोति। अन्वहमेव
दीक्षामव रुन्धे। त्रीणि वैश्वदेवानि जुहोति। चत्वार्योद्ग्रहणानि। सप्त सम्पद्यन्ते। सप्त

वै शीर्षण्याः प्राणाः। प्राणा दीक्षा। प्राणैरेव प्राणान्दीक्षामव रुन्धे॥³⁸॥

एकविंशतिं वैश्वदेवानि जुहोति। एकविंशतिर्वै देवलोकाः। द्वादश मासाः पञ्चर्तवः। त्रयं इमे लोकाः। असावादित्य एकविंशः। एष सुवर्गो लोकः। तद्वै व्यक्षत्रम्। सा श्रीः। तद्ब्रध्नस्य विष्टपम्। तत्स्वाराज्यमुच्यते॥³⁹॥

त्रिंशत्तमौद्गहणानि जुहोति। त्रिंशदक्षरा विराट्। अन्नं विराट्। विराजैवान्नाद्यमव रुन्धे। त्रेधा विभज्य देवतां जुहोति। त्र्यावृतो वै देवाः। त्र्यावृत इमे लोकाः। एषां लोकानामाप्त्यै। एषां लोकानां क्लृप्त्यै। अप वा एतस्मात्प्राणाः क्रामन्ति॥⁴⁰॥

यो दीक्षामतिरेचयति। सप्ताहं प्रचरन्ति। सप्त वै शीर्षण्याः प्राणाः। प्राणा दीक्षा। प्राणैरेव प्राणान्दीक्षामव रुन्धे। पूर्णाहुतिमुत्तमां जुहोति। सर्वं वै पूर्णाहुतिः। सर्वमेवाप्नोति। अथो इयं वै पूर्णाहुतिः। अस्यामेव प्रति तिष्ठति॥⁴¹॥

रुन्धे प्राणान्दीक्षामव रुन्ध उच्यते क्रामन्ति तिष्ठति॥

[10]

प्रजापतिरश्वमेधमसृजत। तं सृष्टं न किञ्चनोदयच्छत्। तं वैश्वदेवान्येवोदयच्छन्। यद्वैश्वदेवानि जुहोति। यज्ञस्योदत्यै। स्वाहाऽऽधिमाधीताय स्वाहा। स्वाहाऽधीतं मनसे स्वाहा। स्वाहा मनः प्रजापतये स्वाहा। काय स्वाहा कस्मै स्वाहा कतमस्मै स्वाहेति प्राजापत्ये मुख्ये भवतः। प्रजापतिमुखाभिरेवैनं देवताभिरुदच्छते॥⁴²॥

अदित्यै स्वाहाऽदित्यै मह्यै स्वाहाऽदित्यै सुमृडीकायै स्वाहेत्याह। इयं वा अदितिः। अस्या एवैनं प्रतिष्ठायोदच्छते। सरस्वत्यै स्वाहा सरस्वत्यै बृहत्यै स्वाहा सरस्वत्यै पावकायै स्वाहेत्याह। वाग्वै सरस्वती। वाचैवैनमुदच्छते। पूष्णे स्वाहा पूष्णे प्रपथ्याय स्वाहा पूष्णे नरन्धिषाय स्वाहेत्याह। पशवो वै पूषा। पशुभिरेवैनमुदच्छते। ऋष्टे स्वाहा ऋष्टे तुरीपाय स्वाहा ऋष्टे पुरुरूपाय स्वाहेत्याह। ऋष्टा वै पशूनां मिथुनानां रूपकृत्। रूपमेव पशुषु दधाति। अथो रूपैरेवैनमुदच्छते। विष्णवे स्वाहा विष्णवे निखुर्यपाय स्वाहा विष्णवे निभूयपाय स्वाहेत्याह। यज्ञो वै विष्णुः। यज्ञायैवैनमुदच्छते। पूर्णाहुतिमुत्तमां जुहोति। प्रत्युत्तब्ध्यै सयत्वाय॥⁴³॥

यच्छते पुरुरूपाय स्वाहेत्याहाष्टौ च॥

[11]

सा॒वि॒त्रम॒ष्टाक॑पालं प्रा॒तर्निर्व॑पति। अ॒ष्टाक्ष॑रा गाय॒त्री। गा॒य॒त्रं प्रा॑तः स॒वनम्। प्रा॒तः
स॒वना॑दे॒वैनं॑ गा॒य॒त्रियाश्छ॑न्द॒सोऽधि॑ निर्मि॒मीते। अथो॑ प्रा॒तः स॒वनमे॒व तेना॑प्नोति।
गा॒य॒त्रीं छ॑न्दः। स॒वि॒त्रे प्र॑स॒वि॒त्र एका॑दशकपालं म॒ध्यन्दि॑ने। एका॑दशाक्षरा त्रिष्टुप्।
त्रैष्टु॑भं मा॒ध्यं दि॒नं स॒वनम्। मा॒ध्यं दि॒नादे॒वैनं॑ स॒वना॑त्रिष्टुभश्छ॑न्द॒सोऽधि॑
निर्मि॒मीते॥⁴⁴॥

अथो मा॒ध्यं दि॒नमे॒व स॒वनं॑ तेना॑प्नोति। त्रिष्टु॑भं छ॑न्दः। स॒वि॒त्र आ॑स॒वि॒त्रे
द्वाद॑शकपालमपरा॒ह्णे। द्वाद॑शाक्षरा जग॑ती। जा॒ग॒तं तृ॒तीयस॒वनम्।
तृ॒तीयस॒वना॑दे॒वैनं॑ जग॑त्याश्छ॑न्द॒सोऽधि॑ निर्मि॒मीते। अथो॑ तृ॒तीयस॒वनमे॒व तेना॑प्नोति।
जग॑तीं छ॑न्दः। ई॒श्वरो॑ वा अ॒श्वः प्र॑मु॒क्तः परा॑ परा॒वतं॑ गन्तोः॑। इ॒ह धृ॑तिः स्वा॒हेह
वि॒धृतिः॑ स्वा॒हेह र॑न्तिः स्वा॒हेह र॑म॒तिः स्वा॒हेति॑ चत॑स्र आहु॑तीर्जुहोति॥⁴⁵॥

चत॑स्रो दि॒शः। दि॒ग्भिरे॒वैनं॑ परि॑गृह्णाति। आ॒श्व॒त्थो ब्र॒जो भ॑वति। प्र॒जाप॑तिर्दे॒वेभ्यो॑
नि॒लाय॑त। अ॒श्वो रू॒पं कृ॒त्वा। सो॑ऽश्व॒त्थे स॑वत्स॒रम॑तिष्ठत्। तद॑श्व॒त्थस्या॑श्व॒त्थत्ब॑म्।
यदा॑श्व॒त्थो ब्र॒जो भ॑वति। स॒व ए॒वैनं॑ यो॒नौ प्र॑तिष्ठापयति॥⁴⁶॥

त्रिष्टुभश्छन्दसोऽधि निर्मिमीते जुहोति नवं च॥ [12]

आ ब्र॒ह्म॑न्ब्राह्म॒णो ब्र॑ह्मवर्च॒सी जा॑यता॒मित्या॑ह। ब्रा॒ह्म॒ण ए॒व ब्र॑ह्मवर्च॒सं द॑धाति।
तस्मा॑त्पु॒रा ब्रा॑ह्म॒णो ब्र॑ह्मवर्च॒स्यजा॑यत। आ॒ऽस्मिन्ना॒ष्ट्रे रा॑ज॒न्यं इ॒षव्यः॑ शू॒रो म॒हार॒थो
जा॑यता॒मित्या॑ह। रा॒ज॒न्यं ए॒व शौ॒र्यं म॑हि॒मानं॑ दधाति। तस्मा॑त्पु॒रा रा॑ज॒न्यं इ॒षव्यः॑
शू॒रो म॒हार॒थोऽजा॑यत। दो॒ग्ध्री धे॒नुरि॑त्याह। धे॒न्वामे॒व प॒यो द॑धाति। तस्मा॑त्पु॒रा
दो॒ग्ध्री धे॒नुर॑जायत। वोढा॑ऽन॒ङ्गानि॑त्याह॥⁴⁷॥

अ॒न॒डुह्ये॒व वी॒र्यं॑ दधाति। तस्मा॑त्पु॒रा वोढा॑ऽन॒ङ्गान॑जायत। आ॒शुः स॒प्तिरि॑त्याह। अ॒श्व
ए॒व ज॒वं द॑धाति। तस्मा॑त्पु॒राऽऽशु॑र॒श्चोऽजा॑यत। पु॒र॒न्धिर्यो॑षेत्याह। यो॒षित्ये॒व रू॒पं
द॑धाति। तस्मा॑त्स्त्री यु॒वतिः॑ प्रि॒या भा॒वुका॑। जि॒ष्णू र॑थे॒ष्ठा इ॒त्याह॑। आ ह॒ वै तत्र॑
जि॒ष्णू र॑थे॒ष्ठा जा॑यते॥⁴⁸॥

यत्रे॒तेन॑ य॒ज्ञेन॑ यज॑न्ते। स॒भेयो॑ यु॒वेत्या॑ह। यो वै पू॒र्वव॑यसी। स स॒भेयो॑ यु॒वा॑।

तस्माद्युवा पुमान्प्रियो भावुकः। आऽस्य यजमानस्य वीरो जायतामित्याह। आ ह वै तत्र यजमानस्य वीरो जायते। यत्रैतेन यज्ञेन यजन्ते। निकामेनिकामे नः पर्जन्यो वर्षदित्याह। निकामेनिकामे ह वै तत्र पर्जन्यो वर्षति। यत्रैतेन यज्ञेन यजन्ते। फलिन्यो न ओषधयः पच्यन्तामित्याह। फलिन्यो ह वै तत्रोषधयः पच्यन्ते। यत्रैतेन यज्ञेन यजन्ते। योगक्षेमो नः कल्पतामित्याह। कल्पन्ते ह वै तत्र प्रजाभ्यो योगक्षेमः। यत्रैतेन यज्ञेन यजन्ते॥⁴⁹॥

अनुष्ठानित्याह जायते वर्षति सप्त च॥

[13]

प्रजापतिर्देवेभ्यो यज्ञान्व्यादिशत्। स आत्मन्नश्चमेधमधत्त। तं देवा अब्रुवन्। एष वाव यज्ञः। यदश्चमेधः। अप्येव नोत्रास्त्विति। तेभ्य एतानन्नहोमान्प्रायच्छत्। तानजुहोत्। तैर्वै स देवानप्रीणात्। यदन्नहोमां जुहोति॥⁵⁰॥

देवानेव तैर्यजमानः प्रीणाति। आज्येन जुहोति। अग्नेर्वा एतद्रूपम्। यदाज्यम्। यदाज्येन जुहोति। अग्निमेव तत्प्रीणाति। मधुना जुहोति। महृत्यै वा एतद्देवतायै रूपम्। यन्मधु। यन्मधुना जुहोति॥⁵¹॥

महतीमेव तद्देवतां प्रीणाति। तण्डुलैर्जुहोति। वसूनां वा एतद्रूपम्। यत्तण्डुलाः। यत्तण्डुलैर्जुहोति। वसूनेव तत्प्रीणाति। पृथुकैर्जुहोति। रुद्राणां वा एतद्रूपम्। यत्पृथुकाः। यत्पृथुकैर्जुहोति॥⁵²॥

रुद्रानेव तत्प्रीणाति। लाजैर्जुहोति। आदित्यानां वा एतद्रूपम्। यल्लाजाः। यल्लाजैर्जुहोति। आदित्यानेव तत्प्रीणाति। करम्बैर्जुहोति। विश्वेषां वा एतद्देवानां रूपम्। यत्करम्बाः। यत्करम्बैर्जुहोति॥⁵³॥

विश्वानेव तद्देवान्प्रीणाति। धानाभिर्जुहोति। नक्षत्राणां वा एतद्रूपम्। यद्धानाः। यद्धानाभिर्जुहोति। नक्षत्राण्येव तत्प्रीणाति। सक्तुभिर्जुहोति। प्रजापतेर्वा एतद्रूपम्। यत्सक्तवः। यत्सक्तुभिर्जुहोति॥⁵⁴॥

प्रजापतिमेव तत्प्रीणाति। मसूस्यैर्जुहोति। सर्वासां वा एतद्देवतानां रूपम्। यन्मसूस्यानि। यन्मसूस्यैर्जुहोति। सर्वा एव तद्देवताः प्रीणाति। प्रियङ्गुतण्डुलैर्जुहोति।

प्रियाङ्गा ह वै नामैते। एतैर्वै देवा अश्वस्याङ्गानि समदधुः। यत्प्रियङ्गुतण्डुलैर्जुहोति।
अश्वस्यैवाङ्गानि सन्दधाति। दशान्नानि जुहोति। दशाक्षरा विराट्।
विराट्कृत्स्नस्यान्नाद्यस्यावरुद्धौ ॥ 55 ॥

जुहोति मधुना जुहोति पृथुकैर्जुहोति करम्बैर्जुहोति सक्तुभिर्जुहोति प्रियङ्गुतण्डुलैर्जुहोति चत्वारि च (अन्नहोमानाज्येनाग्नेर्मधुना तण्डुलैः पृथुकैर्लाजैः
करम्बैर्धानाभिः सक्तुभिर्मसूयैः प्रियङ्गुतण्डुलैर्दशान्नानि द्वादश।) ॥

[14]

प्रजापतिरश्वमेधमसृजत। तं सृष्टं रक्षांस्यजिघांसन्। स एतान्प्रजापतिर्नक्तं
होमानपश्यत्। तान्जुहोत्। तैर्वै स यज्ञाद्रक्षांस्यपाहन्। यन्नक्तं होमां जुहोति।
यज्ञादेव तैर्यजमानो रक्षांस्यपं हन्ति। आज्येन जुहोति। वज्रो वा आज्यम्।
वज्रेणैव यज्ञाद्रक्षांस्यपं हन्ति ॥ 56 ॥

आज्यस्य प्रतिपदं करोति। प्राणो वा आज्यम्। मुखत एवास्य प्राणं दधाति।
अन्नहोमाञ्जुहोति। शरीरवदेवाव रुन्धे। व्यत्यासं जुहोति। उभयस्यावरुद्धौ। नक्तं
जुहोति। रक्षसामपहत्यै। आज्येनान्ततो जुहोति ॥ 57 ॥

प्राणो वा आज्यम्। उभयत एवास्य प्राणं दधाति। पुरस्ताच्चोपरिष्ठाच्च। एकस्मै
स्वाहेत्याह। अस्मिन्नेव लोके प्रतितिष्ठति। द्वाभ्यां स्वाहेत्याह। अमुष्मिन्नेव लोके
प्रति तिष्ठति। उभयोरेव लोकयोः प्रति तिष्ठति। अस्मिंश्चामुष्मिंश्च। शताय
स्वाहेत्याह। शतायुर्वै पुरुषः शतवीर्यः। आयुरेव वीर्यमव रुन्धे। सहस्राय
स्वाहेत्याह। आयुर्वै सहस्रम्। आयुरेवाव रुन्धे। सर्वस्मै स्वाहेत्याह।
अपरिमितमेवाव रुन्धे ॥ 58 ॥

एव यज्ञाद्रक्षांस्यपहत्यन्ततो जुहोति शताय स्वाहेत्याह सप्त च ॥

[15]

प्रजापतिं वा एष ईप्सतीत्याहुः। योऽश्वमेधेन यजत इति। अथो आहुः। सर्वाणि
भूतानीति। एकस्मै स्वाहेत्याह। प्रजापतिर्वा एकः। तमेवाप्नोति। एकस्मै स्वाहा
द्वाभ्यां स्वाहेत्यभिपूर्वमाहुतीर्जुहोति। अभिपूर्वमेव सुवर्गं लोकमेति। एकोत्तरं
जुहोति ॥ 59 ॥

एकवदेव सुवर्गं लोकमेति। सन्ततं जुहोति। सुवर्गस्य लोकस्य सन्तत्यै। शताय

स्वाहेत्याह। शतायुर्वे पुरुषः शतवीर्यः। आयुरेव वीर्यमवरुन्धे। सहस्राय स्वाहेत्याह। आयुर्वे सहस्रम्। आयुरेवावरुन्धे। अयुताय स्वाहा नियुताय स्वाहा प्रयुताय स्वाहेत्याह॥⁶⁰॥

त्रयं इमे लोकाः। इमानेव लोकानवरुन्धे। अर्बुदाय स्वाहेत्याह। वाग्वा अर्बुदम्। वाचमेवावरुन्धे। न्यर्बुदाय स्वाहेत्याह। यो वै वाचो भूमा। तन्यर्बुदम्। वाच एव भूमानमवरुन्धे। समुद्राय स्वाहेत्याह॥⁶¹॥

समुद्रमेवाप्नोति। मध्याय स्वाहेत्याह। मध्यमेवाप्नोति। अन्ताय स्वाहेत्याह। अन्तमेवाप्नोति। परार्धाय स्वाहेत्याह। परार्धमेवाप्नोति। उषसे स्वाहा व्युष्टे स्वाहेत्याह। रात्रिर्वा उषाः। अहर्व्युष्टिः। अहोरात्रे एवावरुन्धे। अथो अहोरात्रयोरेव प्रतितिष्ठति। ता यदुभयीर्दिवा वा नक्तं वा जुहुयात्। अहोरात्रे मोहयेत्। उषसे स्वाहा व्युष्टे स्वाहोदेष्यते स्वाहोद्यते स्वाहेत्यनुदिते जुहोति। उदिताय स्वाहा सुवर्गाय स्वाहा लोकाय स्वाहेत्युदिते जुहोति। अहोरात्रयोरव्यतिमोहाय॥⁶²॥

एकोत्तरं जुहोति प्रयुताय स्वाहेत्याह समुद्राय स्वाहेत्याहाहर्व्युष्टिः सप्त च॥ [16]

विभूर्मात्रा प्रभूः पित्रेत्यश्वनामानि जुहोति। उभयोरेवेनं लोकयोर्नामधेयं गमयति। आयनाय स्वाहा प्रायणाय स्वाहेत्युद्वावाञ्जुहोति। सर्वमेवेनमस्कन्नं सुवर्गं लोकं गमयति। अग्नये स्वाहा सोमाय स्वाहेति पूर्वहोमाञ्जुहोति। पूर्वं एव द्विषन्तं भ्रातृव्यमतिं क्रामति। पृथिव्यै स्वाहाऽन्तरिक्षाय स्वाहेत्याह। यथायजुरेवैतत्। अग्नये स्वाहा सोमाय स्वाहेति पूर्वदीक्षा जुहोति। पूर्वं एव द्विषन्तं भ्रातृव्यमतिं क्रामति॥⁶³॥

पृथिव्यै स्वाहाऽन्तरिक्षाय स्वाहेत्येकविंशतिर्दीक्षां जुहोति। एकविंशतिर्वे देवल्लोकाः। द्वादश मासाः पञ्चर्तवः। त्रयं इमे लोकाः। असावादित्य एकविंशः। एष सुवर्गो लोकः। सुवर्गस्य लोकस्य समष्टौ। भुवो देवानां कर्मणेत्युदीक्षा जुहोति। ऋतूनेवास्मै कल्पयति। अग्नये स्वाहा वायवे स्वाहेति जुहोत्यनन्तरित्यै॥⁶⁴॥

अ॒र्वा॒ङ्य॒ज्ञः स॒ङ्गाम॒बित्या॒सीर्जु॑होति। सु॒व॒र्गस्य॑ लो॒कस्या॒प्त्यै॑। भू॒तं भ॒व्यं भवि॑ष्यदिति
 पर्या॑सीर्जुहोति। सु॒व॒र्गस्य॑ लो॒कस्य॒ पर्या॑प्त्यै। आ मे॑ गृ॒हा भ॑वन्बित्या॒भूर्जु॑होति।
 सु॒व॒र्गस्य॑ लो॒कस्या॒भूत्यै॑। अ॒ग्निना॑ तपोऽन्व॑भवदित्य॒नुभूर्जु॑होति। सु॒व॒र्गस्य॑
 लो॒कस्यानु॑भूत्यै। स्वाहाऽऽधि॑मा॒धी॒ताय॒ स्वाहे॑ति॒ सम॑स्तानि वैश्व॒दे॒वानि॑ जुहोति।
 सम॑स्तमे॒व द्वि॒षन्तं॒ भ्रातृ॑व्य॒मति॑ क्रामति॥⁶⁵॥

द॒द्भ्यः स्वाहा॑ ह॒नू॒भ्याः स्वा॑हेत्य॒ङ्गहो॒माञ्जु॑होति। अ॒ङ्गे॒अ॒ङ्गे वै पु॑रुषस्य पा॒प्मोप॑श्लिष्टः।
 अ॒ङ्गाद॑ङ्गादे॒वेन॑ पा॒प्मन॒स्तेन॑ मु॒धति॑। अ॒श्वे॒ताय॒ स्वाहा॑ कृ॒ष्णाय॒ स्वाहा॑ श्वे॒ताय॒
 स्वा॑हेत्य॒श्वरू॒पाणि॑ जुहोति। रू॒पैरे॒वेन॑ सम॑र्धयति। ओष॑धी॒भ्यः स्वाहा॑ मू॒ले॒भ्यः
 स्वा॑हेत्योष॑धि॒हो॒माञ्जु॑होति। द्र॒व्यो वा ओष॑धयः। पु॒ष्पे॒भ्योऽन्याः॒ फलं॑ गृ॒ह्णन्ति॑।
 मू॒ले॒भ्योऽन्याः॒ ता ए॒वोभ॑यी॒रव॑ रुन्धे॥⁶⁶॥

व॒नस्प॑ति॒भ्यः स्वा॑हेति॒ वनस्प॑ति॒हो॒माञ्जु॑होति। आ॒र॒ण्यस्या॒न्नाद्य॑स्याव॑रु॒द्धौ। मे॒षस्त्वा॑
 प॒च॒तैर॑व॒बित्य॑पा॒व्यानि॑ जुहोति। प्रा॒णा वै दे॒वा अ॒पा॒व्याः। प्रा॒णाने॒वाव॑ रुन्धे।
 कू॒प्या॒भ्यः स्वाहा॑द्भ्यः स्वा॑हेत्य॒पाः हो॒माञ्जु॑होति। अ॒प्सु वा आ॒पः। अ॒न्नं वा आ॒पः।
 अ॒द्भ्यो वा अ॒न्नं जा॑यते। य॒दे॒वाद्भ्योऽन्नं॑ जा॑यते। तद॑व॒ रुन्धे॥⁶⁷॥

पूर्वदीक्षा जुहोति पूर्व एव द्विषन्तं भ्रातृव्यमतिं क्रामत्यनन्तरित्यै क्रामति रुन्धे जायते एकं च॥ [17]

अ॒म्भा॑सि जुहोति। अ॒यं वै लो॒कोऽम्भा॑सि। तस्य॒ वस॑वोऽधि॑पतयः।
 अ॒ग्निज्यो॑तिः। यद॒म्भा॑सि जुहोति। इ॒ममे॒व लो॒कमे॒व रु॑न्धे। वसू॑नाः सायु॑ज्यं
 गच्छ॑ति। अ॒ग्निं ज्यो॑ति॒रव॑ रुन्धे। न॒भा॑सि जुहोति। अ॒न्तरि॑क्षं वै न॒भा॑सि॥⁶⁸॥
 तस्य॒ रु॒द्रा अधि॑पतयः। वा॒युज्यो॑तिः। यन्न॒भा॑सि जुहोति। अ॒न्तरि॑क्षमे॒वाव॑ रुन्धे।
 रु॒द्राणां॑ सायु॑ज्यं गच्छ॑ति। वा॒युं ज्यो॑ति॒रव॑ रुन्धे। म॒हा॑सि जुहोति। अ॒सौ वै
 लो॒को म॒हा॑सि। तस्या॑दि॒त्या अधि॑पतयः। सू॒र्यो ज्यो॑तिः॥⁶⁹॥

यन्म॒हा॑सि जुहोति। अ॒मुमे॒व लो॒कमे॒व रु॑न्धे। आ॒दि॒त्यानां॑ सायु॑ज्यं गच्छ॑ति।
 सू॒र्यं ज्यो॑ति॒रव॑ रुन्धे। न॒मो रा॒ज्ञे न॒मो वरु॑णा॒येति॑ य॒व्यानि॑ जुहोति।
 अ॒न्नाद्य॑स्याव॑रु॒द्धौ। म॒योभूर्वा॑तो॒ अभि॑ वा॒तू॒स्मा इति॑ ग॒व्यानि॑ जुहोति।

प॒शूना॑मवरु॒द्धौ। प्रा॒णाय॒ स्वाहा॑ व्या॒नाय॒ स्वाहेति॑ सन्ततिहोमाञ्जुहोति। सु॒वर्ग॑स्य॒ लोक॑स्य सन्तत्यै॥⁷⁰॥

सि॒ताय॒ स्वाहा॑ऽसि॒ताय॒ स्वाहेति॑ प्रमु॒क्तीर्जु॑होति। सु॒वर्ग॑स्य॒ लोक॑स्य प्रमु॒क्त्यै। पृ॒थि॒व्यै स्वाहा॑ऽन्तरि॒क्षाय॒ स्वाहेत्या॑ह। यथा॒यजु॑रेवैतत्। द॒त्त॒ते स्वाहा॑ऽदन्तका॒य स्वाहेति॑ शरीरहोमाञ्जुहोति। पि॒तृलो॒कमे॒व तैर्य॑ज॒मानो॒ऽव रु॒न्धे। क॒स्त्वा यु॑नक्ति॒ स त्वा॑ यु॒नक्ति॑ति॒ परि॑धीन् यु॒नक्ति॑। इ॒मे वै लो॒काः परि॑धयः। इ॒माने॒वास्मै॑ लो॒कान् यु॑नक्ति। सु॒वर्ग॑स्य॒ लोक॑स्य॒ सम॑ष्ट्यै॥⁷¹॥

यः प्रा॑णतो य आ॒त्म॒दा इति॑ म॒हि॒मानो॑ जुहोति। सु॒वर्गो॑ वै लो॒को महः॑। सु॒वर्ग॑मे॒व ताभ्या॑ लो॒कं यज॑मानो॒ऽव रु॒न्धे। आ ब्र॑ह्मन्ब्राह्म॒णो ब्र॑ह्मवर्च॒सी जा॑यतामिति॒ सम॑स्तानि ब्रह्मवर्च॒सानि॑ जुहोति। ब्रह्मवर्च॒समे॒व तैर्य॑ज॒मानो॒ऽव रु॒न्धे। ज॒ज्ञि बी॒जमि॑ति॒ जुहो॑त्यन॒न्तरि॑त्यै। अ॒ग्नये॒ सम॑नमत्पृथि॒व्यै सम॑नमदिति॒ सन्न॑तिहोमाञ्जुहोति। सु॒वर्ग॑स्य॒ लोक॑स्य सन्न॒त्यै। भू॒ताय॒ स्वाहा॑ भविष्य॒ते स्वाहेति॑ भू॒ताभ॒व्यौ होमौ॑ जुहोति। अ॒यं वै लो॒को भू॒तम्॥⁷²॥

अ॒सौ भ॑विष्यत्। अ॒नयो॑रे॒व लो॒कयोः॑ प्र॒ति॒ति॒ष्ठति॑। स॒र्वस्या॑प्त्यै। स॒र्वस्या॑वरु॒द्धौ। यद॑क्र॒न्दः प्र॒थमं॑ जा॒य॒मान् इ॒त्य॒श्च॒स्तो॒मीयं॑ जुहोति। स॒र्वस्या॑प्त्यै। स॒र्वस्य॑ जि॒त्यै। स॒र्वमे॒व तेना॑प्नोति। स॒र्वं ज॑यति। यो॑ऽश्वमे॒धेन॑ यज॒ते॥⁷³॥

य उ॑ चैनमे॒वं वेद॑। य॒ज्ञः र॒क्षाऽस्य॑जिघा॒सन्। स ए॒तान्प्र॒जाप॑तिर्नक्तः॒होमान॑पश्यत्। तान॑जुहोत्। तैर्वै स य॒ज्ञाद्र॒क्षाऽस्य॑पा॒हन्। यन्न॑क्तः॒होमां॑ जुहोति। य॒ज्ञादे॒व तैर्य॑ज॒मानो॒ रक्षा॑ऽस्यप॒हन्ति॑। उ॒षसे॒ स्वाहा॑ व्यु॒ष्ट्यै स्वाहेत्य॑न्ततो जुहोति। सु॒वर्ग॑स्य॒ लोक॑स्य॒ सम॑ष्ट्यै॥⁷⁴॥

वै नभा॑सि॒ सूर्यो॑ ज्योतिः सन्तत्यै॒ सम॑ष्ट्यै भूतं यज॒ते न॒वं च॥

[18]

ए॒क॒यू॒पो वै॑का॒शिनी॑ वा। अ॒न्येषां॑ य॒ज्ञानां॑ यू॒पा भ॑वन्ति। ए॒क॒वि॒ंशिन्य॑श्चमे॒धस्य॑। सु॒वर्ग॑स्य॒ लोक॑स्या॒भिजि॑त्यै। बै॒ल॒वो वा॑ खादि॒रो वा॑ पा॒ला॒शो वा॑। अ॒न्येषां॑ य॒ज्ञक्र॑तूनां यू॒पा भ॑वन्ति। रा॒ज्जु॒दाल॑ ए॒क॒वि॒ंशत्य॑रत्निरश्चमे॒धस्य॑। सु॒वर्ग॑स्य॒ लोक॑स्य॒ सम॑ष्ट्यै। ना॒न्येषां॑ प॒शूनां॑ तै॒ज॒न्या अ॑व॒द्यन्ति॑। अ॒व॒द्यन्त्य॑श्च॒स्य॥⁷⁵॥

पाप्मा वै तेजनी। पाप्मनोऽपहृत्यै। प्लक्षशाखायामन्येषां पशूनामवदन्ति।
वेतसशाखायामश्वस्य। अप्सुयोनिर्वा अश्वः। अप्सुजो वेतसः। स्व एवास्य योनावव
दति। यूपेषु ग्राम्यान्पशून्नियुञ्जन्ति। आरोकेष्वारण्यान्धारयन्ति। पशूनां व्यावृत्त्यै। आ
ग्राम्यान्पशूल्लभन्ते। प्रारण्यात्सृजन्ति। पाप्मनोऽपहृत्यै॥ 76 ॥

अश्वस्य व्यावृत्त्यै त्रीणि च॥

[19]

राज्जुदालमग्निष्ठं मिनोति। भ्रूणहत्याया अपहृत्यै। पौतुद्रवावभितो भवतः। पुण्यस्य
गन्धस्यावरुद्धौ। भ्रूणहत्यामेवास्मादपहृत्यै। पुण्येन गन्धेनोभयतः परि गृह्णाति।
षड्वैल्वा भवन्ति। ब्रह्मवर्चसस्यावरुद्धौ। षड्वादिराः। तेजसोऽवरुद्धौ॥ 77 ॥

षट्वालाशाः। सोमपीथस्यावरुद्धौ। एकविंशतिः सम्पदन्ते। एकविंशतिर्वै
देवल्लोकाः। द्वादश मासाः पञ्चर्तवः। त्रयं द्विमे लोकाः। असावादित्य एकविंशः।
एष सुवर्गो लोकः। सुवर्गस्य लोकस्य समष्टौ। शतं पशवो भवन्ति॥ 78 ॥

शतायुः पुरुषः शतेन्द्रियः। आयुष्येवेन्द्रिये प्रति तिष्ठति। सर्वं वा अश्वमेध्याप्नोति।
अपरिमिता भवन्ति। अपरिमितस्यावरुद्धौ। ब्रह्मवादिनो वदन्ति। कस्मात्सत्यात्।
दक्षिणतोऽन्येषां पशूनामवदन्ति। उत्तरतोऽश्वस्येति। वारुणो वा अश्वः॥ 79 ॥

एषा वै वरुणस्य दिक्। स्वायामेवास्य दिश्यवदति। यदितरेषां पशूनामवदति।
शतदेवत्यं तेनाव रुन्धे। चितेऽग्नावधिं वेतसे कटेऽश्वं चिनोति। अप्सुयोनिर्वा
अश्वः। अप्सुजो वेतसः। स्व एवैनं योनौ प्रतिष्ठापयति। पुरस्तात्प्रत्यश्च तूपरं
चिनोति। पश्चात्प्राचीनं गोमृगम्॥ 80 ॥

प्राणापानावेवास्मिन्सम्यञ्चौ दधाति। अश्वं तूपरं गोमृगमिति सर्वहुतं एताञ्जुहोति।
एषां लोकानामभिजित्यै। आत्मनाऽभि जुहोति। सात्मानमेवैनं सतनुं करोति।
सात्माऽमुष्मिल्लोके भवति। य एवं वेद। अथो वसोरेव धारां तेनाव रुन्धे।
इलुवर्दाय स्वाहा बलिवर्दाय स्वाहेत्याह। संवत्सरो वा इलुवर्दः। परिवत्सरो
बलिवर्दः। संवत्सरादेव परिवत्सरादायुरव रुन्धे। आयुरेवास्मिन्दधाति।

तस्मादश्वमेधयाजी जरसा विस्रसामुं लोकमेति॥⁸¹॥

तेजसोऽवरुद्धो भवन्त्यश्वो गोमृगमिलुवर्दश्चत्वारि च॥

[20]

एकविंशोऽग्निर्भवति। एकविंशः स्तोमः। एकविंशतिर्यूपाः। यथा वा अश्वा
वर्षभा वा वृषाणः सङ्स्फुरेरन्। एवमेव तत्स्तोमाः सङ्स्फुरन्ते। यदेकविंशाः। ते
यत्समृच्छेरन्। हन्येतास्य यज्ञः। द्वादश एवाग्निः स्यादित्याहुः। द्वादशः स्तोमः॥⁸²॥

एकादश यूपाः। यद्द्वादशोऽग्निर्भवति। द्वादश मासाः संवत्सरः। संवत्सरेणैवास्मा
अन्नमव रुन्धे। यद्दश यूपा भवन्ति। दशाक्षरा विराट्। अन्नं विराट्।
विराजैवान्नाद्यमव रुन्धे। य एकादशः। स्तन एवास्यै सः॥⁸³॥

दुह एवेनां तेन। तदाहुः। यद्द्वादशोऽग्निः स्याद्द्वादशः स्तोम एकादश यूपाः। यथा
स्थूरिणा यायात्। तादृक्तत्। एकविंश एवाग्निः स्यादित्याहुः। एकविंशः स्तोमः।
एकविंशतिर्यूपाः। यथा प्रष्टिभिर्याति। तादृगेव तत्॥⁸⁴॥

यो वा अश्वमेधे तिस्रः ककुभो वेद। ककुद्ध राज्ञा भवति। एकविंशोऽग्निर्भवति।
एकविंशः स्तोमः। एकविंशतिर्यूपाः। एता वा अश्वमेधे तिस्रः ककुभः। य एवं
वेद। ककुद्ध राज्ञा भवति। यो वा अश्वमेधे त्रीणि शीर्षाणि वेद। शिरो ह राज्ञा
भवति। एकविंशोऽग्निर्भवति। एकविंशः स्तोमः। एकविंशतिर्यूपाः। एतानि वा
अश्वमेधे त्रीणि शीर्षाणि। य एवं वेद। शिरो ह राज्ञा भवति॥⁸⁵॥

द्वादशः स्तोमः स एव तच्छिरो ह राज्ञा भवति षट् च॥

[21]

देवा वा अश्वमेधे पवमाने। सुवर्गं लोकं न प्राजानन्। तमश्वः प्राजानात्।
यदश्वमेधेऽश्वेन मेध्येनोदश्वो बहिष्पवमानः सर्पन्ति। सुवर्गस्य लोकस्य प्रज्ञात्यै। न
वै मनुष्यः सुवर्गं लोकमञ्जसा वेद। अश्वो वै सुवर्गं लोकमञ्जसा वेद।
यदुद्गातोद्गायैत्। यथा क्षेत्रज्ञोऽन्येन पथा प्रतिपादयैत्। तादृक्तत्॥⁸⁶॥

उद्गातारमपरुध्य। अश्वमुद्गीथाय वृणीते। यथा क्षेत्रज्ञोऽञ्जसा नयति। एवमेवैनमश्वः
सुवर्गं लोकमञ्जसा नयति। पुच्छमन्वा रभन्ते। सुवर्गस्य लोकस्य समष्ट्यै। हिं
करोति। सामैवाकः। हिं करोति। उद्गीथ एवास्य सः॥⁸⁷॥

वडं॑बा॒ उप॑ रुन्धन्ति। मि॒थुन॒त्वाय॑ प्रजा॑त्यै। अथो॒ यथो॑पगा॒तार॑ उपगा॑यन्ति। ता॒दृगे॒व
तत्। उद॑गासीदश्चो मे॒ध्य इत्या॑ह। प्राजा॑पत्यो वा अ॒श्वः। प्रजा॑पतिरु॒द्गीथः।
उ॒द्गीथमे॒वाव॑ रुन्धे। अथो॒ ऋक्सा॑मयो॒रेव॑ प्रति॑ तिष्ठति। हि॒र॒ण्येनो॒पाक॑रोति।
ज्योति॑र्वै हि॒र॒ण्यम्। ज्योति॑रे॒व मु॑खतो द॑धाति। यज॑माने च प्र॒जासु॑ च। अथो॒
हि॒र॒ण्यज्योति॑रे॒व यज॑मानः सु॒वर्गं लो॒कमे॑ति॥⁸⁸॥

तत्स उपाकरोति चत्वारि च॥

[22]

पुरु॑षो वै य॒ज्ञः। य॒ज्ञः प्रजा॑पतिः। यद॑श्चै प॒शून्नियु॑ञ्जन्ति। य॒ज्ञादे॒व तद्य॑ज्ञं प्रयु॑ङ्क्ते। अ॒श्वं
तू॒परं गो॑मृ॒गम्। तान॑ग्नि॒ष्ठ आल॑भते। से॒ना॒मुखमे॒व तत्सं॑श्र्यति। तस्मा॑द्राजमु॒खं
भी॒ष्मं भावु॑कम्। आ॒ग्नेयं कृ॒ष्णग्री॑वं पु॒रस्ता॑ल्ल॒लाटैः। पूर्वा॑ग्निमे॒व तं कु॑रुते॥⁸⁹॥

तस्मा॑त्पूर्वा॒ग्निं पु॒रस्ता॑त्स्थापयन्ति। पौ॒ष्णम॒न्वश्च॑म्। अ॒न्नं वै पू॒षा।
तस्मा॑त्पूर्वा॒ग्नावा॑हार्य॒मा ह॑रन्ति। ऐ॒न्द्रा॒पौष्ण॑मुपरि॑ष्ठात्। ऐ॒न्द्रो वै रा॑ज॒न्योऽन्नं॑ पू॒षा।
अ॒न्नाद्ये॑नै॒वैन॑मु॒भयतः॑ परि॑ गृह्णाति। तस्मा॑द्राज॒न्योऽन्ना॑दो भावु॑कः। आ॒ग्नेयो
कृ॒ष्णग्री॑वो बा॒हुवोः। बा॒हुवो॑रे॒व वी॒र्यं ध॑त्ते॥⁹⁰॥

तस्मा॑द्राज॒न्यो बा॒हुब॒लीभा॑वुकः। बा॒ह्वो लो॑म॒शस॒क्थो स॒क्थ्योः। स॒क्थ्योरे॒व वी॒र्यं
ध॑त्ते। तस्मा॑द्राज॒न्य ऊ॒रुब॒लीभा॑वुकः। शि॒तिपृ॒ष्ठौ बा॑र्हस्प॒त्यौ पृ॒ष्ठे।
ब्र॒ह्मव॑र्च॒समे॒वोप॑रि॒ष्ठाद्ध॑त्ते। अथो॒ क॒वचे॑ ए॒वैते अ॒भितः॑ पर्यू॑हते। तस्मा॑द्राज॒न्यः
स॒न्नद्धो॑ वी॒र्यं क॑रोति। धा॒त्रे पृ॑षो॒दर॑म॒धस्ता॑त्। प्र॒तिष्ठा॑मे॒वैतां कु॑रुते। अथो॒ इ॒यं वै
धा॒ता। अ॒स्यामे॒व प्रति॑ तिष्ठति। सौ॒र्यं ब॒लक्षं॑ पु॒च्छे। उ॒त्से॒धमे॒व तं कु॑रुते।
तस्मा॑दु॒त्से॒धम्भ॒ये प्र॒जा अ॒भिसं॑श्रयन्ति॥⁹¹॥

कुरुते धत्ते कुरुते पञ्च च॥

[23]

सा॒ङ्गह॑ण्या चतु॑ष्टय्यो यो वै यः पि॒तृश्च॒त्वारो॑ यथा॑ नि॒क्तं प्र॒जाप॑तये॒ ब्रा॒ यथा॑ प्रोक्षितं वि॒भूरा॑ह प्रजा॑पतिर॒काम॑यताश्चमे॒धेन॑ प्रजा॑पतिर्न
किञ्चन॑ सा॒वि॒त्रमा॑ ब्रह्म॒न्प्रजा॑पतिर्दे॒वैभ्यः॑ प्रजा॑पती॒ रक्षा॑सि प्रजा॑पतिमीप्सति वि॒भूर॑श्च॒नामा॑न्य॒म्भाऽस्ये॑कयूपो रा॒ज्जु॑दालमे॒कवि॑शो
दे॒वाः पुरु॑ष॒स्त्रयो॑वि॒श्रतिः॥²³॥

सा॒ङ्गह॑ण्या तस्मा॑द॒श्वमे॒धया॒जी यत्प॑रिमिता॒ यद्य॑ज्ञमु॒खे यो दी॒क्षां दे॒वाने॒व त्रयं॑ इ॒मे सि॒ताय॑ प्रा॒णापा॒नावे॒वास्मि॑न्तस्मा॑द्राज॒न्य
एक॑नवतिः॥⁹¹॥

सा॒ङ्गह॑ण्या स॒श्रय॑न्ति॥

हरिः॑ ॐ॥

॥इति श्रीकृष्णयजुर्वेदीयतैत्तिरीयब्राह्मणे तृतीयाष्टके अष्टमः प्रपाठकः समाप्तः॥

॥नवमः प्रश्नः॥

॥तैत्तिरीयब्राह्मणे तृतीयाष्टके नवमः प्रपाठकः॥

प्रजापतिरश्वमेधमसृजत। सौऽस्मात्सृष्टोऽपाक्रामत्। तमष्टादशभिर्नु प्रायुङ्क्त।
तमाप्नोत्। तमात्वाऽष्टादशभिर्वारुन्ध। यदष्टादशिनं आलभ्यन्ते। यज्ञमेव तैरात्वा
यजमानोऽवरुन्धे। संवत्सरस्य वा एषा प्रतिमा। यदष्टादशिनः। द्वादश मासाः
पञ्चर्तवः॥₁॥

संवत्सरोऽष्टादशः। यदष्टादशिनं आलभ्यन्ते। संवत्सरमेव तैरात्वा
यजमानोऽवरुन्धे। अग्निष्टेऽन्यान्यशूनुपाकरोति। इतरेषु यूपैष्वष्टादशिनोऽजामित्राय।
नवनवालभ्यन्ते सवीर्यत्राय। यदारण्यैः सङ्स्थापयेत्। व्यवस्येतां पितापुत्रौ।
व्यध्वानः क्रामेयुः। विदूरङ्गामयोग्रामान्तौ स्याताम्॥₂॥

ऋक्षीकाः पुरुषव्याघ्राः परिमोषिणं आव्याधिनीस्तस्करा अरण्येष्वजायेरन्। तदाहुः।
अपशवो वा एते। यदारण्याः। यदारण्यैः सङ्स्थापयेत्। क्षिप्रे यजमानमरण्यं मृतं
हरेयुः। अरण्यायतना ह्यारण्याः पशव इति। यत्पशून्नालभेत। अनवरुद्धा अस्य
पशवः स्युः। यत्पर्यग्निकृतानुत्सृजेत्॥₃॥

यज्ञवेशसं कुर्यात्। यत्पशून्नालभेत। तेनैव पशून्वरुन्धे।
यत्पर्यग्निकृतानुत्सृजत्ययज्ञवेशसाय। अवरुद्धा अस्य पशवो भवन्ति। न
यज्ञवेशसम्भवति। न यजमानमरण्यम्मृतं हरन्ति। ग्राम्यैः सङ्स्थापयति। एते वै
पशवः क्षेमो नाम। सं पितापुत्राववस्यतः। समध्वानः क्रामन्ति।
समन्तिकङ्गामयोग्रामान्तौ भवतः। नर्क्षीकाः पुरुषव्याघ्राः परिमोषिणं
आव्याधिनीस्तस्करा अरण्येष्वजायन्ते॥₄॥

ऋतवः स्यातामुत्सृजेत्स्यतस्त्रीणि च॥

[1]

प्रजापतिरकामयतोभौ लोकावव रुन्धीयेति। स एतानुभयान्पशून्पश्यत्।
ग्राम्याश्चारण्याश्च। तानालभत। तैर्वै स उभौ लोकाववारुन्ध। ग्राम्यैरेव

प॒शुभि॑रि॒मं लो॒कम॑वा॒रुन्ध॑। आ॒र॒ण्यैर॒मुम्। यद्वा॒म्यान्प॒शूना॒ल॒भ॑ते। इ॒ममे॒व
तैर्लो॒कम॑व॒ रुन्धे॑। यदा॑र॒ण्यान्॥⁵॥

अ॒मु॒त्तैः। अ॒न॒व॒रु॒द्धो वा ए॒तस्य॑ सं॒वत्स॒र इ॒त्याहुः॑। य इ॒तैत॑श्चा॒तुर्मा॒स्यानि॑ सं॒वत्स॒रं
प्र॒यु॒ङ्क्त इति॑। ए॒तावा॑न् वै सं॒वत्स॒रः। यच्चा॑तुर्मा॒स्यानि॑। यदे॒ते चा॑तुर्मा॒स्याः प॒शव॑
आ॒ल॒भ्यन्ते॑। प्र॒त्यक्ष॑मे॒व तैः सं॒वत्स॒रं यज॑मा॒नोऽव॑रुन्धे। वि वा ए॒ष प्र॒जया॑
प॒शुभि॑र॒ऋ॒ध्यते॑। यः सं॒वत्स॒रं प्र॒यु॒ङ्क्त। सं॒वत्स॒रः सु॒व॒र्गो लो॒कः॥⁶॥

सु॒व॒र्गन्तु॑ लो॒कन्नाप॑रा॒धोति॑। प्र॒जा वै प॒शव॑ ए॒काद॑शिनी॑। यदे॒त ऐ॑काद॒शिनाः प॒शव॑
आ॒ल॒भ्यन्ते॑। सा॒क्षादे॒व प्र॒जां प॒शून् यज॑मा॒नोऽव॑रुन्धे। प्र॒जाप॑तिर्वि॒राज॑म॒सृज॑त। सा
सृ॒ष्टाऽश्व॑मे॒धं प्रा॒वि॒शत्। ता॒न्द॒शिभि॑रनु प्रा॒यु॒ङ्क्त। ता॒मा॒प्नोत्। ता॒मा॒प्त्वा
द॒शिभि॑रवा॒रुन्ध॑। यद्द॒शिन॑ आ॒ल॒भ्यन्ते॑॥⁷॥

वि॒राज॑मे॒व तैरा॒प्त्वा यज॑मा॒नोऽव॑रुन्धे। ए॒काद॑श द॒शत॑ आ॒ल॒भ्यन्ते॑। ए॒काद॑शाक्ष॒रा
त्रि॒ष्टुप्। त्रै॒ष्टु॒भाः प॒शवः॑। प॒शूने॒वाव॑रुन्धे। वै॒श्वदे॒वो वा अ॒श्वः। ना॒नादे॒व॒त्याः प॒शवो॑
भ॒वन्ति॑। अ॒श्वस्य॑ स॒र्व॒त्वाय॑। ना॒नारू॒पा भ॒वन्ति॑। तस्मा॒न्नाना॑रू॒पाः प॒शवः॑। ब॒हुरू॒पा
भ॒वन्ति॑। तस्मा॑द्ब॒हुरू॒पाः प॒शवः॑ स॒मृ॒द्धौ॥⁸॥

आ॒र॒ण्यैर्लो॒को द॒शिन॑ आ॒ल॒भ्यन्ते॑ ना॒नारू॒पाः प॒शवो॑ द्वे च॑॥

[2]

अ॒स्मै वै लो॒काय॑ ग्रा॒म्याः प॒शव॑ आ॒ल॒भ्यन्ते॑। अ॒मुष्मा॑ आ॒र॒ण्याः।
यद्वा॒म्यान्प॒शूना॒ल॒भ॑ते। इ॒ममे॒व तैर्लो॒कम॑व॒रुन्धे॑। यदा॑र॒ण्यान्। अ॒मु॒त्तैः।
उ॒भया॑न्प॒शूना॒ल॒भ॑ते। ग्रा॒म्याश्चा॒र॒ण्याश्च॑। उ॒भयो॑र्लो॒कयो॒रव॑रुद्धौ।
उ॒भया॑न्प॒शूना॒ल॒भ॑ते॥⁹॥

ग्रा॒म्याश्चा॒र॒ण्याश्च॑। उ॒भय॑स्या॒न्नाद्य॒स्याव॑रुद्धौ। उ॒भया॑न्प॒शूना॒ल॒भ॑ते।
ग्रा॒म्याश्चा॒र॒ण्याश्च॑। उ॒भये॑षां प॒शूना॒मव॑रुद्धौ। त्रय॑स्त्रयो भ॒वन्ति॑। त्रय॑ इ॒मे लो॒काः।
ए॒षां लो॒काना॑मा॒प्त्यै। ब्र॒ह्म॒वादि॒नो वद॑न्ति। कस्मा॑त्स॒त्यात्॥¹⁰॥

अ॒स्मिँल्लो॒के ब॒हवः॑ का॒मा इति॑। यत्स॑मा॒नीभ्यो॑ दे॒वता॑भ्योऽन्ये॑ऽन्ये प॒शव॑
आ॒ल॒भ्यन्ते॑। अ॒स्मिन्ने॒व तल्लो॒के का॒मा॑न्दधाति। तस्मा॑द॒स्मिँल्लो॒के ब॒हवः॑ का॒माः।

त्रयाणान्त्रयाणां सह वपा जुहोति। त्र्यावृतो वै देवाः। त्र्यावृत इमे लोकाः। एषां लोकानामाप्त्यै। एषां लोकानां क्लृप्त्यै। पर्यग्निकृतानारण्यानुत्सृजन्त्यहिंसायै॥¹¹॥

अवरुद्धा उभयान्यशूनालभते सत्यादहिंसायै॥

[3]

युञ्जन्ति ब्रध्नमित्याह। असौ वा आदित्यो ब्रध्नः। आदित्यमेवास्मै युनक्ति। अरुषमित्याह। अग्निर्वा अरुषः। अग्निमेवास्मै युनक्ति। चरन्तमित्याह। वायुर्वै चरन्। वायुमेवास्मै युनक्ति। परितस्थुष इत्याह॥¹²॥

इमे वै लोकाः परितस्थुषः। इमानेवास्मै लोकान् युनक्ति। रोचन्ते रोचना दिवीत्याह। नक्षत्राणि वै रोचना दिवि। नक्षत्राण्येवास्मै रोचयति। युञ्जन्त्यस्य काम्येत्याह। कामानेवास्मै युनक्ति। हरी विपक्षसेत्याह। इमे वै हरी विपक्षसा। इमे एवास्मै युनक्ति॥¹³॥

शोणा धृष्णू नृवाहसेत्याह। अहोरात्रे वै नृवाहसा। अहोरात्रे एवास्मै युनक्ति। एता एवास्मै देवता युनक्ति। सुवर्गस्य लोकस्य समष्टौ। केतुं कृण्वन्नकेतव इति ध्वजं प्रतिमुञ्चति। यश एवेन राज्ञाङ्गमयति। जीमूतस्येव भवति प्रतीकमित्याह। यथायजुरेवैतत्। ये ते पन्थानः सवितः पूर्यास इत्यध्वर्युर्यजमानं वाचयत्यभिजित्यै॥¹⁴॥

परा वा एतस्य यज्ञ एति। यस्य पशुरुपाकृतोऽन्यत्र वेद्या एति। एतश्चस्तोतरेतेन पथा पुनरश्वमावर्तयासि न इत्याह। वायुर्वै स्तोता। वायुमेवास्य परस्ताद्वधात्यावृत्त्यै। यथा वै हविषो गृहीतस्य स्कन्दति। एवं वा एतदश्वस्य स्कन्दति। यदस्योपाकृतस्य लोमानि शीयन्ते। यद्वालेषु काचानावयन्ति। लोमान्येवास्य तत्सम्भरन्ति॥¹⁵॥

भूर्भुवः सुवरिति प्राजापत्याभिरावयन्ति। प्राजापत्यो वा अश्वः। स्वयैवैनं देवतया समर्धयन्ति। भूरिति महिषी। भुव इति वावाता। सुवरिति परिवृक्ती। एषां लोकानामभिजित्यै। हिरण्ययाः काचा भवन्ति। ज्योतिर्वै हिरण्यम्। राष्ट्रमश्वमेधः॥¹⁶॥

ज्योतिश्चैवास्मै राष्ट्रं च समीचीं दधाति। सहस्रंभवन्ति। सहस्रं सम्मितः सुवर्गो लोकः। सुवर्गस्य लोकस्याभिजित्यै। अप वा एतस्मात्तेज इन्द्रियं पशवः श्रीः क्रामन्ति। योऽश्वमेधेन यजते। वसंवस्त्वाऽञ्जन्तु गायत्रेण छन्दसेति महिष्यभ्यनक्ति। तेजो वा आज्यम्। तेजो गायत्री। तेजसैवास्मै तेजोऽवरुन्धे॥¹⁷॥

रुद्रास्त्वाऽञ्जन्तु त्रैष्टुभेन छन्दसेति वावाता। तेजो वा आज्यम्। इन्द्रियन्तिष्टुप्। तेजसैवास्मा इन्द्रियमवरुन्धे। आदित्यास्त्वाऽञ्जन्तु जागतेन छन्दसेति परिवृत्ती। तेजो वा आज्यम्। पशवो जगती। तेजसैवास्मै पशूनवरुन्धे। पत्नयोऽभ्यञ्जन्ति। श्रिया वा एतद्रूपम्॥¹⁸॥

यत्पत्नयः। श्रियमेवास्मिन्तद्धति। नास्मात्तेज इन्द्रियं पशवः श्रीरप क्रामन्ति। लाजी (3) ज्वाची (3) न् यशोममाँ(4) इत्यतिरिक्तमन्नमश्वायोपाहरन्ति। प्रजामेवान्नादीं कुर्वते। एतद्देवा अन्नमत्तैतदन्नमद्धि प्रजापत इत्याह। प्रजायामेवान्नादन्दधते। यदि नावजिघ्रैत्। अग्निः पशुरासीदित्यवघ्रापयेत्। अव हैव जिघ्रति। आक्रान् वाजी क्रमैरत्यक्रमीद्वाजी दौस्ते पृष्ठं पृथिवी सधस्थमित्यश्वमनुमन्त्रयते। एषां लोकानामभिजित्यै। समिद्धो अञ्जन्कृदरं मतीनामित्यश्वस्याप्रियो भवन्ति सरूपत्याय॥¹⁹॥

परितस्थुष इत्याहेमे एवास्मै युनक्त्यभिजित्यै भरन्त्यश्वमेधो रुन्धे रूपञ्जिघ्रति त्रीणि च॥ [4]

तेजसा वा एष ब्रह्मवर्चसेन व्यृध्यते। योऽश्वमेधेन यजते। होता च ब्रह्मा च ब्रह्मोद्यं वदतः। तेजसा चैवेन ब्रह्मवर्चसेन च समर्धयतः। दक्षिणतो ब्रह्मा भवति। दक्षिणतआयतनो वै ब्रह्मा। बारुहस्पत्यो वै ब्रह्मा। ब्रह्मवर्चसमेवास्य दक्षिणतो दधाति। तस्मादक्षिणोऽर्धो ब्रह्मवर्चसितरः। उत्तरतो होता भवति॥²⁰॥

उत्तरतआयतनो वै होता। आग्नेयो वै होता। तेजो वा अग्निः। तेज एवास्योत्तरतो दधाति। तस्मादुत्तरोऽर्धस्तेजस्वितरः। यूपमभितो वदतः। यजमानदेवत्यो वै यूपः। यजमानमेव तेजसा च ब्रह्मवर्चसेन च समर्धयतः। किं स्विदासीत्पूर्वचित्तिरित्याह। दौर्वै वृष्टिः पूर्वचित्तिः॥²¹॥

दिवमेव वृष्टिमवरुन्धे। किं स्विदासीद्बृहद्वय इत्याह। अश्वो वै बृहद्वयः।

अश्वमेवावरुन्धे। किं॒ स्वि॒दासी॒त्पिशङ्गि॒लेत्या॑ह। रात्रि॒र्वे पि॒शङ्गि॒ला। रात्रि॒मेवावरु॑न्धे।
किं॒ स्वि॒दासी॒त्पिलि॒प्पिले॑त्या॑ह। श्री॒र्वे पि॒लिप्पि॒ला। अ॒न्नाद्य॑मेवावरुन्धे॥²²॥

कः स्वि॒देका॒की च॑रतीत्या॑ह। अ॒सौ वा आ॑दित्य ए॒काकी च॑रति। तेज॑ ए॒वावरु॑न्धे।
क उ॒स्विज्जा॑यते पुन॒रित्या॑ह। च॒न्द्रमा॒ वै जा॑यते पुनः। आ॒युरे॒वावरु॑न्धे। किं॒
स्वि॒द्धिम॑स्य भेष॒जमित्या॑ह। अ॒ग्निर्वे हि॒मस्य॑ भेष॒जम्। ब्र॒ह्मव॑र्च॒समेवावरु॑न्धे। किं॒
स्वि॒दाव॑प॒नं म॒हदि॑त्या॑ह॥²³॥

अ॒यं वै लो॒क आ॒वप॑न॒म्मह॑त्। अ॒स्मिन्ने॒व लो॒के प्र॑ति॒तिष्ठ॑ति। पृ॒च्छामि॑ त्वा॒ पर॑म॒न्तं
पृ॒थिव्या॑ इत्या॑ह। वेदि॒र्वे प॑रोऽन्तः पृ॒थिव्याः। वेदि॑मेवावरुन्धे। पृ॒च्छामि॑ त्वा॒ भुव॑नस्य
नाभि॑मित्या॑ह। य॒ज्ञो वै भुव॑नस्य नाभिः। य॒ज्ञमेवावरु॑न्धे। पृ॒च्छामि॑ त्वा॒ वृष्णो॑
अश्व॑स्य रे॒त इत्या॑ह। सोमो॒ वै वृष्णो॑ अश्व॑स्य रे॒तः। सोम॑पी॒थमेवावरु॑न्धे। पृ॒च्छामि॑
वा॒चः प॑र॒मं व्यो॑मेत्या॑ह। ब्र॒ह्म वै वा॒चः प॑र॒मं व्यो॑म। ब्र॒ह्मव॑र्च॒समेवावरु॑न्धे॥²⁴॥

होता भवति वै वृष्टिः पूर्वचित्तिरन्नाद्यमेवावरुन्धे महदित्याह सोमो वै वृष्णो अश्वस्य रेतश्चत्वारि च॥ [5]

अप॒ वा ए॒तस्मा॑त्प्रा॒णाः क्रा॑मन्ति। यो॑ऽश्वमे॒धेन॑ य॒जते॑। प्रा॒णाय॑ स्वाहा॑ व्या॒नाय॑
स्वाहे॑ति॒ संज्ञ॑प्यमा॒न आ॑हु॒तीर्जु॑होति। प्रा॒णाने॒वास्मि॑न्दधाति। नास्मा॑त्प्रा॒णा
अप॑क्रामन्ति। अ॒व॒न्तीः स्था॑व॒न्तीस्त्वाऽव॑न्तु। प्रि॒यन्त्वा॑ प्रि॒याणा॑म्। व॒र्षि॑ष्ठ॒माप्या॑नाम्।
नि॒धी॒नान्त्वा॑ नि॒धिप॑तिः॒ हवाम॑हे व॒सो म॒मेत्या॑ह। अपै॒वास्मै॑ तद्भु॒वते॑॥²⁵॥

अथो॑ धु॒वन्त्ये॒वैन॑म्। अथो॑ न्ये॒वास्मै॑ ह्रु॒वते॑। त्रिः प॑रि॒यन्ति॑। त्रय॑ इ॒मे लो॒काः। ए॒भ्य
ए॒वैन॑ लो॒केभ्यो॑ धु॒वते॑। त्रिः पुनः॑ प॑रि॒यन्ति॑। ष॒ट्प॒म्पद॑न्ते। ष॒ड्वा ऋ॒तवः॑।
ऋ॒तुभि॑रे॒वैन॑न्धु॒वते॑। अप॒ वा ए॒तेभ्यः॑ प्रा॒णाः क्रा॑मन्ति॥²⁶॥

ये य॒ज्ञे धु॒वन्त॑न्त॒न्वते॑। न॒वकृ॒त्तः प॑रि॒यन्ति॑। न॒व वै पु॑रु॒षे प्रा॒णाः। प्रा॒णाने॒वात्म॑न्दधते।
नै॒भ्यः प्रा॒णा अप॑क्रामन्ति। अ॒म्बे अ॒म्बात्य॑म्बि॒क इति॑ प॒त्नीमु॑दानयति।
अ॒ह॒तै॒वैन॑म्। सु॒भ॒गे का॒म्पी॑ल॒वासि॑नीत्या॑ह। तप॑ ए॒वैन॑मु॒पन॑यति। सु॒व॒र्गे लो॒के
स॒म्प्रो॒र्ण्वा॒थामि॑त्या॑ह॥²⁷॥

सु॒व॒र्गमे॒वैन॑ लो॒कं ग॑मयति। आ॒ऽह॒म॒जानि॑ गर्भ॒धमा॑ त्वम॒जाऽसि॑ गर्भ॒धमि॑त्या॑ह।

प्रजा वै पशवो गर्भः। प्रजामेव पशूनात्मन्धत्ते। देवा वा अश्वमेधे पवमाने। सुवर्गं लोकं न प्राजानन्। तमश्वः प्राजानात्। यत्सूचीभिरसिपथान्कल्पयन्ति। सुवर्गस्य लोकस्य प्रज्ञात्यै। गायत्री त्रिष्टुब्जगतीत्याह॥²⁸॥

यथायजुरेवैतत्। त्रय्यः सूच्यो भवन्ति। अयस्मय्यो रजता हरिण्यः। अस्य वै लोकस्य रूपमयस्मय्यः। अन्तरिक्षस्य रजताः। दिवो हरिण्यः। दिशो वा अयस्मय्यः। अवान्तरदिशा रजताः। ऊर्ध्वा हरिण्यः। दिश एवास्मै कल्पयति। कस्त्वा छति कस्त्वा विशास्तीत्याहाहिःसायै॥²⁹॥

हुवते क्रामन्त्यूर्वाधामित्याह जगतीत्याह कल्पयत्येकं च॥

[6]

अप वा एतस्माच्छ्री राष्ट्रं क्रामति। योऽश्वमेधेन यजते। ऊर्ध्वामेनामुच्छ्रयतादित्याह। श्रीर्वै राष्ट्रमश्वमेधः। श्रियमेवास्मै राष्ट्रमूर्ध्वमुच्छ्रयति। वेणुभारङ्गिराविवेत्याह। राष्ट्रं वै भारः। राष्ट्रमेवास्मै पर्यूहति। अथास्या मध्यमेधतामित्याह। श्रीर्वै राष्ट्रस्य मध्यम्॥³⁰॥

श्रियमेवावरुन्धे। शीते वाते पुनन्निवेत्याह। क्षेमो वै राष्ट्रस्य शीतो वातः। क्षेममेवावरुन्धे। यद्धरिणी यवमत्तीत्याह। विद्वे हरिणी। राष्ट्रं यवः। विशं चैवास्मै राष्ट्रं च समीची दधाति। न पुष्टं पशु मन्यत इत्याह। तस्माद्राजा पशून् पुष्यति॥³¹॥

शूद्रा यदर्यजारा न पोषाय धनायतीत्याह। तस्माद्वैशीपुत्रन्नाभिषिञ्चन्ते। इयं यका शकुन्तिकेत्याह। विद्वे शकुन्तिका। राष्ट्रमश्वमेधः। विशं चैवास्मै राष्ट्रं च समीची दधाति। आहलमिति सर्पतीत्याह। तस्माद्राष्ट्राय विशः सर्पन्ति। आहतङ्गुभे पस इत्याह। विद्वे गर्भः॥³²॥

राष्ट्रं पसः। राष्ट्रमेव विश्याहन्ति। तस्माद्राष्ट्रं विशं घातुकम्। माता च ते पिता च त इत्याह। इयं वै माता। असौ पिता। आभ्यामेवेनं परिददाति। अग्रं वृक्षस्य रोहत इत्याह। श्रीर्वै वृक्षस्याग्रम्। श्रियमेवावे रुन्धे॥³³॥

प्रसुलामीति ते पिता गृभे मुष्टिमंतःसयदित्याह। विद्वे गर्भः। राष्ट्रमुष्टिः। राष्ट्रमेव

वि॒श्या॑ह॒न्ति। तस्मा॑द्राष्ट्रं वि॒शं घा॑तु॒कम्। अप॒ वा ए॒तेभ्यः॑ प्रा॒णाः क्रा॑मन्ति। ये
यज्ञेऽपू॑तं वद॒न्ति। द॒धि॒क्राव्णो॑ अ॒कारि॑षमि॒ति॑ सु॒रभि॑मती॒मृचं॑ वदन्ति। प्रा॒णा वै
सु॒रभ्यः॑। प्रा॒णाने॒वात्म॑न्द॒धते। नै॒भ्यः प्रा॒णा अप॑क्रामन्ति। आपो॒ हि षा मे॒योभुव॑
इत्य॒द्भिर्मा॑र्जयन्ते। आपो॒ वै सर्वा॑ दे॒वताः॑। दे॒वता॑भिरे॒वात्मानं॑ पवयन्ते॥³⁴॥

राष्ट्रस्य मध्यं पुष्यति गर्भो रुन्धे दधते चत्वारि च॥

[7]

प्र॒जाप॑तिः प्र॒जाः सृ॒ष्ट्वा प्रे॒णाऽनु॑ प्रावि॒शत्। ताभ्यः॑ पुनः॒ सम्भ॑वितु॒न्नाश॑करोत्।
सोऽब्र॑वीत्। ऋ॒ध्नव॑दित्सः। यो मे॒तः पुनः॑ सम्भ॒रदिति॑। तं दे॒वा अ॑श्वमे॒धेनै॒व
सम॑भरन्। ततो॒ वै त आ॑र्ध्वन्। योऽश्वमे॒धेन॑ यज॒ते। प्र॒जाप॑तिमे॒व सम्भ॑रत्यृ॒ध्नोति॑।
पुरु॑षमा॒ल॑भते॥³⁵॥

वैरा॒जो वै पुरु॑षः। वि॒राज॑मे॒वाल॑भते। अथो अन्नं॑ वै वि॒राट्। अन्न॑मे॒वाव॑रुन्धे।
अश्व॑मा॒ल॑भते। प्रा॒जाप॑त्यो वा अश्वः। प्र॒जाप॑तिमे॒वाल॑भते। अथो श्री॒र्वा एक॑शफम्।
श्रिय॑मे॒वाव॑रुन्धे। गा॒मा॒ल॑भते॥³⁶॥

य॒ज्ञो वै गौः। य॒ज्ञमे॒वाल॑भते। अथो अन्नं॑ वै गौः। अन्न॑मे॒वाव॑रुन्धे। अ॒जा॒वी
आ॒ल॑भते भू॒म्ने। अथो पु॒ष्टिर्वै भू॒मा। पु॒ष्टिमे॒वाव॑रुन्धे। पर्य॑ग्निकृतं
पुरु॑षश्चा॒रण्याः॑श्चोत्सृ॒जन्त्यहि॑सायै। उ॒भौ वा ए॒तौ प॒शू आ॒ल॑भ्येते। यश्चा॑वमो यश्च
पर॑मः। तेऽस्यो॒भये॑ य॒ज्ञे ब॒द्धाः। अ॒भीष्टा॑ अ॒भिप्री॑ताः। अ॒भिजि॑ता अ॒भिहु॑ता भवन्ति।
नैन॑न्द॒द्भ्यः प॒शवो॑ य॒ज्ञे ब॒द्धाः। अ॒भीष्टा॑ अ॒भिप्री॑ताः। अ॒भिजि॑ता अ॒भिहु॑ता
हि॑सन्ति। योऽश्वमे॒धेन॑ यज॒ते। य उ॑ चैनमे॒वं वेद॑॥³⁷॥

लभते गामालभते परमोऽष्टौ च॥

[8]

प्रथ॑मे॒न वा ए॒ष स्तोमे॑न रा॒ध्वा। च॒तुष्टो॑मे॒न कृ॒तेना॑या॒नामु॒त्तरे॑हन्। ए॒कवि॑शे
प्र॒तिष्ठा॑यां प्र॒ति तिष्ठ॑ति। ए॒कवि॑शात्प्र॒तिष्ठा॑यां ऋ॒तून॒न्वारो॑हति। ऋ॒तवो॑ वै पृ॒ष्ठानि॑।
ऋ॒तवः॑ संवत्सरः। ऋ॒तुष्वे॒व संवत्स॑रे प्र॒तिष्ठा॑य। दे॒वता॑ अभ्या॒रोह॑ति। श॒क्वर॑यः
पृ॒ष्ठम्भ॑वन्त्यन्यद॒न्यच्छ॑न्दः। अ॒न्यैऽन्ये॑ वा ए॒ते प॒शव॑ आ॒ल॑भ्यन्ते॥³⁸॥

उ॒तेव॑ ग्रा॒म्याः। उ॒तेवा॑र॒ण्याः। अ॒हरे॒व रू॒पेण॑ सम॑र्धयति। अथो अ॒हं ए॒वैष

बलिर्हियते। तदाहुः। अपशवो वा एते। यदजावयश्चारण्याश्च। एते वै सर्वे पशवः।
यद्गव्या इति। गव्यान्पशूनुत्तमेऽहं नालभते॥³⁹॥

तेनैवोभयान्पशूनवरुन्धे। प्राजापत्या भवन्ति। अनभिजितस्याभिजित्यै। सौरीनव
श्वेता वशा अनूबन्ध्या भवन्ति। अन्तत एव ब्रह्मवर्चसमवरुन्धे। सोमाय
स्वराज्ञेऽनोवाहावनद्वाहाविति द्वन्दिनः पशूनालभते। अहोरात्राणामभिजित्यै।
पशुभिर्वा एष व्यध्यते। योऽश्वमेधेन यजते। छगलङ्कल्माषङ्किदिदीवि विदीगयमिति
बाष्टान्पशूना लभते। पशुभिरेवात्मानं समर्धयति। ऋतुभिर्वा एष व्यध्यते।
योऽश्वमेधेन यजते। पिशङ्गास्त्रयो वासन्ता इत्यृतुपशूनालभते। ऋतुभिरेवात्मानं
समर्धयति। आ वा एष पशुभ्यो वृश्च्यते। योऽश्वमेधेन यजते। पर्यग्निकृता
उत्सृजन्त्यनाव्रस्काय॥⁴⁰॥

लभ्यन्ते लभते बाष्टान्पशूनालभतेऽष्टौ च॥ [9]

प्रजापतिरकामयत महानन्नादः स्यामिति। स एतावश्वमेधे महिमानावपश्यत्।
तावंगृहीत। ततो वै स महानन्नादोऽभवत्। यः कामयेत महानन्नादः स्यामिति। स
एतावश्वमेधे महिमानो गृहीत। महानेवान्नादो भवति। यजमानदेवत्यां वै वपा।
राजा महिमा। यद्वपाम्महिम्नोभयतः परियजति। यजमानमेव राज्येनोभयतः
परिगृह्णाति। पुरस्तात्स्वाहाकारा वा अन्ये देवाः। उपरिष्ठात्स्वाहाकारा अन्ये। ते वा
एतेऽश्व एव मेध्यं उभयेऽवरुध्यन्ते। यद्वपाम्महिम्नोभयतः परियजति।
तानेवोभयान्प्रीणाति॥⁴¹॥

परियजति षट्॥ [10]

वैश्वदेवो वा अश्वः। तं यत्प्राजापत्यं कुर्यात्। या देवता अपिभागाः। ता भागधेयेन
व्यर्धयेत्। देवताभ्यः समदन्दध्यात्। स्तेगान्दष्ट्राभ्याम्मण्डूकां जम्भ्यैभिरिति।
आज्यमवदानं कृत्वा प्रतिसङ्ख्यायमाहुतीर्जुहोति। या एव देवता अपिभागाः। ता
भागधेयेन समर्धयति। न देवताभ्यः समदं दधाति॥⁴²॥

चतुर्दशैताननुवाकाञ्जुहोत्यनन्तरित्यै। प्रयासाय स्वाहेति पञ्चदशम्। पञ्चदश वा

अर्धमासस्य रात्रयः। अर्धमासशः संवत्सर आप्यते। देवासुराः संयन्ता आसन्।
तैऽब्रुवन्नग्नयः स्विष्टकृतः। अश्वस्य मेध्यस्य वयमुद्धारमुद्धरामहे। अथैतानभि
भवामेति। ते लोहितमुदहरन्त। ततो देवा अभवन्॥⁴³॥

पराऽसुराः। यत्स्विष्टकृद्भ्यो लोहितं जुहोति भ्रातृव्याभिभूत्यै। भवत्यात्मना। पराऽस्य
भ्रातृव्यो भवति। गोमृगकण्ठेन प्रथमामाहुतिं जुहोति। पशवो वै गोमृगः।
रुद्रोऽग्निः स्विष्टकृत्। रुद्रादेव पशूनन्तर्दधाति। अथो यत्रैषाऽऽहुतिर्हूयते। न तत्र
रुद्रः पशूनभिर्मन्यते॥⁴⁴॥

अश्वशफेनं द्वितीयामाहुतिं जुहोति। पशवो वा एकशफम्। रुद्रोऽग्निः स्विष्टकृत्।
रुद्रादेव पशूनन्तर्दधाति। अथो यत्रैषाऽऽहुतिर्हूयते। न तत्र रुद्रः पशूनभिर्मन्यते।
अयस्मयेन कमण्डलुना तृतीयाम्। आहुतिं जुहोत्यायास्यो वै प्रजाः। रुद्रोऽग्निः
स्विष्टकृत्। रुद्रादेव प्रजा अन्तर्दधाति। अथो यत्रैषाऽऽहुतिर्हूयते। न तत्र रुद्रः
प्रजा अभिमन्यते॥⁴⁵॥

दधात्यभिवन्मन्यते प्रजा अन्तर्दधाति द्वे च ॥ [11]

अश्वस्य वा आलब्धस्य मेध उदक्रामत्। तदश्वस्तोमीयमभवत्। यदश्वस्तोमीयं
जुहोति। समेधमेवेनमालभते। आज्येन जुहोति। मेधो वा आज्यम्।
मेधोऽश्वस्तोमीयम्। मेधेनैवास्मिन्मेधं दधाति। षट्त्रिंशतं जुहोति। षट्त्रिंशदक्षरा
बृहती॥⁴⁶॥

बार्हताः पशवः। सा पशूनाम्मात्रा। पशूनेव मात्रया समर्धयति। तायद्भूयसीर्वा
कनीयसीर्वा जुहुयात्। पशून्मात्रया व्यर्धयेत्। षट्त्रिंशतं जुहोति। षट्त्रिंशदक्षरा
बृहती। बार्हताः पशवः। सा पशूनाम्मात्रा। पशूनेव मात्रया समर्धयति॥⁴⁷॥

अश्वस्तोमीयं हुत्वा द्विपदां जुहोति। द्विपाद्वै पुरुषो द्विप्रतिष्ठः। तदेनं प्रतिष्ठया
समर्धयति। तदाहुः। अश्वस्तोमीयं पूर्वं होतव्यां (3) द्विपदां (3) इति। अश्वो
वा अश्वस्तोमीयम्। पुरुषो द्विपदाः। अश्वस्तोमीयं हुत्वा द्विपदां जुहोति।
तस्माद्विपाद्यतुष्पादमत्ति। अथो द्विपदेव चतुष्पदः प्रतिष्ठायपति। द्विपदां हुत्वा।

नान्यामुत्तरामाहुतिं जुहुयात्। यदन्यामुत्तरामाहुतिं जुहुयात्। प्र प्रतिष्ठायाश्चवेत।
द्विपदा अन्ततो जुहोति प्रतिष्ठित्यै॥⁴⁸॥

बृहत्संर्धयति स्थापयति पञ्च च॥

[12]

प्रजापतिरश्वमेधमसृजत। सौऽस्मात्सृष्टोऽपाक्रामत्। तं यज्ञक्रतुभिरन्वेच्छत्। तं
यज्ञक्रतुभिर्नान्विन्दत्। तमिष्टिभिरन्वेच्छत्। तमिष्टिभिरन्विन्दत्।
तदिष्टीनामिष्टिबम्। यत्संवत्सरमिष्टिभिर्यजते। अश्वमेव तदन्वेच्छति। सावित्रियो
भवन्ति॥⁴⁹॥

इयं वै सविता। यो वा अस्यान्नश्यति यो निलयते। अस्यां वाव तं विन्दन्ति। न
वा इमाङ्कश्चनेत्याहुः। तिर्यङ्गोर्ध्वोत्येतुमर्हतीति। यत्सावित्रियो भवन्ति। सवितृप्रसूत
एवैनमिच्छति। ईश्वरो वा अश्वः प्रमुक्तः परा परावतङ्गन्तोः। यत्सायन्धृतीर्जुहोति।
अश्वस्यैव यत्यै धृत्यै॥⁵⁰॥ यत्प्रातरिष्टिभिर्यजते।

अश्वमेव तदन्वेच्छति। यत्सायन्धृतीर्जुहोति। अश्वस्यैव यत्यै धृत्यै। तस्मात्सायं
प्रजाः क्षेम्या भवन्ति। यत्प्रातरिष्टिभिर्यजते। अश्वमेव तदन्वेच्छति। तस्माद्विवा
नष्टेष एति। यत्प्रातरिष्टिभिर्यजते सायन्धृतीर्जुहोति। अहोरात्राभ्यामेवैनमन्वेच्छति।
अथो अहोरात्राभ्यामेवास्मै योगक्षेमं कल्पयति॥⁵¹॥

भवन्ति धृत्या एनमन्वेच्छत्येकं च॥

[13]

अप वा एतस्माच्छ्री राष्ट्रङ्गामति। योऽश्वमेधेन यजते। ब्राह्मणौ वीणागाथिनौ
गायतः। श्रिया वा एतद्रूपम्। यद्वीणा। श्रियमेवास्मिन्तद्धत्तः। यदा खलु वै पुरुषः
श्रियमश्नुते। वीणाऽस्मै वाद्यते। तदाहुः। यदुभौ ब्राह्मणौ गायेताम्॥⁵²॥

प्रभ्रंशुकास्माच्छ्रीः स्यात्। न वै ब्राह्मणे श्री रमत इति। ब्राह्मणोऽन्यो गायेत्।
राजन्योऽन्यः। ब्रह्म वै ब्राह्मणः। क्षत्रं राजन्यः। तथा हास्य ब्रह्मणा च क्षेत्रेण
चोभयतः श्रीः परिगृहीता भवति। तदाहुः। यदुभौ दिवा गायेताम्।
अपोऽस्माद्राष्ट्रङ्गामेत्॥⁵³॥

न वै ब्राह्मणे राष्ट्रं रमत इति। यदा खलु वै राजा कामयते। अथ
ब्राह्मणञ्जिनाति। दिवा ब्राह्मणो गायेत्। नक्तं राजन्यः। ब्रह्मणो वै रूपमहः।

क्षत्रस्य रात्रिः। तथा हास्य ब्रह्मणा च क्षेत्रेण चोभयतो राष्ट्रं परिगृहीतम्भवति।
 इत्यददा इत्ययजथा इत्यपच इति ब्राह्मणो गायैत्। इष्टापूर्तं वै ब्राह्मणस्य॥⁵⁴॥
 इष्टापूर्तेनैवेनः स समर्धयति। इत्यजिना इत्ययुध्यथा इत्यमुः सङ्ग्राममहन्निति
 राजन्यः। युद्धं वै राजन्यस्य। युद्धेनैवेनः स समर्धयति। अक्लृप्ता वा एतस्यर्तव
 इत्याहुः। योऽश्वमेधेन यजत इति। तिस्रोऽन्यो गायति तिस्रोऽन्यः। षट्सम्पद्यन्ते।
 षड्वा ऋतवः। ऋतूनेवास्मै कल्पयतः। ताभ्याः सःस्थायाम्। अनोयुक्ते च शते च
 ददाति। शतायुः पुरुषः शतेन्द्रियः। आयुष्येवेन्द्रिये प्रतितिष्ठति॥⁵⁵॥

गायैताङ्गामेद्वाह्मणस्य कल्पयतश्चबार्हि च॥

[14]

सर्वेषु वा एषु लोकेषु मृत्यवोऽन्वायन्ताः। तेभ्यो यदाहुतीर्न जुहुयात्। लोकलोक
 एनं मृत्युर्विन्देत्। मृत्यवे स्वाहा मृत्यवे स्वाहेत्यभिपूर्वमाहुतीर्जुहोति।
 लोकाल्लोकादेव मृत्युमवयजते। नैनं लोकलोके मृत्युर्विन्दति। यदमुष्मै
 स्वाहाऽमुष्मै स्वाहेति जुह्वत्सधक्षीत। बहुं मृत्युममित्रं कुर्वीत। मृत्यवे
 स्वाहेत्येकस्मा एवैका जुहुयात्। एको वा अमुष्मिल्लोके मृत्युः॥⁵⁶॥

अशनया मृत्युरेव। तमेवामुष्मिल्लोकेऽवयजते। भूणहत्यायै स्वाहेत्यवभृथ आहुतिं
 जुहोति। भूणहत्यामेवाव यजते। तदाहुः। यद्भूणहत्या पात्र्याऽथ। कस्माद्यज्ञेऽपि
 क्रियत इति। अमृत्युर्वा अन्यो भूणहत्याया इत्याहुः। भूणहत्या वाव मृत्युरिति।
 यद्भूणहत्यायै स्वाहेत्यवभृथ आहुतिं जुहोति॥⁵⁷॥

मृत्युमेवाहुत्या तर्पयित्वा परिपाणं कृत्वा। भूणघ्ने भेषजं करोति। एताः ह वै
 मुण्डिभ औदन्यवः। भूणहत्यायै प्रायश्चित्तिं विदां चकार। यो हास्यापि प्रजायां
 ब्राह्मणः हन्ति। सर्वस्मै तस्मै भेषजं करोति। जुम्बकाय स्वाहेत्यवभृथ
 उत्तमामाहुतिं जुहोति। वरुणो वै जुम्बकः। अन्तत एव वरुणमवयजते।
 खलतेर्विक्रिधस्य शुक्रस्य पिङ्गाक्षस्य मूर्धं जुहोति। एतद्वै वरुणस्य रूपम्। रूपेणैव
 वरुणमवयजते॥⁵⁸॥

लोके मृत्युर्जुहोति मूर्धं जुहोति द्वे च॥

[15]

वा॒रु॒णो वा अ॒श्वः। तं दे॒वत॑या व्य॑र्धयति। यत्प्रा॑जाप॒त्यं क॒रोति॑। नमो॒ राज्ञे॒ नमो॒
वरु॑णायेत्या॒ह। वा॒रु॒णो वा अ॒श्वः। स्व॒यैवैनं॑ दे॒वत॑या सम॑र्धयति। नमोऽश्वा॑य नमः
प्र॒जाप॑तय॒ इत्या॑ह। प्रा॒जाप॑त्यो वा अ॒श्वः। स्व॒यैवैनं॑ दे॒वत॑या सम॑र्धयति।
नमोऽधि॑पतय॒ इत्या॑ह॥⁵⁹॥

धर्मो॒ वा अधि॑पतिः। धर्म॑मेवावरु॑न्धे। अधि॑पतिरस्यधि॑पतिम्मा कुर्वधि॑पतिर॒हं प्र॒जानां॑
भूया॑समित्या॒ह। अधि॑पतिमे॒वैनं॑ समा॒नानां॑ करोति। मान्धे॑हि मयि॑ धेहीत्या॒ह।
आशि॑षमे॒वैतामाशा॑स्ते। उ॒पाकृ॑ताय॒ स्वाहे॑त्युपाकृ॑ते जुहोति। आल॑ब्धाय॒ स्वाहे॑ति
नियु॑क्ते जुहोति। हु॒ताय॒ स्वाहे॑ति हु॒ते जुहो॑ति। ए॒षां लो॒कानां॑मभिजित्यै॥⁶⁰॥

प्र वा ए॒ष ए॒भ्यो लो॒केभ्य॑श्चवते। योऽश्व॑मे॒धेन॒ यज॑ते। आ॒ग्नेय॑मैन्द्रा॒ग्नमा॑श्चि॒नम्।
तान्प॒शूल॑भते॒ प्रति॑ष्ठित्यै। यदा॑ग्नेयो भव॑ति। अ॒ग्निः सर्वा॑ दे॒वताः॑। दे॒वता॑ ए॒वावरु॑न्धे।
ब्रह्म॒ वा अ॒ग्निः। क्ष॒त्रमिन्द्रः॑। यदैन्द्रा॒ग्नो भव॑ति॥⁶¹॥

ब्रह्म॒क्षत्रे॒ एवावरु॑न्धे। यदा॑श्चिनो भव॑ति। आशि॑षामवरु॑द्धे। त्रयो॑ भवन्ति। त्रयं॒ इमे
लो॒काः। ए॒ष्वेव॑ लो॒केषु॒ प्रति॑तिष्ठति। अ॒ग्नये॑ऽहो॒मुचे॑ऽष्टाक॑पाल॒ इति॒
दश॑हविषमिष्टिं॒ निर्व॑पति। दशा॑क्षरा वि॒राट्। अन्नं॑ वि॒राट्। वि॒राजै॒वान्नाद्य॑मवरु॑न्धे।
अ॒ग्नेर्मन्वे॑ प्रथ॒मस्य॒ प्रचे॑तस॒ इति॑ याज्यानुवा॒क्या भव॑न्ति सर्व॒त्वाय॑॥⁶²॥

अधिपतय इत्याहभिजित्या ऐन्द्राग्नो भवति रुन्ध एकं च॥

[16]

यद्यश्च॑मु॒पत॑प॒द्विन्दे॑त्। आ॒ग्नेय॑म॒ष्टाक॑पालं॒ निर्व॑पेत्। सौ॒म्यं च॒रुम्।
सा॒वि॒त्रम॒ष्टाक॑पालम्। यदा॑ग्नेयो भव॑ति। अ॒ग्निः सर्वा॑ दे॒वताः॑।
दे॒वता॑भिरे॒वैनं॑मिषज्यति। यत्सौ॒म्यो भव॑ति। सोमो॒ वा ओष॑धीना॒ राजा॑। याभ्यं॑
ए॒वैनं॑ वि॒न्दति॑॥⁶³॥

ताभिरे॒वैनं॑मिषज्यति। यत्सा॑वि॒त्रो भव॑ति। स॒वि॒तृप्र॑सूत ए॒वैनं॑मिषज्यति।
ए॒ताभिरे॒वैनं॑ दे॒वता॑भिर्भिषज्यति। अ॒गदो॑ है॒व भव॑ति। पौ॒ष्णं च॒रुं निर्व॑पेत्। यदि॑
श्लो॒णः स्यात्। पू॒षा वै श्लो॑ण्यस्य भिषक्। स ए॒वैनं॑मिषज्यति। अश्लो॑णो है॒व
भव॑ति॥⁶⁴॥

रौद्रं चरुं निर्वपेत्। यदि महती देवताऽभिमन्येत। एतद्देवत्यो वा अश्वः। स्वयैवेन देवतया भिषज्यति। अगदो ह वै भवति। वैश्वानरं द्वादशकपालं निर्वपेन्मृगाखरे यदि नागच्छेत्। इयं वा अग्निवैश्वानरः। इयमेवेनमर्चिभ्यां परिरोधमानयति। आहैव सुत्यमहर्गच्छति। यदधीयात्॥⁶⁵॥

अग्नयेऽहोमुचेऽष्टाकंपालः। सौर्यं पयः। वायव्यं आज्यभागः। यजमानो वा अश्वः। अहंसा वा एष गृहीतः। यस्याश्चो मेधाय प्रोक्षितोऽध्येति। यदहोमुचे निर्वपति। अहंस एव तेन मुच्यते। यजमानो वा अश्वः। रेतसा वा एष व्यृध्यते॥⁶⁶॥

यस्याश्चो मेधाय प्रोक्षितोऽध्येति। सौर्यं रेतः। यत्सौर्यं पयो भवति। रेतसैवेन स समर्धयति। यजमानो वा अश्वः। गर्भेर्वा एष व्यृध्यते। यस्याश्चो मेधाय प्रोक्षितोऽध्येति। वायव्यां गर्भाः। यद्वायव्यं आज्यभागो भवति। गर्भैरेवेन स समर्धयति। अथो यस्यैषाऽश्वमेधे प्रायश्चित्तिः क्रियते। इष्ट्वा वसीयान्भवति॥⁶⁷॥

विन्दत्यश्वोणो ह वै भवत्यधीयादृध्यते गर्भैरेवेन स समर्धयति द्वे च॥ [17]

तदाहुः। द्वादश ब्रह्मौदनान्त्संस्थिते निर्वपेत्। द्वादशभिर्वेष्टिभिर्यजेतेति। यदिष्टिभिर्यजेत। उपनामुक एनं यज्ञः स्यात्। पापीयास्तु स्यात्। आप्तानि वा एतस्य छन्दांसि। य ईजानः। तानि क एतावदाशु पुनः प्रयुं जीतेति। सर्वा वै संस्थिते यज्ञे वागाप्यते॥⁶⁸॥

साप्ता भवति यातयाम्नी। क्रूरीकृतेव हि भवत्यरुष्कता। सा न पुनः प्रयुज्येत्याहुः। द्वादशैव ब्रह्मौदनान्त्संस्थिते निर्वपेत्। प्रजापतिर्वा ओदनः। यज्ञः प्रजापतिः। उपनामुक एनं यज्ञो भवति। न पापीयान्भवति। द्वादश भवन्ति। द्वादशमासाः संवत्सरः। संवत्सर एव प्रतितिष्ठति॥⁶⁹॥

आप्यते संवत्सर एकं च॥ [18]

एष वै विभूर्नामं यज्ञः। सर्वं ह वै तत्र विभु भवति। यत्रैतेन यज्ञेन यजन्ते। एष वै प्रभूर्नामं यज्ञः। सर्वं ह वै तत्र प्रभु भवति। यत्रैतेन यज्ञेन यजन्ते। एष वा ऊर्जस्वान्नामं यज्ञः। सर्वं ह वै तत्रोर्जस्वद्भवति। यत्रैतेन यज्ञेन यजन्ते। एष वै

पयस्वान्नमं यज्ञः॥ 70 ॥

सर्वं ह वै तत्र पयस्वद्भवति। यत्रैतेन यज्ञेन यजन्ते। एष वै विधृतो नाम यज्ञः।
सर्वं ह वै तत्र विधृतम्भवति। यत्रैतेन यज्ञेन यजन्ते। एष वै व्यावृत्तो नाम यज्ञः।
सर्वं ह वै तत्र व्यावृत्तम्भवति। यत्रैतेन यज्ञेन यजन्ते। एष वै प्रतिष्ठितो नाम
यज्ञः। सर्वं ह वै तत्र प्रतिष्ठितम्भवति॥ 71 ॥

यत्रैतेन यज्ञेन यजन्ते। एष वै तेजस्वी नाम यज्ञः। सर्वं ह वै तत्र तेजस्वि
भवति। यत्रैतेन यज्ञेन यजन्ते। एष वै ब्रह्मवर्चसी नाम यज्ञः। आ ह तत्र ब्राह्मणो
ब्रह्मवर्चसी जायते। यत्रैतेन यज्ञेन यजन्ते। एष वा अतिव्याधी नाम यज्ञः। आ ह
वै तत्र राजन्योऽतिव्याधी जायते। यत्रैतेन यज्ञेन यजन्ते। एष वै दीर्घो नाम
यज्ञः। दीर्घायुषो ह वै तत्र मनुष्या भवन्ति। यत्रैतेन यज्ञेन यजन्ते। एष वै क्लृप्तो
नाम यज्ञः। कल्पते ह वै तत्र प्रजाभ्यो योगक्षेमः। यत्रैतेन यज्ञेन यजन्ते॥ 72 ॥

पयस्वान्नमं यज्ञः प्रतिष्ठितम्भवति यत्रैतेन यज्ञेन यजन्ते पदं (एष वै विभूः प्रभूरूर्जस्वान्ययस्वान् विधृतो व्यावृत्तः प्रतिष्ठितस्तेजस्वी ब्रह्मवर्चस्यतिव्याधी दीर्घः
क्लृप्तो द्वादश॥)॥

[19]

तार्प्येणाश्वं संज्ञपयन्ति। यज्ञो वै तार्प्यम्। यज्ञेनैवैनं समर्धयन्ति। यामेन साम्ना
प्रस्तोताऽनूपतिष्ठते। यमलोकमेवैनं गमयति। तार्प्यं च कृत्यधीवासे चाश्वं
संज्ञपयन्ति। एतद्वै पशूनां रूपम्। रूपेणैव पशूनवरुन्धे। हिरण्यकशिपु भवति।
तेजसोऽवरुद्धौ॥ 73 ॥

रुक्मो भवति। सुवर्गस्य लोकस्यानुख्यात्यै। अश्वो भवति। प्रजापतेरात्यै। अस्य वै
लोकस्य रूपन्तार्प्यम्। अन्तरिक्षस्य कृत्यधीवासः। दिवो हिरण्यकशिपु। आदित्यस्य
रुक्मः। प्रजापतेरश्वः। इममेव लोकन्तार्प्येणाप्नोति॥ 74 ॥

अन्तरिक्षं कृत्यधीवासेन। दिवं हिरण्यकशिपुना। आदित्यं रुक्मेण। अश्वेनैव
मेध्येन प्रजापतेः सायुज्यं सलोकतामाप्नोति। एतासामेव देवतानां सायुज्यम्।
सार्ष्टितां समानलोकतामाप्नोति। योऽश्वमेधेन यजते। य उ चैनमेवं वेद॥ 75 ॥

अवरुद्ध्या आप्नोत्यष्टौ च॥

[20]

आदित्याश्चाङ्गिरसश्च सुवर्गे लोकेऽस्पर्धन्त। तेऽङ्गिरस आदित्येभ्यः।

अमुमादित्यमश्वः श्वेतं भूतं दक्षिणामनयन्। तैऽब्रुवन्। यन्नो नैष्ट। स वर्यो
भूदिति। तस्मादश्वः सवर्येत्याह्वयन्ति। तस्मादश्वे वरो दीयते।
यत्प्रजापतिरालब्धोऽश्वोऽभवत्। तस्मादश्वो नाम॥⁷⁶॥

यच्छ्वयदरुरासीत्। तस्मादर्वा नाम। यत्सद्यो वाजात्समजयत्। तस्माद्वाजी नाम।
यदसुराणां लोकानादत्त। तस्मादादित्यो नाम। अग्निर्वा अश्वमेधस्य योनिरायतनम्।
सूर्योऽग्नेर्योनिरायतनम्। यदश्वमेधेऽग्नौ चित्यं उत्तरवेदिमुपवपति।
योनिमन्तमेवैनमायतनवन्तं करोति॥⁷⁷॥

योनिमानायतनवान्भवति। य एवं वेद। प्राणापानौ वा एतौ देवानाम्।
यदर्काश्वमेधौ। प्राणापानावेवावरुन्धे। ओजो बलं वा एतौ देवानाम्।
यदर्काश्वमेधौ। ओजो बलमेवावरुन्धे। अग्निर्वा अश्वमेधस्य योनिरायतनम्।
सूर्योऽग्नेर्योनिरायतनम्। यदश्वमेधेऽग्नौ चित्यं उत्तरवेदिमिनोति। तवर्काश्वमेधौ।
अर्काश्वमेधावेवावरुन्धे। अथो अर्काश्वमेधयोरेव प्रतितिष्ठति॥⁷⁸॥

नामं करोति सूर्योऽग्नेर्योनिरायतनश्चत्वारि च॥

[21]

प्रजापतिं वै देवाः पितरम्। पशुम्भूतमेधायालभन्त। तमालभ्योपावसन्।
प्रातर्यष्टास्मह इति। एकं वा एतद्देवानामहः। यत्संवत्सरः। तस्मादश्वः
पुरस्तात्संवत्सर आलभ्यते। यत्प्रजापतिरालब्धोऽश्वोऽभवत्। तस्मादश्वः। यत्सद्यो
मेधोऽभवत्॥⁷⁹॥

तस्मादश्वमेधः। वेदुकोऽश्वमाशुम्भवति। य एवं वेद। यद्वै
तत्प्रजापतिरालब्धोऽश्वोऽभवत्। तस्मादश्वः प्रजापतेः पशूनामनुरूपतमः। आऽस्य
पुत्रः प्रतिरूपो जायते। य एवं वेद। सर्वाणि भूतानि सम्भृत्यालभते। समेनं
देवास्तेजसे ब्रह्मवर्चसाय भरन्ति। योऽश्वमेधेन यजते॥⁸⁰॥

य उ चैनमेवं वेद। एतद्वै तद्देवा एतान्देवताम्। पशुम्भूतमेधायालभन्त। यज्ञमेव।
यज्ञेन यज्ञमयजन्त देवाः। कामप्रं यज्ञमकुर्वत। तैऽमृतत्वमकामयन्त।
तैऽमृतत्वमगच्छन्। योऽश्वमेधेन यजते। देवानामेवायनेनैति॥⁸¹॥

प्राजापत्येनैव यज्ञेन यजते कामप्रेण। अपुनर्मरमेव गच्छति। एतस्य वै रूपेण
पुरस्तात्प्राजापत्यमृषभं तूपरं बहुरूपमालभते। सर्वेभ्यः कामेभ्यः। सर्वस्यास्यै।
सर्वस्य जित्यै। सर्वमेव तेनाप्नोति। सर्वं जयति। योऽश्वमेधेन यजते। य उ
चैनमेवं वेद॥⁸²॥

मेधोऽभ्यव्यजत एति वेद॥

[22]

यो वा अश्वस्य मेध्यस्य लोमनी वेद। अश्वस्यैव मेध्यस्य लोमं लोमं जुहोति।
अहोरात्रे वा अश्वस्य मेध्यस्य लोमनी। यत्सायं प्रातर्जुहोति। अश्वस्यैव मेध्यस्य
लोमं लोमं जुहोति। एतदनुकृति ह स्म वै पुरा। अश्वस्य मेध्यस्य लोमं लोमं
जुहोति। यो वा अश्वस्य मेध्यस्य पदे वेद। अश्वस्यैव मेध्यस्य पदेपदे जुहोति।
दर्शपूर्णमासौ वा अश्वस्य मेध्यस्य पदे॥⁸³॥

यदर्शपूर्णमासौ यजते। अश्वस्यैव मेध्यस्य पदेपदे जुहोति। एतदनुकृति ह स्म वै
पुरा। अश्वस्य मेध्यस्य पदेपदे जुहोति। यो वा अश्वस्य मेध्यस्य विवर्तनं वेद।
अश्वस्यैव मेध्यस्य विवर्तनेविवर्तने जुहोति। असौ वा आदित्योऽश्वः। स
आहवनीयमागच्छति। तद्विवर्तते। यदग्निहोत्रं जुहोति। अश्वस्यैव मेध्यस्य
विवर्तनेविवर्तने जुहोति। एतदनुकृति ह स्म वै पुरा। अश्वस्य मेध्यस्य
विवर्तनेविवर्तने जुहोति॥⁸⁴॥

पदे अग्निहोत्रं जुहोति त्रीणि च॥

[23]

प्रजापतिस्तमष्टादशिभिः प्रजापतिरकामयतोभावस्मै युञ्जन्ति तेजसाऽपंप्राणा अपश्वीरूर्ध्वा प्रजापतिः प्रेणाऽनुं प्रथमेनं
प्रजापतिरकामयत महानैश्वदेवो वा अश्वोऽश्वस्य प्रजापतिस्तं यज्ञक्रतुभिरपश्वीर्ब्राह्मणौ सर्वेषु वारुणो यद्यश्वन्तदाहुरेष वै
विभूस्ताप्येणादित्याः प्रजापतिं पितरं यो वा अश्वस्य मेध्यस्य लोमनी त्रयोविंशतिः॥²³॥

प्रजापतिरस्मिँल्लोक उत्तरतः श्रियमेव प्रजापतिरकामयत महान्यत्प्रातः प्र वा एष एभ्यो लोकेभ्यः सर्वं ह वै तत्र पयः स्वद्य उ
चैनमेवं वेदं चत्वार्यशीतिः॥⁸⁴॥

प्रजापतिरश्वमेधं जुहोति॥

हरिः ॐ॥

॥ इति श्रीकृष्णयजुर्वेदीयतैत्तिरीयब्राह्मणे तृतीयाष्टके नवमः प्रपाठकः समाप्तः॥

